


《續修四庫全書》編纂委員會編

續修四庫全書



上海古籍出版社

五〇〇・史部・詔令奏議類

林文忠公政書三集三十七卷蒐遺一卷

〔清〕林則徐撰

一

王侍郎奏議十一卷

〔清〕王茂蔭撰

四一七

曾文正公奏稿三十六卷（卷一至卷八）

〔清〕曾國藩撰

五六五

2658/10

林文忠公
政書

本宅
藏板

林文忠公政書總目

東河奏稿一卷

江蘇奏稿八卷

湖廣奏稿五卷

使粵奏稿八卷

兩廣奏稿四卷

陝甘奏稿一卷

雲貴奏稿十卷

林文忠公政書
總目



補授河督謝

恩竝陳不諳河務下忱摺



奏為恭謝

天恩竝瀝陳不諳河務惶悚恐懼下忱仰祈

聖鑒事竊臣於十月十九日奉兩江督臣陶澍行知

准吏部咨欽奉

上諭河東河道總督員缺著林則徐補授即赴新任

毋庸來京請訓等因欽此臣謹即恭設香案望

闕叩頭虔謝

林文忠公政書

甲集

東河奏稿

一

天恩伏念臣以至愚極闇之資仰蒙

聖主鴻慈用至藩司由河南調任江甯甫經兩月正

恐未能稱職時切冰兢茲復渥荷

恩綸擢昇總河重任臣自顧何人疊膺

隆遇雖捐糜頂踵不足仰答

高深感激涕零莫能言狀惟思河工脩防要務關繫

運道民生最為重大河臣總攬全局籌度機宜

必須明曉工程胸有把握始能釐工剔弊化險

為平而道將應營皆得聽其調度非分司防守

之員事有稟承者可比臣先由翰林御史外擢

浙江杭嘉湖道本未經習河工迨道光二年奉

旨補授江南淮海道雖有兼河之責但自是年十二

月二十四日到任至次年正月初七日即已蒙

恩升授江蘇臬司計在任不及一月又值歲暮停工

之際不特河防形勢未及講求即土埽各工做

法亦未目觀至五年閒奉

旨赴高家堰催工為時約有數月而所見祇係砌石

所司祇係督催並未經手工程於河務仍屬闕

林文忠公政書

甲集

東河奏稿

二

隔今若驟膺總河重任既不明於形勢即不審

於機宜縱使趕緊研求已屬緩不及事且河工

尤以杜弊為亟必先周知其弊乃可嚴立其防

臣具有天良固不敢不認真稽察然能自矢不

欺之念終無不受人欺之明平時未曉工程難

瞞通工耳目若莅任之始措置有乖狡獪之徒

即皆生心嘗試况河工事務與地方不同地方

有利當興有害當除所見未真可待從容察看

縱一時一事受人朦蔽而挽回補救猶可徐圖

河工事多猝來計不旋踵苟胸無定見一事被
朦毫釐之差卽成千里之謬若以爲盡不可信
動輒駁飭則又恐是非顛倒緩急混淆設或猝
遇險工束手無策游移牽掣致失機宜彼時卽
將臣從重治罪在臣之一身固不足惜而糜
帑病民貽誤河防大計上何以對

君父下何以對生靈一念及此不勝股慄此臣所以

輾轉思維有必須量而後入不敢貿然從事者

古稱陳力就列又云學而後入政臣於地方政

務雖亦力所難勝究曾學習十年尙冀勉圖報

效若河工全未諳悉何以設施

聖明之前萬不敢有一毫欺飾與其將來貽悞莫若

據實懇陳伏乞

皇上格外垂慈

鑒其愚昧

俯允將河東河道總督一缺另

賜簡放以重河防此時幸在霜降水落之後前任河

臣嚴煨尙未離任仍可候

林文忠公政書 甲集 東河奏稿 三

旨遵行再臣先經督臣陶澍傳奉

諭旨總司江北賑撫事宜飭往災區周歷履勘臣遵

卽先赴附近省城各縣往來稽查仍聽候督臣

委員代理藩司事務旋經督撫臣

奏明飭俟鹽巡道葆謙提調文閣事竣將藩署事

件移交代印代行再往淮揚查勘等因臣於災

務事宜業經頒發章程正在移交出省茲江甯

藩司一缺已蒙

簡放有人臣無署中兼顧之事更可專心賑務藉以

林文忠公政書 甲集 東河奏稿 四

勉竭駑駘現仍欽遵前奉

諭旨周歷淮揚一帶查勘督辦斷不敢稍圖暇逸自

外

生成所有微臣感激悚懼下忱不揣冒昧謹據實具

奏叩謝

天恩伏乞

皇上聖鑒訓示臣無任戰慄屏營惶恐待

命之至謹

奏

接篆謝

恩摺

奏為恭報微臣接篆日期叩謝

天恩仰祈

聖鑒事竊臣恭荷

恩綸擢任東河河督當經具摺虔謝

天恩嗣由江南起程遵

旨即赴新任復經恭摺

奏報在案茲於山東途次接奉

林文忠公政書

甲集東河奏稿

五

硃批一切勉力為之務除河工積習統歸誠實方合

任用盡職之道朕有厚望於汝也慎勉毋忽欽此

又於夾片內奉

硃批當今外任官員清慎自矢者固有其人而官官

相護之惡習牢不可破此皆係自顧身家之輩因

循苟且尸祿保身甚屬可惡記曰官先事士先志

其可忽諸欽此臣跪讀之下仰見

皇上設誠務實澄敘官方

訓誡諄諄要在挽回積習臣雖愚昧具有天良每念

一介寒微渥被

聖明知遇苟志存溫飽念重身家是已失讀書致用

之本心更何以仰酬

君上是以臣受

恩愈重悚懼愈深夙夜捫衷惟矢此不敢欺之一念

任難勝而心務盡才未逮而守必嚴且近閱邸

抄伏讀

上諭各直省督撫宜潔已奉公尤須正色率下倘正

已而不能率屬則是形同木偶於地方有何裨益

林文忠公政書

甲集東河奏稿

六

等因欽此

聖諭煌煌至為明切况河工積習尤所熟聞將欲力

振因循首在破除情面臣惟有自持刻苦不避

怨嫌以防意者防川以糾心者糾吏務冀弊除

帑節工固瀾安以仰副

聖主委任提撕之至意現於十二月初七日行至鄒

縣地方准前任河臣嚴烺飭委署臣標中軍副

將穆奠邦運河同知朱長垣恭齋河東河道總

督關防移交前來該處距任所六十里臣即於

是日至署恭設香案望

闕叩頭恭謝

天恩祇領任事所有應辦一切事宜容臣查核案卷

悉心講求周歷履勘隨時

奏請

訓示遵行所有到任日期除恭疏

題報外理合繕摺具

奏伏乞

皇上聖鑒謹

林文忠公政書

甲集

東河奏稿
卷一

七

奏

驗催運河挑工竝赴黃河兩岸查料摺

奏為驗催運河挑工統計已完六分現仍督飭償

辦臣即赴黃河兩岸查料勘工恭摺奏祈

聖鑒事竊照東省運河挑工截至正月初六日已辦

三分有餘經臣於

奏報摺內聲明親往驗催旬餘以來周歷沿河工

次南至勝汎之十字河一帶北至汶上等汎塘

長各河挨次履勘凡已經挑完工段除出土外

其鑿鑿大塊堅冰纒紫山積詢之土人僉稱歷

林文忠公政書

甲集

東河奏稿
卷一

八

年河凍未見如今年之厚是以挑工之費力器

具之損傷亦較往年加至數倍臣目覩現挑之

處先須鑿起兩三層冰塊或將凍土打鬆然後

得施畚揭及至挑動之後不免滲水雖經隨挑

隨屏而隔夜即又凍結昨已節交雨水河冰尙

在堅凝其貼邊墊厓之積弊因土凍不能膠黏

已無所施其伎臣當將所挑寬深尺寸逐段丈

量驗其灰印誌椿均相符合尙無偷減情弊惟

沿堤出土之路漸被泥漿拋撒逐條凍積名曰

泥龍往往工段挑完而泥龍尙未除淨雖據各汛員弁稟稱向係全工完後一律起除但日積日多挑運更爲費事且一經春雨更恐沖入河心臣復嚴飭工員押令夫役凡挑完一段卽起淨一段泥龍其已挑未淨之處官差夫頭均先量予懲責竝因鉅嘉汛主簿督挑工內有稍偏於東岸之處雖量明丈尺無差竝非弊竇但不居中挑空側注一邊則靠西淺處誠恐日久積淤河身遂窄不可不防其漸現值僱工緊急之

林文忠公政書

甲集東河奏稿卷一

九

際臣先將該汛主簿徐恂摘去頂帶責令督夫加挑展寬丈尺務使一律均勻俟工竣時查驗如果協宜給還頂帶倘不如式立卽咨革示儆茲截至正月二十一日統計各汛挑有六分工程此後天氣融和施工自易爲力臣因黃河各廳購辦料物亟應親往查驗竝有督催土工勘辦春廂事宜均難延緩卽於拜摺後由濟起程前赴豫東黃河兩岸周歷履勘惟查歷屆驗料往返不過半月臣於河務未能諳悉必得將各

工形勢細加體察諮訪研求每到一工卽不敢忽略走過且思料物爲修防根本果皆堆垛結實防險當自裕如若查料之時稍任以虛作實以舊作新則冒項悞工卽無有甚於此者臣惟爲將就但歲添兩料共有七千餘垛之多逐一親查卽不免多需時日其運河未完挑工一時不及兼顧惟當責成運河道往來量驗竝督飭廳營汛聞妥速僱挑現在只餘四分工程自可依限全完不悞啟壩鋪水臣仍隨時密加稽察如有草率偷減卽行據實嚴參不敢稍有徇隱所有運河挑工已完分數竝臣現赴黃河查驗工料緣由理合恭摺具

林文忠公政書

甲集東河奏稿卷一

十

奏伏乞

皇上聖鑒謹

奏

查驗豫東各廳塚完竣摺

奏為豫東黃河各廳料物查驗完竣並將辦理未能盡善之廳員請

旨撤任責令翻堆賠補以杜弊混仰祈

聖鑒事竊臣於本年正月閒驗過運河挑工之後即

於二十二日由濟起程稽查黃河兩岸料物當經恭摺

奏蒙

聖鑒在案旋由北岸之曹考廳上堤查至上游黃沁

林文忠公政書

甲集 東河奏稿

十一

廳問渡而南循順東行復從歸河渡過北岸查

驗下游之曹河糧河二廳計時一月有餘業經

竣事竊思稽料為修防第一要件即為河工第

一弊端前次荷蒙

特派欽差查出虛鬆殘朽等弊降革示懲俾在工大

小官員咸知儆惕臣仰膺

簡任且疊蒙

訓示諄諄辦工雖尙未諳查料必先覈實到任以來

講求訪問因知堆料積弊更僕難終蓋料物應

貯於有工處所而河堤地段本不甚寬兵夫堡

房既經林立積土雜料又復紛紜穢稽每塚長

至六丈寬至一丈五尺占地已多故堤頂未能

盡堆惟頭一層在堤上者謂之門塚其餘則為

灘塚為底廠大抵門塚近在目前多屬完整灘

塚底廠即為掩藏之藪最易朦混其顯然架井

虛空朽黑霉爛者固無難一望而知更有理舊

翻新名曰併塚以新蓋舊名曰戴帽中填碎料

雜草以襯高寬旁插短節稽根以掩空洞若非

林文忠公政書

甲集 東河奏稿

十二

抽拔折視殊難悉其底裏臣周歷履勘總於每

塚夾檔之中逐一穿行量其高寬丈尺相其新

舊虛實有鬆即抽有疑即拆按塚以計束按束

以稱斤無一塚不量亦無一廳不拆兵夫居民

觀者如堵工員難以藏掩聞上年自奉

旨嚴飭之後各廳辦料皆尙認真此次所驗料塚除

上年舊料別畱抵辦不領錢糧外其新購之料

丈尺多有出額開有三五處長欠數寸臣先亦

疑其偷減及至折束稱斤仍無短少細查其故

始知塚夫堆塚每高至尺餘必須用木板四面打緊乃可加堆而稽料尾細根粗一板之敲有輕有重卽兩尾相接有緊有寬故有前面不足而後面有餘上截不足而下截有餘者均之無關於弊實惟一塚之中成色竟不能一律緣民間種植高粱種類本不齊一有黃色而鮮明者亦有似黝似紅而質性亦甚堅挺者是以前次部議章程總以適用爲斷以_臣所查南北兩岸十五廳之塚上南同知羅綬所辦最爲高大結

林文忠公政書 甲集 卷一 東河奏稿

三

實簇簇生新曹考睢甯商虞三廳次之餘亦大都如式惟蘭儀同知于卿保所辦料內拆至蔡家樓一處塚底有潮溼之料雖據稟稱係上冬雨雪之中趕買趕堆不及曬晾目下並未霉爛但此料晾乾之後卽恐斤重有差辦理殊爲未善若遽照不適工用之例革去頂帶又與實在霉爛短斤者無所區別如僅責令翻曬補足該員在任復恐易於掩飾據開歸道張坦具稟前來相應請

旨將蘭儀同知于卿保撤任免其革去頂帶卽責成接印之員逐塚拆晾如晾乾有所折耗仍著落于卿保賠補俟補完之後另行察看酌量補用至曹河糧河二廳料塚以層縱層橫逐排相間望之似乎架井而尺寸加大斤重仍復不差查係堆手粗疎尙非偷減弊混但究屬未盡合式應令拆改另堆該管兗沂道徐受荃先經查驗已據稟請翻堆卽飭該道督視驗報另行覆查核辦又商虞廳有稽料被燒一案已於另摺

林文忠公政書 甲集 卷一 東河奏稿

古

奏明辦理所有各廳麻斤積土亦已點驗如數土工次第礮築尙皆踴躍應俟大汛前完竣一律驗收大河水勢先於正月杪因積凌初化長水二三尺不等近已逐漸消落各工一律穩固所有春廂埽段飭據各道撙節估計均比上年有減無增_臣核定後已合照估廂修務使加壓穩實以防桃汛長水至運河挑工現亦將次完竣_臣查料畢後應先回濟督辦啟壩放水迎濟新漕各事宜仍須再至工次督防桃汛另行次第

奏報所有查竣豫東各廳料物情形理合恭摺具
奏再臣經過地方麥苗出土青葱已占豐稔堪以
仰慰

宸懷合併附陳伏乞

皇上聖鑒訓示謹

奏

林文忠公政書

甲集

東河奏稿
卷一

五

查勘商虞廳料垛被燒分別辦理摺

奏為豫省商虞廳料垛被燒已飭該廳賠補足數
並將防汛守廠各弁兵分別降革飭審務究起
火根由獲犯懲辦以儆惡習而重工儲恭摺

奏祈

聖鑒事竊臣來豫查料於二月初七日行至開歸道
屬之上南廳工次接據商虞通判沈賜恩稟稱
虞城上汛十六堡底廠存稽一百六十垛於二
月初二日三更時分忽報失火當即趕往撲救

林文忠公政書

甲集

東河奏稿
卷一

六

正值風大火急被燒五十六垛等情臣查河工
稽料莖束皆關

國帑理應嚴密防護不容稍有疎虞乃適值臣來
工驗料之時忽報失火恐因料物本未購足借
端捏飾尤覺情節可疑當即嚴批開歸道先飭
該廳勒限賠補務於臣到工以前趕補足數堆
貯候驗不得照依尋常例限寬俟一年賠完如
驗時短少虛鬆或查有捏情定即從重參辦去
後旋於二月十九日據稟賠補齊全臣行至該

廳逐塚丈量拆束過稱實係買補足數斤重無
差且成色均屬鮮明尺寸尤多出額臣當即親
至燒料處所履勘形迹該廠在南岸之南地居
底路本屬空曠不與民居相連四面挖有溝濠
前設柵門以時啟閉原足以資防範且經專派
記名外委兵丁韓松茂等三名在廠看守並按
舊章交付該汛分防外委張奇亮額外外委吳
相臨往來防護該廳營亦以時巡查如果管廠
弁兵慎守柵門不許閒人擅入何致有被燒之

林文忠公政書

甲集 卷一 東河奏稿

七

事是典守之責已不能辭且臣訪聞黃河兩岸
迤東一帶分隸河南歸德山東曹州匪類出沒
向有放火燒塚惡習疊經前河臣具

奏在案其放火之故或因偷料被拏或因他事挾
嫌竝有在廠之人監守自盜焚燒滅迹者又查
商虞廳購料向派河營弁兵分塚領買而春閒
料價比年前倍為昂貴奸猾之徒明知料塚被
燒例應廳員賠買更可擡價居奇是以燒塚之
案在督道將次臨工者十居八九乘急圖害獲

利倍多而稊稽本為燒烟之用見火即燃不比
燒屋燬棺尚須引火藥具迨至事過之後賊據
毫無更不似命盜案件尚有兇器原贓可以查
起比對所以破案愈難而此風愈熾在廳員則
以稟報無益而賠補難辭遂不免相率規避隱
忍匿報或燒多而賠少或借案以浮銷名雖虧
官實仍糜

帑是誠吏治河防風俗人心之大害堪為切齒者
也但一時放火正犯既無指證又未便操之過

林文忠公政書

甲集 卷一 東河奏稿

六

促致有妄拏惟防汛守廠各兵弁總難諉為不
知臣勘明之後即將守廠之記名外委兵丁韓
松茂李鳳舞殷朝臣拏交歸德府知府錢寶琛
嚴行審訊並將駐防該汛之額外外委吳相臨
斥革分防外委張奇亮先行降補額外外委同
被燒料塚內承買有分之記名外委兵丁袁秉
禮等十名一併發交該府提集質訊以期水落
石出仍移咨撫臣楊國楨嚴飭地方文武訪拏
放火正犯務獲懲辦以肅法紀而儆刁頑查處

分例載河工燒燬物料該管官有借端捏飾情弊者革職嚴審究追若巡查不力以致燒燬料物價在一千兩至五千兩者該管官降三級留任一年賠完開復限滿完不足數照所降之級調用等語此案商虞廳被燒料埭該管通判沈賜恩查無捏飾情弊已於半月之內賠完尙爲迅速似可仰懇

天恩免其交議至該營協備杜曰讓巡查不力按例亦應著賠惟該廳業已賠完似可免其再賠仍

林文忠公政書

甲集

東河奏稿

五

俟訊明所管弁兵有無知情縱火另行核辦所有勘明料埭被燒已飭賠補足數並分別飭審查拏緣由謹繕摺具

奏伏乞

皇上聖鑒訓示謹

奏

覆奏訪察碎石工程情形摺

奏爲遵

旨訪察東河碎石工程情形據實覆

奏仰祈

聖鑒事竊臣於上年十一月內在江南途次承准軍

機大臣字寄道光十一年十一月初二日奉

上諭本日嚴煥奏豫省上南中河曹考三廳險工酌

拋碎石一摺已明降諭旨准於豫省藩庫照數撥

發趕緊採運矣此項碎石工程起於南河道光七

林文忠公政書

甲集

東河奏稿

三

年九月開始據嚴煥奏蘭儀廳柴壩十八埭以上已將碎石蓋護化險爲平十八埭以下及下北十一堡廂修歲無虛日此後年復一年更恐危險堪虞現飭各道仿照柴壩碎石成案分別估辦以爲固工節費之計等語是年蘭儀下北兩廳當經降旨准行既用碎石拋護則歲料防險等項自應節省乃歷年以來碎石工程無歲無之而其採辦來年歲料及請撥防險銀兩並未節省絲毫究竟此項碎石工程是否於黃河有益如果有益何以歲

料竝不見節省徒添出碎石一項費用林則徐係
 朕特簡甫經到任無所用其迴護此時亦不必亟
 亟著明查暗訪悉心體察情形據實覆奏將此諭
 令知之欽此當經臣附片陳明俟到東河訪察情
 形再行覆奏在案自到任以來將碎石檔册逐
 一檢查從前豫東黃河本無拋護成案因道光
 元年前兩江督臣孫玉庭南河河臣黎世序會
 奏以碎石工程實資鞏固竝無流弊東河從前
 未拋碎石是以漫決頻仍請飭一體照辦即創
 林文忠公政書 甲集 卷一 三
 始之初多費數十萬金而日後工固濶安不惟
 節費實可利民等語旋奉
 諭旨勅令仿照兼辦二年春開前河臣嚴烺覆奏請
 於北岸黃沁廳馬營挑壩酌量試拋繼因河勢
 不定僅拋兩段而止迨五年閒調任河臣張井
 以南岸蘭儀廳柴壩工程險要議辦碎石兩次
 奏准拋護一萬四千八百餘方該處險工因成平
 穩迨後北岸之下北祥河曹考南岸之中河下
 南等廳先後仿照請辦經嚴烺節次

奏准各在案查此項動用錢糧除馬營壩拋試兩
 段不計外自道光五年至十一年已拋碎石共
 用銀六十五萬餘兩上冬估辦之上南等三廳
 方價七萬四千餘兩尙不在此數之內核之歷
 年採辦歲料及請撥防險銀兩均未減少誠如
 聖諭碎石工程如果有益何以歲料竝不見節省隨
 於兩次上堤周歷查訪竝詢之年老兵民咸謂
 未辦碎石以前誠不知其有濟與否既辦之後
 每遇險工緊急潰塌堤力加拋護即不至於
 林文忠公政書 甲集 卷一 三
 潰塌功效甚著等語臣於伏秋搶險雖未經歷
 而人言鑿鑿異口同聲因就埽前有石之處細
 加測量悉心揣度緣埽工勢成陡立溜行迅急
 每易淘深是以埽前之水輒至數丈而碎石斜
 分入水鋪作坦坡既以保護埽根竝可紓迴溜
 勢考工記所謂善防者水淫之似即此意也豫
 東河堤多係沙土不能專恃爲固堤單而護之
 以掃掃陡而護之以石總在迎溜最險之處始
 行估拋蓋東河採運碎石比南河遠近懸殊方

價倍徒難以多辦而其化險爲平類歲安瀾之效未嘗不資於此是碎石之於河工有益實可斷爲必然而非敢隨聲附和者也惟何以未能省料之故詰詢員弁兵夫或謂拋石本在埽前只能保埽段之外游而不能禁舊埽之不下墊故雖有石之埽仍不免擇要加廂惟較諸未經拋石之埽需料自然大減但統計兩岸堤上長至二十餘萬丈而堤前之有埽者不過六千八百餘丈埽前之有石者甫及二百七十餘丈

林文忠公政書

甲集 東河奏稿

三

豫東河面寬闊漚勢時有變遷此工閉而彼工生購料防險諸費卽難概省等語 臣核其所言似亦近理然思用料之節省與否天事居其半人事亦居其半譬如極險之工忽然淤閉平緩之處忽又生工每非恆情所能測度工生則料費工閉則料省此存乎天事也亦有出於人爲者如順堤廂埽費料實多惟漚到堤根卽不能不資以搶護而工非自閉亦不能不逐歲加廂若工員果悉機宜善揣漚勢則於工之將生未

生豫築挑壩使之漚向外趨埽卽可省蓋攔漚者埽而引漚者亦埽觀於埽前水深其故可想一壩得力可護數段之工則不須順堤廂埽而所省無算矣然若審勢未確挑護失宜壩守不住仍復退順堤廂埽則勞費更不啻什倍此又人事之難言者也總之有治人無治法在工人員果皆講明利弊自無枉費之工果皆激發天良自無妄開之費至料物貯於堤上督道常川往來注目留心不徇情面似亦無可藏掩伏讀

林文忠公政書

甲集 東河奏稿

三

皇上批 臣前摺有如此勤勞弊自絕矣作官皆當如是河工尤當如是之

諭仰見

聖明洞燭

訓勉至周 臣竊悚之餘永當服膺遵守大抵覈實查驗卽歲料與碎石並用未嘗無漸省之方如其不實則雖裁去碎石一項而他物稱是亦可藉端滋弊要在認真督察而已 臣仰奉諭旨明查暗訪不必亟亟謹於兩次巡工反覆推求

悉心體察據實繕摺覆

奏再查東省運河各廳臨湖堤工亦有兼用碎石之案由來已久歲銷錢糧無多合併陳明伏乞

皇上聖鑒謹

奏

林文忠公政書

甲集 東河奏稿 卷一

五

奏報到蘇接篆日期摺

奏為恭報微臣到蘇接篆日期叩謝

天恩仰祈

聖鑒事竊臣欽奉

恩命補授江蘇巡撫於五月二十五日交卸河東河督篆務即行起程來蘇當經恭摺奏

聞在案茲於六月初八日行至蘇州准護撫臣梁章

鉅飭委揚州府知府黃在厚臣標中軍參將吉

祥保恭齋江蘇巡撫關防暨

林文忠公政書

甲集 江蘇奏稿 卷一

一

王命旗牌書籍文卷移交前來臣即於是日恭設香案望

闕叩頭祇領任事伏念臣才識庸愚前荷

聖恩曾任江蘇藩臬刑名錢穀職在分司倘恐未能

周妥今蒙

簡畀封圻重任刑錢皆所統司報稱愈難悚惶愈切

竊思刑錢本相為表裏而江蘇刑錢事件其勢

每至於相妨蓋一省設兩藩司錢穀最為繁重

而漕務痼疾已深尤難逃

聖明洞鑒若概繩之以法則不獨州縣之浮勒旗丁
之刁難胥吏之侵漁秀民之挾制均爲法所不
宥卽凡漕船經由處所與一切干涉漕政衙門
在在皆有把持幾於無一可恕所最堪憐憫者
獨此小戶之良民耳乃至極做之餘大戶之包
抗日多而小戶之良民日少昔所謂利藪今變
爲漏卮贏餘半屬虛名挪墊轉貽隱患正恐漕
額愈大之州縣倉庫愈不完善其致弊之故人
人能言而救弊之方人人束手因循則伊於胡

林文忠公政書

甲集 江蘇奏稿 卷一

二

底懲創則立見誤公是刑名之難實因錢穀之
繁而滋甚也臣身膺重任總當極力挽回斷不
敢稍存畏難之見前次謝

恩摺內欽奉

硃批知人難得人尤難汝當知朕之苦衷一切勉力
而行毋負委任朕有厚望焉欽此臣再三跪誦感
極涕零自揣具有天良宜何如殫竭血誠上副
鴻慈委任惟有持清勤以端其本慎張弛以善其施
整頓錢漕先懲已甚清釐倉庫尤貴截流當執

法者不敢以姑息啟玩心當設法者不敢以拘
牽礙全局且值災荒之後元氣未復正須培養
拊循自不宜求治過急致涉孟浪一切地方公
事與督臣和衷商推設誠致行使刑錢不致相
妨而適相爲用庶幾積疲漸振治效漸臻以答
高厚生成於萬一至臣入境以後察看民情均甚安
帖二麥收成中稔雖上年被水之處種植不多
而客販雲集加以採買平糶源源接濟市價已
見平減日來連得雨澤農田正在插秧惟因上

林文忠公政書

甲集 江蘇奏稿 卷一

三

游時疫流行江淮亦被傳染臣在途次會晤督
臣陶澍知已廣施方藥救濟頗多現在督飭各
屬清理羈縲存恤老疾勤修職業以召時和祈
禳兼行以祛疹癘冀副我

聖主懷保如傷之至意所有

微臣

接篆日期除恭疏

題報外理合繕摺具

奏伏乞

皇上聖鑒謹

奏

請定鄉試同考官校閱章程並預防士子勦襲諸弊摺

奏為鄉試屆期請定同考官校閱章程並預防士子勦襲雷同之弊恭摺

奏祈

聖鑒事竊 臣 欽奉

上諭本年壬辰科江南鄉試著派林則徐入闈監臨欽此 臣 到蘇接篆已近闈期當即遵照科場條例

將監臨應辦事宜預為布置伏查本年四月內

林文忠公政書 甲集 江蘇奏稿 卷一

四

欽奉

上諭三載賓興為掄才大典各直省主試經朕特加簡任宜何如滌慮洗心認真校閱務求為國得人順天同考官及會試同考官俱係翰詹科道部屬該員等甲第本高又經朕親加校試倘無荒謬之人充選所以得人較盛各直省同考官則年老舉人居多勢不能振作精神悉心閱卷即有近科進士亦不免經手簿書錢穀文理日就荒蕪各省督撫雖照例考試簾官仍恐視為具文全恃主試搜

閱落卷庶可嚴去取而拔真才嗣後各直省督撫務將簾官認真考校不得以年老荒謬之員濫行充數等因欽此又上年十月內欽奉

上諭著各直省督撫將書肆小本板片概行銷燬其貢院左右如有公然售賣小本文策者枷責嚴辦倘士子倘有不知檢束懷挾微倖者即著斥革其恃眾逞強不服約束者枷號示眾治以應得之咎士子中式後除策學援引經史語句相同毋庸議外其四書經文有全篇勦襲舊文者一經磨勘官林文忠公政書 甲集 江蘇奏稿 卷一 五 簽出立即斥革務期永絕此弊以端士習等因欽此仰見我

皇王慎重掄才清釐積弊之至意竊查江南為人文淵數入闈士子多至一萬四五千額設同考官十八房每房約須校閱八百餘卷稍有草率即恐遺濫交譏 臣 聞近科房官每有爭先薦卷之弊以為薦早則獲雋者多薦遲則中額已滿難於入彀故於頭場分卷到手輒將首藝中幅略觀大概謂之望氣其合意者彙為一束以備

加圈呈薦稍不稱意卽置落卷之列不爲下筆原其初心仍欲俟佳卷薦完再將落卷覆加細看以決去取乃頭場薦卷未畢而二三場試卷已陸續送入內簾因又趕覓已薦之字號連經文策問一併加圈亟隨頭場呈薦蓋恐別房之薦卷三場均已齊全而該房僅有頭場不能早供考官比較則所中卽不及別房之多是以相率效尤總以趕早薦完爲分房之捷訣直至三場薦卷俱已畢事然後將先前略觀大意之落

林文忠公政書

甲集

江蘇奏稿

六

卷批點塞責彼時中卷已定意與闕珊縱或見爲佳文亦諉諸其人之命於是悞分段落者有之悞讀破句者有之並有文非荒謬僅點首藝開講數句而卽擯棄者其批駁之詞不曰欠精警卽曰少出色此等批語竟可豫先書就不論何等文字皆得以此貶之似此校閱情形定棄取於俄頃之間判升沈於恍惚之際誠如聖諭迴思未第之先與多士何異乃於落卷漠不關情設身處地於心何忍臣前任京職曾充鄉試

考官二次會試同考官一次自揣學疎識淺惟有細心勤閱庶少屈抑人才歷在闈中刊刻批語板片刷成批紙分別首藝次藝三藝及詩凡頭場四篇逐篇皆有批語被黜之卷必將如何疵累之處分篇批出自錄底本不使有一篇批語相同者此次臣職任監臨除考試簾官必擇文理優長精神振作之員不敢以年老荒庸濫行充數外竊擬將臣逐篇分批之章程責令該簾官循照辦理除二三場批語不拘外首場四

林文忠公政書

甲集

江蘇奏稿

七

篇必使逐一批出凡泛而不切字樣如欠精警少出色之類概不許用蓋三藝統批往往藉口賅括轉不切當逐篇分批則於此一篇之得失利病非了然於心不能了然於口該簾官受此繩束不敢草率了事於衡才似有裨益至揭曉之後臣仍將落卷復加查核如首場文藝非有大疵僅點數行而止者據實參奏予以處分尤足以儆惰心而免物議惟思首場三文一詩每卷約有二千餘字如果認真校閱則窮日之力

只能以四十本為度每房卷帙八百餘本約須兼旬始可了一首場查例載大省於九月十五日內揭曉不得匆促償辦等語近科揭曉之期往往趕早此次欽遵新奉

諭旨主考官須將落卷全行校閱江南卷帙最繁則揭曉之期自應照例以九月十五日為斷如臨時尙虞匆促或再仰懇

聖恩寬展數日總不出九月中旬之期庶主考官均得悉心細閱真才自不致有遺矣至士子敦

林文忠公政書 甲集 江蘇奏稿 卷一

八

品自愛者固多而希圖倖獲者亦復不少科場搜檢自當從嚴惟人數至一萬數千之多難保全無遺漏且往往因搜檢而愈形擁擠因擁擠而不免稽遲查嘉慶癸酉科江南鄉試因首場封門太遲奏請議處是於認真搜檢之中又須不悞日時方為得體 臣查夾帶之弊約有三端一則專帶文中典故以及經解策料雖有所取資而尙須運用一則坊刻小木成文之類明知不可抄襲只圖採掇成篇一則分倩多人將四

書題文全行製就攜帶入場見題卽抄不費思索聞近科以此倖獲者頗不乏人是以平時言館地者教讀之外別有作文席面每撰一篇自二三百文至洋錢一圓不等文名愈著之士攬

作愈多則眾人爭託其名以售文藝大半脫胎錄舊竝非獨出心裁而一篇或售賣兩家一稿又傳抄數手如斯之類必犯雷同但簾官眼力不齊雷同者未必均在一房故有通篇一樣之文此中而彼黜者 臣前在江西典試取中之文

林文忠公政書 甲集 江蘇奏稿 卷一

九

已經發刻及搜閱落卷竟查出許多雷同將已刻者復經黜去雖彼時未被倖獲而事後無所示懲究恐不知自愛之徒仍存僥倖萬一之想查錄舊倖中例有斥革之條但闈墨祇刻前魁其通榜中式之文榜後卽已解部未必人人得見卽聞有錄舊雷同之卷而事無左證孰肯壞其已成之名是以勦襲倖售仍無忌憚惟於場內閱卷之際對出雷同卽記檔冊於撤闈後加以懲儆庶可杜其惡習且本科欽遵

諭旨將落卷通行校閱雷同勦襲者更無所逃臣請

移行主考簾官記其字號揭曉之後移臣查辦

除策學援引語句毋庸議外其四書經文雷同

至三行以上者正途貢監生員照考案事例以

次降等罰令對讀若係俊秀監生以後不許應

試至全篇雷同勦襲者毋論正途俊秀概行斥

革永不准考如此則士子皆有畏憚之心不敢

錄舊而倩人作文者恐其無益有害則懷挾之

弊似可立除而真才愈以輩出矣臣職在監臨

林文忠公政書江蘇奏稿 十

意存杜弊不揣冒昧敬陳管見是否可行伏乞

皇上聖鑒訓示謹

奏

附奏資送流民片

再本年淮揚一帶因洪湖盛漲啟壩減水下河

各屬低窪之處多有被淹幸早種二禾先已收

穫晚禾亦多搶割閭閻餬口尙屬有資雖續經

桃南決口各壩堵閉稍遲減水倒漾淹浸日久

然較之上年馬棚灣漫口全無收成者情形迥

異惟是該處民人因上年被災出外經治途州

縣畱養調恤轉獲餘資遂以逃荒爲得計此次

仍藉避水爲名結隊四出竟有衣履整齊面無

林文忠公政書江蘇奏稿 十二

菜色者亦廁其中且有積慣災頭迫脅多人冒

荒漁利節經臣等札飭各屬曉諭農民以各壩

陸續興堵積水漸消田畝自可涸復正宜回籍

補種二麥以期無悞春收且該處糧價已平無

虞艱食而錢糧又經

奏緩更免追呼何得輕去其鄉轉荒農業其查係

實在貧乏者臣等率屬捐資酌給口糧飭雇船

隻分投遣送務令到籍安農惟先赴他省之民

或依親覓故或隨地傭工其去處並無一定猶

恐狃於積習不即遊歸現飭各州縣分別關移
勸諭回籍沿途量為資遣如有本非災民希圖
漁利或被災頭迫脅從行者即將災頭嚴究懲
辦附和之民驅逐回籍不准再有逗遛現在水
陸地方均稱安靜仍飭淮揚府縣隨時察看如
有田畝涸出過遲不及播種或蓋藏已罄種植
無資民力實形拮据者再行恭懇

天恩借給籽種口糧俾資接濟謹將現在查辦緣由

先行附片陳明伏祈

林文忠公政書

甲集

江蘇奏稿 卷一

三

聖鑒謹

奏

密陳司道府考語摺

奏為密陳藩臬道府考語仰祈

聖鑒事竊照司道暨知府各員賢否例應於年終出

具切實考語密

奏一次臣仰蒙

畀任封圻察吏是其專責如有庸劣不職之員即應

隨時參劾原不必俟及年終若同在循職之中

而才具互有短長器識各有深淺非時刻留心

察看未易周知查上司所以考察屬員者非於

林文忠公政書

甲集

江蘇奏稿 卷一

三

公牘中觀其事理即於接見時詢以語言然各

屬稟謁之時誰不能揶揄地方一二情形以備

應對即公牘事件有實在自費心力者有專任

幕友吏胥者但就皮面觀之鮮不被其掩飾臣

竊謂察吏莫先於自察必將各屬大小政務逐

一求盡於心然後能舉以驗屬員之盡心與否

蓋徇人者浮任已者實凡事之未經悉心籌畫

者縱能言其梗概而以就中曲折反覆推究即

粉飾之伎立窮若上司之心先未貫徹於此事

之始終又何從察其情偽則表率甚不易言也
臣聞昧無能惟恃此不敢不盡之心事事與屬
員求其實際半載以來隨時考察雖不敢謂灼
見無遺而司道府之立心行事人品官聲尙可
陳其梗概除揚州徐州二府甫經請補尙未到
任未便註考外其餘各員謹就 臣管見所及出
具切實考語手繕清單恭呈

御覽伏乞

皇上聖鑒謹

林文忠公政書

甲集

江蘇奏稿
卷一

丙

奏

會奏查議銀昂錢賤除弊便民事宜摺

奏爲遵

旨體察銀錢貴賤情形酌籌便民除弊事宜恭摺覆
奏仰祈

聖鑒事竊 臣等承准軍機大臣字寄欽奉

上諭據給事中孫蘭枝奏江浙兩省錢賤銀昂商民
交困並臚陳受弊除弊各款一摺著陶澍等悉心
籌議體察情形務當力除積弊平價便民不得視
爲具文致有名無實原摺著鈔給閱看等因欽此

林文忠公政書

甲集

江蘇奏稿
卷一

五

當卽恭錄轉行江蘇藩臬各司分別移行確查
妥議去後茲據江甯藩司趙盛奎蘇州藩司陳
鑾臬司額騰伊體察情形會議詳覆前來 臣等
伏查給事中孫蘭枝所奏地丁漕糧鹽課關稅
及民間買賣皆因錢賤銀昂以致商民交困自
係確有所見因而議及禁私鑄收小錢定洋錢
之價期於掃除積弊阜裕財源惟是銀錢貴在
流通而各處情形不同時價亦非一定若不詳
加體察欲使銀價驟平誠恐法有難行轉滋窒

礙卽如洋錢一項江蘇商賈輻輳行使最多民間每洋錢一枚大概可作漕平紋銀七錢三分當價昂之時並有作至七錢六七分以上者夫以色低平短之洋錢而其價浮於足紋之上誠爲輕重倒置該給事中奏稱以內地足色紋銀盡變爲外洋低色銀錢洵屬見遠之論無如閩閩市肆久已通行長落聽其自然恬不爲怪一旦勒令平價則凡生意營運之人先以貴價收入洋錢者皆令以賤價出之每洋錢一枚折耗

林文忠公政書

甲集

江蘇奏稿 卷一

七

百數十文合計千枚卽折耗百數十文恐民間生計因而日絀非窮蹙停閉卽抗拒不行仍屬於公無裨且有備趁工人積至累月經年始將工資易得洋錢數枚存貯待用一旦價值虧折貧民見小尤恐情有難堪等詢諸年老商民僉謂百年以前洋錢尙未盛行則抑價可也卽厲禁亦可也自粵販愈通愈廣民間用洋錢之處轉比用銀爲多其勢斷難驟遏蓋民情圖省圖便尋常交接應用銀一兩者易而用洋錢

一枚自覺節省而且無須彈兌又便取攜是以不脛而走價雖浮而人樂用此係實在情形或云欲抑洋錢莫如官局先鑄銀錢每一枚以紋銀五錢爲準輪廓肉好悉照制錢之式一面用清文鑄其局名一面用漢文鑄道光通寶四字暫將官局銅錢停卯改鑄此錢其經費比鑄銅錢省至什倍先於兵餉搭放使民間流通使用卽照紋銀時價兌換而藩庫之耗羨雜款亦準

林文忠公政書

甲集

江蘇奏稿 卷一

七

傾成小鏹者不甚參差庫中收放並無失體蓋推廣制錢之式以爲銀錢期於便民利用並非仿洋錢而爲之也且洋錢一枚卽抑價亦係六錢五分如局鑄銀錢重只五錢比之洋錢更爲節省初行之時洋錢並不必禁俟試行數月察看民間樂用此錢再爲斟酌定制似此逐漸改移不致遽形虧折等語等察聽此言似屬有理然錢法攸關理宜上出聖裁非下所敢輕議故商民雖有此論等不敢

據以請行惟自洋錢通用以來內地之紋銀日耗此時抑價固多窒礙究宜設法以截其流祇得於聽從民便之中稍示限制嗣後商民日用洋錢其易錢多寡之數雖不必官爲定價致涉紛更而成色之高低戲平之輕重應合悉照紋銀爲準不得以色低平短之洋錢反浮於足紋之上如此則洋錢與紋銀價值尙不致過於軒輊而其捶爛剪碎者尤不敢輾轉流行或亦截流之一道也至原奏稱鴉片煙由洋進口潛易

林文忠公政書

甲集

江蘇奏稿

六

內地紋銀此尤大弊之源較之以洋錢易紋銀其害愈烈蓋洋錢雖有折耗尙不至成色全虧而鴉片以土易銀直可謂之謀財害命如該給事中所奏每年出洋銀數百萬兩積而計之尙可問乎臣等查江南地本繁華販賣買食鴉片煙之人原皆不少節經嚴切查拏隨案懲辦近日竝無私種罌粟花作漿熬膏之人蓋罌粟之產於地非且夕可成因新例有私種罌粟卽將田地入官之條若奸民在地上種植難瞞往來

耳目一經告發究辦財產兩空故此法一立卽可杜絕且以兩害相較卽使內地有人私種其所賣之銀仍在內地究與出洋者有閒無如莠民之嗜好愈結愈深以臣所聞內地之所謂葵漿等種者不甚行銷而必以來自外洋方爲適口故自鴉片盛行之後外洋並不必以洋錢易紋銀而直以此物爲奇貨其爲厲於

國計民生尤堪髮指臣等隨時認真訪察力掣嚴懲誠恐流毒旣深此掣彼竄或於大海外洋卽

林文忠公政書

甲集

江蘇奏稿

五

已句串各處奸商分路潛銷以致未能淨盡又密飭沿海關津營縣於洋船未經進口之前嚴加巡邏務絕其源再於進口之時實力稽查夾帶如有偷漏縱越或經別處發覺卽將牟利之奸商得規之兵役一併追究加倍重懲以期令在必行法無虛立庶可杜根株而除大害至紋銀出洋自應申明例禁查戶部則例內載洋商將銀兩私運夷船出洋者照例治罪等語而刑部律例內祇有黃金銅鐵銅錢出洋治罪之條

竝無銀兩出洋作何治罪明文恐無以懾奸商之志近年以來銀價之貴州縣最受其虧而銀商因緣為奸每於錢糧緊迫之時倍擡高價州縣虧空之由與鹽務之積疲關稅之短絀均未必不由於此要皆偷漏出洋之弊有以致之也如蒙

勅部明定例禁頒發通行有以紋銀出洋者執法嚴辦庶奸商亦知儆畏不敢公然透越矣又該給事中原奏私鑄宜清其源一條查蘇省寶蘇局

林文忠公政書

甲集 江蘇奏稿 卷一

三

鼓鑄錢文道光六年至九年因銀貴錢賤先後奏準停鑄嗣於道光十年起復行開爐每年額鑄七卯照依部頒錢樣如式鼓鑄開卯之時俱經該局監督率同協理委員常川駐局稽查每屆收卯由藩臬兩司親往查驗所鑄錢文均屬堅實純淨竝無剋扣攙和及於正卯之外另鑄小錢情弊惟奸民私鑄小錢最為錢法之害久經嚴行查禁而私販一層尙難保其必無臣等通飭各屬隨時隨處密訪嚴查一經挈獲卽行

從重究治如有地保朋比胥役分肥竝卽按律懲辦第鋪戶畱匿小錢亦所不免若委員挨戶搜索誠如該給事中所奏非特勢所不行抑且遂其訛詐騷擾之習查蘇省嘉慶十四二十二等年均經奉

旨設局收繳小錢官為給價每小錢一斤給制錢六十

文鉛錢一斤給制錢二十文歷經遵辦在案該給事中所奏令各鋪戶將小錢繳局原係申明舊例惟收繳必以斤計則凡不及一斤者未必

林文忠公政書

甲集 江蘇奏稿 卷一

三

不私自行使伏查定例各省鑄錢每一文重二錢二分計每千文重七斤八兩今收小錢一斤例給價六十文約計以小錢二文抵大錢一文其收鉛錢一斤例給價二十文約計以鉛錢三文抵大錢一文如照此數宣諸令甲令民間隨時收買仍俟收有成數捶碎繳官照例給價則市上賣物之人必不許買物者之以一小錢抵一大錢彼私鑄者原冀以小混大以一抵一方

則本利俱虧雖至愚不肯犯法爲之加以查掣
嚴密自可漸期淨盡其寬永錢雖有攙使尙不
甚多消除較易自當隨時查禁不任稍有混淆
臣等謹就見聞所及斟酌籌議是否有當恭候
聖裁謹合詞繕摺覆

奏伏祈

皇上聖鑒謹

奏

林文忠公政書

甲集

江蘇奏稿
卷一

三

驛站餘賸銀兩展限提解片

再江蘇錢漕之重款項之繁皆數倍於他省終
年提解本無一息之停惟其中有緩有急有舊
有新積重多年勢不能一齊清楚與其漫無區
別徒令剝肉補瘡莫如專嚴於提新而漸責其
補舊尙足以收實效誠以每年辦漕之後最要
者莫若奏銷溯查蘇藩司屬歷屆奏銷未有以
全完具報者總緣銀數繁多催徵非易此次臣
督同藩司陳燮逐卯嚴提按照定限辦理十二

林文忠公政書

甲集

江蘇奏稿
卷二

一

年分奏銷錢糧據報業已全完甫見年清年款
即江藩司屬此屆未完之數亦僅六釐視歷屆
皆屬有盈無絀容即覈明比較另行奏

聞以臣愚昧之見果使新款皆能全解是州縣已無
新虧既無新虧則舊欠可漸冀彌補且款項所
由來亦須究其底裏如驛站餘賸一款名雖餘
賸實卽捐賠蓋驛站報銷皆有一定例價卽如
餵養一項定例每馬一匹日銷草料銀六分以
常年市價覈之非加添一倍斷不足以敷餵養

况近年歷遇歉收草豆昂貴較諸例銷之價奚啻三倍此係實在情形無從捏飾北方驛站草料尙或派買於民南方以賦重之故一切不由民間支應官買之價轉比民買更昂且江南各驛站上下里數相去甚遙道路綿長兼多沿河圩埂一遇急遞往來兵差要務隨到隨馳不能不添設腰站因而每棚額馬不敷濟用歷須寬備數十匹以期無悞傳郵卽如蘇城之姑蘇驛爲四通八達最繁驛分而額馬只有六十四年

林文忠公政書

甲集

江蘇奏稿

二

例准倒四成每年應買馬二十四匹實不敷用查道光十二年姑蘇驛請票赴北口購馬載明五十四匹此卽加倍買馬之明證且每匹部價一十三兩九錢七分而北口購價實不止於加倍加以夫工飯食等項在在均須添貼該州縣報銷驛站銀兩只許遵照例價覈計造報凡例不准銷者卽名爲餘賸之款應行解司報撥其實卽將額徵銀兩全許坐支尙恐未必敷用况州縣解款繁多不能不先其所急此項餘賸銀兩

歷任積欠遇有交代未有現銀移交卽以墊完民欠漕尾列抵緣漕米數繁限迫當重運兌開之時顆粒不容短少而花戶不能如期全納州縣必須買米墊交及至漕船開後米未徵完遇有交卸卽將未徵之漕申抵應解之現銀此等先墊後徵原非正辦然漕務疲累已極年復一年惟恐轉輸貽悞似此墊辦之州縣尙屬急公較諸坐視悞漕者奚啻霄壤迨交代時將未徵糧申實欠在民者交與後任接徵畱抵解款雖

林文忠公政書

甲集

江蘇奏稿

三

非定例所許而其勢不得不然今若先行禁止漕尾則墊漕者相率引以爲戒不敢墊完交幫而地方積歉之餘卽峻法嚴刑亦不能使之全納是悞漕之害滋大總之江蘇自道光三年水災之後歷年疊遇歲荒民力之拮据久荷聖明洞鑒刻下雨暘應候稻田極覺青蔥尤祝此兩月內不起風潮江湖皆無異漲圩田不破各壩不開則秋成可期大稔仰賴皇上洪福自今以往連歲豐登斯漕尾漸可徵收卽

款項皆可補解官民各無掣肘而倉庫亦就清
釐矣臣荷蒙

昇任封圻稽覈錢糧是其專責總期得臻實效不敢
徒應虛文謹將辦理情形據實附陳伏祈

聖鑒謹

奏

林文忠公政書

甲集

江蘇奏稿
卷二

四

新漲沙洲承買報部有案請仍准買執業摺

奏為查明新漲沙洲例前承買報部有案之民業

竝書院善堂公產仍請准買執業仰祈

聖鑒事竊照江蘇省新漲沙洲原係例準民間繳價

承買執業前因爭占滋訟經督臣陶澍在巡撫

任內

奏定章程召佃收租以充水利經費於道光八年

十一月內准部議覆通行嗣緣新例以前民間

先有投買之案又經

林文忠公政書

甲集

江蘇奏稿
卷二

五

奏明凡民業沙地在新例以前報部有案者准其

承買其餘例前未經報部及例後詳報各案均

一律歸公其中有書院善堂等請買沙洲作為

公產如例前未經定案亦應發還原價等因於

道光九年九月奉到

硃批依議戶部知道欽此當經由司查明書院善堂

公產及民業應準承買各案沙洲逐一造冊詳

咨旋准部覆以例前未將冊結專咨駁飭歸公

當又飭據藩司查明原

奏內竝無冊結專咨字樣卽如冊造江甯縣鳳林洲南匯縣牧馬廠地公產民業承買冊結均在
新例之後專咨業經奉部覆准已有成案可循
聲敘覆准年月抄錄原案明晰登覆仍未奉部
覆准而各處承買之戶多已繳價在先據各屬
紛紛具詳請照原

奏成案循舊准買均經行司查明詳辦去後茲據

江甯藩司趙盛奎蘇州藩司陳鑾會詳稱各屬

報買沙洲自應分別新例前後劃清界限俾有

林文忠公政書

甲集

江蘇奏稿

六

區別所有例前報部應行歸公沙地現在委員
分赴各屬查丈召佃收租其前次咨部冊造應
行准買之例前報部有案民業竝已經定案公
產細加確覈實與原

奏相符且與奉部准買之江甯縣鳳林洲南匯縣

牧馬廠地事同一律仍應准買執業等情請

奏前來 臣查書院所以養士育材善堂專爲恤災

保赤皆屬地方要務實與水利農田相爲表裏

而經費所需每多絀乏各紳士等於例前承買

沙洲以資公用久經批准繳價執業卽屬定案
若又退價另召必致經費不敷有妨善舉其例
前報部有案民業應準承買之地內有已經繳
價分別造入部冊撥用卽屬報部有案今若一

概退價歸公不准承買不獨應須籌撥價銀且

自道光八年新例以前漲出之地歷年已久小

民備本開墾或因無力輾轉售賣業戶衆多其

中賴此度活窮民亦復不少一旦剔出歸公勒

追退業頓失衣食之源家口嗷嗷毫無依賴殊

林文忠公政書

甲集

江蘇奏稿

七

堪憫惻惟有仰乞

聖恩俯准將前次冊造咨部各案公產民業凡在道

光八年新例以前者遵照

奏案一律準買執業俾各項善舉經費有資不致

坐廢更免小民流離失業其餘冊外未經報部

沙洲概行歸公不得援以爲例以示限制而杜

效尤除將前次冊造應准承買各案開單咨明

戶部外謹會同兩江總督 臣陶澍合詞恭摺具

奏伏乞

皇上聖鑒訓示謹

奏

林文忠公政書

甲集

江蘇奏稿
卷二

八

上元江甯等六縣沿江地方被淹請撫恤摺

奏為查明上元等六縣沿江地方被水較重仰懇

天恩量予撫恤恭摺奏祈

聖鑒事竊照江蘇省本年夏間雨水較多江揚淮徐

等屬疊沛滂沱低窪之區積潦未能消退加以

上游黔蜀兩湖江西安徽之水併力東趨來源

過旺江潮疊經盛發沿江之上元江甯句容江

浦六合江都儀徵丹徒等縣潮汐泛漲多被沖

破圩圍漫過隄埂在田禾稻正在揚花頓遭淹

林文忠公政書

甲集

江蘇奏稿
卷二

九

浸業經臣林則徐於七月分雨水糧價摺內

奏陳大概情形一面飭司委員分投勘辦在案旋

查八月初三四兩日雨大風狂連宵達旦各屬

同日具報者十之七八而江潮正當大汛經此

風浪沖擊圩岸愈不能保護茲據上元縣稟報

該縣北鄉沿江各圩潮水沖潰田禾先已被淹

其東南鄉沿河一帶圩田前被河水灌注情形

尙輕復值江潮加漲淹沒殆盡民情困苦又據

江甯縣稟報西鄉圩田均係貼近大江前已被

淹七月中旬以後連遭大雨江水盛漲附近江
圩之處一片汪洋又東鄉貼近秦淮河之鳳東
等區因河水通江江水加漲擁入河內水不能
下流倒漾散漫田禾均遭淹沒又據句容縣稟
報北鄉地處低窪自六月以來潮水泛溢浸及
低田八月初三四等日風雨連綿江潮湧前
此未破之圩水浸日久堤腳已鬆更值風潮盪
激遂致潰決或因圩身塌燹過水人力難施田
禾漂沒間有廬舍倒塌棲止失所尤堪憫惻又

林文忠公政書

甲集

江蘇奏稿
卷二

十

據江浦縣稟報低田圩岸先被江潮沖缺禾苗
俱在水中房屋多有坍塌洲地蘆葦被水漫淹
梗葉腐爛迨七月二十五六等日潮水加長地
勢略高之腹內各圩亦被漫破又據儀徵縣稟
報東鄉沿江一帶外圩田畝前因風潮陡發於
六月十三等日先後被淹八月初一二日來源
湧急水勢更大兼值初三日大汛之期風雨晝
夜不息江水泛溢復將西鄉接壤六合之內圩
田畝及南鄉未淹裏圩俱經淹浸又據丹徒縣

稟報七月初一二三等日大汛期內東風大作
初四五等日風雨交加山水下注以致江潮陡
長沿江低窪田廬同時均有淹漫七月二十八
九及八月初一二三等日霖雨東風連宵達旦
兼之江北各路水勢驟注潮汐更大圩岸沖殘
各裁民蓬棲露宿口食維艱各等情先後稟請
撫恤竝據江甯藩司趙盛奎蘇州藩司陳鑿查
明屬實所需撫恤銀兩江屬即由司庫地丁正
項銀內動撥蘇屬在於道光十三年秋撥款內

林文忠公政書

甲集

江蘇奏稿
卷二

十一

動支委員齎往各處隨查隨放趕緊辦理等情
詳請具
奏前來 等伏查濱江各縣疊遭盛漲雖水勢由
漸而至居民遷移高阜人口尙無損傷但田廬
淹沒棲食無資情形較重連日天已暢晴潮仍
未退民間積淹日久困苦倍形若俟勘定裁分
再請接濟實屬緩不濟急自應先行撫恤俾免
流離失所除一面飭司動放銀兩責成該府督
率印委各員周歷確查即行散給外相應恭懇

聖恩俯准將上元江甯句容江浦儀徵丹徒六縣沿
江被淹各鄉先行撫恤一月折色口糧以資接
濟至六合縣被水之處已據該縣稟報察看民情
理其江都縣被淹各處據該縣稟報察看民情
目前尙可支持應請無庸撫恤惟毘連丹徒之
廬田被淹較早民情拮据已由縣捐廉接濟此
外高涇溧水二縣因江漲灌湖亦有泛溢又淮
揚一帶濱臨湖河各州縣因洪水勢日增將
車邏南關及五里中壩次第折除以資宣洩壩
林文忠公政書 甲集 江蘇奏稿 三
下田畝難免被淹幸早稻業已全收中稻亦可
搶割其晚稻是否可以保護尙須隨時察看至
徐海各屬積雨數旬低窪間有積水節節飭令
設法疏消冀於秋收不致大損現在委員查勘
俟覆到覈明如尙有應須撫恤之處亦卽酌辦
另行具
奏所有上元等六縣應請先行撫恤緣由謹合詞
恭摺具
奏伏乞

皇上聖鑒謹
奏

林文忠公政書 甲集 江蘇奏稿

三

太倉等州縣衛幫續被歉收請緩新賦摺

奏為續查太倉鎮洋嘉定寶山四州縣於秋後連

被陰雨收成歉薄恭懇

聖恩一體酌緩新賦以紓民力事竊照江蘇省本年

秋禾被裁及勘不成裁各處先經臣等查明會

奏請將新舊錢糧分別蠲緩在案其時禾稻已形

減色而木棉尚有晚花太倉州暨所屬之鎮洋

嘉定寶山等縣種稻之處十僅二三而木棉居

其七八猶冀十月之內天氣暄晴晚棉或有薄

林文忠公政書 甲集 江蘇奏稿 卷二

古

收稍資補救茲據該四州縣暨坐落境內之太

倉鎮海金山三衛幫先後稟報自九月至十月

下旬連遭風雨已刈在田之稻無從曬晾霉爛

生芽木棉先結花鈴多已脫落即晚結之鈴亦

經腐爛收成失望稟請將應徵新賦與舊欠一

體緩徵等情復經節次批行藩司委員勘辦去

後茲據蘇州藩司陳鑾詳稱飭據委員先後勘

明具覆實係收成歉薄勘不成裁應請照例緩

徵等情詳請具

奏前來臣查定例地方遇有裁傷先將被裁情形

日期飛章題報秋裁限九月終旬題後續被裁

傷一例速奏仍一面題報情形一面遴委委員

履畝確勘司道覆查加結詳報具題等語今太

倉鎮洋嘉定寶山四州縣地處海濱收成本屬

最遲每俟立冬以後始可刈穫且向來多種木

棉紡織為業小民終歲勤動生計全賴於棉本

年八九月間天氣陰寒連遭風雨花蒂搖落收

成已減然晚棉尚有鈴子猶冀薄收是以秋裁

林文忠公政書 甲集 江蘇奏稿 卷二

圭

案內祇請緩徵舊欠未將新賦一律請緩乃自

九月以後至十月下旬復又陰雨連綿晚花盡

行腐落即晚稻之已經刈割者多置田閒不能

曬晾稻根霉爛穀粒生芽收成實為歉薄坐落

該州縣之衛地情形亦屬相同相應恭懇

聖恩俯准將太倉鎮洋嘉定寶山四州縣及坐落之

太倉鎮海金山三衛幫續被歉收田地應徵道

光十三年地漕各款銀米一體緩至十四年秋

成後分作二年帶徵其該州縣衛幫應徵甲午

年新賦竝請緩至該年秋後啟徵所有帶徵各
年舊欠錢糧如係坐落歉區者亦請一併遞緩
以紓民力除飭將原報裁歉及續被歉收情形
另行彙詳請

題外所有查明太倉等州縣衛幫續被陰雨歉收
懇請緩徵緣由謹會同兩江總督臣陶澍合詞
恭摺具

奏伏乞

皇上聖鑒訓示謹

林文忠公政書

甲集

江蘇奏稿
卷二

六

奏

江蘇陰雨連綿田稻歉收情形片

再江蘇連年裁歉民情竭歷異常望歲之心人
人急切今夏雨暘調順滿擬得一豐收稍補從
前積歉乃自七月閒江潮盛漲沿江各縣業已
被水成裁其時蘇松等屬棉稻青葱猶冀以江
南之贏補江北之絀蓋本省漕賦在江北僅十
之一而江南居十之九故蘇松等屬秋收關係
尤重惟所種俱係晚稻成熟最遲秋分後稻始
揚花偏值風雨陰寒遂多秀而不實然大概猶
不失為中稔迨九月以後仍復晴少雨多晝則
霧氣迷濛夜則霜威嚴重雖已結成顆粒僅得
半漿鄉農傳說暗荒臣初猶未信當於立冬前
後親坐小舟密往各處察看見其一穗所結多
屬空稈半熟之禾變成焦黑實為先前所不及
料然猶盼望晴霽庶可收曬上礬不意十月以
來滂沱不止更有迅雷閃電晝夜數番自江甯
以至蘇松見聞如一臣率屬虔誠祈禱悚懼滋
深雖中間偶爾見晴而陽光熹微不敵連旬甚

林文忠公政書

甲集

江蘇奏稿
卷二

七

雨在田未刈之稻難免被淹卽已刈者欲曬無從亦多發芽霉爛鄉民以熏籠烘焙勉強試糶而米粒已酥上礮卽碎是以業田之戶至今未得收租臣先因欽奉

諭旨新漕提前趕辦當經欽遵嚴飭各屬勒令先具限結將何日開倉何日徵完何日兌足開行登載結內並聲明如有逾期願甘參辦字樣呈送如不具限狀卽係才力不能勝任立予撤參不使懸棧貽誤各屬尙皆具結遵辦然賦從租出

林文忠公政書

甲集

江蘇奏稿 卷二

六

租未收納賦自何來當此情形屢變之餘實深焦灼又各屬沙地祇宜種植木棉男婦紡織爲生者十居五六連歲棉荒歇業生計維艱今年早花已被風搖而晚棉結鈴尙旺如得暄晴天氣猶可收之桑榆乃以雨霧風霜青苞腐脫計收成僅只一二分小民紡織無資率皆停機坐食日節候已交冬至卽趕緊種麥猶恐過時况又雨雪紛乘至今未已田皆積水難種春花接濟無資民情更形窘迫此在臣奏報秋裁以後

歉象加增日甚一日之情形也地方官以秋裁不出九月不許妄報原係遵守定例然值連陰苦雨人心難免惶惶外縣城鄉不無搶掠滋鬧之事臣飭委文武大員分投彈壓現已安靜除寶山鄉民因補報歉收擠至縣署一案另摺奏明嚴拏提審外其餘情節較輕例不應奏者亦當隨案照例懲辦以戢刁風惟據續報歉收情形勘明屬實不得不照續被裁傷之例酌請緩徵正在繕摺具

林文忠公政書

甲集

江蘇奏稿 卷二

九

奏開承准軍機大臣字寄欽奉

上諭近來江蘇等省幾於無歲不緩無年不賑國家經費有常豈容以展緩曠典年復一年視爲相沿成例竝奉

上諭該督撫等不肯爲國任怨不以國計爲亟是國家徒有加惠之名而百姓無受惠之實無非不堪下吏私充囊橐大吏祇知博取聲譽等因欽此臣跪誦之下兢凜慚惶莫能言狀伏念臣渥蒙恩遇任重封圻且居此財賦最繁之地乃不能修明

政事感召和甘致地方屢有偏裁極知經費有常而不得不為賑恤蠲緩之請撫衷循省已無時不汗背覲顏乃蒙

皇上不加嚴譴

訓飭周詳但有人心皆當如何感愧况臣受

恩深重曷敢自昧天良若避怨沽名不以

國計為亟則無以仰對

君父即為

覆載之所不容臣雖至愚何忍出此即如上年臣到

林文忠公政書

甲集

江蘇奏稿

三

蘇之後秋成僅六分有餘而蘇松等四府一州於徵兌新漕之外尙帶運十一年留漕二十萬石合計米數將及一百八十萬為歷來所未有之多原因

天庾正供不敢不竭力籌辦其辛卯年地丁督同藩

司陳鑿催提嚴緊亦於奏銷前掃數全完業經

專摺奏蒙

聖鑒在案竊維盡職之道原以

國計為最先而

國計與民生實相維繫

朝廷之度支積貯無一不出於民故下恤民生正

所以上等

國計所謂民惟邦本也本年江湖之盛漲係由黔

蜀湖廣江西安徽各省大水併入長江其破圩

淹灌之處原不止上元等六縣臣所請撫恤第

舉其最重者而言仰蒙

聖上天恩准給口糧裁黎感淪肌髓嗣經官紳捐資

撫恤臣即復行

林文忠公政書

甲集

江蘇奏稿

三

奏請無庸動項惟將所發上元江甯句容江浦儀徵五縣銀兩留為大賑之需其丹徒一縣捐項已有五萬餘兩竝足以敷賑濟當將前發之銀提回司庫凡此稍可節省之處均不敢輕費

帑金惟於裁分較重捐項又難猝集之區則不得

不酌給例賑臣等另摺請撥之十三萬兩係分

給十二縣衛軍民雖地方廣而戶口多亦只得

撥節動撥此外無非倡率勸捐以冀隨時接濟

惟頻年以來屢勸捐輸即紳富之家實亦力疲

難繼查道光三年大裁通省捐至一百九十五萬餘兩至道光十一年裁分與前相埒僅能捐至一百四十二萬餘兩其餘各年捐項較細此時閭閻匱乏勸諭愈難然視此待哺裁黎要不免不勉籌推解臣與督臣督率司道等各先捐廉倡導以冀官紳富戶觀感樂施凡此情形皆人所共聞共視如果不肖州縣捏裁冒賑地方刁生劣監豈肯不為舉發而紳富之家又安肯聽其勸諭捐資助賑至再至三且捏裁而轉自

林文忠公政書

甲集

江蘇奏稿 卷二

三

捐廉似亦無此愚妄之州縣也至請緩之舉祇能緩其目前仍須徵於異日非如蠲免之項慮有侵吞州縣之於錢漕未有不願徵而願緩者至必不得已而請緩且年復一年則地方凋敝情形早已難逃

聖鑒

臣

初亦不料其凋敝之一至於今漕務瀕

於決裂時刻可虞臣不得不將現在實情為我

皇上密陳梗概查蘇松常鎮太倉四府一州之地延

袤僅五百餘里歲徵地丁漕項正耗額銀二百

數十萬兩漕白正耗米一百五十餘萬石又漕贖行月南屯局恤等米三十餘萬石比較浙省徵糧多至一倍較江西則三倍較湖廣且十餘倍不止在米賤之年一百八九十萬之米即合銀五百數十萬兩若米少價昂則暗增一二百萬兩而人不覺况有一石之米即有一石之費逐層推計無非百姓膏脂民間終歲勤動每畝所收除完納錢漕外豐年亦僅餘數斗自道光三年水裁以來歲無上稔十一年又經大水民

林文忠公政書

甲集

江蘇奏稿 卷二

三

力愈見拮据是以近年漕欠最多州縣買米墊完畱串待徵謂之漕尾此即虧空之一端曾經臣縷晰奏

聞然其勢已不可禁止矣臣

上冬督辦漕務將新舊

一併交幫嗣因震澤縣知縣張亨衢辦漕遲悞

奏參革審而漕米仍設法起運不任短少皆因正

供緊要辦理不敢從寬也今歲秋禾約收已遜

去年茲復節節受傷甚至發芽霉爛詢之老農

云現在縱能即晴趕晾糟朽之穀每畝比之上

年已少收五六斗就蘇州一府額田六百萬畝計之即已少米三百餘萬石合之四府一州短少之米有不堪設想者民間積歛已久蓋藏本極空虛當此秋成之餘糧價日昂實從來所未見來歲青黃不接不知更當何如小民口食無資而欲強其完納即追呼敲撲法合亦有時而窮前此漕船臨開閒有缺米州縣尙能買補近且累中加累告貸無門今冬情形不但無墊米之銀更恐無可買之米至曩時蘇松之繁富由

林文忠公政書

甲集

江蘇奏稿

卷二

於百貨之流通挹彼注茲尙堪補救近年以來不獨江蘇屢歉即鄰近各省亦連被偏裁布疋絲綢銷售稀少權子母者即無可牟之利任筋力者遂無可趁之工故此次雖係勘不成裁其實困苦之情竟與全裁無異臣惟有一面多勸捐資妥爲安撫一面督同道府州縣將漕務設法籌辦總不使藉口耽延但本年已請緩徵之處尙不過十分中之二分有餘此外常鎮等處亦已紛紛續稟臣覆其情形略輕者無不先行

駁飭但天時如此日後情形如何臣實不敢豫料晝見陰霾之象自省愆尤宵聞風雨之聲難安寢席竝與督臣陶澍書函往復於捐賑辦漕等事思艱圖易反覆籌商楮墨之間不禁聲淚俱下尙從此即能晴霽歛象尙不至更加如其不然臣惟有再行據實奏

聞仰求

訓示遵辦大江南北爲各省通衢且中外仕宦最多一切實情難瞞衆人耳目臣如捏飾非無可以

林文忠公政書

甲集

江蘇奏稿

卷二

舉發之人我

聖主子惠黎元

恩施無已正恐一夫不獲是以察覈務嚴但民間困苦顛連尙非語言所能盡本年漕務自須極力督辦而觀此景象時時恐滋事端至京倉儲蓄情形臣本未能深悉倘通盤籌畫有可暫紓民力之處總求

恩出自

上多寬一分追呼即多培一分元氣

天心與

聖心相應定見祥和普被屢見綏豐長使

國計民生悉臻饒裕 臣不勝延頸頌禱之至謹將

現辦裁歉委無捏報緣由瀝忱附片具

奏伏乞

皇上聖鑒謹

奏

林文忠公政書

甲集

江蘇奏稿 卷二

三

覆奏查辦災賑情形摺

奏為查明現辦災賑情形恭摺覆

奏仰祈

聖鑒事竊 臣承准軍機大臣字寄道光十三年十月

二十九日奉

上諭據給事中金應麟奏稱積貯之利無窮補救之利有限被災地方窮民最苦而豪棍最强富戶最憂而吏胥最樂有攙和稊糶短缺升斗私飽已蒙者有派累商人抑勒鋪戶合其幫助者有將鄉紳

林文忠公政書

甲集

江蘇奏稿 卷三

一

家丁佃戶混入丁冊希圖冒領者有將本署貼寫阜班列名影射者有將已故流民乞匄入冊分肥者有將紙張飯食車馬派累保正作為攤捐者有將經紀貿易人等捏作饑民代為支領者甚至將已經報荒之地水退不准耕種以待州縣履勘名目指荒地畝百姓漸至逃亡而奸狡之徒以災荒為得計賑糧到手猶復隨眾扳號本境已完旋即改居他邑米船過境設卡截留典鋪未開邀人爬搶生監把持婦女喧嚷種種惡習不可勝言州縣

略加懲處吏胥卽串同土棍鬩堂毀辱上司慮生
事端予以撤任於是相習成風冊籍付之糧吏銀
米委之劣衿今歲已賑明歲復然真正饑民全無
實惠加以疲猾州縣剋扣賑糧彌補虧空病國病
民尤堪痛恨從前乾隆嘉慶年閒捏災冒賑之案
無不盡法處治今十數年來各省督撫未有參劾
及此者豈今之州縣勝於前人乎總緣各上司憚
於舉發故雖百弊叢生終不破案實爲近來痼習
嗣後各督撫府尹務當激發天良力除積習於稔
林文忠公政書 甲集 江蘇奏稿 二

皇上念切民生

澤必下究惟恐一夫不獲務期百弊盡除臣跪誦再
三莫名欽凜伏查災賑之弊悉數難終而致弊
之由非一端卽舞弊之人亦非一類若但統謂
之弊而未經分別推求則雖極意剔除終恐情

形隔膜卽如該給事中臚舉各弊有在土棍者
有在生監者有在吏胥者並有在州縣者臣請
分晰陳之士棍之弊在於悍潑如該給事中所
稱扳號喧嚷截米爬搶等情皆係實有之事然
猶其淺者耳其兇惡情形則在強索賑票不許
委員挨查戶口如不遂欲則拋磚擲石潑水濺
泥翻船毀轎甚至將委員擁置空屋扁鐮其戶
以爲要求必得之計並主使邨莊婦女百般凌
辱尤爲莫可理喻其於殷富之戶則恃衆鬪鬧
林文忠公政書 甲集 江蘇奏稿 三

名曰坐飯又曰併家而統謂之吃大戶公然傳
單糾約助勢分贓不獨設立災頭並有管帳包
廚等名目如十一年

奏辦之陸長樹王玉淋等案卽皆土棍之尤屢經
嚴學痛懲近雖稍知斂戢而惡習總未盡除當
茲災歉頻仍惟有寬猛兼施隨時懲處若指此
爲辦災之弊則弊在民而不在官緣此種兇徒
不但州縣疾之如仇吏胥尤畏之如虎似無敢
與串同之理也生監之弊在於包攬平居無事

慣寫災呈一遇晴雨欠調即約多人赴官呈報
 若經有司駁斥輒架民瘼大題聯名上控及聞
 查賑則各捏寫戶口總數勒索賑票自稱力能
 彈壓只要遂伊所欲便可無事否則挾制官吏
 訐告不休京控之案往往若輩為之吏胥之弊
 在於捏冊當報荒之始即造具災形圖冊詳載
 區圖斗斛謂之註荒迨給賑則有口冊賑票飯
 食紙張在在需費吏胥即借災費為名於查荒
 時索錢賣單查賑時捏名入冊先藉口於賠墊
 而暗遂其侵欺此等或愚弄本官或買囑委員
 或勾結生監尙皆事時有曾經懲辦有案若
 謂其串同土棍則彼此判若兩途拒之惟恐不
 嚴避之惟恐不遠未必引而近之以自取累也
 凡此三種舞弊之人欺詐萬端不勝枚舉尙不
 止如該給事中所陳然扼要總在州縣州縣廉
 則人不敢略以利州縣嚴則人不敢蹈於法州
 縣勤而且明則人不得售其奸所慮災賑之區
 難得許多良吏誠如

林文忠公政書

甲集

江蘇奏稿 卷三

四

聖諭豈今之州縣勝於前人此臣所以深思原本而
 必以察吏為最亟也幸賴我

皇上澄敘官方首以清廉為重近來江蘇州縣雖其
 才幹未必果勝前人而辦災一事實係清賑不
 能更有侵冒之事亦非必其人之皆清而實有
 不得不清之勢也蓋放賑總以稽覈戶口為第
 一要義如道光十一年江蘇災重且廣維時督
 臣陶澍與升任撫臣程祖洛先後

奏定災賑章程力除積弊責令委員戶必親填人

林文忠公政書

甲集

江蘇奏稿 卷三

五

必而驗票必親給查完一戶即以油灰書其門
 首查完一邨即將戶口榜諸通衢俾人人共聞
 共見迨查過數邨彙開口數清摺先由委員申
 報司道仍將花名底冊移送該管州縣其賑票
 之上蓋用委員銜名戳記便驗票即知何員所
 查是委員查報之後印官若欲添一戶口而印
 票底冊榜示清摺四項總不符合即欲作弊而
 勢有不能至印官之稽察委員祇須攜冊下鄉
 抽查如其有冊無票有票無榜或票榜與冊不

符卽將委員稟揭又有各上司層層覆查如印委通同迴護有弊不揭察出一併參辦其委員吏役薪水紙飯皆由督撫司道捐廉優給俾免賠累而杜需索彼時印委各員頗知惕然遵守復蒙我

皇上軫念民艱

欽派大臣朱士彥白鏞來江督辦一時官吏更加震肅生監地棍人等亦知歛迹積弊爲之一清道路傳言皆謂之清賑嗣後查辦災務卽以此爲

林文忠公政書

甲集

江蘇奏稿

六

定章臣又嘗劄切地論各屬以地方官辦理命盜案件如有故勘致死卽干抵償然猶不過一人一事若辦賑有所侵蝕是直向千萬垂斃之民奪之食而速其死卽使倖逃法網天理必不能容況江蘇前有山陽縣王仲漢官賑之案府縣皆陷重辟大吏亦干嚴譴尤時時指爲炯戒聞者莫不股栗今平心論之如王仲漢之貪婪殘忍不惟現在州縣不至如此卽數十年來亦所僅聞且查王仲漢案內山陽一縣所領賑銀

至九萬九千餘兩之多今十二縣衛賑銀通共請撥十三萬兩值此連年災歉饑口繁多因經費有常不得不力籌撙節減之又減幾於杯水車薪卽有貪員亦已杜其浮冒地步且例賑之外無處不賴捐輸協濟若有司以賑銀入己而轉令民戶書捐則必爲衆所切齒一日不能相安豈肯聽其勸諭而刁生劣監虎視眈眈如州縣稍有營私則訛詐分肥人人得而挾制縱將所領賑銀全給訛詐之徒尙不足填其慾壑安

林文忠公政書

甲集

江蘇奏稿

七

能更有餘銀入己況災民嗷嗷待哺豈不慮激成事端州縣卽不顧聲名斷無不惜其身家性命似此受制於人而仍無利於己之事雖至愚亦不肯爲而自督撫以至道府皆職司糾察災賑重務孰敢徇庇姑容是今日之州縣無從舞弊旣爲法令所限亦屬時勢使然該給事中所奏或係從前舊弊而非近來事歸覈實之情形也至積存穀石原係備荒善政惟近年連遭災歉穀價增昂卽鄰省亦非豐稔不惟向存例價

不敷買補抑恐官為採買民間食貴堪虞仍應俟年歲稔收後糧價稍平再飭各州縣籌買歸倉以為有備無患之長計總之民生凋敝之際官斯土者無不棘手焦心惟矢此一片血誠上以宣

皇仁而下以結民信局中之苦不敢求諒於旁人所請及之而後知履之而後難也臣惟有恪遵

聖諭察覈加嚴不敢市惠以沽名亦不敢因噎而廢良總使有司畏

林文忠公政書 甲集 江蘇奏稿 卷三

八

朝廷之法則積弊去而吏治清小民感

君上之

恩則元氣培而本根固庶以仰副我

聖主察吏安民

訓誠謹誦之至意謹將實在情形恭摺覆

奏伏乞

皇上聖鑒謹

奏

籌挑劉河白茆河以工代賑摺

奏為劉河白茆河年久愈形淤塞議請撙節估挑以工代賑分別借

帑捐辦恭摺奏祈

聖鑒事竊蘇松太倉等屬為錢漕最多之區水利

農田攸關重大該境有吳淞黃浦劉河即古所謂三江其北又有白茆河自為一大支與三江

相為表裏此道光四年開奉

旨飭辦三江水利因高堰方舉大工集夫不易僅將

林文忠公政書 甲集 江蘇奏稿 卷三

九

黃浦一路先為挑浚道光六年

諭旨飭挑吳淞江其餘劉河白茆各工並經

奏明分年辦理惟因工費較鉅查道光四年奉

旨飭辦案內曾估需銀四十萬餘兩頻年籌措維艱

祇有糶變米價餘贖銀五萬餘兩奏奉

恩准畱作劉河工用仍須另籌款項方可湊辦年來

河道愈形淤塞農田連遭積歉更宜亟修地利

以期補助天時而地方紳民先後懇請興挑呈

詞盈帙察看輿情甚為急切節經臣等飭司委

員覈實勘估樽節籌辦去後茲據蘇州藩司陳
鑿署臬司李彥章蘇松太道吳其泰會詳稱劉
河爲古婁江源出太湖東北至新陽縣界與吳
淞江分流而東繞太倉州城歷鎮洋嘉定二縣
境綿長七八十里白茆河坐落常熟昭文二縣
境內上承長洲元和無錫金匱江陰諸水綿長
五六十里均因淤塞多年幾成平陸旱澇俱無
從灌漑田疇卽漸就荒蕪錢漕亦愈難徵比該
兩河急需開浚實爲目前必不可緩之工但尾

林文忠公政書

甲集

江蘇奏稿
卷三

十

閩皆有壩身外高於內若必開通海口恐潮汐
倒漾轉易停淤且口門皆有攔沙挑濬倍爲費
力卽開通之後漲沙恐復相連今爲農田起見
期於利灌漑而便疏消則莫若挑作清水長河
不必求通海船旣節目前之工費且免日後之
受淤其爲利益農田似有把握先經該藩司檄
委署蘇州府知府陳經太倉州知州李正鼎青
浦縣知縣蔡維新公同履勘估計續又添委蘇
州府知府沈兆澧元和縣知縣平翰前上元縣

知縣黃冕會同署太倉州知州周岱齡鎮洋縣
知縣曾承顯署常熟縣知縣藍蔚雯昭文縣知
縣張綬組逐段丈量分別造冊呈送並以上年
秋禾被歉現值青黃不接之時小民力食維艱
正宜以工代賑稟請卽時興辦復經該藩司親
往覆勘劉河自吳家墳港口起至白家廠又鹽
鐵老壩墓起至吳家墳港又老虎灣至紅橋灣
及陶家嘴錢家嘴等處通共約計工長一萬五
百一十六丈估挑面寬十丈餘尺至八丈餘尺

林文忠公政書

甲集

江蘇奏稿
卷三

十一

不等底寬三丈平水面浚深九尺又南北兩岸
切灘並挑土山土埂以及修築通工壩閘空廢
民田給價等項共約估銀一十六萬五千三百
二十餘兩白茆河自支塘東勝橋起至海口止
工長七千八百四十丈估挑面寬六丈底寬四
丈深一丈所需挑濬土方併建新閘及滾水壩
一座共約估銀一十一萬兩零惟兩處工程並
計需款較多自應分別籌辦請將劉河借項與
挑分年攤徵歸款白茆河歸於官民捐辦等情

詳請具

奏前來臣等伏查劉河白茆河兩處均係早經勘

估

奏明必應辦理之工惟從前估計係欲挑通入海

而議者謂其海口高於內地潮來旋即淺河又

謂口門現有攔沙即極力挖通不久恐仍堵合

且鑿沙通海需費太繁款項難籌是以未能興

辦近因旱澇無備田畝頻至歉收若再因循此

後愈難為力且民間望霑水利與目前望賑同

林文忠公政書

甲集

江蘇奏稿 卷三

三

一急切之情尤須乘此興工乃為一舉兩得竊

思挑通海口工費既大而能否經久轉不可知

不若挑作清水河工省利長於農田實有裨益

緣三江之中黃浦吳淞兩處海口水勢皆已暢

出惟因劉河白茆兩處淤塞東北一帶之水溢

於平疇今將此兩處河道開通其長一百數十

里可資容納正不必自開海口而與吳淞黃浦

交匯通流適足以助其建瓴之勢查劉河老鎮

本有關座可以隨時啟閉今擬於關外白家廠

之地再建滾水石壩一道以堵渾潮白茆河亦

於海口縮入數段建閘築壩使潮汐泥沙平時

不能壅入如遇內河水大仍可由壩上瀉出歸

海則河水有清無渾即永遠有利無害其劉河

估需土方壩工等銀十六萬五千三百餘兩係

屬節省無浮除遵照

奏准之案動撥緩漕米價五萬三千餘兩外其餘

銀兩查有司庫現存水利經費專款銀五萬兩

本係從前議濬三江案內

林文忠公政書

甲集

江蘇奏稿 卷三

三

奏明為蘇省水利之用應請儘數動撥尙不敷銀

六萬二千三百二十餘兩請於封貯款內借支

所借之銀在於同霑水利之蘇松太三屬長洲

元和吳縣吳江震澤崑山新陽華亭婁縣上海

青浦太倉鎮洋嘉定寶山崇明十六州縣按照

銀數均派分作八年按畝攤徵將來解還司庫

除先歸米價外餘皆收作水利經費專款以備

蘇省將來續修各處水利之需仍照舊案俟收

有捐監銀兩首先歸補封貯原額其應挑工段

亦請循舊歸於太倉鎮洋嘉定寶山崑山新陽
六州縣計畝雇夫分股承挑至白茆河估銀一
十一萬兩零亦屬節省辦理惟經費有常未敢

概請借

帑臣等現在率同司道府縣倡捐廉銀竝諄勸常
昭兩縣紳商富戶以此河既係萬不可緩之工
而民情又處迫不可支之景各宜勉力捐貲以
工代賑該紳民等聞而感奮均各踴躍急公現
已議定章程自可捐收如數臣等仍督率司道

林文忠公政書

甲集

江蘇奏稿

五

遴委廉明勤幹之員協同地方官選董集夫隨
捐隨辦竝責令該管道府州於西河工程各須
認真查察一俟工竣由臣林則徐親往驗收不
許稍有草率偷減竝不令假手胥役地保稍滋
弊竇以期工歸實在利濟農田仰副

聖主爲民興利之至意除將劉河挑工取造估計報
銷各冊繪圖另行

題咨外其白茆河係捐辦之工應請毋庸報銷謹
合詞恭摺具

奏伏乞

皇上聖鑒訓示謹

奏

林文忠公政書

甲集

江蘇奏稿

五

江蘇省各屬捐賑情形片

再江蘇省上年災歉仰蒙

聖主疊沛

恩綸賑恤蠲緩復於今春加

賞口糧小民莫不感淪肌髓地方官職司民牧於一

切拊循綏輯更宜仰體

皇仁而自上冬以迄今年春夏為日正長不得不藉

資眾力廣籌接濟先經臣與督臣陶澍率同司

道府縣捐廉倡導並督飭各屬詣勸紳商大戶

林文忠公政書

甲集江蘇奏稿

六

勉力捐輸以為安貧保富之計截至現今各處

義賑均已集有成數分別散放其捐項較多之

處如蘇州省城捐錢十四萬三千餘千寶山縣

捐錢九萬二千餘千丹徒縣捐錢八萬餘千上

海縣捐錢七萬八千餘千嘉定縣捐錢五萬五

千餘千江陰縣捐錢五萬餘千此外各屬所捐

自一萬千至四萬餘千不等俱已按圖查戶分

關給錢窮黎可資接濟又蘇州省城於上冬分

設粥廠之外猶恐遠近貧民跋涉擁擠強悍者

慮其滋事老弱者難免向隅當又率屬捐廉挑

施擔粥每一擔約可給百人以上分勸紳庶之

家有力者日施數擔即力微者亦可合數人以

成一擔各就本圖鄰近地段同時挑擔分施凡

老幼孤寡殘廢之人力難赴廠領粥者皆得就

近給食眾擊易舉所濟較多各屬官紳咸相效

法城市之內多者至百餘擔少者亦數十擔其

各鄉零星擔數雖多寡不齊合而計之亦與城

市相埒行之數月差少餓斃之人其餘有買米

林文忠公政書

甲集江蘇奏稿

七

平糶者有採辦雜糧輓轆糶施者有收養幼童

棄孩及流亡病句者有捐修各項工程以代賑

濟者延至此時天氣較為暄暖窮黎亦得備趁

謀生察看民情較上冬實有起色恐塵

宸念謹將辦理情形附片陳明伏祈

聖鑒謹

奏

各屬拏獲兇盜要犯分別審辦情形片

再大江南北積歉連年安分良民原不至藉荒滋擾而兇悍之徒因乏食而流爲匪類者原情雖不無可憫而禁暴則不得不嚴臣疊經出示曉諭以各屬裁歉之區屢蒙

皇上天恩蠲緩賑恤有加無已惟恐一夫不獲其所並經地方官捐廉勸諭紳富集資接濟凡以養其廉恥使之勉爲善良若藉口饑寒爲匪不法斷不能曲爲寬貸一面嚴飭緝捕有犯必懲其

林文忠公政書

甲集 江蘇奏稿 卷四

一

中拏獲圖財害命之案除高郵州事主陳保懷被殺一家二命獲犯高大陳登三高金玉等已奏明嚴辦外又經拏獲上海縣張小狗圖財勒死幼孩李關淋一案海州高照隴圖財謀殺房泳盛一案無錫沈阿三圖財謀殺張大觀一案海州朱廣道耿惠沅圖財謀殺潘徐氏燒屍滅迹一案沐陽姜繩煥聽從張三禿剝取姜二運衣服勒死燒屍滅迹一案均已先後審明按律懲辦茲又拏獲高郵州船戶蔣其倉蔣其受圖財

謀殺毛起雲及興化縣宋萬高馬亭選圖財謀

殺吳湛恩徐金沅等案而宋萬高商同馬亭選先後雇船行至中流乘船戶吳湛恩等不備推溺斃命將衣服船隻賣錢分用與臣現在

奏辦姜開沅等推溺船戶之案兇惡相類業經分飭確審嚴辦竝剴切札諭沿江湖河一帶文武員弁加意巡防一有報案立拏務獲如有玩延卽當徹參示儆刻下民情頗爲舒展水陸均甚安恬而捕務仍時刻從嚴庶足以靖地方而安

林文忠公政書

甲集 江蘇奏稿 卷四

二

行旅至糧船水手最易滋事經給事中金應麟條奏欽奉

上諭漕船水手沿途訛詐擾累商民種種不法情弊必至遲誤重運爲害地方不可不嚴行懲辦著林則徐嚴飭所屬於內河地方凡漕船停泊經行之處訪查各弊嚴行申禁如仍有前項弊端卽責成地方官隨時懲辦其徇縱之運弁立予參革以肅漕政而除民累欽此當經恭錄轉飭欽遵嚴行示禁彈壓巡緝去後節據各屬稟報此次江浙兩

省漕船經由內河北上因催償緊急晝夜逆行水手人等并未泊船上岸尚無橫截河中需索買渡錢排幫錢及用糧米傾入商船訛詐分肥各情弊惟查糧船自上冬歸次以逮本年開行為期數月之久此等羣聚水次趁閒恃眾靡惡不為是以搶劫之案出於糧船水手者尤多惟有隨時嚴拏懲辦計自上年十二月至今年正二月內拏獲滋事水手如婁縣稟獲夥劫黃勝榮等行船之水手張明德李永年朱永春周德榮王得富五名又獲搶奪丁琪行船之水手宋廣德一名又獲搶奪周德順行船之水手韓光玉劉四海于培松王志張明受五名又據江陰縣報獲行劫旗丁吳鳴揚之水手徐運時常德勝蘇大中三名又據陽湖縣報獲搶奪楊紀興之水手安貴李順二名均因關係搶劫重情批行臬司分別提省飭屬確訊追賊按律嚴辦此外尚有盤踞船艙搶拉頭緯硬送水手勒加辛工種種不法非但擾害商民即幫丁亦深受其

林文忠公政書

甲集

江蘇奏稿

三

林文忠公政書

甲集

江蘇奏稿

四

累凡被人告發及得自訪聞之犯皆即拏獲嚴訊分別究辦始覺稍為斂戢現在各幫重船計已過淮陸續渡黃北上臣仍照案咨行沿途一體催償彈壓以期悉臻安靜合併附片縷晰陳明伏乞

聖鑒謹

奏

驗收劉河挑工並出力人員請獎摺

奏為開浚劉河併建設石壩涵洞各工全行告竣
驗收如式請將格外節省餘銀疏挑上游各源
流淤淺處所以資久遠並擇在工尤為出力之
官紳董事分別懇

恩獎勵恭摺奏祈

聖鑒事竊照太倉鎮洋境內之劉河為古三江之一
前因淤塞多年幾成平陸旱澇無備田畝頻至
歉收為目前必不可緩之工當經 臣等會摺

林文忠公政書

甲集

江蘇奏稿
卷四

五

奏蒙

恩旨俯准借項興挑分年攤徵還款凡在蘇松太三
屬得需水利之處無不頂感

皇仁踴躍趨事 臣等轉飭司道府縣督率委員董事
分段承挑勒限完竣並以工段綿長如其中有
可格外節省之處亦宜隨時斟酌據實稟辦嗣
據署太倉州知州周岱齡署鎮洋縣知縣曾承
顯委員前上元縣知縣現署元和縣知縣黃冕
等會稟原估各工土方丈尺均係覈實無浮惟

河勢彎環之處若相機取直尙可加意撙節查
老虎灣至紅橋灣舊河向南圍繞今由吳家墳
港取直挑至小劉河口匯歸原河計可省工一
千八百餘丈又陶家嘴錢家嘴舊有河形亦俱
向南繞越若再取直開挑可省工五百餘丈又
原議於閘外白家廠建滾水石壩一道以禦渾
潮茲查石壩固足禦潮但恐內河水大宣洩欠
靈因於該壩添設涵洞五所俾潮大時將洞閉
塞不使渾水浸入設遇內河水大即可全行開

林文忠公政書

甲集

江蘇奏稿
卷四

六

放宣洩入海操縱較有把握等情復經批飭妥
辦即據藩司先後報放銀兩於本年三月初八
等日陸續開工幸天氣暄晴人夫雲集印委各
員及董事人等皆能認真督率嚴催所有應挑
土方於四月底即經挑竣 臣陶澍出赴蘇松閱
伍之便會同 臣林則徐暨藩司陳鑾到工驗收
沿途香花載道欽感

皇恩歡忭異常驗量所挑丈尺有贏無絀惟河身既
已浚深則隄岸愈高轉有崩卸之慮復令逐段

挑切以歸一律又海口砌築石壩添設涵洞凡石料椿木錠錫灰漿購運鳩工有需時日復飭趕緊料理旋據太鎮二州縣暨委員具報通工全行告竣又經臣林則徐臨工覆驗河身倍見深通隄岸一律平整閘座俱臻堅固涵洞最便蓄宣均無草率偷減情弊查劉河自吳家墳港口起至白家廠又鹽鐵老壩基起至吳家墳港又老虎灣至紅橋灣及陶家嘴錢家嘴等處原估工長一萬五百一十六丈面寬十丈餘尺至

林文忠公政書 甲集江蘇奏稿 卷四 七

八丈餘尺不等底寬三丈平水面浚深九尺又南北兩岸切灘並挑土山土埂以及估築通工壩閘空廢民田給價等項共估銀一十六萬五千三百二十餘兩今將吳家墳陶家嘴錢家嘴等處取直開挑又省工二千四百餘丈少挑土十五萬六千餘方計通工土方連修築閘壩空廢民田給價等項共銀十三萬四百二十二兩零較之原估格外節省銀三萬四千九百兩零據蘇州藩司陳鑾請將前項節省餘銀留辦上

游淤淺處所併查明在事尤為出力官員紳董酌議分別獎勵詳請具奏前來臣等伏查劉河工程係屢經奏明必應辦理之工祇因工鉅費繁有需籌措茲以濬清堵濁之法樽節估挑仰荷聖恩借帑與辦而相機取直則於節省之中又有節省此次工竣之後適七月二十三四五等日蘇松一帶大雨傾盆太湖附近諸山陡發蛟水處處盛漲拍岸盈隄當即飛飭太倉鎮洋二州縣

林文忠公政書 甲集江蘇奏稿 卷四 八

將該壩涵洞全行啟放據稟滔滔東注兩日之內消水二尺有餘而秋汛大潮仍無倒灌是劉河之容納與涵洞之宣洩實已著有成效惟思三江之水無不承太湖而來而自太湖遞至三江其中泖澱等處均係經由要道淤塞多年前因三江尚未全疏無暇兼顧臣陶澍於順勘劉河工程片內即經聲明尚須再浚上游各澱茲劉河工程得以格外節省即上游水道亟須擇要接挑又太倉州有七浦河一道在州境東北

直達海口形勢較劉河為小實則與為表裏亦因年久淤塞僉懇一律疏通此等水利工程在江蘇原不勝枚舉然其最為扼要之處所繫於利害者匪輕若不乘時興修脈絡仍多阻滯竊思前項節省餘銀本係原估應行動用之款今因逢灣取直極力省出即留作挑浚支河之用實屬以公濟公合無仰懇

聖恩准將節省餘銀於各處淤淺河道擇要興辦所有劉河借款仍照原估十六萬五千三百二十

林文忠公政書 甲集 江蘇奏稿 九

餘兩之數歸於太鎮等十六州縣分年攤徵還款自足以資遠利而愜輿情至此大挑辦劉河在工印委各員及紳董人等均係自備資斧奮勉趨公不辭勞瘁似應量予獎勵惟人數眾多等未敢悉登薦牘謹擇其尤為出力者開具清單恭呈

御覽如蒙

聖主鴻慈俯加鼓勵該官紳等倍加感激踴躍急公等亦得收指臂之效其出力稍次人員在外

分別記功給獎除同時捐挑之白茆河道現亦將次全完容俟驗收另行具奏併飭將劉河工長高寬丈尺土方夫工銀兩各項價值細數另開清單一面將太湖以下泖澱支河暨太倉州境內七浦河道委員確勘估計銀數分別詳請

奏報外所有 臣 等驗收劉河工程緣由謹合詞恭摺具奏伏乞

林文忠公政書 甲集 江蘇奏稿 十

皇上聖鑒訓示謹奏

協辦浙塘條石動款摺

奏為遵

旨協辦浙江海塘條石並動用銀款緣由恭摺奏祈
聖鑒事竊 臣承准軍機大臣字寄欽奉

上諭浙江塘工應用條石為數甚多著林則徐採辦
條石四萬丈務於來春全數解交浙江工次應用

等因欽此當經 臣行司欽遵查照乾隆年間

蘇省協辦浙江海塘條石成案派令出產石料

之蘇州府屬太湖吳縣常州府屬無錫宜興荆

林文忠公政書

甲集 江蘇奏稿

十一

溪等五廳縣分領承辦一面將應行採運各事

宜臚列條款咨詢浙省去後旋准覆稱協濟條

石四萬丈內應辦面石三千三百丈牆石一萬

二千丈裏石二萬四千七百丈均由江蘇就地

鑿鑿委員運赴浙省之施賀二壩交浙江委員

接收所有石價鑿工運腳俱照成案由蘇自行

給領浙省先解銀五萬兩交蘇州藩庫兌收應

用其不敷之項亦照前案由蘇找發自行報銷

等因 臣當飭藩司陳鑾查覆茲據詳稱浙省所

撥銀五萬兩現在尚未解到而蘇省業經開採

亟須發銀給辦且覈計工料運費除浙省撥銀

五萬兩外不敷尚多應請在於蘇州藩庫正項

道光十四年秋撥款內先撥銀五萬兩以資支

用統俟事竣同浙省解到銀兩覈實報銷如有

盈餘另行

奏請撥還歸款又查乾隆年間海塘石料曾出浙

江委員來蘇會辦此次准到浙省咨覆因值興

舉大工勢難多派委員駐蘇督採等因但江蘇

林文忠公政書

甲集 江蘇奏稿

十二

各廳縣辦石既多即難保無丈尺參差石質高

下若不就開採之地逐一驗明任聽承辦各員

徑行運至工次事關隔省一經駁回更換往返

需時不特運費虛糜轉恐要工停待現在商明

俟蘇省採有成數咨會浙省酌委委員來蘇量

驗不如式者就地立即駁換如果合式即於石

上蓋用浙省委員驗明戳記並標明尺寸再令

起運赴壩其在壩收石之員除查無委員驗明

戳記及雖有驗戳而途中別經磕碰折斷殘損

不准掙交外其與驗記符合者收石之員亦不得故意刁難勒令守候致啟需索而誤工需再查蘇省產石廳縣惟太湖吳縣石質尙堅堪以選充面石牆石之用其荆溪宜興無錫多係黃石質地鬆脆溯查乾隆四十六年間欽奉

諭旨無錫宜興荆溪三邑之山質雖鬆脆堪作裏石之用等因欽此此次該三縣之石自應照案採作裏石

仍飭加意選擇務合工用合併聲明等情請

奏前來臣覆覈無異除飭各屬妥速採辦務令依

林文忠公政書

甲集

江蘇奏稿

十三

限足額以濟要工不任稍有遲誤外所有採辦

石料動用銀款緣由理合恭摺具

奏伏乞

皇上聖鑒謹

奏

會奏白茆河挑工驗收并出力人員請獎摺

奏爲捐資挑濬白茆等河并建築閘壩工程全行

告竣驗收如式請將捐輸出力之官紳董事分

別獎勵恭摺奏祈

聖鑒事竊照常熟昭文二縣境內有白茆河一道於

三江之北別成一大支爲蘇常兩郡洩水尾閘

淤塞多年幾成平陸旱澇無備急須挑濬前經

勘估土方竝建閘等項共約需銀一十一萬兩

零因與劉河挑工同時并舉未敢概請借

林文忠公政書

甲集

江蘇奏稿

十四

帑議由官民捐資興辦以工代賑奏奉

諭旨隨捐隨辦免其造冊報銷等因欽此當卽轉行

欽遵辦理臣陶澍臣林則徐各倡捐銀一千兩

藩司陳鑾捐銀二千兩蘇松糧道陶廷杰捐銀

三千兩蘇松太道吳其泰捐銀五千兩前任蘇

州府知府沈兆澧署常熟縣事試用知縣藍蔚

雯各捐銀一千兩昭文縣知縣張綬組捐銀六

千兩此外紳民捐項除安徽候選道章廷榜所

捐二萬兩內奏明以一萬兩撥歸白茆經費外

餘皆常昭二縣紳商富戶隨時捐集因係地方水利均各踴躍樂輸統計官民捐項較之估需銀數有贏無絀於本年三月初一日開工興辦並因附近白茆之徐六涇及東西護塘河均係呼吸相通亦須兼濟飭據藩司陳鑾親往履勘估計一體開挑竝先後委員分赴各工催儻又因其時本係以工代賑壯者固可自食其力而老弱殘廢之人不能工作饑寒可憫復於辦工經費內力加節省量予接濟俾附近工次悉歸

林文忠公政書

甲集

江蘇奏稿 卷四

五

安靜 陶澍於四月內至蘇松一帶閱伍會同 林則徐到工量驗所挑寬深丈尺多有逾額沿途香花載道閭閻歡抃異常旋據稟報五月十九日挑工全竣復經 臣林則徐督同藩司陳鑾按段驗收自昭文縣之支塘東勝橋起至海口止工長七千八百四十丈原估面寬六丈底寬四丈深一丈旋又將河面展寬二丈以資容納河身倍見寬闊隄岸一律坦平惟海口建築開壩因須購備石料椿木等物未及同時興舉

復於七月開施工至十月二十三日據報開壩工程全行完竣復委藩司陳鑾赴工驗收茲據該司詳稱驗明各工均係如式堅固並無草率偷減情弊統計土方夫工以及開座工料耳水築壩並就近接濟老弱饑民一切經費共用銀一十一萬五千二百七十八兩零應遵前奉諭旨免其造冊報銷並查明在事出力之印委各員及董事捐戶人等酌議分別獎勵詳請具奏前來 臣等伏查白茆等河本係早經勘估必應

林文忠公政書

甲集

江蘇奏稿 卷四

六

辦理之工惟因需費繁多未能遽行興辦茲於地方連歉之後官紳設法集捐以工代賑民夫得資口食踴躍赴工未敢借動帑金而水利以興窮黎以濟洵為一舉兩得加以開壩並設蓄洩咸宜淤塞無虞旱澇有備即如本年七月間太湖陡發蛟水幸賴新河通暢宜洩極靈惟形如釜底之田未能即時消涸其餘連歲被淹處所皆幸得免沈災成效已臻輿情允洽所有大小官員捐資籌辦除 臣陶澍 臣林

則徐暨藩司陳鑾無庸議外其餘糧道陶廷杰
蘇松太道吳其泰前任蘇州府知府沈兆溧職
分較大均不敢請邀議敘又總辦出力之委員
前高郵州知州平翰已荷

聖恩升授通州知州亦不敢請獎外臣等會同查明
擇其捐項較多勞績最著之印委各員及捐輸
出力之鄉紳董事分繕清單恭呈

御覽仰懇

聖主天恩分別獎勵以爲急公者勸此外出力稍次

林文忠公政書

甲集

江蘇奏稿

十七

員弁及捐銀在三百兩以下各戶應由臣等在
外給獎除工料丈尺細數遵

旨無庸造冊報銷仍飭取捐戶履歷清冊另行咨部

給照外所有驗收白茆等河工程緣由謹合詞

恭摺具

奏伏乞

皇上聖鑒訓示謹

奏

彈壓水手情形片

再臣接閱邸抄欽奉

上諭各省糧船數千號水手不下數萬人必須實力
稽查咸知做畏方不致沿途滋事近日山東東昌
府境內廬州幫水手聚眾械鬪一案致斃數十餘
命之多且糧船所過地方時有折體斷肢漂流水
面皆由水手戕害所致此等積習自宜亟加整頓
嗣後糧船所過地方著沿途各督撫遴派武職較
大之營員酌帶兵丁一路接遞巡查遇有水手滋

林文忠公政書

甲集

江蘇奏稿

十六

事立即嚴拏有犯必懲毋令一名漏網等因欽此

伏查歷屆糧船入境本皆酌派營員會同府廳

州縣督帶兵役彈壓稽查惟水手恃眾逞兇已

非一日而近年爲尤甚除廬州二幫在東省殺

斃多命之外其沿途糾眾鬪經地方文武彈

壓解散者探聞所在多有卽如蘇省之鎮江前

後兩幫最爲著名兇悍劫殺擄搶靡惡不爲且

與浙江湖州府屬八幫向有積仇各不相下而

鎮江幫水次本在徒陽又爲浙船必經之路重

運先後開行尙可不令遇見迨回空過鎮輒卽
 糾約復仇上冬臣得有風聞先期親赴鎮江催
 提軍船卽督率文武彈壓訪拏酌示懲儆其風
 始息今冬河乾水淺雖經設法灌蓄亦僅容一
 葦之杭若湖鎮兩幫狹路相逢定必滋事與其
 懲辦於事後莫如防範於未形查丹徒境內有
 江邊之鮎魚套地方清穩背風爲浙船不必經
 由之處現在鎮江前後幫船均已渡江入境經
臣咨會漕臣飭令該兩幫船隻先進鮎魚套寄
 泊並委鎮江營參將繼倫督率備弁駐兵彈壓
 俟浙幫全行出境之後再歸兌糧水次以免尋
 衅互鬪是以現在計算進口船數該兩幫並不
 在內其實已泊本境地面儘可油艫修船卽與
 歸次無異又查在東滋事之廬州二幫沿途復
 與鎮海前蘇白糧等幫屢圖糾鬪因逐段有官
 兵彈壓幸未成事但廬州二幫係兌常熟縣漕
 糧鎮海前幫係兌昭文縣漕糧該二縣旣屬同
 城卽糧船同一水次難保不又滋鬪臣現飭糧

林文忠公政書

甲集

江蘇奏稿

九

附片陳明伏祈

道量爲調換毋使竝在一處其蘇白糧渡黃之
 後廬州二幫復與接連行走現亦飭令先後挽
 渡務使分檔隔遠以杜其圖鬪之心臣仍派委
 標營將領並咨會督臣提臣分委武職大員稽
 查催儆一到水深之處卽令晝夜行駛不任一
 刻停留惟淺處曳纜絞關每段增雇人夫數百
 名仍形喫力有數刻之久始能挽過一船者前
 幫未克通行後幫卽皆停泊更須嚴密防範是
 以臣仍駐丹徒督催彈壓一時未敢回蘇合竝

林文忠公政書

甲集

江蘇奏稿

三

附片陳明伏祈

聖鑒謹

奏

回空漕船全進橫開彈壓安靜摺

奏為江浙回空漕船掃數催進橫開欽遵

諭旨派兵彈壓均極安靜恭摺奏祈

聖鑒事竊照本年回空南下較遲鎮江運河潮枯水

淺京口沙灘涸露難以通舟當經查照成案改

由橫開行走旋據府縣稟報十一月初八日以

後西風大發江潮消落異常開口露出之沙反

高於江面之水並橫開亦難進船臣得信後即

馳赴丹徒鎮駐劄親率常鎮道李彥章暨鎮江

林文忠公政書

甲集江蘇奏稿

三

府縣設法攔蓄並於附近運河各處尋覓積水

引灌濟送一面分段派員多雇人夫拉船撈淺

催提各幫陸續進口業將辦理緣由並催過船

數先後具奏欽奉

硃批務要竭力盡人事以理之不可藉口誘為天時

水勢也勉之欽此臣跪誦之下倍當竭誠盡慎將

幫船速挽歸次以慰

宸懷臘月以來雨雪疊霑正喜運河得以長水而連

值北風狂大江中數日未有船行軍艘尤不宜

冒險加以雪後嚴寒內河凍結復飭署鎮江府

王用賓署丹徒縣張寬培多備敲冰船隻晝夜

開鑿十二月十二日河道始通亟令署京口協

副將張成龍察看風色稍平即親帶幫船折餞

渡江常鎮道李彥章與鎮江營參將繼倫來往

江干互相策應每當阻淺阻潮阻風阻凍之際

在事文武各員倍加焦思竭慮設法籌催不敢

稍遺餘力除提前之浙江幫船先經過竣其江

廣幫船亦已全數出江外茲截至十二月十九

林文忠公政書

甲集江蘇奏稿

三

日將先泊鮎魚套之鎮江前後幫船作為尾幫

亦令進開歸次統計江浙兩省回空共六十二

幫計船二千二百零四隻掃數由橫開跟蹤南

下各歸水次查軍船自道光八年以後歷由橫

開進口然少者僅數百隻即多者亦止一千餘

隻從未有江浙兩省回空之船全由橫開行走

者今冬河水至乾而經由橫開之船較之歷屆

多至兩三倍臣惟恐回空不能全進致如從前

留在江外過年則新漕幾難提前催辦幸荷

聖主洪福自進口以迄竣事計三十五日各幫到次
修船均在歲前可期速為開兌且於連旬風暴
之中各將領往來江上提帶二千二百餘艘並
無一船疏失臣恭繹竭盡人事之

旨下忱感幸悚惕彌深至糧船停泊之時水手尤虞
滋事前奉

諭旨遴委武職較大之營員酌帶兵丁一路接遞巡
查遇有水手滋事立即嚴拏等因欽此臣當將欽
遵辦理緣由附片奏蒙

林文忠公政書甲集江蘇奏稿

三

聖鑒在案月餘以來橫閩內外及金山鮎魚套一帶
節節停船皆係鎮江京口水陸兩營將備率帶
弁兵支架帳房常川彈壓已臻安靜迨鎮江前
後兩幫最後進口其水手尤為強悍臣復與京
口副都統臣面商就近酌飭駐防滿兵一體
彈壓以壯聲勢該兩幫內桀驁之水手聞有添
兵恐被查拏率已潛行逃竄不敢過江遺有刀
械在船即經弁兵逐件搜獲撥營配用並責令
幫弁旗丁換雇安分水手駕船赴次受兌一面

嚴查在逃各水手姓名籍貫及曾犯何案隨時
飭拏務獲有犯必懲總期猛以濟寬令行禁止
以仰副我

皇上除莠安良之至意所有回空掃數進口緣由謹
會同兩江總督臣陶澍恭摺具

奏仰慰

聖懷至在事出力文武各員本係分內應辦之事惟
此次辛勞繁費實與常年催償迥不相同伏查
道光八年橫閩催船一千一百餘隻仰蒙

林文忠公政書甲集江蘇奏稿

三

恩旨量加鼓勵此次船數加倍可否循照八年成案
准予酌獎之處出自

聖主鴻慈如蒙

恩允容臣會同督臣擇其尤為出力之員覈實具
奏不敢稍有冒濫合竝陳明伏乞

皇上聖鑒謹

奏

會奏官銅商辦運洋銅請復舊章摺

奏為蘇省辦銅官商賠累難支懇請酌復舊章以

全銅運而垂經久仰祈

聖鑒事竊照蘇省官商承辦直隸陝西湖北江西浙

江江蘇六省鼓鑄洋銅前於嘉慶二年僉商王

履階承辦

奏定每百斤例給價銀十三兩五錢九分三釐每

年額辦六省洋銅共五十萬五千九百六斤歷

給價銀六萬八千七百七十八兩七錢八分豫

林文忠公政書

甲集江蘇奏稿

三五

給一年

帑本嗣王履階之弟王日桂接辦十有餘年銅帑

兩清從無貽誤迨嘉慶十三年程洪然投充官

商自願減價每百斤祇請價銀十二兩並願先

繳銅斤後領

帑項其意祇圖邀准未計虧賠自此更改舊章不

久即因力乏告退後商汪永增接辦僅止四年

亦即乏退復舉舊商王日桂之子王宇安

奏充以資熟手當據該商稟請復還舊制未經准

行仍照減價後帑之例辦理王宇安連年賠累

屢次求退因無人愿充著令勉力承辦嗣據蘇

州府詳據現商王宇安以前商程洪然率請改

易章程減價後帑以致連年虧累資本全空稟

求循復舊章仍領十三兩五錢九分三釐之價

豫請一年

帑本俾得源源辦運等情當經藩司批飭確查疲

乏情形果否屬實覈議詳辦去後旋據蘇州府

知府沈兆澧寶蘇局監督榮匯覆稱官商承辦

林文忠公政書

甲集江蘇奏稿

三六

洋銅從前原定章程本屬妥善是以銅帑均得

清完嗣因前商程洪然呈請投充自願減價先

銅後帑承辦未久即行乏退以後各商遺累虧

賠旋充旋退該商王宇安接手之始即據稟復

舊章未經批准歷年疲乏求退曾僉殷戶分辦

又皆畏縮不前惟有懇復前

奏舊章俾銅運得以經久等情由藩司陳鑾覆查

屬實詳請具

奏前來臣等伏查蘇省官商辦銅從前

奏定章程照發帑採辦價值之例每百斤給價銀十三兩五錢九分三釐並豫給一年

帑本王履階等弟兄相繼歷辦十有餘年尙能支持無誤後商程洪然於嘉慶十三年自願減價接充頓改舊章並未計及辦公掣肘以致虧乏退商迨嘉慶二十二年以現商王宇安

奏充該商接辦之初卽據稟請復舊未經批准嗣以無力賠累節次稟退經升任撫臣程晉采查僉殷戶承充均各視為畏途僉名莫應只得責

林文忠公政書 甲集 江蘇奏稿 卷四

三七

令王宇安勉力辦理不准退歇近年以來銅船屢次遭風倍形苦累經該司府飭查至再臣等復加察訪委係實在情形查蘇局洋銅爲六省鼓鑄要需若不酌復舊章必致缺誤並查程洪然減價後帑之案雖經奏明實出自該商一時遷就之見今據請仍復嘉慶十三年以前舊制覈與原案相符非另改新章之比但豫給一年帑本設有轉運遲誤

帑項未免虛懸應不准行惟每百斤給價銀十三兩五錢九分三釐本係從前

奏定章程並非格外加增合無仰懇

皇上天恩俯念商力疲乏准予循復舊章以敷辦運

其價六省分銷贏縮亦尙有限如蒙

俞允應請卽從道光十五年爲始飭令遵照妥辦俾

免藉口求退無人接充致誤六省鼓鑄重務除

飭司另覈章程細冊詳請咨部外臣等謹合詞

恭摺具

林文忠公政書 甲集 江蘇奏稿 卷四

三六

奏伏乞

皇上聖鑒訓示謹

奏

蘇省並無洋銀出洋摺

奏為江蘇省行用洋銀不至運往外洋遵

旨體察情形酌覈覆

奏仰祈

聖鑒事竊 臣等接准戶部咨欽奉

上諭前據御史黃爵滋奏紋銀洋銀應並禁出洋杜

絕仿鑄從重科罪一摺當交刑部妥議具奏茲據

刑部將仿鑄洋錢明定治罪科條具奏著照所議

辦理其禁止洋銀出洋於海洋交易事宜是否可

林文忠公政書

甲集

江蘇奏稿 卷五

一

行著沿海各督撫體察情形妥議章程酌核具奏

餘依議欽此仰見我

皇上於防微杜漸之中寓因地制宜之意當經恭錄

欽遵轉行司道府州將各海口情形備細體察

籌議去後茲據蘇州布政使陳鑾江蘇按察使

裕謙蘇松太道陽金城會議詳覆前來 臣等查

該御史請禁洋銀出洋原奏以內地有仿鑄

洋銀之弊若紋銀有禁而洋銀無禁恐奸民盡

以紋銀鑄為洋銀資外夷無窮之利其言原為

杜弊起見惟洋銀行用情形各省本不相同其

始祇用於粵閩漸次乃及於江浙江蘇本居腹

地市肆買賣行用較多其濱海之區雖設有江

海一關准令商船出入然止北至山東奉天南

至浙江閩粵並無與外夷互市之事較之粵海

關例准夷船貿易者情形迥不相同且奉天山

東二省向不行用洋銀故上海出口沙船只有

帶貨北行並無帶洋銀前往者蓋南貨販北可

以取贏若帶洋銀全不適用是以不待禁止而

林文忠公政書

甲集

江蘇奏稿 卷五

二

人自不肯為其浙江閩粵海船攜帶洋銀來至

上海置買蘇松貨物者往往有之若將蘇省洋

銀載運往南則又百不得一蓋江浙洋銀價值

向比閩粵等省為昂緣其物本由南來輾轉流

行愈遠則作價愈貴浙江貴於閩粵江蘇又貴

於浙江商賈計及錙銖豈肯貴買賤售甘心折

耗且即使有人帶往亦祇於浙江閩粵互為流

通而非遽資外夷之利以蘇省情形而論洋銀

行用祇在內地不往外洋今若創立例禁則閩

粵洋船來至上海者均不得攜帶洋銀是欲截其去路而先斷其來路於商民買賣海關稅務未免皆有窒礙至謂內地鎔化紋銀仿鑄洋銀如原奏所稱蘇板吳庄錫板等名目向來誠有此種作偽之弊然仿鑄原以牟利自必攙雜銅鉛然後有利可牟而近來民閒兌驗洋銀極為精細蘇板等類較洋板成色懸殊以之兌錢價值大減是以客商皆剔出不用民禁嚴於官禁行商公估絲毫不能隱瞞是仿鑄之洋銀在本

林文忠公政書

甲集

江蘇奏稿 卷五

三

地已不能通用更何能行及外洋况經刑部議定新例奸民消化白銀仿鑄洋錢即照白銀出洋之例分別治罪自足以杜其弊若洋銀出洋之禁雖未知於閩粵等省何如而就江蘇言之似可無庸多立科條致滋紛擾除通飭各屬嚴禁仿鑄有犯必獲以清弊源外謹將體察蘇省情形毋庸禁止洋銀出洋緣由合詞恭摺具奏再_臣等因分飭各屬詳加體察並自行明查暗訪反覆推求是以覆

奏稍稽合並聲明伏祈

皇上聖鑒謹

奏

林文忠公政書

甲集

江蘇奏稿 卷五

四

勘估寶山塘工摺

奏為寶山縣海塘工程籌議捐修規模已具應即興工隨捐隨辦謹將勘估情形奏祈

聖鑒事竊照太倉州屬之寶山縣三面環海境內土塘一萬五千餘丈石塘一千三百丈石塘之內仍加土餞其沿塘迎險處所外釘排椿填砌塊石自靠塘一層至二三四五層不等歷年久遠潮汐激盪椿石損缺之處風浪遂及塘身嘉慶四年十年兩次遭被風潮疊經奏准動

林文忠公政書

甲集

江蘇奏稿卷五

五

帑興修迄今又閱卅餘年每遇伏秋大汛土石各工被潮潑損責令該縣隨時擇險搶修權為保護本年六月十四日陡遇異常風潮水勢飛騰高起數丈沿海塘隄率多沖塌經陶澍先將大概情形奏奉

硃批查明據實核辦欽此 臣林則徐接據沿海各屬稟報當查風潮沖壞塘工以寶山為最甚除飭先行擇要搶護外復委藩司陳鑾親赴寶邑會同蘇松太道陽金城逐加查勘該縣江西各段

土塘穿缺一千七十餘丈殘損二千一百八十餘丈江東各段土塘穿缺一千一百餘丈殘損四百四十餘丈石塘沖裂六丈其餘亦多殘損雖經該道陽金城督縣捐廉趕做土餞暫為擁護而急須大加修築方足以資抵禦 臣等往返札商以此項工程浩大保障攸關斷不可遷延貽誤而

國家經費有常又值浙省大修海塘之際不敢復以江蘇塘工請動

林文忠公政書

甲集

江蘇奏稿卷五

六

帑項因思該縣士民素尚好義急公上年賑案勸捐已各勉力輸助今海塘為地方保障尤期衆力同擎當飭該司道體訪輿情妥為勸諭一面由 臣林則徐先行附片陳明欽奉

硃批所辦妥等因欽此 臣等即率同司道州縣捐廉為倡並勸諭城鄉紳庶陸續書捐至七月初間已得十萬有零之數正飭印委各員會同估辦開復據蘇松太道陽金城等稟報七月初二日未刻又有颶風突起雨驟潮喧徹夜震撼至初

三日未刻始經漸息寶山江西各段塘面所築土戩均被風潮漫溢全行穿缺江東各段新築小圩沖缺五百餘丈舊隄亦處處增坍等情臣等仍飭該縣俟潮勢稍落先行設法堵禦一面飭據太倉州知州李正鼎督同寶山縣知縣毛正坦暨委員候補知縣龔潤森鎮洋縣知縣孔昭顯坐補崇明縣知縣徐家槐等趕緊逐一履勘估計茲據稟覆舊塘本嫌陡直收分過少不足以柔潮勢今加築新塘擬用外面三收裏面

林文忠公政書

甲集

江蘇奏稿

七

二收底寬八丈頂寬二丈高至一丈二尺普律齊平所有舊塘業已殘損過半若即以新土鑲築恐新舊不相膠黏應將舊土一律剷平將凸補凹鋪作塘底潑水行砥再以新土層層加築套礮飽錐以期堅固塘外簽釘排椿填砌塊石層數不等其小沙背談家濱一帶形勢尤為頂沖除外面多加椿石俾資保護外並於裏面加築新塘以為重門保障又該處舊有挑水壩二道久經殘廢今一並修復仍於壩外雙椿夾石

以資挑溜至石塘沖裂殘損各段普律添購新石砌築完整其石塘尾段與土塘交接之處加土裏護並加石壩三層合計江西江東應估礮築土方約共三十五萬六千四百餘方石塘添辦青條石一百九十餘丈通工椿木約須六萬一百餘根碎石二萬一千三百餘方統計銀數須得二十萬兩有零方能料足工堅永資鞏固並據司道核覆所估並無浮捏等情臣等伏查寶山縣境江東江西所轄土塘本年兩遇風潮

林文忠公政書

甲集

江蘇奏稿

八

穿缺殘損只有五千餘丈其石塘亦多沖裂脫卸既經該州縣等確加履勘逐段修復竝將石塘添砌新石土塘加幫高寬且於頂沖處所裏面添築新塘外建挑水壩二道以復舊制沿塘簽釘排椿填砌塊石再於石塘工尾土石交接之處築土裏護外加石壩三層俾工段益增鞏固實可為一勞永逸之計所估土方椿石覆核尙無浮多惟統計銀數須得二十萬兩有零方敷辦理而捐項甫經及半若必俟全數捐足始

行興工則今冬已恐無及明歲春潮驟長抵禦無資人心惶惶深為可慮臣等復經採訪衆論公同商榷事關生民保障不獨寶山一縣紳庶自衛身家捐輸已形踴躍卽貼近之嘉定上海二邑亦皆倚齒相依尙可互勸集捐以期衆擎易舉因令先將已捐之項採購料物趕運赴工並於寶山紳耆中公舉總董數人散董數十人分司共事現在將屆立冬水勢消落應卽擇吉開工派令印委各員分頭催辦並飭蘇松太道林文忠公政書甲集江蘇奏稿卷五 九

陽金城率同太倉州知州李正鼎時刻來往稽查不任稍有草率一面續勸協捐以資辦理察看該處民情因見各官捐廉倡辦係為保衛民生起見無不心懷感奮雖需款繁鉅而妥為勸導稍寬時日自可有成統於竣工之後查明捐戶銀數照例

奏咨鼓勵如有格外多捐者容臣等酌量懇恩加獎仍嚴札州縣毋許抑勒科派並飭杜絕虛糜不准有絲毫浮費如能格外撙節卽可稍減捐

數總期認真核實以蔽鉅役而奠海疆一俟通工完竣臣等酌往驗收另行具奏再該工既係捐辦應請照案免其造冊報銷據該司道會詳請

奏前來臣等謹將勘估籌辦情形合詞恭摺具奏伏乞

皇上聖鑒訓示謹

奏

林文忠公政書 甲集 江蘇奏稿 卷五 十

劉河節省銀兩撥挑七浦等河摺

奏為蘇州省水利工程動用劉河節省銀兩擇要

舉辦其餘酌量捐修恭摺奏祈

聖鑒事竊照江蘇號為澤國而財賦甲乎東南賦出

於田田資於水故水利為農田之本不可失修

如吳淞黃浦劉河乃三江之舊蹟白茆河又別

為一大支近年以來或動項或捐挑均經奏奉

諭旨准辦以次深通小民感戴

皇仁同歌樂利此外尚有太倉州境內七浦河道及

林文忠公政書

甲集

江蘇奏稿

七

太湖以下泖澱等處亦多湮塞亟宜擇其要道

挑挖疏通俾上下一氣呵成清水暢流以刷湖

淤而資灌溉查上年借項興挑劉河案內有節

省餘銀三萬四千九百兩經臣等於收工時

奏蒙

恩准留作接挑各處河道之用當即行司飭委前署

太倉州現署蘇州府知府周岱齡青浦縣知縣

蔡維新等會督各該州縣周歷履勘次第舉辦

旋據稟覆勘明青浦縣境內澱山河一道現尚

深通毋庸開浚外其太倉州境七浦河一道東

為海口設有七浦閘一座淤塞已久量應浚丁

長五千六百二十八丈二尺內有浮橋鎮市河

六十丈雖向由該處居民自行開挑而自河淤

以來民居大半遷移鋪戶亦多閉歇應一並給

價承挑實需土方填工銀一萬五千二十兩零

又元和縣境內南塘寶帶橋一座共五十三孔

係太湖出水咽喉年久失修閘洞坍塌以致漚

塞水道湖漚宣洩不靈夏秋盛漲之時深虞泛

林文忠公政書

甲集

江蘇奏稿

七

溢於水利全局大有關係亟須修整據估工料

銀六千六百七十兩零由司確核無浮詳明動

支劉河節省銀兩撥給興辦已據具報於本年

三四等月先後興工如式挑修完竣經臣林則

徐與藩司陳鑾親往察驗並無草率偷減其餘

承接太湖之支港各河如吳江縣境之瓜涇港

王家匯挑家莊七里港邨前嘴大港新港及太

倉州境之楊林朱涇兩河嘉定縣境之華亭涇

黃姑塘蒲華塘並據該州縣等勘明皆係上承

下注要道近亦處處淤淺俱應一律興挑以資
宣洩除朱涇河華亭涇黃姑塘蒲華塘均由民
捐民辦外其楊林河一道竝吳江縣境瓜涇港
等處請動劉河節省餘銀興浚又泖湖一處跨
連元和婁縣青浦三縣上承太湖及浙西諸水
下同黃浦入海蓄洩並用旱澇兼資惟淤土甚
多須將新漲之灘切除挑浚方免滋蔓祇因劉
河案內節省銀款分辦各河已不敷用據青浦
縣蔡維新稟請情願捐辦現已集夫興工歲內

林文忠公政書

甲集 江蘇奏稿
卷五

十三

諒可告竣又松江府屬川沙廳並上海南匯二
縣其轄之白蓮涇長濱呂家濱小腰涇等河均
係跨連數處水利亦已勸捐興辦等情由蘇州
藩司陳鑾棠詳請

奏前來 臣等伏查劉河節省銀三萬四千九百兩
既經奏准留爲接挑各河之用自應核實辦理
惟存銀祇有此數而河道淤塞之處悉數難終
惟有擇要量准動款其餘可以籌捐者卽歸捐
辦可以略緩者卽歸緩辦除七浦河寶帶橋兩

處工程已撥給銀二萬一千六百九十五兩零
業經挑修完竣驗收如式外現僅存銀一萬三
千二百四兩零以之挑浚太倉州楊林河及吳
江縣瓜涇港等處核其工費尙有不敷祇可就
款量爲分撥現經給發太倉楊林河銀八千兩
吳江瓜涇港等河銀五千二百四兩零飭令乘
此水涸集夫趕挑其有不敷悉由該州縣捐廉
湊辦所有撥用銀兩統歸劉河案內依限攤徵
還款其泖湖朱涇以及華亭涇黃姑塘蒲華塘

林文忠公政書

甲集 江蘇奏稿
卷五

十四

白蓮涇長濱呂家濱小腰涇等河或先已挑竣
或現在備挑皆由官民分別捐輸不敢概動款
項亦不許稍有草率偷減並不得假手胥役地
保致滋弊竇總之地力必資人力而土功皆屬
農功水道多一分之疏通卽田疇多一分之利
賴 臣等惟當隨時率屬講求經理未雨綢繆以
期仰副
聖主勸農勤民之至意再青浦縣知縣蔡維新係卓
異案內應行引

見之員因委估挑工業經

奏准展限在案應俟工竣再行給咨赴部合並聲

明除飭將七浦河等工取造估計報銷各冊繪

圖詳請

題咨外臣等謹合詞恭摺具

奏伏乞

皇上聖鑒謹

奏

林文忠公政書

甲集

江蘇奏稿
卷五

五

籌議新漕事宜摺

奏為遵

旨籌議趕辦新漕各事宜恭摺覆

奏仰祈

聖鑒事竊臣等接准部咨欽奉

上諭朱為弼奏遵旨籌議剔弊速漕各事宜酌擬條

款請旨辦理一摺如所稱新漕兌開宜竭盡人力

趕早等語著有漕各督撫通飭各該糧道及所屬

州縣先事預籌提前償辦至所稱飭提浙江湖廣

林文忠公政書

甲集

江蘇奏稿
卷五

六

船隻無分省分幫次先到先進瓜洲口趕償來淮

盤驗等語著陶澍林則徐妥議具奏至糧艘交卸

以後必須趕緊回空庶辦理新漕可期及早受兌

著沿途各督撫於回空糧幫趕緊催償不准藉詞

停泊庶幾以速補遲剋期歸次毋得任令延逾致

誤例限又稱各衛屯田應妥為清理等語著有漕

各督撫妥議具奏又稱江蘇總運丞倅應管押幫

船過淮渡黃等語著林則徐妥議具奏等因欽此

當經恭錄轉行欽遵辦理並將應議各條札飭

江甯江蘇兩藩司江安蘇松兩糧道會同籌議
一面飭令沿河文武員弁督率兵役親駐河干
將各省同空幫船剋期催償臣陶澍復經委員
分往北運河及山東臨清一帶加緊催提已於
十月二十八日掃數渡黃完竣惟徒陽運河因
冬令潮弱兼被西風利耗水勢淺小經臣林則
徐預飭該府縣將橫閘支河搶挑深通並令隨
時察看如京口過淺即飭各幫循舊由橫閘進
口截至十一月初六日催進京口船二百四十

林文忠公政書

甲集

江蘇奏稿
卷五

七

三隻又進橫閘船一千一百一十一隻共進口船
一千三百五十四隻在後幫船現仍飭令晝夜
緊催總期趕早歸次不任藉口停延至新漕事
宜臣等於秋米報穫之時即飭有漕各屬先事
預籌趕早開倉催徵交兌能得水次早開一日
則渡江過淮渡黃抵通均早收一日之效况疊
奉

諭旨提前償辦不特臣等與漕臣及各糧道一體欽
遵力求趕早即有漕之州縣亦惟冀幫船早離

水次如釋重負但一縣之漕糧多者逾十萬石
少亦數萬石倉廩每不敷收貯必得隨收隨兌
始無積壓之虞而旗丁以米色為停兌之藉詞
以停兌為索費之把握總因相持不下兌遲則
開亦不得不遲臣林則徐於上冬幫船津貼一
節循照從前

奏案早飭定議雖爭執刁難之處亦復不少而猛
寬兼濟大概不敢以私誤公今冬漕船輪值調
幫之年恐貪詐者更有所藉口惟有早為嚴立

林文忠公政書

甲集

江蘇奏稿
卷五

六

限制確訪尖丁蠹棍懲一儆百以杜阻撓而速
兌開本屆收成之時天氣連晴與上冬無異則
所收米色亦與上冬無異但幫丁之借題挑剔
久已習為故套今惟照例責成糧道臨倉親驗
並委各屬總運廳員逐廠察看凡道廳驗定之
米即不許幫丁混挑妄稟少一分之挾制即早
一日之開行果其自南至北在在加意體卹使
旗丁不負重累自可冀漕清運速年勝一年矣
又飭提浙江湖廣船隻無分省分幫次先到先

進瓜口一條臣等恭查道光六年欽奉

諭旨琦善奏來年各省漕船請不論幫次隨時提前過淮一摺來年起運新漕節經降旨嚴催迅速償行若令沿途停候揆延恐致稽遲著照所請浙江幫行抵江境如在江蘇各幫之前即將浙江幫提前插檔渡江前進江西湖廣各幫先行停泊江面者無論何省何幫即行償挽徑進瓜口俟全數渡黃後於邳宿一帶仍令按照原定省分次序順幫前進等因欽此欽遵在案來年浙江重運行抵江

林文忠公政書

甲集江蘇奏稿卷五

十九

境如果在蘇松各幫之前自應欽遵前奉

諭旨將浙江幫提前插檔渡江前進其江西湖廣各幫如有先行停泊江口者無論何省何幫即行償挽徑進瓜口俟全數渡黃後於邳宿一帶仍按照原定省分次序順幫前進倘有水手人等爭競擁擠即由該處文武營汛及該幫運弁嚴拏究辦俾知儆畏又各衛屯田妥為清理一條業經分飭各府州縣衛查屯丁有無私行典賣如有典出之田即行根查明白限一月內開册

具詳俟覆到即由糧道會同藩司速籌回贖章程妥議詳辦又江蘇總運丞倅應管押幫船過淮渡黃一條伏查總運廳員有彈壓水手稽查盜賣之責原應督押所屬尾幫過淮渡黃北上近因守候各州指解存公銀兩以致不克隨幫起程查存公一項即係州縣所給各幫津貼銀內扣出之款嘉慶十七年前任蘇松糧道李長森拏獲通州放債跟幫盤剝一案經前撫臣章

林文忠公政書

甲集江蘇奏稿卷五

二十

奏明酌量幫情每船提存數十兩封貯俟抵通散給各丁接濟此項應解總運收貯管帶惟漕船開行緊迫花戶米石既難概令全輸而天庾正供不可顆粒短少各州縣墊項買米久已不得不然又開船以前幫丁水次所用率皆取諸津貼計州縣運行給丁之數已屬不貲此項存公未能即時同解以致總運廳員羈留守候亦勢之無可如何歷年以來經臣疊檄嚴催未嘗稍予以暇僅保解交無誤朱為弼以總運本應

第... 冊... 頁...

隨幫督押不得因此久延所論亦正嗣後應責
有漕州縣將扣存帶北存公銀兩於幫船開行
十日內按數解交總運廳員收存倘延至所屬
幫船全行渡江之時尙未清解卽先催該總運
迅速起程督運一面飭令將何縣存公已解何
縣未解由總運據實稟明司道責成該管府州
勒令州縣將銀專差趕解總運舟次倘趕送不
到竟至誤公由司會同糧道詳請將該州縣撤
參以儆疲玩此外凡有可以速漕事宜臣等分

林文忠公政書

甲集

江蘇奏稿
卷五

三

飭司道次第妥辦以期漸復舊規斷不敢稍任
因循貽誤茲據該司道會詳前來臣等覆加核
議謹合詞恭摺覆

奏伏乞

皇上聖鑒謹

奏

親勘海塘各工片

再太倉州屬之寶山縣捐修海塘工程經臣會

同督臣陶澍奏奉

上諭陶澍等奏籌議捐修海塘工程估需銀二十萬
兩有零據稱業經率屬倡捐該縣紳士踴躍輸將
捐項已經及半其附近之嘉定上海二縣皆膏齒
相依尙可互勸集捐以期歲事著卽責成蘇松太
道陽金城太倉州知州李正鼎督令各該縣隨捐
隨辦竝往稽查無任草率等因欽此當經恭錄轉

林文忠公政書

甲集

江蘇奏稿
卷六

一

行欽遵辦理旋據蘇松太道陽金城太倉州知
州李正鼎等以該處塘工有迫近海濱外無護
灘之處應否繞越挽築稟請臣臨工勘辦又嘉
定上海二縣雖已分勸盡捐尙未集有成數亦
須臣親往督勸臣隨於十月二十八日自省起
程前赴寶山工次親加履勘除縣城迤西之小
沙背迤北之談家浜二處雖皆臨水頂衝而迫
近城垣市鎮未便過於縮進仍照原估於舊塘
裏面加築新塘以資重門保障外其江西之衣

周塘及江東之八房宅唐家宅長浜周家宅各處均係頂對大洋形勢挺出外灘已塌塘腳漸卸入海若仍於原處修築現在礙難施工且恐不能經久自應繞越另集庶臻鞏固又江西江東兩礮臺挺峙海口雖潮大之時不免漫及根脚而形勝所在未便改移惟於臨水之一面加築圍堰多護樁石以憑扞衛又施港迤南塘身留有石洞一座因係農民灌漑取需不便令其堵塞但恐大汛潮猛易被沖決亦須略為挽越

林文忠公政書

甲集

江蘇奏稿 卷六

二

以避激蕩均經臣逐加履勘與該道縣並紳董人等酌商定見即飭該縣等妥為照辦毋許稍有草率至嘉定上海二縣協捐一節竝經臣親督道府州縣傳令各該紳士詳加開導互勸輸將僉稱各官尙且捐廉為民保障該紳等住居切近自當勉力輸助以濟要工察其情詞尙屬踴躍可期源源捐濟無誤工需臣仍請飭樽節動用務使料實工堅以為一勞永逸之計又查今歲夏秋之間沿海屢被風潮本不止寶山一

處如華亭縣之海塘亦據該縣稟報外塘樁石多被沖損內塘腳土間被汕刷等情經臣彙入風潮案內附片奏蒙

聖鑒在案茲

臣

於寶山勘畢之後竝到華亭海塘逐

段查勘該塘內面砌條石十五層外面包土其迎潮處所又加椿木碎石層層攔禦潮至雖被激蓄仍從空隙處退回故相沿謂之玲瓏堤實為全郡保障前於道光十一年遭被風潮損壞曾經請

林文忠公政書

甲集

江蘇奏稿 卷六

三

帑承修計今已逾保固例限本年六月十四五及七月初二三等日颶風大作致將玲瓏堤土石椿木各工先後沖壞潮汐直到塘根刷去面土激動條石當經署松江府周岱齡督同該縣張慶瑗趕緊搶堵一面按段查勘估計詳辦即據該府縣以工段綿長一時無款可籌而該處民力拮据即勸捐亦恐無濟祇得由松江府屬各員捐廉酌辦議請先行擇要將珠稱等號有土無石之單塘一百二十餘丈再加木椿一層椿

內填石石後添土鋪築行礮務令堅實又將最險之金山嘴地方鳥官以下等號擇要修築四百四十餘丈均於石塘包土之外量至六丈地位排釘木椿內填碎石加築尾土悉照玲瓏堪做法修成護塘灘坡俾險要之處捍衛有資再將金塘外堤徐圖修復等情臣此次親詣覆勘所估各段皆係刻不容緩之工應如該府縣所議先行興辦已令卽速施工所需經費據該府正署各員督率該屬之華亭奉賢上海南匯青浦等縣分別捐廉通力合作除俟工竣驗收查明實用確數再行專摺具奏外所有臣出省親勘海塘分別飭辦緣由謹會同督臣陶澍附片陳明伏祈

聖鑒謹奏

林文忠公政書

甲集 江蘇奏稿 卷六

四

籌辦通漕要道摺

奏爲籌辦通漕要道將練湖隄堤堪勸諭民修運河開工由官捐辦俾漕運長資利益恭摺奏祈

聖鑒事竊照鎮江爲漕運咽喉江浙兩省糧船皆所必由之路而每年重空往返挑浚河道蓄水提船一切機宜則惟鎮江道府縣營責成爲重其挑河例價不敷並須江蘇各屬州縣捐資協貼一遇江潮低落設法推挽勞費尤倍於平時揆其致病之由總因該處運河本係鑿山通道並

林文忠公政書

甲集 江蘇奏稿 卷六

五

無水原祇恃引江入河以資浮送而江水本不宜過大若運河灌輸盈滿於行舟固爲順利而沿江田地早已被淹如江水落低則利於洲田又不利于漕運兩者相較固係農田爲本而運道則須隨時盡力以圖補救之方臣陶澍於嘉慶二十一年巡視南漕卽以修整閘座濬治練湖等事縷晰陳

奏道光七年九年在巡撫任內復節次奏明籌辦閘堤提埂以資收蓄誠以江潮長落靡

常緩急仍難盡恃練湖開於晉代在運河之西
為長驪諸山衆水所注唐宋元明皆治之以濟
運其上接丹徒境者謂之上練湖下接丹陽城
者謂之下練湖上湖高於下湖下湖又高於運
河以節節傳送有湖水放一寸運河增一尺之
諺與山東運河之有南旺南陽微山諸湖情形
相仿明季湖禁漸弛居民占墾遂致就埋我
朝康熙十九年始定以上練湖改田升科下練湖
留資蓄水然湮塞已久所蓄究屬無多而濬湖

林文忠公政書

甲集

江蘇奏稿

六

築隄經費太鉅是以屢議屢寢臣陶澍在巡撫
任內奏修閘座亦係先其所急將黃泥閘移於
張官渡以當湖之下游俾得擊托湖流使之同
漾稍濟江湖之不逮每於重運回空經過閉板
蓄水曾著成效然全湖隄堤久已損壞水來則
直冲而易決水去又一洩而無餘臣林則徐於
道光十二年秋開親履勘因議擇要築堤以
利節宣迨十四年四月臣陶澍閱兵過彼亦經
覆勘意見相同遂即定議籌辦並經附片

奏明在案隨飭常鎮道李彥章相度機宜在於該
湖頂冲之黃金堤及東岡一帶先築兩重蓄水
堤加培圩埂二千八百八十丈零使山水皆得
入湖不令散漫又恐水勢暴猛或虞冲決因於
湖之東隄添建減水石堤兩座如遇暴漲有所
分洩可以保隄其通入運河之處勘得有念七
家古涵較舊濬之范家溝機勢更順因修復古
涵以作水門并就近建設濟運石閘一座於運
送軍船時放水接濟漕過之後用土填築留一

林文忠公政書

甲集

江蘇奏稿

七

涵洞以灌隄外民田是不特濟運有資即農民
亦咸霑其利臣等當即飭道督縣勸諭得霑水
利之業佃或出力或出資令其舉董經理官為
督率輿情咸知利益踴躍急公自夏至冬工程
陸續報竣適值冬丹徒水涸回空全進橫閘
臣林則徐親駐鎮江督催提挽飭委該道李彥
章試放濟運新閘由念七家涵引水而出竟能
倒漾上行至數十里之遠連放數次軍船得以
銜尾南行其效頗為顯著此道光十四年勸諭

民間捐築練湖蓄水減水諸堤暨修復古涵改建濟運閘之情形也復查下游張官渡一閘爲漕船經過要津前將黃泥閘移建該處原以引截練湖便資擊託時經七載固限早逾第年來溜勢時有變遷河形漸形灣曲每遇夏秋盛漲疏洩不及金門難免逼溜卽恐有礙舟行臣等復往返札商今昔情形既殊自須變通盡利欲其順溜取直莫若因地制宜隨勘得該閘迤上相距二百丈之處溜勢漸形平緩而其地段仍

林文忠公政書

甲集

江蘇奏稿
卷六

八

在練湖濟運閘之下游疊經督匠相度僉謂宜將該閘移建於此但舊閘只有一座金門而舟楫經由絡繹不絕欲議改建尙須另籌行船之路始可截堤興工因思移地建閘原欲以殺水勢莫若改爲正閘越閘兩座尤靈遂於所勘改建之地先就南岸一邊開出越河將地勢加倍展寬俾其可容磯心雙孔之閘卽於越河圍築攔堤一道仍留靠北一半河路俾得照常行船其在攔堤以內者卽可施工先建越閘俟越閘

工竣放水通舟然後折去靠南之堤圍於靠北一邊以建正閘如此倒換辦理往來船隻既無阻滯之虞而雙孔閘成又免涌激之患將來設遇修理亦可不礙漕行但一閘改爲兩閘中添磯心一道所需工料倍多而經費有常仍不敢遽請動

帑查挑辦徒陽運河向由各屬捐資協貼本係歷有舊章若果閘座鈐束得宜卽挑費亦可期節省是以改建該閘仍歸官捐辦理各州縣中急

林文忠公政書

甲集

江蘇奏稿
卷六

九

公從事者尙不乏人自上年秋間集項購料興工至十二月內先將越閘辦竣工料均稱堅固維時回空南下又值湖枯水涸之時當卽放出湖漕將該閘下板攔蓄愈得倒漾之力江浙同空約三千艘無不由該閘而下更爲濟運之明效旋卽接手砌辦正閘不日亦可告成此自上年至今建改張官渡正越兩閘官捐辦理之情形也惟思張官渡之下游尙須重門收束遇水淺時上下拗板此故彼閉始能呼吸相通卽練

湖圩埂塌涵雖已擇要勸民修辦而殘缺之處
尚多仍須設法籌維期湖水多蓄一分即運河
多得一分之益查張官渡迤下六十里有呂城
開建自宋元祐四年其地勢正當扼要我

朝雍正年間就舊基重建正越兩閘嗣是越閘堙
塞糧船祇由正閘經行嘉慶二十二年曾經估
修旋又議緩上年該閘金剛牆漸坍到底坍下
之石堵至金門重運經臨幾為所阻經丹陽縣
督率呂城巡檢集夫抬撈始得通舟此時勘估

林文忠公政書

甲集

江蘇奏稿
卷六

十

興修實屬刻不容緩惟該閘越河久為瓦礫填
壅越閘石料剝損尤多今既議興修仍須兩閘
并辦不便偏廢現照張官渡章程先行挑浚越
河趕修越閘已於正月興工此時糧船正在北
行仍令經由正閘俟越閘修竣得以通舟再將
正閘接手開砌所需經費亦歸本省官捐項下
樽節辦理概不敢請動款項至練湖隄身單薄
之處西南兩面尤其蓄水舊制本以湖心二
尺八寸為度因湖底既淤隄埂又缺遂致不能

多蓄欲籌東水不外培隄但湖面正寬即以下
湖而言周圍已四十里勢難全行圍築前於湖
東一帶酌建蓄水減水各堤並築圩埂二千八
百餘丈來源已有歸宿不至旁溢糾分今再勸
諭民開於湖之西南兩面就近挑挖湖淤即以
挑出之土培築堤埂照舊制高一丈二尺面寬
四尺兩邊二五收分更足以資攔蓄該處近湖
民居有一百八十三邨計田四萬六百八十餘
畝查歷修水利本有按田出夫業食佃力之章

林文忠公政書

甲集

江蘇奏稿
卷六

十一

程茲復由該道李彥章督同鎮江府龔文煥分
別出示覆加勸諭農民均各樂從臣等已飭陸
續興挑即令印委各員常川駐工稽查督辦務
使逐一核實迅速歲事俾運河長資利益漕事
年勝一年以期仰副
聖主利運便民之至意至此案均係捐辦工程應請
免其造冊報銷除各工一律全竣分別驗收另
行
奏報外所有先後籌辦緣由據署蘇州藩司裕謙

會同常鎮道李彥章具詳前來臣等謹合詞恭

摺具

奏伏乞

皇上聖鑒謹

奏

林文忠公政書

甲集

江蘇奏稿卷六

七

會奏道光十年以前積欠銀米麥豆穀石請豁

摺

奏為遊

旨查明江蘇省積年民欠及因裁緩帶銀米麥豆穀

石實在未完各數開列清單恭摺具

奏仰祈

聖鑒事竊臣等接准部咨欽奉

上諭朕寅承丕緒撫馭萬方旰食宵衣無日不以勤

恤民依為念十五年中劬農重穀減賦停徵疊沛

林文忠公政書

甲集

江蘇奏稿卷六

七

恩綸覃敷愷澤所願四海烝黎家給人足共享昇

平之福因思各省民欠錢糧自嘉慶年間蠲免以

後迄今又閱十餘年矣比歲以來仰蒙

慈佑慶協綏豐民氣和樂本年恭逢

聖母皇太后六旬萬壽欽惟

慈禧光被歡洽敷天允宜申錫無疆普蠲逋賦所有各

省節年正耗民欠錢糧及因裁緩徵帶徵銀穀並

借給籽種口糧牛具及漕項蘆課學租雜稅等項

即著該督撫將軍府尹等將道光十年以前實欠

在民者詳悉查明按照該省所屬之某州某縣銀穀若干速行開單具奏候朕以次降旨全行豁免竝著先將此旨謄黃宣示城鄉卹鎮咸使聞知俾官吏胥役無從影射侵欺以期膏澤下究用副朕錫羨延

釐普惠實區至意該部遵諭施行欽此當經恭錄轉行江甯蘇州兩藩司及江安蘇松兩糧道欽遵查辦一面恭刊謄黃頒發各屬通行曉諭業將辦理情形先行覆

林文忠公政書 甲集 江蘇奏稿 卷六

西

奏在案 臣等伏查江蘇為財賦之區錢漕繁重甲於他省上屆查辦嘉慶二十二年以前民欠共銀四百六十九萬二千餘兩米麥豆等項一百六萬六千餘石均奉

恩旨全行豁免今自嘉慶二十三年以後截至道光十年又閱十有餘載其年應征之項歷於奏銷案內比較分數按年造冊

奏咨復將上下兩忙徵解銀數隨時據實奏報層層考核備極周詳是以應征熟田項下民

欠尚不至於過多惟因裁緩征之項是道光三年大水以後江蘇兩藩司所屬頻年屢有裁傷民生積困之餘既不能概予議蠲自不得不量為展緩就一年而計為數尚少合十餘年併計積數遂多此次

曠典特頒總期實惠及民不使官吏有一毫之侵欺款用有一毫之隱混 臣等節次飭司將應豁者何年何款不應豁者何年何款頒發各屬通行示諭務令城鄉市鎮共見共聞在官之人無從

林文忠公政書 甲集 江蘇奏稿 卷六

五

影射凡在茅檐部屋無不歡呼載道感頌皇仁查十年以前積欠之地丁驛俸項脚屯折貢舫蘆課雜稅學租河灘租等款錢糧以及漕糧漕項銀米俱在清豁之例款目甚繁其中已入清查及參案虧缺續完各數必當逐款剔除不許混入而未完民欠尤以版串為憑故必逐張盤驗果係的欠在民者方准查辦惟歷年久遠串據紛紜鈎稽大為不易隨復督飭藩司糧道悉心綜核往返駁查竝遴派明幹丞倅及候補州

縣等官分赴各屬會同該管府州印查各任實徵簿冊交代案據按年按款核對務使針孔相符遞加切結送司核辦其直隸州廳民欠由巡道核盤加轉如有影射朦混責令據實揭參並又節次札催去後茲據江甯布政使楊策署蘇州布政使裕謙江安督糧道唐鑑蘇松督糧道陶廷杰先後會督各道府州暨委員等查實節年民欠及因裁緩帶銀米各確數開單詳請具奏前來臣等覆加查核除太湖金匱嘉定崇明四

林文忠公政書 甲集 江蘇奏稿 卷六 六

廳縣太倉鎮江二衛應徵錢糧均係年清年款並無十年以前應豁民欠外計自嘉慶二十二年起至道光十年止江甯藩司所屬熟田應徵項下實欠地漕等銀六萬六千七百二十八兩零穀二千二十三石零蘇州藩司所屬熟田應徵項下實欠地漕等銀八萬六千三百九十七兩零米一百四十五石零以額徵之數科算其所欠尚不及百分之一惟節年因裁緩徵項下江甯藩司所屬地丁驛俸項脚屯折貢舫蘆課

雜稅公費學租漕價出借糧種口糧油麻地租河灘租並漕項鳳陽淮安徐州倉正耗及補征蘆課各款共銀三百七十二萬七千九百八兩零外有阜甯縣新淤灘地未完道光十年地丁灘租正耗銀七百五十九兩零南屯恤孤漕糧漕項麥豆及出借常平倉穀一百一十六萬六千三百三石零蘇州藩司所屬節年裁緩地丁項脚蘆課漕項學租等款共銀一百一十二萬

林文忠公政書 甲集 江蘇奏稿 卷六 七

石零均因連年裁歉疊奉恩旨遞緩本不在應徵之列倘非花戶完納不前亦非州縣催科不力以上江蘇兩屬統共熟田未完銀十五萬三千一百二十六兩零米穀二千一百六十六石因裁遞緩銀四百八十四萬九千二百三十五兩零米豆麥穀一百三十九萬五千三百九十石零皆係實欠在民並無絲粒隱混除將應豁各款清冊咨部核辦外臣等謹會同漕運總督臣恩特亨額河道總督臣麟慶合

詞恭摺具

奏竝開繕清單敬呈

御覽恭候

恩旨遵行再各屬社倉穀石係民捐民辦所有出借未完各數上屆係於欽奉

恩詔豁免籽種口糧案內聲明歸入年例咨報冊內請豁奉部覆准在案今屆社倉出借應豁穀石另查明確數詳咨仍歸本案報銷冊內造報又各項應免雜款及攤徵河銀容照上屆成案查

林文忠公政書

甲集 江蘇奏稿 卷六

六

明另行分別具

奏其蘇州藩司所屬竝無出借常平倉穀籽種口糧牛具亦無雜稅欠款合併陳明伏乞

皇上聖鑒謹

奏

會奏各州縣墊完民欠銀米請豁摺

奏為積欠案內查有各州縣歷年墊完民欠銀米

無從徵還恭懇

天恩一體豁免仰祈

聖鑒事竊照欽奉

恩旨查豁道光十年以前民欠銀米業經 臣等督飭司道府州等吊核簿串剔除已入清查參案續完各款將實欠在民確數另摺開單具

奏恭候

林文忠公政書

甲集 江蘇奏稿 卷七

一

恩旨欽遵外惟盤查銀米版串實有溢於報部欠解之數查係征少解多官為墊完之項而其中漕米尾欠為數居多吊齊實徵堂簿以及交代案據逐一核對均屬相符由各府州會同委員層層加結並無捏混計自嘉慶二十三年起至道光十年止除陸續徵完外江藩司屬尚有墊完未徵銀一十七萬七百四十八兩零米二萬四千二百七十一石零蘇藩司屬尚有墊完未徵銀一十六萬一千六百七十一兩零米三十七



萬三千六百八十八石零緣江蘇起運漕糧數居南漕之半而漕船開行次序又在各省之前例限則緊迫異常糧戶復殷疲不一加以頻遭積歉卽嚴刑峻法亦不能於冬春之際責令花戶一律全完而

天庾正供不敢遲緩州縣恐悞兌運不得已暫動庫項買米交幫其地丁漕項錢糧每年奏銷時畸零小戶完納不前亦有官爲挪墊以副例限而濟要需遇有交代將墊完銀米流抵挪缺之項

林文忠公政書

甲集

江蘇奏稿
卷七

二

移交後任接征實相沿年久在州縣之動項墊解固不免規避處分然當漕務喫緊之時催兌催開急如星火實迫於萬不得已卽地漕錢糧院司亟待截數奏報不能任其緩解故亦間有墊完此等情形久邀

聖明洞鑒但所墊銀米原係實欠在民歷經責令州縣陸續徵完歸補庫項本爲有著之款今民間逋賦已蒙

恩旨蠲除不能再向糧戶催徵遂致無從歸款查嘉

慶二十三年查辦豁免曾以墊完銀米官非一任墊非一年其現在本任者尙可勒限追完而事故離省者難免咨追懸宕經前督撫臣奏蒙

恩旨准由現任分作十年攤補行之一年仍歸於恩詔款內豁免且上屆查辦之時嘉慶十四年以前墊完民欠已於二次清查案內開報僅有十五年至二十二年之款爲時不過八載相隔亦止一年尙有本任之員可追今道光十五年查豁積欠計各屬各墊之款自嘉慶二十三年起至

林文忠公政書

甲集

江蘇奏稿
卷七

三

道光十年止已積十有三載之多現又相距五年之久原墊各員均已輾轉更易此內如嘉慶二十三四五等年銀米已入三次清查分限催納又道光元二三四等年米石先限一年徵完繼復請分三年帶征除屢被裁款各廳州縣欠款展緩之外其餘仍照原限催征凡征不足數分別追賠皆曾

奏咨有案奈完繳寥寥類多人亡產盡猶冀仍追民欠藉以補苴今民欠既無從著追原墊卽無



可彌補而自道光三年大水以後災歉頻仍不獨民力拮据而州縣辦公尤形支絀卽令現任之員分年攤補恐亦徒託空言茲據江甯藩司楊箐署蘇州藩司裕謙詳據江蘇各府州稟請將此項墊完民欠銀米各按交代原抵之數一體懇免註銷動缺庫項等情先後請

奏前來臣等查此等銀米在小民實欠原應並荷恩蠲而州縣墊完早已上供

林文忠公政書

甲集

江蘇奏稿 卷七

四

天恩俯念江蘇錢漕重大迥非他省可比墊出因公官經屢易今除還過之外所餘尾欠按各年額征科算不及百分之一二所有兩藩司屬墊完民欠共銀三十三萬二千四百一十九兩零米三十九萬七千九百五十九石零照各屬交代原抵之數每石折價三兩上下不等共合銀一百一十七萬一千三百四十二兩零伏乞

皇上格外恩施

准予一體豁免註銷各屬存庫則州縣得免攤賠小

民益霑

愷澤而庫項亦歸實在感沐

恩慈倍無涯涘此後根本既清末流可截臣等惟有

督飭藩司道府加意徵儲倍嚴稽核不任稍涉

虛懸庶幾澄源節流仰副

聖主實惠均被之至意謹合詞恭摺具

奏並繕清單敬呈

御覽伏乞

皇上聖鑒訓示謹

林文忠公政書

甲集

江蘇奏稿 卷七

五

奏

會奏各屬墊完民欠銀米情形片

再江蘇錢漕之重款項之繁終歲催提幾無虛日各屬咸知考成所係無不加意催科但一州縣中大者數十萬戶小亦十餘萬戶其一戶之中又將田畝糧額私自分析粉碎畸零莫可勝數有田在此圖而糧由別處完納令人難以尋覓者謂之寄莊有墳墓住房本係有糧之地因無可耕種永遠拖欠者謂之板荒又有私將田畝出售並不推收過戶而逃亡無蹤者謂之虛

林文忠公政書

甲集

江蘇奏稿

六

糧此等錢漕皆不得不由官墊解然錢糧尚有奏銷分數即未經全解猶許照例開參而漕米照糧船起運之時顆粒不能短少限期緊迫

功令森嚴臣等不敢不極力催提州縣即不得不買米墊兌且不獨墊米而已凡重運之自南而北與同空之自北而南除例給各款之外無非取諸州縣印例給之款亦須州縣將漕項銀兩趕緊解赴糧道方足以資開發故漕船開出之後州縣逋累不少而未征之糧串正多惟期陸

續征還始能歸墊而民間則以漕船已去延宕

無妨設遇歲功不齊更必藉詞抗欠乃未幾而奏銷須截數矣未幾而上忙又頂限矣新錢糧與舊漕尾勢難同時並催一輾轉閒而上屆之漕尾未清下屆之新漕又至不得不先其所急舍舊圖新年復一年遂成交代抵款此等墊漕之州縣雖非正辦而其心究屬急公較諸坐視候漕者奚啻霄壤設或禁其墊辦必致貽悞兌開歷年以來惟有於辦理新漕之餘責令設法

林文忠公政書

甲集

江蘇奏稿

七

帶催舊欠使之遞年減少漸就清釐故自嘉慶二十三年起至道光十年止已閱十餘載之中閒征辦漕白正耗行月兵匠等米不下三千萬石而僅留此三十餘萬之尾欠是催徵未敢鬆懈似可概見即其墊解錢糧銀兩亦皆迫於供支之急不得不然今若免於民而賠於官如咨追原墊之員既恐人亡產絕如責令現任彌補尤恐剜肉補瘡甚且藉詞賠累股削民膏即使參劾嚴懲亦已無裨於事矣幸蒙

聖主洞察下情

恩綸普被臣等不揣冒昧謹將實在情形合詞附片

縷陳伏乞

聖鑒訓示謹

奏

林文忠公政書

甲集

江蘇奏稿

八

驗收寶山縣海塘工程摺

奏為捐修寶山縣海塘先將已完土石各要工驗

明如式仍飭妥速集捐趕添椿石永資鞏固並

將四千兩以上至萬餘兩之捐戶先行懇

恩獎勵以昭激勸仰祈

聖鑒事竊照太倉州屬之寶山縣海塘於七年六七

月間連遇風潮異常猛烈沖坍至五千餘丈經

臣與督臣陶澍函商以海濱保障攸關斷不可

遷延貽悞而工程浩大

林文忠公政書

甲集

江蘇奏稿

九

國家經費有常又值浙省大修海塘之時不敢復

以江蘇塘工請動

帑項當飭升任藩司陳鑾親赴寶山會同蘇松太

道陽金城體訪輿情妥為勸諭捐輸辦理由臣

附片具奏欽遵

硃批所辦妥等因欽此隨即率同司道州縣捐廉為

倡勸諭城鄉紳庶陸續出捐十萬有零因估需

工費在二十萬兩以外復於附近之嘉定上海

二縣互勸集捐以襄鉅役一面督飭印委各員

選舉董事乘時興工會同督臣陶澍奏奉

諭旨責成蘇松太道陽金城太倉州知州李正鼎督同各該縣隨捐隨辦等因欽此當即恭錄轉行欽遵辦理旋據該州縣等以該塘有逼近海濱外無護灘之處應否繞越挽築稟請臣臨工勘辦又嘉定上海二縣協捐亦須臣親往督勸臣當於上年十月內赴工親勘定議並將勸捐踴躍情形續經附片陳明在案伏查該塘舊工因收分過少形勢近於陡直恐不足以柔潮勢是以

林文忠公政書

甲集

江蘇奏稿

十

現築新塘概係底寬八丈頂寬二丈高一丈二尺外面臨水之處均用三收做法裏面亦用二收並恐舊土與新土不相膠黏所有冲壞之處悉將舊土剷平鋪底重新礮築每鬆土一尺行礮三遍打成實土六寸責令各段委員逐層面驗驗實一層方許加築一層又石塘鋪砌條石一百九十餘丈皆令選擇堅結石料鑿鑿平整其土石交接之處加築石埧三層以資裹護並於小沙背談家浜二處收復挑水埧兩道埧外

雙椿夾石以資挑溜又沿塘簽釘排椿填砌塊

石凡迎潮頂冲之處皆用雙層其次要之處酌用單層又施港迤南舊有石洞一座係農民灌漑所需不宜堵塞而大汛潮猛易被冲決原估挽越砌築嗣察看形勢竟須改建石閘一座始足吐納潮汐農田既資霑潤而閘身寬厚亦無激蕩之虞又塘後舊有隨塘河一道工長五千二百餘丈歲久湮塞幾成平陸該河本關水利且沿塘椿石得由內河運送可免海運風濤之

林文忠公政書

甲集

江蘇奏稿

十一

險自宜乘此興舉鉅工之時一律開濬以上各工有原估所未備及者節據太倉州知州李正鼎統辦委員候補知縣龔潤森總催委員坐補崇明縣知縣徐家槐鎮洋縣知縣孔昭顯暨寶山縣知縣毛正坦等稟由司道核明詳請添辦當經批飭督率紳董覈實經理計自上年九月二十一日開工起截至本年五月內除石塘先經補砌完竣外所有新築土塘工長五千二百餘丈均已告竣其石塘南北兩頭與土塘交接

之處三層盤頭石堤一律砌就挑濬隨塘河亦已完竣通工椿石先將頂沖之處擇要釘砌其餘尚須集捐購料陸續接辦據各該員將已竣各工稟請先行驗收臣於五月十九日由蘇州前赴寶山周歷查驗所有江西江東各土塘量

明高寬丈尺較原估格外敷餘逐段錐試均屬十分飽滿礮築實為認真補砌石塘四面方整並用鐵錫鐵錠逐層勻貫新舊相合灰漿堅結盤頭石堤三層排椿緊密填砌塊石高與土石

林文忠公政書 甲集 江蘇奏稿 卷七

三

塘相平塘外單雙各石堤擇險釘砌之處椿密石厚足資護塘挑溜其隨塘河道挑深九尺至一丈不等正屆插秧之際塘內數萬農田咸資灌溉施港口石閘業經砌至十三層工已及半砌法與石堤塘相同甚為堅整臣連日查看工段紳士耆民扶老攜幼香花載道無不歡忻鼓舞感頌

皇仁就中有年近百歲及九十歲之耆民王七大陸孔彰楊世奇等僉稱曾經四見大修海塘未有

如此次之層土層礮高寬堅固者臣驗工之時適見伏汛潮汐正屬盛旺塘工大局告竣已覺捍禦堪資再得通工椿石全完定足以垂久遠惟應行續購各料尚屬不少而江西海口礮臺攸關設險亦須拆修倘有

天后宮及

海神廟年久坍塌並應改建所需經費本係奏奉諭旨隨捐隨辦除官捐項下升任藩司陳鑾捐銀三千兩解任蘇松太道陽金城捐銀三千兩護理

林文忠公政書 甲集 江蘇奏稿 卷七

三

蘇松太道蘇州府知府任忠增捐銀三千兩太倉州知州李正鼎捐銀三千兩寶山縣知縣毛正坦捐銀六千兩署上海縣事元和縣知縣黃冕捐銀三千兩署嘉定縣知縣王錫九捐銀一千五百兩均已交齊支用外其紳庶各捐戶內有捐數在四千兩以上至萬餘兩者似應先懇恩獎俾共聞風鼓舞互相激勸已捐者趕緊湊繳未捐者倍加輸將庶大工剋期告成以仰副我皇上保衛海疆登民衽席至意據署蘇州藩司裕謙

具詳前來謹另繕清單恭呈

御覽伏候

欽定至印委各員辦事日久冒暑衝寒皆能實力實
心不辭勞瘁應俟大工全竣歷過秋汛風潮再
行奏懇

恩施以昭核實所有現在驗收已完塘工並籌畫趕
辦情形臣謹會同兩江總督臣陶澍恭摺具

奏伏乞

皇上聖鑒訓示謹

林文忠公政書

甲集

江蘇奏稿
卷七

丙

奏

驗收蘇松太等處水利摺

奏為蘇松太三府州陸續挑辦各河道均已告成

驗收如式恭摺奏祈

聖鑒事竊維江蘇漕賦出自水田水治則田資其利
不治則田被其害仰荷

聖明洞鑒疊蒙

諭旨飭修近年以來水利農田頗收實效如十四年
秋閒之發蛟十五年夏閒之亢旱幸賴吳淞劉
河白茆等處挑浚寬深蓄洩得力故皆不致成

林文忠公政書

甲集

江蘇奏稿
卷七

壬

裁此尤效之顯著者是以官紳士庶倍知加意
講求臣於上年驗收太倉之楊林河吳江之瓜
涇港兩處將劉河案內節省餘銀量為分撥仍
令自行湊辦外其餘概由官民籌捐辦理當經
會同督臣陶澍奏蒙

諭旨允行在案自上年至今各屬續挑河道除零星
沒港不計外其在蘇州府屬則吳江縣之瓜涇
港王家匯姚家莊七里港邨前嘴大港新港各
河統共工長一千五百六十七丈常熟昭文二

縣之福山塘河下通海口工長四千九百八十八丈零其附近之竺塘涇景市橋河共長三千四百丈並添建攔潮石閘一座又吳縣之張家塘香山港王家橋河統共工長二千二百三十六丈其在松江府屬則上海縣之蒲匯塘肇家浜兩河共長八千五百七十五丈又李從涇新涇薛家浜三河共長四千八百六十一丈各河挑竣之後於接連黃浦之龍華日赤二港各留大堤一座以截渾潮又修復南門外石閘以時

林文忠公政書

甲集

江蘇奏稿 卷七

去

啓閉並將該縣城河一體疏通又川沙廳之白蓮涇長浜呂家浜小腰浜四河與上海南匯並界共長六千五百二十四丈零又華亭縣之亭林鎮鶴頭匯大小運港共長三千餘丈又婁縣之古浦塘官紹塘等河共長三千六百六十六丈又金山縣先挑洙涇鎮互迎港周家埭邵家塘等河共長十五里續挑腰涇河干巷鎮陸巷港歸涇河老鴨涇朱泥涇各河共長四十五里又青浦縣泖湖切灘與元和婁縣並界共長二

千九百六十五丈零其在太倉州屬則太鎮兩境之楊林河工長四千九百四十七丈又州境之錢涇瑤塘又鎮洋縣境之朱涇南北漕漕石婆蕭塘西南十八港六窰塘大凌門等河統共工長二萬四百九丈零又嘉定縣先挑之華亭涇蒲華塘黃姑塘共長六千七百四十九丈續挑之南北雙塘吉涇心涇川路涇橫塘練祈塘等河連內外城濠共長九千四百六十九丈以上各工界連十五廳州縣合計挑竣土方共一

林文忠公政書

甲集

江蘇奏稿 卷七

去

百六十六萬七千四百餘方茲已陸續據報挑竣臣於驗收海塘工程之便凡可以經由處所俱經親歷該河量驗口底寬深並將現存水勢逐竿測量按段標記其未能經由之處遞委司府分往驗收均據稟覆寬深如式其中尤以上海之蒲匯塘等五河常昭之福山塘河川沙之白蓮涇等四河太鎮之楊林各河挑挖倍見深通水勢極形暢順臣舟輿所歷親見遍地禾棉皆已長發彌望青蔥耨耨穰穰之民皞皞熙熙

共冀歲登大有較前此數年景象迥乎不侔胥
由

聖澤之淵涵下普斯民之樂利臣職司疆土感凜彌
深除借款之瓜涇港楊林河應飭按例造冊報
銷外其餘捐辦之工自應遵照歷奉

諭旨免其造報至楊林河工長幾及五千丈估至十
七萬餘方前經酌借銀八千兩不敷尚多概係
勸捐湊辦應與瓜涇港不敷之項均准其核實
開明此外各工多由地方官首先捐廉為之倡

林文忠公政書

甲集

江蘇奏稿
卷七

六

導紳庶人等或量力捐輸或業食佃力均賴眾
擎易舉適觀厥成所有大小各捐戶已分飭查
取確數由司核明按照定例分別詳請

奏咨至倡捐勸導暨在工出力之印委各員固係
分所應盡惟工段長而經費鉅其中設法籌辦
若非殫心竭力累月經營亦恐未易集事如蒙
皇上天恩念其著有微勞

准予獎勵臣當與督臣陶澍擇其尤為出力者另行
會摺奏懇

恩施不敢稍任冒濫除將現浚河道丈尺彙開清單

恭呈

御覽外所有驗收挑工緣由謹會同督臣陶澍合詞

恭摺具

奏伏乞

皇上聖鑒謹

奏

林文忠公政書

甲集

江蘇奏稿
卷七

九

通州捐挑河道片

再江甯藩司所屬之通州地方瀕江控海負郭
即為高阜近沙皆屬低區因潮汐往來沙港漸
成淤墊圩岸開壩亦多年久傾頽旱澇每虞無
備飭據前任通州升任貴州遵義府知府平翰
督率委員紳董勸諭捐修當經

奏明責令該員一手經理旋據稟報將通江引潮
之姚港等二十七港照業食佃力之例開挑深
通共出土五十六萬二千四百餘方又白蒲鎮

林文忠公政書 甲集 江蘇奏稿 卷七 三

六十里河道半屬淺塞未能納潮內近田之三
十里亦照業食佃力挑辦其最淺之七處計長
三十里係平翰首先捐廉勸諭紳董捐挑一律
挑深三尺即以挑出之土加倍圩岸又修復唐
家開鹽倉壩正開耳閘以為蓄洩關鍵並以工
餘之項修理該州試院統共用銀一萬八十八
兩零均由官紳籌捐興辦次第完工並將捐數
用數榜示曉諭又各鄉董事或開挑柴南沙界
河加築圩岸或修築餘中頭橋至四甲壩十餘

里河岸或開挑六壩沿民灶沙雙鼻子港及紫
琅書院公田旁通各河道或改建西三十里鎮
之翔鳳橋亦俱一律告成不在捐數之內經委
常鎮道前往逐一驗收工程悉皆如式實於地
方有裨除升任知州平翰自行稟明不敢仰邀
議敘外其餘捐輸出力官紳飭司查明照例請
獎俟詳到再行彙辦合併附片具

奏伏乞

聖鑒謹

林文忠公政書 甲集 江蘇奏稿 卷七 三

奏

覆奏稽查防範回空糧船摺

奏爲回空糧船漸次行抵江境遵

旨飭屬稽查防範恭摺覆

奏事竊 臣 承准軍機大臣字寄欽奉

上諭糧船水手人等類皆無業游民獷悍性成愍不畏法漕河及地方文武員弁如果認真稽察遇案卽辦有犯必懲該水手人等自必聞風斂迹乃本年甫經議定章程之後屢有起獲器械及水手滋事之案此時重運經過地方沿河文武員弁節節

林文忠公政書

甲集

江蘇奏稿
卷八

一

催提嚴密彈壓水手人等尙知斂迹日後卸運回空稽查稍懈更恐不肖之徒逞兇玩法尤應先事豫防漕運總督約束水手是其專責其漕船經過地方各督撫亦屬責無旁貸著不分畛域一體通飭所屬於漕船回空加意稽查小心防範毋稍鬆懈倘稍涉寬縱或至別釀事端惟該督撫等是問將此各諭知之欽此遵查南漕約計一百幫其船數在四千左右無一不由江南經過而渡黃渡江灌放催提尤貴機宜悉協是以江南文武無

不以漕事爲兢兢加以水手獷悍性成無惡不

作近年來其風愈熾惟有嚴拏懲辦庶可斂戢

兇頑前 臣 等議立章程仰荷

聖明勅部覆准辦理計本年滋事之水手已經拏獲

者如王七韓老閻大漢丁朋鈴等俱問擬斬梟

恭請

王命先行正法劉汝罄王老劉洗太汪詠順張四高

蘇城等俱問擬斬決王富貴問擬絞決徐得生

張興名吳俊彭瑞安張富倉吳啓等俱問擬外

林文忠公政書

甲集

江蘇奏稿
卷八

二

遣徐贊龍錢占元繆永幅倪啟祥等俱問擬充軍張殿奎王桂戴忠林陳兆奎李繼泰張德山吳朝雲侯二醉瓏康侯深義張永林永祥吳金貴胡鼎義王太富等問擬流徒又拏獲疊次搶劫之夏明輝段添喜戴泳發及馬九小沙四馬炳源張萬發楊開泰沈二卽小朱子徐小趙跪兒李成信卽李老李泚華陳八劉三李萬春孫大肚孫四王三朱老等二十犯亦已審訊得實卽儘法分別懲辦以故本年糧船自水次開行

以及渡江渡黃凡在江南境上較之往年頗覺
安靜惟自東省開河以及北壩水路尤長人數
既多難保別無滋事如一船之中在冊水手以
十名為率合全漕而計即不下四萬人此外游
幫之短絳短檝在岸隨行覓食者更不啻倍蓰
所謂青皮散風之類亦即雜處其間難以數計
且回空比之重運更易滋生事端一則帶回棗
梨等貨分合售賣計少爭多再則豫攬次年出
運之頭篙頭絳如不遂意即相殘殺謂之爭窩

林文忠公政書

甲集

江蘇奏稿

三

若遇徒陽水淺江面多行數里則又加索旗丁
腳費別立名目曰性命錢不特此也積仇之幫
每相遇則不相下重運開行時尚有別幫阻隔
若回空則此幫泊船之水次即彼幫過路所經
由糾約復仇多在此際臣於近數年來均將到
次在前之鎮江前後兩幫
奏明先泊江邊鮎魚套俟浙船過完再令歸次以
免互擠生事此次仍當循案辦理其自宿遷入
境以至黃河北岸之楊莊已派參遊都守帶兵

四隊分駐催提自南岸至清江迤下之平河橋
又駐四隊淮城高寶以至揚州酌駐三隊揚州
城外分設南北兩廳搜鹽償放派員較多及出
瓜洲則一路由長江西上一路入京口南行又
皆逐段分駐文武委員與府縣營汛相為犄角
如此星羅碁布似足以敷彈壓而免空虛如有
水手滋事會合兜擄聲勢亦皆聯絡仍將新定
嚴辦章程刊刷簡明告示委員齎往前途按船
實貼俾相觸目警心至水手私帶器械原貴搜

林文忠公政書

甲集

江蘇奏稿

四

查然不敢謂一搜之後便無餘贖即如著名強
悍之鎮江前後兩幫前歲回空經臣親駐鎮江
於其進口時逐船搜獲大小刀械不下數百件
曾經奏蒙
聖鑒而此後續經購製者仍難保其必無竊謂搜查
器械若預定其時其地則若輩先有準備無難
寄頓隱藏迨時過境遷仍不免礪其鋒刃現擬
劄切示諭以軍船無論何處停泊皆准該處文
武會合搜查一經搜出即照新例重辦則無一

定之時地而有一定之刑章凡在催償之員皆有搜查之責匿之不勝其匿購之亦不勝其購其勢卽不敢停留既不停泊卽無滋事此亦理之相因而見者也總之水手之逞強在於恃衆而官員之畏蕙實恐悞漕今自嚴定新章以來果皆有犯必懲有懲必重當未有不畏法紀者現據稟報入江南境之船約有二十餘幫臣已函商河臣麟慶相度機宜早籌灌放一得啓闕之期臣卽赴清江督催償渡務期迅速南下安

林文忠公政書

甲集

江蘇奏稿
卷八

五

靜小心以仰副

聖主諄諄誥誡至意所有稽查防範緣由臣謹會同

護撫臣怡良合詞恭摺具

奏伏乞

皇上聖鑒謹

奏

鹽城豐縣兩處借項修築河堤摺

奏爲鹽城豐縣兩處河道堤工勘明淤墊殘缺循

案借項挑築分年攤徵還款恭摺奏祈

聖鑒事竊照淮安府屬鹽城縣境內皮大河一道卽

皮岔河上承高郵寶應興化泰州諸河蕩之水

下注天妃閘歸新洋港入海爲淮揚兩屬自西

至東洩水歸海要道因年久失浚河身淤高間

成平陸遇水則不能暢洩逢旱則灌溉無資又

徐州府屬豐縣順堤河一道上接山東單縣交

林文忠公政書

甲集

江蘇奏稿
卷八

六

界起至沛縣交界止向係宣洩條河兩岸上下數百里民田之水歸入昭陽湖濟運又該河迤北有太行堤一道係保障順堤河要工因嘉慶年間豐汛六堡黃水漫溢河身間段汗墊堤上漸形卑矮並多冲成缺口不能攔禦每逢夏秋大雨時行河水漲發由太行堤各缺口橫流北注漫淹堤北遠近民田以致連遭災歉歷年以來節據各該縣士民紛紛呈請借項挑築屢經批飭從緩近來河淤堤缺較前更甚經藩司先

後委員分詣該處逐一履勘復由道府覆勘委
係必不可緩之工查鹽城縣皮大河計長七千
八十六丈按段之高下一律配平河底共估挑
土二十五萬一千三百三十六方四分一釐每
方運戽水工實需銀一錢九分並工頭工尾及
兩旁港汊分別酌估椿填土填查照海防廳漕
規例價統共確估銀四萬八千三百九十三兩
一錢三分八釐一毫豐縣順堤河挑土六萬零
三百一十一方乾淤不一每方價銀三錢及二

林文忠公政書

甲集

江蘇奏稿

七

錢七分二釐一錢六分不等合銀一萬二千二
百六十八兩八錢八分又太行堤一道估土十
萬二千二百七十方九分八釐每分價銀一錢
二分五釐合銀一萬二千七百八十三兩八錢
七分二釐五毫二共確估銀二萬五千五十二
兩七錢五分二釐五毫造冊具結詳由府道遞
減無浮該兩縣均係屢款之區民力實在拮据
不能自行捐辦循照成案借項挑築分年攤徵
還款由江甯布政使楊贊詳請具

奏前來 臣等伏查道光七年間御史錢儀吉條奏
河湖漕運情形案內欽奉

諭旨飭委委員將興化鹽城等州縣湖蕩詳細履勘
應如何興築疏導及早興辦總期一律深通方有
裨益等因欽此當經前督 臣蔣 欽遵行司委

勘即據府縣印委各員以鹽城縣皮大河淤墊
勘估應挑維時或因春水方生或因填水下注
是以延未興辦其豐縣順堤河大行堤工程亦
於道光九年經前督 臣等彙同徐屬河堤等工

林文忠公政書

甲集

江蘇奏稿

八

酌議動支開河經費銀兩次第請辦奏奉
諭旨允在嗣因開河經費一款不敷動撥是以暫緩
今據先後勘明實係河淤堤缺頻年被災挑築
各工刻不可緩經督 臣陶澍批准辦理尙未具
奏現在水勢已落自應乘時趕緊挑辦以資蓄洩
而衛田廬所有鹽城縣土方夫工銀四萬八千
三百九十三兩一錢三分八釐一毫豐縣土方
夫工銀二萬五千五十二兩七錢五分二釐五
毫均已核實無浮合無仰懇

聖恩俯准于司庫蘆課襍稅漕價等款銀內照數借給責令各該縣分別督董乘此農功事畢趕緊集夫挑築工竣委員核實驗收實於水利民生均有裨益至所借銀兩請從道光十七年起鹽城分作五年豐縣分作六年各於受益民田攤徵還款除飭取攤徵估計各冊另行詳題外謹會同江南河道總督臣麟慶合詞恭摺具奏伏乞

皇上聖鑒訓示謹

林文忠公政書

甲集

江蘇奏稿
卷八

九

奏

各屬民欠攤徵借辦工程銀兩請豁摺奏為遵

旨查明江蘇省各屬借辦工程攤征未完民欠銀數開單恭

奏仰祈

聖鑒事切照欽奉

恩旨普免道光十年以前民欠錢糧一案業經臣林則徐於巡撫任內查明江蘇省民欠地漕等項確數會摺具

林文忠公政書

甲集

江蘇奏稿
卷八

十

奏並聲明應免雜款及攤徵河銀查照上屆成案另行分別具奏在案伏查江淮揚徐海五府州及蘇松常州等府所屬境內道光十年以前疏浚水利河道修築堤堰應歸民辦工程因工鉅費繁先後

奏准借帑給辦分年攤徵本應清完還款惟江淮等屬濱臨湖河多係積歉之區仰蒙我

皇上軫念民依遇裁蠲緩正款既經緩帶借款亦即展攤往往前限未及徵完後借分攤踵至是以

限內雖有輸納而節年積欠仍多至蘇松常州等府亦自道光三年水裁之後民力拮据遞年展緩尙有未完帶款溯查嘉慶二十四年豁免積欠案內江省河堰各工借款攤徵未完民欠先經前督臣孫等奏奉

恩旨豁免嗣于道光二年間因江安兩省徐鳳泗三府

州屬裁傷屢告又經體察情形請照乾隆六十年豁免定案除借款在嘉慶二十四年以後者仍按限分徵外其在二十三年以前借款攤徵

林文忠公政書

甲集

江蘇奏稿 卷八

十一

未完銀兩續經

奏准部議奉

旨概行豁免在案此次仰蒙

恩旨查豁各款民欠錢糧係以道光十年爲止先據各藩司具詳道光十年以前積欠攤徵並借項在道光十年以前而攤徵在十年以後者各屬均係濱臨江海湖河裁傷屢告查與上屆嘉慶二十四年及道光二年兩次豁免成案相符詳請援案一體查辦隨經臣等飭據該司等將各

屬挑築河堤等工借款攤徵銀兩造具已未完清冊送由該管道州調齊徵簿申根按年按款徹底盤查結轉再申藩司悉心綜核據實開報不任稍有隱混茲據江甯布政使楊贊前署蘇州布政使裕謙將實欠在民未完確數開單詳請具

奏前來臣等覆加查核江甯淮安揚州徐州海州

五府州屬截至道光十年止應征還銀一百二十三萬七千六百六十九兩五分八釐四毫除已

林文忠公政書

甲集

江蘇奏稿 卷八

十二

完解司並報入三次清查參案虧缺及完存屬庫未解共銀四十三萬七千六百五十一兩八錢八分九釐統計實在民欠及因緩帶未完並未屆徵限共銀八十萬八兩一錢六分九釐四毫蘇州松江常州三府屬除孟瀆河續借挑河建閘等銀八萬六千七百二十四兩六錢五分二釐借領在十年以後仍應照案攤徵外截至道光十年止實在民欠並裁緩未完及未屆徵限共銀二十萬六千九百三兩九錢二分二釐

以上江蘇兩屬共民欠未完銀一百萬六千九百一十二兩九錢一釐四毫均係道光十年前借項領辦之工實欠在民並無隱混恭逢皇上鴻恩浩蕩

惠普寰區合無仰懇

聖慈俯准一體寬免此內雖有未屆徵限而借款領辦係在十年以前者請援歷辦成案一律蠲除俾濱臨河湖億兆窮黎咸霑實惠感沐

鴻施益無既極除將送到清冊咨部查核外臣等謹

林文忠公政書

甲集

江蘇奏稿
卷八

三

合詞恭摺具

奏並繕清單敬呈

御覽伏乞

皇上聖鑒謹

奏

漕費禁給洋錢摺

奏為江省洋錢價值浮於紋銀現屆辦理新漕請

禁折給洋錢以速漕務而平市價恭摺奏祈

聖鑒事竊惟財用之道利通於下而權操自上

國家理財制用以紋銀與制錢並行本不許畸輕

畸重從前洋錢流入內地其成色比紋銀為低

其價值原比紋銀為賤因小民計圖便利日漸

通行未幾而洋銀等於紋銀又未幾而洋價浮

於銀價道光十三年間給事中孫蘭枝奏奉

林文忠公政書

甲集

江蘇奏稿
卷八

四

旨飭令體察情形悉心籌議惟時江省每洋銀一圓

作曹平紋銀七錢三分雖成色遠遜足紋而分

兩尚無軒輕民間行使已久若驟為禁止轉恐

窒礙難行當經臣林則徐與督臣陶澍酌議予

以限制奏奉

上諭洋錢行用內地既非始自近年勢難驟禁要當

於聽從民便之中示以限制其價值一以紋銀為

準不得浮於紋銀庶不致愈行愈廣等因欽此欽

遵通行各屬出示曉諭在案當奉行之始洋錢

時價合紋銀七錢一二三分不等官民商旅均屬相安迨日久玩生閭閻開輾轉高擡幾有不
可遏抑之勢近日蘇松一帶洋錢每圓概換至
曹紋八錢一二分以上較比三四年前每圓價
值實已擡高一錢卽兌換制錢亦比紋銀多至
一百文以外查蘇州工商輻輳洋錢行使最多
每圓加價一錢十圓卽加一兩以一百萬圓而
計卽已潛耗紋銀十萬兩平民一切用度卽明
爲照舊者暗中皆已加增若論拔本塞源理應

林文忠公政書

甲集

江蘇奏稿
卷八

五

將洋錢全行禁用方爲正辦然習俗狃於便安
勢不能驟然阻止卽使嚴申令甲亦恐陽奉陰
違若紛紛派委稽查尤慮藉端滋擾惟當於行
用最多之處先截其流使奸僧無可居奇庶洋
價因而平減查蘇省冬春之際漕船自歸次修
船以至兌足開行用度不少旗丁與州縣交涉
之處雖事屬瑣屑未敢上陳而實於漕行之遲
速大有關係通省辦漕之州縣或用紋銀或用
錢文各有相沿舊制惟蘇松等屬每有以洋錢

折給之事在從前原圖便易迨取數多而需用
急則市中洋價愈昂且南方所用之洋錢一經
渡黃又不適於北方之用是以幫船開行仍須
換銀帶往彼鋪戶利權子母計析錙銖往往於
糧船受兌之前先將洋價擡高以困州縣及至
幫船開行之日又將銀價擡高以困旗丁輾轉
低昂陰爲盤剝以致縣幫交累漕務愈難况洋
錢作價既多則縣幫每多爭執既有爭執勢必
耽延重運開行之遲未始不由于此臣等公同

林文忠公政書

甲集

江蘇奏稿
卷八

六

籌議欲杜洋錢之擡價絕市僧之居奇必先於
辦漕禁用洋錢方可以回積習現在空船歸次
期於早兌早開相應請
旨將漕務內一切費用概禁折給洋錢其向需洋錢
一圓者今悉以紋銀七錢三分核實給發庶市
僧免高擡之價縣幫無爭較之煩不獨圖法得
以均平卽漕行亦因以迅速似屬於公有裨如
丁胥夫役人等膽敢抗違或市僧奸商把持壟
斷卽由臣等一體嚴拏從重究辦不稍寬貸務

期令行禁止弊絕風清以仰副

聖主利民速漕之至意臣等謹合詞恭摺具

奏是否有當伏乞

皇上聖鑒訓示謹

奏

林文忠公政書

甲集

江蘇奏稿
卷八

七

設法疏銷淮引片

再臣行抵楚境承准軍機大臣字寄道光十七

年二月十九日奉

上諭本日據訥爾經額奏稱上年楚省行銷淮鹽共計銷引七十三萬有奇較之銷數最暢之十四年分尚多六千餘引且自辛卯綱每引加斤計算已逾額銷之數實屬大有起色林則徐到任以後自必稽核舊章因勢利導仍當嚴飭各屬設法疏銷不可因甫有起色稍形疎懈至楚省行銷淮南鹽

林文忠公政書

乙集

湖廣奏稿
卷一

一

引本屬一氣相通各該省大吏經朕委任必應熟籌情勢於劃清界限之中仍有並行不悖之意方稱辦理妥善林則徐曾經署兩江總督印務於鹽務素所熟悉其楚省應銷淮南鹽引早應成竹在胸現當接任之初尤宜盡心籌畫不分畛域督飭文武員弁巡商實力整頓堵緝鄰私搜查夾帶庶官引日形疎暢而國課益見充盈矣將此諭令知之欽此仰見

聖主整頓漕綱

諄諄訓誨之至意伏查淮南引鹽雖由揚商納課而實資於楚省行銷誠如

聖諭本屬一氣相通必應熟籌情勢前督臣訥爾經

額於督銷一事本已極力籌維况臣兩次署理

兩江督篆曾經督辦淮鹺尤應痛癢相關曷敢

稍分畛域伏讀

上諭堵緝鄰私搜查夾帶是督銷之緊要關鍵已蒙

指示無遺蓋楚省鄰私來路最廣如川鹽由川江直

下連檣急溜行駛如飛宜昌荊州固已充斥為

林文忠公政書

乙集湖廣奏稿

二

患而粵東粵西兩省私鹽灌入湘江亦皆滿載

重船乘流四達寶慶衡州受害為甚襄陽鄖陽

安陸等府則與豫陝接壤蘆鹽潞鹽處處可通

至應山隨州孝感黃陂麻城黃安等縣又與淮

北票鹽地界犬牙相錯此鄰私侵灌之大概也

其夾帶之弊緣淮南場鹽運至儀徵向例改捆

子包上船裝載由長江沂流至楚路遠日長或

託名於滷耗而包內暗加斤兩或藉口於拋撒

而包外私帶腳鹽大抵船戶商厮串通弊混捆

工人役受囑放砵鹽斤即有浮多既正引被其

估礙此江船夾帶之大概也臣此次由豫省信

陽州一帶取道赴楚留心察看該處數州縣皆

食淮北票鹽色白味美顆粒亦大每斤市價僅

錢三十文而緊連之應山等縣即係湖北口岸

應食淮南綱鹽其鹽由漢口陸運而往價值不

止加倍而色味遠遜票鹽民間趨避情形遂如

水之就下是即鄰私侵灌之一端以此類推則

川粵蘆潞各私皆可想見現查楚岸存鹽有四

林文忠公政書

乙集湖廣奏稿

三

十餘萬引其開江未經到岸者尙不在此數之

內設法疏銷實為急務臣惟有恪遵

聖諭將堵緝鄰私搜查夾帶二事實力嚴辦務使令

行禁止弊絕風清斷不敢稍任疎懈除再悉心

籌畫隨時具奏外合將奉到

諭旨欽遵辦理緣由先行附片覆

奏伏祈

聖鑒謹

奏

銅船夾私越卡摺
奏爲銅鉛兩幫船隻均越過鹽卡不聽查驗並於
後幫追獲私鹽請

旨將失察之運員及不卽據實稟明之護總兵交部
分別議處以肅鹺政事竊照准鹽銷路惟楚省
引額最重而鄰私侵灌亦惟楚省路徑最多其
尤甚者四川江船順流直下船艙夾帶視陸路
不啻什倍而滇黔銅鉛皆由川船裝載藉差夾
帶視他船又不啻什倍是以嘉慶二十三年

林文忠公政書

乙集

湖廣奏稿

四

奏准於湖北巴東縣之官渡口一帶設立總卡川
船經過皆須查驗放行嗣因銅鉛船隻不聽稽
查道光十五年六月間前督臣訥爾經額奏奉
上諭銅鉛船隻自四川裝運北上一路收買川鹽入
楚售賣經由卡隘並不聽候查驗自非督飭嚴查
不足以資鎮壓嗣後銅鉛船經由宜昌府所屬地
方著卽飭令該鎮總兵親督卡迎各員查驗催償
倘有水手抗拒及逃散挾制等事卽拏交地方官
究辦一面代爲雇覓水手迅速開行以副例限並

著雲貴四川各督撫嚴飭運員務將船價水脚照
數給發不准稍有剋扣運船過境飭令沿途各州
縣加意稽查如有私行售給該船戶鹽斤卽行嚴
拏懲治倘不認真查辦一經楚省查出夾私情事
卽著行知川省覈實查參等因欽此仰見

聖主整飭鹺綱杜私衛引之至意歷經欽遵查驗無
夾帶者立卽放行乃本年三月間據稟貴州龍
泉縣知縣童翬領運鉛船二十六隻過官渡口
並不泊岸順流直下經巴東縣知縣饒拱辰派

林文忠公政書

乙集

湖廣奏稿

五

役隨同卡員追赴下游之新灘交護宜昌鎮倭
仁布就彼驗放又四月間據稟有署雲南大關
同知彭衍墀領運銅船二十四隻過官渡口亦
不攏卡兵役追至斗山沱經倭仁布等起獲水
手所帶私鹽七百九十三斤當卽換雇水手仍
護送開行前進等情臣查彭衍墀所管銅船既
有起獲私鹽雖係水手夾帶而該運員失於覺
察且任聽越卡不泊咎實難辭至童翬所管鉛
船雖無起獲私鹽而該船越過官渡口卡而至

新灘已歷一百七十五里該處路路可以通私
安知非於越卡之後將鹽賣完始聽驗放其於
船戶冒越避查亦有失察之咎當此疏引杜私
之際誠恐相率效尤大妨鹺務相應請

旨將雲南運銅委員署大關同知事晉甯州知州彭
行墀貴州運鉛委員龍泉縣知縣童翬交部分
別議處以示懲儆至護宜昌鎮總兵倭仁布理
應欽遵

諭旨親督卡運各員查驗若該船不聽搜查即應稟
林文忠公政書 乙集 湖廣奏稿 卷一 六

揭乃該護鎮僅以趕往新灘截驗一語含糊具
稟並不將該船越卡情形明白聲敘迨閱巴東
縣知縣饒拱辰稟內始有該船並不泊岸順流
直下派役尾追之語飭查屬實是倭仁布前稟
顯係意存遷就亦應請

旨將護宜昌鎮總兵之該鎮中軍遊擊倭仁布一併
交部議處 臣 仍嚴飭該卡文武嗣後有船即驗
既驗即放不得聽其飛越亦不許稍有耽延庶
於鹽務銅運兩無妨礙抑 臣 更有請者向來銅

鉛船隻在川買私諸弊久荷
聖明洞鑒是以特蒙

勅諭雲貴四川各省禁運員之短發水腳懲沿途之
賣給船鹽

聖諭煌煌咸宜恪遵查辦以 臣 訪聞近來銅鉛船隻
多於川省瀘州馬頭及酆都縣之離沱子忠州
之洋渡溪雲陽縣之城河口巫山縣之江東嘴
青石峽跳石一帶裝買廠店川鹽其經過夔州
關口亦因書役得規聽其偷漏實為淮綱之害

林文忠公政書 乙集 湖廣奏稿 卷一 七
合無仰懇

勅下四川總督轉飭夔州府於各船過關查稅之便
將所帶私鹽一併認真查起並飭瀘州酆都忠
州雲陽巫山各州縣欽遵前奉

諭旨加意稽查如廠店私將川鹽賣給船戶即行嚴
拏懲治倘意存膜視再經楚省獲私除失察透
私之州縣咨會川省查參外其縱漏之夔關一
併查取職名照例議處俾各顧考成不分畛域
以清川私來源 臣 為籌疏淮引起見謹繕招具

1 第 100 冊 續修四庫全書 史部 詔令奏議類

奏伏乞

聖鑒訓示謹

奏

林文忠公政書

乙集

湖廣奏稿

八

附奏獲私變價按引提課片

再疏引莫先於緝私臣 茲楚後督飭各屬印委員弁分投堵緝覈計月餘之內已報獲私販三十八起私鹽一萬八千一百七十餘斤人犯八十六名分飭審辦仍稽查各路卡隘務令認真緝拏不許稍涉鬆勁惟是未獲之私鹽固有礙於官引即已獲之私鹽仍暗佔於銷數何以言之緣獲私例應變價分別給賞充公而各地方向來民食祇有此數多銷一分變價之鹽即少

林文忠公政書

乙集

湖廣奏稿

九

銷一分額行之引故有州縣緝私甚力獲鹽甚多而該地方額引轉見缺銷者初聞之似不可解及徐察之而後知變價之鹽所佔礙於官引為不少也然既獲到私鹽若不准其變賣又斷無別項出路而因變賣轉佔正額是緝私與疏引勢且兩妨殊非盡善之道臣 思鹽之分別官私惟以有課無課為斷變價給賞之例祇以鼓勵獲鹽之人即一半充公亦僅資各處開銷經費於

國課仍無裨益莫若變通其法將所獲私鹽變賣

之價先按引鹽課則提繳正款錢糧覈計此外

贏餘已足敷給賞充公之用即獲鹽之兵役亦

皆不致向隅而變價可補官課之虧即獲私足

抵官銷之缺似亦疏引裕課之一道所有應納

課銀由各州縣會同管卡員弁彙繳道庫轉解

兩淮歸入該年額引覈數造報如蒙

勅部議准即將本年報獲各案私鹽一律遵辦臣管

見所及不揣冒昧謹附片具

林文忠公政書

乙集 湖廣奏稿

十

奏伏乞

聖鑒訓示謹

奏

審擬監利縣糧書抗土鬧局各情摺

奏為遵

旨訊明監利縣糧書抗土鬧局各確情分別定擬恭

摺覆

奏仰祈

聖鑒事竊照承准軍機大臣字寄欽奉

上諭有人奏湖北監利縣隄工向係官徵民修每年

歲修土方六十餘萬派徵制錢六萬餘串由該縣

籤點董事發給印單收取土費糧書工書等輒用

林文忠公政書

乙集 湖廣奏稿

十一

墨券私收致董事賠累不足完工又有庫總六人

狼狽為奸被控未結前經訥爾經額派員前往會

議章程設立總局收土並公舉誠正首士八人及

領修數十人分段遊修一切事宜不假吏胥士民

踴躍而蠹書等遂把持花戶不許赴局完土屢經

稟究藐玩如故一年所收土費不及三萬串餘皆

盡飽蠹彙本年四月庫總龔紹緒勾通糧書蕭之

桐糾眾抗土鬧局毆辱首士秦祖恩等縣令不為

究辦從前吏胥包攬徵收縣令與汛員每年得陋

規數千串今改總局收土不能遂其需索蠹書尤不利於總局百計尋釁本年七月十五日乘該縣公出連夜聚眾千百餘人拆毀總局劫奪册券局中衣物銀錢搶掠一空並毆首士周超伯等多人該縣鄧蘭薰僅挈糧書張良佐一名略加懲戒其餘首從各犯置之不問又本年荆江水未大漲該蠹書等潛往剗毀潰決二十餘丈致淹毛老等一百四十餘垵下及沔陽漢陽等處皆受其害等語收土修隄改設總局行之一年士民稱便該地方

林文忠公政書

乙集

湖廣奏稿

十一

縣鄧蘭薰倘查有徇縱情事著即據實嚴參母體姑息將此諭令知之等因欽此當經周之琦會同前督臣訥爾經額遵查道光十六年七月間監利縣朱三工江隄潰決係因滲漏所致已將防護不力之監利縣知縣鄧蘭薰署審圻巡檢戴鴻藻一併參奏革職賠修奉旨允行在案承准前因行司委提人卷至省發審即經究出糧書龔紹緒鄧培元吳德潤均有收用

林文忠公政書

乙集

湖廣奏稿

十二

土費錢文私給墨券情弊正在查辦間訥爾經額旋即卸事林則徐到任恭繹諭旨飭查各款尤重在蠹書之剗毀隄防縣令之得規徇縱如果屬實倍當從重懲辦然非特委大員到地確查未易得實即私收土費亦恐不止龔紹緒等三人當與周之琦會商復委到楚未久之知府但明倫馳往監利會同先經委往之通判劉萬慶分別嚴查出示招告去後嗣據但明倫等稟覆勘明朱三工江隄離監利縣城

七十里上年七月十五日午刻江水漲發該隄
滲漏過水致被沖潰事在白晝斷無私空之人
且該處朱家村民居稠密潰隄時眾皆目擊如
係被人盜決豈肯甘心受害並據該村紳耆等
公具連名切結悉與查勘情形相符其為無人
創毀實屬可信又縣令與汛員得受陋規一節
據首士等僉供該縣鄧蘭薰在任每屆上隄防
汛夫馬飯食皆係自發並無派累且改歸總局
收費即係該令任內所辦更可見其無得規情

林文忠公政書

乙集 湖廣奏稿

古

事至各汛佐雜惟上隄督工之日由總局支給
薪水及夫役飯錢共二千文即於土費內開銷
列入榜示人所共見原因佐雜力難賠墊非州
縣可比是以議明請給並非私取陋規其道光
十四年土費查首士原派之數應收錢七萬三
千餘串局中先後實收四萬餘串中間因有關
局之事首士散回適值工次搶險截流無人經
理該縣鄧蘭薰將局存收土印券調回陸續催
徵費錢二千九百餘串發工濟用此外欠繳土

費除查出龔紹緒等私收外復將欠繳戶名臚
列告示如有交與糧書僅收墨券者許其呈首
換給印券乃招告多日杳無呈首之人亦無控
告庫總糧書別案就近摘傳欠士各大戶訊明
未完土費實係原欠未交並無糧書墨券可繳
等情旋據委員漢陽府知府楊炳堃錄供由藩
司張岳崧臬司程銓詳解前來 臣等隨提人證
逐一會鞫緣龔紹緒即龔振先籍隸監利充當
糧書該縣江隄長三百七十餘里從前歲修章

林文忠公政書

乙集 湖廣奏稿

五

程由隄長自行收費修築乾隆五十四年改為
官徵官修六十年又改為簽董承修各給土單
收費興辦迨後頻遭水患花戶逃亡責成糧書
查戶催追其中頑戶蠹書串通隱寄抗欠不繳
董事遂多賠累道光十四年該處士民呈經前
督 臣 訥爾經額飭委前監利縣知縣唐樹義會
同現任知縣鄧蘭薰改議城內設立總局遴選
首士八名發給册券由局徵收土費首士每名
日給飯食錢四百文各汛佐雜上隄督工日給

薪水夫役飯食錢共二千文是年周超伯等充當總局首士請照闔縣糧額派土六十一萬一千八百三十三方每方折錢九十六文加碾工二十四文共收錢一百二十文如該年用有盈餘留作次年修費又因改局之初不知花戶的名住址仍令糧書幫收該犯龔紹緒由糧書簽點庫總不能兼充遂令族弟龔紹琨即龔仲瑤冒頂糧書私收土錢六十串未繳糧書鄧培元亦收土錢四千八百文吳德潤收土錢三千六

林文忠公政書

乙集

湖廣奏稿

六

百文曾給花戶筆據名爲墨券十五年各首士以地方遼闊難以催收稟縣另於鄉間分設散局五處每處首士三名每日亦各給飯食錢四百文計總散各局首士共二十三名十五十六兩年派土均由各花戶自行赴局完交不經糧書之手此十四年改設總局後由首士等添設散局及糧書龔紹緒等私收土費之原委也十六年四月毛家口散局首士秦祖恩因糧書蕭之桐承催十四年舊欠費錢不繳令雇工朱正

榜同派往幫催隄工之縣役曾祥將蕭之桐鎖挈赴局伊兄蕭之棟及鄰人黃海兒等不服即赴局爭鬧將朱正榜毆傷秦祖恩控縣飭提蕭之桐比催土費旋即繳清挈獲黃海兒等審不認毆致未詳辦是年七月十五日朱三工隄身滲漏該縣鄧蘭薰聞信前往搶護不及致有潰決城內總局首士周超伯等正欲赴隄適有居近總局之糧書張良佐民人李先懷朱德順周伯讓胡世瀛何利明及未獲之胡世照聲稱田

林文忠公政書

乙集

湖廣奏稿

七

墓被淹赴局吵鬧將周超伯及局內火夫屈斯文黃道瀧等毆傷並有民人龔經伸龔經輝李先正楊祖欽鄧德華潘學珍姚大幅隨同喧嚷屈斯文等被人乘間竊去錢文衣物周超伯隨以毀局搶奪控縣挈獲張良佐朱德順李先正等均不認搶飭傳人證未到將張良佐羈押待質此又首士秦祖恩鎖挈欠繳土費之糧書蕭之桐及糧書張良佐等因隄潰赴局滋鬧之實情也 等查糧書龔紹緒等擅用墨券私收土

費雖已供認侵錢六十串及三四串數百文不
等恐尙不止此數復向嚴詰據龔紹緒等堅供
花戶完交土費向必索取印券以憑收執伊等
因與各花戶素來熟悉始肯通融只給墨券現
已追繳到官如此外尙有多收業經委員出示
招告各花戶何肯代爲隱匿自取追呼至十四
年首士派土係不分豐歉按閩縣錢糧統派現
在未完各戶多係被水災區力難繳費伊等實
無朋比爲奸把持抗欠質之首士周超伯王修

林文忠公政書

乙集 湖廣奏稿

六

蘭等亦不能指出憑據詢以此外各書尙有何
弊僉稱並無聞見至該縣庫總查係隨時檢點
除現充庫總之龔紹緒訊有侵蝕土費卽於本
案懲辦外其餘均未指有姓名亦無被控案據
復向首士反復開導令其供指均稱不敢妄供
矢口不移似無遁飾此案龔紹緒卽龔振先充
當書吏輒敢詭列卯名侵蝕土錢至六十串之
多實屬玩法若照侵盜錢糧擬准徒尙不足
以蔽辜龔紹緒應比照蠹役詐贓十兩以上發

近邊充軍例擬發近邊充軍糧書鄧培元吳德
潤私收土費錢四千六百文及三千六百文不
等未便因其先侵後吐寬免置議應照蠹役詐
贓一兩至五兩例各杖一百加枷號一個月均
照例刺字張良佐等赴局滋鬧若僅依鬪毆律
科以笞罪不足示儆張良佐李先懷朱德順周
伯讓胡世瀛何利明蕭之棣黃海兒均請照不
應重律杖八十張良佐係糧書應加一等杖九
十龔經伸龔經輝李先正楊祖欽鄧德華潘學
珍姚大幅在局隨同喧嚷亦有不合各照不應
輕律笞四十均分別折責發落革役職員秦祖
恩充當散局首士因糧書蕭之桐催費不力輒
令雇工朱正榜擅用鐵鍊將蕭之桐鎖挈進局
殊屬妄爲應請照違

林文忠公政書

乙集 湖廣奏稿

九

制律杖一百革去從九品職銜朱正榜與縣役曾
祥聽從鎖挈應於秦祖恩杖一百罪上減一等
各杖九十曾祥仍革役蕭之桐雖訊無糾眾抗
士實據但身充糧書承催土費久不繳局致被

首士鎖押滋鬧龔紹琨聽從龔紹緒詭列册名均屬不合並照不應重律杖八十各折責發落革役周超伯充當總局首士因潰隄赴搶無及不協輿情已據稟退應與首士王修蘭等均毋庸議龔紹緒侵蝕土錢照數追完印券飭給花戶收執墨券案結銷燬鐵鍊據供丟棄無從查起胡世照及屈斯文等被竊錢物飭縣緝獲賊贓另結監利縣知縣鄧蘭薰查無私得陋規其審辦蕭之桐張良佐二案亦非徇縱惟於縣書

林文忠公政書

乙集

湖廣奏稿

三

龔紹緒等侵收土費失於覺察已干例議又朱三工潰口係

奏明責令該縣賠修之工鄧蘭薰補還新隄雖已捐賠完竣經該管道府驗無草率而搶險截流用項仍於續徵土費內開銷殊屬非是相應請旨將革職留任之監利縣知縣鄧蘭薰即行革任以示懲儆該縣十四十五年工程久經告竣所有民欠土費多係被水之戶應免著追至各屬佐雜雖廉俸無多然汎地距隄皆近督工薪水

飯食應令自行開發不准由局再給嗣後總局徵收土費不許假手糧書但恐糧里不清戶名未確應責成該縣押令各書將推收過割之真名的戶底册逐一編造清楚交局徵收遇有賣田過戶亦即查明更正務使戶名均歸的實毫無詭混如糧書造册故意舛錯致悞催收查出加倍嚴懲以儆奸蠹至設局期於杜弊本不宜多嗣後仍只於縣城設一總局遴派公正首士四人經理每日每名准給薪水錢三百文按年

林文忠公政書

乙集

湖廣奏稿

三

更換不准久充滋弊各鄉散局概行裁撤以節糜費而慎隄防除備供招送部外所有

臣等遵

旨查辦緣由理合恭摺具

奏伏乞

皇上聖鑒訓示謹

奏

稽察隄工總局申禁冒稱書吏片

再楚北江漢隄防延袤二十餘州縣歲需修費甚鉅而生息款項有限不得不集費於民查歷來收費辦工或官徵官修或官徵民修或民徵民修三者皆不能無弊蓋費徵於官則必假手於吏胥費徵於民則必誘權於董事吏胥之多舞弊固不待言而董事若不得人亦難駕馭即以監利設局收土一事言之當十四年改設之初卽將土方加派訊據首士等供因是年各垸

林文忠公政書

乙集

湖廣奏稿

一

被水恐難全數收齊是以酌請多派以防不足如有盈餘留爲後用等語獨不思被水之區國賦尙准緩徵豈隄費轉宜多派其不協一也十四十五兩年收過土費約錢六萬餘串而局中薪餼等項已開銷至一萬四百餘串之多雖據僉供逐款榜示實用實銷並無捏冒然於總局之外分設鄉局加添首士多名此皆足以糜經費其不協二也首士秦祖恩擅用鐵鍊將欠費之糧書蕭之桐鎖鑿進局致相爭毆在蕭之桐

本非安分自不肯受其欺凌若施諸謹愿之鄉愚不但不敢與爭並恐不敢赴愬是民間之畏首士未必愈於糧書其不協三也又查縣卷道光十四年紳衿公議改設總局條款有著落糧書催費一條呈縣請行此實自亂其例尤不可解詰據該首士等同供因不知花戶的名住址是以仍請飭書幫催夫設局正以杜糧書徵收之弊而章程條款轉著落其催收是各書侵蝕之由亦皆首士有以啟之其不協四也溯查該

林文忠公政書

乙集

湖廣奏稿

二

縣數十年前舊章本係隄長自行收費繼而改爲官徵官修又繼而改爲簽董給單至道光十四年復改爲設局收費法已屢變不宜再涉紛更唯有就總局之章程而加之以稽察局不許多設人不許多充用不許多開費不許多派首士必由公舉不許夤緣濫入不許留戀把持至糧書不許收費而糧戶的名冊檔仍須責令攢造惟擇其狡獪之尤痛辦一二庶知儆懼所有局務一切飭縣隨時秉公查覈並責成道府留

心稽察有弊卽除有犯卽懲如或遷就因循察
出一併參處再楚省糧書工書等名目混稱者
多凡在各鄉分催錢漕經手推收過戶者皆假
借書吏名色哄惑鄉農其實祇與白役相同並
非在衙署科房辦事而人數甚衆大縣竟以千
計實屬駭人聽聞從前里書冊書之名疊經
奏明禁革而若輩互爲鬼蜮總以里糧底冊私相
授受故有官革私不革之謠茲臣等復申嚴例
禁並出示遍諭軍民如有此等冒稱糧工等

林文忠公政書

乙集

湖廣奏稿

三

書哄騙侵收者許其指名告發卽予儘法懲辦
務使永除澆習以肅吏治而杜弊源謹合詞附
片縷陳伏祈

聖鑒謹

奏

籌防襄河隄工摺

奏爲閱視襄河新舊隄工分別督飭籌防搶險並

現在水勢情形恭摺奏祈

聖鑒事竊臣前因大汛期內各屬隄防險工林立卽

於六月間附片

奏明出省督防在案臣由漢陽泝流而上經歷漢

川沔陽天門潛江京山荊門鍾祥襄陽各州縣

將南北兩岸隄工量明丈尺分爲最險次險平

穩三項以便稽查防護其河灘寬遠隄堦高厚

林文忠公政書

乙集

湖廣奏稿

四

者列爲平穩一項若灘窄溜近而河形尙順隄
雖單薄而土性尙堅者列爲次險至迎溜頂沖
或對面沙嘴挺出隄前嫩灘塌盡以及土性沙
鬆屢築屢潰之處皆爲最險要工逐年必須加
培大汛尤資守護且查襄河河底從前深皆數
丈自陝省南山一帶及楚北之鄖陽上游深山
老林盡行開墾栽種包穀山土日掘日鬆遇有
發水沙泥隨下以致節年淤墊自漢陽至襄陽
愈上而河愈淺又漢水性最善曲一里之近竟

有紆迴數折者此岸坐灣則彼岸受敵正溜既猛即迴溜亦狂是以道光元年至今襄河竟無一年不報漫潰唯所潰之處受患輕重各有不同潰在下游者輕上游則重潰在支隄者輕正隄則重如漢川以下為漢濱尾間本不設隄謂之廠畝自此而上沔陽高於漢川潛江天門高於沔陽京山鍾祥又高於天門潛江設使上游失事如頂灌足即成異災故防守之道尤須於上游加意本年五月中旬漲水甚驟幾於漫隄

林文忠公政書 乙集 湖廣奏稿 卷二

五

幸上游均經保全其報潰之白魚垸長湖垸二處一係下游一係支隄情形較輕現在長湖垸業已補築完竣白魚垸亦已釘椿當飭該縣嚴催業民集費搶築六月下旬水又加長七八尺不等現在甫經消落仍恐秋汛復漲禾稼在地守護不可稍疎而尤莫要於鍾祥京山二縣查從前鍾京交界之王家營隄工潰決頻聞仰蒙特命尚書陳若霖等臨工勘估前任湖廣總督嵩孚駐工督修經黃州府通判周存義建辦石壩三

道挑溜護隄至今十年捍禦極為得力上年訥爾經額在總督任內恐此工一逾固限衆心或有懈弛仍甚可虞復將該石壩三道加培高寬現在益臻鞏固惟京山第五段之張壁口與鍾祥第三工之萬佛寺兩處隄壁目下俱被大溜衝刷隄身壁立極為險要 臣親勘之後即飭該府縣估辦護壩並相勢築做盤頭又於迎溜各段拋填堅大塊石斜長入水追壓到底以資禦護業已設法籌辦不敢請動

林文忠公政書 乙集 湖廣奏稿 卷二

六

帑項至上年訥爾經額奏請修復鍾祥縣第十工之劉公菴何家潭兩處潰隄共七百二十八丈並砌辦石壩各工此次經 臣親往驗收不獨如式飽錐且較原估更加寬厚似此險要地段須得有此結實工程所有賠修之署鍾祥縣知縣謝慶遠先因該工漫潰奏奉

諭旨革職留任今賠修工竣可否仰懇天恩准予開復恭候

命下祇遵再襄陽府城之老龍石隄 臣亦親至查視

甚屬堅固足資保障除仍督屬加意守護外所
有閱視襄河隄工籌防搶險緣由理合恭摺具
奏伏乞

皇上聖鑒謹

奏

林文忠公政書

乙集

湖廣奏稿
卷二

七

襄陽一帶緝私事宜摺

奏為敬陳襄陽一帶緝私事宜仰祈

聖鑒事竊照湖廣界連數省水陸交衝故行銷引鹽
必以堵緝鄰私為第一要務如襄陽府屬處處
與河南連界河南例銷之潞鹽產自山西向係
商運商銷官為稽察商人顧惜身家尚知畏法
卽有越販亦易查緝自嘉慶二十五年由晉省
奏准改為商運民銷該處商人將潞鹽運至豫省
陝州所屬之會興鎮分廠存貯聽民人隨時購

林文忠公政書

乙集

湖廣奏稿
卷二

八

買不拘引數均許轉運行銷而潞鹽課款甚輕
價值本賤若僅在豫省售賣獲利無多一經灌
入楚境與重課之淮鹽相形則人莫不舍貴而
食賤故襄陽一屬名為淮鹽引地而民間率食
潞私溯查道光元年以來該府屬屬每有片引
不銷之年卽設法銷售亦總不及定額十分之
一雖曾

奏明官運鹽二十萬包減價敵私然徒使商本受
虧於鄰私仍不能敵總緣兩省地勢犬牙相錯

水陸無不可通疊經設立卡隘酌派遊巡而侵越如故自臣到任截至六月底覈計襄陽各卡掣獲人鹽雖亦報有二十餘起然只零星小販未據獲到積窩囤戶及大夥巨梟此次臣親駐襄陽復嚴飭營縣分赴各要隘晝夜偵拏兩日之內據襄陽縣知縣紀昌期掣獲張添祿囤鹽三千餘斤又襄陽城守營千總馬鵬程等掣獲張車等犯並鹽三千三百餘斤現俱委審嚴辦雖一時私販聞風稍可斂戢然病源未除臣

林文忠公政書 乙集 湖廣奏稿 九

離襄陽即難保不又充斥查河南新野縣之白河與唐縣之唐河皆為潞私順流而下之路是以向於襄陽之兩河口地方設立卡座以堵唐白兩河來船乃梟販日久計生早於未抵兩河口之先即捨舟改陸凡附近楚境之村鎮皆有舖戶囤積盡則兼賣別項貨物夜則專運私鹽來襄路徑紛歧不能扼其吭領欲緝之於囤聚之地則又礙係隔省地界員弁兵役不免藉口畏難考兩淮鹽法志載毗連淮界之鹽店例應

撤退三十里外誠以淮課最重幾至什倍於鄰省一被鄰私越界售賣在鄰省課輕之地並無所加而淮南課重之鹽盡為所擠是以連界撤店之例不得不嚴疊經前任各督臣移咨豫省轉飭撤退臣復節次咨催經河南撫臣桂良委員查勘惟是襄陽連界之店距河南省城皆屬寫遠囤戶每有所恃不肯依限遷移若必再俟咨明河南撫臣檄催撤退即各販之侵越已不可以數計應請嗣後將連界三十里內照例應

林文忠公政書 乙集 湖廣奏稿 十

撤之鹽店即由襄陽營縣咨會南陽府屬文武一體差催撤退如再抗不遵撤即將鹽包起到襄陽充公並將囤戶差掣究辦庶有所儆畏不致任意揆延至唐河係由南陽縣賒旗鎮下船白河係新野縣城外下船該處民間附近食鹽原只計包零買並不必裝載成船其裝船而下者全為浸灌楚境此固顯而易見之弊相應請旨勅下河南撫臣責令南陽府屬縣汛卡員不得縱令裝鹽下船如有鹽船中途被獲查明由何處

下水卽於審辦時隨案聲明將該處營縣交部
議處此外與德安黃州等屬連界之信陽羅山
光山商城等縣越界票私亦請一體撤店以免
浸灌是否有當謹繕摺具

奏並另繕楚豫交界三十里內地名清單恭呈
御覽伏乞

皇上聖鑒訓示謹

奏

林文忠公政書

乙集

湖廣奏稿
卷二

十一

校閱兩湖營伍並苗寨情形摺

奏爲校閱兩湖營伍並查視鎮筸一帶苗寨情形

恭摺奏祈

聖鑒事竊

臣本年蒞任以後於四月間先將湖北省

附近各標營官兵次第校閱迨六七月內出赴

襄河一帶督防大汛復將襄陽鄖陽施南等處

提鎮協標各營分別考校節經具

奏在案嗣卽順途閱視安陸荊門兩營因荊州江

水盛漲趕往防險幸萬城堤等工均保無虞當

林文忠公政書

乙集

湖廣奏稿
卷二

十二

經順閱荊州水陸各營官兵並調宜昌鎮標員

弁到荆考驗事畢由長江下至岳州閱視該處

城守水師兩營復由岳州渡洞庭湖上至長沙

省城會同湖南撫臣訥爾經額閱看撫標左右

兩營暨長沙協官兵並將毆斃首逆藍正樽一

案會覈審辦之後卽赴長沙以上之衡永寶三

府屬將永州鎮標三營衡州寶慶兩協官兵以

次校閱其附近之武岡臨武宜章桂陽嶺東等

營亦經調考維時訪知寶慶一帶有山路可通

鎮軍較之折回長沙從常德辰州正站前往者程途差近惟因山高路險處處毗連獨向來絕少經行臣思此等險要地方正須於無事之時親為周歷察其形勢記其阨塞並可於民猺交錯之處以稽查為彈壓示震懾以聲威遂於邵陽新化淑浦辰谿等縣所轄懸厓深澗之間繞行累日該處山崗多種包穀今歲收成上稔間問甚屬安恬嗣於九月初一日行抵鳳凰廳城為鎮軍鎮及辰沅道一同駐劄之所臣以該

林文忠公政書

乙集 湖廣奏稿 卷二

十三

處兵勇向有精健之稱一切技藝固須詳加校閱而其中尚有桀驁積習尤宜亟為轉移竊思訓練二字訓字居練之先更為切要必其討軍實而申儆乃可進有勇以知方臣當於該處多駐數日先將各員弁考畢再將鎮標兵丁與道標練勇排日考校每日自朝至暮皆閱至數百名於獎賞發落之時逐一剴切曉諭俾之以國法激之以天良使知

恩出自

上不得挾而求令出惟行不得狎而玩伊等聽聞之下叩頭流涕其感懼似出真誠臣復周歷三廳苗寨地方其苗官自守備以及外委咸帶苗兵多名俯伏道旁迎接甚形懍畏又苗舉人生員以及義學師生亦皆在途迎謁均於給賞時諭以循分守法俱各傾聽祇遵所有綏靖鎮標及永綏保靖二協營暨鎮軍鎮轄之沅州靖州綏甯長安四協營亦皆逐一校閱旋由苗疆轉至辰州常德將湖南提標五營乾州永順常德三

林文忠公政書

乙集 湖廣奏稿 卷二

十四

協澧州九谿鎮溪河溪永定古丈坪辰州城守洞庭水師八營次第閱畢計自七月至九月閱過湖北十五標營湖南三十二標營及道標各屯員弁兵勇牽計槍箭擡礮中靶分數均在六七成以上長矛刀棍多有可觀軍裝馬匹亦稱整壯凡應入軍政之員弁皆經逐名調考其把總以下不入軍政者如在經過百里之內亦皆調考若汛地寫遠恐曠巡防目前暫緩考驗仍於日後乘便補考世職武舉尚未得缺者亦令

隨同校閱又各營兵丁人數衆多除已閱外有
因隔於程途未便概調者有因限於時日未能
全閱者復經頒發全冊責令該管將領校閱登
註以憑遇便抽考或委隔營覆校庶衆兵各項
技藝大概均可周知至員弁中有年力衰邁及
弓馬生疎者臣前已

奏明隨時參劾不必俟至軍政案內始行彙辦計
數月以來降革休致之員弁除把總以下不計
外副將則穆騰額伊齡阿二員遊擊則謝玉陞

林文忠公政書

乙集

湖廣奏稿
卷二

五

盛奎陳增祉三員守備則許勝貴包廷揚鄧高
昇羅玉斌王允年洪明臺六員千總則魏光榮
李定愷宋履泰朱允秀張勝得柴開泰余化瓏
宋代富趙凌霄楊丙一朱長明十一員或革或
休或降已先後

題奏咨部在案俱不歸軍政參劾之內其軍政六
法人員仍應彙齊覈辦臣現卽趕回武昌飭催
造冊悉心甄別照例依限具
題再臣所過各屬除瀕湖間有被水外餘皆一律

豐登米糧市價極平堪以仰紓
宸廩所有閱視營伍地方情形謹繕摺具

奏伏乞

皇上聖鑒謹

奏

林文忠公政書

乙集

湖廣奏稿
卷二

六

控制鎮守兵勇並察看各提鎮優劣片
再^臣此次親駐鎮守體察情形酌籌控制有正
摺內所未敢盡敘者謹再繕片為我

聖主陳之緣鎮守地方在萬山之中其人膂力剛強
而性情剽悍用之於制敵實能奮勇爭先聚之
於平時難免恃強生事駕馭之法本較別處營
伍為難又自苗疆設立屯防以後民間田產丈
出歸公專靠錢糧以資養贍所以鳳凰廳一隅
之地而兵丁練勇合計有五千餘名之多視他

林文忠公政書

乙集 湖廣奏稿

十七

營不啻數倍在當時原為懾服羣苗起見今苗
民久經安貼而營屯轉成積重之形明知兵勇
太多而礙難裁減若輩聚集一處角勝爭雄偶
有藉端則此倡彼和若不遂意即逞忿忘生皆
已習為固然恬不知怪此次經^臣抉其病根大
加訓飭曉以利害禍福尚知感激涕零但易感
者其心而難移者其性是以控馭之法不厭求
詳^臣檢查上年挾借案內欽奉

上諭有人奏苗疆善後事宜一摺著訥爾經額裕泰

楊芳會同詳悉妥議具奏等因欽此查原奏內有

將練勇分撥三廳安置以散其勢之語此論本
極扼要惟因紛紛移駐轉恐散其疑懼之心而
攜帶家口盤費尤多更無所出是以訥爾經額
等仍請暫循其舊^臣竊思分散之法與其勒令
移駐強以所不甘何如隨時差遣予以所甚願
蓋該處人情粗鄙以有利為喜以有事為榮其
受病在此其得用亦在此即如徵調出師在別
營視為畏途而該處趨之恐後若尋常差使於

林文忠公政書

乙集 湖廣奏稿

六

應得錢糧之外加給薪水盤費其踴躍更不待
言又其一家父子弟兄同在行伍者甚多經^臣
逐一查明密記底冊凡一家有數人食糧者俱
暗抽一人出外差遣使之各有瞻顧仍不明示
章程如各卡堵緝私鹽各屬訪拏匪犯之類皆
其所優為者此往彼還絡繹調派似即無形之
移駐而自然之分散也現已試行派遣皆甚樂
從^臣仍隨地隨時嚴密查察如有未能安靜借
端生事者立予重辦不稍姑息似亦控制之一

道其在本處則專恃該管鎮道約束有方臣在彼詳細稽查鎮鎮總兵楊芳辰沅道王簡現辦營屯事務皆能秉公克己甚洽輿情就目下觀之實屬十分安靜臣仍諄囑該鎮道總須恩威兼濟嚴而不失之刻寬而不失之濫始可常服其心至該處山田瘠瘠者多收成本薄而又路途險隘與別處米穀不通今年雨水調勻堪稱樂歲倘值年成荒歉各兵勇事畜無資卽難保其盡能安謐查從前該處儲備銀穀歷因屯田歲租缺額各項經費不敷遂致逐漸借支無多存貯經調任撫臣裕泰奏請清查緣款目紛繁尙未結報現在飭催該道趕緊查明不許稍有含混其應如何籌補之處容再會同撫臣訥爾經額設法籌畫另行奏辦又查該處民人近日傳播謠言謂嘉慶初年民田暨合歸公原許於三十年之後仍還民產此時年數已過應請歸還並有欲候臣到之時聯名呈懇者臣一得訪聞卽先飭查何人倡議

林文忠公政書

乙集

湖廣奏稿

五

嚴行鞫究於是其風寢息臣復於放告之時將此事廣爲宣諭以從前苗匪四出焚殺伊等田產多爲苗佔卽未佔者亦不能耕種無非四散流亡任其荒廢若不團練丁勇何以戡定頑苗若不均出屯田又何以養贍丁勇豈可於安常處順之後頓忘同仇敵愾之心轉欲自撤籬籬甘尋覆轍該民人等皆無可置喙惟是此等謠言易動鄉愚之聽臣仍諄飭該鎮道嚴密查禁倘再有以此議煽惑平民者卽須嚴鞫究辦總之鎮鎮爲苗疆最要之區而距臣所駐之武昌省城將及二千里邊防關重實有鞭長莫及之虞惟當時刻留心並責成該鎮道務將一切情形隨時據實稟報以憑察奪至該鎮楊芳原籍貴州松桃廳距鎮鎮僅百餘里於該處民情土俗洞悉無遺上年鎮鎮兵勇戕害委員蘇清阿經楊芳在籍聞知卽赴交界防範所全願爲不少此次臣至鎮鎮接見該鎮據稱年老耳沉恐不足以副

林文忠公政書

乙集

湖廣奏稿

三

聖慈委任臣見其精神步履均屬健旺並未衰頹惟聽言稍多之際閒有一二聽得不真不過再與述說一番似無妨礙其於湖南全省營伍皆曾統轄而苗疆尤資得力自在

聖明洞鑒之中此外兩省提鎮臣巡閱所至皆已屢經接見查湖南提督薛陞久歷戎行雖年越七旬而精力極健在出師自屬老手若論平時營務固不至廢弛亦未見振作似不及湖北提督羅思舉之認真羅思舉出身雖非正路而在湖

林文忠公政書 乙集湖廣奏稿 卷二 三

北提督任內歷十二年操守甚清能自刻苦地方文武異口同聲其所放演雜技皆有裨軍營實用而製造傷藥療治瘡疽尤為著效士卒民人之疾皆手治之故感激者多該提督自去冬病後差瘦於前然見其上馬登山仍極輕便詢知常時在署兩腳尚繫鐵條其習勞不倦如此似營務不至廢弛至總兵中如湖南永州鎮崇福年力正強辦事頗有才幹可資整飭綏靖鎮明海外貌似屬鈍拙而營務卻甚認真現雖六

十六歲精神尚能貫注此次臣考校湖南營伍該鎮所轄之兵技藝最見出色是該鎮洵堪勝任惟此後精力何如仍須隨時察看又湖北鄖陽鎮滿德坤本年進京

陛見回任未久其人材本屬出眾雖年逾六十而勇銳之概未衰辦理營務大段不差尚須細為考察又宜昌鎮珠爾杭阿在楚省三十餘年情形極熟惟宜昌為川江入楚門戶該鎮於督緝川省私鹽前此似未能盡力近日經臣嚴飭務令

林文忠公政書 乙集湖廣奏稿 卷二 三

於銅鉛船入境之際親往督查究竟能否改觀尚須於冬令覈計功過再行據實具奏臣有考察之責總當整頓營伍不避怨嫌斷不敢稍有遷就謹將一切情形縷晰附陳伏祈

聖鑒謹奏

整頓鹺務摺

奏為敬陳楚省鹺務設法整頓情形恭摺奏祈

聖鑒事竊臣質本庸愚鹽務尤非所習仰蒙

聖慈委任先經署理兩江總督旋復擢授湖廣總督

於鹺政皆責無旁貸不敢不加意講求因講求

而愈知籌辦之難因難辦而益矢轉移之力其

中曲折繁重情形有非循常蹈故所能收其實

效者故必倍加整頓不敢稍避怨嫌現雖積弊

漸除猶恐久而生玩謹將一切辦法為我

林文忠公政書

乙集湖廣奏稿

一

聖主縷陳之伏查兩淮引額除淮北二十九萬六千

九百八十二引不在湖廣行銷外其淮南年額

應銷鹽一百三十九萬五千五百十引內江蘇

安徽江西三省額銷之數僅居四分有零而湖

廣銷額幾及十分之六以每引四百斤計之每

一萬引即合鹽四百萬斤積而至於七十七萬

九千九百餘引之多其為鹽殆不可以數計此

湖廣所以為淮南最重之口岸也然楚民並不

盡食淮鹽如湖北施南一府六縣及宜昌府屬

之鶴峯長樂二州縣均屬例食川鹽湖南郴桂

二州屬并衡州府屬之酃縣共十一州縣例食

粵鹽是楚省境內本有川粵引地則凡犬牙相

錯之處皆不能無影射透漏正不獨湖南永興

一縣熬煎粵鹽以灌淮界久為粵省之所必爭

也至應食淮鹽之地亦有離淮較遠例准借食

鄰鹽者如宜昌府屬巴東等四州縣之借食川

鹽永州府屬道州等五州縣之借食粵鹽鎮筸

等處苗疆之借食川鹽皆經宣諸令甲雖定例

林文忠公政書

乙集湖廣奏稿

二

不許過十斤以上但一人可買十斤合眾人計

之即不知凡幾矣論者謂行鹽之額定自

國初近來生齒日繁何至歲銷鹽斤轉不能如原

定之數此言殆未深考耳查兩淮鹽法志載

國初淮南歲行銷鹽只九十六萬六百八十四引

迨後網食遞有加增至嘉慶七年始符現在引

數是淮南現行額引比之

國初原額實多四十三萬四千八百引有零又

國初每引運鹽二百斤至雍正年間定為每引三

百四十四斤嗣後累次加增至道光十一年始以每引四百斤為定額較之三百四十四斤為一引者每七引溢出一引以此科算是湖廣所銷之鹽比前又暗加十餘萬引而不覺也竊思原定鹽額每以民數為衡近數年來湖北湖南兩省報部民數細冊約共五千萬人有零除例食鄰鹽之處至少亦去十分之一其應食淮鹽者約有四千五百萬人以每人日食三錢照例科算是每引四百斤之鹽足供六十人終年之

林文忠公政書

乙集 湖廣奏稿 卷三

三

食即以所報民數與應銷引數互相比較已恐有絀無贏且生齒既繁則食鹽之人固多而賣鹽之人尤多民間生計維艱故凡有鹽利可圖之處貧民無不百計挑運四出售私其近川近粵近路地方與兩淮場竈相距皆遠淮鹽挽運到岸自千餘里至二三千不等而鄰鹽一蹴即至成本既輕賣價自賤欲令民間舍近食遠舍賤食貴本係極難之事且以鹽課較之則鄰省皆輕而淮綱獨重即如川鹽每包一百三十

五斤在大甯雲陽等廠僅納六分八釐一毫即最重之犍為廠每包亦只一錢三分四釐若淮鹽一百三十五斤即該納銀一兩三四錢比川課加重十數倍又查潞鹽每一百二十引為一名完正雜課銀一百兩若淮鹽一百二十引即該納銀四百八十兩亦不啻倍蓰雖粵鹽課則臣未深知而考其總數不逮淮課十分之二其輕可知夫以重課之鹽而與鄰界之輕課爭售即彼此同一官鹽亦必彼贏此縮況又加以無

林文忠公政書

乙集 湖廣奏稿 卷三

四

課之私販紛紛浸灌其勢之不能相敵更不待言且不特此也潞鹽之行於陝西有應從湖北鄖陽府經過者川鹽之行於貴州有應從湖南辰沅等府經過者以淮綱地界而為鄰鹽必由之路雖欲禁其私賣勢必不能唯因引地既定於前若不保衛藩籬則浸灌更無底止是以嘉慶年間中外臣工屢有奏請以鄖陽改食潞鹽衡永改食粵鹽辰沅改食黔鹽者均經駁飭不准是楚省邊境名為淮界而實不銷淮鹽之處

林文忠公政書

乙集 湖廣奏稿 卷三

五

又去十之一二所恃以行銷者惟在腹地數郡耳然自黃州以至武昌漢陽凡鹽船經由停泊之處其為夾帶腳私所佔者久已習為故常又商民各船由江浙來楚每有船戶水手帶鹽私售且近來淮北票鹽盛行更由安徽之英山霍山與河南之光山商城羅山等縣灌入黃州德安漢陽各處故雖腹地數郡亦愈見其難銷更有一種棘手情形則以商人完課買鹽發給運腳皆須用銀而市上鹽斤無非賣錢從前銀價賤時以千作兩照奏案梁鹽每包價銀三錢科算不過賣錢三百文近因銀貴錢賤三錢庫銀即合錢四百二三十文縱使市上鹽價較前有增而以錢合銀實已暗減岸商水販皆惟利是圖豈甘虧本則招徠愈難今試將高低之鹽一律牽計每引只算銀十四兩湖廣每年食鹽按額即須銀一千餘萬兩以錢計之則須一千五六百萬千文其為繁重甲於各省是運鹽納課雖在兩淮而輸納營運之費大都出諸兩楚此

林文忠公政書

乙集 湖廣奏稿 卷三

六

臣所以夙夜籌思而兢兢然惟恐貽誤也 臣自上年三月到任因正二兩月售鹽稀少亟籌設法疏銷凡所陳奏督屬緝獲各路私鹽及嚴禁銅鉛船買帶川私與夫襄陽等處撤退鄰境三十里內鹽店並衡永一帶責成道員督緝各事宜幸俱仰蒙 訓示並 諭令四川河南各督撫一體稽查俾 臣得以嚴飭各屬加倍懷遵認真堵掣如宜昌一帶為川私叢集之藪則委候補道劉肇紳前往督同宜昌府知府程家頤查掣究出弁兵縱私分肥情弊從嚴懲創又襄陽府屬久被潞私侵佔絕無水販運鹽 臣親至其地相度機宜責成安襄鄖道楊以增改立章程並將施南府知府金石聲奏蒙 恩准調任襄陽該道府一同出力籌辦潞梟漸見斂退水販即源源運行又衡州一帶亦久不銷引自 臣親到該處飭掣私鹽多起並將卡座奏改遊巡責令衡永道張晉熙會同湖南鹽道李

裕堂督辦近日粵私差少惟距武昌甚遠尚須隨時察看又黃州武穴一帶為鹽船入楚停泊要口船戶水手與岸上好販串通賣私日甚一日臣派委試用知府但明倫駐劄該處凡有鹽船入境親行催償並將水痕風色察驗報明如有水跡不符及無故逗遛立即究辦聞船戶奸販皆憚其嚴凡此遠近印委各員分飭籌辦仍責令湖北鹽道于克襄督同漢岸總卡委員武昌府同知陳天澤綜司其成此外各府州縣皆

林文忠公政書

乙集

湖廣奏稿

七

有緝私疏引之責雖楚省向例准其融計銷數而臣惟恐各屬互相觀望會同撫臣周之琦飭令鹽道于克襄按月按季覈計各州縣銷數分別功過先將短銷之黃安縣知縣劉坤琳撤任查辦於是州縣始知儆懼競思設法督銷又經該道于克襄捐貲密遣親丁分路緝私尤多起獲是以統計上年兩省所獲私鹽竟至一百餘萬斤之多且獲一斤之鹽即提一斤之課不特有稗庫項並向來捏報邀功朦混搪塞諸弊舉

無所施此皆仰賴

聖主洞燭無遺

允臣獲私提課之奏始得欽遵督辦感懷尤深又思釐務事宜仍須恩威並用若一味嚴緝恐窒礙亦多故又剴切示諭紳民曉以利害大意以為每人每日食鹽僅止三錢所費不過一文即官鹽不如私鹽之賤而按日分計所爭亦僅毫釐民間日用飲食何在不可節省而獨於必不能已之食鹽計較毫釐釐貴賤公然犯法食私在

林文忠公政書

乙集

湖廣奏稿

八

紳矜應革功名在平民應受滿杖明於利害者當不至若是之愚且湖廣錢漕最輕比之江蘇僅及數分之一

聖恩高厚賦額永不加增若於鹽課正供尙相率而背官食私天良安在除既往姑寬免究外嗣後責令紳矜大戶以及鄉團牌保互禁食私犯者公同送究小民見此示諭俱尙聽從又挑賣私鹽之窮民許其改悔投充肩販由各處官鹽子店給票挑赴四鄉賣完繳價如此則肩販各有

生路庶可化莠爲良而偏僻村莊皆有官鹽挑到不得藉口食私於銷引似有裨益查向來民間匪類大半出於鹽梟卽如襄陽之捻匪紅鬍爲害最甚總因逼近豫省以越販潞私爲事遂至無惡不作今自整飭鹽務之後襄陽絕無搶劫之案並將隔省盜犯挈獲多名是所辦者鹽務而其效卽不止於鹽務也又各處水販在漢岸買鹽向給水程一紙運到後須由地方官彙繳臣恐胥役藉端勒索致水販裹足不前是以

林文忠公政書

乙集 湖廣奏稿

九

變通辦理俾省浮費以示招徠因事屬細微不敢瑣屑入

告乃准兩江總督臣陶澍移咨欽奉

上諭林則徐曾署兩江總督其於鹺務轉運交關之處熟悉情形現經酌定道里遠近限期由水販交付鹽行送局齎道不准由州縣催繳可免需索留難辦理甚爲合宜等因臣跪誦之餘益當欽遵妥辦水販因此稍沾微利頗見踴躍買鹽惟此縣之水程轉運別縣售賣者恐致漫無稽考仍應

令其送縣呈查此又隨後續立之章程與前議兩不相悖者也又宜昌府屬例食川鹽之鶴峯長樂二州縣歷由兩淮委員駐劄萬戶沱地方代川辦運原爲保護淮界起見而兩淮鹽政相距甚遙倘有借官行私無憑稽察經臣咨商兩江督臣陶澍改爲由楚省委員駐辦以便約束並只許就近購運四川巫山縣之大甯廠鹽已足以敷民食不准遠赴數千里之犍爲縣裝運花鹽以致下侵荊州等處接准陶澍咨覆意見

林文忠公政書

乙集 湖廣奏稿

十

亦極相同又從前楚省歷因襄陽宜昌衡州三處額引不銷陸續

奏明官運商鹽前往減價售賣以敵鄰私此意未嘗不善而於利弊未能洞澈不免似是而非是以歷辦並無成效蓋淮鹽成本重大卽減之又減總不能賤於無課之私鹽若不認真緝私而欲以官鹽衝其鋒是商本徒虧而鄰私仍不能敵且商人本爲牟利必抑價以虧其本則商運愈不前而私鹽愈充斥矣況又訪有一種奸販

轉買減價之賤鹽以灌旺售之引地是為藉寇
 資盜無異剗肉補瘡臣將此三處之鹽一槩不
 令抑價以杜流弊現在襄陽水販運鹽已多宜
 昌亦已通販衡州則官鹽業經運往水販尚未
 前來祇須隨時察看情形如水販銷路大暢則
 官運固可無需即有必須官為倡導之處亦照
 時價發售務令鹽色純淨秤足味佳不宜抑勒
 減價以致虧本滋弊其揚商向因減價賠墊立
 有三鹽名目按引捐貼茲由臣咨明兩淮嚴行
 林文忠公政書 乙集湖廣奏稿 卷三 十二

裁汰不任藉口賠累致礙鹺政現聞揚商輸課
 倍形踴躍而楚岸售得價銀臣復不時催解赴
 揚不任花銷糜費本屆所報銷數有一引即解
 一引之銀務使針孔相符胥歸實在不准如前
 之漫無憑證要之銷鹽之暢滯上之視乎天時
 下之視乎地利而人力總不可不盡臣竊恐無
 可操之券而斷不敢有未盡之心唯賴
 聖慈福庇長使年歲豐登隄防鞏固則民力寬裕而
 肥腴之奉旨蓄之供售鹽自當更旺此時所屬

各員雖有籌辦出力之處臣均不敢遽行保
 奏致啟易視之心務令一力奉行始終無怠庶幾
 暢益加暢至私鹽現獲固多然有私總不如無
 私之為妙果使將來銷引愈多而獲私轉少更
 足以見化莠為良之實效臣惟禱祠以求不敢
 稍有懈忽以期仰副
 聖主委任責成於萬一謹將辦理情形縷晰繕摺具
 奏伏乞

皇上聖鑒訓示謹

林文忠公政書 乙集湖廣奏稿 卷三 十三
 奏

湖南提督移駐辰州摺

奏為申明舊章請將湖南提督常駐辰州府城以

資彈壓恭摺奏祈

聖鑒事竊照湖北湖南兩省營務從前原歸湖廣提

督統轄是以提督駐劄湖南之常德府城為兩

省適中之地嗣於嘉慶二年會籌苗疆善後事

宜案內准兵部咨以前督臣畢沅奏稱辰州常

德均為雲貴往來孔道而辰州逼近苗疆為鳳

凰永綏乾州三廳門戶距常德較遠未免鞭長

林文忠公政書

乙集

湖廣奏稿

十三

莫及苗疆甫經戡定必得提督常駐辰州稽查

彈壓等語應照所請辦理仍俟一二年後察看

苗地情形安靜再令提督每歲分作上下半年

在辰州常德往來駐劄等情奏奉

硃批依議速行欽此遵於辰州府城建設提督衙門以

資駐劄辦公迨嘉慶六年又經

奏准添設湖北提督欽奉

諭旨所有原駐辰州之湖廣提督著改為湖南提督專

管湖南通省營伍事宜等因欽此欽遵在案是湖南

專設提督既不兼轄湖北自應常駐辰州惟因

辰州逼處巖疆常德近在都會歷任提督每多

駐劄常德非巡閱之年不到辰州與原定章程

殊未符合茲新任湖南提督臣楊芳係由鎮筵鎮

總兵蒙

恩簡擢於苗疆營伍最為熟悉民苗俱極愛戴雖現

在苗地甚為安靜惟距武昌約二千里即距長

沙亦千里而遙控制巡防不得不倍加慎重臣

等察覈辰常二府形勢辰州自較常德更為扼

林文忠公政書

乙集

湖廣奏稿

十四

要且兩處俱建有提督衙署兵制亦久經勻派

一切無須更張應請申明原定章程將湖南提

督常駐辰州以資彈壓仍於季底酌赴常德駐

劄一半月亦不致顧此失彼臣等與提督臣楊芳

往返札商意見相同謹合詞恭摺具

奏伏乞

皇上聖鑒訓示謹

奏

籌款生息防守襄隄摺

奏為酌籌襄河防汛經費請將前發典商局錢捐
湊成數改發漢岸鹽商生息俾搶險得資撥用
以固隄防恭摺奏祈

聖鑒事竊照湖北地方半係濱江臨漢民生保障全
賴隄防而隄工不獨貴在加修更須嚴於防守
夏秋大汛日久工長苟有寸節之疎即受沮洳
之患臣林則徐於上年汛漲之際周歷武漢荆
襄各屬督視籌防竊見大江情形固甚險要然

林文忠公政書

乙集 湖廣奏稿 卷三

五

江面較為寬濶氣勢畢竟舒張以防汛而論尙
不至如襄河之急促襄河上承漢源之遠兼有
豫省唐白兩河匯流灌入其泥沙之濁數倍於
江而水性之曲亦迥異於江惟濁也故河底淤
墊而愈高惟曲也故河勢坐灣而愈險溯自十
餘年來襄隄之漫潰沖決殆無虛歲推原其故
實因經費支絀致有疎防蓋濱漢各州縣隄工
除襄陽老龍隄係屬石工尙稱堅鞏外其鍾祥
荆門京山潛江天門沔陽漢川等州縣南北兩

岸正隄土性多沙易於沖刷且工長計有十六
萬六千一百餘丈其旁出之支河各隄尙不在
此數之內若與河工比較則一縣地段皆應分
作數廳而向無額設堡房既乏棲息之所況人
夫動須雇倩無可支銷即民間簽舉隄長一二
人責管之地太長仍屬有名無實此外自挑積
土牛以及一切守水器具費用甚繁而皆無項
可辦將欲責之民力則頻年淹浸之處上而
國賦之錢漕下而歲修之夫土尙且催比不前更

林文忠公政書

乙集 湖廣奏稿 卷三

六

安能籌及防險之用將欲出諸官捐則州縣既
須責以清廉又須杜其虧空自銀價昂貴以來
州縣辦公累者什九其力實有不逮以致籌防
棘手呼應不靈一片長隄每有人夫寥寥器具
不周之處是其疎虞失事原在意中
國家經費有常何敢冒昧請項然若因循遷就則
有一處之潰決即致數處之漫淹輕而展緩錢
糧重即議蠲議卹揆諸
國計民生均不能不亟為籌畫臣等與各司道察

覈情形再三商酌與其補救於事後莫若籌備於未然惟有將生息閒款量爲挹注庶可爲防汛搶險之資查道光十年襄陽地方因緝捕經費無出經前督撫臣奏請動支寶武局存錢八萬串發典生息濟用業蒙

允准迨十六年寶武局暫停鼓鑄案內

奏明將存錢七萬六千餘串發典按年八釐生息照市價易銀解司收入正鑄款內截至十七年底已獲息錢一萬一千五百六十四串有奇此

林文忠公政書

乙集

湖廣奏稿

十七

項息錢並未議定作何支用目下襄河防汛最爲急切要需合無仰懇

天恩俯准援照襄陽緝捕經費成案移撥濟用惟查十六年發典局錢同所得息錢共八萬七千七百六十餘串爲數尙覺畸零臣等擬與司道再行設法籌措量爲捐補湊足十萬串之數如仍發交各屬典商未免散無統紀擬令鹽道于克襄發交漢岸鹽商彙總生息按月八釐每年可獲息錢九千六百串以四千串歸還錢本易銀

解存藩庫其餘五千六百串作爲襄河正隄防險經費於大汛前分別工程之險易隄段之短長令於數里設一窩舖或逐段製置擡篷總使段段皆有人夫晝夜巡防給以工食並責令挑積土牛捆紮柴纜多多益善凡一切守水器具及簔笠椰籬夜間燈燭皆於息項酌給飭辦令州縣造冊呈報該管道府隨時點驗不許缺額虛糜所有印委汛員於大汛時均須督同各夫役及隄長人等無分雨夕常川防守務保無虞

林文忠公政書

乙集

湖廣奏稿

十六

倘敢疎忽失事即將該印委汛員嚴行參辦隄長夫役一併治罪既給經費不能再有藉口倘或奇險疊出用項尙有不敷亦由臣等與司道設法籌捐幫貼似此一轉移間既不動用正款而經費藉得從容以冀永慶安瀾仰副聖主慎重隄防之至意謹合詞恭摺具

奏伏乞

呈上聖鑒訓示再防汛所用一切錢文本極細碎且此項本息係經籌捐湊足請由臣等覈銷免其

造册送部合併陳明謹

奏

林文忠公政書

乙集

湖廣奏稿 卷三

九

籌議嚴禁鴉片章程摺

戒煙方附

奏為遵

旨籌議章程恭摺覆

奏仰祈

聖鑒事本年五月初二日准兵部火票遞到刑部咨

開道光十八年閏四月初十日

上諭黃爵滋奏請嚴寒漏卮以培國本一摺著盛京

吉林黑龍江將軍直省各督撫各抒所見妥議章

程迅速具奏摺併發欽此臣查原奏內稱近來銀

林文忠公政書

乙集

湖廣奏稿 卷四

一

價遞增每銀一兩易制錢一千六百有零非耗

銀於內地實漏銀於外夷自鴉片煙流入中國

其初不過純綺子弟習為浮靡嗣後自上官府

縉紳下至工商優隸以及婦女僧尼道士隨在

吸食廣東每年漏銀漸至三千餘萬兩合之各

省又數千萬兩耗銀之多由於販煙之盛販煙

之盛由於食煙之眾今欲加重罪名必先重治

吸食請

皇上嚴降諭旨自今年某月日起至明年某月日止



准給一年限期若一年以後仍然吸食是不奉
法之亂民罪以死論等語臣伏思鴉片流毒於
中國紋銀潛耗於外洋凡在臣工誰不切齒是
以歷年條奏不啻發言盈廷而獨於吸食之人
未有請用大辟者一則

大清律例早有明條近復將不供與販姓名者由杖
加徒已屬從重若逕坐死罪是與十惡無所區
別卽於五刑恐未協中一則以犯者太多有不
可勝誅之勢若議刑過重則弄法滋奸恐訐告

林文忠公政書

乙集

湖廣奏稿

二

誣攀賄縱索詐之風因而愈熾所以論死之說
私相擬議者未嘗乏人而毅然上陳者獨有此
奏然流毒至於已甚斷非常法之所能防力挽
頽波非嚴葳濟茲蒙

諭旨飭議雖以臣之愚昧敢不竭慮籌維竊謂治獄
者固宜準情罪以持其平而體

國者尤宜審時勢而權所重今鴉片之貽害於內
地如病人經絡之間久爲外邪纏擾常藥既不
足以勝病則攻破之峻劑亦有時不能不用也

夫鴉片非難於革癮而難於革心欲革玩法之
心安得不立怵心之法况行法在一年以後而
議法在一年以前轉移之機正繫諸此書所謂
舊染汚俗咸與維新傳所謂火烈民畏故鮮死
焉者似皆有合於

大聖人辟以止辟之義斷不至與苛法同日而語也
惟是吸煙之輩陷溺已深志氣無不惰昏今日
安知來日當夫嚴刑初設雖亦魄悚魂驚而轉
思期限尙寬姑俟臨時再斷至期迫而又不能

林文忠公政書

乙集

湖廣奏稿

三

驟斷則罹法者仍多故臣謂轉移之機卽在此
一年中必直省大小官員共矢一心極力挽迴
間不容髮期於必收成效永絕澆風而此法乃
不爲贅設茲謹就臣管見所及擬具章程六條
爲我

皇上敬陳之

一煙具先宜收繳淨盡以絕僥根也查吸煙之
竹桿謂之槍其槍頭裝煙點火之具又須細
泥燒成名曰煙斗凡新槍新斗皆不適口且

癮難過必其素所習用之具有煙油漬乎其中者愈久而愈寶之雖骨肉不輕以相讓此外零星器具不一而足然尙可以他具代之惟槍斗均難替代而斗比槍尤不可離遇無槍時以習用之斗配別樣煙桿猶或遷就一吸若無斗卽煙無裝處而自不得不斷矣今須責成州縣盡力收繳槍斗視其距海疆之遠近與夫地方之衝僻戶口之繁約民俗之華樸由各大吏酌期定數責以起獲示以勸

林文忠公政書

乙集

湖廣奏稿

四

懲除新槍新斗聽該州縣自行毀碎不必覈計外凡漬油之槍斗皆須包封粘貼印花彙冊送省該省大吏當堂公同啟封毀碎無論此具或由搜獲或由首繳或由收覓皆許覈作州縣功過之數若地方繁庶而收繳寥寥者立予撤參如能格外多收亦當分別獎勵一此議定後各省應卽出示勸令自新仍將一年之期劃分四限遞加罪名以免因循觀望也查重典之設原爲斷吸起見果能人人斷

吸亦又何求所謂以人治人改而止也各省奉文之後應由大吏發給告示遍行剴切曉諭自奉文之日起扣至三個月爲初限如吸煙之人於限內改悔斷絕赴官投首者請照習教人首明出教之例准予免罪然投首非空言也必將家藏煙具幾副餘煙若干全行呈繳到官出具改悔自新毫無藏匿甘結加具族隣保結立案報查如日後再犯或被告發或經訪聞拘訊得實加倍重辦其二三四

林文忠公政書

乙集

湖廣奏稿

五

限之內投首者雖不能概予免罪似亦可酌量減輕惟不投首者一經發覺卽須加重蓋四時成歲三月成時氣候不爲不久果知畏法儘可改圖若仍悠忽遷延再三自悞揆以誅心之律已非徒杖所可蔽辜除初限以內挈獲者仍照原例辦理外其初限以外四限以內未首之犯挈獲審實似應按月遞加一等至軍爲止其中詳細條款並先後投首如何減等首後再犯如何懲辦之處均請

勅部覈議施行似此由寬而嚴由輕而重不肖之徒如再不知悔懼置諸死地誠不足惜矣

一開館與販以及製造煙具各罪名均應一體加重並分別勒限繳具自首以截其流也查開館本係死罪與販亦應遠戍近因吸食者多互相包庇以致被獲者轉少今吸煙既擬重刑若輩豈宜未減應請一體加重方昭平允但僥俗已深亦宜予以自新之路請自奉文之日起開館者勒限一月將煙具煙土全

林文忠公政書

乙集 湖廣奏稿 卷四

六

繳到官准將原罪量減如係挈獲照原例辦理地方官於一月內辦出者無論或繳或挈均免從前失察處分倘逾限挈獲犯照新例加重自獲之員減等議處其與販之徒路有遠近或於新例尙未聞知不能概限一月投首應請酌限三個月內不拘行至何處准赴所在有司衙門繳煙免罪若逾限發覺亦應論死其繳到之煙土煙膏眼同在城文武加用桐油立時燒化投灰江河匿者與犯同罪

至製造煙具之人近日愈夥如煙槍固多用竹亦間有削木爲之大抵皆煙袋鋪所製其槍頭則裹以金銀銅錫槍口亦飾以金玉角牙閩粵間又有一種甘蔗槍漆而飾之尤爲若輩所重其煙斗自廣東來者以洋磁爲上在內地製者以宜興爲高恐其屢燒易裂也則亦包以銀錫而發藍點翠各極其工恐其屢吸易塞也則又通以鐵條而矛戟錐刀不一其狀手藝之人喜其易售奇技淫巧競相

林文忠公政書

乙集 湖廣奏稿 卷四

七

傳習雖照例懲辦而製造如故應請概限奉文一月內將所製大小煙具全行繳官毀化免罪並論煙袋作坊瓦器窰戶以及金銀銅錫竹木牙漆各匠互相稽查如逾限不首及首後再製俱照新例重辦其裝成槍斗可用吸食者卽須論死保甲知情不首與犯同罪一失察處分宜先嚴於所近也文武屬員有犯該管上司於奉文三個月內查明舉發者均予免議逾限失察者分別議處其本署戚友

家丁近在耳目之前斷無不知應勒限一箇月查明若不能早令革除又不肯據實舉發卽是有心庇匿除犯者加重治罪外應將庇匿之員卽行革職本署書差有犯限三箇月內查明懲辦逾限失察者分別降調

林文忠公政書

乙集 湖廣奏稿 卷四

八

滋擾然凡事不能全無一弊若果吸煙者懼其滋擾而皆決意斷絕正不爲無裨也至開館之房主及該地方保甲斷無不知之理若不舉發顯係包庇應與正犯同罪並將房屋入官

一審斷之法宜預講也此議定後除簡僻州縣

犯者本少卽有一二無難隨時審辦外若海

疆商賈馬頭及通衢繁會之區吸食者不可

勝數告發既多地方有司日不暇給卽終日

承審而片刻放鬆則癮已過矣委人代看則弊已作矣是非問罪之難而定讞之難也要知吸煙之虛實原不在審而在熬熬一人與熬數人數十人其工夫一耳且專熬一人容或有弊多人同熬轉無可欺譬如省會地方擇一公所彙提被控被挈之人委正印以上候補者一員往審足矣不必多員也臨審時恐其帶藥過癮則必先將身上按名嚴搜卽

林文忠公政書

乙集 湖廣奏稿 卷四

九

號各離尺許不准往來問官亦只准帶一丁兩役隨身伺候不許擅離自辰巳以至子丑祇須靜對不必問供而有癮之人情態已皆百出矣其審係虛誣者何員所審卽令何員出具切結倘日後別經發覺惟原審官是問以上六條就愚昧之見斟酌籌議未知當否理合繕摺具

奏伏乞

皇上聖鑒訓示再

臣

十餘年來目擊鴉片煙流毒無

窮心焉如擣久經採訪各種醫方配製藥料於
禁戒吸煙之時即施藥以療之就中歷試歷驗
者計有丸方兩種飲方兩種謹繕另單恭呈
御鑒可否頒行各省以資療治之處伏候
聖裁謹

奏

謹將戒鴉片煙經驗數種良方繕呈

御覽

戒煙斷癮前後兩方總論

林文忠公政書

乙集 湖廣奏稿

十

人之喉管有二食管以主飲食下達二腸氣管
以主呼吸周通五臟氣管本屬清虛不受一粒
半滴之物若物誤入其中即時咳逆必出之而
後快而煙乃有氣無形之物故可吸入呼出往
來於五臟雖其氣已去而其味仍畱但人之所
以得生者胥藉胃間所納穀氣循環於經絡以
培養其精神今食煙之人其臟肺慣得煙氣以
剋穀氣故常人一日不食五穀則饑而憊食鴉
片煙者視五穀猶可緩但對時不吸煙則癮而

憊無他正氣爲邪氣所制也本草所載生煙即
今之旱煙其氣辛故止於入肺若鴉片則其性
毒而淫其味瀦而滯其色黑而入肝腎故一吸
而能透於肉筋骨髓之中一呼又能達於肢體
皮毛之杪徧身內外上下無處不到是以食纔
下咽自頂至踵均覺舒暢遂溺其中始則由漸
而常繼則由常而熟至於熟矣內而臟腑經絡
外而耳目手足皆必得此煙氣而後即安一旦
無之腎先告乏故呵欠頻作肝因而困故涕淚

林文忠公政書

乙集 湖廣奏稿

十一

交流肺病則痰涎並生心病則痿軟自汗必至
是時而起者脾主信故也彼溺乎其中者至是
而適受其困矣然溺而知戒不過困於一時溺
而不戒則直徇以身命以煙氣剋穀氣引邪奪
正其能久乎果其戒之並非難事癮之輕者與
體之壯者即無藥方亦可斷絕茲專爲受癮深
而氣體弱者立前後兩方一日忌酸丸一日補
正丸忌酸丸即以煙灰和藥爲之緣初戒時不
能遽絕故以灰代煙也重用附子者取其走而

不守能通行一十二經也佐之以柴胡之左旋升麻之右旋沉香之直達下焦四者相合則徹乎上下表裏頃刻而能徧於一身矣顧吸煙之人中氣無不傷者中氣傷則氣不能化精而血衰故用參芪以補肺氣白朮以補脾氣陳皮木香以利諸氣皆所以安其中也中氣既固再在當歸連柏以涼血而生血且連柏能殺附子之毒以生一源之水且制二相之火也氣血兩虛之人保無昏暈非天麻不能止故加以天麻其

林文忠公政書

乙集 湖廣奏稿 卷四

三

用甘草者不但可以補中兼可益血並和諸藥也此方氣血兩補而藥味不雜寒熱並用而於理不悖煉以為丸吞入於胃行氣於五臟輪精於經絡不俄頃亦即徹頂踵徧內外無處不到是以煙癮不起諸病不作且有沈水二香氣息芬芳藉附子以行之薰蒸於五臟之中吞至數日後若再取過火之煙吸之不獨臟氣與之扞格即鼻孔聞之已嫌其臭矣補正丸即以忌酸丸之方減去黃芪木香二味不用附子且不用

煙灰其餘藥味分兩均與忌酸丸方同凡戒煙者先吞忌酸丸至三五日後每日減忌酸丸一丸則以補正兩丸替之減兩丸則以四丸替之照此遞推互相加減至忌酸丸減盡再專服補正丸十日或半月後即連補正丸亦不用服而癮自斷矣此方歷試歷驗具有神效緣有補中益氣之藥日減有煙之一丸以去邪癮日增補正之二丸以助正氣正氣日足邪無所容即使至重之癮果能痛自改悔照法行之不過略多數

林文忠公政書

乙集 湖廣奏稿 卷四

三

日未有不能斷絕者全身命以保餘生懍國法而免刑戮凡有血氣心知之人有不覺悟自新迷途早返者哉所有方藥製法詳開於左
忌酸丸方
不日戒煙丸而曰忌酸丸者蓋以既用煙灰吞服之後若與味酸之物同食則令人腸斷而死故以忌酸名方欲服之者顧名知忌耳
生洋參 五錢 白朮 三錢 當歸 二錢 黃柏 四錢 川連 四錢 炙黃芪 三錢半 炙甘草 三錢半 陳皮 二

錢半 柴胡 二錢半 沈香 二錢 木香 二錢 天麻 三錢 升麻 一錢半

共為細末入生附子七錢米泔浸透石臼中搗如泥再入煙灰一兩攪勻入麪糊同藥為丸如小桐子大丸成後共稱重若干約計平時有癮一分者每日所服之丸須有煙灰一釐二毫為度必於飯前吞下否則不驗起初一二日或多吞些令其微有醉意則有煙亦不思食矣吞定三五日後每日減忌酸丸一

林文忠公政書

乙集 湖廣奏稿 卷四

五

九用補正丸二九頂換吞下

補正丸方 各藥分兩俱照前方

生洋參 白朮 當歸 黃柏 川連 炙甘草 陳皮 柴胡 沈香 天麻 升麻

共為細末用蜜和丸如桐子大以之頂換忌酸丸如初一減忌酸丸一丸則用補正丸二丸吞下至初二則減忌酸丸二丸又用補正丸四丸吞下餘可類推至忌酸丸減盡再服補正丸十日或半月後連補正丸亦不用服

矣如癮重者一劑不能盡除即多服兩劑癮亦必斷

忌酸丸加減法

紅白痢加黃芩白芍 夢遺加龍骨牡蠣 諸痛加重木香元胡索 咳嗽加紫苑炙冬花炙枇杷葉 去毛 咳甚者加杏仁阿膠 熱痰加川貝母瓜蒌霜 寒痰加半夏南星 若覺下焦有火加黃柏知母 眼暈加丹皮白菊 小便短加豬苓澤瀉 水瀉加白茯苓車前 身體

林文忠公政書

乙集 湖廣奏稿 卷四

五

不虛者去洋參換沙參炙芪不必用如無頭暈者不用天麻氣短不足者加蛤蚧尾氣喘者加故紙併加蛤蚧尾

以上或入藥或煎湯送下

附錄簡便二方

忌酸補正前後丸方極靈驗矣而配合兩劑需錢數千文彼憚於斷煙者尙有所藉口或謂一時乏此整項或謂配合費事有需時日即勸人斷煙者亦未必均肯捐資多製藥丸隨人施給

雖刀圭可以救病如畏難苟安何故又附錄兩種良方皆費錢極少而為效甚捷者庶窮鄉僻壤之地與臺奴隸之微但使一念知悔皆可立刻自醫更何畏難之有嗟夫人孰不欲生若不於此求生則死於煙與死於法均之孽由自作耳可不懼哉所有簡便二方附錄於後此二方用不相連屬

四物飲

赤沙糖 一斤 生甘草 一斤 川貝母八錢去心研細 鴉片

林文忠公政書

乙集 湖廣奏稿 卷四

六

灰三錢 癮重者四錢

右四物以清水十餘大碗入銅鍋煎兩三時約存三四碗愈濃愈妙將渣漉出取汁貯瓷甕內置靜室無人行處每日早起及夜臥之前各取汁一盃以開水溫服癮即可斷如癮極重者取已煎之汁而重煎之十盃煎成一盃照前再服必效

瓜汁飲

南瓜正在開花時連其葉與根藤一併取下用

水滌淨於石臼中合而擣之取汁常服不數日夙癮盡去甫經結瓜者連瓜擣之亦可用

謹按本草載南瓜甘溫無毒補中益氣截其藤有汁極清如誤吞生鴉片者以此治之即不死是其解毒如神故除癮亦極著效此物最易蔓生雖荒僻村野無處無之惟至冬則藤葉皆枯無汁可取其在夏秋則取之不窮並可不費錢而得凡勸人戒煙者皆宜多取此汁廣貯罈瓮畱以濟人可謂不費之惠

林文忠公政書

乙集 湖廣奏稿 卷四

七

臣向所採輯戒煙斷癮藥方共十餘種而歷試有效者以此數種為最忌酸補正兩丸其法最正四物瓜汁兩飲其用尤便不揣冒昧一併恭錄隨摺進呈是否可以頒行伏候

欽定

鶴峯長樂食鹽專配大甯場以免侵越摺

奏爲湖北鶴峯長樂二州縣例食川鹽只應就近

認配一場以免牽混侵越恭摺奏祈

聖鑒事竊照楚省額銷淮鹽多至七十七萬九千九

百餘引而與川粵潞黔引地處處毗連各處鹽

課皆輕而淮鹽獨重各處鹽本皆賤而淮鹽獨

貴各處運鹽皆順流而下而淮鹽獨逆流而上

故鄰鹽無不越疆佔賣而百姓只圖賤價食私

堵緝之難久荷

林文忠公政書

乙集 湖廣奏稿

六

聖明洞鑒

臣

既不敢請融重課於他省又不敢請移

食岸於鄰封惟有察其透漏最甚之區設法嚴

行禁阻如荊州一府本楚北旺售之地若被川

鹽連橋下灌則淮鹽斷難行銷故必於荊州上

游之宜昌府屬節節防堵而宜昌所屬卽有鶴

峯一州長樂一縣照例應與施南全府同食川

鹽若論淮界藩籬固難免開門揖盜但該處荒

山瘠土窮民粒食維艱川鹽近在咫尺每斤市

價不過二十文淮鹽到彼則賣價約須兩倍定

例許其買食川鹽原係體卹之意第恐川販乘

機侵灌便無底止是以鶴峯長樂二州縣所行

川引特由兩淮委員赴彼駐劄萬戶沱地方代

川運售意謂兩淮所委之員自必保護淮界無

如其地距淮南遠至四千餘里委員之有無弊

實在淮難以周知

臣 上年察看情形咨商兩江

督臣 陶澍改爲由楚委員駐辦以便就近約束

並以鶴峯長樂二州縣每年額銷川鹽共止水引五

林文忠公政書

乙集 湖廣奏稿

九

辦章程許於四川之大甯雲安犍爲三場鹽斤

通融配運然果只濟該二處民食不圖越界侵

銷則專配大甯一場已屬有贏無絀蓋大甯場

距委員駐劄之萬戶沱僅四百十五里運售最

便雲安場則相距七百餘里其中尙有數十里

旱路委員本不願運若犍爲場則相距三千二

百餘里更屬遙遙然委員不得其人則轉欲遠

運犍爲之鹽以圖影射緣犍鹽色高味美於荆

州一帶最利行銷彼請運犍鹽者乃專圖侵灌

荆州並非為鶴長二州縣民食起見也臣上年
檄委候補道劉肇紳前赴宜昌一帶與該府程
家頤再三訪察知此弊端稟請嗣後鶴長二處
禁配犍為鹽斤以免侵灌飭據藩司鹽道會議
僉同咨商兩江督臣陶澍意見極合當即移咨
四川督臣轉行該省鹽道知照又恐犍為雲安
二場少配鹽斤或於課額不無稍絀復經商請
以大甯溢配之課劃抵犍雲二場設使尙有不
敷亦由楚省補解足數總使川課絲毫無短臣

林文忠公政書

乙集湖廣奏稿

三

於本年二月間具奏整頓鹺務情形摺內曾將
此事原委彙列上陳欽奉

硃批所論周到妥細勉力而行必有功效欽此欽遵
在案旋據湖北藩司鹽道會詳揀委長樂縣知
縣蔡聘珍經理其事該委員遵照

奏案就近專運大甯場鹽以濟民食間極為相
安犍鹽始免下灌於荆郡疏銷准引甫有轉機
適准川省督臣來咨以鶴長二州縣專配大甯
場鹽與該省原案不符即補解課項亦恐路遠

鞭長有誤銷期造册等語臣復飭司道議覆茲
據詳稱鶴峯長樂二州縣均係改土歸流乾隆
初年議食川鹽原派引張本無犍為在內迨乾
隆二十二年至五十年始將長樂一縣續增犍
為水引至三百一十張而淮界遂為犍鹽所灌
茲欲嚴杜侵越之害斷不可再行犍為之鹽至
大甯場鹽如果溢銷其課銀同歸川省自可以
贏補細即或不然亦由楚省籌款解川補足以
免課稅虛懸仍請查照前

林文忠公政書

乙集湖廣奏稿

三

奏遵辦等情詳覆前來臣查川楚毗連之處彼此
銷鹽界限間不容髮若川鹽侵越一分即淮鹽
細銷一分此乃必然之理果使川課與淮課相
等則均之有神於

帑項臣亦何敢畛域過分今以課額數之則淮鹽
銷得一分幾足以抵川鹽二十分之課其輕重
懸殊至於如此似未便聽川鹽之影射而不嚴
淮界之藩籬况鶴長原運川鹽本無犍為在內
今議仍還其舊又將額課補足解川是於款項

毫無窒礙而專運大甯近鹽足濟鶴長民食禁
運健爲遠鹽可免直灌荊州截私疏引之方舍
此更無他術臣因淮鹽積重時時設法督銷棘
手焦心實難言狀不敢因川省現在咨覆稍任
游移致令健爲鹽斤下充淮界又成痼疾謹將
整頓鶴峯長樂二州縣運務緣由再行縷晰具
奏伏乞

皇上聖鑒訓示謹

奏

林文忠公政書

乙集

湖廣奏稿
卷四

三

查勘江漢隄工摺

奏爲查視江漢隄工適值襄河秋漲督飭搶護化
險爲平並現在水勢已落緣由恭摺奏祈

聖鑒事竊臣前因秋汛屆期水勢正在長發當即親
赴各屬查工督防業經附片奏

聞在案臣乘舟溯流而上先抵漢川沔陽二州縣境
內卽見汎水驟至業已盈隄拍岸洶湧異常查
覈各處報單並量驗沔陽之仙桃鎮誌椿七月
初九初十十一此三日內共長水二丈零一寸

林文忠公政書

乙集

湖廣奏稿
卷五

一

漢川北岸之姚兒垸隄長一千九百餘丈香花
垸隄長四千二百餘丈均因被水激蕩間段坍塌
經該縣趙德轍督率垸民在於隄外排豎木
椿捆柴攔護隄上加高子堰隄內趕築裏幫極
力堵衛三晝夜水漸退落隄乃保全其沔陽州
之隄北岸計七十五里南岸計八十五里險處
不勝枚舉而周家橫隄尤爲衝要幸柴土料物
皆已豫備充盈足資搶護又有西毛台垸一隄
形勢坐灣風衝浪激隄內忽有滲水情形甚危

居民挈其家具紛紛遷避該州李兆元與前代理州折錦元均駐該處督率汛委各員集夫搶築臣適至隄上察看形勢尙可不至決裂當諭居民不必驚悸亦不可相率逃避致惑人心正當隨同地方官捧土束薪盡力守護即可保無失事時有署沔陽州州判姚正道赤足立於水中連夜收土督夫塞漏有隙即填防汛之委員彭鳳池亦於上下隄段來往飛催畚揭紛集該隄發漏之處遂得逐漸堵閉並未過水學通堤

林文忠公政書 乙集 湖廣奏稿 卷五 二

內坑田一望無際皆免淪於巨浸之中實爲至幸臣復由沔陽上至天門潛江荆門又上而至京山鍾祥則皆在汎漲已過之後隄身出水較高民情極爲安貼所有各縣本屆歲修暨捐修各工除大汎以前完竣

奏明先委道府驗收者此次復經臣自行覆驗外又據署潛江縣知縣甫經卸事之何渭珍稟呈近日續修工捐查係於歲修之外復經勸捐興辦如方家灣戴家嶺卸甲埠白伏坑等處月隄

新豐坑皮家拐之上下壩座及石盤頭暨各坑老隄加高撐幫之工臣皆親往錐驗均係礮砌堅實足資抵禦此襄河一帶之情形也至大江水勢向以荊州府城外之楊林磯誌椿爲準自入七月以來據報初三日長水四尺七寸初五日長水二尺二寸初九日長水四尺二寸其在一日間長至數尺之水固不可謂不驟所幸旋長旋落宣洩較靈較之連日泛漲不消者即爲有閒臣由荊門州水路至荊州府之萬城隄周

林文忠公政書 乙集 湖廣奏稿 卷五 三

歷履勘本年秋汎水勢自交白露後連日大落已比去年此刻小至一丈有零各段官役兵夫碁布星羅防護亦皆周密隨即由荆江順流而下查看江陵公安石首監利所修土石各工難易雖各不同辦理均尙如式現屆秋分節令水勢似已就平但距霜降尙有一月之期防護斷不容稍懈臣勘過之處即責成印委各員實力嚴防不得始勤終怠致滋貽悞擬再親歷嘉魚蒲圻咸甯一帶將沿江隄段逐一履勘即可回

至武昌省城除俟霜降屆期另行照例

奏報安瀾外所有閱視江漢隄工悉臻平穩緣由

理合恭摺具

奏伏乞

皇上聖鑒再臣經過各屬正在陸續收成稻穀雜糧

均屬豐稔市價亦皆平減堪以仰慰

聖懷合併附陳謹

奏

林文忠公政書

乙集

湖廣奏稿
卷五

四

查拏煙販收繳煙具情形摺

奏為敬陳楚省近日查拏煙販收繳煙具各情形

恭摺奏祈

聖鑒事竊臣前奉

諭旨飭議吸食鴉片煙罪名當經擬具條款恭摺覆

奏在案臣思此事須待各省奏齊上衷

宸斷奉到

諭旨頒發祇遵而各省遠近不同定議尙需時日恐

民間以為久無消息或且不必查辦此心稍放

林文忠公政書

乙集

湖廣奏稿
卷五

五

即不可以復收是以臣與湖南撫臣錢寶琛護

湖北巡撫布政使臣張岳崧熟商目下吸食罪

名雖未定議而查拏總不可稍懈收繳亦不可

稍遲當即飭屬先訪開館興販之人嚴緝務獲

一面會同出示剴切禁戒並捐廉配製斷癮藥

丸二千料在於省城及漢口鎮等處設局派委

委員收繳煙槍煙斗及一切器具餘煙果係真

心改悔查無不實不盡者稟請暫免治罪並酌

給藥料俾其服食除癮以觀後效旋據漢陽縣

知縣郭觀長稟報等獲興販鴉片之朱運升一
犯在其船上貨箱內起獲夾帶煙土一千二百
餘兩煙膏八百餘兩嗣又於漢鎮邱第祥棧房
內掣獲興販之何日昇傅桂芳兩犯起獲何日
昇煙土三百五十兩傅桂芳煙土五百兩又鄒
阿三馮奉金二犯先期已回廣東在鄒阿三皮
箱內搜獲煙土二千零七十兩馮奉金木箱內
搜獲煙土九百八十兩又在余萬順棧房內掣
獲興販之范永澂鍾亞長兩犯起獲范永澂煙

林文忠公政書

乙集 湖廣奏稿

六

土七百二十兩鍾亞長煙土一千二百五十兩
又於在逃之樊益澂夾層床內搜獲煙土八百
五十兩隨有興販之邵錦璋謝長林范中和等
赴府縣自行投首邵錦璋呈出煙土二千餘兩
謝長林呈出煙土九百五十兩范中和呈出煙
土三百六十兩以上掣獲及首繳煙土煙膏共
計一萬二千餘兩又自設局至六月底止已繳
煙槍計一千二百六十四桿皆係久用漬油之
物煙斗雜具俱全臣於未出省以前即率同兩

司道府逐一驗明先用刀劈繼用火燒就中精
緻華麗之槍斗極巧盡飾之式樣不勝枚舉其
有餘膏殘瀝者拌以桐油再行燒透將灰投入
江心自此次燒燬以後兩局續繳煙槍又據報
有七百餘桿省外各屬所收亦已陸續稟報尙
未彙計統俟臣回省時驗明燒燬並接湖南撫
臣錢寶琛來信南省收繳煙槍亦有二千三百
餘桿臣查近來鴉片煙流毒之深幾於口有同
嗜地方官以為滔滔皆是不免畏難苟安幸蒙

林文忠公政書

乙集 湖廣奏稿

七

諭旨特頒飭議重罪奸徒聞有論死之法莫不魄悸
魂驚不特開館興販之徒聞風遠竄並吸食者
亦恐性命莫保相率改圖臣等查看輿情並非
不可挽救是以乘機諭戒寬猛兼施呈繳者姑
許自新隱匿者力加搜捕不追既往嚴儆將來
無非仰藉
聖主德威務令力迴汙俗以目下楚北情形而論除
官製斷癮藥丸外凡省城漢鎮藥店所配戒煙
之藥無家不有無日不售高麗參洋參等藥皆

已長價數倍並有者民婦女在路旁叩頭稱謝
據云其夫男久患煙癮今幸服藥斷絕身體漸
強等語是其父子家人平日所不能斷者皆恃
國法有以斷之此時新例尚未頒行而情形業已
如是總因死罪二字足以枕其心志可見民情
非不畏法習俗大可轉移全賴
功令之森嚴始免眾心之渙弛臣惟當督屬隨時
加緊極力消除俾皆革蕩還淳以期仰副

聖主裕國保民之至意其迭經拏獲與販鴉片人犯

林文忠公政書

乙集湖廣奏稿

八

之漢陽縣知縣郭觀辰起出煙膏煙土為數頗
多可否

賞予鼓勵之處出自

天恩謹將現辦情形會同護湖北巡撫布政使臣張

岳崧恭摺具

奏伏乞

皇上聖鑒謹

奏

錢票無甚關礙宜重禁吃煙以杜弊源片
再臣接准部咨欽奉

上諭據寶興奏近年銀價日昂紋銀一兩易制錢一
串六七百文之多由於奸商所出錢票註寫外兌
字樣輾轉磨兌並無現錢請嚴禁各錢鋪不准支
吾磨兌總以現錢交易以防流弊等語著步軍統
領衙門順天府五城會議具奏並著直省各督撫
妥議章程奏明辦理欽此臣查錢票之流弊在於

林文忠公政書

乙集湖廣奏稿

九

每以用票為便而奸商即因以為利遇有不取
錢而開票者彼即陷以高價希圖以紙易銀愚
民小利是貪遂甘受其欺而不悟迫其所開之
票積至盈千累百並無實錢可支則於暮夜關
歇潛逃兌銀者持票控追終成無著此奸商以
票騙銀之積弊也臣愚以為弊固有之治亦不
難但須飭具五家錢鋪連環保結如有一家違
負責令五家分賠其小鋪五家互結復由年久
之大鋪及殷實之銀號加結送官無結者不准

開鋪如違嚴究並拘挈脫逃之鋪戶照誑騙財物例計贓從重科罪自可以遏其流但此弊祇係欺詐病民而於

國家度支大計殊無關礙蓋錢票之通行業已多年並非始於今日即從前紋銀每兩兌銀一串之時各鋪亦未嘗無票何以銀不如是之貴即謂近日奸商更爲詭猾專以高價騙人亦祇能每兩多許制錢數文及十數文爲止豈能因用票之故而將銀之僅可兌錢一串者忽擡至一

林文忠公政書

乙集 湖廣奏稿 卷五

十

串六七百文之多恐必無是理也且市僧之牟利無論銀貴錢貴出入皆可取贏並非必待銀價甚昂然後獲利設使此時定以限制每兩只許易錢一串彼市僧何嘗不更樂從不過兌銀之人喫虧更甚耳若抑銀價而使之賤遂謂已無漏卮其可信乎查近來紋銀之細凡錢糧鹽課關稅一切支解皆已極費經營猶藉民間錢票通行稍可濟民用之不足若不許其用票恐捉襟見肘之狀更有立至者矣夫銀之流通於

天下猶水之流行於地中操舟者必較水之淺深而陸行者未必過問貿易者必探銀之消息而當官者未必盡知譬如開河之水一遇天旱重重套板以防滲漏猶恐不足濟舟若閉關不嚴任其外洩而但責各船水手以空淺即使此段磨淺而過尙能保前段之無阻乎銀之短絀何以異是臣歷任所經如蘇州之南濠湖北之漢口皆闌閘聚集之地疊向行商鋪戶暗訪密查僉謂近來各種貨物銷路皆疲凡二三十年

林文忠公政書

乙集 湖廣奏稿 卷五

十一

以前某貨約有萬金交易者今只賸得半之數問其一半售於何貨則一言以蔽之曰鴉片煙而已矣此亦如行舟者驗開河之水誌而知關外洩水之多不得以現在行船尙未擱淺而姑苟安於旦夕也臣竊思人生日用飲食所需在富侈者固不能定其準數若以食貧之人當中熟之歲大約一人有銀四五分即可過一日若一日有銀一錢則諸凡寬裕矣吸鴉片者每日除衣食外至少亦須另費銀一錢是每人每年

卽另費銀三十六兩以戶部歷年所奏各直省民數計之總不止於四萬萬人若一百分之中僅有一分之人吸食鴉片則一年之漏卮卽不止於萬萬兩此可覈數而見者況日下吸食之人又何止百分中之一分乎鴻臚寺卿黃爵滋原奏所云歲漏銀數千萬兩尙係舉其極少之數而言耳內地膏脂年年如此剝喪豈堪設想而吸食者方且呼朋引類以誘人上癮爲能陷溺愈深愈無忌憚做玩心而迴頹俗是不得不

林文忠公政書

乙集 湖廣奏稿 卷五

三

嚴其法於吸食之人也或謂重辦開館興販之徒鴉片自絕不妨於吸食者稍從末減似亦持平之論而臣前議條款請將開館興販一體加重仍不敢寬吸食之條者蓋以衙門中吸食最多如幕友官親長隨書辦差役嗜鴉片者十之八九皆力能包庇販賣之人若不從此嚴起彼正欲賣煙者爲之源源接濟安肯破獲以斷來路是以開館應擬絞罪律例早有明條而歷年未聞絞過一人辦過一案幾使例同虛設其爲

包庇可知卽此時眾議之難齊亦恐未必不出乎此也吸食者果論死則開館興販卽加至斬決梟示亦不爲過若徒重於彼而輕於此仍無益耳譬之人家子弟在外游蕩靡惡不爲徒治引誘之人而不錮其子弟彼有恃無恐何在不敢復犯故欲令行禁止必以重治吸食爲先且吸食罪名如未奉

旨飭議雖現在止科徒杖尙恐將來忽羅重刑若既議而終不行或略有加增無關生死彼吸食者

林文忠公政書

乙集 湖廣奏稿 卷五

三

皆知從此永無重法孰有戒心恐嗣後吃食愈多則賣販之利愈厚卽冒死犯法亦必有人爲之是專嚴開館興販之議意在持平而藥不中病依然未效之舊方已耳諺云別足之市無業屢僧寮之旁不帶榔果無吸食更何開館興販之有哉或謂罪名重則訛詐多此論亦似殊不思輕罪亦可訛詐惟無罪乃無可訛詐與其用常法而有名無實訛詐正無了期何如執重法而雷厲風行吸食可以立斷吸食旣斷訛詐者

又安所施乎若恐斷不易斷則目前之繳具已
是明徵若恐誅不勝誅豈一年之限期猶難盡
改特視奉行者之果肯認真否耳誠使中外一
心誓除此害不惑於姑息不視為具文將見人
人滌慮洗心懷刑畏罪先時雖有論死之法屆
期並無處死之人即使屆期竟不能無處死之
人而此後所保全之人且不可勝計以視養癰
貽患又孰得而孰失焉夫舜典有怙終賊刑之
令周書有羣飲拘殺之條古聖王正惟不樂於

林文忠公政書

乙集 湖廣奏稿

西

用法乃不能不嚴於立法法之輕重以弊之輕
重為衡故曰刑罰世輕世重蓋因時制宜非得
已也當鴉片未盛行之時吸食者不過害及其
身故杖徒已足蔽辜迨流毒於天下則為害甚
鉅法當從嚴若猶泄泄視之是使數十年後中
原幾無可以禦敵之兵且無可以充餉之銀興
思及此能無股慄夫財者億兆養命之原自當
為億兆惜之果皆散在內地何妨損上益下藏
富於民無如漏向外洋豈宜藉寇資盜不亟為

計臣才識淺陋惟自念受

恩深重備職封圻觀此利害切要關頭竊恐築室道
謀一縱即不可復挽不揣冒昧謹再瀝忱附片

密陳伏乞

聖鑒謹

奏

林文忠公政書

乙集 湖廣奏稿

十五

嗣後辦災應將蠲緩田畝細冊隨騰黃榜示片
再查湖北省每遇水旱偏災奉到

恩旨蠲緩錢糧俱係立時飭令藩司刊刻騰黃刷印
多張飛行各屬於被災處所及各邨莊集鎮僻
壤窮鄉遍貼曉諭並將貼過地方開明清冊申
報督撫司道府州衙門察覈再令委員覆查倘
有隱匿朦朧情弊不但一查立見即各處貧民
亦斷不肯甘心緘默必有出而首告之人胥吏
實無所施其伎倆防範本極周密惟被歉地方

林文忠公政書

乙集 湖廣奏稿 卷五

去

不僅一州一縣該州縣中又不僅一村一莊地
名極為繁瑣騰黃內係恭錄

上諭只能開載某州某縣某某等若干邨莊應蠲應
緩應遞緩字樣蓋

綸綍頒宣詞有體要勢不能將所有地名一一全敘
而各邨莊零星細碎不一而足雖經各州縣造
具頃畝細冊詳送院司查覈而民間未必周知
奸猾胥吏難保不藉某某等字樣高下其手而
狡黠矜民覬覦蠲免即明知在應徵之列者亦

必狡稱已蒙

恩旨列入緩免之內紛紛訐訟藉控抗糧必應嚴切
防維免滋流弊 臣再四思維應請嗣後凡遇辦
災奉到

恩旨刊發騰黃之時即由藩司飭令該州縣將所造
應蠲應緩應遞緩之村莊頃畝細冊另行繕榜
隨同騰黃遍貼曉諭並責成該管道府稽查貼
遍地方毋許隱匿俾災歉貧民一目瞭然胥吏
更無從滋弊弄法而成熟邨莊亦無可覬覦混

林文忠公政書

乙集 湖廣奏稿 卷五

去

行爭執矣是否有當理合附片陳明伏乞

聖鑒訓示謹

奏

江漢安瀾隄防鞏固摺

奏為江漢普慶安瀾隄防一律鞏固恭摺

奏報仰祈

聖鑒事竊照江水自川入楚由巴東至黃梅計歷十
八州縣始交江西之九江漢水自陝入楚由鄖
縣至漢陽計歷十三州縣始出漢口而與江匯
除上游依山為岸不必隄防外江自荊州而下
兩岸設隄幾及三十萬丈不獨以導四川之水
並湖南廣西貴州諸水凡注於洞庭湖者涓滴

林文忠公政書

乙集湖廣奏稿

五

無不入江即無不賴隄為障漢自襄陽而下兩
岸設隄幾及十七萬丈亦不獨以導陝西之水
凡豫省西南一帶匯入唐河白河諸水無不奔
赴襄陽與漢合流故統謂之襄河且其水性善
曲泥沙尤多灘嘴易生河形屢變考之志乘自
前代時此塞彼潰已無虛歲我

朝以來遠年案卷雖難盡稽而第觀前督汪志

伊於嘉慶十三年

奏辦隄工摺內聲敘乾隆五十三年萬城隄決口

以後連年漫潰各工共五十餘處自數十丈至
數百丈不等而自嘉慶十三年至今又三十載
除萬城大隄歷年

奏報安瀾外其他漫潰之處稽諸案卷則亦無歲
無之總由來源多而水勢太驟泥沙積而河底
日高隄下田廬有較水面低至數丈者是以蟻
穴之漏即勢若建瓴而波及之區皆形同仰釜
一處潰則處處之橫流四溢一年潰則年年之
潰水長淹

林文忠公政書

乙集湖廣奏稿

五

國賦所關民命所繫均非淺鮮此所以責令各
屬喫緊修防不敢稍予鬆勁而伏秋大汛之際
尤必親赴荆江襄河等處周歷稽查相形勢以
飭加防聚料物以資搶辦此岸有險彼岸相幫
上段有險下段同護雖汎水之來忽以尺計忽
以丈計不能全有把握而人事之應盡者均不
敢不竭其心力在臣一人心力曾有幾何而惟
以身先之即人人之心力皆不能不為臣用也
伏查今年水勢盛漲之時省城皇華館誌椿長

水至三丈四尺一寸上游萬城隄楊林磯誌椿亦長至二丈六尺二寸是江流已極浩瀚而襄河於七月初九至十一日復陡長二丈有零幾於措手不及幸本屆歲修工段尺寸俱屬認真礮工無不套打而臣節次所奏改築新隄退挽月隄之處或籌動息款或鳩集捐資以及設法豫備防險經費均經仰奉

恩諭訓誨周詳俾得恪遵辦理今蒙

聖慈福庇處處修防穩固化險為平現已節過霜降

林文忠公政書

乙集湖廣奏稿

三

水落歸槽江漢數千里長隄安瀾普慶並支河裏隄亦無一處漫口實為數十年來未有之幸臣欽感之下兢慄彌深仍當乘此水落之後飭令該管道府巡歷各隄查照盛漲水痕將應辦歲修各工及早估辦務令工料愈加堅實丈尺愈見高寬俾來年汛漲捍衛有資庶幾歲歲安瀾以仰副

聖主保乂民生至意再管理隄工之員除巡道職分較大不敢請獎外其府縣暨汛委各員自估修

以至防險固皆分內之事但工長日久亦各若有微勞而費絀事繁每係出於捐辦且歷遇漫工潰口無不卽予劾參今於數十年中幸值全境隄防一律保固官民慶忭無不倍感

皇仁可否仰懇

天恩酌加獎勵俾修防各員益知奮勉出自

聖主鴻慈如蒙

俞允容臣會同撫臣擇其尤為出力者酌保數員恭

候

林文忠公政書

乙集湖廣奏稿

三

恩施不敢稍有冒濫所有江漢普慶安瀾緣由謹會

同湖北撫臣伍長華恭摺具

奏伏乞

皇上聖鑒謹

奏

恭報抵粵日期摺

奏為恭報微臣行抵廣東日期並遵

旨體察洋面堵截情形恭摺奏祈

聖鑒事竊臣上年冬間進京

陛見於十一月十五日欽奉

諭旨著頒給欽差大臣關防馳驛前往廣東查辦海

口事件所有該省水師兼歸節制等因欽此臣當

即在京請

訓疊聆

林文忠公政書

乙集

使粵奏稿

一

恩諭備極周詳蒙

委任之逾恆彌深感奮念責成之重大倍切悚惶

陛辭後於二十三日出京經由直隸山東安徽皆無

停滯惟江西途次連遇大雪間有未能備行之

處旋即加緊前進以速補遲茲於正月二十五

日行抵廣東省城與督臣鄧廷楨撫臣怡良等

會晤當據告知節次掣獲鴉片煙犯水陸交嚴

羣情頗為警動迨聞

特派查辦之

旨聲威所被震懾民夷是以駐省年久之夷商噤

於十二月十二日請牌下澳附搭港脚映船回

國其伶仃洋躉船內有港脚噤船及嚙吐船二

隻亦於十二月二十八日回去今年正月二十

日又有港脚噤及咆嘖等船味喇哩國噤哩

暗及吐咖等船噤國啣吐船小呂宋船共十四

隻起旋開行二十一日又有港脚噤等船味

喇哩國噤哩等船共四隻與前船一同駛去旋

據探報拋泊了洲洋面該處為夷船回國必經

林文忠公政書

乙集

使粵奏稿

二

之路現仍嚴行探逐業經先後具

奏等語臣復細加查訪均屬相符惟思夷情詭譎

異常現有鴉片在船未必遽甘回國果否計窮

思遁抑係擇地圖遷均未可定第既經開動其

為畏憚可知亟應宣示

天威乘勢盡行驅逐以為清源之計除飭外海水師

確查飛稟相機會辦外至臣先於途次承准軍

機大臣字寄上年十二月十六日奉

上諭本日據鄧廷楨奏等調師船將備聯幫駐泊洋

面堵截民夷售私並水陸交嚴以除銅弊一摺著
 林則徐馳抵廣東後卽將各該處情形悉心體察
 所有摺內所議駐洋守堵各事宜會同鄧廷楨通
 計熟籌務臻妥善覈實辦理原摺著鈔給閱看將
 此諭令知之欽此臣查閱摺內所議分派兵哨各
 船在伶仃洋一帶按月輪流堵截無論內地何
 項船隻駛近夷船概行追擊倘敢逞兇拒捕格
 殺勿論其東路之惠潮等屬洋面口岸一體巡
 防似此碁布星羅已足以昭嚴密惟現在夷薏
 既經移動自須到處跟蹤卽使該薏船駛出老
 萬山猶恐內海匪船潛赴外洋勾結是杜絕售
 私之勁實屬刻不容鬆臣甫經到省於各處島
 澳口門尙未親歷現在檢閱圖志先與督撫臣
 在省互相講求擬於旬日之間出赴中路之虎
 門澳門等處與水師提臣關天培乘船周覽以
 便相機度勢通計熟籌俟薏船驅除應手之後
 再往東路察看機宜隨時會同鄧廷楨等覈實
 辦理總期拔本塞源力迴銅習以仰副

林文忠公政書 乙集 使粵奏稿 三

林文忠公政書 乙集 使粵奏稿卷一

聖主澄清海澨綏戢民生之至意所有微臣到粵日
 期並體察大概情形謹先繕摺具
 奏伏乞
 皇上聖鑒再廣東陽雨應時米糧平減民情均極安
 帖足以上慰
 聖懷合併陳明謹
 奏

林文忠公政書 乙集 使粵奏稿 四

一五三

附奏粵省鴉片情形片

再查奸夷嗜嘔係嘔啞喇國所屬之港脚人盤踞粵省夷館歷二十年之久混號鐵頭老鼠與漢奸積慣串通鴉片之到處流行實以該夷人為禍首伊僅係夷中之一奸販並非該國有職之人祇以狡黠性成轉恃

天朝柔遠之經為伊護符之計其因售私以致巨富人所共知道光十六年冬間即經督臣鄧廷楨等遵奉

林文忠公政書

乙集 使粵奏稿

五

諭旨查明驅逐而該夷藉稱清理帳目又作兩載逗遛去冬臣蒙

皇上發交太僕寺少卿楊殿邦等條奏各摺帶來廣東查辦其摺內所指亦以該夷人為奸猾之尤臣於未出京時即先密遣捷足飛信赴粵查訪其人以觀動靜聞十二月間廣東省城互相傳播以為

欽差大臣一到首挈嘔啞究辦該夷人遂即請牌下澳搭船回國是其飽則颺去因為鬼域常情要

在使之不敢再來乃為善策又伶仃洋面躉船亦於臣將到之時先後開動二十隻雖夷情巨測難保不游奔往來而其聞知

諭旨森嚴心懷畏懼亦已明甚矣此時查辦機宜惟有外樹聲威內加慎重陽示鎮靜陰肅防維使之生嚴憚之心而發悔懼之念然後曉諭禁止皆非空言至廣東興販吸食之人固倍徙於他省然聞

皇上特遣大臣查辦皆有懼心屢經嚴挈之餘興販

林文忠公政書

乙集 使粵奏稿

六

者不能不斂戢吸食者亦不能不戒斷惟民情因見從前旋查旋止以為官禁未必久長不免有觀望希冀之想臣入境後聞民間無不私探罪名輕重與新例之曾否頒行大抵惟生死關頭足以生其震恐如果定論死之例而寬一年之期即吸食莫多於廣東而以臣察看情形亦可保限外無人羅法若寬而生玩則不惟未戒者不戒即已戒者亦必復食稍縱即逝恐不可挽伏乞

聖訓乾斷嚴例早頒庶辦理得有把握臣愚昧之見
是否有當謹附片瀝陳伏祈

聖鑒謹

奏

林文忠公政書

乙集

使粵奏稿
卷一

七

會奏夷人躉船鴉片盡數呈繳摺

奏為啖咭喇國夷人震懾

天威將躉船鴉片盡數呈繳現於虎門海口會同驗

收恭摺奏

聞仰祈

聖鑒事竊照鴉片來自外洋毒流中國蔓延既久幾

於莫可挽回幸蒙我

皇上渙號大宣

乾綱獨斷力除銅弊法在必行且荷

林文忠公政書

乙集

使粵奏稿
卷一

八

特頒欽差大臣關防派臣林則徐來粵查辦願茲重

大之任慮非閭陋所勝仰賴

諭旨嚴明

德威振疊不獨禁令行於內地且使風聲播及重洋

復蒙

諭令臣鄧廷楨等益矢奮勤盡泯畛域下懷欽感倍

思併力驅除在臣林則徐未到之先已將窩口

煙館與販吸食各犯擧獲數百起分別懲辦又

派令各師船輪流守堵水陸交嚴並將東路夷

船及住省奸夷先後驅逐節經奏蒙

聖鑒 臣林則徐於正月二十五日到省亦將會商籌

辦大概情形先行具

奏在案維時在洋躉船二十二隻已陸續起旋開

行作為欲歸之勢若但以逐回夷界即為了事

原屬不難惟 臣等密計熟商竊以此次

特遣查辦務在永杜來源不敢僅顧目前因循塞責

查夷情本皆詭譎而販賣鴉片者更為奸猾之

尤此次聞有

林文忠公政書

乙集

使粵奏稿

九

欽差到省料知必將該夷躉船發令驅逐故特先行

開動離卻向來所泊之伶仃等洋以明其不敢

違抗其實每船內貯存鴉片聞俱不下千箱因

上年以來各海口處處嚴防難於發賣而其奸

謀詭計仍思乘間覓售非特不肯拋棄大洋亦

必不肯帶回本國即使逐出老萬山以外不過

暫避一時而不久復來終非了局且內海匪船

亦難保不潛赴外洋勾結售買必須將其躉船

鴉片銷除淨盡乃為杜絕病源但洪濤巨浪之

中未能確有把握因思躉船之存貯雖在外洋

而販賣之奸夷多在省館雖不必遽繩以法要

不可不喻以理而枕以威 臣林則徐當撰論帖

責令眾夷人將躉船所有煙土盡行繳官許以

奏懇

大皇帝天恩免治既往之罪並酌請

賞犒以獎其悔懼之心嗣後不許再將鴉片帶來內

地犯者照

天朝新例治罪貨物沒官等語與 臣鄧廷楨怡良酌

林文忠公政書

乙集

使粵奏稿

十

商定稿即於二月初四日公同坐堂傳訊洋商

將論帖發給令其齎赴夷館帶同通事以夷語

解譯曉諭立限稟覆一面密派兵役暗設防維

查各國買賣以暎咭喇為較大該國自公司散

局以後於道光十六年派有四等職夷人義律

到澳門經管商稍謂之領事 臣等發諭之後各

國則皆觀望於暎夷而暎夷又皆推諉於義律

其中有通曉漢語之夷人曠等四名經司道暨

廣州府等傳至公所面加曉諭因該夷曠等回

稟之言尚為恭順當卽賞給紅綢二疋黃酒二
罇著令開導眾夷速繳鴉片未據卽行稟覆至
二月初十日義律由澳門進省其時奸夷嘯咆
等希圖乘夜脫逃經臣等查知截回諭責義律
以不能約束之非並照歷屆暎夷違抗卽行封
船之案移咨粵海關監督臣豫堃將各夷住泊
黃埔之貨船暫行封船停其貿易又夷館之買
辦工人每為夷人潛通信息亦令暫行撤退並
將前派暗防之兵役酌量加添凡遠近要隘之

林文忠公政書

乙集

使粵奏稿

十一

區俱令明為防守不許夷人出入往來仍密諭
弁兵不得輕舉肇釁在臣等以靜制動意在
不惡而嚴而諸夷懷

德畏

咸均已不寒而慄自嚴密防守之後省城夷館與黃
埔澳門及洋面躉船信息絕不相通該夷等疑
慮驚惶自言愧悔臣林則徐又復疊加示諭勸
戒兼施卽於二月十三日據該領事義律稟覆
情愿呈繳鴉片維時距撤退買辦之期業已五

日夷館食物漸形窘乏臣等當卽賞給牲畜等
物二百數十件復向查取鴉片確數經義律向
各夷人名下反覆追究旋據呈明共有二萬二
百八十三箱查向來掣獲鴉片如係外夷原來
之箱每一箱計裝整土四十箇每箇約重三斤
每箱應重一百二十斤卽至日久收乾每箱亦
約在百斤以外以現在報繳箱數覈之總不下
二百數十萬斤若經奸販轉售則流毒何所不
至今設法令其全繳不動兵刑無非仰仗

林文忠公政書

乙集

使粵奏稿

十一

天威自然畏服臣等欽感之餘仍當倍加慎重誠恐
所報尙有不實不盡訪之在洋水師及商賈人
等僉稱外夷高大躉船每隻所貯亦不越千箱
之數是躉船二十二隻覈與所報箱數不甚相
懸當卽諭令駛赴虎門以憑收繳除商明留臣
怡良在省彈壓防範外臣林則徐臣鄧廷楨均
於二月二十七日自省乘舟二十八日回抵虎
門水師提督臣關天培本在虎門駐劄凡防範
夷船查掣售私之事皆先與臣等隨時商權務

台機宜自收繳之論既頒尤資嚴密防堵茲選
 船二十二隻陸續駛至虎門口外關天培當即
 督率將領分帶提標各營兵船排列彈壓並先
 期調到碣石鎮總兵黃貴署陽江鎮總兵楊登
 俊各帶該標兵船分排口門內外聲威極壯粵
 海關監督臣豫堃亦駐虎門稅口照料稽查臣
 等親率候補知府南雄直隸州知州余保純署
 廣州府同知佛岡同知劉開域候補通判李敦
 業樂昌縣知縣吳思樹暨副將李賢守備盧大
 林文忠公政書 乙集使粵奏稿 卷一 十三

鉞分派文武大小各委員隨收隨驗隨運隨貯
 惟為數甚多一躉船所載之箱即須數十隻制
 船始敷盤運而自口外運至口內堆貯之處又
 隔數十里若日期過促草率收繳恐又別滋弊
臣端 鄧廷楨擬收至兩三日後先回省署辦公
臣林則徐自常常駐海口會同提臣關天培詳
 細驗收經理一切容俟收繳完竣查明實在箱
 數與該夷領事所稟有無參差再行恭摺
 奏報並取具各夷人永不夾帶切結存案以斷根

株伏思夷人販賣鴉片多年本干
 天朝法紀若照名例所載化外有犯並依律科斷之
 語即予以正法亦屬罪所應得惟念從前該夷
 遠隔重洋未及遽知嚴禁今既遵諭全繳躉船
 鴉片即與自首無異合無仰求
 皇上覆載寬宏
 恩施法外免迫既往嚴儆將來並求
 俯念各夷人鴉片起空無貲置貨酌量
 加恩賞給茶葉凡夷人名下繳出鴉片一箱者酌賞
 林文忠公政書 乙集使粵奏稿 卷一 十四

茶葉五斤以獎其恭順畏法之心而堅其改悔
 自新之念如蒙
 恩准所需茶葉十餘萬斤應由臣等捐辦不敢開銷
 至夷人呈繳鴉片如此之多事屬創見自應派
 委文武大員將原箱解京驗明再行燒燬以徵
 實在是否有當臣等謹會同水師提督臣關天
 培粵海關監督臣豫堃合詞恭摺具
 奏並錄論夷原稿并夷稟二件恭呈
 御覽伏乞

皇上聖鑒再此次距臣林則徐到省拜摺之後已閱

一月先因籌辦未卽就緒不敢遽行奏

聞惟事經多日恐塵

聖懷茲謹由四百里馳奏合併聲明謹

奏

林文忠公政書

乙集

使粵奏稿
卷一

五

附呈論夷原稿並夷稟二件

謹將臣林則徐示論各國夷商呈繳鴉片取具

永不販賣甘結論稿並嘆咭喇國領事義律兩

次覆稟敬謹繕錄恭呈

御覽

論各國夷人知悉照得夷船到廣通商獲利甚
厚不論所帶何貨無不全銷欲置何貨無不立
辦是以從前來船每歲不及數十隻近年來至
一百數十隻之多我

林文忠公政書

乙集

使粵奏稿
卷一

六

大皇帝一視同仁准爾貿易爾纔沾得此利倘一封
港爾各國何利可圖況茶葉大黃外夷若不得
此卽無以爲命乃聽爾年年販運出洋絕不靳
惜

恩莫大焉爾等感

恩卽須畏法利已不可害人何得將爾國不食之鴉
片煙帶來內地騙人財而害人命乎查爾等以
此物蠱惑華民已歷數十年所得不義之財不
可勝計此人心所共憤亦天理所難容從前

天朝例禁尙寬各口猶可偷漏今

大皇帝聞而震怒必盡除之而後已所有內地人民

販鴉片開煙館者立即正法吸食者亦議死罪

爾等來至

天朝地方即應與內地民人同遵法度本大臣家居

閩海於外夷一切伎倆早皆深悉其詳是以特

蒙

大皇帝頒給平定外域屢次立功之

欽差大臣關防前來查辦若追究該夷人積年販賣

林文忠公政書

乙集 使粵奏稿 卷一

七

之罪即已不可姑容惟念究係遠人從前尙未

知有此嚴禁今與明申約法不忍不教而誅查

爾等現泊伶仃等洋之躉船存貯鴉片甚多意

欲私行售賣獨不思海口如此嚴挈豈復有人

敢爲護送而各省亦皆嚴挈更有何處敢與銷

售此時鴉片禁止不行人人知爲鴆毒何苦貯

在夷躉久椗大洋不獨徒費工費恐風火更不

可測也合行諭飭諭到該夷商等速即遵照將

躉船鴉片盡數繳官由洋商查明共繳若干籍

造具清冊呈官點驗收明燬化以絕其害不得

絲毫藏匿一面出具夷字漢字合同甘結聲明

嗣後來船永遠不敢夾帶鴉片如有帶來一經

查出貨盡沒官人即正法字樣聞該夷平日重

一信字果如本大臣所諭已來者盡數呈繳未

來者斷絕不來是能悔罪畏刑尙可不追既往

本大臣即當會同督撫兩院奏懇

大皇帝格外施恩不特寬免前愆並請酌予

賞犒以獎其悔懼之心此後照常貿易既不失爲良

林文忠公政書

乙集 使粵奏稿 卷一

六

夷且正經買賣正可獲利致富豈不體面倘執

迷不悟猶思捏稟售私或託名水手帶來與爾

無涉或詭稱帶回該國投入海中或乘間而赴

他省覓售或堵塞而繳十之一二是皆有心違

抗怙惡不悛雖以

天朝柔遠緩懷亦不能任其藐玩應即遵照新例一

體從重懲創此次本大臣自京而承

聖諭法在必行且既帶此關防得以便宣行事非尋

常查辦他務可比若鴉片一日未絕本大臣一

日不回誓與此事相始終斷無中止之理況察
看內地民情皆動公憤倘該夷不知改悔惟利
是圖非但水陸官兵軍威壯盛即號召民間丁
壯已足制其命而有餘而且暫則封船久則封
港更何難絕其交通我中原數萬里版輿百產
豐盈並不藉資夷貨恐爾各國生計從此休矣
爾等遠出經商豈尚不知勞逸之殊形與眾寡
之異勢哉至夷館中慣販鴉片之奸夷本大臣
早已備記其名而不賣鴉片之良夷亦不可不

林文忠公政書

乙集

使粵奏稿
卷一

九

為剖白有能指出奸夷責令呈繳鴉片並首先
具結者即是良夷本大臣必先優加獎賞禍福
榮辱唯其自取今令洋商伍紹榮等到館開導
限三日內回稟一面取具切實甘結聽候會同
督撫示期收繳毋得觀望該延後悔無及特諭
附錄義律兩次覆稟

暎咭喇國領事義律具稟

欽差大人為恭敬遵諭稟覆事轉奉鈞諭

大皇帝特命示令遠職即將本暎國人等經手之鴉

片悉數清繳一俟大人派委官憲立即呈送如
數查收也義律一奉此諭不得不遵自必刻即
認真一體順照緣此恭惟稟請明示現今裝載
鴉片之暎國各船應赴何處繳出至所載鴉片
若干繕寫清單求俟遠職一經查明當即呈閱
也謹此稟赴大人臺前查察施行

暎咭喇國領事義律敬稟

欽差大人為遵諭呈單事昨因謹奉大人鈞諭即經

遠職持掌國主所賜權柄示令本國人等即將

林文忠公政書

乙集

使粵奏稿
卷一

十

暎咭喇人所有之鴉片如數繳送遠職也現經

遠職查明所呈共有二萬零二百八十三箱恭
候明示查收緣此謹稟赴大人臺前查察施行

附奏夷人現繳鴉片請暫緩斷絕茶葉大黃片
再等先後承准軍機大臣字寄道光十九年
正月初九日奉

上諭本日據鄧廷楨怡良片奏查辦粵省鴉片煙情
形朕詳加披閱具見肫誠為國之心惟當此可乘
之機仍應督飭文武員弁趁勢嚴拏毋稍鬆懈務
使根株淨盡銅弊全除林則徐計應早晚到粵該
督等仍遵前旨協力同心盡泯畛域勉之又勉以
副委任至林則徐前此面奏請頒發檄諭曉示外
林文忠公政書 乙集 使粵奏稿 三
夷著與鄧廷楨酌商是否可行儻必須頒發著卽
委擬底稿具奏經朕披覽再行檄發等因欽此又
正月二十七日奉

上諭據鄧廷楨等奏通諭各國夷商前除舊汗並繕
錄論稿進呈朕詳加披閱措詞正大所見亦屬周
到現在外洋拋泊各躉船是否盡數回國其並非
躉船又非進口貨船往來各洋寄旋者能否絕迹
著林則徐會同該督等嚴飭水師各鎮協營調集
師船在各洋面聯幫追捕毋任再有偷漏其海口

煙館各犯並著通飭各屬搜拏淨盡以絕根株其
茶葉大黃果否為該夷所必需倘欲斷絕是否堪
以禁止不至偷越之處並著悉心訪察據實具奏
林則徐面奏請頒發各國檄諭著仍遵前旨與鄧
廷楨商酌委擬底稿具奏經朕披覽再行頒發將
此諭令知之欽此查外洋拋泊各躉船已據遵諭
呈繳煙土現經 臣 等恭摺具

奏其並非躉船又非進口貨船往來各洋寄旋者
以東路南澳鎮屬洋面為較多先經 臣 鄧廷楨
林文忠公政書 乙集 使粵奏稿 三
檄飭該鎮會同潮州道府設法防堵業將停泊
舢板夷船八隻驅逐開行於上年十二月二十
七日

奏明在案今春以來復據該鎮先後稟報偶有夷
船駛至長山尾大金門等洋遊奕亦經舟師實
力驅逐全數駛出夷洋此等夷船聞知煙土盡
數繳官無所希冀似可不致再來 臣 等仍檄飭
該鎮聯幫堵截以絕覬覦並飭潮州道府嚴查
海口以杜偷漏期於粵洋一律肅清其內地窩

口煙館各犯除照舊嚴密查拏外現在民間畏懼改悔多有願將舊存煙土煙槍等物赴官呈繳者當於省城分設官局派員驗收並經本省紳士隨處設局分投勸諭旬餘以來陸續呈繳甚為踴躍容俟收有成數另行

奏報至茶葉大黃兩項臣等悉心訪察實為外夷所必需且夷商購買出洋分售各路島夷獲利尤厚果能悉行斷絕固可制死命而收利權惟現在各國夷商業經遵諭呈繳煙土自應仰乞

林文忠公政書

乙集

使粵奏稿

三

天恩准其照常互市以示懷柔所有斷絕茶葉大黃似可暫緩置議如果該夷經此次查辦之後仍敢故智復萌希圖夾帶鴉片入口彼時自當嚴行禁斷並設法嚴查偷越弊端應請於善後章程內另行籌議具奏至臣林則徐面奏請頒外夷檄諭一節原擬抵粵後與臣鄧廷楨悉心商酌如須頒發自應先擬底稿進呈恭候訓示嗣思曠咄喇國既有在粵之領事義律及住省夷人不如就近諭知飭將鴉片悉數繳官躉船

迅速回國現已辦理應手則檄諭該國之處似可暫緩頒行俟將來奉到部頒罪名新例暨議定善後章程一併彙同備文照會仍遵節次諭旨妥擬底稿恭呈

御覽再行頒發所有臣等欽奉

上諭據實覆陳緣由謹附片奏祈

聖鑒謹

奏

林文忠公政書

乙集

使粵奏稿

三

會奏收繳鴉片已逾十分之八即乘勢清理東路摺

奏為虎門收繳夷船鴉片已逾十分之八即可乘

勢清理東路恭摺奏祈

聖鑒事竊臣林則徐抵粵以後與臣鄧廷楨暨撫臣

怡良公同商酌責令夷人將躉船煙土悉數呈

繳由臣林則徐疊加示諭勸戒兼施旋據噴咭

喇國領事義律稟明情愿將各船存貯鴉片二

萬二百八十三箱陸續駛至虎門呈繳臣林則

林文忠公政書

乙集

使粵奏稿

徐臣鄧廷楨即於二月二十七日自省起程於

二十八日駛抵虎門會同臣關天培督率文武

委員分船收繳業於二月二十九日由四百里

恭摺馳

奏在案惟收繳煙土須將剝船攏近躉船方能盤

運而剝船與躉船高下懸殊或用梯升或用繩

縋登降已形費力迨起至一半之後躉船水迹

浮高須防風浪又必下石壓船且潮汐時有往

來風信兼多順逆一遇風潮相薄剝船不能駛

傍夷船即勉強攏近而兩相撞擊損壞堪虞不

得不暫為停止時當三月風暴正多竟不免有

終日坐守之事臣等同駐海口時刻督催得起

即起不任延緩查各躉船所貯煙土在正艙者

皆係番木板箱並用生牛皮封裹極為堅固其

在邊艙者間用口袋裝盛包紮亦甚嚴緊查因

板箱多占地位勻擺不開故有改裝口袋者衡

以斤兩亦無二致臣等始悟直隸挈獲金廣興

商船鴉片案內所起口袋即係外夷原物也茲

林文忠公政書

乙集

使粵奏稿

自二月二十九日收起截至三月二十日計已

收繳鴉片一萬五千八百八十九箱又一千五

百四十七口袋覈之義律原報數目已逾十分

之八惟近數日來察看後船煙土較諸在先收

繳之船所載漸少雖一時未即收完而覈計大

數恐其或有短欠當又派員持諭前赴省城夷

樓向領事義律嚴加詰責即據稟覆伊所報數

目係在省樓覈算帳據而各船裝載鴉片間有

駛往沿海地方如潮州南澳等處者遠職再行

催回不論現泊何方半月內想可催到定必如
 數盡繳斷不敢短少等語察其情詞似非虛誑
 當即准限半月責令迅速發諭往催臣等伏思
 東路南澳地方屢有夷船駛至自上年驅逐淨
 盡之後今春仍開有數船至長山尾等洋游奕
 雖經該鎮隨時驅逐而夷船旋去旋來是否中
 路分銷抑係外洋另股悉心訪察冀得端倪惟
 夷人既不肯輸情眾口亦茫無確據正思俟中
 路呈繳事竣再行查辦南澳一隅以冀斷絕根
 株不使稍留餘孽今據義律於無心中自行吐
 露是中東兩路實屬一氣相生其躉船雖在伶
 仃等洋而三板等船分載煙土由外洋駛往南
 澳覓售誠為事所必有既經逐層澈究斧鑿相
 尋正當乘此機關責成該領事將分往南澳各
 船一概招回悉數呈繳不但原報二萬餘箱之
 內不准短少一箱如此外尚有多餘亦必儘數
 收繳總期一律淨盡不任稍有留遺轉不責其
 原報失實之咎除俟收繳全完另行

林文忠公政書

乙集

使粵奏稿
卷二

三

奏結外所有現繳鴉片已逾十分之八並乘勢清
 理東路緣由謹會同廣東巡撫臣怡良粵海關
 監督臣豫堃恭摺由驛馳
 奏伏祈
 皇上聖鑒訓示再臣鄧廷楨原擬收至兩三日後先
 回省署辦公嗣因督率委員起剝堆貯稽查偷
 漏弊端未克分身回省茲收繳已有成數即於
 拜摺後馳回省垣清釐應辦事宜并督飭嚴拏
 陸路團販吸食煙犯合併聲明謹

林文忠公政書

乙集

使粵奏稿
卷二

四

覆奏夷商渣噸實已回國現查夥黨一併驅逐片
再 臣承准軍機大臣字寄道光十九年正月二
十七日奉

上諭本日據鄧廷楨怡良奏稱論逐港脚夷商渣噸
現在下澳附船回國等語該夷渣噸來粵貿易多
年所有躉船鴉片多半係其經營實為奸夷渠魁
現因稽查嚴密恐懼圖歸雖據該督等奏稱該夷
請牌下澳於臘月底定可開行但該夷盤踞既久
黨羽必多現在各躉船尚未回帆其所存煙泥豈

林文忠公政書

乙集

使粵奏稿

五

肯即行拋棄難保不別肆詭謀著林則徐嚴密訪
查該夷渣噸是否實已下澳開行確於何日起旋
如尙在逗遛即著嚴行驅逐據實覆奏務使奸夷
盡去錮弊悉除方為不負委任將此諭令知之欽
此 臣查該夷渣噸於上年十二月十二日請牌
下澳附搭港脚映船回國業經 臣於
奏報到粵摺內查明聲敘在案茲復欽奉

諭旨著

嚴密訪查當即欽遵密咨粵海關監督 臣

豫堃諭飭洋商伍紹榮等確切查稟並札澳門

同知轉論在澳之西洋夷目唆嚟哆查明渣噸
實係何日自省到澳附搭何船於何日由澳開
行回國據實稟覆一面暗遣妥人改裝前赴澳
門密加訪問去後嗣准豫堃咨據署澳門同知
蔣立昂轉據唆嚟哆稟覆渣噸於上年十二月
十三日由省到澳即於十六日由澳附搭港脚
映船開行回國又據洋商伍紹榮等稟同前情
與 臣遣人赴澳密查均屬相符是渣噸實已於
上年十二月間搭船回國並未在省在澳逗遛

林文忠公政書

乙集

使粵奏稿

六

毫無疑義惟該夷販賣鴉片來粵多年誠如
聖諭盤踞既久黨羽必多所存煙泥豈肯即行拋棄
臣先經訪得現住省城義和行之映噸即係渣
噸之弟又映呀咄咄呀咄咄皆渣噸之外甥
並有代伊管帳之呀咄咄亦在該行居住是該
夷雖去而買賣帳目仍有人代為經理此次義
律稟繳鴉片雖係籠統開報並未分析某夷名
下若干而躉船船戶僉稱渣噸居其大股是該
夷存積之煙不至另有囤貯 臣與督 臣鄧廷楨

面商噴頓既已逃回務當使之永不敢來方爲善策此時煙土雖已收繳其夥黨亦必驅除如映頓映呀咄啞三呀咄啞呀咄啞之類現皆給諭洋商令與向賣鴉片著名之夷人嘸咄等一併驅逐回國庶可杜絕奸夷蹤迹免致勾結盤踞誘惑內地良民復貽地方之害所有遵查噴頓實已回國現在查明夥黨一併驅逐緣由謹附片覆

奏伏乞

林文忠公政書

乙集

使粵奏稿

七

聖鑒謹

奏

會奏夷船呈繳鴉片一律收清摺

奏爲夷船呈繳鴉片現已一律收清覈較原稟之

數有贏無絀恭摺

奏報仰祈

聖鑒事竊照映咄啞等國夷人遵諭呈繳躉船鴉片

經_臣等由四百里會摺馳

奏迨收逾十分之八卽乘勢清理東路亦經續行

奏明在案_臣等查粵省東路南澳一帶係與福建

漳州府屬洋面毗連該處夷船自上年驅逐開

林文忠公政書

乙集

使粵奏稿

八

行之後今春又據稟報有數隻駛至長山尾等洋游奕而福建之布袋等洋近在其北間亦有夷船旋去旋來緣兩省交界之間逐於粵則竄於閩逐於閩又竄於粵無非因船內載有鴉片隨處覓售茲粵省中路躉船收繳煙土辦理既能應手且究明中東兩路實屬一氣相生亟應由中路而及東路並由粵洋而及閩洋務使兩省海面一體肅清不敢稍分畛域當經_臣等詣諭映咄啞國領事義律繕寫夷信多撥三板小

船分赴東路各洋無論粵界閩界但有夷船寄泊卽催令駛回中路虎門與各躉船同繳煙土仍嚴檄南澳鎮率領師船在洋堵逐並帶有通事傳諭夷人繳煙其內港各口責令潮州鎮道府縣嚴禁蛋艇出洋以斷夷船接濟一面飛信知會閩省督撫臣飭屬照辦使兩省聲勢互相聯絡適據潮州府知府易中孚稟知已奉閩浙督臣鍾祥福建撫臣魏元烺派委漳州府知府胡興仁至閩粵交界之分水關與易中孚面商

林文忠公政書

乙集

使粵奏稿

九

會辦該府等均卽遵照檄飭實力防堵水陸交嚴夷船既不能將鴉片發售又不能有水米接濟勢難久泊復經該領事義律催令一體呈繳卽據稟報陸續來至虎門查有嘍囉吐船啤叻船船離船皆稱從南澳駛來共繳鴉片一千六十七箱又五百一十一袋復有嘍囉船船囉嘛喇吐船皆稱從福建駛來共繳鴉片二千二百四箱又五十七袋此數船原不在中路伶仃等洋躉船之內每由外洋潛行竄越蹤迹靡常

今亦招至虎門與躉船一體呈繳截至四月初六日收清合計前後所收夷人鴉片共一萬九千一百八十七箱又二千一百一十九袋覈之義律原稟應繳二萬二百八十三箱之數更溢收一千袋有零據該領事等僉稱委係盡數繳官不敢絲毫餘剩臣等於親督收繳之際節經飭令委員每起盡一船卽將各層船底逐一查驗不任稍有留遺此次收繳全清夷人成本千餘萬金已成虛擲諒不敢更尋覆轍惟現值南

林文忠公政書

乙集

使粵奏稿

十

風司令各國本年貿易夷船正應陸續到粵計自彼國開船尙在數月以前未必遽信天朝如此嚴禁其歷年來帶鴉片本已習爲故常此次來船恐亦難免惟一時未便卽實於法仍須責令一併繳官臣等現又嚴諭該領事義律將新來載貨夷船隨到隨查如無鴉片卽具保結請驗倘有夾帶自行首繳免罪如敢朦混隱瞞查出下許開船驅逐回國俟奉到部行新例之後卽當擬具檄諭底稿恭呈

御覽照會該國明示限期如屆限再有帶來應遵照大清律例所載化外人有犯並依律科斷之語與華民同照新例一體治罪貨物沒官始可杜其嘗試之念臣等又思華夷雖有分界而海道處處可通卽如閩省各洋南與粵界相連北卽距粵甚遠是否尙有夷船在彼游奕粵省無從知悉除再飛移閩省督撫臣一併乘機查辦外尙恐夾帶鴉片之奸夷慮及到粵勒繳或從外洋徑竄迤北各省寄旋售私前數年本已有此情形

林文忠公政書 乙集 使粵奏稿 卷二 十一

此後尤不能不慮應請

敕下沿海各省一體嚴查時加防範若收繳之令隨在得行卽竄越之蹤亦永遠可杜矣至內地與販已久流毒甚深囤積之家定必不少一聞夷船鴉片盡繳正喜奇貨可居雖已力塞其源而其流尙未有艾總須趁此機會嚴緝痛懲首繳者許以自新怙惡者寘之重典務在同心協力自可禁止令行以仰副

聖主造福寰區爲民除害之至意所有夷船鴉片收

繳全清緣由謹會同廣東巡撫臣怡良粵海關監督臣豫堃恭摺由驛馳

奏伏祈

皇上聖鑒訓示謹

奏

林文忠公政書

乙集 使粵奏稿 卷二

十一

附奏夷人帶鴉片罪名應議專條夾片

再臣林則徐前諭夷人出具甘結聲明嗣後來船永不敢夾帶鴉片如有帶來一經查出人卽正法貨盡沒官旋據啖咭喇國領事義律稟稱本國在

天朝貿易恭蒙

大皇帝懷柔歷有二百餘年仰望先教以禁令森嚴

惟本國地方較遠或可姑寬期限自開船後凡有印度之港脚屬地者給予五月爲限啖國本

林文忠公政書

乙集 使粵奏稿

三

地者給予十月爲限然後卽以新例遵行則各人無不悉知其有此例倘有來粵者自必遵行也又云凡有諭令之處遠職自應恭遞回國以俾本國大臣呈上國主閱覽自可明知也等語覈其稟詞尙屬恭順惟甘結仍遷延未具近日復經諭催又據稟稱倘不能不取結則啖國人船無奈只得回國等情揆其用意蓋因該國公使司散局悉聽夷商自行經理其中良莠不齊且海道迢遙設或因風阻滯逾期卽難保在路夷

船竟不稍有夾帶一經出結則此後奸夷帶有鴉片不但本犯罹於重法卽該領事亦不能置身事外是以心切遲疑尙非敢違法度且查該夷來粵貿易實係利市三倍不惟以該國之貨牟內地之利並以內地之貨牟各國之利蓋海外島夷之國不知名者不啻盈千累百因無力置船辦貨故不能自達於

天朝而如茶葉大黃絲斤之類則無一國不需此物啖咭喇等國夷商所帶內地貨物非獨本國自

林文忠公政書

乙集 使粵奏稿

四

用尤利於分售各國得價倍蓰卽使該夷不賣鴉片專作正經貿易而所謂三倍之利者自在以此度之其斷不肯捨卻廣東馬頭係屬實情所云只得回國者不過憚於其結強顏而出此言未必真心如是卽使果因內地法嚴不能帶賣鴉片暫時躲避回國亦於通商大局並無加損查從前每年來船不過數十隻而關稅並不短絀近年多至一百數十隻而鴉片愈以盛行且每船自夷商以至水手總不止於百人合

而計之殊嫌太衆與其多聚奸究孰若去莠存
良卽如慣賣鴉片之嗜嘔嘔等本係早經奉
旨查逐之人除嗜嘔已先回國外嘔嘔現亦驅逐其
他類此者正須一併嚴驅並令出具甘結永遠
不敢再來方爲正辦論者或恐各夷商因此裹
足殊不思利之所在誰不爭趨卽使此國不來
彼國豈肯不至縱或一年偶少次年總必加多
且聞華民慣見夷商獲利之厚莫不歆羨垂涎
以爲內地民人格於定例不准赴各國貿易以
林文忠公政書 乙集 使粵奏稿 卷二 五
致利藪轉歸外夷此固市井之談不足以言大
義然就此察看則其不患無人經商亦已明甚
矣所以鴉片之禁不但宜嚴於百姓實可倍嚴
於夷商彼終年之間住內地之日甚多在該國
之日轉少非獨食毛踐土且皆積聚貲財比之
內地民人受
恩更重豈有予之以樂利而不可齊之以政刑者乎
況所來貿易之人不過該國之一販戶並非貴
戚達官卽鴉片亦皆私帶而來更非受命於其

國主且自道光十四年公司散後一切買賣均
與其國主無干此輩奸夷性貪而狡外則桀驁
夸飾內實懼怯多疑稍縱卽驕惟嚴乃肅查乾
隆年間粵省辦理暎夷洪任輝等控案動卽監
禁一二三年無敢違抗歷有成案可稽卽近年
奏辦夷案如道光二年之命犯味叮六年之命犯
嗎嘔嘔皆引名例化外有犯依律擬斷之條
處絞立決夷人無不帖服況鴉片之夾帶彼本
自知理短是以 臣 等此次痛加呵責不但不敢
狡辯並聞退無怨言是外夷亦有天良尙非不
可教誨可否仰求
敕部將夷人帶鴉片來內地者應照化外有犯之例
人卽正法貨物入官議一專條並暫時首繳免
罪如何酌予限期之處奏請
諭旨通行遵辦俾得諭令各國夷人咸使懍遵嗣後
自必不敢犯法似亦刑期無刑之意是否有當
謹合詞附片遞陳伏祈
聖鑒謹

林文忠公政書

乙集

使粵奏稿

卷二

六

奏

覆奏查察虎門排鍊礮臺摺

奏為遵

旨查察虎門海口排鍊礮臺情形恭摺覆

奏仰祈

聖鑒事竊臣於三月初七日在虎門舟次承准軍機

大臣字寄二月十六日奉

上諭據鄧廷楨等奏籌議虎門海口創造木排鐵鍊

添置礮臺礮位一摺已降旨允准虎門海口為粵

海中路咽喉現當籌議海口章程自宜妥為布置

林文忠公政書

乙集使粵奏稿

六

以密巡防該督等所請於海面安設木排鐵鍊以

羈絆夷船並添設礮臺添置礮位之處是否有益

著林則徐詳細查察情形據實具奏原摺著鈔給

閱看將此諭令知之欽此伏查粵東中路海口以

虎門為咽喉臣此次親至該處督收夷人鴉片

即住在水師米艇寄旋海中四面形勢皆可瞭

望當經留心相度竊見重重門戶實屬險要天

成自伶仃大洋過龍穴而北兩山斜峙東曰沙

角西曰大角由此以入內洋是第一重門戶也

林文忠公政書

乙集

使粵奏稿

七

進口七里有一山屹立中央名曰橫檔其前有一巨石俗名飯籬排又其前小山一座曰下橫檔海道至此分爲二支其右一支多有暗沙左一支以武山爲岸武山亦謂之南山山前水深洋船出入皆由於此此第二重門戶也由橫檔再進五里則爲大虎山其西爲小虎山再西則獅子洋卽由黃埔以進省之路是大小虎山乃第三重門戶也此外如蕉門蘆灣山三門口新湧口等處港汊旁出島嶼周迴尙非夷船出入

林文忠公政書

乙集

使粵奏稿

九

要津姑不具論以礮臺言之先有橫檔南山兩處均係康熙五十六年所建形勢稍狹嘉慶五年於沙角添建礮臺一座二十年復就橫檔礮臺加築月臺一座又於南山礮臺之西北添建鎮遠礮臺一座各安礮四十位二十三年又於大虎山建礮臺一座安礮三十二位道光十年大角山又添礮臺一座安礮十六位迨十四年冬間提臣關天培到粵適在驅逐夷人啤嘍啤出口之後與前督臣盧坤商議以大角沙角兩

礮臺中隔海面一千數百丈之遠兩邊礮火均恐不能得力只宜作爲望臺遇有應行防堵之時放礮報信其南山鎮遠與橫檔三處礮臺形如品字中隔水面三百餘丈礮火可期得力惟南山礮臺地勢過高礮子易於冒過船頂其餘原建牆垛亦俱單薄於道光十五年會摺

奏准將南山礮臺前面環築月臺名爲威遠又將

鎮遠橫檔大虎各礮臺加築堅厚添鑄七八千斤大礮分別安配並於橫檔背面山麓及對岸

林文忠公政書

乙集

使粵奏稿

十

蘆灣山腳續添永安鞏固礮臺二座安礮四十位二十位不等此十五年以前陸續添建礮臺之原委也維時提臣關天培卽欲於橫檔山前海面較狹之處創造粗大鐵鍊安根兩岸鐵鍊之下承以木排木排兩端繫以錨纜有事則橫絕中流無事則分披海岸如門開闔防堵益嚴以經費未充前督臣盧坤任內未及辦理鄧廷楨到後正與關天培商議籌辦旋於十八年夏間有啖咭喇國夷目嗎咄喻巡船三隻窺探虎

門見海口布置森嚴畏懼竄去復經鄧廷楨與關天培欽遵

諭旨倍謹脩防以鐵鍊木排實為阻擋夷船要具察看威遠鎮遠橫檔各礮臺之間海面較狹安設排鍊兩道足資堵截惟威遠鎮遠兩礮臺雖同在武山腳下而相距尚有里餘排鍊既截中流礮臺尤宜聯絡故又於威遠鎮遠中間添建大礮臺一座安放大礮六十位以護排鍊而壯聲威此鄧廷楨等現在

林文忠公政書 乙集 使粵奏稿 卷二

三

奏辦之情形也茲欽奉

諭旨令 臣詳細查察當又移舟至武山橫檔一帶流覽登眺此處本係第二重門戶最見緊嚴其海面自西北量至東南橫寬二百七十餘丈至三百三十餘丈不等所有排鍊兩道西北皆安根於武山腳下其東南則第一道安根於飯籬排之巨石第二道安根於橫檔山腳俱各鑿深石槽以八千斤廢礮橫安槽底外加鐵箍四道上扣鐵鍊四條由四而併為二由二而併為一中

間紐合兩頭貫以大鐵鍊八條用大鐵鎖接扣兩邊以便開闔其木排則以大木截齊各長四丈五尺合四根為一小排穿以橫木二道又以四小排聯成一大排量寬一丈六尺餘寸面底又各夾以橫木六道箱用大小鐵箍三十口第一道安大排三十六排大鍊三百九丈零第二道安大排四十四排大鍊三百七十二丈兩道排鍊相去約九十丈共配鐵錨棕纜二百四十副並設划船四隻水兵一百二十名管以把總

林文忠公政書 乙集 使粵奏稿 卷二

三

二員無事則中間常開以通出入如須防堵則關閉甚速察看木排繩紮堅固鐵鍊煅淬精融開闔亦俱得法其新建礮臺俯臨兩道排鍊正成扼吭之勢平寬六十三丈高一丈四尺五寸臺牆釘樁砌石埤牆礮洞則用三合土築成安礮六十位後圍石牆九十丈高出山巔除兵房望樓官廳軍裝火藥兩庫尙未竣工外其餘均屬完整演試銅鐵大礮礮子均能遠及對岸山根設有不應進口之夷船妄圖闖入雖遇順風

潮湧駕駛如飛一到排鍊之前勢難繞越卽謂
夷船堅厚竟能將鐵鍊衝開而越過一層尙有
一層阻擋就令都能闖斷亦已羈絆多時各臺
礮火連轟豈有不成灰燼之理似此重重布置
均極森嚴聞黃埔及十三行出入夷人行舟過
此皆凜然生嚴憚心於海防實屬有益惟排鍊
日被鹹水泡浸加以潮汐蕩搖卽木大鐵堅亦
自不能無損若有寸鐵脫扣一木離簾立刻卽
須脩復總使聯成整片百密不任一疎設或遷

林文忠公政書

乙集

使粵奏稿
卷二

三

就怠延則寸節偶乖卽全局爲之鬆勁查提

關天培於排鍊一事久已殫精竭慮寢食以之
而礮臺工程亦時時躬親督造現在文武員弁
皆極認真此後歲脩事宜均須由關天培立定
章程使將備弁兵皆諳成法加以時常操演精
熟則海防長臻鞏固邊粵永可潛消堪以仰慰
聖主廬念瀛壖之至意所有詳細查察情形謹繕摺
據實覆

奏伏乞

皇上聖鑒謹

奏

林文忠公政書

乙集

使粵奏稿
卷二

三

會奏銷化煙土已將及半情形摺
奏為遵



旨 在粵銷燬煙土會督文武大員公同目擊覈實稽
查以杜弊混而昭震讐現在銷化已將及半先
行恭摺奏祈

聖鑒事竊 臣等前奏收繳夷船煙土請將原箱解京
先於四月十二日奉到

硃批已蒙

諭旨允准謹即欽遵辦理業經收拾裝載正在奏報

林文忠公政書

乙集 使粵奏稿 卷三

起運間復於十八日承准軍機處咨開內閣奉

上諭前據林則徐等馳奏躉船鴉片盡數呈繳請解
京驗明燒燬當降旨允行本日據御史鄧瀛奏稱
廣東距京程途遼遠所繳煙土為數較多恐委員
稽察難周易啟偷漏抽換之弊等語林則徐等經
朕委任此次查辦粵洋煙土甚屬認真朕斷不疑
其稍有欺飾且長途轉運不無借資民力著無庸
解送來京即交林則徐鄧廷楨怡良於收繳完竣
後即在該處督率文武員弁公同查覈目擊燒燬

俾沿海居民及在粵夷人共見共聞咸知震讐該
大臣等唯當仰體朕意覈實稽查斷不准在事員
弁人等稍滋弊混欽此仰見我

皇上於覈實除害之中寓體恤民力之意 臣等公同
跪誦欽感難名伏思銷燬煙土弊實最多必須
在在嚴防庶可免於偷漏緣此物流行已久利
之所在眾庶爭趨查道光十七年間 臣鄧廷楨
等曾經

奏明奸民向夷船購買鴉片從前每箇價值洋銀

林文忠公政書

乙集 使粵奏稿 卷三

二

三十餘圓近來止須十六十八圓不等今即以
錢價覈算每箱亦須六百餘圓合計二萬餘箱
不下一千數百萬圓之值在守正嫉邪之人不
惟糞土棄之且以鳩毒視之而吸食者則竟望
而垂涎興販者更欲居為奇貨若防範稍不嚴
密即百弊為之叢生 臣等自收繳以來因虎門
越在海濱須防奸民覬覦即先相度堆貯之地
計每箱長約三尺高寬半之大房一間纔能堆
至四五百箱之數該處民房廟宇均無寬敞可

容不得已合併數所圍築外牆添蓋高棚勻排封貯內派文職正佐十二員分棚看守外派武職十員帶領弁兵一百名晝夜巡邏幸尙不至疎虞至銷燬之方亦復熟籌屢試向來用火銷化拌以桐油其法未嘗不善第訪聞焚過之後必有殘膏餘瀝滲入地中積慣熬煎之人竟能掘地取土十得二三是流毒仍難盡絕臣等廣諮博採知鴉片最忌者二物一曰鹽鹵一曰石灰凡以煙土煎膏者投以灰鹽卽成渣沫必不

林文忠公政書

乙集

使粵奏稿

三

能收合成膏是其相剋之性正可資之以除其害也然使逐箱煙土皆用灰鹽煮化則鍋竈之設必須累百盈千誠恐照管不周轉滋偷漏如其少設又非數月不能銷完茲再四酌商莫若於海灘高處挑挖兩池輪流浸化其池平鋪石底縱橫各十五丈餘尺四旁欄樁釘板不令少有滲漏前面設一涵洞後面通一水溝池岸周圍廣樹柵欄中設棚廠數座爲文武員弁查視之所其浸化之法先由溝道車水入池撒鹽成

涵所有箱內煙土逐箇切成四瓣投入涵中泡浸半日再將整塊燒透石灰紛紛拋下頃刻便如湯沸不爨自燃復雇人夫多名各執鐵鋤木爬立於跳板之上往來翻截務使顆粒悉化俟至退潮時候啟放涵洞隨浪送出大洋並用清水刷滌池底不任涓滴留餘若甲日第一池尙未刷清乙日使用第二池其泡浸翻截悉如前法如此輪流替換每化一池必清一池之底始免套搭牽混滋生弊端至嚮晦停工卽將池岸

林文忠公政書

乙集

使粵奏稿

四

四圍柵欄全行封鎖派令文武員弁周歷巡緝粵東天氣炎熱所用人工夫僅穿短袴上身下腳向俱赤露又於停工放出時與執事工役一同搜檢不許稍有夾帶試行之初每日纔化三四百箱迨數日後手法漸熟現在日可八九百箱至千箱不等當其銷鎔之際膿油上湧渣滓下沈臭穢熏騰不可嚮邇乃悟此物之能蠱人心志促人年壽槁人形骸者蓋製造時用物取精別有奇衰方術非僅如內地栽種罌粟刮漿熬

製己也臣林則徐駐劄虎門與提臣關天培率同委員候補知府南雄直隸州知州余保純等逐加佈置隨即函商臣鄧廷楨臣怡良以欽奉諭旨公同日擊銷燬是在省各員理宜輪流到虎查覈看視臣怡良因前次銷燬時商明留省此次輪應先到虎門臣鄧廷楨於臣怡良回省後亦即乘舟來虎並令藩司熊常鐸臬司喬用遷運司陳嘉樹糧道王篤四員分班輪往接替查視又咨會廣州將軍臣德克金布左翼副都統臣林文忠公政書乙集使粵奏稿 卷三 五

奕湘右翼副都統臣英隆亦各輪流到虎稽查彈壓粵海關監督臣豫堃則以虎門本有稅口更應常川到彼照料稽查在事員弁人等均各派定執司互相查覈該處沿海居民觀者如堵只准在柵欄之外不許混入廠中以杜偷漏其上省下澳夷人經過口門率皆遠觀而不敢褻翫察其情狀似有羞惡之良霄賴

聖主德威俾中外咸知震讐從此洗心革面庶幾咸與維新矣至煙土名色亦有不同其黑者曰公

斑土聞係上等之煙白土次之金花土又次之此次劈箱銷化當將各色煙土分別編號登記大抵公土白土居多金花土不及百分之一業已逐箱過秤並口袋所裝者亦皆扣除箱袋覈實淨煙斤兩計自四月二十二日起截至五月初三日已銷過八千三百二十箱又二千一百一十九袋其斤兩共合一百十二萬八千七百二十九斤以全數覈之所化已將及半現仍趕緊銷化不敢草率亦不敢遷延恐塵

林文忠公政書乙集使粵奏稿 卷三 六

聖懷謹將現辦情形合詞恭摺具奏伏乞

皇上聖鑒謹奏

奏參因循不振之鎮將分別勒休降補摺
奏爲粵省南澳洋面甫經清理復有外洋駛到夷
船任其停泊累日應將因循不振之鎮將請
旨分別勒休降補以示懲儆恭摺

奏祈

聖鑒事竊照粵省海洋向分中東西三路中路自老
萬山以內如九洲伶仃等洋皆各國夷商來粵
貿易准其行船之路寄旋聚泊歲以爲常若西
路之高廉雷瓊東路之潮州南澳皆夷船例不

林文忠公政書

乙集使粵奏稿

七

應到之區前因南澳鎮所轄長山尾等洋屢有
夷船游奕經臣鄧廷楨節次

奏明檄飭該鎮統帶舟師聯踪堵截追臣林則徐
到粵後會同收繳中路躉船鴉片辦理已能應
手因卽乘勢清理東路責令啖咭喇國領事義
律將分往南澳各船招回中路虎門一體呈繳
煙土旋有佛喇吐船啤叻咭船離船等自南澳
駛來繳煙亦經會摺奏蒙

聖鑒在案

臣等正冀閩粵洋面一律肅清第慮南風

司令有自外國新來夷船探知中路查辦甚嚴
恐被勒繳煙土逕從外洋潛竄東路一帶寄旋
售私亟須加意嚴防杜其竄越又念閩省迤北
各洋或尙有夷船游奕一經該省驅逐自必仍
回粵境南澳一鎮最爲閩粵兩省關鍵若此時
稍一鬆勁則後來又恐蔓延是以會札疊飭南
澳鎮總兵沈鎮邦親帶舟師配足弁兵礮械堵
截外洋來船並備火攻船隻隨幫聽用又撥通
事隨往如遇閩洋夷船竄回卽諭令呈繳煙土

林文忠公政書

乙集使粵奏稿

八

若論之不從且驅之不去竟須示以兵威倘此
後再有夷船累日停留定行特參去後詎該鎮
於四月初十日來稟轉據署參將謝國泰稟稱
三月二十六日有雙桅夷船一隻由西南外洋
駛至長山尾寄旋謝國泰卽同通事引水赴夷
船諭繳煙土據稱船內無煙因風雨阻隔至四
月初一日向東南而去等語維時該鎮往巡閩
洋布袋澳等處於初七日旋抵粵洋初九日復
見長山尾有夷船一隻向東南遠颺等情臣等

接閱之下殊深詫異查夷船自西南外洋駛至明係外國新來之船並非由閩省北洋竄回粵境如果並無煙土希圖銷售情弊該處非夷船應到之地赴彼何為乃謝國泰既不能令其繳土又不能立即驅行任其以風雨為詞自三月二十六日起泊至四月初一日始據報開實屬縱容疲玩該鎮沈鎮邦雖經暫往別洋而長山尾為該轄要地一任夷船累日寄泊是事前防範已疎至初九日長山尾再見之船係在該鎮

林文忠公政書

乙集 使粵奏稿 卷三

九

折回以後究竟該船從何駛至未據報明顯係初一日報開之船未經遠去仍在長山尾一帶逗留沈鎮邦一味因循含糊飾稟若不嚴參示儆是南澳一帶前船雖已押回繳土而後船又復踵至售私藏垢納汙伊於胡底查署海門營參將水師提標左營遊擊謝國泰年力就衰巡防漸懈相應請

旨勒令休致其南澳鎮總兵沈鎮邦於兩省交界洋面莫展一籌難勝水師專閩之任惟年力正強

操舟亦熟尚不至於廢棄可否請

旨降為遊擊都司以示懲儆仍留粵省水師酌量補

用並令隨船出洋以觀後效其所遺南澳鎮總

兵員缺緊要並請

旨迅賜簡放以重職守是否有當 臣等謹會同廣東

水師提督 臣關天培合詞恭摺具

奏伏乞

皇上聖鑒訓示謹

奏

林文忠公政書

乙集 使粵奏稿 卷三

十

附奏東西各洋越竄夷船嚴行懲辦片

再臣等察訪夷情因知外國商船來粵貿易者必先該國請領牌照經過夷埠俱須驗明並於開船之時頒給禁約條款諄諭不許在於中華滋生事端酌限往返程期如未領牌照擅自行船查出卽治其罪船亦充公是外夷禁令森然並非縱其所如漫不加察而商船載來貨物動值數十萬金彼既愛惜重貲自必懍遵法度故貨船到粵必皆報關候驗納稅投行雖近年

林文忠公政書

乙集

使粵奏稿

十一

以來每有夷商夾帶鴉片情弊要亦先向躉船寄頓始敢駛進黃埔斷無駕駛重船東奔西竄之理惟因獲利太厚販運愈多各國雖間有之而以港腳一處爲尤甚港腳地名曰唭啞喇曰唭啞曰唭啞喇皆爲唭啞喇所屬之港口卽華言所謂馬頭也距唭啞喇本國尚有兩月路程而其來至內地則比唭夷爲近奸夷利慾熏心罔顧厲禁往往由外洋乘風竄駛越過廣東中路直趨東路之南澳以達閩浙各洋來去頻

仍便成熟游之地在

天朝彌綸廣大無不徧示懷柔卽其所不應至之處違禁頻來亦惟自謹修防其究至於驅逐而止奸夷習知其故相率效尤沿海文武員弁不諳夷情震於唭啞喇之名而實不知其來歷遇有夷船駛至不過循例催行如其任催罔應亦卽莫敢誰何甚有桀驁夷船膽敢以槍礮相恐嚇而官船因未奉有明文轉不便擅用火器如道光十四年閩浙總督程祖洛所奏情節曾奉

林文忠公政書

乙集

使粵奏稿

十二

諭旨飭令督撫等務當隨時體察情形以靖洋面等因欽此欽遵在案以臣等近日訪聞乃知此等奸夷並未領照經商而敢偷渡越竄若被該國查出在夷法亦必處以重刑况

天朝禁令森嚴豈有轉以內地各洋爲其逋逃藪之理且如內地奸民出海潛赴夷洋滋事揆諸國法正宜按例治罪倘在外已被夷人戕害適足蔽辜豈尙聽其鳴冤許爲報復乎以此對觀互證度勢揆情愈知越竄之夷船不必空言驅逐

惟有嚴行懲辦乃可震懾其心總之有牌照而行中路者則為經商之船無牌照而竄東西各路者即為偷渡之船經商之船尚須區分良莠偷渡之船明係有莠無良槍擊礮轟皆其自取似不為過且此等越竄船隻小者為三板夷划大者亦不過雙桅夾板迥非貨船躉船高大堅厚之比即船內礮械亦極有限甚至安假礮於船旁畫礮眼於艙板祇以虛張聲勢粉飾觀瞻師船果能奮勇剿除何患不能相敵即云夷人

林文忠公政書

乙集 使粵奏稿

三

乃亡命之徒官兵不值與之對仗亦尚有便利之法可操勝算祇須雇募沿海之善泅者多駕拖船滿載車薪備帶火器分為數隊占住上風漏夜乘流縱放即或前隊未能得手後隊絡繹復來夷船中觸處皆引火之物未有不可以焦爛者此令一行不待實有其事而奸夷先已膽落似亦懾服之一法也臣等為杜絕鴉片肅清海洋起見是否有當謹附片瀝陳伏祈

聖鑒訓示謹

奏

林文忠公政書

乙集 使粵奏稿

十四

會奏銷化煙土一律完竣摺

奏為虎門銷化煙土公同覈實稽查現已一律完

竣恭摺奏祈

聖鑒事竊臣等欽遵

諭旨將夷船繳到煙土二萬餘箱在粵銷燬所有覈

實杜弊並會督文武大員公同日擊情形已於

五月初三日銷化及半之時先行恭摺會

奏在案嗣是仍照前法劈箱過秤將煙土切碎拋

入石池泡以鹽滷爛以石灰統俟戳化成渣於

林文忠公政書

乙集

使粵奏稿

五

退潮時送出大海臣等會督文武員弁逐日到

廠看視稽查其間非無人夫乘機圖竊而執事

員弁多人留神偵察是以當場挈獲之犯前後

共有十餘名均即立予嚴行懲治並有賊匪於

貯煙處所乘夜爬牆鑿箱偷土亦經內外看守

各員弁巡獲破案現在發司嚴審尤當按律重

辦其遠近民人來廠觀看者端節前後愈見其

多無不肅然慄畏並有咪喇啞國之夷商嚶與

喇哈咬哢等攜帶眷口由澳門乘坐三板向

沙角守口之水師提標游擊羊英科遞稟求許

入棚瞻視臣等先因欽奉

諭旨准令在粵夷人共見共聞咸知震警曾經出示

曉諭是以該夷等遵諭前來且查夷商嚶等平

素係作正經買賣不販鴉片人所共知因准派

員帶赴池旁使其看明切土搗爛及撒鹽燃灰

諸法該夷人等咸知一一點頭且皆時時掩鼻

旋至臣等廠前摘帽斂手似以表其畏服之誠

當令通事傳諭該夷等以現在

林文忠公政書

乙集

使粵奏稿

六

天朝禁絕鴉片新例極嚴不但爾等素不販賣之人

永遠不可夾帶更須傳諭各國夷人從此專作

正經貿易獲利無窮萬不可冒禁營私自投法

網該夷人等傾耳敬聽俯首輸誠察其情形頗

知傾心向化隨即公同賞給食物歡欣祇領而

去至臣等前

奏烟土名色本有三種曰公斑曰白土曰金花迨

後復經劈出原箱另有一種小公斑每箱貯八

十箇其式樣比行常之公斑較小而箇數倍之

故每箱斤兩不相上下每箇用洋布包裹製造亦較精緻訪聞此種在外國係最上之煙價值極貴是現在所化煙土竟有四種臣等近日於耶鈔中伏讀

上諭煙膏煙具多有假造其弊不可勝言等因欽此仰見

聖明務求真實力戒欺朦之至意臣等愚昧之見欲

辨其偽必須先識其真未知近時各處所掣獲者皆係何種煙土若以外夷原箱之物互相比

林文忠公政書 乙集使粵奏稿 卷三 七

較則真偽似可立辨不至混淆謹將現在四種煙土每種各留兩箱可否即將此八箱作為樣土如蒙

准令解京即委便員搭解並不費事倘亦無須解送則此時粵東每月俱有各屬掣獲解省驗燬之煙亦可隨同銷化現除暫存此八箱外計已化煙土湊合前奏之數共有一萬九千一百七十九箱二千一百一十九袋其斤兩除去箱袋實共二百三十七萬六千二百五十四斤截至五

月十五日業已銷化全完斯時蕩穢滌瑕幸免毒流於四海此後除奸拯溺尤期約立於三章庶幾仰副我

聖主除害保民之至意所有銷化煙土完竣緣由臣

等謹會同水師提督臣關天培粵海關監督臣

豫堃合詞恭摺具

奏伏乞

皇上聖鑒訓示再虎門現在無事臣林則徐亦暫回

省城商辦一切合併聲明謹

林文忠公政書 乙集使粵奏稿 卷三 六

奏

會奏夷船互市情形並空躉開行隻數摺

奏爲彙報外夷貨船往來互市情形並回空躉船

開行隻數恭摺奏祈

聖鑒事竊臣等前奏收繳夷船鴉片欽奉

諭旨各國東商業經遵繳煙土自應加恩准予照常

互市以示懷柔等因欽此臣等當卽恭錄咨會粵

海關監督臣豫堃一體欽遵辦理惟因外國新

來貨船開行在數月之前恐尙未知嚴禁仍帶

煙土且查向來積弊夷商所帶之土皆於到後

林文忠公政書

乙集使粵奏稿

卷三

九

卸在伶仃等洋之躉船然後進口是未進口以

前應先設法稽查以杜私卸臣等會飭署澳門

同知蔣立昂暨香山協副將惠昌耀等查照糧

船勾水之法將新到各貨船吸水尺寸先用丈

杆自水面量至艙面註明印單粘於夷船船艙

以爲記認仍造冊報明以俟進口時覆驗水跡

有無浮高卽可辨其有無私卸復咨會海關監

督親至黃埔將貨船逐一盤驗如有夾帶自必

不能藏掩隨有味喇啞國之叻喇啞船噍啞船

啞船啞喇船噍啞船噍啞船噍啞船噍啞船

噍啞船共九隻販運洋米棉花洋布黑鉛等貨均

於量明水誌之後進口查驗俱無夾帶鴉片並

有帶來買貨洋錢十五萬數千圓據通事等稱

夷船攜帶洋錢近年頗爲罕見尤可爲不賣鴉

片之明證此外有味喇啞國之叻喇一船噍啞

喇所屬港腳之啞喇一船於勾水之後不敢進

口旋即駛向老萬山外徑行回國其爲帶有鴉

片無從覓售又恐覆驗水痕不能卸載是以潛

林文忠公政書

乙集使粵奏稿

卷三

二

逃回去情事顯然但旣未流毒中華卽不便窮

追肇釁此新來貨船之情形也其原泊黃埔夷

船滿載內地貨物出口者計港腳則有啞啞啞

等十五船啞啞啞國則有啞啞啞等八船共船

二十三隻亦皆先後乘風駛出老萬山此又內

地貨物照常通往外國之情形也至已經繳清

煙土之躉船自應驅逐回國臣等於收土後傳

諭領事義律早爲遣回茲查港腳之噍喇船噍

啞船啞啞船噍啞船噍啞船噍啞船之啊吧

船小呂宋之喇船共七隻已先後駛出老萬山
回國其餘有候修船者有候帶貨壓載者並有
其船業已破爛不能衝風破浪難以回國擬折
賣與人者臣等分別覆查尙皆實情除仍分飭
師船嚴加防範並不時查催驅逐外現在洋面
澳門均屬安靜所有貨船往來互市情形及躉
船回國隻數臣等謹會同粵海關監督臣豫堃
合詞恭摺具

奏伏祈

林文忠公政書

乙集

使粵奏稿

三

皇上聖鑒謹

奏

會奏續獲人煙槍具摺

奏為粵東查辦鴉片續獲人煙槍具覈實確數恭

摺具

奏仰祈

聖鑒事竊照鴉片之毒比於砒鴆然世之死於砒鴆
者千萬人而一耳若鴉片則吸食者病於癮而
死與販者罹於法而亦死是死於鴉片者幾於
十人而一於此而不併力掃除貽害伊於胡底
言之切齒思之寒心臣鄧廷楨臣怡良既疊奉

林文忠公政書

乙集

使粵奏稿

一

諭旨嚴飭查拏刻圖滌蕩迨臣林則徐仰承

巽命來粵查辦海口事宜以大患務當力祛不敢稍
存畛域除起獲夷船煙土以清來源外又經會
同切劄各屬文武隨時隨地悉力搜拏以冀濁
流漸息游自臣鄧廷楨臣怡良節次

奏報至本年三月底止計共獲人犯一千六百名

煙土煙膏四十六萬一千五百二十六兩九錢

八分煙槍四萬二千七百四十一枝煙鍋二百

一十二口及煙具等件均經仰蒙

聖鑒在案^臣等伏思吸食者雖善於諱匿固販者雖巧於收藏而鬼蜮情形斷難掩其鄉鄰耳目因復通飭各屬逐鄉選舉公正紳士議立族黨正副挨次編查保甲使之保良攻匪有犯卽擒茲自四月初一日起至五月十八日止據各屬文武先後報獲煙案一百四十起販賣煎熬吸食人犯共一百九十二名煙土一萬二千七百七十三兩七錢九分煙膏二百一十二兩五錢八分五釐煙槍一千二百四十五枝煙鍋三十六口又陸續撈獲煙泥二百六十四兩二錢煙膏一十六兩六錢六分煙槍二百四十三枝煙鍋一口又民間首繳槍煙一項^臣鄧廷楨^臣怡良於未經接奉

林文忠公政書

乙集

使粵奏稿

二

硃批飭令酌覈之先據各屬稟報收繳煙土一十六萬九千三百零七兩五錢五分煙膏四千六百零五兩零二分煙槍二萬六千零五十七枝煙鍋三百一十六口綜計煙土煙膏共重一十八萬七千一百七十九兩八錢零五釐煙槍二萬七

千五百三十八枝煙鍋三百五十三口犯經隨時發司嚴審如係遠道情輕人犯卽飭該管府縣究詳分別懲辦報獲槍煙等件因雷瓊二府離省寫遠或僻在海南計其獲數無多飭卽就近解道確驗燒燬具報其潮州一府道里雖亦迢遙惟所獲大起實多數居通省十之八九多則真偽易淆而抽換偷漏之弊恐亦在所不免是以飭令與附近各府廳州均將煙槍一體解省由^臣等親率司道營員眼同驗明彙燒以歸

林文忠公政書

乙集

使粵奏稿

三

聚實而絕濛混伏查粵東地處海濱番船絡繹匪徒趨利若鶩執法營私較他省爲多亦較他省爲易當茲查辦喫緊未嘗無怵心悔禍之人而嗜痂者以腐臭爲神奇牟利者視土囊爲金穴若不持以定力盡絕萌芽不但疇昔之藏乘間復出吹吸之輩饒吻重張且恐外夷窺伺鉗網之疎仍肆浸淫之計前功可惜痼疾安瘳^臣等惟有協力同心督屬勉益加勉根株一日未淨卽購捕不容一日或疎必使舊染胥蠹以仰

副我

聖主崇德好生除惡務盡之至意除再通飭各屬文武員弁奮力查拏務將開窖設館販賣吸食各匪犯多方弋獲煙土買力窮搜不許支飾畏難稍涉縱漏外所有續獲人煙槍具緣由臣等謹合詞恭摺具

奏伏乞

皇上聖鑒訓示謹

奏

林文忠公政書

乙集

使粵奏稿
卷四

四

瀝陳民間煙土槍具仍宜收繳片

再廣東距京遙遠臣近日始閱三月邸鈔欽奉

上諭嗣後拏獲吸煙人犯不准以呈繳煙膏煙具入奏其從前投首不實之犯仍著各督撫等嚴飭該地方官隨時查察如有再犯卽加重治罪以杜朦混而歸覈實將此諭令知之欽此現在部文尙未行到而臣就邸報中跪誦再三仰見我

皇上於爲民除害之中

示覈實戒欺之要

林文忠公政書

乙集

使粵奏稿
卷四

五

嚴明訓飭感懷交深臣恭繹

聖諭所指收繳之弊約有三端一則恐以拏獲之犯作爲自首希圖減罪也一則旣繳之後官不復查聽其吸食也一則地方官塞責邀功假造煙膏煙具以滋朦混也凡此三弊皆臣所切齒痛恨矢以極力掃除者茲蒙

訓諭提撕彌欽覈實從嚴之

至意敢不倍加釐剔務絕根株惟是濱海愚民無知誤會近日紛紛傳播轉謂煙禁已弛有槍有土

仍聽存留前此赴鄉查訪之紳耆輒被鄉民恃頑抗阻謂已奉

旨免繳何得多事此等藉詞搖惑以嚴爲寬實屬詐妄之尤亟宜痛加懲創除嚴挈重辦外惟念臣等所辦收繳之法並非令罪人自行投首官不復查亦不敢聽州縣塞責邀功假造朦混伏求皇上恕臣愚昧容其據實瀝陳查鴉片久已盛行廣東尤甚所謂遍地皆是早在

聖明洞鑒之中即使此後外夷斷絕來源正恐內地

林文忠公政書

乙集

使粵奏稿

六

囤積之多數年用之不能盡在臣與督撫臣等盡力督挈無日不有獲犯起贓然察看向來陷溺之深與到處窩藏之密地方遼闊民俗兇頑島澳旣不可勝窮胥役又大都難恃是卽設法挈獲亦祇千百中之什一如必掃數挈盡竊恐遙遙無期因思保甲之行本係誥奸良法每鄉總有公正紳士良善耆民五家十家之閒耳目最爲切近與販吸食斷難瞞其鄰人故保甲有五家連坐之條在官者因卽藉以做衆如一家

有犯責四家以告發否則與之同罪而爲鄰右者旣知其人有犯恐必連累及身又念比屋相親不忍遽眞於法則必多方勸戒悚惕而禁止之並取其煙槍膏土彙繳於官官則驗明卽收並不詰其姓名來歷蓋明以留其廉恥而實則杜其避趨故第收之於例應舉發之族鄰而不收之於律許減輕之罪犯猶恐不實不盡一面購線查挈有犯卽懲其於何人曾繳何人未繳挈者本不過問犯者無可藉詞此所以不相妨而適相濟也夫有鴉片卽有吸食勢所必然在官多一分之收卽在民少一分之食誠能減之又減以至於無似亦有益無損之事且吸食之人其畏收繳轉甚於畏查挈蓋查挈不能無漏網況父兄溺愛親族礙情雖恨子弟之吸煙而恐其到官問罪轉必多方爲之隱瞞有收繳之一途則凡家人骨肉戚友鄉鄰平日勸之不從者至此皆得悚以

林文忠公政書

乙集

使粵奏稿

七

功令之嚴奪其物以祛所嗜是一人之癮衆人斷

之既立死罪以懾其心復飭收繳以去其疾迫之以不得不斷之勢正所謂以生道殺民而比間族黨間變化愧厲之方備焉保受和親之俗成焉故報繳者雖見其多並無公然免罪之犯而報獲者並行不悖實無繳後不查之人蓋以保甲禁鴉片而寓收繳於編查猶之以保甲查教匪即應收其經卷以保甲治械鬪即應收其器械其理一也至假造之弊惟不驗乃至被朦果其驗之則真偽判然難逃衆目故煙土必用

林文忠公政書

乙集 使粵奏稿 卷四

八

刀剖開煙膏必以火燃試不惟全假者即時發覺即攪和者亦立見區分若煙槍則外面一觀已有生熟之別又劈破以視其內必其煙油久漬乃爲舊槍即新槍尙不能相混而他物所假更無論矣現在粵省所收膏土槍具惟僻遠隔海之雷瓊二屬爲數本少免令解省外其餘各屬悉經通飭解驗且不獨收繳者當驗而挈獲者更當驗蓋收繳無功可見惟挈獲始足見功地方官如存邀功之心則與其假造而報收繳

不如假造而報挈獲之爲得也夫以粵省作偽之風命案尙有頂兇盜案亦有買犯要在上司認真乃不受其朦蔽耳況鴉片獲利最厚弊實最多有賣放正犯真贓而以從犯假贓報獲者有獲時明係真贓而侵吞偷換解時變作假贓者詐偽叢生何所不至然既不能因查挈之有偽遂並查挈而停止之則收繳中之真假或亦責成臣與鄧廷楨等逐一調驗如有假造惟臣等是問且查粵省自上年以來未曾於鴉片案

林文忠公政書

乙集 使粵奏稿 卷四

九

內保舉一員是既不使邀功安敢聽其朦混臣到粵以後疊准鄧廷楨等將解省之煙土等物移同查驗間有一二攪和之膏土糖塞之新槍皆必剔出發司澈底究辦此後更當責成地方官先自劈驗再行封解如有不實即將該州縣嚴參示儆又如煙槍一物臣始亦以爲不過如尋常之煙桿耳斷慮與否於槍何與迨屢獲煙犯細加研訊始知溺於鴉片之人直以其槍爲性命緣新槍不能過癮總須平素用熟有煙油

久漬其中者方能適口故一槍有值數十金百餘金者甚至父子兄弟間不肯相假其陷溺之深如是所以欲去其癮先去其槍有如理髮而奪其櫛作字而奪其筆雖酷嗜者亦無可如何非第使之明志也謹查

大清律例內禁止賭博必並賭具而嚴禁之蓋有具則有賭無具卽無以爲賭也煙之需槍恐或類是臣前於邸鈔中見有被罪圈禁而仍羣聚吸煙者是因破案而不收槍之故若不收槍則未

林文忠公政書

乙集

使粵奏稿

十

犯案者固難望其自燬卽已犯案者仍不甘於棄槍將使在家獨吸之人合之而同吸於囹圄並將各處散吸之人徙之而聚吸於配所竊恐輾轉流傳其勢更難於禁止矣凡人不見可欲則心不動煙入於目槍入於手欲其口之不饒不可得也吸旱煙者若無煙桿亦有不能不歇之勢然旱煙之新桿尙可將就而鴉片之新槍與無槍同由此觀之收槍之法或亦禁煙者所不廢耳至白首一節現在粵省固無其事而

大清律例明有此條除殺人不准首外小而尋常罪犯大而習教爲盜尙皆准首設有人煙癮已斷本身出首察看得實似亦只得遵例辦理未便竟不准首致與定例兩歧而與怙惡不悛之人亦無區別惟流弊必須嚴杜倘州縣將挈獲之犯捏爲投首定當以故出人罪嚴行參辦而罪人首後復犯似宜卽照新例定罪不得仍與初犯者同科始足以昭警戒伏念我

皇上明罰勅法因恐臣工不知振作是以

林文忠公政書

乙集

使粵奏稿三

十一

訓飭加嚴而無知蚩氓相率傳訛轉幸明諭之頒冀遂深藏之術若因此頓更大局非獨前功可惜更虞挽救無方且風聞外夷於呈繳之後知內地民人煙可不繳不無反唇相稽者於國體尤有關係臣仰蒙委任專辦此事下懷實深焦急不揣冒昧披瀝密陳如臣言謬妄難行應請皇上破其顯愚示以懲儆倘蒙俯念臣心無他惟冀於公有濟可否

特頒申諭將

前旨係為覈實查辦正以從嚴之處明白宣示嗣後

寓收繳於保甲責大吏以督查如有州縣以掣

作首以假混真不行嚴參者事發以徇庇論而

總不得藉口希圖免繳俾天下臣民憬然領悟

庶久藏之毒物漸收獲以無遺頂感

鴻慈倍無既極再督臣鄧廷楨與臣籌議意見相同

因接奉

殊批令其酌覈亦已自行另片覆

林文忠公政書

乙集使粵奏稿卷四

三

奏惟係專差齎遞恐到京在臣此摺之後合併聲

明伏祈

聖鑒訓示謹

奏

會奏擬具檄諭暎咭喇國王底稿恭候

欽定摺

奏為遵

旨擬具檄諭暎咭喇國王底稿恭呈

御覽仰祈

欽定事竊臣林則徐上年在京

陛見面奏禁止鴉片一事擬頒發檄諭曉示外夷容

俟到粵與督臣鄧廷楨等酌商奏請

訓示迨到粵之後節次欽奉

林文忠公政書

乙集使粵奏稿卷四

三

上諭著與鄧廷楨商酌妥擬底稿具奏經朕披覽再

行頒發等因欽此維時臣等諭令在粵之暎咭喇

國領事義律及住省各夷人呈繳躉船鴉片辦

理正屬應手因思外國重洋遙隔尙可暫緩檄

行當將就近諭夷緣由合詞附片覆

奏嗣奉

上諭暎咭喇既有在粵領事及住省夷人經該大臣

等就近諭知辦理應手所有檄諭該國之處亦著

暫緩頒行統俟議定與販吸食各罪名頒行新例

時於善後章程內另行詳細籌議仍遵前旨擬稿
進呈再行頒發欽此仰見

聖主因時制宜周詳

指示之至意臣等曷勝欽感茲新例業已頒到所有

內地興販吸食並夷人夾帶鴉片各罪名均經

議定因查粵省成案凡欽奉

諭旨事涉外夷者大都由督撫臣聯銜照會該國王

欽遵辦理此次既頒新例自應宣示重洋咸使

懷

林文忠公政書

乙集

使粵奏稿
卷四

古

德畏

威遷善遠罪除一切善後章程容俟詳細籌議另

奏外所有檄諭外國之稿應先酌擬進呈唯查各

國夷船來至粵東者如西洋夷人久住澳門幾

成土著自可就近給諭毋庸遠寄出洋其嘍囉

嘍囉大小呂宋雙鷹單鷹噍國喘國近年買

賣較稀惟嘍囉之船最多味喇啞次之但味

喇啞並無國主只分置二十四處頭人礙難通

行傳檄喚咭喇國現係女主年紀亦輕然聞號

令係其所出則該國似宜先頒檄諭臣等不揣
閎陋謹會同商擬底稿另摺恭錄進

呈伏祈

聖鑒折衷俾有體要敬候

欽定發回之後再議頒發其餘各國俱先諭知在粵

夷目夷商倘該夷目等稟請移知其國主然後

奏明酌發是否有當臣等謹合詞恭摺具

奏伏乞

皇上聖鑒訓示謹

林文忠公政書

乙集

使粵奏稿
卷四

圭

奏

擬諭暎咭喇國王檄

謹擬頒發檄諭暎咭喇國王底稿恭候

欽定

為照會事洪惟我

大皇帝撫綏中外一視同仁利則與天下公之害則為天下去之蓋以天地之心為心也貴國王累世相傳皆稱恭順觀歷次進貢表文云凡本國人到中國貿易均蒙

大皇帝一體公平恩待等語竊喜貴國王深明大義

林文忠公政書

乙集 使粵奏稿 卷四

六

感激

天恩是以

天朝柔遠綏懷倍加優禮貿易之利垂二百年該國所由以富庶稱者賴有此也唯是通商已久眾夷良莠不齊遂有夾帶鴉片誘惑華民以致毒流各省者似此但知利己不顧害人乃天理所不容人情所共憤

大皇帝聞而震怒

特遣本大臣來至廣東與本

總督部堂 巡撫部院

會同查辦凡

內地民人販鴉片食鴉片者皆應處死若追究夷人歷年販賣之罪則其貽害深而攬利重本為法所當誅惟念眾夷尙知悔罪乞誠將躉船鴉片二萬二百八十三箱由領事官義律稟請繳收全行燬化疊經本大臣等據實具奏幸蒙大皇帝格外施恩以自首者情尙可原姑寬免罪再犯者法難屢貸立定新章諒貴國王嚮化傾心定能諭令眾夷兢兢奉法但必曉以利害乃知

天朝法度斷不可以不懷遵也查該國距內地六七

林文忠公政書

乙集 使粵奏稿 卷四

七

萬里而夷船爭來貿易者為獲利之厚故耳以中國之利利外夷是夷人所獲之厚利皆從華民分去豈有反以毒物害華民之理即夷人未必有心為害而貪利之極不顧害人試問天良安在聞該國禁食鴉片甚嚴是固明知鴉片之為害也既不使為害於該國則他國尙不可移害況中國乎中國所行於外國者無一非利人之物利於食利於用並利於轉賣皆利也中國曾有一物為害外國否況如茶葉大黃外國所

不可一日無也中國若靳其利而不恤其害則夷人何以爲生又外國之呢羽嗶嘰非得中國絲斤不能成織若中國亦靳其利夷人何利可圖其餘食物自糖料薑桂而外用物自綢緞磁器而外外國所必需者曷可勝數而外來之物皆不過以供玩好可有可無既非中國要需何難閉關絕市乃

天朝於茶絲諸貨悉任其販運流通絕不靳惜無他利與天下公之也該國帶去內地貨物不特自

林文忠公政書

乙集

使粵奏稿

六

資食用且得以分售各國獲利三倍卽不賣鴉片而其三倍之利自在何忍更以害人之物恣無厭之求乎設使別國有人販鴉片至喚國誘人買食當亦貴國王所深惡而痛絕之也向聞貴國王存心仁厚自不肯以已所不欲者施之於人並聞來粵之船皆經頒給條約有不許攜帶禁物之語是貴國王之政令本屬嚴明祇因商船衆多前此或未加察今行文照會明知天朝禁令之嚴定必使之不敢再犯且聞貴國王所

都之嚙嘔及嘶噶喇噎等處本皆不產鴉片惟所轄印度地方如噶喇噎噶喇噎噶喇噎月經年以厚其毒臭穢上達天怒神恫貴國王誠能於此等處拔盡根株盡鋤其地改種五穀有敢再圖種造鴉片者重治其罪此真與利除害之大仁政天所佑而神所福延年壽長子孫必在此舉矣至夷商來至內地飲食居處無非天朝之恩膏積聚豐盈無非

林文忠公政書

乙集

使粵奏稿

九

天朝之樂利其在該國之日猶少而在粵東之日轉多弼教明刑古今通義譬如別國人到喚國貿易尙須遵喚國法度況天朝乎今定華民之例賣鴉片者死食者亦死試思夷人若無鴉片帶來則華民何由轉賣何由吸食是奸夷實陷華民於死豈能獨予以生彼害人一命者尙須以命抵之況鴉片之害人豈止一命已乎故新例於帶鴉片來內地之夷人定以斬絞之罪所謂爲天下去害者此也復查本

年二月間據該國領事義律以鴉片禁令森嚴稟求寬限凡印度港脚屬地請限五月曠國本地請限十月然後卽以新例遵行等語今本大臣等奏蒙

大皇帝格外天恩倍加體恤凡在一年六箇月之內悞帶鴉片但能自首全繳者免其治罪若過此限期仍有帶來則是明知故犯卽行正法斷不寬宥可謂仁之至義之盡矣我

天朝君臨萬國儘有不測神威然不忍不教而誅故
林文忠公政書 乙集 便粵奏稿 卷四 三

特明宣定例該國夷商欲圖長久貿易必當懍遵憲典將鴉片永斷來源切勿以身試法王其詰奸除慝以保乂爾有邦益昭恭順之忱共享太平之福幸甚幸甚接到此文之後卽將杜絕鴉片緣由速行移覆切勿諉延須至照會者

附奏新頒夷人治罪專條內請酌易字樣片

再臣等准刑部咨通行夷人治罪專條內開一夷人帶有鴉片煙入口圖賣者爲首照開設窩口例斬立決爲從同謀者絞立決等語在衡情定議之意以入口二字爲關鍵原因海洋遼闊口以外直連夷洋口以內始爲內地劃清界址本極分明惟覈諸粵省貿易章程尙有不得不防其影射之處緣廣東中路通商向以船進虎門乃爲入口番船初到之時先於虎門口外寄

林文忠公政書 乙集 便粵奏稿 卷五 一

旋如擔杆山銅鼓洋大嶼山伶仃洋尖沙嘴仰船洲琵琶洲上下磨刀沙灣石笋九洲沙瀝潭仔雞頸等洋皆向准夷船寄泊之所此等洋面雖皆在老萬山以內而老萬山並無口門無從稽察是以定例夷船必雇引水小船報明引入虎門口內停泊黃埔始得開艙驗貨按則納稅投行互市其在虎門以外寄泊中路各洋者皆未入口之船也而私售鴉片之弊正在於此蓋由中路而東而北則歷潮州南澳以達閩浙北

洋凡甯波上海山東天津奉天之商船皆所通行由中路而西則本省之高廉雷瓊船隻往來亦絡繹不絕所有各路與販鴉片多在洋面舟次與夷人交易盤運過船即在口內議買亦須赴口外運貨此內地快蟹拖風等艇所以乘間出沒而夷人囤貯鴉片之躉船常泊伶仃等洋職是故也口內夾帶鴉片者無非民船向來挈獲之案歷歷可據若夷船夾帶入口雖亦難保必無然經總散各洋商逐層保結又於入口

林文忠公政書

乙集

使粵奏稿

二

之後即行開艙起貨立見底蘊故夷人所帶鴉片每先卸於口外躉船然後入口今若以是為界彼正得以藉口趨避難保不於虎門口外再設躉船恐辦理又形棘手且暎國領事義律於繳煙完竣之後曾據具稟懇求在澳門裝貨等以其顯違定例批駁不准該領事向懷觀望是以近日他國之船進黃埔者已有十四隻而暎咭喇所屬港脚之船向停虎門口外之尖沙嘴一帶支飾遷延等惟飭師船嚴密防範一

林文忠公政書 乙集 使粵奏稿卷五

面示諭各夷船如無鴉片即應入口報驗有鴉片而首繳淨盡者亦准入口若自揣不敢報驗即日揚帆回國亦尚可免窮追倘透漏售私萬難曲宥此時該夷正在憚於入口故口外之弊比之口內尤當嚴防可否仰懇聖裁將新例入口字樣酌易為來內地等字稍示渾涵俾無可以藉口之處恭候

命下祇遵等為夷情狡獪加意周防起見不揣冒昧合詞附片瀆陳伏祈

林文忠公政書

乙集

使粵奏稿

三

聖鑒訓示謹

奏

會奏巡緝營員訪有劣蹟請革摺

奏為原派巡緝營員於撤巡後訪有劣蹟請

旨革職審辦恭摺奏祈

聖鑒事竊照廣東各海口圍販鴉片偷漏紋銀久已

積為弊藪而港汊叢雜防範難周是以向設巡

船分投查緝既不能不派委備弁亦不能不雇

用眼線但其中奉公守法者緝捕多非所長而

破案得力者又難保別無私弊惟有信賞必罰

懲勸兼施獲犯既多固未便沒其勞績一有弊

林文忠公政書 乙集 使粵奏稿

四

實即不敢稍予姑容蓋此輩駕馭之難各省皆

然而尤莫甚於粵東諸案皆然而尤莫甚於鴉

片也即如前任兩廣督 盧坤任內捐設巡緝

維時副將秦裕昌以捐職都司王振高帶領壯

丁徐廣素諳捕務稟准隨船巡緝先後獲犯多

名經盧坤將王振高飭發香山協水師効力並

賞給徐廣記委頂戴嗣升任撫 祁垣兼督督

篆復於掣獲盜犯潘亞有等案内奏奉

諭旨王振高著該督留心察看如果一二年後再著

勞績即奏請以都司補用欽此 臣鄧廷楨抵任後

因王振高尚須察看當發陸路南韶連鎮差委

旋經部駁仍發水師効力並未派令巡查嗣因

捕務緊要修復巡船以資緝匪據署 臣標中軍

副將韓肇慶派委守備戴文彪千總蔣大彪倫

朝光仍帶記委徐廣壯丁梁恩陞等往來外海

內河巡查緝捕先後掣獲載運紋銀出洋販賣

鴉片以及鹽梟土盜各犯共二百六十五名起

獲紋銀番銀共六萬二千六百餘兩煙土一萬

林文忠公政書 乙集 使粵奏稿

五

六百餘箱均經

奏報題咨在案除戴文彪奉部簽陞江西都司今

已病故外倫朝光蔣大彪以疊獲紋銀先後

題陞守備梁恩陞亦以獲犯勞績投補外委嗣於

十七年秋間 臣鄧廷楨與前撫 臣祁垣承准

廷寄因有人陳奏王振高徐廣即赤沙廣梁忠即

梁恩陞等暗開窰口等因

諭旨查究當經欽遵密查實無開設窰口憑據合詞

恭摺覆

奏並附片瀝陳此等用以緝捕本屬棄短取長仍不時留心察看如查有弊端卽從嚴懲辦不敢稍存迴護荷蒙

聖鑒各在案此後臣鄧廷楨更加留心察看雖據報挈獲鴉片贓犯絡繹不絕而獲銀之案較前頓少因思巡船出赴外海究恐稽察難周安知不特特委之名藉端嚇詐且慮各處營縣因有另設巡船轉相觀望遂於十八年撤去前項巡弁以專營縣責成一面追查從前委巡之王振高

林文忠公政書

乙集

使粵奏稿

六

及近年之蔣大彪等有無假公濟私尙未得有實據臣林則徐奉

命來粵密訪海洋利弊知先後管駕巡船之弁丁以及眼線人等多不理於人口而亦未得確憑迨五月內銷化夷船煙土事竣由虎門回至省垣訪得前在巡船充當頭舵之馮亞潤周亞保等併挈到案提同當作眼線之已革外委保安泰隔別研訊據供巡船挈獲販煙運銀各案匪犯俱在水次截挈人贓並獲並無妄挈邀功挾嫌

裁害情弊惟所解煙土如有零星餘剩各船間或勻分若在偏僻口門遇著販煙之船亦有送給洋銀聽其開去等語是侵匿賄縱之弊已屬顯然臣等立提王振高倫朝光梁恩陞徐廣反覆詰訊雖不敢盡行狡賴而供詞尙多閃錄且因守備蔣大彪引

見未回倫朝光等率皆該諸蔣大彪一人其爲前此通同舞弊現在推卸避就尤可概見當此力除鴉片之際正須肅清捕務杜絕欺朦臣鄧廷楨

林文忠公政書

乙集

使粵奏稿

七

先因各該弁獲犯多名雖經隨案聲請

恩施予以升擢今既查有劣蹟愧恨交深必當倍加嚴辦斷不敢意存迴護稍予姑容致負

聖明委任除外委梁恩陞記委頂帶徐廣均已由臣鄧廷楨斥革並將王振高捐納都司職銜咨部革退一面行文前途截挈蔣大彪回粵聽審外相應請

旨將准陞水師提標後營守備蔣大彪順德協右營守備倫朝光一併革職以便提同各犯證嚴審

確情按擬懲辦以為備弁營私者戒臣等謹會

同水師提督臣關天培合詞恭摺具

奏伏乞

皇上聖鑒訓示謹

奏

林文忠公政書

乙集

使粵奏稿

八

會奏暎夷抗不交克嚴斷接濟查辦情形摺

奏為暎咭喇國領事義律因求在澳門裝貨不准

輒將該國貨船阻留口外圖賣新來鴉片適有

夷人毆斃華民命案抗不交克照例斷其接濟

並勒兵分堵海口該夷與奉逐各奸夷均已畏

懼出澳寄住貨船臣等往來香山虎門相機督

辦先將大概情形恭摺奏

聞仰祈

聖鑒事竊臣林則徐奉

林文忠公政書

乙集

使粵奏稿

九

命來粵與臣鄧廷楨等宣示

天威夷人咸知震懾前經收繳躉船鴉片二萬餘箱

維時暎咭喇國領事義律在省城夷館自行查

數報繳前後連具十餘稟情詞均甚恭順臣等

於批諭之中時加稱獎該領事亦自以為榮頗

形踴躍覈計繳清煙土較原稟溢出尚多論者

以為暎夷平日桀驁性成今乃倒篋傾筐帖然

馴伏是千里之重賞盡擲卽百年之痼疾可除

而臣等熟計深籌尤以本年來船夾帶為慮益

該國遠在數萬里外當其開船之日尙未知
天朝新例如此森嚴既而潛帶而來必思顧其成本
而中國力除巨患正當於得手之際拔盡根株
豈得將新船轉予放鬆致使前功盡棄是以臣
等請定治罪專條並立限期首繳仰荷

聖明俞允飭定新例頒行其新例未到之先各國貨
船卽已陸續到粵當令洋商通事諭知現辦章
程船內無鴉片者進口報驗有鴉片而自首全
行呈繳者准予

林文忠公政書

乙集

使粵奏稿
卷五

十

奏請免罪並許驗明進口若自揣不敢報驗卽日
揚帆回國亦免窮追使各國夷商得以早定主
見迨頒到新例又復傳諭周知截至七月初八
日進口報驗夷船共一十七隻經粵海關監督
臣豫堃驗明均無鴉片准其開船貿易不進口
而回國者亦有三隻其中卽有鴉片當不至毒
流內地惟喚咭喇所屬港脚貨船到時本亦卽
擬進口旋被義律阻止停泊虎門口外之尖沙
嘴一帶緣義律爲該國領事該國主給與權柄

得以約束眾夷先前繳土之時力能號召南澳
福建等處之船悉行駛回虎門一體呈繳迨繳
完後義律稟辭下澳尙據遞具一稟云違禁犯
賣一弊悞及正經貿易貽累人之家業其害甚
重亟須設法早除此弊於常久如准委員來澳
會同妥議章程其違禁犯賣之弊可冀常遠除
絕等語臣等以爲真心除弊大加批獎並會委
佛山同知劉開域赴澳與之覈議且將

奏准頒賞之茶葉一千六百四十箱發往給賞以

林文忠公政書

乙集

使粵奏稿
卷五

十一

便空躉迅速回帆詎劉開域未到之先義律於
四月二十四日續遞一稟云本國船隻進埔須
候奉到國主批諭方可明白轉飭或蒙格外施
恩令在灣門裝貨感戴靡旣等語臣等接閱之
下均相詫異始知前稟章程一語乃係別蓄詭
謀蓋灣門孤峙海隅實可周通內地而惟西洋
夷人准設貿易額船二十五隻起卸貨物不納
關稅自明代而已然喚夷惟利是圖久深艷羨
故於繳土之後希圖破例效尤此端一開則粵

海關幾同虛設且溯查嘉慶年間鴉片之浸淫流毒皆由澳門回聚發販年盛一年道光二年葉恆澍犯案始將澳門回所撤散其後變爲躉船今躉船之積土甫除若澳門之回所又起何異驅虎進狼故不得不決絕批駁且貨船皆從該國給予牌照令赴內地經商豈有已經到粵始候該國王批諭之理亦於稟內指破其誑義律詭計不行聞然消阻委員劉開域到澳伊遂不理問其定何章程據稱不准在澳裝貨便無

林文忠公政書

乙集

使粵奏稿

十三

章程可議卽傳領茶葉亦不敢領臣等以此項奏准給賞原係出於格外既無福承受卽不值給發此後凡有批諭伊皆不肯接收在犬羊之性無常原不必與之計較然有不可聽其觀望者如繳清煙土之空躉尙有一半未行奉

旨驅逐之奸夷亦有數名未去不能因其不接諭帖轉任逗留故仍委員赴澳嚴催並飭令西洋夷目協同攆逐至該國貨船陸續來粵計至此時已有三十二隻之多該夷商滿載而來將本求

利無不早圖進口開船貿易乃被義律一人把持阻撓俱在尖沙嘴一帶聚泊廣東天氣炎熱各船中如洋米洋布棉花等貨難免潮濕霉爛業已怨懟同聲臣等令洋商通事齎諭分赴各船剴切開導催令進口咸稱義律係伊國領事不得不惟令是從而其中潛帶鴉片之奸夷既不甘呈繳又不願空回則正樂於遷延冀以私售禁物現因各口查緝嚴緊整箱煙土不能運入內洋而蛋艇漁舟與番船每相貼近乘間買

林文忠公政書

乙集

使粵奏稿

十三

其零土以圖轉售獲利者節經文武掣獲已據確切供明且查夷人私放三板裝載鴉片潛赴偏僻口門以木片爲招帖寫明鴉片一個洋銀幾圓字樣隨潮流入海口以賤價誘人售買是義律之勒令夷船聚泊口外仍爲圖賣新來鴉片恐被進口搜查起見夷情詭譎如見肺肝卽無別滋事端亦不得容其於附近口門佔爲巢穴况夷人酗酒打降習以爲常五月二十七日尖沙村中有民人林維喜被夷人酒醉行克棍

毆斃命經新安縣梁星源驗明頂心及左乳下各受木棍重傷訊據見證鄉鄰僉稱係啖咭喇國船上夷人所毆眾供甚爲確鑿諭令義律交出兇夷照例辦理將及兩月延不肯交臣等給與諭函亦竟始終不接竊思人命至重若因啖夷而廢法律則不但無以馭他國更何以治華民義律肆意抗違斷非該國王令其如此安可聽其狂悖而置命案於不辦任奸宄以營私壞法養癰臣等實所不敢恭查嘉慶十三年啖國

林文忠公政書

乙集

使粵奏稿

五

兵頭啞囉哩等在澳門違犯禁令欽奉

諭旨卽實力禁絕柴米不准買辦食物等因欽此此時義律與各奸夷均住澳門前以裝貨爲詞顯有佔踞之意今更種種頑抗自應遵照嘉慶十三年之例禁絕啖夷柴米食物撤其買辦工人臣等於七月初八日駐劄香山縣城勒兵分布各處要口俾知儆畏仍曉諭在澳華民及西洋各國夷人以此舉專爲啖夷違犯不得不制以威與別國均無干涉毋庸驚擾且查例載夷商銷

貨後不得在澳逗留等語今該夷既不進口貿易是不銷貨卽不當住澳應與奉逐各奸夷均照例不准羈留臣等論飭之後澳內西洋夷目亦卽遵諭一同驅逐自七月初九日至十九一旬之內義律率其家眷暨奉逐未去之奸夷啖啖等並散住澳內啖夷共五十七家悉行遷避出澳寄住尖沙嘴貨船及潭仔空蕙船上據署澳門同知蔣立昂香山協副將惠昌耀等稟稱該夷窮蹙倉皇已覺十分兢懼等語臣等察其

林文忠公政書

乙集

使粵奏稿

五

平日飲食居處華靡相夸今寄住客船顯有抑鬱難堪之狀又經禁賣食物雖其船內糗糧不之而所嗜之肥臘潘炙日久必缺於供且洋面不得淡水須於山澗汲泉若汲道俱斷此一端卽足以制其命彼貿易斷不肯歇手臣正不得齊心要令就我範圍似已確有把握惟倔強之性未嘗稍受折磨此番控馭周防尙不免稍需時日而欲永杜鴉片之害實以此爲喫緊機關未使稍涉游移復貽後患查潭仔與澳門相

近而尖沙嘴則與虎門相近臣等酌商調度擬往來於香山虎門之間或合或分自當隨時妥辦既不敢冒昧以憤事亦不敢示弱以長驕必俟交出克夷掃淨煙土貨船進埔報驗空蕩悉數開行一切恪遵法度然後給還買辦工人仍准住行住澳凡在粵東士庶既知夷人習為虛憚並知臣等慎密修防沿海間閭現俱十分安謐堪以仰慰

聖懷謹將辦理大概情形會同廣東巡撫臣怡良水林文忠公政書

乙集使粵奏稿卷五

六

師提督臣關天培粵海關監督臣豫堃合詞恭

摺具

奏伏祈

皇上聖鑒謹

奏

會奏九龍洋面轟擊夷船情形摺

奏為映夷義律於出澳後率領該國夷船以索食為名突向師船開礮經參將賴恩爵等奮勇抵禦大挫其鋒該夷旋向澳門同知投遞懇求說帖並託西洋夷目代為轉圜臣等仍當相度機宜酌籌勦撫先將現辦情形恭摺奏祈

聖鑒事竊照映咕喇國領事義律前因求在澳門裝貨不准輒將該國新來貨船阻留尖沙嘴洋面圖賣鴉片並主令奸夷空躉任意逗遛又命案

林文忠公政書

乙集使粵奏稿卷五

七

抗不交兇給諭亦不接受是以臣等斷其接濟並勒兵分路嚴防義律與住澳各映夷悉行遷避出澳經臣等於七月二十四日會摺具

奏在案嗣知被逐奸夷多住尖沙嘴船上臣林則

徐臣鄧廷楨當即移駐虎門就近調度臣關天

培自七月以來常在沙角洋次督領本標師船與調到之陽江碣石兩鎮舟師排日分合操練以振軍威並加派弁兵協防排鍊添雇水勇裝配火船以備隨時調遣旋據探報義律將該國

林文忠公政書

乙集

使粵奏稿

六

貨船中挑出船身較大之嘑呢喇吐等船兩隻及屢逐未出之空蕙數隻一併湊集礮械假扮兵船又有自夷埠新來之兵船一隻番梢礮械較多拋泊各夷船之前特爲保護臣等於各路水陸要口雖已嚴密佈置不使一處空虛仍諄諭領兵各員不得輕舉肇衅原冀義律早知悔悟果能交兇繳土將貨船陸續進關即可撤去兵防照常貿易詎七月二十九日接據大鵬營參將賴恩爵稟稱該將帶領師船三隻在九龍

林文忠公政書

乙集

使粵奏稿

九

退少頃該夷來船更倍於前復有大船擱截鯉魚門礮彈紛集我兵用網紗等物設法閃避一面奮力對擊瞭見該夷兵船駛來幫助該將弁等忿激之下奮不顧身連放大礮轟擊夷人多名一時看不清楚但見夷人急放三板下海撈救時有兵丁陳瑞龍一名手舉烏槍斃一夷人被回礮打傷陣亡殆至戌刻夷船始遁回尖沙嘴計是日接仗五時之久我兵傷斃者二名其受傷重者二名輕者四名皆可醫治師船間有滲漏桅篷亦有損傷均卽趕修完整嗣據新安縣知縣梁星源等稟報查夷人撈起屍首就近掩埋者已有十七具又漁舟疊見夷屍隨潮漂淌撈獲夷帽數頂並查知假扮兵船之船主嘑呢喇吐手腕被礮打斷此外夷人受傷者尤不勝計自此對仗以後巡洋舟師均恨奸夷先來尋衅巡緝愈嚴八月初五日寅刻守備黃琮等率領兵勇在潭仔洋面偵見蝦笏小艇靠攏夷船一隻帶同引水認明係屢逐未去之嘑

哪蕙船知又潛賣鴉片當卽上前查拏該蕙船水手數人卽先跳入小艇飛槳逃竄其在船之人正欲開礮經黃琮等先擲火斗火礮船中火發衆夷始行走除臭水登岸外獲解伙長工人二名現飭審究該哪哪蕙船亦卽被火燒燬並無傷人各據稟報前來臣等查夷欺弱畏強是其本性向來師船未與接仗祇係不欲覺自我開而彼轉輕視舟師以爲力不能敵此次乘人不覺膽敢先行開礮傷害官兵一經奮

林文忠公政書

乙集

使粵奏稿

三

力交攻我兵以少勝多足使奸夷膽落卽空蕙屢驅不去故智復萌一炬成灰亦可懲一儆百正在察看該夷動靜以籌操縱機宜茲八月初九日接據署澳門同知蔣立昂等稟稱初七日義律潛至澳門該同知等聞信正欲驅逐旋據西洋夷目代遞義律說帖一紙內寫嘆咭喇國領事義律敬字上澳門軍民府大老爺清鑒義律在粵有年每奉大憲札行辦事無不認真辦理而此次豈有別心乎蓋義律所求者惟欲承

平各相溫和而已謹此奉知等語並據西洋夷目以義律懇求伊等代爲轉圜欲請該同知訂期與該夷目面商會議明定章程義律仍已回船不敢留澳等情臣等覈其帖內雖無狂悖語句第自謂認真辦事而竟潛賣鴉片庇匿兇夷自謂豈有別心而以索食爲名先行開礮是其言又安可遽信然旣經此番摧挫其慄畏之狀亦已情見乎詞在臣等所責其遵令而行者亦不過繳土交兇貨船進口等事並非苛以所難

林文忠公政書

乙集

使粵奏稿

三

究竟西洋夷目所請代爲稟商之處是否卽能將此數事遵照辦理抑或另有干求臣等已批飭署澳門同知蔣立昂於會議後縷晰稟陳以憑覈辦此後義律果能恪循法度不越範圍自當宣布皇仁寬其既往若萬不得已仍須制以兵威臣等亦已密定機宜蓄養精銳於山海形勝逐一詳細講求且察看水陸官兵似亦皆能用命總期上足以崇

國體下足以懾夷情不敢稍畏一日之難致貽百
年之患以仰副

聖主恩威並濟中外兼綏之至意除俟籌議覆到覈
明准駁再行具

奏外所有現辦情形謹合詞恭摺具

奏伏祈

皇上聖鑒再廣東沿海間閭仍俱十分靜謐各國貨
船照常進口計自本年五月至今已進二十五
隻合併聲明謹

林文忠公政書

乙集

使粵奏稿
卷五

三

奏

會奏巡閱澳門情形摺

奏為會同巡閱澳門抽查華夷戶口傳見西洋夷
目宣示

德威恭摺具

奏仰祈

聖鑒事竊照廣東澳門一區在廣州府香山縣之東
南距縣治一百三十餘里東西南三面環海惟
北面陸路可達縣城自縣城南行一百二十里
曰前山寨設有海防同知暨前山營都司駐劄

林文忠公政書

乙集

使粵奏稿
卷六

一

再迤南十五里建有關牖一座駐兵防守為扼
吭拊背要區出關即入澳境湖自前明許西洋
夷人寄住歲輸地租銀五百兩由香山縣徵收
澳內營造夷樓棟宇相望並建礮臺六座以防
他夷其房屋除西夷自住外餘皆賃給別國夷
人居住而以映咭喇國為較多西夷挈眷而居
歷今三百餘年踐土食毛幾與華民無異雖素
稱恭順不敢妄為而既與各島夷朝夕往來即
難保無牟利營私售賣鴉片情事本年臣林則

徐奉

命來粵與臣鄧廷楨悉意商酌以躉船雖在外洋而
 澳門實為夷商聚集之所且其間華夷雜處漢
 奸勾串尤多若不從澳門清源則內外綫索潛
 通仍恐漸成弊藪是以於四月間檄委署佛山
 同知劉開域署澳門同知蔣立昂香山縣知縣
 三福署香山縣縣丞彭邦晦仿照編查保甲之
 法將通澳華民一體按戶編查毋許遺漏並督
 同該夷目搜查夷樓有無屯貯鴉片旋據該員
 林文忠公政書 乙集 使粵奏稿 卷六 二

等查明戶口造冊呈送計華民一千七百七十
 二戶男女七千零三十三丁口西洋夷人七百
 二十戶男女五千六百一十二丁口暎咭喇國
 僑居夷人五十七戶並查明虎門收煙之時有
 暎夷咽噦吐將躉船煙土偷運八箱入澳被西
 洋夷目查拏將原土押交暎國副領事參遜一
 體呈繳又據稟該夷目自行拏獲夷人啞噦噤
 零煙在馬頭焚燒將啞噦噤收監按照夷法問
 罪出具此外並無存貯煙土甘結稟請親臨查

辦前來臣等因驅逐暎國住澳奸夷由省移駐
 香山遂於七月二十五日自香山起程二十六
 日清晨統領將備管帶弁兵整隊出關該夷目
 噉噉嗎咄率領夷兵一百名迎於關下兵總
 四人戎服佩刀夷兵肩鳥槍排列道左隊內蕃
 樂齊作俟臣等輿衛行過兵總導領夷兵蕃樂
 隨行至新廟夷目噉噉嗎咄具手版稟謁命
 之恩威申明禁令諭以安分守法不許屯貯禁物不許

林文忠公政書

乙集 使粵奏稿 卷六

三

狗庇奸夷上負

大皇帝撫綏懷柔至意該夷點頭領會據向通事聲
 稱夷人仰沐

天朝養二百餘年長保子孫共安樂利中心感激
 出於至誠何敢自外生成有干法紀現在隨同
 官憲驅逐賣煙奸夷亦屬分內當為之事等語
 以手拄額者三敬謹退出臣等當即賞以絹扇
 茶糖並頒賞夷兵牛豕麪腊數十事番銀四百
 圓再辭乃受臣等即入三巴門經三巴寺關前

街娘媽閣至南灣督率隨員抽查夷樓民屋於
與册造相符其貨給映夷房間自各夷離澳後
現俱關閉覆加訪察自春間查辦以後該西洋
夷樓實無存貯煙土情事隨由南灣仍回前山
所有經過三巴媽閣南灣各礮臺俱發一十九
礮詢之澳人稱係該國大禮以示尊敬不輕舉
行兵總率領夷兵送至關牓始行撤退臣等沿
途察看不但華民扶老攜幼夾道歡呼即夷人
亦皆疊背摩肩奔趨恐後恬熙景象

林文忠公政書

乙集

使粵奏稿
卷六

四

轉載同深此臣等巡視澳門之實在情形也臣等伏
思夷人心性反覆靡常挾詐懷私事所時有如
果始終馴伏固當撫之以恩若使微露矜張即
當繩之以法此次因查辦鴉片執法甚嚴澳夷
震懾

天威是以倍形恐順惟該處華夷叢雜最易因緣爲
奸應請於每年秋間查照現在編查之法檄飭
澳門同知督同香山駐澳縣丞編查一次造册
通詳再由督撫兩司分年輪替前往抽查如有

澳夷屯販禁煙及庇匿別國賣煙奸夷等弊即
行隨時懲辦以清弊藪而靖夷情似於邊徼防
維不無裨益是否有當謹合詞恭摺具

奏伏乞

皇上聖鑒訓示謹

奏

林文忠公政書

乙集

使粵奏稿
卷六

五

會奏論辦澳夷情形摺

奏為澳夷領事義律請將現泊粵洋夷船聽官搜查出具實無鴉片切結其命案兇夷亦願懸賞察究並奸夷空躉均請勒限逐回謹將_臣等論辦情形恭摺奏祈

聖鑒事竊_臣等前因澳夷種種違玩照例斷其接濟不許住澳該夷旋向九龍師船覓食先行開礮我軍奮力回擊大挫夷鋒復將逗留賣煙之躉船燒燬一隻該夷領事義律急向澳門同知遞

林文忠公政書 乙集 使粵奏稿

六

字懇求並託西洋夷目代為轉圜_臣等當將相機勦撫緣由於八月十一日恭摺奏

聞在案_臣等復思義律所遞之字似知悔罪輸誠然僅託諸空言尙未見於實事保非暫作緩兵之計別生誦詐之謀益當整肅軍威嚴防靜鎮一面仍給諭帖責令呈繳新煙勒交兇手並將繳清煙土之空躉奉

旨驅逐之奸夷速飭全行回國卽令署澳門同知蔣立昂傳諭去後茲疊據蔣立昂稟覆八月十五

日義律送給回信內稱接到軍民府來文轉發大人傳諭條款領事極欲欽遵

聖旨將違禁之鴉片全行絕除自應卽赴澳門敘論以憑貴憲稟覆等語十七日義律至澳門與西洋夷目同見蔣立昂復經該署同知將_臣等諭內各條嚴切面諭據通事傳譯義律口稱前因冒犯嚴威疊奉諭飭業已悔悟欲求轉乞憲恩情詞極為恭謹詰以奉諭條款如何遵辦義律答稱未敢自行稟覆仍具說帖求為轉稟隨將

林文忠公政書 乙集 使粵奏稿

七

說帖呈出已據逐條登覆蔣立昂因見所覆尙有未協面為駁飭復據義律添寫一紙統求蔣立昂先行請示蔣立昂卽將原件稟送並請覈示前來_臣等查閱所覆各條文義不甚通暢而覈其大義尙屬遵論奉法不敢抗違如諭繳鴉片一節據其登覆意以該國有帶鴉片之船先已令其回去現泊尖沙嘴各船俱請官憲搜查若有鴉片卽將貨船盡行沒官嗣後在粵貿易夷人與隨時來到之船不論船主商人傭工夥

計俱令逐名出結由義律加具印結方准貿易
未出結者不准開船永遠照此辦理如不認真
必致自取咎戾等情臣等查暎夷貨船住泊尖
沙嘴不即進口原爲圖賣新煙起見且節次掣
獲賣煙奸民已據供認在夷船零買確有明證
是其所稱並無煙土之說實不可信若不切實
查辦何能盡絕根株臣等忿激之餘已先與水
師提臣密爲布置將柴草火藥裝配多船擬將
帶煙不繳之船盡予燒燬以除其害然究以未

林文忠公政書

乙集

使粵奏稿
卷六

八

分皂白不忍玉石俱焚繼又再四熟商計惟臨
以重兵逐船搜檢庶可分良莠而示勸懲今該
夷自願請搜察其情詞似極切實臣等復又多
方訪察蓋該夷因見臣等堅持數月料已無可
希圖遂將新到之煙陸續帶回夷埠是以前有
夷船三隻先後駛回近日復有三板夷划紛紛
開去且掣獲出海買煙奸民彭亞開等訊據供
稱伊於八月初旬帶銀前往向買即據夷船回
覆現無鴉片伊即放空回來等語是現在夷船

已無煙土似非虛誑惟已去之士固可不必窮
追而現泊之船必須逐號搜查以昭覈實臣等
現又諭令義律將尖沙嘴所泊暎國貨船按其
到粵先後挨次親驗其貨物盡行盤至剝船逐
件搜查果無夾帶鴉片即先押送入口本船搬
空之後再行備細查明如此則耳目昭彰自無
影射掩藏之弊並恐載煙回去夷船利心不死
或竟潛赴東西兩路冀圖分銷臣等現又飛飭
沿海各營准備師船嚴密防範並由中路抽撥

林文忠公政書

乙集

使粵奏稿
卷六

九

兵勇跟蹤躡緝如有此等夷船駛至即行開礮
夾擊務使遭孽肅清至出結一節若論尋常吏
事原恐習爲具文而臣等體察夷情最重信字
是以臣林則徐初次諭令該夷呈繳煙土即先
揭出此一層迫義律稟繳二萬二百八十三箱
或疑其言未必能踐而深悉夷情者咸決其必
無失信嗣果繳清煙土有贏無絀是其不肯食
言已有明驗今其所擬逐名出結分寫漢文夷
字由該領事加具印結即係遵照臣等原論辦

理自應准其所請惟查覈所擬出結語句與現
行新例尙不盡符臣等現又寫具結式諭令遵
照繕寫若不如式具結永不准其貿易以此杜
外來之鴉片實足以昭信守於夷情明有範圍
暗有把握非具文所可同日而語也至林維喜
命案據義律稱審得五人酗酒皆無兇殺之罪
又稱當日上岸滋事亦有咪喇啞人請再細訪
等語當經蔣立昂以此案供證確鑿兇手實係
暎夷之言向其駁詰義律無可置辯遂添寫說

林文忠公政書

乙集

使粵奏稿

十

帖一紙聲明懸賞洋銀二千圓報知何人毆斃
憑據倘能發覺即會官憲代稟等情臣等復查
義律船內現在實有拘押夷犯五名其非有意
匿兇尙屬可信而實情不能審出原亦無怪其
然至咪喇啞人於羣毆林維喜時並不在場不
獨該國夷人稟辯甚明即岸上各見證供亦如
一旦暎夷獨託漢奸劉亞三等與屍親說和其
為並無咪喇啞人在場更無疑義臣等諭知義
律以所拘五人中如不能審定正兇何妨送請

天朝官員代為審明祇當辦一應抵之人其餘仍皆
發回斷不連累如仍自審則再限十日亦必可
以審明毋得再圖延緩此外如空躉回國請候
北風開行被逐奸夷請留兩名在粵皆經蔣立
昂面加駁飭隨又代求回澳理清事件六日內
如數揚帆而去臣等以所請尙在情理為日亦
屬無多當將此一層傳諭允准仍派委文武在
澳稽查催逐不任踰限並諭西洋夷目一體查
催以上各事宜除俟逐一清釐再行分別覈

林文忠公政書

乙集

使粵奏稿

十一

奏外所有現在諭辦情形謹會同水師提督臣關
天培合詞恭摺具
奏並繕錄義律原遞說帖恭呈
御覽伏乞
皇上聖鑒訓示謹
奏

覆奏責令夷人出結甫經遵依片

再臣等先於春間收繳煙土之時即經諭令夷人務即出具嗣後永不夾帶鴉片切結呈送而該夷均不敢具結繼又多方開導堅執如前且據義律稟稱倘不能不取結則映國人船無奈祇可回國等語臣等當以該夷回國之言並非出自真心不過憚於出結強顏而作此言蓋一經出結則此後稍有夾帶不但本犯罹於重法即該領事亦不能置身事外是以心切遲疑當

林文忠公政書

乙集 使粵奏稿 卷六

三

經據實奏蒙

聖鑒在案嗣經御史步際桐條奏以查辦夷船鴉片雖責以萬分切實之結亦將甘心出具徒開含混之路等語欽奉

諭旨著林則徐鄧廷楨悉心籌畫務使弊源盡絕永杜含混之端等因欽此臣等竊思夷人正不敢出結如可免取最為省事繼又反覆籌商若竟任其抗結則夷人夾帶之念斷不能一日忘蓋夷人最重然諾即議一事訂一期從不爽約其視

出結之事絕無僅有非比內地公牘結多而濫

以致視為泛常彼愈不肯輕易具結即愈知其結之可靠亦愈不能不向其飭取是以設法辦理直使該夷計窮心懾至今始克遵依臣等不敢因有人條奏正可藉以自便遂存趨易避難之見致負

委任謹合詞附片覆

奏伏祈

聖鑒謹

林文忠公政書

乙集 使粵奏稿 卷六

三

奏

會奏暎國躉船奸夷現已驅逐並飭取切結情
形摺

奏為暎國躉船奸夷現已盡行驅逐其具結進口
貨船查明實無鴉片未進口者飭取切結聽候
查驗方准貿易命案兇手仍須勒兵催交恭摺
奏祈

聖鑒事竊臣等前因暎夷義律阻攔該國貨船庇匿
致命兇手並逗留空躉奸夷當經示以兵威斷
其接濟該夷計窮力絀隨即悔罪求誠所有節

林文忠公政書 乙集 使粵奏稿 卷六

十四

次傳諭情形歷經奏

聞在案嗣於九月初九日承准軍機大臣字寄欽奉
上諭著林則徐等趁此警動之際力除弊竇所有該
國大小船隻游奕洋面跡有可疑者均著驅逐出
境等因欽此臣等遵查暎國夷船應行驅逐出境
者莫先於躉船自四月間煙土繳清即經嚴催
回國雖當時已開七隻而其餘尙在遷延總因
該船前泊伶仃囤貯鴉片比之攬載他貨獲利
倍蓰是以觀望徘徊冀俟煙禁或有稍弛之時

復還故業迨八月間巡洋舟師將明嗎哪躉船
燒燬之後該夷始覺驚慌不敢再圖久泊除賊
咄喇呢二船已賣與咪喇哩夷人改裝貨物又
吐啐啡喇吐二船查已破爛零星折賣外計駛
出老萬山回國空船共二十三隻復查本年春
間臣鄧廷楨

奏明伶仃洋面躉船本係二十二隻今逐回並燒
燬折賣之船合而計之轉多於前奏之數蓋因
收繳煙土時曾經義律將竄往南澳福建各洋

林文忠公政書 乙集 使粵奏稿 卷六

十五

船隻陸續招回此等載煙夷船亦應與躉船一
同驅逐故也至應逐奸夷先經臣鄧廷楨

奏明者有嘸咄咄咄咄咄咄咄咄咄咄咄咄咄
於嚴驅咄咄案內

奏明尙有伊弟映嘸及其外甥映嘸咄咄咄咄咄
咄管帳咄咄咄四名均應驅逐又臣等會同密
訪復有應逐之咄嘸咄咄咄咄咄咄咄咄咄咄
十六名飭令一併驅逐節據引水人等按日按
名查報某夷附搭某船於某月某日開行某日

出老萬山外回國上下衙門均有報案現在實已全去此躉船與奸夷均經驅逐淨盡之情形也至喚夷貨船來粵先被義律阻留不令進口妄思以此挾制再賣新煙迨見各口查拏緊嚴難以圖賣每於夜間張帆起旋潛出萬山經臣等查知大船已去六隻小船約十餘隻其為將煙載回夷埠確鑿無疑是以近日情愿搜查明因煙已離船得以放心無恐惟思夷洋之新嘉坡新埠等處距粵不過半月海程安知狡獪奸

林文忠公政書

乙集

使粵奏稿

六

夷不將鴉片暫行寄頓俟此次搜查畢後再圖偷運而回所恃以怵其貪利之心者惟賴有

欽頒新例定以斬絞罪名自奉到部文遍行宣示眾夷咸有戒心臣等先於收繳煙土之時即經飭取生死甘結該夷堅不肯具蓋以繳煙係一時之事尙可藉以求生而具結乃長遠之事適恐自陷於死也然彼所畏懼者在此則我所以制馭之者亦正在此故臣等不敢藉詞中止亦不敢畏難苟安相持數月以來直至逐出澳門斷

其接濟且值礮擊火燒之後該夷始愿具結惟結內但云如有鴉片將貨物盡行沒官而於人即正法字樣仍不肯寫所以臣等前摺

奏明另頒結式飭令遵照繕繳當飭印委各員率同洋商通事傳諭去後不但義律多方退縮而且各船船主貨主併為一詞以為性命攸關倘有水手私帶些微恐遭連累抑或兵役栽贓誣指難以辯冤臣等復諭以水手等係夷商應管之人本宜先自查搜豈能容其私帶至查船有

林文忠公政書

乙集

使粵奏稿

七

官作主兵役焉敢栽贓萬一意外遭誣定予訊明反坐何庸過慮總之不帶鴉片則雖具結不至加刑若帶鴉片即不具結亦必處死多方開導近日始有該國之嚙喇噹啣等船陸續遵式具結經文武官員於虎門黃埔兩處分別查驗實無夾帶鴉片情弊當即妥為帶引許其開船照常貿易現在統計各國已進黃埔之船共有四十一隻且經粵海關監督臣豫堃驗明各夷船於貨物之外另帶洋錢來粵買貨現有一百

一十二萬六千餘圓日後更不止此似可為不賣鴉片之明證此後遵式具結者悉許進口驗貨貿易如抗不具結或結不如式之船即可毋庸查驗驅令速回似此一律飭遵先使該夷常懷畏死之心乃足奪其貪利之念而又嚴之以查驗密之以偵挈正經貿易者加以優待倘有帶煙發覺立正刑誅總惟一意堅持不因其恫喝刁難稍為搖動庶可永除巨患至毆斃林維喜之兇夷雖據義律稟稱囚禁五人在船而既

林文忠公政書

乙集 使粵奏稿 卷六

六

不能審出正兇又不肯送出聽審日來並欲解回該國照依夷例辦理已飭委員等諭令斷不准行大抵該夷於一切事宜緊一分則就緒一分鬆一步則越畔一步且其居心叵測反覆靡常即如近日雖已具稟求誠而倘有嘩論兵船一隻來自夷埠名為護貨實亦不可不防臣等仍與提臣關天培鼓勵水師官兵靜則嚴防動則進剿總不稍示柔弱務俾悉就範圍以冀弊絕害除仰紆

宸厯臣等謹會同廣東巡撫臣怡良水師提督臣關天培粵海關監督臣豫堃合詞恭摺具

奏伏祈

皇上聖鑒謹

奏

林文忠公政書

乙集 使粵奏稿 卷六

十九

會奏穿鼻尖沙嘴疊次轟擊夷船情形摺

奏為暎國貨船正在具結進口被該國兵船二隻

攔阻滋擾即經舟師擊逐逃回尖沙嘴窺伺陸

路營盤復經我兵據險俯攻疊次轟擊將尖沙

嘴夷船盡行逐出不使佔為巢穴現只散泊外

洋不敢近岸臣等仍飭嚴行堵禦一面綏撫良

夷以示

恩威而安貿易恭摺奏祈

聖鑒事竊照暎夷領事義律前因抗違法度當經示

林文忠公政書

乙集使粵奏稿

一

以兵威旋據悔罪求誠已將躉船奸夷盡驅回

國其甘結亦經議具惟命案尙未交克臣等以

夷情反覆靡常雖已具稟乞恩仍將夷埠兵船

暗招來粵名為護貨恐有奸謀業於前摺

奏明靜則嚴防動則進剿不敢稍示柔弱旋於九

月二十八日由驛遞到回摺伏讀

硃批朕不慮卿等孟浪但誠卿等不可畏蕙先威後

德控制之良法也相機悉心籌度勉之慎之等因

欽此又欽奉

上諭當此得勢之後斷不可稍形畏蕙示以柔弱雖

據該夷領事義律浼西洋夷目懇求轉圜但該夷

等詭詐性成外示恐懼內存叵測不可不防著林

則徐等相度機宜悉力籌畫如果該夷等畏罪輸

誠不妨先威後德倘仍形桀驁或佯為畏懼而暗

布戈矛是該夷自外生成有心尋衅既已大張撻

伐何難再示兵威林則徐等經朕諄諭諒必計出

萬全一勞永逸斷不敢輕率償事亦不致畏蕙無

能也等因欽此臣等跪誦之下仰見我

林文忠公政書

乙集使粵奏稿

二

皇上先幾洞燭

訓示嚴明數萬里外夷情毫髮難逃

聖鑒臣等服膺銘佩遵守彌虔其特蒙

恩賞呼爾察圖巴圖魯名號並照例

賞戴花翎以副將卽陞先換頂帶之參將賴恩爵等

感激

天恩益圖報効凡在將弁士卒亦皆感奮倍常提臣

關天培督率舟師數月以來常駐虎門二十里

外之沙角礮臺巡防彈壓間赴三十里外之穿

鼻洋面來往稽查近日各國貨船絡繹具結俱
經驗明帶進黃埔曠國貨船中首先遵結者曰
嚙喇亦已進埔貿易其次遵結者曰嚙哪於九
月二十八日正報入口詎有該國兵船二隻於
午刻駛至穿鼻其一卽七月內向九龍滋擾之
吐噍其一則近來新到之嘩噲硬將已具結之
嚙哪貨船追令折回不得進口提臣關天培聞
而詫異正在查究問吐噍一船輒先開放大礮
前來攻擊關天培亟令本船弁兵開礮回擊並
林文忠公政書 乙集 使粵奏稿 三

帆節節加高帆索紛如蛛網皆繫結於頭鼻之
上是日吐噍船頭撥鼻拉索者約有數十夷人
關天培督令弁兵對準連轟數礮將其頭鼻打
斷船頭之人紛紛滾跌入海又奏陞水師提標
左營遊擊麥廷章督率弁兵連轟兩礮擊破該
船後樓夷人亦隨礮落海左右艙口間有打穿
嘩噲船不甚向前未致受創接仗約有一時之
久吐噍船上帆斜旗落且禦且逃嘩噲亦隨同
遁去我軍本欲追躡無如師船下旁灰路多被
林文忠公政書 乙集 使粵奏稿 四

揮令後船協力進攻該提督親身挺立桅前自
拔腰刀執持督陣厲聲喝稱敢退後者立斬適
有夷船礮子飛過桅邊剝落桅木一片由該提
督手面擦過皮破見紅關天培奮不顧身仍復
持刀屹立又取銀錠先置案上有擊中夷船一
礮者立刻賞銀兩錠其本船所載三千斤銅礮
最稱得力首先打中吐噍船頭查夷船制度與
內地不同其爲全船主宰者轉不在船尾而在
船頭粵人呼爲頭鼻船身轉動得此乃靈其風

夷礮擊開內有三船漸見進水勢難遠駛而夷
船受傷只在艙面其船旁船底皆整株番木所
爲且全用銅包雖礮擊亦不能透是以不值
追勦收軍之後經附近漁艇撈獲夷帽二十一
頂內兩頂據通事認係夷官所戴並獲夷履等
件其隨潮漂淌者尙不可以數計我師員弁雖
有受傷並無陣亡惟各船兵丁除中礮致斃九
名外有提標左營二號米艇適被礮火落在火
藥艙中登時燃起燒斃兵丁六名繼已撲滅又

有受傷之額外黃鳳騰與受傷各弁兵俱飭妥
爲醫治此次吐噍等前來尋衅固因前在九龍
被擊意圖報復而實則由於義律與圖賣鴉片
之奸夷暗中指使臣等訪知義律於該國煙土
賣出一箱有抽分洋銀數十圓私邀夷埠兵船
前來以張聲勢每次送給勞金數至巨萬到粵
後全船伙食皆從各貨船湊銀供給無非恃其
船堅礮利以悍濟貪臣等併力堅持總不受其
恫喝所定具結之令雖據義律勉強遵依但不

林文忠公政書

乙集

使粵奏稿

五

肯繕寫人卽正法字樣而九月間復有該國富
商數人至澳門集議又謂義律但慮人之正法
而各商尤慮貨之沒官反覆刁難迄無定議所
喜該國猶有良夷如噶喇嘴二船屢論之餘
頗知感悟甫與他國夷商一體遵式具結臣等
加意優獎冀爲眾夷之倡而義律與該國奸夷
恐此結具後鴉片絕不能來遂痛恨該二船之
首先遵具德惠吐噍等兵船與之尋衅生事因
噶喇已進口內無可如何探知噶喇入口之時

趕來追捉適我師在口外彈壓輒敢開礮來攻
是滋擾雖係夷兵而播弄實由義律誠如

聖諭佯爲畏懼暗布戈矛自外生成不得不大張撻
伐經提臣關天培統師攻擊雖已逃竄不遑究
以師船木料不堅未便窮追遠躡則仍須扼其
要害務使可守可攻查該夷船所泊之尖沙嘴
洋面羣山環抱浪靜風恬奸夷久聚其間不惟
藏垢納汙且等負隅縱壑若任其踞爲巢穴貽
患曷可勝言臣等自嚴斷接濟以來已於尖沙

林文忠公政書

乙集

使粵奏稿

六

嘴一帶擇要紮營時加防範本意祇欲其畏威
奉法仍聽貿易如常原不忍遽行轟擊而乃抗
不具結匿不交兇迨兵船出穿鼻被創逃回仍
在該處停棹修理實難容其負固又奚恤其覆
巢節據派防各文武稟稱尖沙嘴迤北有山梁
一座名曰官涌恰當夷船脊背之上俯攻最爲
得力當卽飭令固壘深溝相機剿辦夷船見山
上動作不能安居乃糾眾屢放三板持械上坡
窺探卽經駐劄該處之增城營參將陳連陞護

理水師提標後營遊擊之守備伍通標等派兵
截擊打傷夷人二名奪槍一桿餘眾滾崖逃走
遺落夷帽數頂九月二十九日夷船排列海面
齊向官涌營盤開礮仰攻數次我軍紮營得勢
礮子不能橫穿僅從高處墜下計拾獲大礮子
十餘箇重七八斤至十二斤不等官兵放礮回
擊即聞夷船齊聲喊叫究竟轟斃幾人因黑夜
未能查數十月初三日該夷大船在正面開礮
而小船抄赴旁面乘潮撲岸有百餘人搶上山

林文忠公政書

乙集 使粵奏稿

七

岡齊放鳥槍僅傷兩兵手足被增城右營把總
劉明輝等率兵迎截砍傷打傷數十名刀棍上
均沾血跡夷人披靡而散帽履刀鞘遺落無數
次日望見沙灘地上掩埋夷屍多具初四日夷
船又至官涌稍東之胡椒角開礮探試經駐守
之陸路提標後營遊擊德連將大礮擡礮一齊
回擊受傷而走臣等節據稟報知該處疊被滋
擾勢難歇手當又添調官兵二百名派原任遊
擊馬辰暨署守備周國英把總黃者華帶往會

勦復思該處既占地利必須添安大礮數位方
可致遠攻堅復與提臣挑撥得力大礮六門委
弁解往以資轟擊並派熟悉情形之候補知府
南雄直隸州知州余保純帶同候補縣丞張起
鵬馳往會同新安縣知縣梁星源相度山梁形
勢妥為佈置復札駐守九龍之參將賴恩爵都
司洪名香駐守宋王臺之參將張斌亦皆就近
督帶兵械移至官涌併力夾擊茲據會稟十月
初六日該文武等均官涌營盤會同商定諸

林文忠公政書

乙集 使粵奏稿

八

將領各認山梁安設礮位分爲五路進攻陳連
陞伍通標張斌各爲一路賴恩爵及馬辰周國
英黃者華爲一路德連洪名香爲一路該縣梁
星源管帶鄉勇前後策應哺時夷人在該船桅
上窺見營盤安礮即各趕裝礮彈至起更時連
放數口打來我軍五路大礮重疊發擊遙聞撞
破船艙之聲不絕於耳該夷初猶開礮抵拒迨
一兩時後只聽伊啞叫喊竟無回擊之暇各船
燈火一時滅息棄旋潛逃初七日天明瞭望約

已逃去其半有雙桅三板一隻在洋面半沈半浮餘船十餘隻退遠停泊所有篷扇桅檣繩索槓具大都狼狽不堪該文武等因夷船尚未全去正在查探間卽據引水等報稱查有原扮兵船在九龍被礮打斷手腕之喇哩喇吐及訪明林維喜命案係伊水手逞兇之哆喇兩船尙欲潛圖報復該將領等因相密約故作虛寂之狀待其前來窺伺正可痛勦果於初八日晡時哆喇併喇哩喇吐兩船潛移向內漸近官涌後船

林文忠公政書

乙集

使粵奏稿

九

十餘隻相隨行駛我軍一經瞭見仍分起趕赴五路山梁約計礮力可到卽齊放大礮注定頭船攻擊恰有兩礮連打哆喇船艙擊倒數人且多落海漂去者其在旁探水之夷划一隻亦被擊翻後船驚見卽先折退而哆喇一船尤極倉皇遁去無暇回礮計官涌一處旬日之內大小接仗六次具係全勝惟初八日晚間有大鵬營一千斤大礮放至第四出鐵熱火猛偶一炸裂致斃順德協兵丁二名除與穿鼻洋面陣亡兵

丁及受傷兵內如有續故者一體咨部請卹外現據新安縣營稟據引水探報吐嚙嘩喻兵船義律三板暨噴夷未進口大小各船自尖沙嘴逃出後各於龍鼓筭洲赤滘角長沙灣等處外洋四散寄泊查粵省中路各洋爲漢夷通商總道雖皆可許泊舟亦須察看形勢隨時制取卽如道光十四五年間夷船藉稱避風輒泊金星門該處地屬內洋不得任其逼處經臣鄧廷楨嚴行驅逐至今不敢進窺年來改泊尖沙嘴祇

林文忠公政書

乙集

使粵奏稿

十

於入口之先出口之後暫作停留尙無妨礙今歲佔泊日久儼有負固之形始則抗違繼且猖獗是驅逐由其自取並非鮮自我開此次勦辦之餘於澳門旣不能陸居於尖沙又不能水處苟知悔悟儘許回頭若義律與吐嚙等尙以報復爲心則堅壘固軍靜以待之亦自確有把握不敢輕率畏蕙致失機宜至貿易一事該國之國計民生皆繫於此斷不肯決然捨去若果噴夷憚於具結竟皆歇業不來正咪喇哩等國之

人所禱祠而求冀得多收此利者與其開門揖盜何如去莠安良而良莠之所以分卽以生死甘結爲斷臣等現又傳諭諸夷以

天朝法紀森嚴奉法者來之抗法者去之實至公無私之義凡外夷來粵者無不以此爲衡並非獨爲暎咭喇而設此時他國貨船遵式具結者固許進埔卽暎國貨船亦不因其違抗於前而並阻其自新於後又如暎國噶喇之船已在口內聞有穿鼻官涌之役難免自疑臣等諭令地方

林文忠公政書

乙集 使粵奏稿

十一

印委各員諳切開導以伊獨知遵式具結查明並無鴉片洵屬良夷不惟保護安全且必倍加優待復經海關監督臣豫堃親至黃埔驗貨特傳噶喇面加慰諭該夷感激涕零惟噹哪一船被吐噶嚇唬之後尙未知避往何處臣等飭屬查明下落護帶進埔倘吐噶兵船復敢阻攔仍須示以兵威總期悉就範圍仰副

聖主綏靖華夷之至意現在沿海間問照常安貼堪以上慰

宸懷所有現辦情形謹會同廣東巡撫臣怡良水師提督臣關天培粵海關監督臣豫堃恭摺具

奏伏乞

皇上聖鑒謹

奏

林文忠公政書

乙集 使粵奏稿

十一

會奏察看暎夷反覆情形遵

旨不准交易摺

奏為察看暎夷反覆情形仍為圖賣鴉片起見遵

旨不准交易俾知儆懼並以折服各國夷情恭摺

奏祈

聖鑒事竊照暎咭喇國貨船於九月底正在具結進

口旋被該國兵船二隻攔阻滋擾我兵水陸疊

擊將該兵船及尖沙嘴各夷船盡行逐出外洋

經臣等於十月十六日恭摺具

林文忠公政書

乙集

使粵奏稿

十三

奏在案嗣承准軍機大臣字寄九月二十三日奉

上諭前後駛回各船難保不潛赴東西兩路冀圖私

銷著即派員跟蹤偵察嚴飭沿海各營認真防範

至所出切結如果可靠自必漸就肅清儻該夷迫

於勢蹙暫作緩兵之計日後再有反覆即當示以

兵威斷絕大黃茶葉永遠不准交易俾冥頑之徒

知所做懼等因欽此臣等跪讀之下仰見我

皇上料夷情之反覆

示儆懼於冥頑

訓諭周詳囑深欽服查臣等先於收繳煙土事竣當

以此後不許夷人再賣鴉片理應取具遵依是

以飭繕甘結聲明如有夾帶鴉片人即正法貨

物沒官字樣義律先本抗違迨數月相持屢經

折挫八月內始據稟稱情愿具結惟所寫字樣

尙與新例不符臣等念其畏罪輸誠冀可再加

開導是以將其原遞澳門同知說帖繕錄奏

聞詎該夷陽奉陰違早不出

聖明所料至九月間義律復招夷商數人在澳門集

林文忠公政書

乙集

使粵奏稿

十四

議彼此推卸刁難此即反覆之始也該國有噶

喇噹啣二船均遵式具結噶喇先進黃埔而噹

啣船正在入口被義律潛約吐噹兵船將其攔

回以致與師船互相礮擊其為反覆莫甚於此

且前遞說帖內云毆斃林維喜命案克手已懸

賞二千圓令人報知至九月底乃將囚禁在船

之夷人五名均欲解回該國照夷例辦理是其

反覆之形不一而足而究其所以反覆之故實

因慣賣鴉片奸夷利心不死前雖已將新煙帶

回夷埠而往來夥黨尙多仍思乘機偷運伊恐甘結一具性命難逃而義律利其抽分與之朋比忽恭忽踞皆有譎謀臣等前已傳諭諸夷奉法者來之抗法者去之暎夷既不遵約束與其開門而揖盜何如去莠而安良茲蒙

訓諭嚴明尤當恪遵辦理當卽函商粵海關監督臣豫堃會同出示曉諭自十一月初一日起停止暎咭喇國貿易除未經停止以前暎夷有將貨物轉賣與別國夷商者既據遵式具結查無鴉

林文忠公政書

乙集

使粵奏稿

十五

片卽係正經貿易業已移步換形尙可不追既往當與噶喇等一體准令進口外其餘責成洋商認明暎國來船一概停其交易所有大黃茶葉二物查大黃每年出口本屬有限不過附搭藥材項下暎夷所銷尤少惟茶葉在所必需然有綠茶黑茶之分暎夷所銷多係黑茶現在嚴密稽查不使影射偷漏查向來夷船到粵以暎咭喇爲最多自嚴辦鴉片以來各夷埠均有傳聞以鴉片出自暎國此後該國買賣可減別國

買賣可增如噠國喘國及單鷹堪啞等國歷年不過偶來一二船本年來者特多是他夷皆有欣欣向榮之象而咪喇啞國之船現來四十五隻則比往屆全年之數已有浮多尤見

天朝聲教覃敷並不少此暎咭喇一國而義律之勾結吐密等虛張橋飾玩法營私該國以七萬里之遙其主若臣未必周知情狀今他國通商如舊而暎國獨停若該國查察情由係因圖賣鴉片抗違

林文忠公政書

乙集

使粵奏稿

十六

天朝新例則內而自知理曲外而顏面何存彼亦不肯容義律等之詭計奸謀以自壞其二百年來之生計也伏思斷絕鴉片首貴杜其來源而杜源總在夷船無他謬巧譬之防守河工鴉片之來如黃水然惟有嚴隄防以禦之紋銀之出如清水然惟有閉牖壩以束之本年以來收繳已化之煙土值銀千餘萬兩人所共知而新來之鴉片半途聞信折回及到粵畏挈運回者訪聞亦復稱是故本年暎夷來船本較往年爲少今

既發令斷絕該國貿易所有洋商行鋪均不敢與之私售惟常視其有無悔懼真情再行發辦至他國遵照具結進口查無鴉片者已有船六十二隻並據查報帶來洋錢將及二百萬圓臣等仍當時刻稽查防其潛代暎夷走私偷賣不敢因他夷之遵式出結卽遽信爲無他其先已具結之嗙哪一船雖係暎國夷人而早知遵循法度現被義律等扣留口外日後若求入口仍當帶進黃埔不宜與觀望營私之他船一例辦

林文忠公政書

乙集 使粵奏稿 卷七

七

理以示區別至前後駛回各船誠難保不潛赴東西兩路希冀私銷臣等仍遵

諭旨密派文武跟蹤偵察並嚴飭沿海各營認真防範總期該夷鴉片無處可售庶使海面肅靜以仰副

聖主除患保民之至意所有現斷暎夷貿易緣由謹會同廣東巡撫臣怡良水師提督臣關天培粵海關監督臣豫堃合詞恭摺具奏伏乞

皇上聖鑒訓示謹奏

林文忠公政書

乙集 使粵奏稿 卷七

十八

旨奏請將高廉道暫駐澳門查辦夷務片
再臣等伏讀

上諭林則徐已放兩江總督現雖專辦此事豈能常
川在粵卽鄧廷楨統轄兩省公務繁多亦不免顧
此失彼仍當通盤籌畫辦理結實俾日後淨絕根
株方稱一勞永逸等因欽此仰見

聖主明示機宜曲體臣工之至意現已遵

旨斷絕暎夷交易由虎門起程回省籌辦善後事宜
竊念徒法不能自行而量材或堪器使自當擇

林文忠公政書

乙集 使粵奏稿 卷七

九

其扼要俾有治人查各國夷商來粵貿易貨船
俱進黃埔而坐莊商夥多僦居澳門探行市清
帳目固在此而操奇贏通詭秘亦在此是澳門
實為總匯之區狡窟既多漢奸因之麀集教猱
升木靡所不為至西洋夷人雖稱恭順而不耕
不織專恃懋遷罔利之謀變幻百出現經停止
暎夷交易更難保其不私相串囑代運代銷弊
竇一開漏卮依舊不可不大為之防溯查雍正
八年設香山縣丞一員駐劄澳內之望廈村乾

隆八年又設澳門同知一員駐劄距澳十五里
之前山寨專司夷務布置本極周詳惟近日夷
人變詐多端澳務愈形喫重當此認真釐剔之
際控馭尤貴得人必須官職較大之員方足以
窮竇源而制驕縱查有新授高廉道易中孚儉
約自持能耐勞苦辦事勇敢頗著威名現已交
卸潮州府篆卽赴高廉新任臣等公同商酌擬
卽委令該道暫行駐劄澳門督同澳門同知等
查辦夷務舉凡稽察澳夷額船斷絕暎夷冒混

林文忠公政書

乙集 使粵奏稿 卷七

三

緝拏漢奸接濟一切責成該員董率辦理其高
廉道本任政事較簡儘可包封在澳覈辦惟高
廉兩郡秋審向由該道提勘屆期前往不過月
餘卽可竣事至澳內棲止之處舊有粵海關監
督行署一所係屬空閒可借與該道駐劄以資
辦公惟澳門華夷雜處布惠尤貴宣威小事修
刑大事修戎實為事時有旣經界以事權卽
當予以兵衛查前山寨設有內河水師都司一
員帶兵三百六十三名向歸香山協管轄應請

由該道節制遇有緩急聽其調遣高廉道本兼
兵備體制亦屬相符俟整頓一二年後如果諸
夷就範鴉片肅清再將該道撤回高廉以重職
守臣等愚昧之見是否有當謹會同撫臣怡良
附片

奏祈

聖鑒謹

奏

林文忠公政書

乙集

使粵奏稿
卷七

三

覆奏遵

旨體察漕務情形通盤籌畫摺

奏為遵

旨體察漕務情形通盤籌畫恭摺覆

奏仰祈

聖鑒事竊臣承准軍機大臣字寄七月初四日奉

上諭前據金應麟奏請將漕運事宜量為變通已有

旨交兩江總督江蘇巡撫等妥議具奏矣著陳燾

裕謙即將原奏內所指各情節體察情形通盤籌

林文忠公政書

乙集

使粵奏稿
卷八

一

畫仍俟林則徐到任後再行會商務臻妥善據實

具奏將此諭令知之欽此臣因奉差在粵未見金

應麟原奏請俟江蘇省將原奏咨到即當體察

籌議先於八月內附片奏

聞在案嗣准署江蘇巡撫布政使臣裕謙鈔錄金應

麟原奏移咨到粵臣細閱奏內所陳查辦六條

處分一條皆辦漕切要之事自應大加整頓力

挽積疲而其附片採訪見聞亦不得已而求變

通之法惟是漕務勢成積重如醫家之治久病

見證易而用藥難蓋他端政事祇求官與民兩相安而已獨漕務則糧戶輸之州縣州縣兌之旗丁而旗丁領運於南斛交於北則又有沿途開壩與通倉經紀操其短長故弊常相因而事難獨善卽論病根所起南北亦各執一詞以北言南則謂州縣浮收以致旗丁勒索旗丁勒索以致到處誅求而以南言北又謂旗丁既被誅求安得不勒索而州縣既被勒索安得不浮收每以反脣相稽鮮能設身處地於是官與民競

林文忠公政書

乙集 使粵奏稿 卷八

二

丁與官競卽官與官亦各隨其職掌以顧考成而無不相競而凡刁生劣監訟棍包戶奸胥蠹役頭伍尖丁走差謀委之徒亦皆乘機挾制以衣食寢處於漕本圖私也而害公矣本爭利也而交病矣原奏謂近年州縣臨漕規避挾制上司莫可誰何此亦難免之事蓋寬之固不啻教猱升木卽嚴之亦不過掩耳盜鈴各處類然而蘇松爲尤甚蘇松之漕果治則他處當無不治臣前在蘇省雖歷五次冬漕祇求無誤正供實

不敢言無弊茲奉

諭旨飭議謹憶往時所歷情形與原奏互相參酌分擬四條或正本清源或補偏救弊或爲補救外之補救或爲本源中之本源近則先計一時遠則勉圖經久不揆固陋謹逐條另繕清摺恭呈御覽伏候

聖裁惟差次未帶案卷竊恐記憶舛訛如蒙聖明採擇可否

發下署兩江總督臣陳鑾署江蘇巡撫臣裕謙覈對

林文忠公政書

乙集 使粵奏稿 卷八

三

案據並將本屆冬漕有無堪以照辦之處酌酌具奏請

旨定奪是否有當謹繕覆

奏伏乞

皇上聖鑒訓示謹

奏謹將籌議漕務四條繕具清摺恭呈

御覽

一議正本清源必使自南至北皆無例外苛求然後可以杜州縣之浮收絕旗丁之勒索要

不能專禁一處故其事極難然果法在必行則亦不敢因難而阻也臣竊擬一簡便之法曰縣督幫收緣州縣一經開倉則逐日用度不勝枚舉不獨幫費繁重已也與其進倉出倉時日耽延耗費無算何如合收兌爲一事就糧船爲倉廢查每年重運過後本次總有減歇及屆造之船先令依限修造一經開漕先以此船收米回空到後速催修船接續貯收收完一船卽取一船關結先開離次州縣

林文忠公政書

乙集

使粵奏稿

四

於岸上搭蓋蓬廠令花戶斛米交船丁與民相授受而官監之務使平斛響攜顆粒不得浮加其米色之高低胥由州縣持平不任旗丁欺壓蓋在官既無濡染則理直氣壯卽禁止令行不但旗丁無敢刁難卽索規包抗之徒皆可執法從事而小民胥免浮折徵收可決公平矣惟就中窒礙者有三一則春篩白糧採買糯米一切夫工折耗口袋麻繩向由州縣津貼一則逃亡絕戶廢地老荒向由州

縣墊補一則票冊紙張夫役飯食蓬廠薪燭向由州縣措辦一收新漕皆無從挹注但能責州縣以潔已不能責州縣以解囊卽幫費不花一錢而虧漕悞運之患自若况重船不能不脛而走又人所共知者乎不得已仍仿成法而變通之溯查丁代民勞之始每石原有耗米六斗六升辦運極爲充裕嗣將耗米劃出四斗起運歸公其餘二斗六升折徵銀一錢三分由糧道批解倉場衙門以充支放

林文忠公政書

乙集

使粵奏稿

五

公用故有二六輕齋之名而丁不與焉又有篩颺耗米一款每石給二升七合有零專以貼丁嗣則奏准米歸通倉其貼丁之款由縣折銀支給復有漕贈一款正耗二米每石贈銀一錢改兌之米每石贈銀五分原由糧戶津貼旗丁故謂之贈迨後此款內每石劃出二十七文分給北壩名曰箇兒錢又於雍正七年前大學士尹繼善奏准革除江蘇漕弊每米一石津貼銀六分半歸旗丁半歸州縣

近聞此款專歸丁收凡此皆貼漕之大略或載全書或見部案班班可考今果力辦清漕似須統核倉場經紀以及旗丁州縣每處應得漕務款項實有若干其用度萬不可少者若干徹底查明通盤籌畫凡有可以取資之款各支各用彼此不許侵剋其實在無從設措者即不得不參酌成法仍著糧戶貼銀蓋完米既顆粒無浮則糧戶受益不少而縣幫辦公掣肘之處糧戶亦無不周知從前中外

林文忠公政書

乙集

使粵奏稿 卷八

六

條陳每有八折收漕之議事多流弊自不可行若仿尹繼善奏准章程參考歷來成案比較現在情形則每石酌貼銀三四錢似亦不詭於正可否責令各府州細加察看由司道議詳督撫分別

奏明予以限制將大小戶一律徵收比之目下完漕定可減輕過半如縣幫再有婪索糧戶再有抗延以及後手之尖丁白規之生監惟有儘法痛辦而已雖然疲幫軍船不得不裁汰

也查江淮興武二幫因無屯田疲名久著然尙有造費貼息其最不堪者如太倉後幫蘇幫太河二三幫債積巨萬船壞八九不調劑不能出運即調劑亦無完膚且孤寡廢疾之流皆其債主沿河攔索以累百計故津貼到手即罄而開行數里即停索債者認船不認人謂之黑帳惟船去然後債去雖定例各幫額船不許缺少然負重灑帶雇募買補與夫加一免雇亦例內所許通融者與其強留之而各幫效尤何如酌減之而米歸灑帶抑或減疲幫之額以添般幫之船似宜責成糧道體察辦理勿以原額拘之庶可悉歸完善矣雖然開壩關纜不得不酌減也查重運挽過清江浦向稱三關五壩每船關纜夫錢不過十餘千至二十餘千為止嗣因清江一關亦難挽放而臨黃各壩復有加添道光二年

林文忠公政書

乙集

使粵奏稿 卷八

七

前漕 李鴻賓所定木榜則稱四關九壩近年復加至十四壩每處關纜皆以頭二三進

爲差年增一年每船渡黃需錢百餘千至百數十千不等固由水勢湍急而夫頭之乘危勒詐委員之暗地分肥薄人於險實爲可惡欲除其弊先須大減委員留一二實心者專其責成以每日所放船數分勤惰以所放之有無失事核功過其壩座設法減少關纜夫錢悉定其數刊榜曉諭此外沿途各關亦皆照行如有訛詐立置於法似可以杜其弊雖然候補衛弁不得不甄別也捐納衛官分發

林文忠公政書

乙集

使粵奏稿

八

到淮圖差使者無非圖規費耳從前自南而北漕委不過二十餘人迨道光七年奏定重運不得過四十員回空不得過二十八員至十六年又有不得過八十員之奏總由候補人眾難令空閒然與其調劑而累丁何如酌留而汰冗或量其膂力改補營職或按其捐數量改佐雜似亦可以疏通矣雖然通倉使費不得不核實也查通倉經紀以米爲生凡米之好醜斛之贏縮俱不難隨手改移故費

足則稅稗亦珠璣費不足則釜錘當升合不獨旗丁惟命是聽卽各省糧道恐亦莫可如何惟賴本管官爲之裁制而已查糧船有帶北存公一款本係從幫費內劃出以爲壩費聞近年存公款銀每不敷用以致壩債愈多則累丁之故可想似宜准令各幫旗丁於抵通交米後將經紀有無勒索稟知該管糧道卽由道彙取丁結逕揭部科一次如有指出贓款准予查辦按實者賞之重典或可互相

林文忠公政書

乙集

使粵奏稿

九

鈐制至賦出於田理宜清丈頃畝以除寄莊飛灑之弊丁起於屯理宜稽核衛地以裕貼造贍運之資此亦本源之所應治而不能期諸旦夕似當從容以理之者也一議補偏救弊漕務已成積重若一時不能驟改亦須補救有方金應麟原奏所陳本已詳悉茲臣所議有於原奏中融會者有於原奏外推詳者在縣在幫各有六事一則核舊章以去太甚也查蘇松糧戶向分大小而收數

因有短長大戶愈占便宜則小戶愈受苛刻彼此相較有數十等之差於是小戶效尤亦詭寄於大戶而辦漕愈難矣今雖未能遽令畫一斷不可過於偏枯該管府州耳目切近應合確查所屬州縣歷年收兌舊章援以為準不及者曲在民太過者曲在官隨地隨時持平核辦至近年祠堂公產假託者多即義產息田亦竊善舉之名以遂短漕之計應令散歸各戶照眾徵完以杜影射有挾制者罪

林文忠公政書

乙集

使粵奏稿 卷八

十

之總以去其已甚為主一則治經造以除弊匿也查近歲完漕不但徵新且多帶舊其中分年分限各屆完數不同民間要見由單始可照數完納而闔縣糧戶多者數十萬少亦十數萬一切完帶之數瑣碎畸零官吏難以周知不得不假手於里甲莊差統名謂之經造而若輩居為奇貨不以實徵戶冊與官不以易知由單與民私折暗包以完作欠迨至兌漕緊急硬將短數交官而加貼之多早經

肥已遲悞把持莫此為甚應令州縣於開漕之先速將由單散給並將給單日期出示通諭各糧戶如五日內單未到手許控經造若單到手而不完納另差查催倘已由經造折收匿不稟官者一經發覺立辦重罪一則清訟米以杜抗延也查收漕之事固少持平而告訐之人總非善類無糧而上控則索規可知有糧而上控則躲避可知控案固須審明正供豈容藉抗應將上控之糧戶由赴訴衙

林文忠公政書

乙集

使粵奏稿 卷八

十一

門押令到倉交完本名下米石始行准理一則稽丁胥以憑懲蠹也查漕書記書倉差斗級以及管倉管廩家人皆不能不用若輩莠多良少非魚肉百姓即侵盜本官飛申灑米搬戶掛籌等弊難以枚舉甚且結尖丁而分肥於後手引訟棍而調處以屈開破案即逃浮蹤莫捉應先責令州縣將此等的實姓名年貫住址並其家屬親丁詳列冊內送該管府州覆查一有弊端立即提究如查造不實

捉挈不到惟該州縣是問至總運廳差亦須裁減並永禁坐倉以免勾結滋弊一則嚴截串以杜豫虧也州縣闖茸之員閒有漕前先截板串或挪解下忙錢糧或墊辦修倉鋪底其串或給書差或付錢鋪無非明虧暗損挖肉補瘡至臨漕而無所措手矣更有不肖之員暫時署事將值交卸起將善區美戶截串先徵此為營私悞公之尤必須重辦一則消漕尾以實庫貯也江蘇漕額之大有一縣而可抵湖南北一省者漕船催開緊急斷不能守待闔縣疲戶一律全完故州縣墊漕萬不能已所謂漕尾是也惟其恃有現存未徵之串得交後任接徵而後任又以新屆錢漕為亟未遑兼顧一輾轉閒舊串流交久之幾成廢紙應責令州縣按年分月帶徵二成徵不足者著賠則雖往復乘除總無五年以外之漕尾而庫款庶免虛懸至有一種取巧州縣將短縮太甚之大戶故意不徵留作漕尾移

林文忠公政書

乙集

使粵奏稿
卷八

三

交者察出特參與大戶一同懲辦庶可示儆此在縣之六事也其在幫者亦有六事一則復冬兌以符償限也查漕船例應冬兌冬開嗣因節節為難不能悉符舊制近年疊奉諭旨統限四月初十以前全數償至清江渡黃北上定須凜遵

欽限不得刻逾但冬間若不多兌春間必不能早開而旗丁慣以米色為詞停兌議費且其意欲令米石在縣倉發熱過後始行上船故兌愈

林文忠公政書

乙集

使粵奏稿
卷八

三

疲而費愈重漕亦愈遲嗣後冬間須儘縣中所收之米全行兌幫不得任丁刁措庶來春祇須找兌差可速漕矣一則按兌米以給津貼也幫費即不能遽裁而頻歲疊加何以為繼惟當欽遵嘉慶二十二年九月所奉

諭旨統以米石多寡按水次舊章酌給津貼作為一定限制如再格外需索即當治罪而給付之法總惟兌一石之米給一石之費如兌多給少不依州縣給多兌少不依旗丁有逐日兌單

為憑自足以昭公允至於未兌以前責在州縣既兌以後責在旗丁歷奉

諭旨嚴明定須敬謹遵守若兌竣之後勒措通關及空船先開隨後趕米皆旗丁誤漕大弊必須重治其罪一則別虛船以昭核實也查加一免雇及輪減存次之船並不受兌出運而仍給與行月苦蓋已屬格外從優豈得復爭津貼應查照從前奏案此項虛船不准混索幫費致全幫延緩開行如違即當嚴辦一則實

林文忠公政書

乙集

使粵奏稿 卷八

十四

行月以防正虧也查旗丁行月米糧皆計口授食之需升合不容短少乃近聞縣幫串合折乾每船有折米數十石及百餘石不等獨不思沿途食米不足致虧正糧誰執其咎嗣後水次如有此弊縣幫一體治罪一則懲水手以節身工也糧船水手有額雇在船者有遊幫短絳者總之皆克徯之徒或師傅盤踞老堂或頭船勒薦夥黨偶遇風水阻滯即藉端勒加身工甚至毆丁折艙大為幫累近年

疊經嚴辦略見斂戢嗣後如有勒加身工之水手即於所在地方儘法懲創不稍姑息母使旗丁被累方免悞公一則定輪開以齊跨兌也蘇松等屬向有調幫章程原使酌劑均平而船數米數不能恰合故一縣之米有兼兌數幫者一幫之船又有跨兌數縣者與其按縣全開不如按幫為便應飭糧道排定期每縣先輪一幫開行週而復始其跨兌者合輪數縣逐齊一幫以免參差似亦可以速漕利運此在幫之六事也

林文忠公政書

乙集

使粵奏稿 卷八

十五

一議補救外之補救查原奏片稱兌費斷不能減南糧恐不能來有謂宜於糧船大修時將船改小以一分二即免剝費開費有謂宜於淮上建廢貯米即令小船運京有謂宜合蘇松常鎮杭嘉湖等府逐年試辦海運仍將兌費提存藩庫此三者皆不得已而求變通之法也 臣查中途建倉以利轉盤與古之洛口倉相仿本係成法但核計一廢貯米約五六

百石大者亦止千石以南漕四百萬石計之
每歲貯一千石即須廢座四千就令減半轉
運二千廢亦不可少經費殊覺浩繁且淮上
逼近河湖亦恐難以擇地若糧船以一分二
過關既覺輕靈遇淺又免盤剝誠利運卹丁
之善策然查南漕起運之船約有四千隻其
中本已區分大小江廣之船最大浙次之蘇
又次之綠江廣重運直下長江小船難禁風
浪若江浙之船改小而江廣不改則閘河磨
淺起剝仍費周章且即江浙之船所載正漕
照例只四百石此外則爲加載負重而又有
例准攜帶土宜自不能強小船以受大船之
載若因改船而船數驟加一倍是欲去累而
累轉增矣且大修較之折造例限尙隔三年
領項亦少三分之一當大修而令其折造丁
必藉口抗延尙有未屆大修者尤不能一律
勒改是一幫之船有大有小既難稽核而剝
費亦所省無幾是以臣未敢輕議更張也竊

林文忠公政書

乙集

使粵奏稿

卷八

去

謂三者之中惟海運曾經辦過尙有成案可
循若按候放洋得乘南風北駛春夏二季中
一船必可兩運加以涉險爲慮則沙船往來
關東每歲以數千計水線風信皆所精熟祇
令裝載六七分已合鬆船之數則風暴無虞
也如慮米石出洋易滋影射查南北洋面沙
船鳥船各有所宜本難越駛倘恐萑苻竊發
自應護以舟師且每歲沙船所運關東豆石
雜種不知凡幾奚獨於載米而疑之海運若
行或以官運或以商運或運正供額漕或運
採買米石尙當細酌情形另行從長計議惟
原奏有將兌費提存藩庫以實庫項之議查
道光六年辦理海運雇募沙船每石給價七
錢若兌費另提則雇資安出且既明提兌費
又奚能禁止浮收如謂輪年提費補虧正恐
一年提存難補節年虧缺若提者自提虧者
自虧於事仍恐無濟大抵海運尙屬可行而
所以行之者不同設或規費漸增亦與河運

林文忠公政書

乙集

使粵奏稿

卷八

七

奚擇惟現在河運甚形棘手未卜日後如何而海道直捷易通亦不敢不豫留地步如蒙飭令議行容臣到兩江之任再與江蘇撫臣及司道等詳細籌商會同具

奏請

旨定奪理合聲明

一議本源中之本源臣愚竊維

國家建都在北轉粟自南京倉一石之儲常糜數

石之費奉行既久轉輸固自不窮而經

林文忠公政書

乙集 使粵奏稿 卷八

十八

國遠餉務為萬年至計竊願更有進也恭查雍正

三年

命怡賢親王總理畿輔水利營田不數年墾成六千餘

頃厥後功雖未竟而當時效有明徵至今論

者慨想遺踪稱道勿絕蓋近畿水田之利自

宋臣何承矩元臣托克托郭守敬虞集明臣

徐貞明邱濬袁黃汪應蛟左光斗董應舉輩

歷歷議行皆有成績

國朝諸臣章疏文牒指陳直隸墾田利益者如李

光地陸隴其朱軾徐越湯世昌胡寶瑯柴潮生藍鼎元皆詳乎其言之以臣所見南方地

畝狹於北方而一畝之田中熟之歲收穀約

有五石則為米二石五斗矣蘇松等屬正耗

漕糧年約一百五十萬石果使原墾之六千

餘頃修而不廢其數即足以當之又嘗統計

南漕四百萬石之米如有二萬頃田即數所

出倘恐歲功不齊再得一倍之田亦必無虞

短絀而直隸天津河間永平遵化四府州句

林文忠公政書

乙集 使粵奏稿 卷八

十九

作水田之地聞頗有餘或居窪下而淪為沮

洳或納海河而延為葦蕩若行溝洫之法似

皆可作上腴臣考宋臣郝亶郝喬之議謂治

水先治田自是確論直隸地方若俟眾水全

治而後營田則無成田之日前於道光三年

舉而復輟職是之故如仿雍正年間成法先

於官蕩試行興工之初自須酌給工本若墾

有功效則花息年增一年譬如成田千頃即

得米二十餘萬石或先酌改南漕十萬石折

徵銀兩解京而疲幫九運之船便可停追十
隻此後年收北米若干概令覈其一半之數
折徵南漕以爲歸還原墾工本及續墾佃力
之費行之十年而蘇松常鎮太杭嘉湖八府
州之漕皆得取給於畿輔如能多多益善則
南漕折徵歲可數百萬兩而糧船既不須起
運凡漕務中例給銀米所省當亦稱是且河
工經費因此更可大爲撙節上以裕

國下以便民皆成效之可卜者至漕船由漸而減

林文忠公政書

乙集 使粵奏稿 卷八

三

不慮驟散水手之難而漕弊不禁自除絕無

調劑旗丁之苦

朝廷萬年至計似在於此可否

飭下廷臣及直隸總督籌議酌辦之處伏候

聖裁

會奏遵

旨宣布暎夷罪狀並設法驅逐該國船隻出口摺

奏爲暎夷於禁斷貿易之後旋又具稟乞恩經 臣

等嚴行批駁堅與之絕現復欽遵

諭旨列其罪狀宣布各夷並設法驅逐該國船隻出

口恭摺

奏祈

聖鑒事竊 臣 等於十一月二十九日承准軍機大臣

字寄奉

林文忠公政書

乙集 使粵奏稿 卷八

三

上諭林則徐等奏轟擊夷船情形一摺覽奏均悉暎

咭喇國夷人自議禁煙之後反覆無常前次膽敢

先放火礮旋經剴諭僞作恭順仍勾結兵船潛圖

報復彼時雖加懲創未卽絕其貿易已不足以示

威此次吐噠夷船復敢首先開放大礮又於官涌

地方占據巢穴接仗六次我兵連獲勝仗並將尖

沙嘴夷船全數逐出外洋該夷心懷叵測已可概

見即使此次出具甘結亦難保無反覆情事若屢

次抗拒仍准通商殊屬不成事體至區區稅銀何

足計論我朝撫綏外夷恩澤極厚該夷等不知感戴反肆鴟張是彼曲我直中外咸知自外生成尙何足惜著林則徐等酌量情形即將噴咭喇國貿易停止所有該國船隻盡行驅逐出口不必取具甘結其毆斃華民兇犯亦不值令其交出噴咭喇一船無庸查明下落並著出示曉諭各國列其罪狀宣布各夷俾知噴夷自絕天朝與爾各國無與爾各國照常恭順仍准通商倘敢包庇噴英潛帶入口一經查出從重治罪其沿海各隘口並距夷埠

林文忠公政書

乙集 使粵奏稿 卷八

三

不遠之各海島均著林則徐等相度機宜密派員弁兵丁嚴加防護毋稍疎懈等因欽此 臣等跪讀之下仰見我

皇上乾綱獨斷震疊諸蕃

訓示嚴明俾有遵率下忱感慄莫可名言當即恭錄諭旨咨會提 關天培欽遵辦理伏查噴夷自呈繳煙土以後種種違玩反覆無常總因賣煙奸夷冀留後路若使稍為寬假適足墮其詭謀是以商同定議欽遵前奉

諭旨自十一月初一日起停止該國貿易業於十一月初九日具

奏在案嗣於十一日該夷義律遣人前赴沙角礮臺向提 呈遞夷稟一件由提 咨送前來 等公同折閱內稱實心欲求承平無不肅敬天朝律例又稱茲時所求惟欲仍作正經貿易凡事欽遵

大清律例等語雖欲明其奉法究係一片空言 等度其此次具稟懇求仍不過如八月間偽作輪

林文忠公政書

乙集 使粵奏稿 卷八

三

誠伎倆當以現今

奏明封港不與爾國交易皆由爾之自取並非天朝無故絕人爾不悔悟於前此時懇求已晚等語嚴切批示仍咨會提 飭令提標中軍遣令引水傳諭去後復思噴夷貨物久貯在船易於壞爛今聞停止貿易竊恐影射圖銷而各國東商利其運腳抽分難保不無私行夾帶又經嚴諭洋商傳知各國夷人不准代為轉運進口並責成洋商將進口貨物詳細辨認如敢扶同含混

卽行加重治罪迄今二十餘日該夷巡船貨船
停泊長沙灣等處外洋雖風浪靡常仍遷延未
去此封港一月以來之實在情形也茲復祇奉
訓言當卽欽遵出示曉諭臚其罪狀宣布各夷俾知
聖明用惠用威惟其自取旣以絕奸夷之望亦以安
良賈之心至於該國貨船停泊外洋本未進口
茲聞

天威震怒自當警懼回帆惟奸夷之夾私者固仍冀
售私卽良夷之載貨者亦未肯棄貨裹衷觀望

林文忠公政書 乙集 使粵奏稿 卷八 三

勢所必然諒非空言所能論遣 臣等再三計議
惟有嚴查影射以絕其銷貨之心廣緝奸徒以
斷其售私之路先之以文告繼之以兵威使其
計無復之必將窮而思返若敢始終留戀卽何
惜搗穴焚巢惟外洋遼闊異常仍不得不審度
機宜加以慎重此又 臣等悉心籌議之梗概也
抑 臣等更有請者當粵東准通貿易之時載煙
夷船尙且游奕各洋分投圖賣茲粵港旣經禁
止該夷無可希圖而其售私牟利之心未必卽

能盡泯竊恐改裝舢板由黑水夷洋越赴各路
潛圖銷售除粵省東西兩路業經飭行沿海鎮
協營寨併力巡查州縣文員嚴防口岸以杜偷
運外其沿海各省以福建爲最近浙江江蘇次
之應請

敕下各直省督撫一體嚴行防堵以絕去路所有喚
夷貿易業已封港並遵

旨籌議緣由謹會同廣東巡撫 臣怡良廣東水師提

督 臣關天培合詞恭摺具

林文忠公政書 乙集 使粵奏稿 卷八 三

奏伏乞

皇上聖鑒訓示謹

奏

燒燬匪船以斷接濟摺

奏為暎夷被逐出口之後仍在外洋寄棧逗留

將攏近夷船各匪船痛加燒燬拏獲接濟漢奸

嚴審懲辦使奸夷無所希冀以免觀望售私恭

摺奏祈

聖鑒事竊臣等前奉

諭旨斷絕暎咭喇貿易將該國船隻盡行驅逐出口

當經欽遵辦理并列其罪狀宣布各夷復嚴禁

他國夷商不許私代暎夷帶運貨物即他國貨

林文忠公政書 乙集 兩廣奏稿

船出入盤查搜驗亦皆加倍從嚴業經節次

奏蒙

聖鑒在案查暎夷貨船自驅出外洋之後節據引水

人等查報陸續起旋揚帆駛出老萬山外夷洋

者約有十餘隻而觀望留連不肯捨去者尙復

不少並有新從彼國來粵已過老萬山始知封

港因不准進口祇在外洋徘徊寄泊者臣等既

將該夷乞恩之稟嚴行批駁堅與之絕復合齋

給批稟之通事引水等嚴切傳諭以此次封港

係欽奉

大皇帝特頒

諭旨因該夷抗違法度不許在粵通商斷難希圖影

射若不作速回帆設遇風火不測皆爾等自作

之孽雖悔何追惟該夷貪狡性成帶私者固思

乘間覓售即載貨者亦豈甘心棄地而義律虛

僑素著未曾受此折磨今斷其貿易布其罪狀

伊既全無顏面勢必別蓄詭謀於是海上傳聞

謠言不一有謂暎夷會集各埠兵船同來滋擾

林文忠公政書

乙集 兩廣奏稿

者有謂來船一二隻滿載礮火將逗留之貨船

盡扮兵船者有謂該夷去秋求准通商已將新

烟載回夷埠今貿易既斷轉無顧忌奸夷載去

別貨仍將鴉片換來設計誘人玩法者臣等竊

思前兩說本係惻惻固不足信而自去年責令

繳烟以後各處海口早已戒備不虞況此時既

絕其通商豈可不防其叵測無論該夷有無兵

船續至即現在之吐噍嘩論兩船未去度其頑

抗之意妄誇礮利船堅各夷舫特為護符謂可

阻我師之驅逐臣等若令師船整隊而出遠赴外洋併力嚴驅非不足以操勝算第洪濤巨浪風信靡常即使將夷船盡數擊沈亦只尋常之事而師船既經遠涉不能頃刻收回設有一二疎虞轉爲不值仍不如以守爲戰以逸待勞之百無一失也惟後一說以爲貿易既斷轉無顧忌傳聞貨去烟來如果蓄此奸謀倍當防其流毒蓋粵洋漁船蛋艇之多幾不可以數計其人貪利亡命無不遠赴外洋而奸夷加意招徠暗

林文忠公政書

乙集

兩廣奏稿

三

以倍徙之利卽一蔬一薪亦皆厚給其值並以鴉片與之兌換使之兩獲其利愈重則命愈輕故夷船寄棹雖遙而冒險犯法以趨之者聞已漸相環集此又斷其貿易之後更出一種私弊不可不亟亟剷除者臣等再四思維惟有以奸治奸以毒攻毒卽與提臣關天培密商取平時所裝大小火船卽雇漁蛋各戶教以如何駕駛如何點放每船領以一二兵弁餘皆雇用此等民人以爲水勇先赴各洋澳分投埋伏候至

夜深各船俱已熟睡察看風潮皆順卽令一齊放出乘勢火攻將此等環附夷船各匪船隨燒隨擊許以燒得一船卽給一船之賞如能延燒夷船倍加重賞此臣籌畫之辦法也茲接關天培函稱正月二十七日丑刻原任遊擊馬辰帶水勇四十名由東涌上下濠前進加都司銜之守備盧大鉞帶水勇頭目盧麟等由屯門前進以都司用之守備黃琮由后海青山前進把總楊雄超帶水勇四十名與千總王應鳳外委朱鎮邦余興邦黃文祥區鎮江各由長沙灣前進將近夷船寄棹之處出其不意一齊發火復將噴筒火礮乘風拋擲燒去屠牛換土之大海船一隻買運烟土之艚船一隻大買辦艇一隻大扒艇一隻蝦笏辦艇三隻雜貨料仔艇一隻賣果子餛餅之扁艇十五隻又將夷船高頭三板前後延燒該夷駕駛逃開撲救漸熄未經沈沒又燒燬海中沙灘所搭篷寮六處所有通夷各奸民除在船燒斃及鼻水脫逃淹斃不計其數

林文忠公政書

乙集

兩廣奏稿

四

外生擒身穿夷袴脚穿夷鞵之匪犯黃添福及
接濟匪犯陳水生喬亞先林亞長鍾亞受劉亞
五袁亞二巫亞二梁得勝林亞得共十名派委
備弁管解來省審辦等情臣等查此次燒燬運
土及濟夷匪船大小共二十三隻蓬寮六處除
燒斃淹斃各犯外生擒十名不惟足懾漢奸之
心亦可以寒暎夷之膽現將解到各犯嚴審重
辦以示儆戒出力之弁兵水勇由臣等分別超
拔獎賞以昭激勸並飭時加查探如夷船尙未

林文忠公政書

乙集 兩廣奏稿 卷一

五

遠颺匪船旋又趨附仍當相度潮信風勢再予
會合焚燒緣奸民貪利忘生懲創不得不重而
奸夷誘人玩法拒絕亦不得不嚴至別國出入
夷船均遵禁令出具不敢夾帶鴉片並添具不
敢暗代暎夷運貨切結臣等仍多派妥幹員弁
於各口加倍嚴查總期杜弊清源以仰副

聖主訓諭誥誥之至意所有現辦情形臣等會同水
師提督臣關天培粵海關監督臣豫堃合詞恭
摺具

奏伏乞

皇上聖鑒訓示謹

奏

林文忠公政書

乙集 兩廣奏稿 卷一

六

密陳駕馭澳夷情形片 附夷信

再澳門寄居西洋夷人歷三百年之久貨物自行收稅蓋屋轉賃他夷喚咭喇人早已垂涎其地自嘉慶十三年間喚夷突占澳門礮臺旋經天朝官兵驅逐從此西夷始有戒心而澳中夷眾良莠不齊難保不被喚夷勾通煽誘必使該夷官明於大義上感

天朝恩澤下顧夷眾身家始可固藩籬而資捍衛上年喚夷義律於繳清鴉片以後即有在澳門裝

林文忠公政書 乙集 兩廣奏稿 卷一 七

貨之請經 臣 林則徐嚴切批駁不許開端伊之詭計不行因而多方違抗七月間將澳內五十七家喚眾全行驅逐出澳散住各船而該夷每以三板駛近澳門潛行窺探是其處心積慮未嘗一日忘也嗣經不准通商尤恐其鋌而走險故於澳門水陸加倍嚴防既經前督 臣 鄧廷楨奏請將新升南澳鎮總兵惠昌耀留香山協之任復與 臣 等奏請將高廉道易中孚駐澳彈壓均蒙

聖慈俞允其水陸官兵陸續調派分布澳內澳外要隘者各數百名計已足資策應惟澳地三面皆臨外海喚夷貨船自經逐出之後仍恃有吐噏

嘩喻兩兵船為之護符不免乘閒遊奕本年正月初間義律與夷人數名乘坐該夷兵船至九洲停泊義律等潛放三板私行入澳 臣 等接稟即飭嚴拏旋據該道易中孚等以西洋夷日稟稱澳內華夷雜處若兵役圍拏恐致擾動懇請稍緩自必驅逐等語 臣 等諭令限以日期驅逐

林文忠公政書 乙集 兩廣奏稿 卷一 八

淨盡若過期尚有喚夷在澳則西洋貿易亦即暫停蓋馭夷不外操縱二端而操縱只在貿易一事夷性靡常不得不以此為把握自責令西夷驅逐喚夷之後義律已即出澳而尚有喚夷啞喱啞哩二名逾期未去 臣 等當將西夷貿易示諭暫停一俟喚夷全逐出澳仍即照常通市緣西洋夷人在澳內者有天朝聲威可恃而其出洋之船一至夷界則畏喚夷之強顧後瞻前勢所難免 臣 等責其容留喚夷

停其澳中貿易則西夷有詞可謝而暎夷遂無地可容迨其逐去而貿易復開仍無損西夷生計但係駕馭權宜之術不敢明宣惟有據實密陳仰乞

聖明垂鑒至現准軍機大臣字寄欽奉

諭旨據曾望顏奏稱請封關禁海又另片奏澳夷互市定以限制著悉心妥議具奏等因欽此容臣等

與水陸兩提臣暨粵海關監督備細熟商總期

計出萬全始敢籌覈定議另行會摺覆

林文忠公政書

乙集 兩廣奏稿 卷一

九

奏再現值防夷喫緊之際必須時常探訪夷情知

其虛實始可以定控制之方茲臣等訪獲暎夷

與西洋往來書信六封密令諳曉夷字之人譯

出漢文另錄清摺恭呈

御覽謹

奏

謹將訪獲暎夷義律吐嚙與澳門西洋兵頭近

日往來密信六封譯出漢文鈔錄清摺恭呈

御覽

暎咭喇領事義律寄澳門西洋兵頭信

義律寄信與西洋兵頭敦阿特厘阿加西阿打

西爾威拉賓多現在暎咭喇在中國貿易首領

事為

欽差及省中官府強霸之事我今以暎咭喇國家之

名懇請求准將暎人存下貨物運至澳門囤貯

棧房依澳門章程納稅今我所求之事並非立

意欲破中國人所定之章程將暎國貨物在澳

門出賣與中國人不過立意欲將暎國之貨物

林文忠公政書

乙集 兩廣奏稿 卷一

十

放於平安之地步使各空船可以開身我今不

必多言惟望爾貴人施仁厚之德與暎咭喇之

人我甚感激不淺至我時常思想欲將澳門變

為長久大利益之處我等思想之事時候已至

欲將貨物交澳門代理發賣其權係在爾貴人

手上以我想來此事亦並未破中國人所立之

章程今我求爾貴人熟思此事

一千八百四十年正月初一日在澳門洋面寓

拉疑兵船上首領事義律印此外夷本年正月

初一日乃是內

地上年十一月二十七日理合聲明

西洋兵頭回信

西洋兵頭回覆管理暎咭喇在中國貿易首領事貴人義律之前明鑒澳門兵頭等接得正月初一付來之信欲將暎咭喇船上之貨物搬到澳門不過欲將各貨放於平安地步使各空船可以回國觀此信中之事我見得自己不能有如此大權回答此件大緊要之事兼以須依管理澳門地方之法律我亦無如此大權可能定

林文忠公政書

乙集

兩廣奏稿卷一

十二

奪此事故我即將首領事之信知會此處之西澤底大家商議我等心中雖欲應承惟因中國官府禁止我等不准與首領事有來往我等雖欲將就首領事惟因例禁不能如我等所願故不得已推辭首領事所請現在我等并不為所失不能在澳做中國與外國貿易之利益而憂愁乃為不能遵首領事請帶貨物到澳囤積之事而憂愁現在我亦不必多寫書信解明因何不依首領事所請帶貨到澳門囤貯之事蓋首

領事曾在澳門居住數年諒已知道在澳西洋

人與中國官府之交情尙望忠厚之暎咭喇國

王保護澳門以免我等受從來所未受過之艱

難危險今我等已定奪不能如首領事所請故

特寫此回信與首領事求首領事明鑒體察

一千八百四十年正月十六日在澳門敦阿特

厘阿加西阿爾威拉賓多印此外夷本年正月十六日乃是內

地上年十二月十二日理合聲明

暎咭喇吏官吐嚙致西洋兵頭信

林文忠公政書

乙集

兩廣奏稿卷一

十三

窩拉疑兵船船主吐嚙寄信與西洋兵頭敦阿特厘阿加西阿打西爾威拉賓多我現在實不隱瞞爾貴人因為中國官府出如此要重之告示黏在澳門牆上其中言語暎咭喇住澳之人讀之盡皆驚惶爾貴人亦知道保護暎咭喇人之性命乃係我之專責目下之事乃關於我之重任欲遣一隻兵船進至澳門港口不獨為保護在澳居住之暎咭喇人亦可以守著澳門以為有事時退步之計而兵船進澳門並無打仗

之意我正願爾貴人不必理我等與中國之事
如此我亦十分恭敬爾貴人

一千八百四十年二月初四日在澳門洋面窩
拉疑兵船上吐噠印此外夷二月初四日乃是內地正月初二日理合

聲明
西洋兵頭回信

接爾貴人來信云要遣兵船一隻進澳門港口
之事似是與我等國中對敵蓋兵船進口乃歷
來禁止之事即爾貴人之國家亦未必令爾攻

林文忠公政書 乙集 兩廣奏稿 卷一

三

敵我等之道理當水師官特魯里時亦併未有
帶兵船進澳門港口之事今爾貴人之非我特
講明如果欲遣兵船到澳門港口乃是不公義
之事現在爾貴人所行之事與爾貴人去年所
見甚是不同爾貴人若如此言行相違我必將
爾貴人之事聲明與暎國及我等國家知道矣
伏望上天保護於爾貴人

一千八百四十年二月初四日在澳門敦阿特
厘阿加西阿打西爾威拉賓多印此

吐噠又寄西洋兵頭信

我今對爾說知爾於本日付來之信我已經收
到今復有信與爾貴人現在暎咭喇人要西
洋旗下居住爾肯保 暖否抑或爾竟任暎咭喇
各人如前六箇月被人苦磨不肯保護耶如果
實是不能保護暎咭喇人須要暎咭喇人離去
澳門爾貴人據實說明我亦立將兵船撤去離
此處澳門港口并即將爾所說之話知會我本
國之人

林文忠公政書 乙集 兩廣奏稿 卷一

四

一千八百四十年二月初四日在窩拉疑兵船
上吐噠印此

西洋兵頭回信

本日内附來問我之信緣我乃係我等國王命
來代理此處事情之人我今明回答與爾此處
地方與我等國王所管之別處地方不同管別
處地方可以給別國人居住若此處給別國人
居住此處地方之居民即不得安靜又受驚嚇
之事斷斷不能難道現在暎咭喇人到船居住

豈卽有各樣擾害乎豈必須到此處居住以爲
保護乎前時啖咭喇人在澳門居住我亦曾一
體保護此乃實在事情人所共知管理在中國
之啖咭喇貿易首領事曾讚揚於我卽爾自己
亦曾稱揚於我惟現在此處之事情已比從前
不同中國一封禁伙食所有各樣貿易事務皆
已敗壞矣爾亦知道我等國家與中國相交之
章程律例除卻破壞船隻到來修理之外從未
有何等船隻進至澳門港口我今以我等國家

林文忠公政書

乙集

兩廣奏稿
卷一

五

之名請爾出令吩咐海阿新兵船離去此處港
口俾我可盡心保護我國家之人民在此地方
得以平安啖咭喇人不要想我留他們在此處
居住我亦必守與中國人所定之章程定不肯
違背之只是中國與啖國兩邊之事我皆不理
如在爾之第一封信內所說一樣在爾不過係
爲爾自己所受之重任故行如此冒失之事以
違犯我等之法律在此等行爲豈得謂之好道
理此封信乃我在議事亭與西拏底等會議時

所寫在爾只是指出啖咭喇人不在澳門居住
之難處並不思及西洋五千入爲啖咭喇人朋
友之情亦受重累自首領事回到此處之後所
有之貿易皆要停止所有之稅餉爲西洋兵丁
之費以爲保啖咭喇人平日之平安爾亦當思
念及之爾若不念我對爾說之事我卽將近來
九箇月內所有之事宣布與通天下知道求各
國依公義判斷我又對爾說知爾所行之事不
獨犯我國法律乃亦有犯於啖咭喇國家之法

林文忠公政書

乙集

兩廣奏稿
卷一

六

律伏望上天保佑于爾
一千八百四十年二月初四日在議事亭內敦
阿特厘阿加西阿打西爾威拉賓多印此

覆奏曾望顏條陳封關禁海事宜摺

奏為遵

旨悉心籌議恭摺覆

奏仰祈

聖鑒事竊臣等承准軍機大臣字寄道光十九年十

二月十一日奉

上諭本日據曾望顏奏夷情反覆請封關禁海設法

勦辦以清弊源一摺又另片奏澳夷互市貨物亦

請定以限制等語著林則徐怡良關天培郭

林文忠公政書

乙集

兩廣奏稿

七

并傳諭豫堃知之欽此臣林則徐臣怡良謹將鈔

發原摺細加閱看並傳知臣豫堃一體領閱因

關各國夷人事務祇宜慎密商辦未便遽事宣

揚復經函約臣關天培臣郭臣於查閱營伍

之便過省面商茲已詢謀僉同謹將察看籌議

情形為我

皇上敬陳之查原奏以制夷要策首在封關無論何

國夷船概不准其互市而禁絕茶葉大黃有以

制伏其命封關之後海禁宜嚴應飭舟師將海

盜剿捕盡絕又禁大小民船概不准其出海復

募善泅之人使駕火船乘風縱放而以舟師繼

之能擒夷船即將貨物全數給賞該夷未有不

畏懼求我者察其果能誠心悔罪再行奏懇

天恩准其互市仍將大黃茶葉母許逾額多運以為

筭制之法所論甚切所籌亦甚周臣等查粵東

二百年來准合諸夷互市原係

推恩外服普示懷柔並非內地賴其食用之資更非

關權利其抽分之稅况自上冬斷絕暎夷貿易

林文忠公政書

乙集

兩廣奏稿

六

以來屢奉

諭旨區區稅銀何足計論大哉

謨訓中外同欽臣等有所秉承更可遵循辦理絕無

所用其瞻顧即將各外國在粵貿易一律停止

亦並不難惟是細察情形有尚須從長計議者

竊以封關禁海之策一以絕諸夷之生計一以

杜鴉片之來源雖若確有把握然專斷一國貿

易與概斷各國貿易揆理度勢迥不相同蓋鴉

片出產之地皆在暎咭喇國所轄地方從前例

禁寬時原不止暎夷販烟來粵卽別國夷船亦多以此爲利而自上年繳清躉船烟土以後業經奏奉

恩旨概免治罪卽未便追究前非此後別國貨船莫不遵具切結層層查驗並無夾帶鴉片乃准進口開艙惟暎咕喇貨船聚泊尖沙嘴不遵法度是以將其驅逐不准通商今若忽立新章將現未犯法之各國夷船與暎咕喇一同拒絕是抗違者擯之恭順者亦擯之未免不分良莠事出

林文忠公政書

乙集

兩廣奏稿

九

無名設諸夷稟問何辜 臣等卽礙難批示且查暎咕喇在外國最稱強悍諸夷中惟暎咕喇及佛蘭西尚足與之抗衡然亦忌且憚之其他若荷蘭大小呂宋暎國暎國單鷹雙鷹暎啞等國到粵貿易者多仰暎夷鼻息自暎夷貿易斷後他國頗皆欣欣向榮蓋逐利者喜彼繼而此贏懷忿者謂此榮而彼辱此中控馭之法似可以夷治夷使其相閒相睽以彼此之離心各輪枕而內向若概與之絕則缺望之後轉易聯成

一氣句結圖私左傳有云彼則懼而協以謀我故難間也我

天朝之馭諸夷固非其比要亦罰不及衆仍宜示以大公且封關云者爲斷鴉片也若鴉片果因封關而斷亦何憚而不爲惟是大海茫茫四通八達鴉片斷與不斷轉不在乎關之封與不封卽如上冬以來已不准暎夷貿易而 臣等今春查訪外洋信息知其將貨物載回夷埠轉將烟土換至粵洋並聞奸夷口出狂言謂關以內法度

林文忠公政書

乙集

兩廣奏稿

三

雖嚴關以外汪洋無際通商則受管束而不能違禁不通商則不受管束而正好賣烟此種貪狡之心實堪令人髮指是以 臣等近日更不得不於各海口倍加嚴拏有一日而船烟並獲數起者可見暎夷貨去烟來之言轉非虛捏不然以外洋風浪之惡而暎夷仍不肯盡行開去果何所圖若如原奏所云大小民船概不准其出海則又不能緣廣東民人以海面爲生者尤倍於陸地故有漁七耕三之說又有三山六海之

謠若一概不准其出洋其勢即不可以終日至捕魚者只許在附近海內此說雖亦近情然既許出洋則風信靡常遠近幾難自定又孰能於洋面而阻之即使責令水師查禁而晝伏則夜動東掣則西逃亦莫可如何之事 臣林則徐上年刊立章程責令口岸澳甲編列船號責以五船互保又令於風帆兩面及船身兩旁悉用大字書寫姓名以及里居牌保惟船數至於無算至今尚未編完繼又通行沿海縣營如有夷船

林文忠公政書

乙集

兩廣奏稿 卷一

三

竄至該轄無論內洋外洋均將附近各船暫禁出口必俟夷船遠遁始許口內開船其平時出入漁舟逐一驗查只許帶一日之糧不得多攜食物若銀兩洋錢尤不許隨帶出口庶可少除接濟購買之弊至大黃茶葉二物固屬外夷要需惟 臣等歷查向來大黃出口多者不過一千擔緣每人所用無幾隨身皆可收存且尚非必不可無之物不值為之厲禁惟茶葉歷年所銷自三十餘萬擔至五十餘萬擔不等現在議立

林文忠公政書

乙集

兩廣奏稿 卷一

三

公所酌中定制不許各夷逾額多運即為箝制之方然第一要義尤在沿海各口查拏偷漏若中路封關操之過蹙而東西各路得以偷販出洋則正稅徒虧而漏卮依然莫塞是以制馭之道惟貴平允不偏始不至轉生他弊若謂他國買回之後難保不轉賣暎夷此即內地行銷互售尚難家至日見而況其在域外乎要知暎夷平日廣收厚積本有長袖善舞之名其分賣他夷以牟餘利乃該夷之慣技今斷絕貿易之後即使從他夷轉售一二亦已忍垢蒙恥多喫暗虧譬如大賈殷商一旦僅開子店寄人籬下已覺難堪惟操縱有方備防無懈則原奏所謂該夷當畏懼而求我者將於是乎在矣至於備火船練鄉勇募善泅之人等事則 臣等自上年至今皆經籌商辦理惟待相機而動即各山淡水上年本已派弁守之始則夷船以布帆兜接雨水幾於不能救渴繼而覓諸山麓隨處汲取不窮則已守不勝守似毋庸議總之馭夷宜剛柔

互用不必視之太重亦未便視之太輕與其涇
渭不分轉致無所忌憚曷若薰猶有別俾皆就
我範圍而且用諸國以併拒諸夷則有如踏鹿
若因暎夷而並絕諸國則不啻驅魚此際機宜
不敢不慎况所杜絕者惟在鴉片即原奏亦云
凡有夾帶鴉片夷船無論何國不准通商則不
帶鴉片者仍皆准予通商亦已明甚彼各國夷
人原難保其始終不帶若果查出夾帶應即治
以新例不但絕其經商如其無之自不在峻拒

林文忠公政書

乙集

兩廣奏稿
卷一

三

之列也又另片請將澳門西洋貿易定以限制
查上年^臣林則徐先已會同前督^臣鄧廷楨暨
^臣豫堃節次商議及之嗣經核定章程論令澳
門同知轉飭西洋夷目遵照即如茶葉一項每
歲連箱准給五十萬斤仍以三年通融併計以
示酌中之道其他分條列款該夷均已遵行本
年正月澳內容留暎夷即暫停西洋貿易迨其
將暎夷驅出仍即准令開關亦與原奏請議章
程不謀而合至所請責令澳夷代暎夷保結一

節現既不准暎夷貿易自可毋庸置議^臣等彼
此商酌意見相同謹合詞恭摺覆

奏伏乞

皇上聖鑒訓示再此摺係^臣林則徐王稿內有密陳
夷情之處謹請毋庸發鈔合併聲明謹
奏

林文忠公政書

乙集

兩廣奏稿
卷一

三

尖沙嘴官涌添建礮臺摺

奏為籌議添建礮臺兩座以資控制而重海防恭摺

奏祈

聖鑒事竊照廣東水師大鵬營所轄洋面延袤四百餘里為夷船經由寄泊之區其尖沙嘴一帶東北背負岡陵西則有急水門雞踏門東則有鯉魚門佛堂門而大嶼巨島又即在其西南四面環山藏風聚氣波恬浪靜水勢寬深曠夷船隻

林文忠公政書

乙集

兩廣奏稿

一

久欲倚為巢穴而就粵省海道而論則凡東赴惠潮北往閩浙之船均不能不由該處經過萬一中途梗阻則為患匪輕上年因暎咭喇築鰲不馴抗違禁令經_臣等與前督_臣鄧廷楨調集官兵在尖沙嘴迤北之官涌等處山梁扎營安礮分為五路痛加勦擊該夷兵船二隻貨船數十隻始皆連夜遁去但恐兵撤之後仍復聯檣聚泊勢若負嵎必須扼要設防方足以資控制隨飭候補知府余保純署大鵬營參將賴恩爵

新安縣知縣梁星源會同周歷履勘旋據該員等稟稱尖沙嘴山麓有石腳一段其形方長直對夷船向來聚泊之所又官涌偏南一山前有石排一段天生磐固正對夷船南洋來路若兩處各建礮臺一座聲勢既相聯絡而控制亦極得宜等語當經飭令將兩臺高寬丈尺及開築地乎並建造牆垛礮洞弁署兵房神廟望樓藥局馬路一切工料價值覈實確估據該員等呈送圖說清摺_臣等逐一核算並委員詳細稽查

林文忠公政書

乙集

兩廣奏稿

二

凡有可以撙節之處復經酌量核減計尖沙嘴礮臺估需工料銀一萬七千九百五十一兩零官涌礮臺估需工料銀一萬四千四十六兩零實係省之又省必不能少竊思此項工程係屬防夷要務斷不可緩第國家經費有常仍不敢請動帑項_臣等當與藩臬運司公同籌畫查有前山營生息一項係由洋商捐銀發交當商生息前於嘉慶十四年奏明作為添設前山營兵餉之用

按年覈實支銷已歷三十餘年之久因而存有積併盈餘截至道光十九年五月底報部冊開實存銀五萬三千八百餘兩除大鵬營現議更改營制所需添造快船建立衙署及製備新兵器械另摺請在此款動支外核其成數尙足以敷動撥前項礮臺工料之需合無仰懇聖恩俯念礮臺工費爲防夷所需而捐款息銀與庫項有聞

准於商捐前山營生息一項銀兩動支兩座礮臺經費並請循照舊章將動用銀兩總數於冊內開除造報免造工料細冊報銷感荷

鴻慈倍無既極至此項工程因夷務喫緊之際先已購料興工趕緊建築務於夏令南風盛發以前一律全完以資防制計兩臺應安大礮五十餘門亦已於腹地各營酌其緩急情形先行運撥濟用一面籌資購補期於普律森嚴以仰副聖主綏靖海疆之至意所有籌議添建礮臺緣由據藩臬運司會詳前來等謹會同廣東水師提

林文忠公政書 乙集 兩廣奏稿 三

督臣 關天培合詞恭摺具

奏伏乞

皇上聖鑒訓示謹

奏

林文忠公政書 乙集 兩廣奏稿

四

請改大鵬營營制摺

奏為察看廣東水師情形大鵬營現居緊要籌議
改設副將並添撥移改官兵船隻等項以資守
禦而重海防恭摺

奏祈

聖鑒事竊照廣東虎門海口為中路扼要之區於嘉
慶十五年設立水師提督駐劄其地西則香山
東則大鵬形成兩翼查香山協向駐副將管轄
兩營額設弁兵一千七百零九員名兵力較厚

林文忠公政書 乙集 兩廣奏稿

五

大鵬原止一營額設參將一員管轄洋面四百
餘里其中有孤懸之大嶼山廣袤一百六十餘
里是以道光十年已將大鵬分為兩營而所設
弁兵只九百九十八員名較之香山營制已有
軒輊且所轄尖沙嘴洋面近年更為夷船聚泊
之區該處山高水深風浪恬靜夷船倚為負隅
之固上年調集官兵痛加勦擊始行全數退出
恐兵撤之後仍復聯檣而來估為巢穴當又相
度形勢在於尖沙嘴及官涌兩處添建礮臺二

座現在工程將竣已於另摺縷析

奏報在案 臣等復查尖沙嘴官備兩處既經建設
礮臺必須調兵防守但大鵬左營額設參將一
員守備一員千總二員把總三員外委五員額
外外委二員步守兵四百九十七名右營額設
守備一員千總一員把總三員外委五員額外
外委二員步守兵四百七十五名除分班出洋
外尚不足以敷巡守據該營縣會議請添經 臣
等與水師提督 臣關天培再四籌商應將大鵬

林文忠公政書 乙集 兩廣奏稿

六

改營為協撥駐副將大員統帶督率與香山協
聲勢相埒控制方為得力但官兵俸餉歲需支
應

國家經費有常未敢遽議增添惟有就通省各營
設法抽撥并於水師各缺酌量改抵以歸簡易
飭據司道核議會詳併咨准陸路提督 臣郭

核覆前來 臣等查外海水師副將共有四缺
內除香山協應與大鵬分張兩翼毋庸更議外
其龍門一協地處邊陲與越南夷地緊連崖州

一協係烟瘴之區且外臨大海內控黎人均爲邊疆要地未便改抵惟澄海一協雖與閩省接壤而上接南澳下連潮州有水陸兩鎮爲鄰尙屬易資聲援應將澄海協副將改爲大鵬協副將移駐大鵬所轄扼要之九龍山地方居中調度其澄海協之都司改爲大鵬協副將中軍都司兼管左營事務駐劄大鵬所城並於大鵬左營添設把總二員外委二員額外二員步戰守兵連新添外委額外名糧共二百九十一名大

林文忠公政書

乙集 兩廣奏稿 卷二

七

鵬右營添設千總一員把總一員外委二員額外二員步戰守兵連新添外委額外名糧共二百零九名以把總一員兵七十五名專防右營官涌礮臺以把總一員駐防九龍礮臺將原駐九龍礮臺之千總一員移防左營尖沙嘴砲臺併帶新設額外外委一員兵丁一百三十名又以外委一員兵丁十五名防守前經裁撤今應設回與尖沙嘴對峙之左營紅香爐汛又大鵬額設大小米艇六隻撈繒船三隻分撥配巡不

敷派遣應添大中米艇四隻左右營各半以千總一員把總一員外委二員兵丁二百零四名配駕又添快船二隻以額外二員兵丁五十六名配駕其餘外委一員額外一員兵丁十二名隨防九龍聽候副將差遣所添員弁船隻先儘水師各營移撥應請在陽江鎮右營抽撥千總一員海門營抽撥把總一員外委一員龍門協左營抽撥外委一員龍門協右營抽撥外委一員陽江鎮右營抽撥大米艇一隻海安營抽撥

林文忠公政書

乙集 兩廣奏稿 卷二

八

大米艇一隻龍門協左營抽撥中米艇一隻海門營抽撥中米艇一隻又在龍門協右營抽撥撈繒船一隻歸入海安營配緝所需配船弁兵舵工口糧隨船移撥支給至議抽兵丁五百名水陸勻撥水師應抽兵丁二百五十名現在外海內河防堵巡緝在在需人若概於額設步守兵內抽撥未免顧此失彼應在水師提鎮協營酌量抽撥步兵三十七名守兵九十四名酌裁馬兵改補步兵一十名連撥外委本身步糧三

名共得步兵五十名守兵九十四名尙需添補步兵二十五名守兵八十一名在水師各營馬糧較多營分將馬糧三十三名改爲守兵步糧較多營分將步糧一百六十四名改爲守兵均各歸還原營兵額同馬兵所改步兵一十名遞年節存馬步糧料等項銀兩撥補增添步守兵丁一百零六名歲需經費之用此外仍需把總二員外委一員步兵連外委本身名糧七十五名守兵一百七十五名應於督標五營及永靖

林文忠公政書

乙集 兩廣奏稿 卷二

九

營酌抽把總二員陸路提標五營酌抽外委一員其原食馬糧一分勿庸隨撥併於陸路各營勻撥步兵七十五名守兵一百七十五名其兵二百五十名均歸大鵬入額其外委仍食本身步糧並在大鵬步兵數內添設額外外委四員仍支本身名糧以資差遣至澄海地方應將澄海協改爲澄海營卽將大鵬參將移駐作爲澄海營參將澄海原有守備二員分爲左右二營左營守備駐劄蓬州所城右營守備駐劄樟林

所城均未便移改將大鵬左營守備改爲澄海左營中軍守備駐劄縣城經管兩營錢糧其澄海左營守備改爲左營左軍分防守備仍駐蓬州右營仍循其舊以資防守所有現改大鵬協副將都司及澄海營參將左營中軍守備左營左軍分防守備俱照舊定爲外海水師題補之缺其水陸各營抽撥兵丁所需糧餉公費紅白等項以及一切軍裝器械俱由各營撥出隨帶毋須另添澄海協改駐參將守備有原設副將

林文忠公政書

乙集 兩廣奏稿 卷二

十

都司衙署可以棲息辦公大鵬所城改設都司亦有守備原署可任其防守礮臺弁兵卽任礮臺均毋須另建衙署惟大鵬添設大快船二隻各營無可抽撥應另行製造計每隻需用裝造工料銀四百三十二兩二船共銀八百六十四兩歲需弁兵口糧燂洗以及修費等項約需銀一千四百餘兩又九龍地方改駐副將紅香爐添設汛防應建衙署兵房以及大鵬新兵應製號衣器械等項所需經費均須預籌查有前山

營生息一項從前係由洋商捐出本銀十萬兩
發交當商生息以作添設前山營兵餉之用除
每年支用外截至道光十九年五月底止實存
銀五萬三千八百餘兩除另摺

奏請動支添建尖沙嘴官涌兩礮臺工料共銀三
萬一千九百餘兩外所有此次添造快船及建
造衙署製給新兵號衣器械等項用費均請於
此項息銀內動支毋庸請動

帑項如此改調添設因地制宜似於海疆控制大

林文忠公政書

乙集 兩廣奏稿

十一

有裨益如蒙

前允所有添造快船應建衙署兵房製給新添步守
兵丁軍械等項 臣等即飭令地方文武會同確
估辦理其改設副將等官應行鑄換關防並一
切營制抽撥細數及未盡事宜統容另行咨部
核辦再前山營生息本銀係由洋商捐出與正
雜錢糧不同每年止將收支實存數目報部查
核今請動支此項息銀以作添造快船衙署製
給軍械經費應俟動用後將支用總數於冊內

開除造報懇免備造工料細冊報銷合併陳明
臣等謹會同廣東水師提督 臣關天培陸路提
督 臣郭 合詞恭摺具

奏伏乞

皇上聖鑒訓示謹

奏

林文忠公政書

乙集 兩廣奏稿

十一

將烟犯財產充賞片

再粵東鴉片之多本什百於他省自上年查辦至今除收繳夷蕙二萬餘箱外其起獲內地民人與販囤藏者亦不下五十餘萬兩皆經陸續燬化期於盡滌前污察看各屬府縣城廂凡在耳目昭著之地大都漸就肅清而鄉曲郵莊山重水複往往恃其僻遠藏垢納污舊時既不少窩存聞擊又轉相寄頓或深房密室守以婦女而莫能窺或祠廟山林埋以坑窖而無由識甚

林文忠公政書

乙集 兩廣奏稿 卷二

三

至裝為棺柩假作墳塋詭秘萬端出人意表間有訪聞破獲者全藉眼線密為伺察於其藏匿處所探知真確乃得搜起原贓若眼線不真搜查無獲則奸民有所藉口轉恐釀成事端故從前烟禁鬆時患在得規包庇迨禁嚴而情偽疊出又患在託名慎重瞻顧畏難蓋趨避者眾人之常情而因循者官場之積習以為擊獲不多不過責以疏懈若辦理不善即恐坐以愆尤而日僱線先須給資獲案又須重賞賞不重則作

線之人不來即來者亦必不確其能為精確之眼線必與烟犯素相親密之人所以不避怨嫌引官指擊者無非圖利耳激於義憤固無其人挾仇邀功亦不多見惟利重則眾人爭趨雖親密者亦不相顧此粵東風氣一時難以轉移而不得不乘機以導之者也官子以利即為官用否則走私護私皆其慣技未有不轉為私用者矣為私用則私愈不得破而官愈不得知故官必須不惜重貲而後能用此輩然近日州縣無

林文忠公政書

乙集 兩廣奏稿 卷二

四

論其未必樂於捐資即欲捐而無可捐之資亦安得而責之若營汛武弁則潔己者已難其人更何從語以出資僱線之事雖臣等於報獲案犯疊經捐銀給賞而究不足為常外此則籌款勸捐事皆窒礙倘因無資購線以致若輩轉助販私則長惡滋奸所關匪細查上年軍機大臣議准浙江撫臣烏奏立禁烟章程內稱嗣後守口兵弁能將商漁船隻所帶成箱烟土擊獲者將船及貨一半賞給

首獲之人餘貨分賞同查之人又海船偷帶烟土無論舟人行戶能將藏匿處所指明首告即將船貨給予舉發之人等語是海船夾帶鴉片首報之人即時得邀重賞而內地之窩販似亦可以例推且新例窩口烟館與販之本犯與知情緝雇之業主船戶其房屋船隻皆應一律入官是破案之後產業已爲官物然若必俟由官召變始以價銀充賞則延緩需時竊恐有名無實仍不足以示勸蓋州縣承領估變例應會同

林文忠公政書

乙集兩廣奏稿

五

委員勘造估册上下衙門層層駁估總須報部核定方能作準往往累月經年十不變一而空房封鎖已爲鄉鄰作踐匪可潛蹤又安得有人承受有司憚於賠累甘受遲延處分故歷來入官未變之產案牘纍纍皆其明驗也竊思信賞必罰法既不可枉膏亦不可屯與其候變無期何若即時充賞且如米穀出洋被獲本有船貨給賞之條而卡隘緝拏私鹽亦有車畜並賞之例今鴉片之害較之私運米鹽奚啻霄壤則報

獲之賞似亦不可獨虛應請嗣後拏獲販賣鴉片之案於審明定讞後除烟土烟膏烟具悉數繳官燬化外所有該犯船貨產業概准分別給賞無論在洋在岸一體照行倘有栽烟誣賴希圖冒賞亦必確審實情遵照新例不分首從按法嚴辦庶查拏首報之人有所圖而不相隱庇亦有憚而不敢誣妄而囤販爲奸之輩藏烟雖密破案不難於杜絕根株似有裨益如蒙

林文忠公政書

乙集兩廣奏稿

六

俞允所有粵省已獲各案等件均卽飭屬遵辦並請免其造册咨部以省案牘是否有當謹合詞附片具

奏伏乞

聖鑒訓示謹

奏

焚剿夷船擒獲漢奸摺

奏為欽遵

批諭嚴密防範漢夷並經設法焚剿夷船辦艇擒獲

接濟漢奸謹將辦理情形恭摺

奏祈

聖鑒事竊臣等前次附片具

奏漢夷逗留外洋常懼火船猝往焚燒並傳聞該

國有大號兵船將至加意嚴防各緣由欽奉

硃批無論虛實總當不事張皇嚴密防範以逸待勞

林文忠公政書

乙集 兩廣奏稿 卷二

七

主客之勢自判彼何能為也勉之欽此仰見我

皇上運籌決勝洞燭夷情臣等跪誦服膺莫名欽感

伏查漢夷近日來船所配兵械較多實仍載運

鴉片探係該國嗚喇等處夷埠聞知內地辦

烟嚴緊銷路日稀而夷埠新舊烟土存積纍纍

不肯輕棄是以減跌價值用三桅大船滿載而

來而奸夷遂藉以揚言恫喝冀可准其貿易之

求迫見臣等拒之益堅不為所動其到粵之吐

噬嗑論啾啾噫兵船三隻並現在續到之路吧

吐兵船一隻亦祇在外洋往來游奕此東彼西

總無定處日則暗放三板分運烟土引誘奸民

零星賤賣夜則拋錨寄碇並招集辦艇環護支

更瞭望以防我兵火攻此外別無動靜誠如

聖諭實無能為惟思峻拒漢夷原為斷絕鴉片乃奸

夷仍私在外洋售賣即奸民必販至內地行銷

積弊何日能清前功尤虞盡棄且該夷詭計百

出竟不憚虧本以誘愚民查近日公班大土一

箇僅賣洋銀五六圓較之前年秋冬價減十分

林文忠公政書

乙集 兩廣奏稿 卷二

六

之七並訊據先後獲到烟犯供稱有以鴉鴨十

隻換得公班土一箇者並有買過一二次即可

向夷人賒烟者在彼總欲愚弄沿海之漢奸以

阻撓當官之禁令實屬可惡已極臣等於前次

燒燬接濟匪船二十三隻之後仍嚴飭水陸文

武力拏通夷匪犯並設法懲創奸夷因其防備

甚周末易乘機下手先於四月間接據新安縣

知縣梁星源稟報會同營弁在小濠海邊續燒

辦艇四隻逢察五間又獲夷船上厨工梁亞次

等六名除與所獲潛買烟土各犯並案審辦外
一面函商水師提臣關天培以夷船最畏焚燒
仍惟以所畏者設法制之隨經關天培委合副
將李賢都司馬辰守備黃琮盧大鉞林大光選
帶能事把總潘永泰楊雄超廖鎮邦關東及外
委盧麟等密授機宜相度形勢分帶兵勇四百
餘名暗伏島澳並多雇素諳夷語線民假裝濟
夷辦艇作爲內應仍於各隘口分派弁兵防堵
五月初九日乘夜半月落時候各隊火船移近
磨刀外洋夷船聚泊處所占任上風出其不意
火船闖進夾燒各線民亦於假辦艇內同時縱
火有吧哩夷船上身穿白衣映夷持械跳出經
外委盧麟揮合水勇方亞早等奮力殺斃四人
其餘夷眾連船全行燒燬各將備督率把總潘
永泰楊雄超等乘夷船亂奔之際將火箭火礮
礮筒等物紛紛拋擲又將載有烟箱之夷船燒
燬一隻另有夷船一隻桅帆著火乘槳駕逃經
夷眾將火撲救先後延燒大小辦艇十一隻又

林文忠公政書

乙集

兩廣奏稿
卷二

九

燒燬近岸篷寮九座其衝突竄逃各夷船彼此
撞碰叫喊不絕夷人帶傷跳水燒斃溺斃及被
烟毒迷斃者不計其數我兵並無被害惟於殺
斃吧哩船上夷人時有水勇二名被夷劍斫傷
手膀尚不甚重該將備等於火發後分投截擊
逸艇適有呂船一隻慌忙奔竄當將人船並獲
其船內有烟盆烟槍及各種烟具一併起出又
有棄艇逃赴蓬寮及由蓬寮復逃之犯亦俱拏
獲計先後獲犯姜亞連等十三名現在行提嚴
審辦理此次該映夷猝遭焚剿傷斃已多而嚙
嚼噎船上帶兵之夷官噴唾哈哩亦在該船病
斃並查悉夷兵吸水受毒患病者甚眾似此頻
經受創當亦共知
天朝重地非么魔異類所可玩法偷生如再抗不回
帆抑或別滋奸計臣等仍惟恪遵
批諭不事張皇明則以逸待勞倍森嚴而鎮靜暗則
相機而動期震聳其貪頑一切機謀密之又密
以仰副

林文忠公政書

乙集

兩廣奏稿
卷二

三

聖王訓誨誚諄之至意至暎夷未銷貨物恐其私行寄頓影射進口節經_臣等會同粵海關監督_臣豫堃逐一嚴查即他國貨船中稍有形蹟可疑者如咪喇嚙國之嘔吐一船吐嘍一船呂宋國之吻噸一船因查閱該國船牌貨單譯出漢文與現船所載貨物未盡符合立即逐出不准進口嗣後尤當時加釐剔務使各國夷人咸知法度嚴明不敢希圖朦混以肅海禁而絕詭謀所有現辦情形謹會同水師提督_臣關天培恭摺

林文忠公政書

乙集 兩廣奏稿 卷二

三

具

奏伏乞

皇上聖鑒謹

奏

查獲汛弁黎祥光等串詐客船片再粵東河道綿長時有匪蹤出沒不得不分遣兵役管駕巡船往來梭緝而查弊之人難保非即舞弊之人是以疊飭縣營嚴查舉發不准稍有徇庇茲據署清遠縣知縣黃炳然三水縣知縣浦國仁先後稟報有南海縣客民林裕利在韶州府城買得鐵釘一百五十餘擔領有關口稅單遣夥會顯揚雇船運赴佛山發賣本年三月初六日船至清遠縣石基河面被巡船搬搶鐵釘一百一十餘擔尙存三十餘擔初九日船至三水縣胥江河面復被該處弁兵搬搶均勒寫失水字據原領稅單被初處搶鐵船上丟棄河中經該事主林裕利之兄林裕勝呈報該二縣會營勘訊通稟並據各該管將領查明揭報將汛弁黎祥光歐國泰盧廷彪黃安邦同各汛兵何得剛等並請斥革解省審辦_臣當即提訊據該汛弁兵僉供因清遠營大燕汛一帶水溜河寬恐有販私偷漏會倩線民密加偵探本年

林文忠公政書

乙集 兩廣奏稿 卷二

三

三月初六日線民白亞彪報有客船運載私鐵經過該汛目兵何得剛稟明界排汛額外歐國泰轉告把總黎祥光帶同三四兩號巡船駕至石基河面趕赴客船聲稱緝私起出鐵釘搬入四號巡船其時客夥會顯揚祇以空言分辯初未說有稅單迨把總黎祥光趕到詢以若非私販有何為憑該客夥甫將稅單呈驗該把總始知誤向搜查而四號巡船已搬有鐵釘七十二簍先載回營該把總慮被控告當將稅單丟棄

林文忠公政書

乙集

兩廣奏稿

三

河中令寫失水字據希圖寢事該客船仍載餘鐵前行其大塘汛外委黃安邦亦因線人誤報帶同本汛及附近各汛兵丁駕船至三水縣胥江河面守候初九日見該客船經過指為走私搜得鐵釘三十二簍搬載回汛該客夥將原有稅單被大燕汛弁丟棄令寫失水緣由詳晰言明該弁兵亦恐告發令其照寫失水字據船聽開行各汛弁所起鐵釘均已賣銀分用此訊據大燕大塘等汛各弁兵所供客船經由清遠三

水兩縣石基胥江河面先後被搜鐵釘之大略情形也查該客船所載鐵釘既執有關口稅單自非私販大燕等汛弁兵即使先係誤搜追見稅單何以不即還贓轉向勒寫字據且大燕汛既經搜過未將人船截留大塘汛弁兵何得更疑其為走私將鐵釘全行搬載回營况鐵釘並未繳官竟各瓜分售賣明係假巡緝為由串同搶奪迨發覺提省復因事主客夥未到恃無質證隱匿真情即各該管守備亦難保無庇縱情

林文忠公政書

乙集

兩廣奏稿

三

事現將清遠右營守備伍志雄署三水營守備事干總余孔彭均先撤任調至省城備質員缺另委接署其犯事之把總黎祥光盧廷彪外委黃安邦額外歐國泰同各汛兵何得剛等一併褫職革糧發司飭傳事主客夥勒集未到犯證研審確情據實按擬照例分別
奏咨外 臣與撫 臣暨水陸提 臣仍嚴飭各文武於員弁兵役實力稽察防閑如有散法營私務即痛加懲創以安商旅而靖地方謹將查獲弁兵

串詐現在審辦緣由附片奏

聞伏乞

聖鑒謹

奏

林文忠公政

乙集

兩廣奏稿
卷二

三

追奪張石氏 誥封摺

奏為核辦控案查有再醮婦女冒受

封典應行追奪

誥軸以重名器恭摺

奏祈

聖鑒事竊照本年二月間有籍隸新會縣寄居南海縣之張石氏赴臣衙門遞呈以伊夫原任福建閩安協副將張保在日曾於嘉慶十五年間將銀二萬八千兩交付職員伍耀南生息置產有

林文忠公政書

乙集

兩廣奏稿
卷三

一

書信收單為據道光二年夫故四年該氏自閩回粵上年二月向討被吞控縣未結等情當查張保即係嘉慶年間投誠之洋盜張保仔曾任副將身故其生前果否將銀託人置產被吞自須查有確據方可著追即經批司飭縣錄案申送核辦並因張石氏呈內自稱命婦果否受有誥封亦須查明以防假冒去後茲據南海縣知縣劉師陸稟覆此案據張石氏與伍耀南在縣控訴訊無中證為憑所繳信單飭令伍耀南當堂寫

字核對筆蹟迥不相符該氏現年六十五歲先
嫁鄭一爲妻夫故之後改嫁與張保爲繼室道
光元年曾經請有

封典稟請核辦前來臣查張石氏自閩回粵十有六
年其夫張保在日果有交存伍耀南銀二萬八
千兩何肯任欠多年近始出控且既稱嘉慶十
五年交銀置產維時張保已在廣東省城入伍
何難將伍耀南代置各產之契收回執業而轉
任其侵收花息至三十年之久尤非情理况所

林文忠公政書

乙集

兩廣奏稿
卷三

二

執信單乃本案要據經該縣比對筆蹟絕不相
符又無中證爲憑明係捏造圖詐業已飭縣速
行究結勿任狡延至張石氏前夫鄭一乃從前
廣東洋盜之渠魁黨夥蔓延橫行海上倖逃顯
戮自伏冥誅張保卽張保仔本係蠶戶幼嗣鄭
一爲子並受安南國僞封鄭一斃後接管幫船
所聚大小匪艇數百隻盜夥數萬人劫掠商民
戕傷將士其罪逆更有甚於鄭一粵省濱海邨
莊受其荼毒之慘至今閩巷傳聞痛心切骨卽

嘉慶十五年間悔罪乞誠其中反覆情形亦非

一次均有舊案可稽當時在事諸臣舍剿言撫

亦係爲民蘇困事出權宜現在遞呈之張石氏

卽鄭一之妻改適張保以疊作萑苻之眷屬竟

濫邀翟弗之光榮是其名節俱虧實恐玷汗章

服查命婦夫亡再嫁按律尙應擬罪追奪所以

勵貞操而重名器也今張石氏係再嫁後請

封尤爲冒混現尙恃係命婦平空捏詐纏訟不休自

應奪其原請

林文忠公政書

乙集

兩廣奏稿
卷三

三

詰軸送部察收仍將該氏飭族約束稽查庶足以儆

奸邪而維風化臣謹會同廣東巡撫臣怡良恭

摺奏

聞伏乞

皇上聖鑒訓示再查張保之子張玉麟曾蔭千總現

年二十七歲並未投營亦有被控聚賭之案併

飭審明虛實另行覈辦合併陳明謹

奏

映夷續來兵船情形片

再映咭喇夷船逗留外洋臣等疊飭各將弁帶

領兵勇火船設法焚剿於五月初九日乘夜縱

火燒燬夷船三隻業經會摺奏

聞在案查該夷自貿易斷後每揚言兵船多隻即日

到粵臣等不為所動而仍密為之防除上年所

到之吐噍啤噏兩船與近時續到之啣嚙噎啞

吧吐兩船在外洋游奕情形先已查明具

奏外茲據澳門文武稟據引水探報五月二十二

林文忠公政書

乙集兩廣奏稿

四

日望見九洲外洋來有兵船二隻一係大船有

礮三層約七八十門其一較小有礮一層二十

三日陸續又來兵船七隻均不甚大礮位亦祇

一層又先後來有車輪船三隻以火焰激動機

軸駕駛較捷此項夷船前曾到過粵洋專為巡

風送信茲與各兵船或泊九洲或赴磨刀或赴

三角外洋東停西竄皆未敢駛近日門臣等查

中路要口以虎門為最次即澳門又次即尖沙

嘴一帶其餘外海內洋相通之處雖不可勝數

然多係淺水暗礁祇足以行內地之船該夷兵

船不能飛越所有虎門各礮臺先已添建增修

與海面所設兩層排鍊相為表裏猶恐各臺舊

安礮位未盡得力復設法密購西洋大銅礮及

他夷精製之生鐵大礮自五千斤至八九千斤

不等務使利於遠攻現在該處各礮臺計有大

礮三百餘位其在船在岸兵勇隨時分撥共有

三千餘名至澳門地方自

奏委高廉道易中孚與

林文忠公政書

乙集兩廣奏稿

五

奏留升任之香山協惠昌耀會同防範先後派駐

兵勇亦有一千三百餘名又尖沙嘴一帶新建

礮臺兩座業已趕辦完工並設法購辦大礮五

十六位分別安設其附近山梁駐兵共有八百

餘名此外各小口及內河水陸要隘亦皆添兵

多名協同防堵聲勢已皆聯絡佈置並不張皇

現在該夷兵船亦祇飄泊外洋別無動靜即使

此後漸圖窺伺而處處皆有準備不致疎虞此

時商旅居民極為安謐即他國在澳夷人亦皆

各自貿易安靜如常而臣等密察周防總不容
一刻稍懈且隨處偵拏接濟嚴斷漢奸務令盡
絕句通俾其坐困第恐在粵無可乘之隙該夷
船趁此南風盛發輒由深水外洋揚帆竄越臣
等現又飛咨閩浙江蘇山東直隸各省飭屬嚴
查海口協力籌防以冀仰紓

宸念謹合詞繕片附陳伏乞
聖鑒謹

奏

林文忠公政書

乙集

兩廣奏稿
卷三

六

暎夷兵船情形片附夷帖
再暎咭喇來粵兵船除上年所到之吐噠噶
兩船及本年續到之啣噶噶吧吐兩船先經
隨時

奏報嗣於五月二十二三等日又到大小兵船九
隻車輪船三隻遊奕外洋東停西竄臣等示以
鎮靜不事張皇而仍嚴密周防於水陸各要隘
加礮添兵處處準備並嚴拏接濟杜絕句通復
將籌辦情形於五月二十五日附片奏

林文忠公政書

乙集

兩廣奏稿
卷三

七

聞在案茲查近日該暎夷又先後到有大小兵船十
隻車輪船二隻仍止散泊外洋別無動靜並揚
言不先尋釁諒欲懈我軍心旋於海灘上插一
木牌寫有漢字說帖妄稱內地船隻不准出入
粵省門口俟英國通商再行無阻又稱魚船日
間出入不為攔截各邑鄉里商船可赴英國泊
船之處貿易等語查暎夷中有嗎哩噠能書漢
字上年一切夷稟皆出伊手此次說帖諒即該
夷人所寫揣其鬼蜮伎倆一則希圖挾制通商

一則招引奸徒與販與其所稱不先尋覺之言
又大相刺謬當經函囑提臣關天培如果該
夷膽敢攔阻行舟即當示以兵威不容滋擾又
查該夷說帖內有國主命伊前往中國海境據
實奏明之語而先來之陪吧吐一船及後到之
佈嘛嘛等船八隻車輪船三隻又據引水稟報
於五月底及六月初間先後駛出老萬山東向
揚帆而去瞭望無蹤飭據洋行總商伍紹榮等
轉呈味喇啞夷稟譯出漢字內稱聽說暎夷兵
林文忠公政書 乙集 兩廣奏稿 八
船係赴浙江江蘇又有人說往天津等情臣等
復查夷情詭譎凡事矯飾虛張固難憑準而現
值南風盛發外洋茫無界限亦無從遏止前行
如其駛至浙江舟山或江蘇上海等處該二省
已疊接粵省咨文自皆有備不致疏虞若其逕
達天津求通貿易諒必以為該國久受
大皇帝怙冒之恩不致遽遭屏斥此次斷其互市指
為臣等私自擅行倘所陳尚係恭順之詞可否
仰懇

天恩仍優以懷柔之禮
勅下直隸督臣查照嘉慶二十一年間暎國夷官囉
呷啊啞吐噠等自北遣回成案將其遞詞人由
內河逐站護送至粵藉可散其牙爪較易就我
範圍倘所遞之詞有涉臣等之處惟求
欽派大臣來粵查辦俾知
天朝法度一秉大公益生其敬畏之誠不敢再有藉
口事關控制外夷臣等管窺所及謹合詞附片
密陳並將該夷說帖另錄清摺恭呈
林文忠公政書 乙集 兩廣奏稿 九
御覽伏乞
聖鑒訓示再沿海間現俱照常靜謐合併聲明謹
奏

抄錄夷帖

謹將暎夷兵船所出漢字說帖鈔錄清摺恭呈

御覽

大英國特命水師將帥為通行曉諭事照得粵

東大憲林鄧等因玩視

聖諭相待英人必須秉公謹度輒將住省英國領事

商人等詭譎強逼捏詞誑騙表奏無忌故此大

英國主欽命官憲著伊前往中國海境俾得據

實奏明

林文忠公政書

乙集兩廣奏稿

十

御覽致使太平永承妥務正經貿易且大英國主恭

敬

皇帝懷柔內地安分良民嚴命本國軍士設使民人

不為抗拒即當凜行保全各人身家產業是則

該民無庸驚懼乃可帶同貨物接濟赴到英師

之營汛定要施惠保護給爾公道價錢也且大

憲林鄧捏詞假奏請奉

皇帝停止英國貿易之諭以致中外千萬良人吃虧

甚重緣此大英國將帥現奉國主諭旨欽遵為

此告示所有內地船隻不准出入粵東省城門

口兼嗣後所指示各口岸亦將不准出入也迨

俟英國通商再行無阻本將帥纔給符官印發

檄曉諭所應經商之港口不為攔截又沿海各

邑鄉里商船亦准往來可赴英國船隻停泊之

處貿易無防特示

林文忠公政書

乙集兩廣奏稿

十一

嚴辦烟案栽贓人犯片

再^臣等嚴拏鴉片尤必重辦栽贓緣差役眼線皆非正人在密查暗訪之時斷不能不用而假公濟私之弊實不可不防是以諄飭各屬凡帶差役線人查拏烟案必先將其人搜檢一過無夾帶者方許上前又獲到烟犯一名即令獲犯之人將如何查拏情形當堂詳細供指使烟犯聞知無可置喙然後再向該犯追究鴉片來歷以成信讞而杜侵欺第烟犯情節各不相同有不必栽贓者亦有不能栽贓者如平日本係著名窩口及積慣與販早為人所共知或聞拏先逃久而始獲則雖棄贓滅迹亦不能末滅其辜其或首夥先後到案供證僉同或查獲帳簿發單已有賣烟確據則亦不待起出鴉片始能定其罪名所謂不必栽贓者此也又如盈箱累篋攬入別貨之中地窖夾牆藏於密室之內一經破獲為數孔多非外人所得預埋即挾仇亦難誣陷則犯供雖或狡展而眾證即是確憑所謂

林文忠公政書

乙集

兩廣奏稿 卷三

三

不能栽贓者此也所最宜防者惟零星之小土與熬熟之烟膏價賤物微人心因而叵測每獲此種烟犯^臣等無不加倍留神如本年三月間有清遠縣人鄧亞帶假造烟膏裝貯一小錫盒預藏莫亞三柴船內商囑譚亞得張安等引同差役往拏圖詐當經訪獲訊認不諱又據番禺縣獲到羅定人李亞有糾同林亞土陳超等攜帶烟膏至番禺縣桑周氏家藉搜查鴉片為名搶得番銀及首飾衣服等件又據歸善縣營會

林文忠公政書

乙集

兩廣奏稿 卷三

三

獲兵丁何連升等將鄉民首繳之烟土二塊向王大受羅亞玉等栽害藉稱搜查搶取番銀四員八員不等又據新會縣訪獲從九品職銜周如齡即周超宇因素知同縣之張亞信有錢怕事商同族弟周導澄等攜帶烟槍一枝烟盒一箇指為張亞信之物將其擄捉圖詐銀三百兩未成經該縣訪獲周如齡質認屬實此外未經栽贓平空訛詐之何伯達等及甫造假土即被訪緝之周亞榮等亦經逐一拏獲隨時發審飭

屬按例嚴辦總期法無枉縱罪當情真庶足折服人心卽以湔除積習謹將歷辦情形合詞附片奏

聞伏祈

聖鑒謹

奏

林文忠公政書

乙集

兩廣奏稿
卷三

丙

暎夷兵船移泊校椅沙情形片

再暎夷兵船先後到粵內有數船復出老萬山

俱經臣等將來去情形隨時

奏報並該夷寫有漢字說帖妄稱欲阻內地行舟

及該國王遣令前往中國海境奏明等語又經

照錄夷帖恭呈

御覽在案茲查六月初十前後該暎夷兵船內有七

隻及車輪船二隻又陸續開出老萬山揚帆遠

去而日內據報復到有兵船三隻難保非卽前

林文忠公政書

乙集

兩廣奏稿
卷三

丁

開之船去而復至統計現在共有夷船十隻雖

仍散泊外洋而間有一二船乘潮駛至相距虎

門五十餘里之校椅沙一帶遇見內地出入之

鹽船商船卽潛遣三板攏近探詢官兵消息迨

內地各船駛近口門則又不敢追問蓋夷船所

恃專在外洋空曠之處其船尙可轉掉自如若

使竟進口內直是魚遊釜底立可就擒勦辦正

有把握而彼亦揣摩已久深悉情形不敢冒死

輕入每日東飄西泊莫定行蹤夜更遊奕不停

深恐我兵復用火船潛往燒燬揣其狡獪伎倆無非挾制通商勢不得不示以兵威難容久滯此時水陸各要隘悉已周防一切制勝機宜均與水師提臣關天培密為商定因現值南風盛發師船出口係向南行尙須加意慎重一得可乘之隙即當整隊放出外洋大張撻伐臣等相機籌辦總求計出萬全不許將備弁兵藉口遷延亦不敢任其孟浪至民間習見夷情虛矯仍俱靜謐如常堪以仰紓

林文忠公政書

乙集 兩廣奏稿 卷三

六

宸注所有近日夷務情形謹合詞繕片附陳伏乞

聖鑒謹

奏

議覆葉紹本條陳捕盜事宜摺

奏為遵

旨查議捕盜事宜謹就粵省情形力加整頓恭摺覆

奏仰祈 聖鑒事竊准部咨欽奉

上諭鴻臚寺少卿葉紹本奏捕盜事宜一摺著各直省督撫妥議具奏欽此臣等查原奏臚列四條如移會隣封協捕嚴懲牌保容留守望宜責同邇審案不累事主此皆申明定例自宜實力奉行

林文忠公政書

乙集 兩廣奏稿 卷三

七

况粵省盜賊視他省為尤熾是以例上另立專條以廣東內河劫案夥數四十人以上或行劫三次或脫逃二三年後就獲應斬決者均加梟示恭請

王命先行正法誠以海濱蠻野不得不加倍從嚴也

臣等竊見廣東弭盜之難別有數端而尋常之弊不與焉一則良盜難分也他省之民良自良而盜自盜廣東不然平時耕種之民遇有夤夜糾劫者但以發財去三字隨路招呼鮮不欣然

同往故一同爲盜之人彼此每不相識卽人數亦無可稽甚至田舍素封衣冠巨族亦皆樂於一試若惠潮地方則竟有以盜起家轉因黨與太多不能破案人不敢指官不得拏者並有通族皆盜通鄉皆盜一拏卽恐滋事不得不略審機宜設法誘獲者此盜風所以未易戢也一則互劫難防也他省之盜只圖得財廣東之盜並因仇起此邨往劫彼邨此縣往劫彼縣爲盜者並非貧苦竟以挾釁行強被盜者不卽呈官輒

林文忠公政書

乙集

兩廣奏稿
卷三

六

先糾人報復迨事過則彼此互控各匿真情並指局外爲主謀叛富家爲窩主案情變幻歧之又歧此盜情所以未易詰也一則原贓難起也盜案以贓爲憑贓真然後盜確故別省緝盜之法以查贓爲先廣東則盜賊移赴墟場無不立時賣盡及至輾轉售賣大都不識姓名是以歷辦盜案獲贓者少無獲者多部臣查核案情亦皆覆准此係歷久相沿辦法今若必令逐案起贓又恐差保藉端向當舖衣莊索詐而犯之狡

展案之懸宕將因是而愈紛此辦法之未易輕改也一則夥黨難究也訪聞粵東巨盜每先密結親信匪黨發誓拜盟如遇破案到官彼此各自熬刑不相供指卽獲正賊嚴訊往往供出同夥非富卽仇雖傳到審虛立時省釋其人業已受累而真夥未經供出聞風轉已遠颺地方官卽設法訪查驟難得手至各縣紳衿中多有攻匪保良之公約不知起自何時其始所保所攻未嘗不當迨久之而漸成袒庇難免黑白混淆

林文忠公政書

乙集

兩廣奏稿
卷三

九

臣等惟當諭令禁止以祛流弊此查緝之未易得實也一則花紅難繼也廣東積習官欲獲盜必須先出花紅從前原爲急公迨後竟成常例盜愈著名則花紅愈重若稍吝嗇卽無從購覓線人其有關於官員處分者家屬親隣愈以居爲奇貨卽臣等亦有欲禁而不能驟禁之勢况花紅而外解犯辦罪所費尙多地方官年遇數起盜案賠累多端恐開虧挪之漸此經費之未易措籌也以上各情形臣等惟有隨地隨時力

加整頓總必求臻實效不使徒托空言卽如保甲爲弭盜之源而奉行非循故事巡警爲詰奸之要而委用務在得人凡水路之巡船陸路之更練沿邨之望樓保寨均不許有名無實除本年春夏二季獲犯一千三百八十八名已於另摺核

奏外仍惟諄飭水陸文武各員勤益加勤密更求密永冀萑苻斂戢閭井安恬以仰副

聖主綏靖海疆除莠安良之至意所有遵

林文忠公政書

乙集 兩廣奏稿 卷三

二十

旨查議緣由據司道會詳前來謹合詞恭摺覆

奏伏乞

皇上聖鑒謹

奏

映逆兵船續籌勦堵摺

奏爲映逆在粵兵船雖未敢滋事而漸有擄船尋釁情形現又續添兵勇酌籌水陸勦堵以期早靖夷氛恭摺

奏祈

聖鑒事竊照映咭喇兵船陸續到粵去住靡常截至本年六月下旬尙存七隻業將往來船數並周密防堵情形隨時奏

聞在案該映夷自上年斷其貿易以來日播浮言或

林文忠公政書

乙集 兩廣奏稿 卷四

一

稱卽有多船踵至或稱攔截內地行舟無非挾制通商圖銷鴉片臣等恪遵疊奉

批諭不事張皇而各口防兵倍加嚴整彼見拒之甚力無隙可乘故來者旣隨到隨開卽在者亦旋停旋駛是先前猶未尋釁尙可使之自困不值海上交鋒今則已在浙洋妄肆鴟張罪大惡極自知上干

天朝震怒難望仍準通商在粵夷船遂亦漸形猖獗竟將海運鹽船先後擄去十四隻甚至槍斃民

船舵工盛全幅一名並傷水手杜亞發一名華民憤切同仇指引弁兵在洋挈獲白夷吐咄噸一名黑夷嘶喇及吃吐兩名解官究辦該夷又信託在澳西夷代求釋放並稱如不允準即欲進澳滋擾藉端恫喝情實難容雖現在暎夷兵船七隻內又向老萬山外駛去一船其火輪船去而復回者亦止一隻惟該國尚有載貨帶烟各船約二十餘隻同泊在洋其船亦有礮械難保不串謀生事亟應痛予勦除前經陸續調

林文忠公政書

乙集

兩廣奏稿
卷四

二

集各營大號米艇二十隻並雇募紅單船二十隻拖風船二十六隻於選配兵丁之外復募挑壯勇千餘名製配礮火器械遴委將備管帶先於內洋逐日督操以備戰攻之用又前後購備大船二十餘隻均交水師提臣關天培分派各將備隨帶應用臣林則徐擬於本月二十日帶印登舟赴離省八十里之獅子洋將所練各兵勇親加校閱如技藝均已精熟即擇日整隊令其全出大洋併力勦辦臣林則徐亦赴虎門駐

劄與提臣就近籌商隨時調度臣怡良現值文闈期近仍駐省城支應一切署廣州將軍臣奕副都統臣英先於五月間聞有暎夷兵船來粵即經預選滿營水陸精兵一千名咨會臣等隨時調遣當因省垣重地防守尤為緊要仍令按段稽察以備策應而壯聲威惟查師船在大洋接仗恃佔住上風仍須相度機宜於風潮順利之時始令進發不敢輕率債事亦不敢遷延失時如能迅獲勝仗擬即由驛奏

林文忠公政書

乙集

兩廣奏稿
卷四

三

聞仰紆聖廬至澳門地方久為暎夷所覬覦而西洋中奸良不一亦難保無暗與勾結之人即此次所獲暎夷與西夷本無干涉而乃代為稟求釋放並以進澳滋擾之言虛張挾制雖所獲暎夷無足輕重然此時若徇所請則損威示弱轉無以戢叵測之心臣等不得不嚴行批駁惟西夷既稱兵單力薄各有戒心自應振我軍威於代為保護之中即寓鈐制防維之道查澳門先調兵勇千

餘名在關關一帶巡防兵力尙未甚厚臣等現又添調督撫兩標官兵連前共合二千名派委督標參將波啟善署肇慶協副將多隆武署撫標守備程步韓等帶入澳內與升任香山協副將惠昌耀等會合防堵仍責成奏委駐澳之高廉道易中孚悉心籌策務協機宜不得稍涉優柔致貽後患並先曉諭西洋夷眾以澳門係

天朝疆土伊等累世受廬渥荷

林文忠公政書

乙集

兩廣奏稿 卷四

四

深恩豢養今恐暎夷進澳滋擾該西夷力不能敵是以特遣重兵來澳與爲保護不使他族得以占居如西洋中竟有味良之人潛與暎夷勾結卽須獻出懲治倘竟被其愚弄轉而阻撓官兵是大昧於順逆存亡之理必至玉石俱焚後悔何及且澳內一無出產日食所需悉資內地卽使暎夷占澳一經斷其接濟彼亦無以自存第不忍使西夷並受其害惟專心內向則外侮自不敢欺陵爲此明白開導諒西夷亦不至爲暎夷

所愚而澳門得此重兵當亦可期靜謐總使恩威並濟操縱咸宜以冀仰副

聖主綏靖華夷至意所有續籌勦堵情形臣等謹會

同署廣州將軍臣宗室公奕 副都統臣宗室

英 水師提督臣關天培陸路提督臣郭

合詞恭摺具

奏伏乞

皇上聖鑒謹

奏

林文忠公政書

乙集

兩廣奏稿 卷四

五

密探定海夷情片

再_臣等因粵洋現有暎船自必常通浙信是以屢經設法密探定海情形偶有覓得夷信譯出漢文知此次領兵攻定海城者名曰哱嘛嘛其統兵之夷目一人名曰咖哩噠係東印度水師提督所坐夷船最大名曰麥爾威厘有礮七十四門該船進定海港口時碰於大礁之上底穿一孔入水甚深幾於沈沒又有帶兵夷官職分頗大之呵喇喇被我師打死現在暎逆甚望

林文忠公政書

乙集

兩廣奏稿

六

定海居民回至該處與之同住而民人屢招不至所出章程亦無人肯信沿海漁船悉皆避去各夷船本係隨帶鴉片售作資糧今已火食無多轉瞬風色將轉均甚愁急等情是其伎倆之窮已可概見_臣等竊思粵省民人患其與夷相習而此時浙省之民轉欲其習於夷而後便於行事若如夷信所言火食無多又恐風色將轉是正有可乘之機與其交鏑於海洋未必卽有把握莫若誘擒於陸地逆夷更無能爲或將兵

勇扮作鄉民或將鄉民練爲壯勇陸續回至該處詐爲見招而返願與久居一經聚有多人約期動手殺之將如雞狗行見異種無遺惟機緘不可洩露現聞該逆中有咕吐啦一名僞爲定海縣官其人能爲華言更須防其詭計_臣等已具密函飛致浙江撫_臣烏 斟酌辦理第係遙揣情形未知當否謹再附片密陳伏祈

聖鑒謹

奏

林文忠公政書

乙集

兩廣奏稿

七

關閘地方礮石洋面疊將逆夷擊退摺
奏為粵省水陸官兵堵禦逆疊將逆船擊退傷
斃夷匪多名現仍遵

旨加緊嚴防恭摺

奏祈

聖鑒事竊照叻咭喇在粵兵船先俱散泊外洋未敢
生端尋覺迨聞逆黨滋擾浙洋之信遂亦漸見
鴟張業經 臣 等將續調官兵雇船募勇酌籌勦
堵情形於本年七月十九日會摺奏

林文忠公政書

乙集 兩廣奏稿 卷四

八

聞並陳明 臣 林則徐親赴離省八十里之獅子洋校
閱兵勇就近調度在案拜摺後 臣 林則徐即於
二十日至獅子洋泊舟將本年所派各備弁豫
練壯勇技藝逐一親加校閱如演放大小礮位
拋擲火毬火礮撤放火箭噴筒以及爬桅跳船
各技與水師官兵一體演試均尙可觀隨即順
赴虎門與水師提 臣 關天培熟商剿辦旋據防
守澳門文武各員稟報七月二十二日未刻叻
逆嘩喻喻等帶領該夷各兵船潛放三板十餘

隻與火輪船一隻乘東風長潮之際由九洲外
洋駛至近澳迤北之關閘一帶突然開礮該處
係前山營赴澳門經由旱路兩邊皆海中有天
然甬道一條因在蓮花峯腳下土人象形名之
為蓮花莖其適中之地豎一關門並設有關閘
汛把總一員稽查來往蓋以禁止住澳之西洋
夷人不使越此而北也惟是澳門有西夷所立
礮臺六座而關閘至前山一帶為華夷交涉處
所向無官建礮臺雖有把總酌帶汛兵巡防守

林文忠公政書

乙集 兩廣奏稿 卷四

九

望而地當空曠除兵房數間之外障蔽全無 臣
等先已慮及逆夷伺間擣虛恐必乘潮滋擾以
圖洩忿早經添派兵勇協防該汛並飭據高廉
道易中孚酌築土墩分置大小礮位是日在事
文武瞭見夷兵船突如其來即時開礮迎擊因
該逆火船相距較遠其三板易於轉動見岸上
礮口所向彼即閃避故甫經交鋒之頃夷船被
礮者無多迨閘內閘外官兵一齊趕到高廉道
易中孚率同署澳門同知蔣立昂香山縣丞湯

林文忠公政書

乙集

兩廣奏稿

十

聘三出南而北署肇慶協副將多隆武督標參將波啟善等由北而南署提標遊擊阮世貴等在中間往來接應升任香山協惠昌耀率領師船駛至青洲海面水陸夾擊將夷船前後桅柁打傷並擊沈三板數隻破斃逆夷落水者不計其數復有續至夷船趕來助勢經香山水師兵丁羅名贊曾有良麥朝彪三人連轟數礮立斃夷兵目一人及夷兵十餘名夷船且戰且逃至戌刻俱向九洲大洋竄去該洋潮勢最急不能

林文忠公政書

乙集

兩廣奏稿

十

徐當又添調南韶連鎮總兵馬殿甲帶兵七百名三江協副將陳連升帶兵三百名擇要分駐以壯聲勢計沿海陸路先後調防兵勇已及八千名布置俱甚聯絡又據水師探報逆夷兵船俱由九洲仍竄迤東之磨刀洋面間有駛至伶仃洋之北及礮石赤灣等處游奕臣林則徐當與提臣關天培在沙角海口鼓勵各船兵勇整隊出洋探蹤迎擊茲據稟報八月初五日卯刻在冷水角瞭見火輪船一隻駛至龍鼓面即令快艇及原雇拖風各船先往追躡各放礮火擊其船腰該火輪船即刻逃去隨探得龍穴西南有夷兵船一隻其東首又有夷兵船四隻三板五隻我師追至申刻候選都司馬辰與護提標右營游擊王鵬年同坐一船首先擡近礮噐之船奮勇接仗督令把總李亮記委毛旭升連開三千斤銅礮二門將其前面頭鼻打壞其船上拉繩之人紛紛喊嚷滾跌落海該船先猶開礮回拒彈如星飛有礮子嵌入師船頭桅量深五

寸迨被我師攻敗傷斃多人夷眾手忙腳亂僅放空礮或係船上礮子用盡亦未可知是時有他船趕護前來又經師船開礮轟擊斷其繩纜不能駛進惟於我師回擊他船之際際噤船即乘隙隨潮南竄時已昏黑不及窮追當將各船收回於亥刻仍抵沙角查點弁兵受微傷者僅止數名即被礮各船間有損壞亦皆易於修整次日據漁船撈獲夷帽五頂夷鞋二隻及夷船上打落油纜三節長二丈餘帆槓一根長九尺

林文忠公政書

乙集 兩廣奏稿 卷四

三

餘又轉軸二箇係夷船起旋推舵所用均經繳到師船請賞併據稱初五日晚見有夷屍數十具隨潮漂去又據引水探報夷人撈獲屍具在磨刀山根瘞埋內有伙長一名礮手三名夷兵十一名併據新安縣稟同前情 臣等查此次曠逆疊受創懲應知震懾惟其犬羊成性鬼蜮居心難保不別肆奸謀另圖報復又聞夷埠尙有兵船續至益當加意防閑且 臣等前奏查知夷船越竄江浙緣由茲承准軍機大臣字寄欽奉

上諭著林則徐等嚴密周防於水陸各要處處準備併嚴拏漢奸毋使句通接濟該督等仍當示以鎮靜不事張皇是為至要等因欽此謹即恭錄咨會 提 臣 欽遵辦理查現在澳門虎門俱有重兵駐劄附近之香山新安等縣亦已撥械添兵慎固封守其四面當海之南澳達濠碣州瓊州等以及孤懸島嶼瀕海郵莊均飭處處準備併將出入之漁蟹各艇慎密稽查嚴杜句通接濟仍與在事文武恪遵

林文忠公政書

乙集 兩廣奏稿 卷四

三

訓諭務示鎮靜不許稍事張皇各市廛安謐如常足以仰紓

宸念所有連次勦堵逆夷情形謹會同水師提督 臣

關天培陸路提督 臣 郭 合詞恭摺具

奏伏乞

皇上聖鑒再 臣 怡良因鄉試屆期入闈監臨 臣 林則

徐即由虎門回省合併陳明謹

奏

議覆團練水勇情形摺

奏為遵

旨查議團練水勇情形恭摺覆

奏仰祈

聖鑒事竊准部咨道光二十年七月初二日奉

上諭給事中沈鏞奏請飭沿海各省團練水勇一摺

著沿海各將軍督撫等酌量地方情形妥議具奏

欽此並鈔錄原摺前來臣等查粵東漁人蟹戶以

及濱海居民多以採捕為生不畏風濤之險土

林文忠公政書

乙集

兩廣奏稿

丙

人所稱為水鬼者隨在有之如新安縣之大澳

香山縣之淇澳陸豐縣之高螺饒平縣之井洲

向有善泅之人傳聞能於海底晝行夜伏並能

於船底鑿漏沈舟上年粵省驅逐鴉片躉船臣

林則徐與臣怡良暨調任督臣鄧廷楨密商即

擬資以為用迨經雇募多名逐加演試亦僅能

於內洋淺港往來鳧泛求其深泅數丈潛伏多

時者實乏其人始知向所傳聞乃係言過其實

茲臣阿精阿到任後留心諮訪並據副都統臣

宗室奕 告知前署將軍時亦曾於操練旗營

水兵之便會同副都統臣宗室英 試過水勇

技藝所見遠不及所聞然當防夷喫緊之時恐

此輩被其句作漢奸或為盤運鴉片利之所在

不免爭趨仍惟收而用之在官多一水勇即在

洋少一匪徒與給事中沈鏞現在所陳似已不

謀而合又因粵省沿海口岸有三千六百餘里

之遙額設水師兵丁實不足以敷分派自上年

以來或由民間自行團練以保郵莊或由府縣

林文忠公政書

乙集

兩廣奏稿

五

雇覓壯丁以資捍衛即如中路一帶所雇練勇

用以協防礮臺隘口並配入拖風紅單等船者

已有一千五百餘名疊次隨同焚剿曠夷藉可

以壯軍威而助兵力惟是雇用此輩流弊亦多

權宜雖在暫時而駕馭必須得法蓋其來從烏

合非比有制之師而又獷悍性成每易藉端生

事即令舉出頭目亦係素與習熟之人分既不

足以相臨權亦不足以相制全在管帶之員弁

猛寬並濟鈴束有方故當其招募之時即令查

明親屬取具的保詳開名册各給腰牌示以拊循厚其雇值平日勤加操練漸以化其囂陵臨事不藉衝鋒祇令備為策應其犒勞賞卹仍予從優使有顧戀之心不萌他念第口糧安家一切用費較繁且若輩久處行間習知虛實其中亦有所不宜故又須加意防維隨時稽察果能遵守紀律出力向前則留營酌編入伍否亦酌量資遣妥為管束以杜日後非為是雇募水勇之策係屬因時制宜而欲其能發能收則惟有

林文忠公政書

乙集 兩廣奏稿 卷四

夫

妥籌經理始可防其流弊也 臣等謹就粵省地方情形遵

旨查議並會同廣州副都統 宗室公奕 宗室

英 合詞恭摺覆

奏是否有當伏乞

皇上聖鑒訓示謹

奏

密陳夷務不能歇手片

再 臣 渥受

厚恩天良難昧每念一身之獲咎猶小而

國體之攸關甚大不敢不以見聞所及敬為

聖主陳之查此次暎逆所憾在粵省而滋擾乃在浙

省雖變動若出於意外其窮感正在於意中蓋

逆夷所不肯灰心者以鴉片獲利之重每歲易

換紋銀出洋多至數千萬兩若在粵得以復興

舊業何必遠赴浙洋現聞其於定海一帶大張

林文忠公政書

乙集 兩廣奏稿 卷四

七

招帖每鴉片一斤只賣洋錢一圓是即在該國

嗚啊啦等處出產之區尚且不敷成本其所以

甘心虧折急於覓銷者或云以給雇資或云以

充食用並聞其在夷洋各埠賃船雇兵而來費

用之繁日以數萬金計即礮子火藥亦不能日

久支持窮蹙之形已可概見又夷人向來過冬

以氈為暖不著皮衣蓋其素性然也浙省地寒

勢必不能忍受現有夷信到粵已言定海陰溼

之氣病死者甚多大抵朔風戒嚴自然捨去舟

山揚帆南竄而各國夷商之在粵者自六月以來貿易爲曠夷所阻亦各氣憤不平均欲由該國派來兵船與之講理是該逆現有進退維谷之勢能不內卻於心惟其虛憍性成愈窮感時愈欲顯其桀驁試其恫喝甚且別生祕計冀得陰售其奸如一切皆不得行仍必帖然俛伏臣前此屢經體驗頗悉其情卽此時不值與之海上交鋒而第固守藩籬亦足使之坐困也夫自古頑苗逆命初無損於堯舜之朝我

林文忠公政書

乙集 兩廣奏稿 卷四

六

皇上以堯舜之治治中外知鴉片之爲害甚於洪水猛獸卽堯舜在今日亦不能不爲驅除

聖人執法懲奸實爲天下萬世計而天下萬世之人亦斷無以鴉片爲不必禁之理若謂夷兵之來係由禁烟而起則彼之以鴉片入內地者早已包存禍心發之於此時與發之於異日其輕重當必有辨矣臣愚以爲鴉片之流毒於內地猶癰疽之流毒於人心也癰疽生則以漸而成膿鴉片來則以漸而致寇原屬意計中事若在數

十年前查辦其時吸者尙少禁令易行猶如未經成膿之癰內毒或可解散今則毒流已久譬諸癰疽作痛不得不亟爲拔膿而逆夷滋擾浙洋卽與潰膿無異然惟膿潰而後疾去果其如法醫治托裏扶元待至膿盡之時自然結痂收口若因腫痛而別籌消散萬一毒邪內伏誠恐患在養癰矣溯自查辦鴉片以來幸賴

乾斷嚴明

林文忠公政書

乙集 兩廣奏稿 卷四

九

天威震疊蕙船二萬餘箱之繳係映夷領事義律自行遞稟求收現有漢夷字原稟可查並有夷紙印封可驗繼而在虎門燬化烟土先期出示準令夷人觀看維時來觀之夷人有撰爲夷文數千言以紀其事者大意謂

天朝法令足服人心今夷書中具載其文諒外域盡能傳誦迨後各國來船遵具切結寫明如有夾帶鴉片人卽正法船貨沒官亦以漢夷字合爲一紙自結之後查驗他國夷船皆已絕無鴉片惟映逆不遵法度且肆鴟張是以特奉

諭旨斷其貿易然未有浙洋之事或尙可以仰懇

恩施今既攻占城池戕害文武逆情顯著中外咸聞

非惟難許通商自當以威服叛第恐議者以爲

內地船礮非外夷之敵與其曠日持久何如設

法羈縻抑知夷性無厭得一步又進一步若使

威不能克卽恐患無已時且他國效尤更不可

不慮臣之愚昧務思上崇

國體下懾夷情實不敢稍存游移之見也卽以船

礮而言本爲防海必需之物雖一時難以猝辦

林文忠公政書

乙集 兩廣奏稿

三

而爲長久計亦不得不先事籌維且廣東利在

通商自道光元年至今粵海關已徵銀三千餘

萬兩收其利者必須預防其害若前此以關稅

十分之一製礮造船則制夷已可裕如何至尙

形棘手臣節次伏讀

諭旨以稅銀何足計較仰見

聖主內本外末不言有無誠足昭垂奕禩但粵東關

稅既比他省豐饒則以通夷之銀量爲防夷之

用從此製礮必求極利造船必求極堅似經費

可以酌籌卽裨益實非淺鮮矣臣於夷務辦理

不善正在

奏請治罪何敢更獻芻蕘然苟有裨

國家雖頂踵捐糜亦不敢自惜倘蒙格外

天恩寬其一線或令戴罪前赴浙省隨營効力以贖

前愆臣必當殫竭血誠以圖克復自粵省各處

口隘防堵加嚴察看現在情形逆夷似無可乘

之隙藉堪仰慰

宸懷謹繕片密陳伏祈

林文忠公政書

乙集 兩廣奏稿

三

聖鑒謹

奏

番務完竣赴任日期摺

奏為甘省番案現無應行會辦事宜欽遵

批諭前赴陝西巡撫新任謹將起程日期恭摺

奏報仰祈

聖鑒事竊臣仰荷

恩綸補授陝西巡撫仍留甘肅會同布彥泰達洪阿

籌辦番務當即具摺叩謝

天恩並請將會辦事竣於到任之前先行進京

陛見欽奉

林文忠公政書

丙集陝甘奏稿

一

硃批毋庸來京可赴任時即赴新任欽此臣跪誦之

下敬釋再三既不敢以瞻就下忱再行瀆請而

本任之職守與番務之情形尚須權其緩急查

本年沿邊各卡隘防守綦嚴並無野番竄入惟

上冬循化廳卡外之黑錯寺番賊劫殺洮州土

司一案官兵赴彼緝兇膽敢抗拒戕害不得不

懾以軍威是以數月以來臣未敢遽離甘省當

與督臣布彥泰等疊次

奏明添兵易將恪遵歷奉

諭旨攻其要害殲厥渠魁務使番族等知威知懼茲

經達洪阿帶兵勦辦將主令抗官之僧寺及恃

眾濟惡各番莊悉行焚燬賊番巢穴為之一空

其逃至果岔地方希圖負嵎為固者復經痛加

勦擊斬獲甚多餘眾乞命投誠隨經收撫將田

地招良承種大兵凱撤回營計此案先後解到

番犯共有六十三名除西甯鎮總兵站住所獲

內有訊係株連之人業經隨時釋放外其餘均

已分別勘辦另行會摺具

林文忠公政書

丙集陝甘奏稿

二

奏又本年以來拏獲番賊漢奸多起亦就其情節

輕重會覈罪名分別

奏咨完結達洪阿於撤兵後經過省城與督臣布

彥泰及臣面述一切遂回青海本任布彥泰以

奏准親巡邊隘亦在料理起程臣前由西甯回至

蘭州已閱四箇月現與布彥泰達洪阿訪詢與

論咸謂向來番匪出沒靡定雖不敢保其久遠

無事而此時野番之懾伏邊隘之安恬實與去

歲情形判若霄壤臣思近年番匪鴟張原因固亦

兵怯懦所致卡隘幾同虛設既不能堵賊於未
 來之先入山視為畏途又不能擊賊於失事之
 後卡內則有漢奸熟番為之引路通信卡外則
 有番僧巨寺為之匿犯窩藏是以來去自如肆
 無忌憚不獨民間疊遭劫掠即戕官亦若泛常
 不獨草肥始出逞兇即寒冬亦多肆擾經此次
 大加懲創之後番眾知喇嘛寺院不足恃為護
 符我兵知大礮擡槍實能遠攻克敵軍威既振
 賊膽自寒加以督臣帶兵親往各卡周歷巡閱
 林文忠公政書 丙集陝甘奏稿 卷一 三

臣新任提臣台湧不日即可到甘亦能力加整頓
臣現在別無應行會辦之事而陝省文闈伊邇
 巡撫例應監臨所有科場事宜亦須先期督辦
 免致臨事周章是以臣謹遵前奉
 硃批可赴任時即赴新任定於六月二十四日由蘭
 州起程除俟行至西安接受撫篆另行專摺
 奏報外所有察看甘省現無會辦事宜謹遵
 批諭赴任緣由理合繕摺具
 奏伏乞

皇上聖鑒謹
 奏

林文忠公政書 丙集陝甘奏稿 卷一 四

請將渭南縣余炳燾量加鼓勵摺

再陝省之渭南富平大荔蒲城一帶久爲刀匪出沒徑途緣此數處回族最多素以爭鬪爲能搶竊爲利與刀匪互相勾結勢益張攫財物則彼此分贓聞緝拏則糾同抗拒有窩巢以爲藏身之固有器械以爲抵禦之資不獨兵役避其兇鋒卽州縣營員亦不免望而卻步雖訪知著名惡黨亟應搜捕驅除而轉思惜費憚勞不如省事又恐負嵎恃衆易致損威且卽破一巨

材文忠公政書

丙集

陝甘奏稿

五

巢獲一大夥而又慮及在逃餘犯或設計報復或捏控抵制其爲累者正多並又憚於干吏議之嚴因起獲火器刀矛而轉咎其從前之失察是畏累之心愈甚卽緝匪之勁愈鬆諱飾因循漸至養癰貽患臣現將此等錮習剖析開導務令極力破除州縣中果能緝捕認真有犯必獲不獨寬其既往並當獎其微勞若仍存遷就私心畏難粉飾必卽立加參劾以杜各屬效尤此次渭南縣知縣余炳燾督率兵役親拏此案匪

徒計先後格殺擒獲三十餘名奪獲火器軍械多件實能除暴安良不避艱險並於先事豫知布置周密安詳故雖兵役多受槍傷而辦理尙能妥速不致釀成巨患民間輿論咸謂除一禍根若各州縣皆能似此認真匪類何從託足可

皇上逾格恩施謹附片陳

奏伏乞

林文忠公政書

丙集

陝甘奏稿

六

聖鑒訓示謹

奏

籌議銀錢出納陝省礙難改易摺

奏為遵

旨籌議銀錢出納事宜體察陝省情形據實具

奏仰祈

聖鑒事竊照前准部咨奉

上諭穆彰阿等奏遵旨會議御史劉良駒條奏銀錢

畫一章程一摺銀錢並重本係制用常經果能隨

時酌覈不使輕重相懸裕國便民兩有裨益未可

輒稱窒礙不思設法變通著該督撫等各就地方

林文忠公政書

丙集 陝甘奏稿

七

情形詳細體察悉心妥議具奏務使法立可以推

行不致滋弊毋得任聽屬員巧為推諉稍存畏難

苟安之見僅以一奏塞責欽此又軍機大臣會同

戶部議覆內閣侍讀學士朱嶠條奏貴錢濟銀

一摺奉

旨依議欽此並抄錄各原奏咨行到陝當經前撫

臣轉飭司道暨各府州酌覈籌議到任後復經

臣諳飭細加體察設法變通不許畏難推諉去後

茲據司道彙覈屬稟會議具詳前來 臣思銀錢

相輔而行利散於民而權操自上果能廣用錢

之路自足持銀價之平惟變通本以濟時而制

宜首須因地查部議章程四條本以陝西列入

陸路六省之內固已知其非比東南各省一羣

可杭而仍議令查明有無內河水路原冀一處

能通舟楫即於一處先令試行無如陝省七府

五直隸州所屬九十一廳州縣之內錯處於南

北兩山者計已五十九處重巒疊嶂車轍尙不

能通此外三十二處雖屬平原之地亦無內河

林文忠公政書

丙集 陝甘奏稿

八

水路可達省垣是以行旅往來非車即馱並有

馱載亦不能通之處則須雇夫背負腳費愈繁

此費若出諸官則恐滋虧空之端若取諸民又

恐增派累之弊是陸路之難以運錢實係限於

地勢似不能勉強而行也且陝省銀錢市價長

落無常有時竟與別省迥異如本年七月內

甫到西安省城每紋銀一兩可換制錢一千八

百餘文迨至九十月間每兩僅換錢一千二三

百文不等較前兩月頓減錢五百餘文之多眾

人皆以爲託異訪詢其故則僉稱歲歉糧貴之時銀價必然跌落其理亦不可解如果此後銀皆落價似亦相宜然又忽低忽昂不能豫料且當陝省銀賤之際鄰省銀價仍昂而未聞有市僧販錢來陝買銀以圖獲利者可見陸路運費太大不能取贏若以市僧所不能爲者責令有司爲之其勢自更不易查內閣侍讀學士朱嶸原奏請將各屬銀錢視省垣時價爲準今以陝省觀之卽有難以作準者如省城現在銀賤而

林文忠公政書

丙集

陝甘奏稿

九

各屬之銀偏貴則領錢而回者不能與該處銀價相敵州縣不甘賠累卽難強以遵行且缺分衝僻不同錢糧多寡亦異有此屬之所解而爲彼屬之所領者領錢之人非卽解錢之人稍有參差遂滋爭執似亦非上司所能強制若論常年稅課原可銀錢並收但查陝省額徵商筏稅以及地畜牙當鹽茶磨鐵各課每年共銀六萬八千五百餘兩內除鹽課項下支給西安將軍養廉銀一千六百兩外其餘皆應報部候撥此

正部議所云撥解之款應照舊徵銀不能改議者也以工程言之近年應修各工概因經費短絀奉文停止卽間有刻不可緩奏准辦理之工亦係爲數不多通年無幾或因本有息款始准支銷與其改用錢文仍不如加意撙節之爲有益也惟陝省留支項下有可以變通用錢之處如文武各官養廉公費並各屬額支夫馬工料及各關局額支收稅書役口食等款俱可搭放錢文查道光二十三年覆奏陝局減卯開鑄案

林文忠公政書

丙集

陝甘奏稿

十

內卽已議准凡養廉等項每領銀一兩內搭錢一百文抵作銀一錢每年共搭錢三萬六千四百十三串三百六文共扣回庫銀三萬六千四百三兩三錢六釐按季報部現仍遵行無異是變通用錢之議陝省所辦已在他省之先其未經搭錢者現扣六分平頭計每年扣銀亦在二萬兩以上若再加搭錢文則減平一項轉覺扣不如數且卽使此等款內再令減銀添錢亦不過杯水車薪於大局似仍無濟至兵餉項下未便

再搭錢文則前撫臣李星沅先已奏荷

恩俞自毋庸議當此權衡制用上厯

宵旰疇咨臣但有一得之思斷不敢存苟安之見惟

就陝局情形細加體察實有難以改易者亦有

業已變通者應請仍循舊章庶免轉生窒礙所

有遵

旨籌議緣由謹據實恭摺覆

奏是否有當伏乞

皇上聖鑒訓示謹

林文忠公政書

丙集

陝甘奏稿

十一

奏

酌籌平糶量撫極貧片

西安同州鳳翔乾州等府州屬本年夏秋被旱

收成歉薄業經臣將咸甯等廳州縣應納銀糧

倉穀酌請分別緩徵

奏蒙

恩允在案惟此次受旱之區二麥多未播種即其已

種出土者亦因久不得雪未能穩固盤根來年

生計所關難免人心惶恐是以臣前經

奏明先擬酌辦平糶查西安等四府州屬現存常

林文忠公政書

丙集

陝甘奏稿

十一

平倉糧共有一百一十餘萬石向因久貯在倉

恐致霉爛故有推陳易新存七出三之例每年

冬春酌量出借秋後收納還倉今遭此歉年據

各屬稟請推廣章程勿限存七出三之數多為

借給以期民食有資但臣細核情形竊以為出

借之例止宜行於常年若歉歲則須改出借為

平糶於貧民乃有實濟緣陝省常年出借惟擇

素有恆產之戶秋後有糧收入者令其春借秋

還若隨時買食之貧民則恐其力不能還不肯

輕爲借給此歷辦之情形也茲值歲歉價昂此等買食貧民正虞食貴亟須爲之調劑不應轉將倉貯糧食借與素有恆產之人然竟借給貧民又恐有借無還徒致積爲民欠故與其照案出借不如照例平糶之爲宜也第平糶有應嚴防之弊竇亦有應變通之章程如例載奸商牙蠹捏名零買囤積射利本應按律治罪然治之於捏買之後何如杜之於未買之先臣與司道熟商正值編查保甲之時卽責令地方官統將

林文忠公政書

丙集

陝甘奏稿

三

戶口確切查明分晰註冊凡應准平糶之貧戶核其大小幾口填給印單一紙令其憑單買糧每一次准將五日之糧一併糶回隨於單內蓋戳仍交該戶收執爲下次買糧之據仍分別各鄉排日勻糶週而復始如此辦理可免擁擠之虞而囤積射利之徒亦不能希圖冒混矣其章程有應變通者如出糶有額減價有數因應示以限制又糶價錢文應由州縣易銀先解司道存庫隨後發還買補亦屬層層稽核之道但辦

理若過於拘執恐吏胥轉得因緣爲奸查地方官惟在得人知該州縣本不可信卽不可令其辦荒果其可信則旣委其經手平糶應卽責其一手買還無論糧之多寡價之增減總以能發能收使原額倉糧顆粒無虧爲止似不必節節請示以及一解一還徒勞往返轉爲滋弊之端且該州縣果能經理有方則初處糶得價錢尙可齎向別處糧賤之區再行購買輾轉運所濟更多是倉糧祇能供一次平糶之需而轉運

林文忠公政書

丙集

陝甘奏稿

四

更可收數次平糶之益其要歸於擇人妥辦而已至此外極窮之民以及老幼廢疾卽使減價平糶彼亦無力買食其爲顛連困苦尤可矜憐國家經費有常何敢遽行議賑惟有官爲收養俾免餓殍在途現在西安省城收養者已有三四千人市廛悉皆清靜各屬亦令一體酌辦並勸有力之戶量出錢米各濟各邨使其受者知情予者見德則卹貧卽所以保富而地方亦藉獲安恬以期仰副

聖主軫卹窮黎之至意所有酌籌平糶及量撫極貧

緣由理合附片陳明伏乞

聖鑒謹

奏

林文忠公政書

丙集

陝甘奏稿 卷一

五

覆奏部議陝甘捐輸經費再行詳覈摺

奏為陝甘捐輸經費遵照部議再行籌畫覈辦恭

摺奏祈

聖鑒事竊准戶部咨稱議奏陝甘捐輸番案經費應

准給予餘限兩月扣至二十七年二月底一律

截止所捐銀兩原為番案而設擬令湊足七十

萬兩分貯陝甘兩省藩庫加謹封貯以資儲備

其所請提銀四十萬兩發商生息一節原因常

年設卡遊巡豫為籌計但發商每年輸息亦祇

林文忠公政書

丙集

陝甘奏稿 卷一

六

獲息四萬兩設遇急需而所發本銀難以剋期

收回似宜實存在庫提用較為便易應令該督

撫等查照現議將該省緩急情形通盤籌畫詳

加酌核再行奏辦其十一月以後所收捐銀及

餘限內續收銀兩均應報部撥用藉資周轉所

有歸完減平銀六萬六千七百兩迅即委員批

解部庫母稍稽遲又附片奏稱陝西第三次捐

輸收銀六十餘萬兩除現經議令湊歸陝甘兩

省藩庫外計數儘有盈餘擬即在此項內提銀

三十萬兩以充收買商米之用立即委員解赴天津道庫交納毋稍遲誤等因具奏奉

旨依議欽此咨到臣等欽遵辦理除陝西省已委試用同知雍載慶等三員各管解捐輸銀十萬兩分作三起均已於正月起程赴天津道庫交納不敢稍有稽遲外其議定以七十萬兩分貯陝甘藩庫一節查甘省捐局三次奏報共收銀十一萬一千八百餘兩除應解部歸完原借減平銀數尙不敷存貯之數自應即由陝省覈撥解

林文忠公政書

丙集

陝甘奏稿

七

甘並陝西藩庫封貯之項均各專案報部仍照臣等前摺所請遇有重大事宜必須專摺

奏明方准動用以重公項而備不虞惟現准部議既令臣等將緩急情形通盤籌畫詳加酌核再行奏辦遵即往返熟商從長計議不敢僅顧目前潦草塞責竊以番務爲甘省最累之端自古至今不知辦過若干次數果有一勞永逸之法前人早應絕其根株必不肯將就一時仍貽後來之累無如該番衆等族類既不可勝數插帳

又並無定居且無恆業以資生但恃攘奪爲長

技捕一處則一處暫爲斂迹辦一年則一年僅免鴟張如有關顧不到之時防範未周之地彼即狼奔豕突無惡不爲即如前年鉅案叢生上年賊蹤稍斂此中無他謬巧總惟嚴防卡隘勤拏漢奸賊未來則分兵遊巡賊既至則合兵剿擊雖不能盡期破獲究不敢稍任空虛然如此辦理則須有常年額支之經費有臨事急需之經費所謂臨事者如遇大股抗拒必須多用兵

林文忠公政書

丙集

陝甘奏稿

六

威若上年剿辦黑錯寺之類即部議所云存庫提用較爲便易亦即臣等前摺所云必須

奏明方准動用者是也若常年扼要防卡防河及分派遊巡之弁兵欲其認真嚴守不敢躲避虛報則不得不另給口分使之果腹有資始能勇奮從事以是計之即終年安然無事亦須二萬兩上下方敷給發以無已之支發若取諸藩庫封貯之項自然日見減少且該年之中又難保無臨事亟需奏請動用之款則年復一年不久

即歸烏有臣等苟但顧目前此數年內未必不可敷衍而為久遠之計似生息一項勢不可無即如前摺所請於捐項提出四十萬兩發商生息經部臣核明每年祇可獲息四萬兩原係燭照數計再不能斷有加多然若以二萬兩為添防及遊巡舟兵口食之需仍以二萬兩歸本則二十年後本已歸足息仍長流較之全由封貯款項支發日見消耗似為久遠之圖查陝局捐輸自第三起具

林文忠公政書

丙集陝甘奏稿卷一

九

奏之後又有續收銀二十九萬餘兩豫計截至二月底止陸續呈捐者當復不少覈數總有盈餘合無仰懇

皇上天恩俯念邊境防番在在皆須設備所有臣等前請提銀四十萬兩生息一項仍求

恩准辦理庶兩藩庫封貯之款可期永遠存留不至日久消耗實於邊務有裨現據兩省司道稟稱查近年陝甘商力亦甚疲乏或須將生息分數酌量減輕之處容臣等察看各屬情形再行分

別核辦總期有裨公事無拂輿情其自十一月以後至餘限內所收捐銀除發商生息外自應遵照部議全行報撥但查甘省地連關外每年所需兵餉四百餘萬悉由江浙豫東等省及長蘆兩淮撥解前來程途既遠陸運維艱若將捐輸條款抵解他省協甘之餉似可稍省輾轉解運之煩而他省應行解甘餉銀又可另為就近挹注如此一轉移間於

林文忠公政書

丙集陝甘奏稿卷一

三

帑項並無出入盈縮而運費節省實多似一舉而數善備焉臣等通盤籌畫彼此札商意見相同是否有當謹合詞恭摺具

奏伏乞

皇上聖鑒謹

奏

覆奏漢回情形片

再臣在四川途次承准軍機大臣字寄道光二

十七年五月初二日奉

上諭李星沅密奏辦理回務體察情形等語據稱此次剿辦雲州回匪揆度機要內回富而外回貧外回強而內回弱與其濫殺而徒滋藉口不如密計而先務攻心且邊郡不知有法由來已久莫如持平執法俾漢回同體犯則重懲行保甲以清內匪團練以禦外匪各等語著林則徐於到任後詳加

林文忠公政書

丙集

雲貴奏稿

一

體察酌量情形悉心籌辦原片鈔給閱看另摺奏回犯張富於投誠後隨往緬甯勸諭漢回旋被該回匪逼令入夥嗣訊據犯供張富在雲州觀音閣被矛戳傷身死旋據回寨繳到犯屍檢驗被傷處所與訪獲該犯之母妻等所供相符現仍解省驗訊辦理等語亦著林則徐詳細訪察張富果否被矛致斃及屍傷犯供等是否確鑿萬不可輕信人言遽以爲實總當設法研求務得實據詳悉覆奏將此諭令知之欽此臣跪誦再三並將

發下李星沅原片詳加閱看其所云漢回同體執法

持平與其濫殺而徒滋藉口不如密計而先務攻心等語洵係熟察情形務求公允之論伏思漢回構衅不過民與民讎迨至糾眾抗官則兵不得不然已疊經剿辦尤須永冀安恬前此永昌之後緬甯又起緬甯之後雲州又起懲創非不痛切而仍反覆無常總由人人以報復爲心卽處處之猜疑易起加以游匪造言挑釁漢回多爲所愚意欲藉以復仇而不知適以自害

林文忠公政書

丙集

雲貴奏稿

二

彼則利其焚奪人已陷於敗亡此種匪徒最爲可惡前督臣李星沅及兼署督臣程爾采節次懲辦者業已不少猶恐潛蹤匿迹煽惑爲奸故外匪一日不除卽禍根一日不斷如何始能淨絕現臣與撫臣均在加意講求此時以軍務而言似善後特爲餘事而以清源而論則杜患正費深籌竊思漢回雖氣類各分而自

朝廷視之皆爲赤子但當別其爲良爲匪不必歧以爲漢爲回果能各擇其良以漢保回以回保

漢協力同心共驅外來游匪則所謂同體者非復虛言而所謂攻心者毋煩勁旅與李星沅前所密陳似相脗合惟臣甫經抵任一切未及週知容當體以虛心持以實力不敢以目前息事稍任各屬文武相率因循至張富一犯之死雖人言皆以為實臣到滇所訪並無異辭而仰蒙諭令設法研求斷不敢遽行輕信竊思犯屬欲其生不欲其死或不免指偽為真而仇家欲其死不欲其生必不肯隨聲附和張富為回中稔惡漢

林文忠公政書

丙集

雲貴奏稿

三

民與之深仇積累者實繁有徒臣現以審究漢奸為由酌提人證暗查與張富仇恨最深者數名俟提到向其窮詰庶幾水落石出真贗不致混淆除再詳細研求務得實據另行覆奏外謹先附片陳明伏祈

聖鑒謹

奏

審辦雲州等處漢回各匪摺
奏為審明前在雲州等處糾眾抗拒劫殺之漢回各匪分別定擬並將情重之犯六名即行正法以昭炯戒恭摺奏祈

聖鑒事竊照調任督臣李星沅片

奏飭據順甯文武在雲州之新村訪拏新興州外回黑臉馬五等犯因其持械拒捕經兵役將黑臉馬五馬滿大二犯格殺割取首級生擒匪黨郭望年張小老李春有馬庭汶馬富昌會原六

林文忠公政書

丙集

雲貴奏稿

四

名飭解來省審辦迨臣程喬采到任後復飭搜捕匪黨先後據稟拏獲回匪董老官漢匪范小

黑二犯亦經具

奏在案嗣又獲范小黑之黨張小沅一名提同前

獲各犯至省委員確審茲據審明議擬由藩臬

兩司覆審招解前來臣等率同在省司道親提

研鞫緣董老官係陝西渭南縣回民向在雲南

雲龍州一帶小本營生郭望年即郭老四又名

郭老九係四川銅梁縣漢民先年移至雲南新

興州居住張小老係新興州漢民李春有係新興州回民馬庭汶即馬老二馬富即馬老四均係宜良昆明等縣回民呂會原係會澤縣漢民同在順甯縣屬傭工范小黑張小沅均係順甯縣漢民張小沅係范小黑妾張氏之姪道光二十六年十月初六日有回民黑臉馬五因在新興州地方與褚發榮張五公登等買米口角邀約張小老李春有並馬萬等前往毆打將張五公登等毆斃七命張小老李春有僅止在場助

林文忠公政書

丙集

雲貴奏稿

五

勢並未傷人因聞差拏嚴緊黑臉馬五聲言回民張富等與伊素識現在雲州聚眾滋鬧起意邀郭望年並張小老李春有前往隨同燒搶郭望年等應允同行維時董老官亦聞雲州回民滋事因係同教起意前往幫助十一月十三日行至順甯縣屬狗街地方路遇回民馬老四張花嘴馬隴老蕭老二及不識姓名回民約一百五十餘人董老官訴述前情邀允同往沿途搶掠漢人村寨共四五家二十日兵練前往捕拏

董老官因同夥多出烏合不相認識令眾人各用白布包頭派馬隴老在左蕭老二在右伊與馬老四張花嘴居中各帶五十餘人分作三股迎敵當經兵練打敗連夜逃走其時殺傷該匪幾人不及查數二十四日逃至永平縣屬龍街地方兵練復往截拏董老官喝令眾人拒敵致殺練丁二人該犯同夥亦被殺死三十餘人其餘各自逃散十二月初八日黑臉馬五等途遇素識之馬庭汶馬富呂會原告知情自邀約入

林文忠公政書

丙集

雲貴奏稿

六

夥馬庭汶等不允黑臉馬五等許給工錢令馬庭汶等背負行李馬庭汶等貪利允從偕抵雲州地方黑臉馬五等又令馬庭汶等挑水煮飯看守房屋十四日黑臉馬五與張富等帶同郭望年張小老李春有並不識姓名多人在觀音閣抗拒官兵張富被兵練殺傷身死郭望年張小老李春有亦各殺練丁一人十七二十一等日官兵疊次圍攻該匪等均在場隨同拒敵迨後敗回逃往各村寨遇便搶掠不記次數此董

老官及先經格殺之黑臉馬五等各自起意糾同夥匪拒殺練丁之情形也又漢民范小黑於二十六年十一月間因聞雲州回民滋事與張小沅並村人張九和劉榮蔣小祥馬俊馬小二李小三張貴各自集練防堵十二月二十六日右甸街期范小黑因回民屢向漢民爭鬧起意乘回民趕街糾眾搶奪既可洩忿又可得賊使用途向張小沅等並伊姪范坤告知邀允入夥又令張小沅等轉糾王三楊耀春楊二聾子並

林文忠公政書

丙集

雲貴奏稿

七

不識姓名五十餘人各執器械同往街上喊搶回民攔阻被張九和等殺死十餘人張小沅亦用矛戳傷朱萬春左腋左肋身死各搶錢米布疋逃走是夜逃往保山縣屬猛庭回寨回民間風逃避范小黑喊同眾人乘勢搶掠張九和等殺死回民數人張小沅亦用矛戳傷不識姓名回民左臂倒地匪夥王三乘勢砍落頭顱並有回民馬聯超之家屬亦於是夜被匪戕害當經兵練趕往圍拏將匪夥殺退各散二十七年三

月十一日經騰越明光隘土守備左大雄將范小黑拏獲其子范小幅生糾邀張小沅與楊耀春楊二聾子並不識姓名多人欲將范小黑劫回左大雄帶練攔拏楊耀春楊二聾子各殺練丁一人維時范小黑業已押解先行未被劫去其匪夥亦被格殺三人惟右甸街及猛庭寨回民被殺名數並被何人殺死因人多勢亂不及看明此范小黑等糾眾搶殺及張小沅聽從奪犯未成之情形也節經各地方文武先後稟報

林文忠公政書

丙集

雲貴奏稿

八

前督臣李星沅派委員弁帶領兵練剿捕業將首要各犯拏獲審明分別辦理具奏一面札飭搜捕餘匪嗣據該管文武暨委員卸順甯縣知縣楊觀卸署順雲營參將劉思禮前赴新村訪拏除格殺黑臉馬五等割取首級外將郭望年等六名拏獲又在姚州赤額坪地方會同該州將董老官拏獲左大雄亦將范小黑解赴永昌旋又據署右甸經歷蔡踵武稟報拏獲張小沅一犯當因該犯等情罪重大均飭提

省審辦茲^臣等率屬提訊據各供認前情不諱查律載謀叛但共謀者不分首從皆斬又例載搶奪財物聚眾十人以上執持器械倚強肆掠果有兇暴眾著情事者照糧船水手之例分別首從定擬又糧船水手夥眾十人以上執持器械搶奪為首照強盜律治罪又強盜已行但得財者斬又搶奪殺人者擬斬立決各等語此案董老官因聞雲州回民滋鬧起意糾眾往助搶掠村寨復兩次率眾拒敵致斃練丁二人郭望

林文忠公政書

丙集

雲貴奏稿

九

年張小老李春有亦各隨同已死之黑臉馬五及張富等抗拒官兵各殺練丁一命均屬情同叛逆查張小老李春有尙有在新興州助勢毆斃張五公登等一案情罪較輕應歸此案從重擬結與董老官郭望年均請比照謀叛者斬律擬斬立決范小黑因藉回民滋事起意糾眾持械搶掠回寨以致同夥殺死回民多命實屬兇暴眾著合依糧船水手夥眾十人以上持械搶奪為首照強盜律治罪強盜已行但得財者斬

律擬斬立決張小沅聽糾入夥殺傷回民各一人復聽從中途奪犯應請從重照搶奪殺人者斬立決例擬斬立決當此彈壓漢回翦除外匪之際該犯等未便稽誅^臣等於審明後即恭請王命飭委臬司普泰署督標中軍副將福陞將該犯董老官郭望年張小老李春有范小黑張小沅六名綁赴市曹即行處斬並傳首犯事地方梟示使匪類聞風知儆馬庭汶馬富呂會原訊止受雇服役尙無隨同燒搶及抗拒官兵情事應

林文忠公政書

丙集

雲貴奏稿

十

請於郭望年等斬罪上量減一等從重發新疆給官兵為奴仍各照例刺字馬庭汶馬富係屬回民照例調發案係比照辦理各犯家屬財產請免緣坐查抄逸犯馬老四張九和等並范小黑之子范小幅生是否已被官兵格殺抑尙在逃仍飭地方官確查嚴緝毋任漏網黑臉馬五等業已格殺應毋庸議至張五公登等命案容^臣程爾采另行審擬具

題永昌緬甯雲州善後諸事現俱次第辦理地方

安堵如常合併附陳除全案供招咨部外所有
審明辦理緣由臣等謹合詞繕摺具

奏伏乞

皇上聖鑒敕部核覆施行謹

奏

林文忠公政書

丙集

雲貴奏稿
卷一

十一

附審辦回民丁燦庭京控案片

再滇省迤西一帶漢回近日情形臣等正在繕

片縷陳冀以仰紓

宸念適承准軍機大臣字寄道光二十七年七月初

二日奉

上諭本日據都察院奏雲南回民丁燦庭等控告香
匪串謀滅殺無辜一摺已明降諭旨交林則徐等
審辦矣此案控關奸匪挾讎尋衅串謀倡亂被害
至一萬餘命之多如果屬實必須徹底根究水落

林文忠公政書

丙集

雲貴奏稿
卷一

十二

石出庶足以服難民之心而除地方之害林則徐
程喬采甫經到任無所用其回護著即平心研鞫
毋枉毋縱務將棍徒會匪嚴行查禁首惡各犯從
重懲辦以紓積忿而快人心儻係從前辦理不善
亦應據實平反奏明辦理不得因案已將就了結
顛預塞責遂將萬餘人之屈抑鬱而不伸代人受
過已屬不可況數萬生靈之沈冤身為大吏者竟
置之不問耶凜之慎之原呈著鈔給閱看將此諭
令知之欽此臣等跪誦之下仰見

聖上軫念生靈務伸冤抑再三尋繹欽凜同深除俟

回民丁燦庭等由部咨解到滇提同人證遵

旨平心研鞫不敢將就顛預外伏查永昌順甯緬甯

雲州一帶漢回節次構衅已越兩年臣程福采

甫於本年四月間到任臣林則徐係於六月間

始到誠如

聖諭無所用其回護但本未躬親其事則原委未易

深知是以於未奉

諭旨之前即無時不明查暗訪並恐先前在事各文

林文忠公政書

丙集

雲貴奏稿

三

武不免意存掩飾難以確究真情因查迤西道

王發越係於本年三月始抵新任當將善後事

宜責成妥辦並確查節次讎殺根由又以普洱

府同知耿麟從未經手該處軍務委令署理順

甯府篆即與新派之委員文山縣知縣陸葆一

同密察情形據實稟覆疊接該道等來稟以目

下彈壓巡防倍加嚴緊尙無別起衅端惟報復

之心彼此均不能泯緣漢回積讎已久累世各

不相能溯查道光元年十三年十九年皆有

奏辦兩造械鬪焚殺多命之案第尙不至如此次

之甚彼時回民亦曾赴京疊控有卷可稽就赴

訴之一事而言則原告無非理直被告無非理

曲剖斷似極不難而統全案之原委而言則此

造直中有曲彼造曲中有直糾纏實爲不了蓋

一讎即有一報而所報偏非所讎崑岡之玉石

俱焚城門之池魚殃及兇頑煽毒而良善受災

事之不平固莫有甚於此者然欲按名伸理而

法又有時而窮緣漢回彼此報復皆起於倉猝

林文忠公政書

丙集

雲貴奏稿

四

之間往往因游匪外來遂成烏合之勢回匪合

則漢村倏爲灰燼漢匪合則回寨立見摧殘人

多勢亂之時被殺被燒者先已魂驚魄散即起

死者而問其孰殺亦復不能指明又何從爲之

搜捕惟訪有匪類即拏拏有匪類即辦則兇手

自在其中然欲訊其所殺何人彼亦諉諸不識

姓名而不能指實此辦法所以綦難也查前此

節次用兵皆稱剿辦回匪而未嘗及漢民者緣

回眾先有擄禁官弁戕害將備劫放重囚抗拒

官兵等事是以向其攻剿而漢民中之匪類雖於回民混殺亂搶究尙不敢抗拒官兵彼回民見官兵剿回則以為助漢而漢民見官吏殺回不盡又以為助回無非只顧私讎而不知官法前蒙

發下李星沅密片亦云回漢無不怨官者職是故耳即如丁燦庭等現在京控詞中所訴之冤與臣等衙門所接回呈大意亦略相似其最稱冤屈者係指前年九月初二夜永昌七哨漢民將城

林文忠公政書 丙集 雲貴奏稿 卷一 五

內回民男婦老幼概行擅殺之事雖其所呈八千餘丁口之數核與賀長齡原奏永昌城內本有住家回民四千餘人之語不符即道府廳縣及委員前後所稟亦均無八千餘人之多除再由臣等細查以期覈明實數外即就四千餘人而言亦幾於全無遺類是該處七哨漢民之兇橫慘毒實屬駭人聽聞總緣永昌一帶距省窳遠蠻野成風向有鄉民私設牛叢火竿以禦盜賊偵獲一匪即任意陵虐致死並不報官原呈

所稱道光十三年間棍等活埋民命知縣查究被圍知府親往救解反被勒結等情雖現在查無案據而所指未必無因迹其恃眾逞兇歷經禁止不悛甚堪髮指然當回漢互爭之際無不豕突狼奔地方官惟激變是虞一時力難禁止由於威約之漸以致太阿倒持言之實深憤懣自有永昌擅殺之事而讎衅愈結愈深遂致不可收拾案查原任督臣賀長齡於二十五年十

林文忠公政書 丙集 雲貴奏稿 卷一 六

二月將該處漢民萬林桂等照光棍例斬決又於二十六年七月將漢民楊老九等照殺一家二命例斬梟此皆七哨之亂民均經奏辦有案其辦理不善之道員羅天池署知府恒文等亦經查明參奏迨李星沅接任又將羅天池奏請永不敘用亦無非因永昌漢民擅行殘殺不能阻止之故在回民仍以此等匪類懲辦尙少難令甘心每以縱匪殺良歸咎於官此誠無辭以解然謂官有助漢滅回之見則是已甚其辭觀於焚殺漢民之回匪官亦未嘗一一究

辦是謂之無能則可謂之偏護則未必然漢民一面之辭本不免於失實況其所切齒者在九月初二之事亦思初二以前與初二以後回眾之兇橫何嘗在情理之中以_臣等訪聞此案自二十五年四月間回民在板橋唱曲譏笑漢民起衅漢民打毀清真寺業已調處賠銀而回民張世賢丁泳年等尙復糾聚多人疊撲板橋不服彈壓先將漢人張占魁殺斃是月內漢民三次鬪敗被燒焚家屯窰門口二寨官兵赴援亦被拒傷迨七月間外回聚於猛庭者甚眾乃又進攻思母車寨燒枯柯街及陶家寨又燒大田街攻丙麻世職高勛死之都司楊朝勳守備潘惠揚及兵丁百餘人俱被該回擄去此皆九月初二以前回民逞兇之事卽丁燦庭等現詞亦自認燒搶枯柯等處戕傷官弁並在蓮花寺擄官擄兵各情而以難回誤罪四字巧自掩飾實不知其欲蓋彌彰也至九月初二以後則該回與官兵接仗於永昌城外之小松寨游擊朱

林文忠公政書

丙集

雲貴奏稿

七

日恭死之其燒燬漢民村庄亦復指不勝屈迨二十六年春間回匪黃巴巴復經傳帖聚眾數千人在大了口搶奪銀四千八百餘兩燒順甯之江橋攻永昌之飛石口又在永昌官坡接仗致千總趙發元外委楊廷佐都司繆志林把總趙得和先後陣亡四五月間則又撲營於大麥地接仗於烏鴉河都司韋成喜守備嚴方訓把總解澎金鼇皆死之維時回眾攻右甸城搶五里寨復有竄赴蒙化將南澗巡檢砍傷者九月間該回逃犯馬綱海與海老陝等又糾黨至緬甯聲稱報復十九年互鬪之讎燒殺擄搶爲日甚久其雲州之回又將出決絞犯打奪二名至十二月間雲州街道十九條漢民房屋均被回眾燒燬計三千數百間並遍燒猛郎等漢寨三十餘處官兵趕往剿辦至本年正月內甫得息事以上各情又皆在前年九月初二以後該回民等呈內絕不敘及其爲諱匿可知在滇省漢人紳庶咸云回民之殺漢民前後統算實數倍

林文忠公政書

丙集

雲貴奏稿

六

於漢之殺回 臣等本未目覩情形無從燭照數計惟節次蔓延之大概不敢不詳細訪查故日就赴訴之一事而言剖斷似極不難而統全案之原委而言糾纏實為不了也 臣林則徐到任之後體察情形與 臣程昶采備細熟商此時斷不可再行用兵致濫殺而轉滋藉口即緝拏匪類亦須先除外匪而內匪始可漸清所謂外匪者本係無籍游民自稱為回而未必真回自稱為漢而未必真漢何處搶殺即隨何處助兇此

林文忠公政書 丙集 雲貴奏稿 卷一 九

等匪徒現在拏到即辦並處處嚴查保甲務使無地容身其所謂內匪者如漢回同壤而居安分者即為良生事者即為匪若必一時窮治追溯搜查則查漢而漢人即目為護回查回而回人又目為護漢漢回各執一說分辯不清治絲而棼終非了局 臣等竊謂目前所最亟者在彈壓之使不妄動化導之使不互疑是以首飭文武將永昌順甯等處無論絕產逃產官為悉數清釐無論漢民回民官為設法招復漢回中各

有紳衿者宿以及掌教頭人責令於本處同類之中自相約束又令各具互結以回保漢以漢保回永禁侵陵務敦和睦現有數處善良紳士已自議立章程交相保護 臣等即先給予獎賞以樹風聲不日將屆秋收先須杜其聚眾搶割之習故於緊要處所皆須多留兵弁防範稽查仍嚴飭帶兵各員妥為約束不得藉端生事一面將以上辦法剴切示諭與漢回相見以心未

林文忠公政書 丙集 雲貴奏稿 卷一 二十

知成效果否能臻惟有勉竭愚誠冀相感動至於棍徒首惡尤在不動聲色嚴密兜擒斷不敢姑息畏難致令養癰成患除控案容 臣等確訊另

奏外所有現辦情形謹先附片密陳伏乞

聖鑒謹

奏

審擬湯丹廠漢回互鬪各犯摺

奏為審明湯丹廠漢回挾嫌互鬪致斃回民多命

燒屍燬房獲犯分別按例定擬恭摺奏祈

聖鑒事竊據署東川府知府李德生稟報湯丹廠漢

回互鬪致斃回民多命燒屍燬房等情當經前

督臣李星沅兼署巡撫任內飭令查勘嚴拏究

辦旋據署府稟報先後獲犯蘇耀等二十八名

經前督臣李星沅於奏覆回匪廠匪各情形摺

內陳明

林文忠公政書

丙集

雲貴奏稿

一

聖鑒在案臣程喬采到任後一面嚴飭剿拏逸匪一

面飭將現獲各犯分起解省審辦茲據委員雲

南府桑春榮等審明由按察使普泰議擬招解

前來臣等提犯親鞫緣已死漢民倖坤發羅起

潰及現獲之任連甲杜潰阮汶詳李小四王士

銀任東姚亭潰張彩張添幅李萬蘇耀阮潮王

呂珍詳胡中潰戚小二王潮有潘趕年潘啞吧

趙端工羅起灤羅起沅蕭玉淋楊受淋與已死

回民馬四銅錘及現獲之馬成潰馬石詳桂小

蘇馬得亮馬二草包均係巧家所屬湯丹廠住

人已獲漢民許成孝籍隸湖南武崗州寄居湯

丹廠充當客長回民清真寺後向有泉水歷係

漢回公共取用道光二十六年十二月間因天

時晴旱馬四銅錘等將水攔堵不准漢民挑取

倖坤發等理論仍照舊規漢回因此未睦是月

二十八日漢民蘇耀赴廠賣糖回民馬石詳向

除不允互相爭吵馬石詳之祖馬成潰袒護邀

允桂小蘇馬得亮馬二草包並在逃之回民白

林文忠公政書

丙集

雲貴奏稿

二

添發桂小鞍各持棍趕往馬成潰喝令桂小蘇

將蘇耀拖翻棍傷兩臂膊兩漢民趙添發杜

蔭沅攏勸馬石詳毆傷趙添發胸膛馬得亮馬

二草包等亦將杜蔭沅毆傷各散蘇耀向倖坤

發訴述倖坤發許俟開年再為理講二十七年

正月十三日倖坤發令羅起潰往邀馬成潰等

前往評理適馬四銅錘在彼向斥多事羅起潰

轉回告知倖坤發因回民遇事逞強起意糾毆

洩忿遂向呂珍詳許成孝阮潮王蘇耀商允倖

坤發令以回民阻水欺漢之言傳播闖眾分投糾約呂珍詳等共糾得漢民羅起潰任連甲杜潰阮汶詳李小四王士銀任東姚亭潰李萬胡中潰戚小二王潮有潘趕年潘啞吧趙端工羅起濛羅起沅蕭玉淋楊受淋及在逃之呂小平春呂大眼睛許小老劉四鍋頭楊花松陳七劉刁三徐老五等二十七人倖坤發亦糾約不識姓名漢民三十餘人呂小平春等又轉糾得不識姓名漢民二十餘人共八十餘人在禹王宮

林文忠公政書

丙集

雲貴奏稿 卷二

三

會齊馬四銅錘聞知亦聚集回民桂小蘇馬得亮馬二草包及在逃之白添發桂小鞍馬七馬二花馬三存保馬老六張福銀馬占鼇馬連沅馬有淋馬有受馬大話張小五張老二白小喜陳鏹刀並已死之馬小發甲馬小詳馬汶玉馬占春馬洪發馬丁花子馬小萇受馬四塊瓦白小八三馬正保馬尙平陳姓等三十一人並白添發等所糾之不識姓名回民二十餘人共五十餘人在清真寺防禦十八日上午倖坤發率

眾各持刀矛至清真寺地方喊罵馬四銅錘亦率眾執持刀標從寺內趕出彼此互鬪倖坤發將馬四銅錘並馬小發甲一併截傷羅起潰將馬小詳截傷白添發馬汶玉趕攏亦各將倖坤發羅起潰截傷姚亭潰亦將馬汶玉截傷均各倒地維時馬占春馬洪發馬丁花子陳姓並不識姓名回民二人各向任連甲杜潰阮汶詳李小四王士銀任東爭鬪被任連甲等各自截傷亦俱跌地與馬四銅錘等均各斃命李萬用矛

林文忠公政書

丙集

雲貴奏稿 卷二

四

截傷不識姓名回民左胎膊該回民逃跑未斃尙有回民馬小萇受馬四塊瓦馬小八三馬正保馬尙平及不識姓名回民六人被何人致傷身死彼時人眾勢雜各犯看視不明未能供指餘回因力難抵敵往後退跑被漢民喊追倉猝復自行跌岩斃命八九人呂珍詳許成孝阮潮玉蘇耀胡中潰戚小二王潮有潘趕年潘啞吧趙端工羅起濛羅起沅蕭玉淋楊受淋等均止在後助勢並未傷人嗣漢民等分路走散呂小

平春復帶同不識姓名漢民十餘人並邀張彩張添幅陳七分追逃走各回呂小平春與張彩路經新店房有回民何石甲等上前喊拏張彩跑走何石甲之子何小科拔刀趕砍張彩轉身奪獲回截其胸膛殞命張添幅與陳七行至山神廟被回民楊興發等攔住欲毆張添幅分辨楊興發拔刀撲砍張添幅亦拔刀抵截楊興發閃避適其幼弟楊小老走攏致被張添幅誤傷肚腹致斃張彩張添幅當各逃走呂小平春陳

林文忠公政書

丙集

雲貴奏稿

五

七復帶人各將何石甲楊興發房屋打毀呂小平春因傷斃回民多命起意燒屍滅迹希圖掩飾遂令李小四胡中潰徐老五並不識姓名漢民六人將各屍身檢齊共三十餘具連夜背至清真寺院內搬取堆存柴草點燃將各屍燒燬因火星被風吹落屋內草堆致將寺屋燃燒時附近回民均因畏事移避近寺房屋亦被燃燒多間此漢回挾嫌互鬪傷斃回民多命燒屍燬房之原委也旋據獲犯解省經委員等審明由

臬司招解_臣等親提嚴鞫各供前情不諱_臣等

以蘇耀等被馬成潰等毆傷係屬一時爭角何以倖坤發事後扛幫輒爲鬪眾恐另有起衅別情並被糾被殺漢回亦恐不止此數其燬屍燒房是否實係呂小平春起意有無因該犯在逃扶同狡飾再三究詰僉供倖坤發原因邀馬成潰等理講被馬四銅錘村斥挾忿並因回民阻水與漢民本有未睦是以聽糾助毆委無另起釁端至被糾漢民被殺回民實止此數其

林文忠公政書

丙集

雲貴奏稿

六

燒屍滅迹委係呂小平春起意房屋係被延燒並非故意燒燬不敢隱匿各供不移案無遁飾查例載廣東等省糾眾互毆之案如審係械鬪讎殺糾眾至四十人以上致斃彼造十命以上首犯擬斬立決臬示其隨從下手傷重致死應行擬抵者均各依本律例擬抵傷人及未傷人者亦各按本律例分別治罪至彼造倉猝邀人抵禦並非有心械鬪者仍照其毆本例科罪又律載同謀共毆人致死下手致命傷重者絞監

候餘人杖一百又鬪毆殺人者不問手足他物金刃並絞監候又因鬪毆而誤殺旁人者以鬪殺論又例載回民結夥三人以上其毆之犯但有一人執持器械者不分首從發雲貴兩廣極邊烟瘴充軍又聚眾執持兇器傷人發邊遠充軍又糾眾互毆案內餘人如有輾轉糾人數至五人以上者無論曾否傷人即照原謀律杖一百流三千里又毆故殺人案內殘毀死屍其聽從抬棄之人照棄屍為從律杖一百徒三年各

林文忠公政書

丙集 雲貴奏稿 卷二

七

等語此案漢民倖坤發因蘇耀被回民馬石詳賒糖爭鬧馬成潰糾人將蘇耀毆傷事後往邀理論並挾馬四銅錘村斥之嫌起意糾約八十餘人持械互鬪致斃回民三十餘命該犯鬪殺馬四銅錘馬小發甲二人實屬首惡非尋常互毆可比例無治罪明文應比照廣東等省械鬪讎殺糾眾至四十人以上致斃彼造十命以上者首犯斬決梟示例擬斬立決梟示該犯已當場被殺仍照例戮屍傳首犯事地方示眾羅起

潰任連甲杜潰阮汶詳李小四王士銀任東姚亭潰各自鬪殺回民馬小詳馬占春馬洪發馬丁花子陳姓馬汶玉並不識姓名回民等各一命應仍照本律問擬除羅起潰已被截斃應毋庸議李小四聽從毀屍輕罪不議外任連甲杜潰阮汶詳李小四王士銀任東姚亭潰均各依鬪毆殺人者不問手足他物金刃並絞監候律擬絞監候第聚眾持械非同尋常鬪毆且回民之傷斃多命皆由該犯等助鬪濟惡所致情節

林文忠公政書

丙集 雲貴奏稿 卷二

八

較重現當彈壓漢回滋事必須執法持平將兇暴大加懲創此等鬪殺回民多命之犯按律俱應情實未便日久稽誅致長鸞陵惡習所有任連甲等七犯應請旨加擬立決俾各匪咸知儆戒亦足以折服回眾之心漢民張彩張添幅於倖坤發等互鬪之時先未在场後經呂小平春邀追逃走各回張彩被回民何石甲等喊拏爭鬪致將何小科戳傷身死應照鬪毆殺人律擬絞監候張添幅亦因被

回民楊興發等攔毆爭鬧致誤傷楊小老身死
應照因鬪毆而誤殺旁人以鬪殺論鬪殺者絞
監候律擬絞監候秋後處決漢民李萬聽糾用
矛戳傷不識姓名回民應照聚眾執持兇器傷
人例發邊遠充軍漢民呂珍詳許成孝阮潮玉
蘇耀訊止聽糾助勢並未傷人惟各輾轉糾約
五人以上應照互鬪案內餘人如有輾轉糾人
數至五人以上無論曾否傷人即照原謀律杖
一百流三千里例各杖一百流三千里內呂珍
林文忠公政書 丙集 雲貴奏稿 九
詳許成孝係在廠充當保長客長于倅埠發糾
眾爭鬪之時並不力為勸阻輒聽從眾糾約
致釀多命應請從重發新疆地方當差回民桂
小蘇等聽從馬四銅錘糾往抵禦並未傷人惟
先與回民馬得亮馬二草包馬石詳等聽從馬
成潰結夥持械將蘇耀等毆傷內馬成潰與馬
石詳等雖祖孫其犯惟係侵損於人應以凡人
首從論除馬成潰已在監病故外桂小蘇馬得
亮馬二草包馬石詳均應照回民結夥三人以

上其毆之犯但有一人執持器械者不分首從
發雲貴兩廣極邊烟瘴充軍例發雲貴兩廣極
邊烟瘴充軍與呂珍詳等各犯分別發配折責
安置漢民胡中潰聽糾助勢並未傷人惟事後
聽從呂小平春燒屍滅迹應照毆故殺人案內
殘毀死屍聽從擡棄之人照棄屍為從律杖一
百徒三年例杖一百徒三年定地充徒折責拘
役限滿詳釋漢民戚小二王潮有潘超年潘啞
吧趙端工羅起深羅起沅蕭玉淋楊受淋訊止
林文忠公政書 丙集 雲貴奏稿 十
在場助勢並未幫毆均應照其毆餘人律杖一
百俱酌加枷號兩箇月滿日折責發落以示懲
儆回民馬四銅錘糾眾互鬪並馬汶玉戳斃人
命均罪有應得已各被殺身死俱毋庸議避害
回民及被延燒回房已飭據該府廳妥為招撫
給資苦蓋均無失所該處泉水飭令仍照舊規
漢回公同取用不得爭競廠地現俱靜謐除飭
令該府廳隨時稽查約束務使漢回日久相安
毋得稍滋釁隙並嚴緝逸犯呂小平春等務獲

究辦並全案供招咨部外謹將審明定擬緣由
合詞恭摺具

奏伏乞

皇上聖鑒勅部核覆施行謹

奏

林文忠公政書

丙集

雲貴奏稿
卷二

十一

姚州白井漢回互鬪大概情形摺

奏為姚州與白鹽井相連地方漢回尋釁燒殺業
已彈壓解散現經獲犯審究並查勘辦理情形
恭摺奏祈

聖鑒事竊查姚州地方漢回雜處白鹽井在其境內
該州北界白塔街一帶係為赴井通衢本年八
月十九日據署楚雄府寶俊楚雄協副將尙宗
慶轉據署姚州知州咸孚稟報八月十三日漢
民王開汶等因回民沙汶英藏頓軍器盤查爭

林文忠公政書

丙集

雲貴奏稿
卷二

十二

鬧致有殺傷漢回因此構衅于十五等日在白
塔街等村互相燒殺當經會訊親往查辦稟請
派調官兵彈壓並據白鹽井提舉李承基稟報
聞有回匪欲與井民尋衅該井為辦課重地恐
被騷擾請兵防堵各等情臣等當即檄飭楚雄
府協隨帶弁兵并飭甫經出省之委員麗江府
裴聰順道前赴該處並檄調新授鶴麗鎮總兵
音德布護武定營參將王濤就近勦帶弁兵馳
往會同彈壓去後嗣據該鎮府協等查稟先經

府協前往彈壓飭令各掌教頭人曉以利害遍
為傳諭並聞官兵前至遂經解散息爭惟肇衅
首要及逞兇各匪俱已竄匿現在嚴密緝拏務
獲究辦 臣 林則徐於

奏委重綸署理普洱鎮總兵摺內業將姚州漢回
衅爭已息鶴麗鎮總兵音德布應須會同緝犯
尙駐姚州緣由陳明

聖鑒一面飭令該鎮府等確查起衅根由並漢回民
被燒房屋傷斃人數據實具報嚴拏首要各犯

林文忠公政書

丙集 雲貴奏稿 卷二

三

認真審辦並將被害漢回妥為撫卹勿任失所
茲據該鎮府暨委員等稟稱查因姚州回民僕
三竅馬欄良僕伊麼等諗知白井竈長漢民羅
晴川家道殷實商謀糾搶私將器械寄藏素好
之張汝淮陳典家內因在僕小雙茶鋪漏洩其
事被井民間知報經該提舉僉差將僕三竅並
張汝淮陳典等拏獲起獲刀械等件送署馬欄
良逃逸起意糾約回民報復即令馬小班等運
送器械於八月十三日至白塔街回民沙汶英

家藏歇經該處漢民王開汶盤問爭鬧沙汶英
之戚僕小老將王開汶截傷身死漢民高添佑
馬致禾等前往理論沙汶英恃強辱罵致相爭
鬪高添佑等將僕小老截斃並傷斃沙汶英家
男女九命及不識姓名回民二人將其房屋打
毀回民馬欄良等漢民高添佑等因此構衅附
近漢回亦各隨聲附和于十五等日互相燒殺
查勘白塔街洋派北關官屯等村漢民被燒房
屋共二千六百八十餘間山脚官庄二村回民

林文忠公政書

丙集 雲貴奏稿 卷二

四

被燒房屋共二百六十餘間漢民查報傷斃男
女三百二十七丁口內經獲屍驗明被殺被燒
及跌巖落水致斃者一百三十四丁口回民查
報傷斃男女六十五丁口內經獲屍驗明被殺
被燒致斃者二十二丁口此外並無屍身是否
尙有逃亡抑係查報不實現復逐處清查俟得
確數再行具報並聞白井關外回民亦有燒殺
之事該處僅住回民十餘戶均已搬避未據親
屬投報究被何人殺害致死幾人屍棄何處現

亦確切查訪俟得有端倪起屍驗辦計白井姚州楚雄縣先後拏獲滋事回漢各匪僕三竅張汝淮陳典馬棚良僕有盈馬春漢僕金聶倫馬成名僕汶盈僕老抓馬玉山蕭小定僕新成馬致禾胡小萬春李映祥僕世深僕世恩僕有功楊旭僕小雙等二十二名並案內要犯僕伊麼因指拏黨匪僕有盈白圖滅罪致被僕有盈砍截斃命驗明屬實惟各犯供多狡展逸匪尙未全獲現仍上緊偵緝嚴審務得確情錄供詳辦

林文忠公政書

丙集 雲貴奏稿 卷二

五

被害者均已按戶撫恤逃避者陸續招徠安集不致失所等情前來 臣等查該漢回等因口角衅爭輒敢糾眾互相燒殺以致傷斃多命燒燬房屋多間實屬逞兇不法現查漢民被傷人命多於回民十分之八漢民被燒房屋亦多於回民十分之九雖其中互有曲直而回民之強悍為尤甚應將兩造首惡黨匪嚴行懲辦以昭炯戒不敢稍任輕縱除飭將現獲各犯研審確供並上緊嚴緝逸犯按名務獲歸案審辦另行按

擬具

奏外現在姚州地方俱已安靜白井照常煎銷仍飭該鎮府及委員等妥為查辦務使漢回日久相安不得再滋釁隙所有武定營弁兵已徹歸伍其音德布隨帶弁兵俟緝匪事竣亦即撤回謹將查勘辦理大概情形先行合詞恭摺具奏伏乞

皇上聖鑒訓示謹

奏

林文忠公政書

丙集 雲貴奏稿 卷二

六

甄別鹽提舉州縣各員摺

奏爲甄別昏庸謬妄及難勝民社各員請

旨分別革職勒休改教以飭官方恭摺奏祈

聖鑒事竊維立政之道察吏爲先如其措置乖方識

見適形其闇汶聰明誤用心術每中於回邪又

或相率因循則公務必多廢弛臣等於接見屬

員時無不留心考察臣林則徐前於校閱營伍

之便並經到處訪聞據該管府州密稟前來臣

等督同司道詳加體訪查有白鹽井提舉李承

林文忠公政書

丙集

雲貴奏稿

七

基人本平庸井地係其專管平時不理民事該

民以前鹽爲業家多殷實回匪因而恐嚇詐財

若井民喊告到官卽爲分別查拏剖斷曲直立

加懲創以儆其餘回匪定生畏懼乃聽井民膚

受之懇輒令以原執被逮至倚官勢而報私仇

迫回民益肆囂陵卽架以謀逆重情請兵救護

臣等就近發兵前往彈壓業經解散該提舉竟

欲將回民剿殺殆盡妄作條陳又復私僱外來

無業遊民作爲練丁幾至激成事變種種荒謬

罔知事體之重輕除案犯交府州拏解研審究
懲另摺奏

聞外應請將該提舉李承基先行革職如查有別項

情事及虧短經徵課項再行據實嚴參又嵩明

州知州黃際昌在任有年性耽翹彙平時專恃

官親辦事故人皆得分肥前次領運京銅竟至

短交十餘萬斤現在查照例限追繳若仍令其

回任勢必至虧倉庫錢糧應卽勒令休致又署

邱北縣知縣黎崇基才屬中平該縣盜賊滋多

林文忠公政書

丙集

雲貴奏稿

六

緝捕未能得力該署合性情疏懶難期振刷精

神又署師宗縣知縣陳溶壤地與邱北毘連民

夷雜處訟獄繁興該署合聽斷不勤捕務亦欠

起色查黎崇基係進士出身現已准補麗江縣

尙未合其赴任陳溶由拔貢教習期滿分發來

滇補缺有需時日該二員年力強壯文理尙優

應請均以教職改補又候補直隸州州判山毓

柏向多嗜好心地不醇舉動尤爲躁妄曾經署

理應縣不治輿情實屬聲名狼籍未便既往不

咎稍事姑容應請卽行革職謹就臣等見聞所及核實

奏參此外查有庸劣之員再行糾劾斷不敢自甘徇隱見好屬員有負邊圻

委任所遺白鹽井提舉員缺例應在外陞調麗江縣缺滇省現有應補人員容臣等照例請補合併陳明所有甄別緣由謹合詞恭摺具

奏伏祈

皇上聖鑒訓示謹

林文忠公政書

丙集

雲貴奏稿卷二

九

奏

飭提永昌京控人證未據報解情形片

再臣等因永昌漢回久挾夙讎互相殘殺終非了局要在彈壓之使不妄動化導之使不互疑是以仍留鎮將大員帶領未徹官兵駐彼防範竝飭迤西道親歷永順一帶督同府縣曉諭紳衿掌教務敦和睦永禁侵陵疊次刊發告示誼誼開導令其各具切結以漢保回以回保漢又為之清釐田產招復流亡使知相安則樂利有餘相讎則身家兩失其紳衿掌教等亦卽轉相

林文忠公政書

丙集

雲貴奏稿卷三

一

勸戒議立條規不獨具結呈官且各書和約同誓於神以明其無反覆臣等接據文武稟報亦卽優加獎賞以誘其悔過遷善之誠竊冀自茲以後兵革可以不興卽留防各兵亦惟盡此殘冬皆可撤回歸伍惟先有兩起回民京控欽奉諭旨交臣等審辦其原告丁燦廷等一起於十月十七日由部咨解到滇又杜文秀等一起亦於十一月月初三日咨到應卽飭提被告人證解省以憑質訊惟查原呈所列被證自百餘名至二百

餘名不等人數太多勢難盡行提解當經札飭該道府等分別首要次要其於控案情節無甚關係者祇須就地取供彙送覈辦惟被回民呈內指係香匪串謀滅殺無辜者不能不提至省城與原告質對虛實乃歷今多日總未解到雖因永昌距省寫遠難免遷延而訪聞該處漢民業已糾聚匪徒將應解之人意圖抗匿藉稱本年正月內該處有問擬軍罪之張杰萬重二名由官起解被回匪攔路殺死此次若解赴省亦

林文忠公政書

丙集

雲貴奏稿
卷三

二

必在途被害不敢起身該道等諭以揀派文武幹員多帶兵役沿途護送務保無虞開導再三而哨民總不願解查該處為保山縣所轄地分七哨南三哨尚可理喻其北四哨強悍成風就中金鷄板橋二哨尤多匪徒燒香結會風聞十餘年來往往挾讎擅殺平民匿不報官若官為查問則沿村吹號糾人每欲恃眾困辱官長地方官恐急則生變致蹈辦理不善之愆因而隱忍彌縫但冀事端寢息養癰本非一日積習殊

可深憂前者漢回構釁猶祇民與民為讎今明知京控兩案奉

旨交審而膽敢糾約庇匿意欲抗官此風實不可長惟該道府均未將情形具稟臣等馳系轉深現又諛飾妥為曉諭設法提解固不可操之過促致滋決裂之虞亦不得匿不稟聞轉釀邊隅之患所有提解控案未能就緒情形臣等謹據實附片奏

聞伏乞

林文忠公政書

丙集

雲貴奏稿
卷三

三

聖鑒謹

奏

籌辦永昌哨匪起程日期摺

奏為保山縣七哨匪徒打奪解省人證隨又焚燒縣署劫放獄囚殘殺城內回民及在官丁役鎮道府縣現俱被困在城道路梗塞文報沈滯不得不調兵剿辦臣林則徐擬赴大理府就近調度仍先出示散其黨羽以冀首要各犯作速就擒地方仍歸綏靜謹將籌辦情形恭摺奏祈

聖鑒事竊臣等前因永昌回民兩起京控欽奉

諭旨交審飭提被告人證解省日久未見解到訪聞

林文忠公政書

丙集

雲貴奏稿 卷三

四

該處漢民欲將應解之人抗匿不解而未據該道府具稟永昌距省十九站當又疊札飭查竝將所訪大略情形於上年十二月十六日合詞附片具

奏在案嗣經查據保山鄰境各文武先後探報十

一月二十九日永昌府縣會營帶兵押解京控案內被證至離城四十里之官坡被保山哨民劫去次日又擁入城內焚燒保山縣署監犯盡行放出先經招復之回民現被搜殺無存沿途

哨民聚集阻塞道路搜檢公文凡有關係之件均不能遞送江橋板片已被折去各等情迨十

二月二十五日始接據該處鎮道及府縣營員會稟則稱十二月初一日起解京控人證周曰庠等九名行至官坡因聞前途有回匪聚眾圖搶該被證等恐被殺害哭求緩解是日街期眾民紛紛跪求因人多擁擠周曰庠等走散旋報城內回民放火延燒縣署監獄漢民救火匪回齊出搶殺被兵練格殺多命監犯亦乘間逸出

林文忠公政書

丙集

雲貴奏稿 卷三

五

等語臣等查保山城內文報業已多日不通而此次鎮道府縣等會稟忽然同日遞到其詞又皆畫一而核與鄰境文武所報情節大相懸殊此中愈多疑竇當復疊遣弁兵差役分投飛探竝查有由保山逃出之腳夫數人陸續傳訊始知該處七哨匪徒不下數十萬人每聚眾時用牛角一吹無不蜂擁而至此打奪京控人證實係十一月二十九日之事其時文武帶領兵役雖有數百名無如哨匪累萬趕來鎗礮亂放

有騰越鎮標外委胡恩榮左臂被礮子打穿
亡未卜各文員乘坐之轎俱被打碎武員軍械
馬匹被奪一空其次日即係十二月初一日各
文武正在會議辦理此案未開城門忽有無數
哨匪越城擁進聲稱搜殺回匪查保山城內有
甫經由官招復之回民百餘人逃赴縣署聲喊
救命該哨匪遂追趕至縣一齊放火將縣署全
行燒燬回民盡行殺斃並有騰越廳回民來府
應試亦被殺多名又以各衙門及公館有回子

林文忠公政書

丙集

雲貴奏稿
卷三

六

藏匿恃眾搜殺並將迤西道之家丁誤認爲回
人殺死二名其赴縣監放囚之時有縣役張五
攔阻亦被殺害所有在城文武隨帶丁役無多
其永昌協兵丁亦係該處之人勢難恃其捍衛
自鎮道府縣以及各委員皆被困窘在城每日
市糧限數出糶該處有瀾滄江一道爲省城及
東路各屬赴永必由之路該哨匪將江橋板片
折去並聚多人把守如有公文遞過哨匪即攔
截折看立時撕毀永平縣遣遞公文差役亦被

殺死二人其餘各處隘口均被匪黨把守無人
得入是以臣等節次飭查各文件俱無下落其
忽然遞省之會稟即係哨匪捏就情詞逼令書
吏繕寫勒官用印發申而其實在真情除鄰境
探報及臣等查訊之外全不得信查該處哨匪
如此不法雖尙未聞戕害各官而抗拒勒逼情
形即與反叛何異推其藐法之由聞自道光十
三年間該處設立牛叢挾仇擅殺經署永昌府
陳錫熊署保山縣吳繩先後親往查禁均被圍

林文忠公政書

丙集

雲貴奏稿
卷三

七

困窘辱勒令寫立不辦字據用印給付爲憑始
行放出其事竟已寢息嗣後該處之民直皆目
無官長前兩年該哨與回結衅互相焚殺厥罪
惟均祇因回匪有拒敵大兵戕官劫囚等事是
以用兵專爲剿回而設其哨民尙無抗官情罪
故未加兵今逆情如此昭彰直欲負隅梗化若
再化大爲小不獨永昌竟成域外而凡漢回匪
類孰不恃居邊遠羣起效尤臣等與司道各員
再三商酌並查知回民現亦四處糾黨各圖報

復若再互相殘殺禍患更必蔓延須得多調重
兵方足以示彈壓而資剿辦查七哨有數十萬
之眾兵力單弱深恐損威其永昌順雲一帶之
兵既因要隘甚多難以分撥且須防其勾結必
得另調他處之兵是以札商提臣榮玉材先於
提標及維西永北鶴麗劍川景蒙等營調兵約
二千餘名為前隊一起交榮玉材帶領先赴永
平駐劄相機前進又調省標六營及曲昌開化
各兵約二千名為中隊一起赴大理聽候調遣

林文忠公政書

丙集 雲貴奏稿 卷三

八

又調昭通東川兵七百名合昭通鎮劉定選統
帶並調貴州提標及威甯安義二鎮兵共一千
二百名交安義鎮總兵秦鍾英統帶為後路一
起陸續進發以上約調兵六千名皆由東路前
往其永昌以西有騰越龍鄰一鎮一協之兵亦
經酌調二千名由西路前進以期夾擊復查歷
次迤西用兵無不添僱勇練該處山川險阻箐
密林深客兵路徑生疏易滋迷誤須用慣習山
路之士民夷練或指引嚮導或分截要隘兼杜

匪徒竄伏以防意外之虞臣等亦已分飭各土
司僱備精練並札該管府營認真挑選以資應
用但查永昌之瀾滄江兩岸皆依山為險路極
彎曲江橋一座為往來咽喉要路今經該匪折
去橋板聚眾防守恐此路未易進兵若不得已
則各處官兵均須繞道順甯府前進臣等分檄
經過各地方預為佈置已有眉目計各路官兵
正月底可以到齊臣林則徐擬於十九日由省
起身赴大理府駐劄督辦該處距省城十三站

林文忠公政書

丙集 雲貴奏稿 卷三

九

距永昌六站自可隨時相度機宜分別調度臣
程喬采仍在省城督催各路官兵籌辦糧餉接
濟所有總督衙門日行事件暫委藩司趙光祖
代折代行其緊要事宜仍包封寄至行次由臣
核辦至軍需應用經費查滇省別無閒款可籌
祇得於鹽課項下借動銀十萬兩先行濟用惟
目前哨匪聯為一氣良莠不分若概予征剿恐
脅從者自知不免亦復相率抵敵礙難辦理是
以臣等先行剴切出示遍貼曉諭以附近各邨

漢民如不敢隨同附和定不概予株連卽先已
被脅勉從者但能悔罪輸誠亦可量邀末減其
心存畏懼不敢始終怙惡須將首要各犯迅速
自行縛獻以正刑誅所有江橋板片亟須照舊
鋪平各處隘口不許阻攔行旅往來文報毋得
截留撕毀被搶軍械作速照數繳還以上各事
如果逐一遵行或可網開一面免致盡數殲除
若仍冥頑不靈罔知利害則大兵一臨惟有痛
加勦洗人皆粉骨碎身地盡犁庭掃穴不能曲

林文忠公政書

丙集

雲貴奏稿
卷三

十

予保全如此大加曉諭庶黨羽可漸解散元惡
易就殲擒臣等惟有極力籌維冀地方速歸安
謐以仰副

聖主綏靖邊隅除莠安良之至意所有查明哨匪滋
事調兵辦理緣由謹合詞恭摺具

奏伏乞

皇上聖鑒訓示再滇省程途遙遠差弁齎摺約須四
十日始能到京臣等恐塵

聖懷嗣後軍務之摺卽請由馬上飛遞合併聲明謹

奏

林文忠公政書

丙集

雲貴奏稿
卷三

十一

生擒彌渡匪犯審辦摺

奏為彌渡軍營生擒首要重犯審明即行正法餘

犯按例定擬恭摺奏祈

聖鑒事竊照彌渡地方內外匪徒勾結滋事傷官害

民經臣會督提鎮用兵剿辦大獲勝仗除臨陣

殲殺情形已於另摺

奏報外所有官兵在陣前生擒拒敵逆匪及先後

逸出被獲各犯陸續解送到臣者計共一百二

十三名當經飭調大理府知府唐惇培督同署

林文忠公政書

丙集雲貴奏稿

三

雲南縣知縣董宗超署賓川州知州李崢嶸暨

各委員訊取確供復經臣逐一提審除訊明實

未隨同拒敵傷官結會拜盟焚殺搶劫之黃小

裸等三十五名分別取保省釋及遞解本籍管

束外臣核訊通案眾供此次外來匪徒係四川

回民沙金隴沙玉隴漢民古明發為首本地匪

徒係回民麻汝淮麻春融黃中為首緣彌渡地

方為迤西買賣馬頭常有川陝漢回民人往來

販買因地方頗稱富庶往往流連不去易生事

端道光二十七年秋冬間沙金隴沙玉隴弟兄

與古明發等先後販彌渡雜貨生理遂與本地

素稱強梁之回民麻汝淮等交好十二月間沙

金隴等見陝西人喬姓在彌渡開義盛當舖銀

錢充積起意訛索終日在鋪吵鬧麻汝淮等遂

勸鋪夥李六等出錢買靜陸續詐去錢二百二

十千銀二十兩寢事本年正月初九日有川省

回民張國幅與軍犯張世保私相賭博爭毆張

國幅被張世保戳死報經署彌渡通判林甘源

林文忠公政書

丙集雲貴奏稿

三

移明趙州知州周力墉到地驗屍拘獲張世保

到官正在研訊詎沙金隴等藉稱死者係其親

戚乃被軍犯欺侮遂約川回多人執持刀械於

十四日將各軍犯住處搶奪一空該通判會同

知州差人禁止沙金隴等即闖入通判衙門將

甫經拘訊之張世保擅行戳死並另獎在旁軍

犯陳亞林一名帶傷四名官差喊拏立時聞散

因匪類人眾一時難以就獲其內匪麻汝淮等

又起意恐嚇市肆民家聲言四處外來人若不

安頓卽日必被焚搶各戶無不驚懼逐日鳩集銀三百二十兩由麻汝淮等交沙金隴沙玉隴古明發分散夥眾作爲盤纏口許一二日卽各回籍麻汝淮等分其餘利多寡不一乃沙金隴等因見良懦可欺口雖言去實無去志愈圖搜劫城鄉各戶更可捆載而歸猶恐人心不齊起意結盟拜會先與外來客民密約得贓均分又暗邀本地回民麻汝淮等輾轉糾人亦動以利十八日在彌渡北門外之五顯宮燒香結拜歆

林文忠公政書

丙集

雲貴奏稿卷三

西

刻分隊出搶一時鎗斃刀械紛紛突起戶民動遭殺害驚惶失措不敢禦敵有李姓一家被搶銀五千兩陳姓一家被搶銀二千四百兩爲數最多其餘槍銀自四百餘兩至數十兩不等錢自百餘千至數千不等該文武在街市禁阻寡不敵眾致各受傷該匪等遂恃人眾圍攻通判衙署各官被困署中請兵未到二十一日燒搶寺坡北甲等處二十二日燒搶陸家賴家等營二十三日又燒搶阜角馬溪姚期等營共計被害者十七邨莊至二十四日兵雖未齊而將備已有到者一面派兵堵禦匪類稍有懼心不敢再行放火二十八九兩日兵到漸齊其次日捉鎮俱到初二日紮營兜捕初三日併力正攻該匪恃眾抵拒竭盡晝夜之力殺斬無算生擒復多此係內外匪徒始而詐擾繼而結拜終而焚搶戕官害民之一切情形也此次沙金隴一犯於初三日當場騎馬拒敵經各兵民認明連槍打落奪獲其馬斬取首級送至大營各邨人眾

林文忠公政書

丙集

雲貴奏稿卷三

五

來觀齊聲稱快除將該首級懸竿標明示眾外現所生獲之外匪首犯古明發內匪首犯麻汝淮二名均已供認起意會商糾眾拜盟復率領焚搶邨寨殺害多人拒敵官兵各情不諱均屬首惡應比照凡謀叛不分首從皆斬律加重凌遲處死惟係比照定罪家屬毋庸緣坐財產亦免入官稍示區別曾義松劉得畏謝申華陳有何馬明楊老三趙添成七犯均供認殺人自七命至二命不等并經拒敵官兵又唐汶星徐兆

林文忠公政書

丙集

雲貴奏稿

六

近李添朝楊應全李發褚興趙洪順黑正青趙斯樽馬潮選馬連興王大順侯小六王春陳泳盛劉思潮李諱劉仍馬成母受復尹小存徐崇尹時有羅從潰李選揚潘有受二十六犯供認焚燒邨寨各殺一命俱屬同惡相濟均應擬斬立決加以梟示馬青山李洪順曾世桂黃明富李添希楊明陳世汰劉逢春馬保李發春祁永林張老蔡連沅趙鄭桂楊義龐劉金寶王結馬信馬沅唐小四高順才徐廣順但意才揚正興

李昭劉定嶠二十七犯雖供未經殺人俱已隨同焚搶邨寨得分贓物均應擬斬立決以上共犯六十二名悉係情罪重大未便稍稽顯戮臣於審明後即恭請

王命飭委大理府知府唐愷培新營營遊擊恒權押赴犯事地方即行處決應梟示者傳首示眾以昭炯戒其獲時受傷較重旋經監斃匪犯八名內有李泳發楊興順二名殺害多命應行戮屍一體梟示又楊沅方有潮馬靛青鄧奉茂王保

林文忠公政書

丙集

雲貴奏稿

七

馨馬小沅祁得陳沅陳聯升馬章馬潰郭遇順馬仍馬吉桂楊長保李老二官相潮鄒正才十八犯訊只隨同入會並未焚殺搶奪亦無抗拒官兵均應照匪黨結拜非依齒序聚至四十人以上為從發極邊烟瘴充軍例發極邊烟瘴充軍係在滇省犯事應請照案發配兩廣安置又據現犯供稱沙玉隴麻春融黃中三犯已在陣前殲斃惟屍身未經認明恐難憑信尚須確加查究如經竄逸尤須查拏務獲不任倖逃法網

至_臣現駐行營未及辦理供招送部謹開具犯
名清單註明緊要情節恭呈

御覽仍將各犯口供發交臬司彙核詳送撫_臣咨部
備案以符定制再該匪等結會拜盟事起倉猝
地方官查知禁止而寡不敵眾是以稟請發兵
現已剿辦完竣所有失察處分仰懇
天恩從寬邀免謹將訊明辦理緣由繕摺具
奏伏乞

皇上聖鑒謹

林文忠公政書

丙集

雲貴奏稿
卷三

六

奏

續獲彌渡匪犯審辦摺

奏為續獲彌渡滋事逸犯審明定擬並將重犯即
行正法以示懲儆恭摺奏祈

聖鑒事竊_臣前因彌渡地方內外匪徒滋事當即調

集官兵殲獲首從各犯分別懲辦業經繕摺

奏報竝聲明飭屬查拏逸犯務獲在案_臣思除惡

務盡逸犯一名不獲根株一日不清况此案夥

黨多係川陝外來匪徒如閣時稍久誠恐出省

遠颺查緝更難得手隨即通飭各府廳州縣毋

林文忠公政書

丙集

雲貴奏稿
卷三

七

分畛域勒限上緊偵緝竝於毗連各屬關隘嚴
飭認真盤詰務期按名弋獲不任免脫稽誅茲
據蒙化賓川姚州雲南等廳州縣陸續拏獲首
從各犯共計二十二名解送到_臣當飭大理府
知府唐慎培督同署太和縣知縣熊家彥署賓
川州知州李崢嶸暨各委員訊取確供復經_臣
飭提親訊據首犯沙玉隴供認與已正法之古
明發麻汝淮竝殲斃之沙金隴等起意糾約四
川陝西貴州及趙州永北姚州各處漢回結盟

焚搶抗拒官兵殺斃多命乘間逃逸各情歷歷如繪核與古明發麻汝淮等前供悉相昭合復提從犯隔別研訊除陳興順一犯聽從結盟並未隨同焚搶孫小潔白萬明二犯係事後分贓未經拜盟外其馬六三等十八犯各供認聽糾結盟持械焚劫並有打仗一二次殺斃一二命至三四命不等臣恐尙有不實不盡復提前獲留禁各犯質認無異再三究詰矢口不移案無遁飾查沙玉隴商同古明發等糾眾拜盟身

林文忠公政書

丙集雲貴奏稿卷三

三

為會首復率領焚搶郵寨殺害多人拒敵官兵實屬罪大惡極應請比照凡謀叛不分首從皆斬律加重凌遲處死案係比照問擬應免緣坐馬六三謝沈沅李阿存周其湮鍾小三楊順六犯係聽從結盟搶劫得贓拒敵官兵殺斃一二命至四命不等同惡相濟均應擬斬立決加以梟示王有才劉玉順趙起倡韓成富潘應發張騰高彭興順宋洪發陳常發胡春華楊啓深周濠十一犯雖未經殺人但隨同結盟焚搶得贓

竝抗拒官兵均應擬斬立決以上十八犯俱屬情罪重大未便稍稽顯戮臣於審明後即恭請王命飭委文武員弁將各犯押赴市曹即行處決以昭炯戒而快人心應梟示者仍傳首示眾又陳興順一名訊係聽從結盟並未隨同焚搶應照匪黨結拜非依齒序聚至四十人以上為從例發極邊烟瘴充軍孫小潔白萬明二犯委係事後分贓未經拜盟應照強盜事後分贓例杖一百徒三年臣現由大理前赴永昌未及辦理供

林文忠公政書

丙集雲貴奏稿卷三

三

招謹開具犯名清單註明情罪恭呈御覽所有各犯口供仍行發交臬司歸案彙核詳送撫臣咨部備案至緝獲逸犯各文武均尚認真容查明首獲協獲與前案一併奏請鼓勵合併聲明所有續獲逸犯審辦緣由理合恭摺具奏伏乞

皇上聖鑒謹

奏

保山哨匪輸誠獻犯仍飭嚴拏摺

奏為保山七哨懾服軍威已縛獻匪犯多名解

審辦仍飭各官兵兜圍嚴拏務令滋事案犯全

無漏網以示懲創而靖地方恭摺奏祈

聖鑒事竊臣前於二月十二日由驛

奏報先剿彌渡匪類情形竝查知保山自發告示

之後江橋已鋪板片文報不敢阻留即於摺末

聲明冀以仰紓

宸念隨即催兵移營分路前赴永昌臣亦將續獲彌

林文忠公政書

丙集

雲貴奏稿

卷四

渡案內逸犯二十二名在大理府復行審辦於

二月二十一日又經專差齎摺具

奏在案因思大理距永昌尚有六站雖比省城為

近而軍情信息究不能早晚常通查永平縣為

永昌出入咽喉前聞哨匪滋鬧之時回匪亦借

報復為由盤距永平一帶將往來貨馱強劫勒

贖以致客商絕迹且糾搶居民財物擄占婦女

靡惡不為是以臣復由大理移駐永平既督人

哨之官兵並辦行劫之回匪自永昌文報通後

在城文武各員均不至如前被困據該鎮道

等先後具稟以哨匪傳聞此次所調兵練特多

又聞彌渡用兵殲殺無算始有悔懼之心城鄉

紳士耆民近日漸出見官據稱先因哨匪人眾

勢兇一時難以理論所以不敢出頭迨接奉省

城發出告示知征剿匪類之中仍寓綏輯平民

之意伊等幸獲生路亟與各哨逐加講解咸知

凜畏兵威只求遵示辦理所有案內匪犯責令

各處里甲約長均即確查縛送橋板鋪平之後

林文忠公政書

丙集

雲貴奏稿

卷四

不獨行人與文報全無稽留大兵到時亦必迎

進不敢稍阻又放出縣監囚犯自行遍處覓獲

仍送回監現查僅少一犯當再購線找尋其在

官坡搶去軍械亦已繳還十之七八仍在各哨

查追呈繳又縣署業已被燬惟求准民捐蓋不

敢稽延等語臣以衙門為法令所從出頑民膽

敢焚署誅之尚不足蔽辜若准賠修竟似興廢

自由成何政體嚴批駁斥不准惟匪犯速行縛

獻以正刑誅庶免盡行剿洗之語係前經臣等

奏明出示曉諭自未便頓改前言但所獻必以首要為先不得就輕避重且以時日為限不得延喘緩兵如敢詭詐相嘗立即殄除務盡臣又札調久駐該城之迤西道王發越面問情形據稱該處士民均悔罪輸誠屬實並因鶴麗鎮音德布連年在永昌用兵民情素相敬憚先令帶兵由江橋直入見該處男婦老幼焚香跪迎沿途不絕懇求網開一面准予緝匪送官該鎮遂與先駐城內之騰越鎮總兵拴住率同府縣查收

林文忠公政書

丙集雲貴奏稿

三

所獻匪徒維時雲南提督榮玉材與昭通鎮總兵劉定選貴州安義鎮總兵秦鍾英先後各率將領備弁分路齊進其民人之焚香跪迎者亦與音德布到時無異凡該處城鄉大路無不壁壘而地旌旗蔽空赫赫萬軍使民戰栗又永昌與順甯連界以右甸為緊要關鍵查臨元鎮總兵李能臣前本派在順甯留防此次仍令帶兵約一千名在右甸紮營以資策應聲勢極為聯絡節據音德布等稟報獻出匪犯截至三月初

五日已及一百三十餘名經府縣訊取初供其承認傳帖糾人抗官打奪入城焚署殺人放囚之犯已覺實繁有徒臣將回民兩次京控原呈所開被告名單與現獲之犯互相核對如劉書即劉一鵬周日庠張時重即張重李國即李兆祥萬益三劉文華楊春富張文儒董俊吳少游周際岐宋發春藍得沛石鈺即石育吳堃等本皆被告有名而劉書周日庠則尤控單所首列者此外或一人而有兩名亦所難定飭詢永昌

林文忠公政書

丙集雲貴奏稿

四

府縣有無頂替冒名據復提犯互相認識所獲實皆本人等語當即飭令分起解至永平容臣督同委員細加研審分別懲辦伏思該地方既於兵到時即先投誠獻犯自未便遽加剿擊致使玉石俱焚惟竟以所獻為憑則袒庇即在意中藏匿亦復不免且愈是首要之犯愈恐徇隱者多當此兵威極盛之時搜緝倘非難事除仍勒催多獻真犯外臣復明查暗訪且多遣文武員弁確探未獲匪蹤竝向已經獲案之犯問係

何人糾約何人協同令其自相攻擠彼既身遭
縛獻如有罪同法異者諒必不肯甘心如此逐
節推求若一哨中實有隱匿罪人即當分兵圍
拏倘敢負固不服則是孽由自取定予剿洗無
遺不敢姑息因循致貽後患除俟續獲案犯並
審明定擬緣由另行馳

奏外所有現在縛獻多犯情形臣謹會同雲南巡

撫臣程喬采提督臣榮玉材合詞恭摺由驛具

奏伏乞

林文忠公政書

丙集雲貴奏稿

五

皇上聖鑒訓示謹

奏

覆奏永昌漢回情形片

再臣正在封摺時適值齋摺差回承准軍機大

臣字寄本年正月二十五日奉

上諭林則徐等奏提解控案延未赴解等語此風斷
不可長著林則徐等諳飭該道府等妥為曉諭固
不可操之過促致滋決裂亦斷不能任其抗拒不
遵提訊總須默化潛移挽回風氣以綏邊徼而靖
兇頑等因欽此又由兵部限行四百里承准
廷寄二月十七日奉

林文忠公政書

丙集雲貴奏稿

六

上諭林則徐等奏保山縣七哨匪徒打奪解省人證
隨又焚燒縣署殘殺城內回民現在籌辦情形一
摺必應痛加剿洗方足挽回積習林則徐現已檄
調各營精兵分股進剿並已親往大理府督辦榮
玉材業經帶兵前往務當籌畫萬全操必勝之權
相機攻剿固當分別良莠不可妄殺無辜致失眾
心尤不可再示姑容稍留餘孽總期一鼓作氣悉
數殲除方足大昭懲創所稱鎮道府縣皆被困窘
在城每日市糧限數出糶現在會否解圍該鎮道

等如何著落著即查明由驛具奏其瀾滄江為赴
永昌必由之路江橋板片現被匪等折斷聚眾把
守尤當迅速設法擊散賊眾修復橋道鐵索俾文
報得通剿辦方能得力至軍需經費除於鹽課項
下借動十萬兩外所有雲南貴州兩省現收捐輸
之款並准其先行動支以濟急需程爾采在省督
催各路官兵籌辦糧餉俱當悉心商辦務使兵威
遠振漢回各匪盡皆懾服斷不可稍有挫失以靖
邊圉而除兇頑是為至要將此由四百里各諭令

林文忠公政書

丙集

雲貴奏稿

七

知之欽此並發回 臣前奏摺一件奉

硃批此摺即應由驛馳奏何待嗣後另有旨欽此 臣

在永平奉到跪誦再三仰見

聖主塵念邊疆務令遠振兵威漢回盡皆懾服 臣等

得以遵循辦理感悚彌深除保山城市及瀾滄

江橋情形已於正摺縷陳外查提 臣榮玉材先

於保山之官坡地方紮營會督各鎮將備弁查

拏匪犯撫 臣程爾采早將各路官兵全催過省

臣謹再行咨會一體欽遵辦理斷不敢稍有挫

失至軍需經費目前不能不用而實無款可籌
仰蒙

恩准於兩省現收捐輸款內先行動支 臣等倍深感
激惟有極力撙節絲毫不許虛糜並隨時察看
情形若可徹兵即行酌量先徹以歸節省再 臣

恭摺

論旨務使漢回各匪盡皆懾服尤仰見

聖主洞燭情形持平

訓諭之至意 臣察看迤西風氣漢民惟保山七哨最

林文忠公政書

丙集

雲貴奏稿

八

為桀驁其餘尙近淳樸回民則無處不有且良

善少而梗頑多即如永平所轄之曲洞等回莊

無非聚而為盜且因古二十五年九月保山城

內漢民殺回一事人人影射自稱難回無論客

貨官鹽攔搶到手非賤即賣一拏到官則稱被

難之餘無可謀生不得不向客商索借度日一

似情有可原其實此等多非保山回子即籍隸

保山亦多分往各寨不皆城內被殺之家就使

原先真是難回而既如此行為直成流賊豈可

復行曲貸自臣駐劄永平以來趁保山兵力正多因已縛獻犯人尙未剿擊之際訪有回匪聚搶及受害民人告發卽先派兵密往掩捕計旬日間亦已獲犯一百名有零容當陸續審辦並救出被擄婦女數口先行給親完聚餘匪竄逸何處亦經嚴飭各地方官確切偵探會合兜擒但各處回莊通氣者多每以庇護同教爲名而以窩盜分贓爲實非重懲數處難挽積慣頹風此次臣調兵較多固爲哨匪恃眾逞頑而設亦

林文忠公政書

丙集

雲貴奏稿
卷四

九

因迤西久爲盜藪非重辦無以掃清卽使哨匪辦完亦擬乘勢會督提鎮擇其要害壓以重兵責令頭人指名縛獻果能盡將匪類獻出以正刑誅無論漢是回皆准一體辦理總使剷除根莠保衛善良以期邊圉肅清稍副

恩慈委任謹會同提臣撫臣

繕片附

奏伏乞

聖鑒訓示謹

奏

審辦倡亂妖匪金混秋摺

奏爲密訪保山滋事根由竝研訊犯供究出惑眾倡亂之妖匪金混秋卽鐵帽子拏獲審明恭請王命從重凌遲處死以昭炯戒而絕禍源恭摺奏祈聖鑒事竊臣前由大理移駐永平督兵進剿保山七哨因其畏威懾服縛獻匪犯多名當將飭提解審仍令官兵兜拏緣由於三月初八日恭摺由驛奏

聞在案臣

思該處民風固屬強悍然果何所倚恃而

林文忠公政書

丙集

雲貴奏稿
卷四

十

竟敢於打奪人證之後又公然進城焚署殺人劫囚恐另有荒誕不經之徒從中煽惑以致不顧性命不畏兵刑狂悖兇殘至於此極當經密派精細諳練之委員數人改妝暗訪知哨匪所恃爲護符者有一種緊皮藥若與人戰鬥先服此藥可以倍加勇力兇很直前卽刀槍亦能抵擋其造傳此藥之人混名鐵帽子厯在邊地往來此案滋事爲首之人與之潛相勾結屬實隨獲到倡謀聚眾之已革文武生沈振達張時重

張汶儒詳細訊究來歷據沈振達等僉供鐵帽子實名金混秋係大理府屬猓夷因遊方賣藥常戴鐵盔鄉人呼為鐵帽子沈振達之義父沈聚成原籍湖南在保山之金雞郵寄居早年赴銅廠營生被磚礮坍塌壓傷頭項經金混秋用草藥醫痊遂拜金混秋為師傅其緊皮方藥沈振達從幼見過金混秋稱為大太爺道光二十五年五月間保山漢回構釁回眾攻打金雞郵該郵咸推沈聚成為練頭率帶練丁堵禦沈聚

林文忠公政書

丙集

卷四

十一

成將金混秋所傳緊皮方藥配給眾練丁服食並稱其藥曾經念呪畫符食後皮肉縮聚刀砍不進槍打不透以壯眾丁之膽嗣果殺退回眾將最為著名之回匪九坎毛戕斃眾皆歸功於沈聚成懇其長為地方保護沈振達見伊義父年逾六十素患哮喘病證且係目不識丁知其本無能為伊遂乘此機緣武斷鄉曲思及金混秋既有術呪法符自不止製造緊皮藥一端因潛往土司地面尋見金混秋要傳各種邪術金

混秋告以有銅贏子一個念呪騎上能駕雲霧飛行又有天印一顆印在紙上佩帶身邊刀槍不入並能招調陰兵可敵千軍萬馬其他打仗防身之物尚有多種沈振達聞其法術以為可恃益加崇信二十七年十月內聞回民京控要提人證解省審辦沈振達知伊義父沈聚成被控有名恐其解省喫虧與張時重張汶儒等商謀阻解找尋金混秋請其卜卦金混秋用竹片火炭打卦稱係上吉可以攔阻不必解省沈聚

林文忠公政書

丙集

卷四

十二

成遂往山裏藏匿沈振達等倡言官府如果要解只得拚出大鬧一場維時金混秋潛住保山之睡佛寺內沈振達等密與往來經該府縣風聞將金混秋驅逐出境沈振達等又遣萬鐸傳贊趕往途次截留金混秋到金雞郵同住商用各種邪法並蓋造陰兵臺一座至本年二月大兵將到始行躲散等情臣查現在保山境內四面皆有官兵紮圍該犯金混秋斷不能遠颺出境轉恐匿在近處使人不覺當即密委素能緝

捕之臣標千總施嘉祥帶兵數十名馳往查緝該千總探知金混秋寄匿保山城南蕭祠其隨帶護身八人皆有過人膂力若遽行動手恐致走脫密稟提臣榮玉材添員協拏適榮玉材之子兵部額外主事桂恆歷隨伊父出師住在營盤卽與榮玉材添派之游擊王夢麟護遊擊陳得功把總張慶會密至蕭祠外面施嘉祥將所帶各兵前後佈置時已昏夜桂恆扮作過客進祠尋見金混秋託言央請打卦攔其出路施嘉

林文忠公政書

丙集

雲貴奏稿

三

祥卽乘機上前將其擒獲王夢麟陳得功張慶曾均協同緝獲該匪所帶之三帕等八人正欲抗奪亦被施嘉祥等合力圍擒無一得脫榮玉材並卽知會各文武勘明金混秋隨身行李物件逐一封貯解送臣當卽查驗有緬字經卷五束緬佛一尊念珠一串鐵帽銅帽各一頂銅羸一個約二寸許鳥槍七桿火藥一包又有藥確藥葫蘆各一箇內裝藥物或名緬茄或名飛芋與白胡椒雜貯卽係配製緊皮藥之用復有

木印一顆分刻漢文夷字其漢文曰猛砮天下夷字譯係祖師余額發佛塔等字此外尙無違禁物件字迹臣隨卽親提該犯金混秋卽鐵帽子督同迤西道王發越等嚴訊據供年五十六歲祖上本係獮夷故父余額發住居鄧州我在該州生長二十歲時拜從口外野夷金老蚌雞爲師便從他姓金學習符呪配緊皮藥尋能醫跌打損傷在邊地各處游方住居無定因沈聚成曾在銅廠被石壓傷爲之醫治痊愈沈聚

林文忠公政書

丙集

雲貴奏稿

四

成拜我爲師傅授方藥伊義子沈振達亦相熟識道光二十七年十月間沈振達尋我占卦說伊義父與永昌城哨多人怕被回子京控恐要起解上省能否攔阻我想此案人數甚眾正可哄騙取財告以卦象甚吉攔阻無防那時保山地方漢回卻無爭鬪我遂住在睡佛寺內十一月中沈振達常來看望私言伊義父沈聚成雖已入山遠避而同案之人不日起解恐伊義父將來亦不得饒不如先將頭起奪回後起卽俱

不解若鬧出亂來專靠大太爺法術答救保護之語諂諂密託我想向來金雞等郵人最強悍一呼數萬諒必不致喫虧我若不壯其膽則向來所誇法術反見是假非真因面許以若要陰兵我能調集數萬但必須預先建立清淨屋宇大家焚香禮拜捨錢祈福乃更有靈又言永昌流年風水不利尙須暗埋法物方能壓勝沈振達復帶伊同郵親戚張時重張汶儒及城中人李欄等向我密商我說即使官兵前來總不能

林文忠公政書

丙集

雲貴奏稿 卷四

五

敵我陰兵我一念誦符呪破之易如吹灰眾皆深信不疑索取緊皮藥而去隔了幾日不知地方官因何把我驅逐我正走出兩站有金雞郵人萬姓傅姓等來述沈振達的話將我截留擡赴金雞郵住在裕美店房內二十九日即聞各郵齊吹牛角趕赴官坡將起解之人全行奪回是夜沈振達張時重張汶儒等都向我來說事已鬧大總因回子京控所致明日大家都要進城殺盡回子我看勢難阻止只好聽之又乘機

催令速蓋陰兵臺一座各郵俱派布施我每日拈香一次男婦老幼都來行禮並與我磕頭到臘月底我對眾人說已調陰兵二萬六百名了我又教李欄們做壓勝之物用臘捻成各種獸形托以木板配以雞蛋等物於三更後暗埋各城外七處大路說是能擋兵馬至本年二月間得調來兵練有一萬數千之多又聞兵過彌渡地方已將內外匪徒剿殺殆盡不但七哨人人害怕我恐前許陰兵的話亦必盡露詭情竝探

林文忠公政書

丙集

雲貴奏稿 卷四

六

知金雞郵人漸不信我法術伊等城鄉紳耆商議縛犯送官我恐被伊細獻又探有官兵四面兜圍我若逃出恐被截擊只得於就近偏僻廟宇暫行躲藏不料已被查知將我拏獲等供臣查該犯疊稱能調陰兵自係久蓄逆謀不止妖言惑眾且木印鐫刻猛砮天下字樣尤堪詫異復向再三嚴詰據供猛砮係耿馬土司界外隙地不歸土司管轄我故父曾在該處住歇人稱祖師上年我又經過其地希圖佔作頭人因刻

木戮一方留以待用其天下二字只就猛砮而言即管理地方之意夷字上刻我故父之名亦只想壓服該處土人委無別故此戮並未行使故未沾有印色已蒙起出驗明至經卷均從夷地傳來並非自行編造銅贏係隨身配帶之物謂能騰雲駕霧不過哄騙愚民所稱調齊陰兵委係空言煽惑並無謀為不軌別情臣訊供後復於三月十五日親赴永昌府城巡閱營伍並查看保山城哨情形查其所謂陰兵臺者只係搭蓋窩棚當即飭令拆毀並發掘周圍地內亦絕無詭秘物件是其陰兵之說僅以惑眾騙錢無他妙巧已屬顯然其城外七處大路埋藏蠟獸等物均已刻出送驗所云能擋兵馬之說影響全無臣回至永平又提該犯究詰堅如前供案無遁飾查金混秋以猥夷潛匿邊地膽敢妄布妖言惑眾倡亂致釀鬧案并敢捏稱能調陰兵可敵千軍萬馬又捏造獸形埋藏城外大路種種悖亂不法已極雲南地屬邊疆人心最易

林文忠公政書

丙集

雲貴奏稿

七

林文忠公政書

丙集

雲貴奏稿

六

惶惑未便因其尙無謀為不軌實情稍存輕縱金混秋除妄布妖言煽惑人心罪止擬斬不計外應照謀叛已行從重加凌遲處死臣於審明後即恭請王命將該犯金混秋綁赴市曹凌遲處死並傳首保山城哨地方懸竿示眾以昭炯戒案係比照定擬家屬應免緣坐其傳首為徒及隨身服役各犯均歸於滋事案內分別按例辦理另摺具奏起出烏槍火藥發營配用經卷銅贏鐵帽銅帽等物案結銷毀除將犯供發交臬司彙核詳送撫臣咨部備案外查保山地近夷方易惑師巫邪術即妖言毫無證驗亦致深信不疑以致藐法抗官自罹重辟其兇頑固屬可惡而愚昧亦屬可憐臣現與撫臣會商剴切示禁並嚴飭各屬一體認真訪拏務期盡消奸慝俾愚未萌以仰副聖主綏靖邊陲至意所有訪獲倡亂妖匪審明懲辦緣由理合專摺具奏伏乞

皇上聖鑒訓示謹

奏

林文忠公政書

丙集

雲貴奏稿 卷四

九

審辦保山哨匪並酌徹官兵摺

奏為保山滋事匪徒經該處自行縛獻及督兵

查拏到案者現共三百二十九名訊明情節輕

重分別定擬並將首要各犯恭請

王命先行正法地方悉經安靜民情感畏交深各兵

酌量留防餘皆凱徹歸伍恭摺具奏仰懇

聖懷事竊臣前將保山七哨懾服軍威獻出匪犯一

百三十餘名仍飭各官兵兜拏緣由奏蒙

聖鑒在案臣查該處獻出各犯固不為不多而其中

林文忠公政書

丙集 雲貴奏稿 卷五

一

尤有首要之人或紳耆畏其強梁或親族徇於

情面觀望遷延恐亦不免經臣訪知姓名及由

犯供指出者均隨時開單勒拏一面密查蹤跡

設法暗擒如另摺

奏獲之金混秋沈振達張時重張汶儒等皆倡亂

主謀之首惡此外隨同糾眾奪犯抗官焚署劫

獄搜殺回民各從犯或由明拏或由暗擒續經

報獲解訊者並無虛日截至三月底止共解到

三百二十九名除金混秋一犯情節較繁已另

具專摺

奏辦外所有前後獲犯均經臣督同雲南迤西道

王發越暨各委員隔別研訊緣沈振達張時重

即張重張汝儒萬鐸趙育張汝健周曰庠劉書

均係永昌保山府縣兩學已革文武生其餘人

犯俱保山縣民人沈振達原係王姓因父母俱

故往依妻家度日經伊妻伯沈聚成收為義子

改從沈姓與張時重等分住金雞板橋等邨周

曰庠劉書因與回民雜處恐被欺凌邀約城鄉

林文忠公政書

丙集

雲貴奏稿

二

多人燒香結拜有事相助周曰庠劉書各為鄉

首道光二十七年七月回民丁燦庭杜文秀等

以香匪串謀滅殺無辜等情先後赴京具控奉

旨發交臣等親提嚴訊當經飭提人證去後旋據迤

西道王發越督飭永昌府保山縣將被告周曰

庠等提獲擬於十一月二十九日解省審訊周

曰庠思及沈聚成亦係被控有名因充金雞邨

練頭此次未聞同解想係該邨眾人為之庇護

即密令其子周際岐等向沈聚成求救沈聚成

亦恐被解先已躲避外出沈振達遂與張時重

張汝儒等商謀阻解並以伊義父拜從為師之

金混秋素有符呪法術可以倚恃適住睡佛寺

內沈振達即往該寺以前情央其卜卦金混秋

起意乘此煽惑斂錢遂用竹片火炭打卦稱為

上吉可以攔阻不必解省沈振達聲言如果官

府要解只得拚出大鬧一場稔知劉一鳴素諳

製造槍礮又因伊住處僻靜即許給銀兩囑其

製造劉一鳴應允前往陸續購買廢鐵密雇匠

林文忠公政書

丙集

雲貴奏稿

三

人在家私造鳥機鳥槍各十餘件交沈振達收

藏維時沈振達金混秋密相往來經該府縣訪

聞驅逐金混秋出境沈振達私遣萬鐸趙育傳

贊等將金混秋接至金雞邨同住商用各種邪

術並與張時重張汝儒等商允於人證起解時

聚眾在途打奪先寫傳帖分赴各哨糾約猶恐

人心不齊倡言如有一人不到將來定行殺害

此沈振達倚恃金混秋邪術倡謀糾眾打奪犯

證之緣由也十一月二十九日府縣會營撥兵

將周日庠等九名作為頭起解省沈振達等探知即令各哨傳人向金混秋領取緊皮藥分往各處攔截約吹牛角為號齊出打奪是日午後文武官弁兵練押解人證行至官坡地方張汶儒率領眾人上前將周日庠奪回外委胡恩榮攔阻被哨匪劉加和等施放鳥槍轟傷左臂並傷營兵丁其榮等四名各官乘轎悉被打毀兵練因眾寡不敵所有隨帶器械馬匹衣服銀物俱被搶走張汶儒等歸向沈振達張時重告述

林文忠公政書

丙集

雲貴奏稿 卷五

四

前情沈振達聲稱此事都因回民京控所致氣忿莫遏起意糾人次日入城搜殺回民洩忿又因監內禁有哨民可以乘勢劫放大家應允約會南門外人李幗雇覓附城匪徒與各哨眾人會齊於十二月初一日早進城仍先向金混秋領取緊皮藥因人多不敷分給亦有未經領取之人其時文武已閉城門防範匪犯孟洙等潛於城缺處竄走進內眾人亦蜂擁而進扭開鎖鑰披髮持刀同聲喊殺迤西道王發越出外彈

林文忠公政書

丙集

雲貴奏稿 卷五

五

壓匪徒恃眾不服持刀向截家丁王貴蓋升救護俱被戮死回民見勢兇湧多有趨入縣署躲避者哨民迫趕殺斃多命聞有回民持刀格鬪哨民施放鳥槍以致焚燬署內頭二堂等處監門亦被砍開監犯逃出禁卒張五攔阻當被殺斃內有回犯一名亦被殺害該縣出署彈壓正值風大火烈縣署全被延燒有藏匿空屋之大小回婦俱經燒斃匪徒乘機搶掠銀物並分往各處搜殺回民致將在府應試之騰越回童亦

被殺害多命此沈振達等打奪犯證之後復遣眾進城劫獄焚署搜殺回民之情形也是時各哨人情洶洶恐有官兵前來剿捕又慮外面聞信報復該犯沈振達張時重張汶儒等均以前滄江有險可恃即分派張成得等糾集多人前往各隘口拒守并拆去江橋板片以阻行人且因城中紳士不肯幫助議禁各哨不准柴米進城又恐城內各官暗用文牘到省請兵令拒守各隘之人遇有公文攔截拆看適該鎮道將哨

匪肆行不法請兵剿辦緣由繕稟專差赴省行至江橋被該匪等搜獲送交沈振達拆看沈振達即將原稟抽出燒燬另捏回匪搶殺放火焚燒縣署監犯乘間逸出各誑情挪改日期繕就假稟仍裝入原來印封遞省希圖嫁禍於回激動官兵剿辦且聽從金混秋調遣陰兵之言建臺惑眾並造壓勝妖術用蠟捻成各種獸形夤夜埋於大路此又沈振達等商同抗拒官兵奸謀詭秘種種不法之原委也當該匪等滋事之

林文忠公政書

丙集

雲貴奏稿
卷五

六

際人眾勢兇公正紳耆皆畏禍引避迨聞省中調集兵練人數正多又見臣與撫臣會銜出示諭令縛獻匪類方免悉數殲除並聞兵過彌渡地方剿殺匪徒殆盡各匪心生畏懼紳耆即乘機開導商同各甲長遵示獻犯求免玉石俱焚先將橋板鋪平通行文報尋回逃逸監犯繳還被搶軍裝凡指名勒拏之人無不陸續細送其民間私藏槍礮刀械由地方官督令各甲長搜查收繳計獲三千餘件之多迨臣親到永昌

查看情形因金雞邨有哨牆一道堅固異常外挖深濠內開礮眼雖據稱因懼眾回滋擾藉爲防守之資然該處頑梗成風豈宜更任深溝固壘當即派遣弁兵嚴押該邨民人立時拆毀即將哨牆土石填塞濠費數日之功始經毀平填滿此又該處民人畏懼軍威輸誠悔罪一切避示辦理求免剿洗之實情也查此次滋事人犯多即二十五年以來漢回構釁案內之人其被回民京控有名者已獲過半如張汶儒張時

林文忠公政書

丙集

雲貴奏稿
卷五

七

重等均在所控之內沈振達本無控案僅因其義父沈聚成被控應解並周日庠遣其子求救遂起意奪犯抗官恐主謀滋事情形尙有不實不盡旋獲到沈聚成訊明伊聞傳解之信已去各處躲避實不知沈振達如何起意糾眾滋事質之張汶儒張時重等則均稱實與沈振達同謀並未尋見沈聚成商議且沈聚成素不識字自不能寫帖傳人沈振達亦堅供因沈聚成躲避之後恐官府著伊找尋是以同謀阻解又知

金混秋與沈聚成誼切師徒必能用其方術始
終保護經金混秋妖言聳動深信不疑以致鬧
成大禍懊悔無及並究出沈聚成之妾沈李氏
亦拜從金混秋為師傅習符呪方藥與另獲為
徒之何萬選等先後到案質審無異又據委員
訪有匪徒捏稱京控提人係各官假傳

聖旨編造歌謠寫成匿名揭帖刊刻板片之李名揚
一併獲案訊認屬實當於該犯家中起獲歌謠
板片當堂令其默寫字句相符至製造槍礮則

林文忠公政書 丙集 雲貴奏稿 卷五

八

訊係劉一鳴施放鳥機中傷弁兵則係劉加和
并未獲之劉汶倫劉老六傳帖糾人則係萬鐸
趙育張重五等帶眾進城則係李懶張重六丁
濟溥傳有學萬儀張密等劫獄放囚則係邵得
興王老七宋發春蘭得沛等搜殺回民并嚇截
官長殺斃家丁則係楊得白超鵬等並追訊二
十五年九月初二日帶練入城慘殺回民多命
則係馬老五樊晉得白沾淋蔣潮富王均楊茂
張炳等其餘聽糾劫犯並在官坡與縣署等處

乘機搶奪銀錢衣物放火焚燒回寺砍殺回童
以及遞送傳帖拒守江橋拆斷板片截毀公文
阻攔柴米進城各從犯俱各供吐實情歷歷如
繪彼此互質眾供相符案無遁飾此案沈振達
妄信妖言起意糾眾奪犯抗官私造槍礮並劫
放罪囚謀殺回民種種不法實屬首惡張汶儒
張時重厥罪惟均俱照謀叛律擬斬立決從重
加凌遲處死萬鐸趙育李懶張重五黃疤眼姬
小六李七蠻劉汶華張成得李得春連其秀楊

林文忠公政書 丙集 雲貴奏稿 卷五

九

蘭楊秀凡趙五蠻陳淋張老四宋五十八姜炳
王老七邵得興宋發春蘭得沛楊得白超鵬二
十四犯或接引邪匪聽信妖言同謀轉糾奪犯
或劫放獄囚焚燒衙署乘機搶奪殺斃回民一
二命並拆斷江橋截毀公文打毀官轎嚇截官
長實屬同惡相濟均照謀叛斬立決律擬斬立
決從重梟示案係比照問擬應免緣坐馬老五
樊晉得白占淋蔣潮富王均楊茂張炳宋黑老
蠻八犯除聽糾奪犯輕罪不議外究出二十五

年九月殺斃回民多命聶以青聶小卷挾仇謀殺後支解屍身趙三蠻搶奪得贓逾貫又殺斃回民二命均照例擬斬立決梟示查明該犯等財產按例核辦黃兆沅王十蠻晏三袁二蠻李沛谷潤之孟洙蘇秉度林向春段幅王立得姚小二聶以至聶以莊安七蠻董盈魁傅發蹇位石秉蠻王洪張四牛黃楊長子楊春富李丕顯張汶健楊發洪楊本潔張汶佑楊三趙受沅董潮湘張重六丁濟溥傅有學萬儀張密劉一鳴

林文忠公政書

丙集

雲貴奏稿
卷五

十

刻板片投貼匿名揭帖應照例擬絞立決以上各犯情節較重未便久稽顯戮臣於審明後即恭請王命飭委迤西道王發越新習營遊擊恆權將該犯等綁赴市曹分別處決馬老五王均李丕顯張密四犯俱已在監病故馬老五王均殺斃多命照例戮屍應梟示者傳首犯事地方懸竿示眾以昭炯戒周曰庠劉書倡立香會結拜弟兄聚眾至二十人以上各自為首自應各科各罪周

林文忠公政書

丙集

雲貴奏稿
卷五

十一

趙洙高六十七楊得洪劉安章張貞沅姬汶昭姬小九徐定蠻趙玉珍王小五王接蠻王有發王受倡劉加和周上智五十二犯實係聽從轉糾奪犯施放火器中傷官弁搶奪軍械造意殺斃回民一二命並劫囚在場助勢放火焚燒公廨殺斃家丁差役及燒香結盟等事均應照謀叛已行律擬斬立決劉一鳴製造槍礮至十數件之多照例處斬與施放鳥機轟傷官弁之劉加和俱斬立決李名揚一犯捏造悖謬言詞刊

故應毋庸議沈李氏係屬婦女案關邪術惑眾
 應不准其取贖崔科楊浩等三十八犯聽糾打
 奪人證並進城乘機搶奪財物又楊湘陳啓等
 二十六犯身充鄉約即係在官人役乃敢聽從
 匪人遞送傳帖攔阻柴米實屬執法均應照謀
 叛為從斬罪上減一等改發新疆給官兵為奴
 劉加美王禮等七十三犯聽從奪犯搶得財物
 應照聚眾打奪人犯因而傷差者為從杖一百
 流三千里律應與放火故燒空房斬罪上減一
 等之徐連生俱擬杖一百流三千里楊春幅等
 十犯係聽糾奪犯在場並未傷人應照律杖一
 百徒三年周際岐吳堃二犯因其父周曰庠等
 被獲解省即向沈振達求救雖係迫於父命究
 屬生事釀禍應於官司捕獲罪人聚眾中途打
 奪因而傷差者為從杖一百流三千里罪上減
 一等杖一百徒三年沙作和尚老李周志五景
 秀淋五犯訊止受雇服役並無拜從為師情事
 應於沈聚成遣罪減一等擬杖一百徒三年均

林文忠公政書

丙集

雲貴奏稿
卷五

七

到配折責安置以上各犯應刺字者照例刺字
 徒罪限滿詳釋楊老五等十犯訊係事後攫取
 財物計贓准竊盜論應照竊盜贓一兩至一十
 兩擬杖七十仍免刺字劉定沅等二十八犯訊
 止被脅同行雖無不法實跡究屬不合應照不
 應重律杖八十俱折責發落起獲李名揚匿名
 板片案結銷燬其餘田作貢等二十九名歸於
 回民京控案內議結其因變逸出自行投首監
 犯趙金春等十名飭令照例辦理未獲楊學淋
 一名仍嚴飭上緊緝拏受傷外委胡恩榮營兵
 丁其榮等四名傷已醫痊應毋庸議被殺被燒
 溺斃之回民男婦已據保山縣驗明捐棺殮埋
 所有焚燒衙署及劈砍監獄已由臣等率屬捐
 廉建蓋修理城牆塌缺處所飭令補修堅固呈
 繳槍礮火藥器械現在派員查驗分別存貯配
 用未獲各犯仍飭文武員弁督率兵役嚴緝務
 獲究辦此案事起倉猝眾寡不敵文武員弁應
 得處分及失察各職名可否仰懇

林文忠公政書

丙集

雲貴奏稿
卷五

七

聖慈從寬邀免出自格外

天恩除將各犯供詞發交臬司彙核詳送撫臣咨部

備案外再查保山地方經此次懲創之後人心

震懾地方均甚安靜容再熟籌善後事宜奏請

聖裁欽遵辦理所有前調各標官兵除酌量留防外

餘已陸續檄徹歸伍合併聲明謹將獲犯審擬

緣由會同撫臣程商采提臣榮玉材恭摺具

奏伏乞

皇上聖鑒訓示謹

林文忠公政書

丙集

雲貴奏稿
卷五

五

奏

順途校閱營伍并酌改營制摺

奏為保山軍務將竣臣於駐劄永昌之便遵

旨校閱營伍恭摺奏祈

聖鑒事竊臣接准部咨欽奉

上諭本年輪應查閱雲南貴州等省營伍之期雲南

貴州著即派林則徐逐一查閱認真簡校如查有

訓練不精軍實不齊者即將廢弛之將弁據實劾

參毋得視為具文等因欽此臣查滇省向來閱伍

章程迤西之騰越鎮標暨永昌龍陵二協順雲

林文忠公政書

丙集

雲貴奏稿
卷五

五

一營均在永昌府校閱此次臣督辦保山軍務

先由大理移駐永平節經獲犯訊供漸次就緒

永平距永昌二百里臣於三月十五日親赴郡

城沿途查看城哨情形均極安靜隨即校閱永

昌協標官兵並調考騰越鎮龍陵協順雲營官

弁其附近之鶴麗鎮維西協永北劍川等營向

係附於提標及大理城守營操閱此次該鎮協

營官兵有調至永昌軍營者亦即就近先行校

閱以省日後輪換赴考所有閱過隊伍陣式均

尙整齊連環排槍聲勢聯絡刀矛雜技擊刺跳舞亦俱熟習馬步箭中靶分數不等各在六七成以上施放擡礮擡槍鳥槍亦皆猛捷有準兵丁技藝優長者當場獎賞生疏者分別責革降糧其將領備弁中尙無應効之員惟永昌協右營外委韓映斗馬步僅中一箭年力就衰應卽斥革騰越鎮標中營外委畢玉昆亦僅中一箭惟年力正強應降爲額外勒令學習以觀後效又永昌協把總蘇秉甲外委宋朝貴蘇茂年力俱壯弓馬亦皆去得惟訪聞人不可靠據該管官揭報前來均應先予斥革再行確查究辦查永昌民風素稱強悍故兵丁不患其軟弱而轉患其鷲凌尤防其與各哨匪類勾通致捕緝不能得力臣於考校之餘當場嚴加訓飭以上年冬閒匪徒滋事如果該營兵丁盡可如干城之寄何待多調各處兵來卽如該協掣途已革各兵現經審明分別定罪豈爾等尙不知炯戒諄諄開導之後又嚴諭各將備再行確查如有句

林文忠公政書

丙集

雲貴奏稿 卷五

六

結匪類之兵速卽革糧嚴辦尙扶同徇此察出定予特參又查永昌東隔瀾滄江西隔潞江兩處江橋最關扼要此外各路隘口亦極繁多若專恃土著之兵踞險分防恐緩急究難深恃臣現仍留駐征兵緝拏餘匪外擬此後酌照四川甘肅換防之例添派別營客兵擇要駐防按年交換不使與各鄉哨漸相熟習聯爲一氣並將該協在城額兵量撥鄰境差使俾彼此互有牽制以杜意外之虞容與提臣榮玉材撫臣程

林文忠公政書

丙集

雲貴奏稿 卷五

七

商采備細酌商再行會摺具奏總期地方安謐戎衛森嚴以仰副聖主綏靖邊疆至意所有查閱永昌一帶營伍并籌畫營制大概情形理合繕摺具奏再臣自駐永平後督令文武緝獲糾搶財物擄估婦女之回匪一百餘名現將永昌案犯審畢卽行接審回案一俟辦竣擬赴大理校閱營伍並將回民京控兩案人證提到該處親審仍會同撫臣覈辦如保山暨各處續有報獲匪犯亦

解大理歸案訊結合併陳明伏乞
皇上聖鑒謹

奏

林文忠公政書

丙集

雲貴奏稿
卷五

六

林文忠公政書 丙集 雲貴奏稿卷五

甄別知府各員摺

奏為甄別才不稱職及衰庸有疾之知府同知知

州請

旨分別降補勒休以肅吏治恭摺奏祈

聖鑒事竊臣等仰蒙

恩命畀任邊疆首以整頓吏治為要務業經兩次

奏請甄別州縣提舉等員分別降革勒休在案嗣

復於各屬所辦公事隨時留心察看並因臣林

則徐此次親至迤西一帶督辦軍務所有永昌

林文忠公政書

丙集

雲貴奏稿
卷五

七

順甯麗江等屬向因距省較遠未便札調前來

茲更就近訪詢並將因公接見覘其才識之長

短精力之盛衰與臣程喬采往返函商互相印

證查有現署永昌府知府李恆謙由騰越同知

拏獲永昌滋事首要回匪出力奏奉

諭旨俟升任後賞加道銜並

賞戴花翎旋奏升永昌府知府奉

旨准其升補照例送部引見等因欽此於道光二十

六年閏五月先行任事因保山漢回未靖一時

接署乏人尙未給咨送部引

見上年臣等到滇後雖未接見該員而查知其於嘉

慶年間卽任滇省通判洊歷思茅龍陵騰越各

邊缺同知並在永昌原任內已閱年餘於邊務

尙無貽誤此次臣林則徐在永昌接見數次聆

其議論雖甚熟悉情形而性近優柔臨事未能

果決卽於該處地方難期整頓惟當哨匪滋事

之時尙能將公正紳耆密爲招致諭令設法散

其黨羽並雇募練勇保護城垣輿情並無不協

林文忠公政書

丙集

雲貴奏稿

三

應請撤銷道銜降爲同知留滇候補以觀後效

又署麗江府知府龍陵同知陳鈞鏗平日辦事

尙稱勤謹歷任邊缺同知兩署知府均尙裕如

惟近患目疾多日未痊視事臨民諸多不便又

鶴慶州知州姚光熹履歷雖開五十七歲察其

精力實已漸就衰頹辦公殊形竭蹶未便任其

戀棧以上二員均請勒令休致除將永昌府缺

揀員另摺請調外查實任麗江府知府嚴廷珩

自京引

見回滇不日可到現將府缺委員暫代俟嚴廷珩到

滇卽行飭令回任至龍陵廳同知係極邊要缺

容另揀員照例題調其鶴慶州知州簡缺滇省

現有應補人員應請扣留外補合併陳明所有

甄別知府同知知州請分別降補勒休緣由謹

合詞恭摺具

奏伏乞

皇上聖鑒訓示謹

奏

林文忠公政書

丙集

雲貴奏稿

三

調補永昌知府摺

奏為遴員調補邊要知府恭摺奏祈

聖鑒事竊照永昌府知府李恆謙才具未能勝任現

經臣等另摺甄別

奏請降補在案所遺永昌府知府係極邊要缺例

應在外題補該處接壤夷疆漢回雜處械鬪焚

搶久已相習成風且上冬哨匪抗官近日甫經

懲創此後彈壓撫綏較常時尤關緊要非嚴明

幹練之員不足以資整飭滇省雖有候補知府

林文忠公政書

丙集

雲貴奏稿

三

二員皆於此缺未能勝任其同知直隸州各員

內人地亦多未宜殊無堪以請補請升之員臣

等與藩臬兩司逐加遴選惟查有臨安府知府

張亮基年四十歲江蘇舉人由內閣中書因出

差河南堵合祥符大工出力奉

旨加侍讀銜

賞戴花翎旋升侍讀

京察一等奉

旨記名以道府用二十六年十二月奉

旨雲南雲南府遺缺知府著張亮基補授欽此旋

奏補臨安府知府於二十七年八月二十四日到

任該員才識明幹勤奮有為在臨安半載有餘

緝匪懲奸不遺餘力以之調補永昌府知府可

期勝任惟題缺請調與例稍有未符但人地相

需例得專摺奏請合無仰懇

天恩俯念極邊要缺

准以臨安府知府張亮基調補永昌府知府實於地

方有裨如蒙

林文忠公政書

丙集

雲貴奏稿

三

諭允該員以知府調補知府銜缺相當毋庸送部引

見所遺臨安府知府係請

旨之缺應請

簡放以重職守所有揀員調補邊要知府緣由臣等

謹合詞恭摺具

奏伏乞

皇上聖鑒訓示謹

奏

拏獲歷年拒敵官兵匪犯審辦摺

奏為歷年永順雲緬軍營剿散餘匪竄擾各屬地方現乘凱撤大兵分投捕獲多起究出戕害擄禁員弁拒殺兵丁練勇各要犯七十六名審明立置重典以清餘孽而靖邊陲恭摺奏祈

聖鑒事竊查雲南迤西一帶自道光二十五年漢回構衅節次用兵當時殲斃匪徒雖已不少而擊散之眾分股竄逃尙未搜捕淨盡此等怙惡不悛視焚殺為故常以劫掠為生計凡其經過之

林文忠公政書

丙集

雲貴奏稿 卷六

一

處擄搶勒贖放火殺人無惡不作而州縣塘汛兵役有限遇賊難以就擒迨標營聞信調兵往追匪蹤又已他竄是逸匪即成流賊邊隅何日又安此次臣親至迤西查悉此類竄擾情形並疊據被害民人紛紛控訴若不乘此大兵雲集極力掃除則撤兵之後其竄擾必更甚於前豈能時常徵調故於駐扎永平督辦哨匪之際即在曲碕等處分兵拏獲焚殺擄劫各犯一百餘名先經附片具

奏在案嗣訪聞該匪等被拏嚴緊又分竄蒙化廳

之大小圍埂及趙州之華藏寺祁家營等處復派副將趙萬春李瑞署遊擊懷唐阿都司瑪克塔春巴哈布署守備李廷楷等以凱撤歸伍為名帶兵馳往掩捕一面檄飭該處文武嚴密會

拏正在遣兵起程聞即接據署蒙化同知張錦稟稱因大小圍埂一帶山深箐密每為匪徒出沒之區先已諳諭該處紳士頭人密探外匪來蹤嚴杜內奸勾結並選公正能事之舉人馬綸

林文忠公政書

丙集

雲貴奏稿 卷六

二

武生米萬選為總甲長邀同俸滿教職傅士珍雇募練丁梭巡偵緝適有著名回匪馬無二馬二隴馬長興馬茶欄興米成等聞拏逃至小圍埂附近地方正欲宰殺牛隻糾人敵血拜盟以圖負隅抗拒即經該署丞訪知率同馬綸米萬選傅士珍等帶領練丁往拏詎該匪等持械拒敵各練丁多有受傷仍上前奮力擒殺將馬二隴馬長興馬沅張小斗四犯當時格斃擒獲馬無二楊興馬二保馬雙淋馬揚科馬八一馬八

二龍三馬拴馬小二等犯稟解前來訊據馬無二等同供伊與已被官兵殺斃之賊首張富大白象貢巴巴均係同夥在永昌滋事因馬無二氣力過人羣推爲背旗領隊二十六年三月初六日張富要燬江橋有領兵駐守飛石口之守備趙姓也是回子張富遣人告以汝我均係同教親戚央他讓路趙守備大罵說我是

朝廷帶兵的官那肯與汝們叛逆認作同教我守這裏地方豈能讓汝路過抽箭射中張富辱吻那

林文忠公政書

丙集

雲貴奏稿
卷六

三

時官兵亦齊聲喊殺回斃死了二十餘人有頭目羅萬喜等趕來要代張富出氣拚命抵拒殺死官兵十餘人砍傷落水無數並將趙守備擒到長灣趙守備罵不絕口馬無二馬茶峒興米成姚大喜等將其支解馬無二把他心肝挖出給張富等炒食是日遂將江橋燒斷等供案查守備趙發元於二十六年三月在飛石口拒守被賊戕殺核與犯供相符當卽飭據張錦等將馬茶峒興米成一併拏獲米成於被拏時將身

帶尖刀自抹咽喉經練丁將刀奪下驗明氣味未斷醫治解審提與馬茶峒興馬無二質對供認同殺情形副將趙萬春等隨亦帶兵趕至該處會同搜捕將備皆爭先奮勇擒獲多名把總程國斌唐萬全劉煥章覃福海外委施嘉瑞柳應祥唐肇勳姚炳額外外委劉文華余正林王開魁暨蒙化廳經歷朱美鏐巡檢李克猷分路兜拏各有報獲除當場格斃及訊係另案劫殺非與官兵拒敵者核歸另摺分辦外其曾經戕

林文忠公政書

丙集

雲貴奏稿
卷六

四

害員弁拒殺兵練之要犯計有四十二名又據代理城守營都司韋中魁會同代理趙州俞良傑及團練壯丁之捐升雲南按察司經歷盧廷燮將要犯羅萬泰拏獲並將盧廷燮帶練首獲之馬連保趙大包馬小中趙小四代等犯一同解審俱供屢敵官兵屬實且據羅萬喜供稱伊爲張富大頭目歷在江橋飛石口長灣枯柯河小松寨二臺坡猛庭寨烏鴉河打仗十餘次殺死兵練約八九十人並於二十六年三月初十

日在大力哨與白應升同砍斃戴水晶頂之武官一人該犯砍斷其項頸及四肢並挖其心肝挂在樹上等情旋據署遊擊陳得功拏獲白應升到案供亦相符案查是年三月初十日在大力哨陣亡者係署都司之守備繆志林把總趙得和兩人今供所殺係戴水晶頂武官則是守備繆志林無疑又據委員咨補武定州吏目謝德瀆督帶曲硯頭人拏獲楊楷木汶隴馬阿三等犯據楊楷供於二十五年七月二十九日在蓮花寺打仗與馬小二夥同擄禁武官二員詢知一係都司姓楊一係守備姓潘嗣已聽其回營並未殺害等情復將張錦等獲解之馬小二提與質對所供亦同卷查是年七月有都司楊朝勳守備潘惠揚均被賊擄去業經奏辦有案與該犯所供相符自非捏飾此係訊出二十五六年滋事各匪擄禁都守戕害備弁之情形也至拒敵兵練名數以羅萬喜為最多緣其打仗十餘次前後合計故殺害至八九十

林文忠公政書

丙集 雲貴奏稿 卷六

五

人此外則馬無二馬茶悃興米成楊愷所殺或二十餘人或十餘人為數亦多又加署遊擊陳得功等所獲之楊茂春殺害十人署保山縣知縣韓捧日督同巡檢顧芳所獲之楊志五殺害五人並傷二人都司瑪克塔春等所獲之白阿八千總陳國樑所獲之黃得濛俱殺害五人陳得功又會同代理永平縣知縣沈保恆暨委員捐升雲南通判沈傳經普洱府經歷陸萬鵬拏獲黑旗馬大等犯內馬大殺害三人馬老四馬順有馬阿四各殺害四人馬萬才張幅受袁阿十各殺害二人副將趙萬春李瑞等會同張錦等所獲各犯內楊周馬揚保各殺害三人馬連興馬揚科馬悃成馬恆椿張湮卜得潰各殺害三人盧廷燮所獲之馬連保趙小四代各殺害三人又其所獲趙大包馬小中各殺害二人謝德瀆所獲之木文隴馬阿三各殺害三人委員候補知縣嚴鏗所獲之木金奉殺害二人千總施嘉祥所獲之袁名消亦殺二人餘雖只殺一

林文忠公政書

丙集 雲貴奏稿 卷六

六

兵一練而均係亂民皆屬法無可貸至案內人犯尙有另犯搶劫勒贖強姦擄佔各情而既經拒敵官兵則情罪以此爲重是以_臣親提各犯審鞫究出有與官兵打仗者悉歸此案從重問擬羅萬喜馬無二兩犯本係滋事頭目且各戕害帶兵守備甚至將其支解挖取心肝實爲罪大惡極應照律凌遲處死查明財產妻子照例辦理其楊楷等犯或同擄都守或同戕守備以及殺害兵練自一二名至二十餘名不等均屬

林文忠公政書

丙集

雲貴奏稿
卷六

七

兇惡昭著楊愷米成馬茶欄興白應升馬小二楊茂春楊仁沅白阿八黃得滌馬順有馬老四班鳩馬阿四黑旗馬大趙小四代馬連保馬阿三楊周馬老十馬小三木金奉馬揚保趙大包馬連興馬欄成馬恆春馬萬才袁阿十張幅受木汶隴馬揚科馬小中卜得潰袁名消張湮龍三袁阿科土應全馬生有劉滿沅馬大弟袁耀馬八十白潰沅閃至倫白秀春薩應圖賽倫馬添六馬八一馬小兒楊興馬喜陳吾三馬有勳

莫老六張牙子二馬拴陳發魁丁小五朱東王裁縫九劉三沅楊志伍楊得楊發枝保連達保文燦米二憨楊雙林馬大保馬二保馬小腊木汶接馬遇頭七十四犯均應比照謀叛不分首從皆斬律從重加以梟示案條比照問擬請免緣坐該犯等自軍營剿散之後逃竄已逾二年未便再稽顯戮_臣於審明後卽恭請

林文忠公政書

丙集

雲貴奏稿
卷六

八

王命飭委迤西道王發越提標參將存住將該犯等押赴市曹分別凌遲斬決馬八二張老五袁阿十陳順保四犯在監病斃應照例戮屍與現在正法各犯並格斃之馬二隴等俱傳首犯事地方懸竿示眾以昭炯戒其夥同支解守備趙發元之姚老五據現犯供稱前在雲州打仗已被官兵擊殺雖查與

奏案相符但恐尙難盡信仍飭嚴緝務獲不任漏網除另開犯名及罪名案由清單敬呈御覽並另錄犯供咨部外所有拏獲歷年拒敵官兵各逸犯分別懲辦緣由_臣謹會同撫_臣程商采

提臣 榮玉材恭摺具

奏伏乞

皇上聖鑒再據順甯府營等處續報拏獲逸犯亦經
審有拒敵官兵情節因路遠尚未解到容俟到
時審擬另行奏結合併陳明謹

奏

林文忠公政書

丙集

雲貴奏稿 卷六

九

拏獲疊次搶劫焚擄各匪犯懲辦摺

奏為拏獲疊次焚掠邨寨擄劫財物擄占婦女拒

捕殺人及持械逞兇各匪犯分別情罪輕重審

明定擬恭摺奏祈

聖鑒事竊 臣自本年二月開剿辦彌渡匪徒之後即

移駐永平督拏保山哨匪並因近年迤西幾成

盜藪欲乘兵力殲除是以附片奏

聞即一面分兵辦理茲承准軍機大臣字寄三月二

十九日奉

林文忠公政書

丙集

雲貴奏稿 卷六

十

上諭勞師糜餉原非善策然此次調兵較多剿平哨
匪之後如該督以為必應乘勢掩捕方可一勞永
逸即著會同提鎮擇其要害壓以重兵所有著名
匪類責令指名緝獻總期漢回各匪盡皆懾服盜
蹤淨絕邊圍肅清方為不負委任等因欽此仰見
聖主又安邊境

訓示周詳俾 臣得有遵循彌深欽感查迤西因距省

寫遠捕務每至因循緣緝匪類藉多兵而調兵

未敢輕議匪徒無所懾畏漸至鴟張非一朝夕

之故此次哨匪滋事不得不懾以軍威仰蒙
諭旨准調重兵遂使兇頑伏法而積久肆惡亟待掃
清之處正不獨哨匪爲然誠如

聖諭若不趁此痛懲豈有時常徵調之理幸賴

德威遠播自彌渡保山軍聲疊振各屬警動異常

分遣凱撤官兵會同地方官緝匪卽皆宣布示
諭以所辦但分良莠不論漢回果能速獻兇徒
照保山免其剿洗如敢逞頑抗拒照彌渡予以
殲除成法既所共聞利害惟其自擇前次所

林文忠公政書

丙集

雲貴奏稿

十一

奏明拏獲曲硯等處匪犯一百餘名業經隨審隨
辦而後來續獲者又不止一倍復經督同迤
西道王發越暨印委各員審明分別定擬除訊
有拒敵官兵情節者從重核歸另摺

奏辦外其劫殺等案人犯木有才等一百六十七
名此內漢回不一分隸保山永平順甯雲州蒙
化趙州鶴慶賓川劍川等廳州縣亦有由川黔
前來貿易傭工久暫不等犯事本不一處糾夥
亦非一時茲因駐紮迤西就近同時拏獲人

數眾多未便各歸各起逐案分摺具

奏應卽併案彙辦仍將各犯情罪分別聲敘緣木
有才唐泳受何愷吳玉潮木老九韓立春木信
良等稔知永平之曲硯一帶地方爲永昌往來
大路每年客商販運黃絲棉花等物馱載絡繹
起意糾夥攔路搶劫道光二十七年十二月初
三日木有才糾夥二十六人各執刀槍在曲硯
地方搶得客商棉花共一百九十二馱內寶隆
號九十七馱合盛號四十馱美盛號五十五馱

林文忠公政書

丙集

雲貴奏稿

十二

又建昌號黃絲三十四馱連馬騾趕回俵分又
於是月初六日唐泳受糾夥二十七人在齊屯
地方持械搶得引鹽九十一馱內馬增祿二十
馱馬體和十三馱馬阿四二十三馱馬定成三
十五馱因馬定成與夥盜馬阿三認識給銀十
八兩續回鹽十八馱其餘趕回俵分又於初十
日吳正潮糾夥三十四人在桃園鋪分執鳥槍
刀棍搶得寶隆號棉花一百二十馱及衣物布
疋又於十三日韓立春糾夥十五人在小箐河

搶得牛十二頭馬二匹騾四匹是時各事主因連起被劫不敢再行馱運將在途之黃絲棉花截留漾濞地方寄存熊姓店內木有才等聞知貨物停運又糾夥木東興等七十九人各持刀械同赴熊姓店內派令楊小滿等五十八人在外把風接賊木有才何愷木老九馬玉標韓立春木信良楊九沅馬阿哈馬寬深馬萬淋安正木欄富張老七楊汶標丁自周馬富九馬阿狗馬阿七安佩木有白木東興等二十一人入室搜劫將所獲棉花一百八十馱黃絲三十四馱又八十四包及鹽斤布疋衣物不計其數交給楊小滿等連馱騾一併趕至附近居住之何有沅馬連生王稀飯趙九馬重家內寄藏因贓物無從消賣復央與事主相熟之馬際常曾惟馨先後勸令備銀取贖各事主共湊銀一千五百二十兩零向其贖回尚有未贖之絲花各贓零星變賣連前勒贖之銀每人約分數十兩及數兩不等經地方文武訪知即派兵役查拏因賊

林文忠公政書

丙集

雲貴奏稿 卷六

三

眾勢兇未能逕行擒獲隨據稟請分撥弁兵陸續拏解到案并起獲贓銀九百四十餘兩提犯嚴鞫供悉前情又究出木有才於正月間在遮落哨地先後砍斃事主二命搜得銀二十餘兩又究出唐泳受本係逃徒於上年十二月間在永昌地方同未獲之楊大鑪匠等搶劫張老五鋪內食鹽一百斤並將其妻搶赴曲碛各輪姦一次後在龍街地方放火燒民房二間搶得衣服銀兩分用又究出吳正潮於上年九月間在黃連鋪地方搶奪過路客人財物先後砍斃事主二命又於十二月間糾夥馬老五等在天井鋪地方細縛事主余姓夫婦拷問搜劫併將事主之孫媳輪姦一次又同馬老五等在打牛坪地方抄搶事主陳老四家將其妻輪姦一次劫得衣服同逃并將房屋放火燒燬又在雙岔河焚燒余宗貴唐柏枝兩家房屋劫得衣物分用又究出何愷於上年十一月糾夥馬老二等在柏木鋪地方先後搶劫陶姓耕牛衣物及龍姓

林文忠公政書

丙集

雲貴奏稿 卷六

四

林文忠公政書

丙集

雲貴奏稿
卷六

五

牲畜糧食搶畢均將其房屋燒燬又在蝦蟆潭地方殺死不知姓名過客搶得銀三十兩金佛一尊計重四錢并布疋衣物復於十二月閒糾同木老四等搶趙姓家銀兩并將其姪女搶來與木老四姦宿又在打鶯山強姦不知姓名婦女人一次復在秀嶺鋪梅小二家姦佔其妻將梅小二趕走此木有才等糾搶棉花鹽馱及另犯謀財害命搜劫贓物焚燒房屋輪姦婦女種種不法之情形也又蔡金隴邱八二張六斤吉應發楊幅保忽開成蔡小狗馬源楊興濼王正舉張庭槐歐鴻發馬奉沅張小李段甘連保蔡嘯旺張遇順張小十老僕小五三羅順李老五羅八姚老五等先於正月十八九日在彌渡五顯宮聽從已正法之沙玉隴糾約焚香結盟二十日轉糾楊興濼郝二愁張庭槐郝開沅郝大愁蔡小三楊小順黃小罄丁一信閔智楊受溼馬有保馬路生楊小八蔣小詳馬小汶木有青張有存等隨同沙玉隴疊赴寺坡北甲等處焚

林文忠公政書

丙集

雲貴奏稿
卷六

六

搶邨莊鄉民紛紛逃避蔡金隴邱八二吉應發楊幅保各執刀鏢追殺二人張小李截斃一人并傷兩人張六斤忽開成蔡小狗馬源楊興濼王正舉張庭槐歐鴻發馬奉沅段甘連保蔡嘯旺張小十老張遇順李老五羅八姚老五僕小五三羅順各殺斃一命所搶銀錢衣物多寡不等旋聞官兵將到各先乘閒竄逃楊興濼因與羅蕩邨居民挾有夙嫌於二月二十日三更時糾同邱八二等前赴羅蕩邨用火藥燒著范姓門首豆桿上瞥見邨口有人前來即各跑回是夜延燒空屋數間未經攫物楊興濼心猶不甘又約邱八二等於三月初二夜復往該邨放火共燒楊蓋趙偉等房屋十六間因居民先有準備臨時躲開均未燒斃其家具財物多被搶奪各犯分攜而散楊蓋等隨即赴官控告當經分派弁兵拏獲各犯到案訊據供認挾嫌放火搶奪財物屬實并究出段秀等私造火藥埋藏楊應家內當遣雲南提標守備和鑑等帶兵前往

查起因火藥埋在馬槽之下蓋以石塊兵丁用鐵鋤刨石敲出火星迸入藥餅之內藥性轟發該弁兵等躲避不及致燒斃兵丁孫占春等七名守備和鑑外委段定邦楊登科等站立稍遠亦被轟傷據該守備等具稟前來當經驗明飭醫調治照例分別卹賞此又蔡金隴聽糾結盟搶劫殺人挾嫌放火以致弁兵誤被轟傷之情形也以上各案被害之事主人等先前或因畏懼兇惡或因顧惜顏面未盡具控到官自

林文忠公政書

丙集

雲貴奏稿 卷六

七

至迤西疊以前情控訴茲陸續拏獲首夥各犯隨解隨審據供前情不諱犯係先後拏獲供認情節相符案無遁飾此案木有才唐泳受何愷吳正潮馬玉標木老九韓立春木信良楊九沅馬阿哈馬寬梁馬萬淋安正木幗富張老七楊汶標丁自周馬富九馬阿狗馬阿七安佩木有白木東興二十三犯起意糾搶勒贖復搜劫焚殺并輪姦婦女種種不法應照強盜殺人姦淫婦女律斬立決梟示蔡金隴邱八二張六斤吉

應發楊幅保忽開成蔡小狗馬源楊興梁王正舉張庭槐歐鴻發馬奉沅張小季段甘連保蔡幗旺張遇順張小十老僕小五三羅順李老五羅八姚老五二十三犯聽糾結盟搶劫殺人并挾嫌焚掠同惡相濟應與木有才均擬斬立決梟示祁二憨祁開沅祁大憨蔡小三楊小順黃小罄丁一信閔智楊受湮馬有保馬路生楊小八蔣小詳馬小汶木有青張有存十七犯或隨同行劫得贓或放火搶奪財物均照強盜律不

林文忠公政書

丙集

雲貴奏稿 卷六

六

分首從擬斬立決該犯等情罪較重未便稍稽顯戮臣於審明後即恭請王命飭委文武押赴市曹分別處決應梟示者傳首犯事地方懸竿示眾以昭炯戒木有白蔡小三張應桂在監病故木有白照例戮屍楊小滿木愷楊沅年楊玉楊沅經土應中丁錫潰木金斗楊洪潰楊有沅楊名寬楊俊楊汶禮楊八十一楊占青李岡馬陽陳發中馬志富楊得周木曉東馬義得馬四十六馬添池木老四馬青錫洪

順馬雙九馬金美安正發木根沅馬阿一許其
進木有彰馬阿七皮老六老紅馬阿黑馬六九
楊連潰木有同王懷施二馬閑馬銀阿馬萃美
馬四代馬得保小李楊阿四馬昭馬衣麼馬民
安施湮受趙吾三馬八張廷楷馬迎生楊鐵頭
段沅保張經保蔡連馨祁士淋董發有陳受六
十五犯段秀羅懶保胡二泡楊應隊私造火藥
罪止擬軍輕罪不議外均係在外把風瞭望并
未隨同入室合依強盜情有可原者改發新疆

林文忠公政書

丙集

雲貴奏稿
卷六

九

給官兵爲奴施阿長木受淋木連玉馬五斤馬
小老馬阿五楊玉聰楊黑丁儀木三梁連升毛
老六馬老三馬占沅張丙馬成有馬沅才米發
科馬有春張從木有香馬十沅施八四木懶梁
李懶汶李春李洪馬老鷹嘴張六四陳得沅二
十九犯均照放火搶奪財物爲從情有可原者
發遣新疆給官兵爲奴何有沅馬連生馬重王
稀飯趙九五名係屬回民應照回民窩竊罪應
極邊烟瘴者改發新疆給官兵爲奴均請咨解

配應刺字者照例刺字馬際常曾惟馨雖訊無
分贓情事但與賊犯說事過錢究屬不合應與
被脅同行并未分贓之木玉才木先太袁有升
張茂木連甲李林何正岡馬阿四馬俊黃沅有
楊得沅等均照不應重律杖八十折責發落被
火藥轟斃之弁兵量加卹賞轟傷者飭令醫調
被擄婦女已據給親領回此案首夥各犯業經
緝獲該地方文武疎防職名邀免開送現獲贓
銀飭傳事主給領未獲追賠逸犯仍飭嚴緝務

林文忠公政書

丙集

雲貴奏稿
卷六

三

獲究辦除供詞發交臬司彙核詳咨外謹將各
犯罪名案由另繕清單恭呈
御覽所有拏獲疊次焚殺搶擄各匪犯懲辦緣由會
同撫臣程商采提臣榮玉材合詞恭摺具
奏伏乞
皇上聖鑒謹
奏

續獲保山哨匪審辦摺

奏為續獲保山滋事餘匪一百七名究明糾人奪

犯殺回搶物及燒香結拜各情分別懲辦以紓

民憤而靖地方恭摺奏祈

聖鑒事竊 臣前於四月初三日將拏獲保山滋事匪

徒三百二十九名審明定擬緣由繕摺

奏報在案伏查保山地方山深箐密路徑紛歧節

次所獲匪犯雖多而分竄潛匿者亦所必有復

經嚴飭文武員弁暨各路留防營兵毋分畛域

林文忠公政書

丙集

雲貴奏稿 卷六

三

實力搜捕不准稍為鬆勁茲據陸續報獲匪犯

一百七名解送到 臣隨飭迤西道王發越督同

委員等提犯訊取確供 臣復親提研審緣李同

全即蹇老蠻於道光二十七年十一月二十九

日聽從已正法之沈振達傳往官坡打奪京控

人證十二月初一日進城劫放罪囚並搜殺回

民四命董二憨宋潮潰高發名楊二蠻張受禮

高楷李如玉程汶芝萬新高滄陳發科張受均

聽糾進城先後殺斃回民一命及二三命不等

並同謀聽從奪犯劫獄搶奪財物燒香結盟為

從趙老五張介趙汶潰張小六張亞六王遇春

楊小四朱汶鮮胡雙沅張潮中張順李全曾惘

甫趙六十一段關沛李黑蠻布八兒馮海廠七

蠻胡三王小二李峙均聽糾進城殺斃回民各

一命另傷一人並聽糾奪犯燒香結盟為從復

搶奪得贓姦汗婦女姚鐵匠陶順李時秀萬老

五郭其才訊係聽糾進城謀殺回民從而加功

並乘機搶奪朱潮選王成甲王久長邱美各因

林文忠公政書

丙集

雲貴奏稿 卷六

三

口角爭毆適傷致斃民人一命趙四拜從已正

法之金混秋為師傅授符呪並供奉圖像李如

膏楊發聽從哨匪遞送傳帖斂錢聚眾張老蠻

高得潤崔禾楊八六張四聽從奪犯乘勢搶得

軍械雜物並燒燬回房趙淋李曉楊成謝凝魏

寬郭贊周郁張寬范先張贊陳全顧玉趙全李

沛宋俊李蔚葉五王信張小滿張得沛田作貢

張春楊美段蔣三李連甲張有義劉幫蘇茂蘇

秉甲楊成淋虞占朋張諒董茂萬益三楊歸生

楊能均係燒香結盟為從之犯王三李中詳張喬得祝二牛李滌楊發張蘭芳祝三牛皆乘哨匪滋事各自起意藉端逞兇訛詐得贓其行平安一犯則係姦拐回婦王發甲陶急子則係執持兇器毆人成廢王小五一犯私造鳥槍售賣得錢其餘馬中義李汶茵邵小保馬大聰趙得周楊縛蠻李彩訊止被脅同行並無持械傷人情事以上各犯督令反覆研訊鞫供前情不諱隨提前獲留禁待質之犯互相指證眾供僉同

林文忠公政書

丙集

雲貴奏稿
卷六

三

案無遁飾查李有全董二慙宋潮潰高發名楊二蠻張受禮高楷李如玉程汶芝萬新高滄陳發科張受十三犯同謀劫囚及先後殺斃回民一二命至三四命不等除燒香結盟奪犯為從各輕罪不議外均照謀叛斬立決律擬斬立決加重梟示趙老五張介趙汶潰張小六張亞六王遇春楊小四朱汶鮮胡雙沅張潮中張順李全曾幗甫趙六十一段關沛李黑蠻布八兒馮海廠七蠻胡三王小二李峙二十二犯聽糾進

城殺斃回民各一命並搶奪得贓均照謀叛已行律擬斬立決該犯等情節較重未便日久稽誅臣於審明後即恭請

王命飭委文武押赴市曹分別處決應梟示者傳首犯事地方懸竿示眾李有全一犯業經在監病故照例戮屍姚鐵匠等九犯或同謀殺人從而加功或因忿爭各斃一命均分別照律擬絞監候秋後處決趙四一犯訊係拜從已正法之金混秋為師應照為從改發回城給大小伯克及

林文忠公政書

丙集

雲貴奏稿
卷六

三

力能管束之回子為奴李如膏等七犯或聽從遞送傳帖斂錢或聽糾奪犯搶得軍械各物均照謀叛為從減等改發新疆給官兵為奴趙淋李曉等三十六犯均係聽從燒香結盟應實發雲貴兩廣極邊烟瘴充軍王三等八犯屢次生事行兇擾害俱照例發極邊足四千里充軍衍平安一犯合依姦拐和誘知情為首發極邊足四千里充軍王發甲陶急子二犯應照執持凶器傷人例問擬近邊充軍王小五一犯應照私

造鳥槍杖一百流三千里例擬杖一百流三千里以上各犯均定地請咨解配應刺字者分別刺字馬中義李汝茵邵小保馬大聰趙得周楊縛蠻李彩七名訊無不法情事惟被脅同行究屬不合均照不應重律杖八十折責發落除犯供發交臬司彙覈詳送撫臣咨部外所有續獲哨匪審明定擬緣由謹開具罪名事由清單會同撫臣程商采恭摺具奏伏乞

林文忠公政書

丙集

雲貴奏稿卷六

三

皇上聖鑒謹

奏

覆奏保山匪案並無劣員調處片
再臣承准軍機大臣字寄道光二十七年五月二十九日奉

上諭林則徐奏保山七哨懾服軍威縛獻匪犯多名仍飭兇圍嚴拏一摺覽奏均悉所辦好該地方各匪於兵到時即先投誠獻犯惟所獻之犯有無袒庇藏匿必應徹查根究務期所獻實皆本人首犯尤關緊要應令按名交出仍一面明查暗訪斷不可有一名頂冒致有漏網該匪等聚眾抗拒已成

林文忠公政書

丙集

雲貴奏稿卷七

一

積習若不趁此兵威痛懲將來必仍反覆豈有時常徵調之理現在雲貴兩省勁兵逼處不患其不畏懼如悔罪非出至誠僅憑劣員在中調處稍示軟弱日後何以綏靖邊圉耶林則徐等惟當示以兵威廣加曉諭倘略有恃眾難馴情形仍當立予剿洗姑息適足養奸戒之其前經圍困在城之鎮道等是否因力難抵禦畏蕙無能甘被圍困抑或因事起舛辦理不善倘祇顧身家苟全性命有辱國體亦應查明懲辦不可因事過遂置之不問現

解圍後該員等作何下落著一併確切查明據實具奏有應參處者據實嚴參以儆將來等因欽

此仰見

聖主詰戎禁疏務儆將來 臣 跪誦再三莫名欽懍伏

查此次保山滋事實由京控提人而起並非別有根由緣前年該處軍犯萬重張杰起解在途被回眾攔路截殺該哨民因而藉口將京控人證呈懇免解經鎖道批駁不准已定起解日期又惑於奸匪金混秋打卦邪言謂可不必解省

林文忠公政書

丙集

雲貴奏稿

二

始思糾眾截回迨奪犯已成復因而遷怒回民搜殺洩忿適回民奔赴縣署放槍追逐致將房屋延燒種種不法事端皆臨時相因而起即各犯到案僉供亦不料事鬧如此之大故當其洶洶聚集一時附和者雖有盈千累萬之多迨經撫綏彈壓大眾亦各散歸究無圍署傷官之事惟沈振達等係主謀首惡所住之金雞板橋等哨附近江橋恐各官備文赴省請兵妄思截換公文折毀橋板大兵即可不到跡其抗違之始

原係不甘因回受戮尙無與官爲仇因懷畏罪之心轉蹈犯法之罪與蓄謀不軌情事實不相

同此次既調集兩省重兵原無難立加轟洗惟該哨民聚居邨落並非有莠無良既經獻犯輸誠自未便一概剷除致與始終抗拒者無所區別此案前後獲獻各犯共有四百餘名之多問擬凌遲斬絞者計一百四十五名發遣軍流者一百八十八名即至輕亦問徒杖現在尙飭搜拏逸匪似此執法嚴辦原期永靖地方若既

林文忠公政書

丙集

雲貴奏稿

三

奏請調集重兵復聽劣員調處了事則堂堂出師遣將而終於隱忍消弭當何面目臨民 臣 雖至愚不敢出此軍威壯盛士卒正冀立功誠如聖諭雲貴兩省勁兵逼處不患其不畏懼即有劣員亦無所用其調處况辦至百數十名死罪似與調處者迥相懸殊所有此案情形前摺均已縷陳諒邀

聖明洞鑒至於鎮道文武各員 臣 與撫 臣 初辦此案之時亦疑其辦理不善迨 臣 親至保山察看情

形採訪輿論核其前後所辦尙無不合機宜查該鎮道本非駐劄永昌因派辦善後事宜始至該處所帶兵役本極有限當倉卒起事之際人多勢眾大半隨場附和仇回而非仇官若不審察情形舉動稍涉輕躁則操之太蹙城池倉庫在在難保無虞該鎮道當時親自彈壓復督令府縣及佐貳員弁分頭曉諭故脅從匪黨即先解散其時各官在城支持防護雖不免於困而究未被圍此該鎮道等臨事鎮靜之尙合宜也

林文忠公政書

丙集

雲貴奏稿 卷七

四

當哨匪糾眾之時城內紳耆不肯隨同滋事沈振達糾眾攔截柴米不許入城固爲挾制官長實亦挾紳士不肯附和之嫌該鎮道等察知哨民雖素桀驁而仍畏外回之兇悍此次既將回民搜殺愈恐外回聞信藉報復以擾邨莊因招致公正紳耆令其廣爲開導諭以此時須協力防回不宜城哨自分畛域致爲外匪所乘此層適中哨眾隱衷故此後柴米入城亦卽照舊惟民情尙未大定未便卽派兵圍拏致令各哨驚

疑因卽以防回爲名密調永昌以西之騰越龍陵官兵至郡既可防守府城及潞江兩處且以備大兵到後內外夾攻故永昌以東之瀾滄江橋雖被拆毀文報不通而後路之潞江橋調到兵練駐防仍可接連騰越互爲聲援以俟大兵之至此該鎮道中閒布置之尙合宜也迨後大兵到齊哨匪聞風畏懼各思逃散該鎮道督令紳耆頭人趕緊縛獻並飭前調之騰越龍陵弁兵嚴堵後路不使潛逃故細獻之外所有著名

林文忠公政書

丙集

雲貴奏稿 卷七

五

要犯經各路官兵搜拏到案者又加兩倍綜前後事勢而論該鎮道等實亦倍著辛勤若責以先事之未能豫防概予參黜所謂欲加之罪何患無詞惟其於倉卒遇事之時猶能竭力籌維和衷共濟俾城池倉庫諸獲安全首要各犯不致遠颺地方仍臻靖謐似與一籌莫展及輕率僨事者究有穹壤之殊設使該文武有因事起衅及甘被圍困苟全性命情事臣必當據實嚴參不值代人受過實以事由提解人證而起委

無別情而人證奉

旨飭提萬無准其免解之理是以_臣等前發告示內

云京控提人乃出自煌煌

上諭並非地方官吏擅自行提如謂提人即是激變

則每年各省京控所提不知凡幾誰敢如爾等

之抗拒等語以此詰問到案人犯亦皆俯首認

罪是該鎮道等並無辦理不善之處即犯罪者

亦無異詞自各路官兵到齊總兵拴住仍督率

所轄之騰越弁兵查拏要犯現在事竣甫回騰

林文忠公政書

丙集

雲貴奏稿
卷七

六

越廳城駐劄迤西道王發越迭在永昌永平等

處隨同_臣研訊犯供分別定讞近日亦回大理

察看該鎮道均尙堪以勝任惟此後永昌一郡

表率尤須得人前因該府李恆謙性近優柔於

邊要地方難資整頓業經_臣會商撫_臣將其甄

別降補請以臨安府知府張亮基

奏調在案其署保山縣知縣韓捧日平時辦事尙

有條理隨同張亮基措理一切當可漸臻成效

至此次查辦保山哨匪及督令凱撤官兵乘勢

捕拏各處匪犯爲時四月有餘而軍需節之又

節不敢稍有浮費所請借用鹽課並蒙

恩允動支捐輸之銀_臣已與撫_臣函商擬由外設法

分年籌補歸款容查明實用若干再行妥議具

奏總期師行有效餉不虛糜以仰副

聖主訓諭諄諄至意所有欽奉

諭旨據實覆奏緣由謹附片縷陳伏乞

聖鑒謹

奏

林文忠公政書

丙集

雲貴奏稿
卷七

七

審出前次永昌戕害備弁匪犯挖心致祭片
再臣查前次永昌用兵卷內趙發元等陣亡之
事曾經前督臣具奏欽奉

諭旨陣亡之署守備趙發元署都司繆志林把總趙
得和及陣亡受傷各備弁兵丁著一併查明咨部
照例議卹等因欽此仰見

聖主褒忠延賞激勵戎行之至意惟原奏雖曾敘及

趙發元罵賊遇害而於其借路不允發矢射中

張富督吻竟至慘被支解挖心炒食等情當時

林文忠公政書

丙集雲貴奏稿
卷七

八

尙未查出致未備細

上聞茲經獲犯質訊僉供如一併察訪輿論謂二十

五六年陣亡員弁中無有過於趙發元之慘烈

者臣查該故備本係回人而能深知大義敵愾

捐軀不肯稍徇同教尤為難得彼時被賊挖心

炒食凡在行閒者聞之皆恨不得擒此下手之

賊而食其肉今既挈獲馬無二供認下手挖取

趙發元心肝而羅萬喜亦供認將繆志林挖心

支解又獲到同時賊夥供指相符臣審明後卽

將該二犯凌遲處死并在法場之側寫立趙發
元等靈牌於該二犯處決後挖心致祭以慰忠
魂其行刑之弁兵與觀看之軍民咸謂

國法大伸人心盡快臣并摘敘辦理案由傳示各

回寨咸使聞知以見漢回一視且冀其追慕忠

良潛消澆悍於風俗或可有裨除飭司查明應

行議卹之員弁兵丁速卽一體詳咨辦理外合

併附片具

奏伏乞

林文忠公政書

丙集雲貴奏稿
卷七

九

聖鑒謹

奏

審明丁燦庭等兩次京控摺

奏爲遵

旨審明保山回民兩起京控分別情節虛實及先後
案擬辦理各緣由恭摺奏祈

聖鑒事竊 臣等上年承准軍機大臣字寄道光二十

七年七月初二日奉

上諭本日據都察院奏雲南回民丁燦庭等控告鄉
一匪串謀滅殺無辜一摺已明降諭旨交林則徐等
審辦矣此案控關奸匪挾仇尋衅串謀倡亂被害

林文忠公政書

丙集

雲貴奏稿

十一

至一萬餘命之多如果屬實必須徹底根究水落
石出庶足以服難民之心而除地方之害林則徐
程喬采甫經到任無所用其回護著卽平心研鞠
毋枉毋縱務將棍徒會匪嚴行查禁首惡各犯從
重懲辦以紓積忿而快人心等因欽此當經 臣等
將到滇以來訪查漢回構衅互相焚殺各實情
於七月內先行附片具奏奉
硃批認真秉公辦理救靖邊圉爲要欽此旋於十月
內准到部文奉

旨此案著交林則徐程喬采親提人證卷宗秉公嚴

訊確情按律定擬具奏原告回民丁燦庭木文科

該部照例解往備質欽此十一月內又准部文奉

旨此次復據雲南回民杜文秀等控告匪棍劉書等

挾嫌藉端誣控從逆致被搜殺搶掠迫招撫回籍

後又被殺害多名等情著仍交林則徐等親提人

證卷宗秉公嚴訊按律定擬具奏原告杜文秀劉

義該部照例解往備質等因欽此并准將各原告

連鈔錄呈詞咨解到滇 臣等遵卽會同核明兩

林文忠公政書

丙集

雲貴奏稿

十二

呈所控之人除相同者不重計外合共指控二
百七名查保山距省十九站人數太多勢難盡
解當經札飭該道府分別首要次要酌量行提
一面檄司委員往解詎該處七哨漢民頑梗成
風始則欲將應解人證抗匿不解繼則竟將起
解之人聚眾劫回並入城搜殺招復回民劫放
獄囚焚燒縣署且折毀江橋板片截換來往公
文種種不法必須大加懲創經 臣等
奏調滇黔兩省官兵分布進剿 臣林則徐於本年

正月親赴迤西駐劄督辦嗣該哨民等懾服軍威自行縛獻匪犯并經委員弁兵分投查拏其計前後獲犯四百三十餘名均已陸續審明分別凌遲斬絞遣軍流徒等罪名兩次會摺奏

聞在案查上年滋事抗官之犯本即歷屆挾仇構衅之人茲將京控名單與已辦人犯姓名互相校對內已凌遲者張時即張時重張汝儒二名斬梟者劉汝華張炳張重五高滄陳發科宋湖潰宋發春李汝玉即李如玉李欄王均即王君程

林文忠公政書 丙集 雲貴奏稿 卷七 三

文芝蘭得沛黃保即黃苑眼十三名斬決者張界張汝健張汝佑楊小泗李全王遇春馮海廠七蠻周尙志胡三林向春即林抄羅十一名絞決者劉書周曰庠李名揚三名絞監候者趙草果邱美二名其遺犯除已故之張傑萬重外現所改發者沈聚成董俊段之有三名擬軍者周郁張寬張贊張小滿張友義楊能楊成楊歸生李沛李連甲范先趙林趙全萬益三郭贊田作貢段蔣三宋俊顧玉李曉魏寬王信陳東蘇秉

甲術大即術平安謝凝二十六名擬流者王全董玉淋白上材三名擬徒者楊春富周際岐吳堃三名統計京控單內已經辦罪者六十六名除凌遲斬梟斬決各犯不便稽誅已於未審京控之先業經處決外其絞決之劉書周曰庠二犯前摺內聲明俟提同原告質訊後再行處決其餘定擬監候及遣軍以下人犯經 臣林則徐折回大理提到原告丁燦廷親寫遵斷甘結四人共印手摹送呈備案惟查核原呈情節有實

林文忠公政書 丙集 雲貴奏稿 卷七 三

有虛或架聳其詞或掩飾其罪均所不免適迤西軍務已竣 臣林則徐應返省垣當將原告四名並續獲被控之黃潰等仍帶回省遵奉諭旨會同 臣程喬采復提人證卷宗督同在省司道逐加研訊緣丁燦廷木文科杜文秀劉義均係永昌府保山縣城內回民黃潰等係保山縣民人向為前署縣事嗣代理府事之候補知州恆文服役道光二十五年四月間有已經殲獎之陝省回匪馬大等在保山板橋地方唱曲譏笑

漢民被逐起畔漢回互相糾眾仇殺焚掠經永昌文武帶兵往擊回匪率眾拒敵戕害大小營員及兵練多人各處漢邨回寨彼此互燒其燒斃殺斃之人事隔數年難以追查確數維時該管迤西道羅天池署鄧川州知州恆文先後奉札前往查辦回眾愈聚愈多屢有攻撲營盤之事漢民喧傳回匪起意進城要將漢人殺盡密約城內回民作為內應並將送書之人盤獲以致九月初二日金雞板橋各哨練頭藉有官給

林文忠公政書

丙集

雲貴奏稿
卷七

四

防匪之諭紛紛帶練進城聲稱援救遂將城內回民無分老幼男婦混行殺戮以致同時殲斃約有四千餘命之多因事起倉猝在城文武彈壓不住而恆文之家丁黃潰與回民本有仇隙乘機執刀至杜文秀未婚妻馬小有姑之家砍殺其父斃命將馬小有姑帶回寓處窩藏旋經恆文押合送交保山縣轉發官媒看養該犯又與已正法之王均楊茂張炳白占淋樊晉得等各帶練丁名爲防變實則縱其搶殺有外出之

回民白廷贊及其兄白廷颺家被練殺害多命并搶奪衣箱四隻旋經前督臣賀長齡飭令保山縣追出併作三隻轉解太和縣傳主認領同日丁燦廷木文科杜文秀劉義等家均被慘殺多命因人眾勢亂不能指出兇手何人嗣經各路官兵彈壓剿辦將挈獲漢犯萬林桂等分別審擬正法漢回被燒邨寨及傷斃丁口一律撫恤經前督臣奏結在案丁燦廷等痛念家口死亡財物焚燬心懷不甘於回匪屢次報復之後

林文忠公政書

丙集

雲貴奏稿
卷七

五

復商同木文科杜文秀劉義等先後赴京控訴冀圖伸理此該原告等起意京控之緣由也其呈控不實之處如所稱城內被殺八千餘人核之節次奏案及府縣稟報均無如許之多然先前尙不敢定準此次臣林則徐親到永昌查縣署被燒之後案卷已成灰燼惟府卷均屬齊全查有道光二十四年前任知府金澂任內據保山縣造報編查戶口底冊當即吊起與鎮道暨委員公同查閱內載五城共有回民四百一十

七戶通計大小男丁一千八百八丁女口一千二百四十三口統其核算其丁口纔及三千有零即延至二十五年一歲之間不能驟添一大半又城外各邨雖有臨時逃入城內居住者亦斷不能湊至八千餘人之多原呈被殺人數顯見不實且呈中既云掩殺八千餘人而後尾又云被害一萬餘命是一詞之內亦自相矛盾詰問丁燦廷等又皆譏諸傳聞不能指實至於城外漢回各邨彼此互燒互殺在回民控詞但言

林文忠公政書

丙集 雲貴奏稿 卷七

七

漢民燒殺回邨而訪之滇省紳衿則皆云被殺之漢民實比回民多至數倍現在事過已久原難燭照數計而總之為挾仇互鬪之案除九月初二日城內慘殺之外概不能專罪一邊也又原呈將回匪燒搶枯柯河并戕傷兵弁之事移在九月初二以後謂因被漢民慘殺不得已而復仇又謂鄉練飾以號衣鄉首假以頂戴官私莫分以致誤戕兵弁等語查彼時回匪自二十五年七月間即聚於猛庭寨進攻思母車燒枯

柯河及陶家寨大田街又攻丙麻其戕殺營員擄禁都守皆係九月初二以前之事而呈內擲前作後尤見瞞情掩飾又所控聚眾燒香一節除指名為首之劉書周日庠二名均係得實已於質對後即行絞決外餘則有實有虛且當堂將所控之人提與各原告質對多不相識並有其人早已亡故及出外多年者亦皆混列在內詰其憑何列控則稱係輾轉據拾成單實非有心誣指又控稱文武官員視回如仇放匪掩殺

林文忠公政書

丙集 雲貴奏稿 卷七

七

縱丁搶擄等情查前數年回匪猖獗抗官不得已調兵勦辦其地方文武不能彈壓之咎原所難辭若因莠民互相殘殺而遂加各官以袒助之名甚且指為串謀滅教則前後數年中永順緬雲等處漢邨被回眾焚殺擄劫者何可勝計亦皆責官員以助回殺漢之偏袒斷獄者又將何所適從至被難之家性命且不能自保何論財物然事後如果可以著追亦未嘗不為查起所有白廷贊及伊兄白廷颺家衣物除已向黃

潰追回箱三隻外即使尙有餘賊或焚或搶亦早已化爲烏有無從追回並非地方官有縱匪匿贓情事又據控稱招撫難回百餘名解往大理半途被殺三十六名一節卷查二十六年五月安插回民行至右甸途遇鄉團沖散致被追殺三人其漢團亦被回民殺斃一人嗣飭附近地方官招徠仍送至大理安置所控固有其事尙無殺死三十餘人之多又據控稱二十六年十二月間永昌收租回民被殺七人茲查案據

林文忠公政書

丙集

雲貴奏稿卷七

六

實止六人內袁潮富木二蠻二名係被王缺嘴挾嫌商同楊椿富等在花橋謀殺犯已全獲將王缺嘴楊椿富問擬斬絞招審病故鄭三蠻張老七張發沅擬流又楊根大馬潰二名係被張汶健糾同樊晉得即樊么大白占淋即白滿大等砍死攫取銀物已獲張汶健樊晉得白占淋均擬斬決白上才擬流張汶申擬徒續獲張汶卓現飭審辦又木汶舉袁溪二名因下鄉收租被趙潤與不識姓名數人搶奪銀物戳傷身死

二參犯未弋獲業經開參在案又原呈牽控猛庭回民於二十六年十二月被右甸團匪殺害一節雖非該原告等切已之事而大致尙非虛捏查此案上年拏獲首犯范小黑及張小沅經臣等會審

奏明斬梟在案近日續獲嚴萃容孫幅沅馬中驥輝潰登四犯各供認在猛庭殺死馬應瑞等各一命又獲李九舟李廷玉二犯供認各殺死練勇回民二命均經彙核辦理此又臣等研訊原

林文忠公政書

丙集

雲貴奏稿卷七

七

告情節分別虛實不敢稍有偏抑之實情也總之數年來永昌之案漢回各有曲直漢人之逞忿於回者莫甚於二十五年九月初二日之事而回人之逞忿於漢者前後併計實亦厥罪惟均此次將哨匪辦至四百餘名回民皆已心服而回匪之流毒各處先前拒敵官兵近時劫殺商旅擄掠婦女者亦經拏獲懲辦不但漢民心服即各處回教中之良民亦謂匪類既除伊等免累咸知感激是此番但分良莠不論漢回之

辦法似有明效大驗至保山哨民餘匪臣等仍隨時飭拏又經續解馮得勝陳登萬及京控有名之已革文生石維沂三名內馮得勝供認聽糾進城乘機搶奪石維沂陳登萬均認燒香為從亦應一併按例擬結查黃潰一犯身充長隨膽敢附和哨匪刃斃人命復將婦女擄藏又縱練四出搶殺應比照謀叛斬立決律擬斬立決加重梟示臣等於審明後即恭請

王命會委臬司營將等將該犯綁赴市曹處斬傳首
林文忠公政書 丙集 雲貴奏稿 卷七 三

犯事地方以示炯戒案係比照問擬家屬免其緣坐李九舟李廷玉二犯在猛庭各斃練勇回民二命亦應斬梟嚴萃容孫幅沅馬中驥輝潰登四犯各殺回民一命均應斬決輝潰登解至途次病已沈重適臣林則徐審決另案重犯即將其先行正法以免倖逃顯戮馬中驥於解省後病故應毋庸議李九舟李廷玉嚴萃容孫幅沅四犯經迤西道王發越審明定擬具詳均因患病尚未起解當即咨明提臣會同該道恭請

王命即將各犯在大理就地正法免致稽誅馮得勝乘機進城搶奪財物應照謀叛為從斬罪上減一等改發新疆給官兵為奴石維沂陳登萬二犯聽從燒香結盟應照例實發極邊煙瘴充軍原告丁燦廷木交科杜文秀劉義京控呈詞均有失實之處本應照申訴不實律定擬姑念伊家均已被害情殊可憫應請從寬免責釋放再黃潰一犯係勒休知州恆文之家人該犯挾仇妄殺並縱令練丁滋事即使恆文並未縱容亦屬昏瞶不職且該員係與已革道員羅天池同辦此案羅天池業經奉旨革職永不敘用該員事同一律僅予勒令休致尙覺不足蔽辜相應請

林文忠公政書 丙集 雲貴奏稿 卷七 三

旨將勒休知州恆文一併革職永不敘用以示懲儆黃潰所擄之馬小有姑訊明未被姦污已據杜文秀具結願領完娶應毋庸議此案京控單開香匪姓名除查明業已物故及早經外出并不在籍者均毋庸傳提以免拖累外其提到被控

人犯供認燒香爲匪者均已分別定罪卽屢訊
堅供並無燒香者亦經提同該原告丁燦庭等
再三質審據供素不認識并不能指出爲匪確
據不敢誣執自應分別釋回本籍管束至其控
呈之外有實曾戕殺回民而該原告轉未控者
亦先後併獲多人俱訊明正法統歸入哨匪案
內錄供報部已咨者毋庸重錄外再有現在續
辦斬絞遣軍之黃潰等十二名犯俱暨原告丁
燦庭等供結一併鈔錄咨部備核經此著持平

林文忠公政書

丙集

雲貴奏稿

三

懲辦之後漢回人等尤當隨時化導約束令其
盡消仇衅永作良民以期仰副

聖主敕靖邊圉之至意謹將會訊辦理緣由合詞恭

摺具

奏伏乞

皇上聖鑒謹

奏

彌渡出力員弁請獎摺

奏爲遵

旨保奏勦辦彌渡匪徒尤爲出力之員弁卽懇

天恩分別獎勵以昭激勸事竊臣前奏帶兵先至彌

渡勦除匪類情形欽奉

上諭林則徐奏匪徒勾結滋事調兵勦辦地方安靜

一摺覽奏均悉雲南趙州彌渡地方內外匪徒勾

結滋事焚殺劫搶且敢圍署傷官經該督調兵先

往勦捕將匪犯殲獲數百名并撫恤受害良民地

林文忠公政書

丙集

雲貴奏稿

一

方均已安靜此次在事人員著該督擇其尤爲出
力者據實保奏無許冒濫等因欽此仰見

聖主激勵戎行有勞必錄至意曷勝欽感復查此次

調集各路重兵原以懲辦保山哨匪抗官之案

乃行至中途驟接彌渡警報不得不先其所急

且保山正恃負嶠之勢謂可抗拒官兵設使彌

渡地方勦辦不能得手則哨匪更必無所忌憚

辦理愈費周章故必力振軍威方可挽回積習

撫臣程昶采在省聞信亦卽催兵速行以資調

用復思兵力之強弱視帶兵官之勇卻為轉移將弁果奮勇向前士卒亦安能退後查彌渡有舊城門六座皆經匪徒添造木柵累石匪眾執持大小白旗併力抗拒其槍礮皆牆眼中放出兇燄甚張臣由楚雄馳至距彌渡四十里之雲南縣催集各路精兵先於附近岔口山梁分頭堵截以防竄逸各兵到有成數即派委臣標千總施嘉祥執持令箭剋期約合進攻如將弁中敢有觀望遷延即以軍法從事二月初三日早

林文忠公政書

丙集

雲貴奏稿

二

晨提臣榮玉材鎮臣音德布親駐彌渡之東面山梁指揮督戰揀派署遊擊陳得功尋營守備王國才率帶槍兵首先攻破柵欄衝鋒直入時有一賊正欲執火點放大礮被王國才揮刃砍斃即以賊礮轟賊同時督撫提標威甯開化永北維西東川各營弁兵亦分路進攻前後夾擊竭一晝夜之力計斬殺約有四五百名生獲者一百餘名均經分別審擬將情罪大者就地正法奪獲大礮十九位鳥槍刀械四百餘件審

明發營配用其官兵尙未到齊之前匪徒聞風竄逸者復經鄰境文武堵截兜拏解營審辦不任漏網稽誅地方一律肅清軍聲因而大振凡此將士用命俾兇匪悉正典刑無非仰仗

天威迅除遺孽臣欣幸之下欽慄倍深除提鎮係專

闕大員出自

聖主恩施不敢列單奏請外其在事出力文武由該

管上司開冊具報經臣復加確核將其次出力

由臣等自行獎拔未敢濫登謹擇尤為出力之

林文忠公政書

丙集

雲貴奏稿

三

員繕具清單恭呈

御覽如荷

天恩分別鼓勵則身受者倍加感激即入伍者亦其

奮興於戎務實有裨益至傷亡弁兵應行給予

賞卹及軍前賞給虛銜項帶均容照例造冊咨

部查核合併陳明所有彌渡勦匪出力人員遵

旨酌保緣由謹會同撫臣程霽采提臣榮玉材合詞

恭摺具

奏伏乞

皇上聖鑒訓示謹

奏

林文忠公政書

丙集

雲貴奏稿
卷八

四

審明迤西續獲匪犯就地正法片

再此次迤西一帶查拏漢回各匪呼應較靈一

則藉兵練之多地方縣營不慮勢孤力弱再則

因_臣林則徐親駐其地獲到之犯一經提審明

確立時懲辦其情罪重大者即恭請

王命就地正法毋庸遠解到省聽候逐層審轉各文

武皆以此次辦賊可免累官倍見踴躍從事而

漢回百姓目擊犯法之被形亦皆異常警悚茲

回至省城與_臣程福采備述迤西民情并公同

林文忠公政書

丙集

雲貴奏稿
卷八

五

講求久安之策訪查滇省向來解犯種種受累

凡重犯一名到省沿途囚籠擡夫及僉派差役

兵丁飯食無非地方官賠墊距省愈遠則需費

愈多緣滇中幅員遼闊一縣所轄有至七八百

里之遙者而又跬步皆山夫價較他處數倍地

方官自起解重犯到省以迄審明解決已不勝

賠累之多設有在省翻供往還駁審或調原審

官到省隨同覆訊則州縣因辦理一犯而累月

經年奔馳羈滯不得回任者有之且此種匪犯

不特於解省後恃無旁證最易狡翻卽其起解在途先已難於馴伏緣有過人膂力扭斷鐐鑕攀折木籠皆爲若輩慣技甚至路僻徑歧之處其匪黨暗聚多人潛謀劫奪若兵役力不相敵致被殺傷遂將要犯劫去長解短解之官均遭參劾留緝而要犯終致漏網者有之大抵地方官實心整頓者少畏難苟安者多以爲因挈犯而受累無窮不如陽奉陰違轉爲得計卽使上司嚴行督飭亦祇望獲零匪塞責其於大幫巨

林文忠公政書

丙集

雲貴奏稿

六

股結夥多人者轉不敢輕易下手盜賊之所以滋熾病根多由於此其被賊戕殺之家非不亟圖鳴官拏辦而掣不到案或到而復逃則被其報復之害更甚故有被賊而並不敢呈告者訪聞迤西一帶向有賊不畏官官畏賊民雖被賊莫鳴官之謠因是各邨莊以防賊爲名設牛叢以聚眾始而獲賊擅殺並不報官迨後彼此相仇所殺多非真賊而大夥奸盜轉得勾結橫行莫敢過問頹風已久不得不極力挽回此次幸

乘全勝兵威得以大加懲創而將來各屬緝捕要務竟無一刻可任放鬆然欲責其不鬆先須使之免累因思大夥巨匪被挈之時當場格殺者本係例許勿論其挈到匪犯內如有患病受傷易致倖逃顯戮抑或黨與甚眾氣力過強沿途實難防範者擬卽准其就近批解道府審已明確由道移明臬司具詳督撫核明情罪果否允當卽由 臣 等咨行該處駐劄之提鎮恭請王命就地正法非獨所獲兇盜可免長途被劫被逃

林文忠公政書

丙集

雲貴奏稿

七

而行刑於犯事地方俾被害者顯伸其冤抑梗頑者其懾於駢誅且地方官不至畏累苟安緝捕可期奮勉似亦戢暴安良之一法除尋常命盜各案仍按例逐名批解不准援照辦理外 臣等爲掃清匪類起見一時權宜設法辦理以期匪徒盡戢邊圉愈就安恬是否有當謹合詞附片縷陳伏祈

聖鑒謹

奏

審辦姚州滋事匪犯摺

奏為上年姚州地方匪徒糾眾燒搶殘斃多命及白井練民搶奪滋事陸續獲犯二百三十六名審明分別定擬並究出有在永順等處拒殺兵練暨本案情罪重大各犯先後在楚雄府城及省城恭請

王命正法以彰炯戒恭摺會奏仰祈

聖鑒事竊照上年八月間姚州回匪偈三竅等因謀搶白井竈戶事洩被挈馬嘔良等起意報復運

林文忠公政書

丙集

雲貴奏稿

八

送軍械至沙汶英家藏頓漢民王開汶盤問口角致被殺斃並馬致禾高添佑等理論爭鬪傷斃沙汶英家九命及不識姓名回民二人燒殺山脚官莊等處回寨回民偈八伊摸馬嘔良等乘機糾眾燒殺漢民白塔街洋派官屯等邨各斃人命多寡不等並白井關外回民亦有被殺之事臣等接據該署州咸孚馳稟飛飭楚雄府協並調新授鶴麗鎮總兵音德布署武定營參將王濤酌帶弁兵並委甫經出省之署麗江府

裴驄馳往會同查辦旋據稟報先經府協前往彈壓即已息衅嚴拏各匪究辦等情當經臣等將查辦情形奏明

聖鑒一面嚴飭上緊擒拏勿使漏網因查先據該州勘報漢民被燒房屋二千六百八十餘間傷斃男女三百二十七丁口回民被燒房屋二百六十餘間傷斃男女六十五丁口是否尚有逃亡難得確數應逐處清查再行具報其白井關外被殺回民若干棄屍何處現尚查無下落等情

林文忠公政書

丙集

雲貴奏稿

九

臣等以該匪等倚眾逞兇恐被燒被殺尚不止此數飭令確查嗣據該州會同委員通海縣袁風清候補縣王秀毓周歷清查回民被燒房屋被傷人命悉與前數相符惟漢民被燒房屋共有三千一百三十一間被傷人命共八百五十丁口前因屍親搬避旁人無從指報兼有逃匿各等復被搜殺及墮巖溺水致斃故與前報多寡未符現查並無遺漏並於白井關外等處陸續起獲私埋及遺棄山等男女回屍五十六具

均驗有傷一併造冊呈核並據該鎮府等先後稟報督同州營文武嚴密捕拏除僕小重子等十五名格傷解案訊供後身故僕伊麼一名因指拏黨匪僕有盈自圖減罪致被僕有盈殺斃外陸續拏獲匪犯共一百數十名遂飭分起解省發委雲南府等審辦因首要逃逸尙多復飭搜捕歸案審究適保山哨匪滋事鶴麗鎮總兵音德布調赴該處軍營而該州兵役力單勢難分投堵緝該匪等自知罪重兼多四竄奔逃

林文忠公政書

丙集

雲貴奏稿 卷八

十

等因思除惡務盡必當乘勢掩捕嚴加懲創庶足以懾服人心而消弭後患臣林則徐於懲辦保山彌渡永平蒙化趙州等處匪徒事竣徹兵之便密派弁兵分扎四圍要隘並令昭通鎮總兵劉定選隨帶弁兵前往會同府協暨前署州咸孚現署州吳嘉思四路兜拏旋據弁兵差役拏獲首要僕八伊摸等八十二名並經委員捐升雲南通判沈傳經帶領丁練拏獲首要僕八老陝章小老僕王淋三名候補縣嚴銜帶領丁

練拏獲首要僕老五何有沈僕小補子三名武定州吏目謝德瀆帶領丁練拏獲首要僕幅安古盆子楊其能三名共計獲犯九十一名提解至郡督同委員連日研訊內僕八伊摸等七十五犯或係起意糾眾燒搶致斃多命或聽從燒搶及事後披山搶奪均殺人自一二命至四五命不等並究出有曾在永昌江橋順甯猛庭寨等處拒殺兵練運送火藥搶奪礮位等項情事俱屬罪大惡極內馬留僕萬隴二犯因有在省

林文忠公政書

丙集

雲貴奏稿 卷八

十一

人犯多名須留以備質其僕八伊摸等七十二名未便稍稽顯戮臣林則徐於審明後分別凌遲斬梟斬決卽在楚雄府城恭請王命飭委署楚雄府寶俊署楚雄協副將尙宗慶將該犯等綁赴市曹分別處決應梟示者傳首犯事地方懸竿示眾以昭炯戒並將馬留等二名僕俊望等十六名解省併同前到各犯質審究辦茲據該委員雲南府桑春榮等審明由藩臬兩司覆審解勘前來臣等會同提犯親鞫緣姚

州回民多係僣姓並非同宗僣八伊模馬欄良
僣八老陝僣幅安僣伊麼僣三竅等素性兇橫
人皆側目道光二十七年七月間該犯等同章
小老張汝淮屢次訛詐李洗濼等銀兩被害之
人畏不敢控嗣僣三竅馬欄良僣伊麼等以詐
銀無多探知白井竈戶羅晴川家道殷實與僣
思憇僣世濼商謀糾搶私將器械藏寄張汝淮
陳典家內因漏洩其事被井眾報官將僣三竅
挈獲馬欄良等起意向井民報復八月十三日

林文忠公政書

丙集

雲貴奏稿
卷八

七

將刀械藏放馬小班草馱送至白塔街回民沙
汶英家寄頓街民王開汶盤問口角被沙汶英
之戚僣小老殺傷身死漢民馬致禾不依糾約
高添佑胡小萬椿彭爾受高欄賓及街眾多人
前往理論並言如其不服即毆打洩忿因沙汶
英家男婦齊出辱罵致相爭鬧小沙氏抓住馬
致禾碰撞被馬致禾拔刀戳傷咽喉老沙氏拾
石向高添佑擲打高添佑喝令彭爾受幫毆彭
爾受用刀戳傷老沙氏左肋沙汶英僣小老各

向胡小萬椿高欄賓撲毆被胡小萬椿高欄賓
各將沙汶英僣小老砍傷與小沙氏等俱倒地
斃命其餘沙汶英親屬五人並不識姓名回民
二人亦與街眾互鬪被何人致斃人多勢眾不
能確指馬致禾當令眾人將沙姓房屋折毀因
聞山腳官莊回民欲行報復馬致禾起意先發
制人糾眾燒殺該二處回寨欲使回眾畏懼不
敢尋衅遂糾約畢老五彭爾受馬小荷包胡東
昇高得和劉興楊啓亮馬添旺高偉高正詳董

林文忠公政書

丙集

雲貴奏稿
卷八

七

良厚畢芳李興高淨等及趕街各漢民共百餘
人前往山腳官莊兩回寨放火燒殺畢老五復
起意將回民小邨一併焚燒各該處回民男婦
被燒被殺及逃跑跌巖身死者共六十餘命時
有一回婦出外逃走彭爾受將其砍傷身死漢
民馬小荷包等十二人亦被回民傷斃回民僣
八伊模以漢民欺凌同教正可藉報復爲名燒
殺漢邨搶掠財物隨糾九馬欄良等七十七人
及其餘回眾共二百餘人分往白塔街洋派北

關官屯等邨燒搶維時漢民男婦奔命分逃被該犯等殺斃一二命至四五命不等並有被回眾殺傷及跌巖落水致斃多命該犯等同回眾搶獲銀錢衣物牲畜不計其數將各該邨房屋一併燒毀當各走回內張欄保搶獲牲畜銀兩交張谷洪受寄銷賣張谷洪藉此分得多贓僕八伊模因知漢民逃避康郎等處山箐帶有銀物牲畜復起意糾約僕小三頭等五十三人及其餘回眾分往搜山搶奪僕小三頭等各拒斃

林文忠公政書

丙集

雲貴奏稿 卷八

丙

漢民一命其餘回眾亦有將漢民拒殺得贓攜回因聞官兵捕拏各自逃散此漢民馬致承等因向回民盤查收藏軍器起衅燒殺回寨致斃回民六十餘命回民僕八伊模乘機糾眾燒掠漢邨並搜山搶奪致斃漢民八百餘命之原委也嗣回民僕俊望馬欄安羅蔥僕小楞五楊映望僕成尙何有潰僕欄安僕汶玉僕新保僕潮富僕萬幅僕映潰僕添玉楊本椿楊小三苟馬潮沅僕新成馬椿僕承厚玉成保僕永保楊裁

馬椿漢劉唐路古磨僕本俸僕有潰僕萬深僕老八僕潮良張連科何小石老僕添潰僕王安僕小受僕有才等先後路過黑壩西邑隴山羅家灣杜家屯稗子田等處因漢民均忿恨回教遇回辱罵僕俊望等回晉爭毆各斃漢民一命白井練民蕭老五因恨回民兇惡見該井關外有回民數戶正在搬家起意糾搶當向晁添錫張有壬張錫王有潰李應旭白世良商允前往白世良畏懼中途轉回蕭老五等分投搶奪因

林文忠公政書

丙集

雲貴奏稿 卷八

丙

事主攔護蕭老五晁添錫張有任各自拒殺事主一命張錫幫同蕭老五刃傷事主將贓搶獲攜走時有幼孩拉住喊拏蕭老五認係回民起意致死即將該幼孩砍斃歸向白世良告知分給贓物當各逃走嗣該處回民不依至蕭老五邨內搜查喊罵李小老大等勸解因被牽詈爭鬧李小老大用刀將一回民戳傷跌地該回民稱須報復李小老大起意致死當將該回民砍傷斃命其餘回民向張小喜得等爭鬪張小喜

得賀小張更盧小起何泳興各自毆斃回民一
命餘回被張揚張連甲何洗斗用矛戳傷逃跑
李小老大等將各屍移赴山箐掩埋獲屍啓驗
並查明被蕭老五等搶奪殺死等命係屬各姓
並非一家此又回民與漢民各自爭鬪及白井
練民搶奪回民財物拒捕事後搜查爭鬪致漢
回各有斃命之原委也 臣等提訊各供不諱查
回民僕八伊模起意糾眾燒搶漢邨致斃多命
照強盜殺人放火例應擬斬梟唯究出該犯於

林文忠公政書

丙集

雲貴奏稿
卷八

六

二十六年 在永昌疊次抗拒官兵燒燬江橋殺
死兵練十命實爲兇惡之尤應請加擬凌遲
八老陝馬幪良僕幅安僕老五土應揚僕玉保
僕成盈僕洗有僕小補子僕有中章小老僕小
六二僕小羊保僕小寬子何有洗僕玉淋古盆
子僕小四頭楊才僕小七頭僕成陽馬小四八
馬成富僕添華劉小三小利黑僕海羊僕有興
馬留僕萬隴僕小石老僕正善僕升張成隴李
深華馬成玉僕俸潰黑姑路何小密匠僕小重

子小黑五何老六添么大僕義學楊材羅老五
僕順沅僕厚沅僕伊麼僕老六楊成僕添有僕
正楊張幪保僕小五斤僕映有僕洪玉僕有旺
馬春玉僕成良僕汰全僕應科小苟子僕小八
子僕淙沅馬小班僕有盈僕俸小花子火里斯
僕金僕成學毛驢子僕幪蔥馬幪俊僕三牛楊
中亮等七十七犯均聽糾燒搶各殺斃漢民自
四五命及一二命不等內究出有於二十六年
在永順等處抗拒官兵殺死兵練運送火藥搶

林文忠公政書

丙集

雲貴奏稿
卷八

七

奪職位等項情事查謀叛已行律止斬決俱應
從重照強盜殺人放火斬決梟示例問擬除僕
伊麼已被僕有盈殺斃張成隴李深華馬成玉
僕俸潰黑姑路何小密匠僕小重子小黑五何
老六添么大僕義學楊材羅老五被兵役格傷
解案訊供後身死僕萬隴僕正善僕升馬幪俊
僕三牛楊中亮解審在途在監病故外僕八老
陝等五十七犯均請照例斬決梟示漢民馬致
禾糾毆致斃回民沙汶英一家九命並復起意

糾眾燒殺回寨查眾眾共毆原無必殺之心而
毆死一家三命及挾仇放火燒房殺人均例應
斬決畢老五聽從燒殺復又起意另燒回民小
邨亦例應斬決該犯等挾仇燒殺致斃多命情
殊兇殘均請加擬梟示漢民蕭老五糾搶回民
財物拒斃事主一命並另行謀殺十歲以下幼
孩一人查搶奪斃命及謀殺十歲以下幼孩均
應擬斬立決該犯兩犯斬決照例加擬梟示回
民僉小三頭楊其能楊富僉小奴牙海約僉添

林文忠公政書

丙集 雲貴奏稿 卷八

六

成何珍僉安馬應椿僉小五四馬長零僉小
頭丁潰僉俊成馬萬椿李老五僉路溼楊映洪
火鏞墜飯團子小獾獾僉小老頭僉叫花僉隴
何小八四楊進僉海仁馬映洪何有倫沙鉢小
馬七楊洲閃潰丁老五楊雨生僉老孤馬成名
楊瀛友楊小五頭馬淙受僉乳奴僉金文僉小
煞波馬玉山楊添秀魯古厯僉志隴僉汝才僉
沈彩僉洪淙僉老五板僉老牛僉右事等五十
三犯聽糾按山捕奪各自拒斃漢民一命內除

馬玉山楊添秀僉志隴僉汝才僉沈彩僉洪淙
僉老五板僉老牛僉右事等被兵役格傷解案
訊供後身死及解審在途在監病故外僉小三
頭等四十四犯均請照白晝搶奪殺人例擬斬
立決漢民彭爾受聽從高添佑主使戮斃老沙
氏一命照關殺下手為從罪止擬流其聽從焚
燒回邨復故殺逃婦一命罪應斬候唯助惡燒
殺殊為兇殘應請加擬立決以上各犯情罪重
大未便稍稽顯戮內除僉八伊模等七十三犯

林文忠公政書

丙集 雲貴奏稿 卷八

九

已在楚雄府城恭請
王命先行正法外其馬致禾馬懶良馬留僉小石老
僉添華劉小三小利黑僉海羊僉有與僉有盈
僉俸小花子火里斯僉金僉成學毛驢子馬映
洪何有倫沙鉢馬小七楊洲閃潰丁老五楊雨
生僉老孤馬成名楊瀛友楊小五頭馬淙受僉
乳奴僉金文僉小煞波等三十二名恭請
王命飭委臬司及督撫兩標中軍城守營等押赴市
曹監視處決應梟示者將首級委員解赴犯事

地方懸竿曉示以昭炯戒漢民晁添錫張有王聽從蕭老五糾搶得贓各斃事主一命除晁添錫業已病故外張有王請照白晝搶奪殺人例擬斬監候張錫聽從搶奪於蕭老五拒殺事主時幫同刃傷請照搶奪殺人為從幫毆刃傷例擬絞監候均秋後處決高添佑胡小萬椿高欄賓聽從馬致禾糾毆該犯高添佑王使彭爾受截傷老沙氏致斃應以主使為首胡小萬椿高欄賓各自毆傷沙汶英僕小老身死照鬪殺律

林文忠公政書

丙集

雲貴奏稿

三

均罪止絞候第沙汶英一家致死九命之多皆由該犯等助毆所致情亦殘慘且至因此釀成巨案除胡小萬椿高欄賓業已病故外高添佑應請擬加立決李小老大等因蕭老五糾搶拒捕被回民搜查解勸爭鬧李小老大故殺回民一命請照故殺律擬斬監候張小喜得賈小長更廬小起何泳興各自毆斃回民一命請照鬪殺律擬絞監候回民僕俊望馬欄安羅蕙僕小榜五楊映望僕成尙何有潰僕欄安僕汶玉僕

新保僕潮富僕萬幅僕映潰僕添玉楊本椿楊小三苟馬潮沅僕新成馬椿僕成厚王成保僕永保楊裁馬椿羨劉唐路古麼僕本俸僕有潰僕萬宗僕老八僕潮良張連利何小石老僕添潰僕王安僕小受僕有才因先後與漢民口角爭鬧各斃漢民一命除楊本椿張連利業已病故外僕俊望等三十五犯均合依鬪殺律擬絞監候俱秋後處決回民薩滿五羅小海勇馬洪保僕小黃頭馬小九僕小圍子蕭小定楊騰隴

林文忠公政書

丙集

雲貴奏稿

三

曹老二唐有受僕世碌馬洲馬成何盈僕俸惠馬騰隴僕世慈馬存馬小五八僕保何小長受僕小三馬受僕汶章僕洪受僕本立僕明安僕亮僕小七五馬路甫僕小麼臉等聽從僕八伊模糾約搜山搶奪並未傷人內除馬路甫僕小臉麼業已病故外薩滿五等二十九犯請照回民搶奪結夥三人以上例均應發雲貴兩廣極邊煙瘴充軍回民張谷洪於張欄保搶獲漢郝牲畜銀物受寄銷賣分得多贓照知強盜後分

賊滿數例應發近邊充軍唯明知燒搶巨案輒敢代為銷贓分肥較尋常分受盜贓尤為藐法請從重發雲貴兩廣極邊煙瘴充軍回民僕三竅僕世榮漢民張汝淮各自迭次訛詐擾害除僕三竅業已病故外僕世榮張汝淮照兇惡棍徒例均發極邊足四千里充軍漢民王有潰李應旭聽從蕭老五搶奪回民財物當蕭老五等拒斃事主之時該犯等在場目擊即屬為從請照搶奪殺人為從未經幫毆成傷例發極邊足

林文忠公政書

丙集

雲貴奏稿

三

四千里充軍漢民張揚張連甲何洗斗因與回民口角爭鬪各用鐵矛戳傷回民平復請照兇器傷人例均發近邊充軍回民僕登隴聽從僕八伊模糾約燒搶漢邨臨時因病不行事後分得贓物請照其謀為盜臨時患病不行事後分贓例杖一百流三千里回民李映詳張連沅楊中明莫如淋僕汶盈僕有功聽從僕八伊模糾約燒搶漢邨漢民白世良聽從蕭老五糾搶回戶均臨時畏懼不行事後分得贓物請照其謀

為盜臨時畏懼不行事後分贓例均杖一百徒三年分別定地發配折責安置何小八頭聶倫楊旭僕小雙等聽從僕八伊模糾約燒搶臨時畏懼不行事後亦不分贓請照其謀為盜臨時畏懼不行事後不分贓例各杖一百陳典訊不知僕三竅等謀搶竈戶情事惟聽藏刀械亦有不合請照不應重律杖八十酌加枷號一箇月分別柳責發落姚州及白井地方經此懲創回漢各知震懾閭閻均屬安靜仍飭該處文武隨

林文忠公政書

丙集

雲貴奏稿

三

時稽查約束不得再滋事端此案雖經挈獲首要多名盡法懲辦惟恐尚有潛匿並白井案犯亦尚未悉數就獲仍飭嚴密查拏不得稍形鬆懈續有七獲另行審擬具奏前署州咸孚於地方致斃多命雖失於防範第因勢兇事驟力不能制今於數月之內協獲多犯合無仰懇聖慈寬免議處至回漢各犯先後其獲二百三十六名內凌遲斬決梟示並罪應絞決等犯共有一

百三十八名之多係屬設法兜擒俾首要不致漏網所有接署姚州及白井文武員弁並鄰境暨在事差委各員或帶兵圍捕或購線密拏雖皆分所應為之事但人犯眾多辦理均甚出力臣等未便沒其微勞可否量予鼓勵之處均出恩施格外恭候訓示遵行除全案犯供咨部外謹將各犯罪名事由另繕清單恭呈

御覽伏祈

林文忠公政書

丙集 雲貴奏稿 卷八

西

皇上聖鑒謹

奏

迤西移改協營添設汛兵摺

奏為迤西甫就安地方實形遼闊擬於善後案

內添移營汛兵丁及酌派換防處所將經費由

外籌辦以聯聲勢而重巡防恭摺奏祈

聖鑒事竊照滇省之永昌順甯大理三府暨蒙化一

廳並楚雄府所轄之姚州皆處迤西邊界山深

箐密道阻且長雜處漢回易藏奸宄本年自春

至夏先在彌渡用兵繼由保山永平遞及蒙化

之大小圍堦終而辦至姚州皆藉所調大兵分

林文忠公政書

丙集 雲貴奏稿 卷九

一

投緝匪除剿殺不計外先後獲犯一千餘名均

已分別訊明寘之於法經此一番懲創間閭始

能安枕商旅乃得通行惟地段綿延各營汛相

距既遙卽有鞭長莫及之勢迨聞焚搶劫殺兵

至而賊已遠颺是以今夏軍務竣時雖將全師

凱撤而猶酌留兵弁分段駐防入秋以來仍陸

續報獲逸犯多名地方益臻靜謐惟各處情形

不一有須互相鈐制者自宜以客兵換防有須

永固藩籬者又宜以土兵駐守為久遠計不得

不相度要隘移汛添兵以期巡察周詳互相犄角臣林則徐前在迤西駐劄時即與臣榮玉材率同迤西道王發越隨處查勘公同酌議迨回省後復與臣程喬采暨在省司道節次籌商如永昌地方最稱扼要在

國初原設永順鎮總兵統轄中左右三營迨後改鎮為協祇留左右二營左營兼中軍都司一員右營守備一員均駐永昌府城內自城外至大理府五百餘里路途險阻而實為來往通衢乃

林文忠公政書

丙集 雲貴奏稿 卷九

二

僅有把總外委汛地並未駐有千總以上之武職殊屬非宜今擬將永昌存城之右營守備一員移駐緊要之永平縣城其自瀾滯江北岸之杉木和汛直至東北大路之漾濞汛皆應歸於右營管轄查永平原駐把總一弁帶兵三十四名未免單薄今擬添募兵八十六名連原駐之兵合共一百二十名駐劄永平以為永昌門戶又永平轄之永定站亦係大路距城約及百里為盜賊出沒之所向未駐兵今擬添募兵五十

名撥一外委督巡作為永定汛又龍街距城一百二十里回民多而且悍向來亦未駐兵今擬添募兵四十名撥一外委管帶作為龍街汛又漾濞雖在蒙化廳界內而距廳城約二百里其汛地本係永昌右營所轄但向來僅以額外外委帶兵三十二名駐劄相近之柏木鋪而於漾濞上下兩街烟戶極多之處雖有巡檢分駐並無武弁專防殊不足以資巡緝今擬移撥永昌千總一弁添募兵八十名令其管帶駐守其柏

林文忠公政書

丙集 雲貴奏稿 卷九

三

木鋪原駐兵弁即作為漾濞汛協防統歸右營守備管轄又永昌左營之姚關汛壤接夷地距城一百六十八里原設把總一弁駐兵六十名今擬添募兵四十名共成一百名駐守要隘又舊乃汛距城四百五十里本係右營汛地今應改歸左營其原設代防外委一弁駐兵三十名在昔足敷防守今將保山回民安插於官乃山已有二百餘戶而尚有回民續求赴彼居住者該山係舊乃汛所轄防範稽查更關緊要擬改

撥把總一弁添募兵五十名以資彈壓又永昌坡距城一百八十里地形險要向只駐兵十二名今擬添募兵六十二名移把總一弁赴彼管帶以資防守至永昌協左右營汛地前因都守均在本城故分汛頗有錯雜今既將守備移駐永平應按各汛地勢分別改隸兩營如姚關舊乃永昌坡蟒水枯柯河潞江猛崗戩子鋪猛賴栗柴埧觀音山十一汛應歸左營都司管轄杉木和竹魯凹燕子河北冲河灣永平城永定龍街柏木鋪濠濠十汛應歸右營守備管轄此永昌一帶添改備弁兵丁之情形也但永郡最爲險要者莫過於瀾滄江橋往年回匪之燒橋上冬哨匪之折板皆謂此橋一斷官兵卽不能渡江以致匪類恃爲負隅之固查向來該橋一帶只派兵丁八名輪巡固屬無益今卽添營移汛若僅守以本處兵丁仍恐其與哨匪勾通緩急究難盡恃臣林則徐前於永昌閱兵摺內業經先陳大概茲復公同商議似此咽喉之地宜以

林文忠公政書

丙集

雲貴奏稿卷九

四

林文忠公政書

丙集

雲貴奏稿卷九

五

客兵換防擬由提標派出千總一弁帶兵一百名駐劄瀾滄南岸之平坡該處距險憑高四面皆堪瞭望以之守禦折衝自當倍形得力每屆半年調換一次俟換防者到彼准原駐者回營以均勞逸但客兵於地形未盡熟悉仍須主兵協同守望不任置若罔聞此後擬將江橋地方作爲永昌左右兩營公汛如該處失事將永昌都守與派防之提標千總一體懲處以期各顧考成此又酌擬主客互防之原委也至順甯府地方南北相去七百餘里從前營伍原隸永順鎮標迨後改爲順甯營以參將一員管轄駐劄緬甯廳城內離順甯府城三百餘里而所轄之錫腊等處接連夷地回匪每與夷眾勾結爲奸且距營既遙恐參將難於遠馭查龍陵協副將一缺雖處邊隅而地方現甚安靜且龍陵距騰越鎮不遠該鎮總兵堪以隨時策應今擬將順甯營參將與龍陵協副將兩缺互相調換作爲順甯協副將龍陵營參將並龍陵中軍都司亦

改為順雲協中軍都司均移駐緬甯廳城將該協錢糧歸都司經營其順雲營左軍守備仍駐順甯府城右軍守備則須移駐錫腊查錫腊原只外委一弁帶兵十八名駐劄今情形大非昔比夷回均須防範兵力不可太單數年以來皆有留防弁兵三百名現擬以守備兵久駐其地所需兵額酌定二百四十名除原駐兵十八名外尚應添兵二百二十二名又右甸一城介在永順兩府之間是以永昌協與順雲營皆有右

林文忠公政書

丙集 雲貴奏稿 卷九

六

甸名目然該處距順甯府城祇一百四十里而距永昌府城二百一十里今既於永順坡添兵駐守則永昌協不必再立右甸汛之名目自應歸於順雲專轄查右甸城毗連猛庭寨漢回雜處屢啓衅端原駐把總一弁帶兵四十三名為數本少近年多事之際添駐防兵每及數百名今匪類多已就擒仍須時加防範擬酌添守兵三十七名連原駐之四十三名共成八十名並添撥額外外委一名隨同把總管帶又阿魯史

塘亦係犬牙交錯處所原設塘兵五名不敷稽察今擬改塘為汛添兵三十五名撥順雲營存城外委一弁管帶以上三汛共應添兵二百九十四名查順雲之兵分汛多而存城少龍陵之兵分汛少而存城多除右甸阿魯史二處所添兵數仍於順雲存城兵內改撥外所有錫腊應添兵數即於龍陵存城兵內改撥作為新設順雲協額兵不必另行招募千總以下各弁均不更動惟其中軍都司既改歸順雲協應將龍陵

林文忠公政書

丙集 雲貴奏稿 卷九

七

右營守備改為中軍守備並將左右兩營改為左右哨由該備督率兩哨千總經理營務此順甯一帶酌改營制之情形也至大理府為提督駐劄之所復有城守一營似兵力已屬充足但城守營汛地綿亘三縣四州而額兵僅七百餘名逐日解犯護餉等差絡繹不絕勢難再行裁撥其提標中左右三營之兵皆為徵調而設若將標兵改汛殊與營制不符現查太和趙州交界之下關商旅輻輳向無員弁駐劄亦屬非宜

今擬添募兵一百名撥大理城守營存城之右哨千總一弁移赴下關駐防作爲該千總汛地其原設巡防上下兩關汛之右哨外委千總前往上關駐劄以專責成又彌渡把總卽令專駐太和縣城毋庸兼管並另派左哨外委千總前往上關駐劄以專責成又彌渡地方甫經戡定原駐外委一弁帶兵四十名尙覺單薄今擬添募兵四十名又紅巖一處亦匪類聚集之區向無駐劄弁兵今擬添募兵四十名撥城守左哨

林文忠公政書

丙集

雲貴奏稿

八

二司外委在紅巖駐劄巡防與趙州彌渡上下聯絡統歸大理城守都司管轄其餘各汛悉仍其舊此大理一帶移汛添兵之情形也又蒙化一廳最多回戶而其汛地係景蒙營遊擊管轄該遊擊向駐景東廳城距蒙化廳城已有四百七十里而自蒙化廳至扼要之三勝站又七十餘里中間未設塘汛實恐疏虞今擬將景蒙營存城之右哨二司把總移駐三勝站由該營撥兵八十名隨同駐劄巡查大小圍埂及茅草

哨等處以免空虛至楚雄原有楚姚鎮標自裁鎮改協之後其分駐姚州者惟千總一弁帶兵六十七名除分布二十二塘計兵四十五名外存城者僅兵二十二名如上年該處漢回焚殺之事在城兵丁卽不敷彈壓今擬添募兵五十三名連各塘共成一百二十名俾其防守城池巡緝附近匪類此又蒙化姚州二處改汛添兵之情形也以上所改協營汛城凡駐防各員弁均於存城內酌量移撥毋庸增添惟兵丁除撥

林文忠公政書

丙集

雲貴奏稿

九

抵外計應添募守兵六百四十一名無閏之年需餉銀七千六百九十二兩有閏加增銀六百四十一兩兵米每名每月例支三斗今擬概以折色散放每月折銀三錢無閏之年需米折銀二千三百七兩六錢有閏加增銀一百九十二兩三錢但思

國家經費有常曷敢以添餉增兵復由部中於正餉之外另籌撥款惟當於本省自行籌畫庶足以資久遠而節度支查滇省鹽務課款中因銷

數暢旺於正溢課外尚有溢餘銀數萬兩道光
八年前督臣阮元奏請按年據實造報以一半
歸部報撥一半留存本省以備邊費各項例不
准銷之款就此支銷奉

旨允准在案今因迤西漢回甫定邊地綿長移伍添
兵實善後中必不可緩之務合無仰懇

聖恩准於本省鹽課溢餘項下每年儘先動撥銀一
萬兩遇閏加增八百三十二兩九錢作為新添
兵餉米折之用此款開除之外尚應存溢餘若

林文忠公政書 丙集 雲貴奏稿 卷九

十

干再照

奏定章程以一半歸部充公一半留存本省邊費
每年估撥兵餉之時即先將增添餉銀米折數
目聲明扣除毋庸請撥以清款目至移駐都守
應蓋衙署及千總外委兵弁均須建蓋汛房經
費頗繁亦未便開銷款項現據大理府知府唐
愷培捐銀二千兩準升蒙化同知汪之旭捐銀
一萬兩騰越廳同知彭崧毓捐銀三千兩共銀
一萬五千兩堪以分撥估建如尚不敷再由臣

等另行籌給此項工程既係捐辦應

奏明請免造冊報銷至永昌江橋換防弁兵鹽菜
口糧每年約需銀一千五百兩並往返軍裝擡
費即由本省邊費內支放毋庸另籌如此一摺
注開於

帑項既可不糜而營伍堪資實用總期久安長治
以仰副

聖主整飭營伍綏靖邊陲之至意所有添募兵丁現
即豫飭各營汛先行認真挑募務擇其年力強

林文忠公政書 丙集 雲貴奏稿 卷九

十一

壯技藝可觀者方准應募由該管將備逐層考
驗報查不許以老弱一名充數俟奉

俞允後即於二十九年正月起一體到汛值防以免
拖前搭後其餘未盡事宜另容隨時確核分別
奏咨辦理除將添改營汛處所另繕清單恭呈

御覽並分咨戶兵兩部外謹將 臣等會同籌辦緣由
合詞恭摺具

奏伏乞

皇上聖鑒飭部核覆施行謹

奏

林文忠公政書

丙集

雲貴奏稿
卷九

十一

林文忠公政書 丙集 雲貴奏稿卷九

查勘礦廠情形試行開採摺
奏為遵

旨查勘滇省礦廠情形請將舊廠核實清釐新礦試
行開採以期弊去利興行之有效恭摺奏祈

聖鑒事竊准部咨奉

上諭前因戶部奏籌備庫款一摺當派宗人府大學
士軍機大臣會同妥議具奏茲據另議章程五條
無非就自然之利斟酌損益惟在該督撫等各就
地方情形熟商妥議立定章程具奏等因欽此

林文忠公政書

丙集

雲貴奏稿
卷九

十二

等跪誦再三仰見

聖主裕國足民利用厚生之至意復查新定章程五
條內如河工漕務本為滇省所無鹽務則向有
定章竝無懸引墮課自應遵

旨無庸更易至錢糧年清年款各稅儘收儘解均無
蒂欠除將應造清冊飭屬依限據實造報聽候
稽查以昭劃一外計滇省所應辦者首在開採
一事敢不詳慎籌維復思有土有財貨原惡其
棄於地因利而利富仍使之藏於民果能經理

三八七

得宜自可推行無弊考之周禮井人掌金玉錫石之地注云井之言礦也其曰為之厲禁以守者為未經開採言之也曰以時取之物其地圖而授之巡其禁令此即明言開採之法為後世所仿而行焉者也以時云者註疏但釋其大意今以臣等在滇所訪聞者證之似指冬春水涸之時而言蓋金為水母五金所產之礦皆須厚水而後取礦故辦銅例有水洩之費銀鑛亦然夏秋礮硿多水宜洩倍難往往停歇若水過多

林文忠公政書

丙集 雲貴奏稿 卷九

丙

而無處可洩則美礦被淹亦成廢硿乃悟以時二字古人固早見及此也物其地圖云者亦如今之覓礦先求山形豐厚地脈堅結草皮旺盛引苗透露乃可冀其成廠滇中諺云一山有礦千山有引引之初見者曰子撮漸而得有正撮乃可進山獲礦礦形成片者謂之刷礮硿寬廣者謂之堂山成刷而成堂始為旺廠若土石夾雜則謂之鬆墟旋開旋廢易虧工本甚至下開上壓滇諺謂之蓋被則非徒無益矣故認勘必

須詳細所謂物其地圖者正以此耳巡其禁令云者誠以開採人多須有彈治之法如今之廠內各設課長客長硿長鑪頭橫頭鍋頭皆所以約束礮戶尖戶及鑪丁砂丁之類又須多派書差巡練以杜偷匿漏課並禁奪底爭尖此皆巡其禁令之遺意是開礦之舉不獨歷代具有成法而周禮早已明著為經况滇省跬步皆山本無封禁而小民趨利若鶩礦旺則不招自來礦竭亦不驅自去斷無盤踞廢硿甘心虧本之理

林文忠公政書

丙集 雲貴奏稿 卷九

丙

其謂人眾難散非真知礦廠情形者也滇人生計維艱除耕種外開採是其所習近年因銅斤產薄唯恐京運不敷但有能覓子廠之人廠員無不亟合試採若輩行山望氣日以為常於地力之衰旺盈虛大都能知梗概見有可圖之利或以紅單而報苗引或以僉呈而請山牌當其朋集鳩費人人有所希冀要之人事居其半天事亦居其半據本地人所言開而能成成而能久者向實不可多得然第就目前而論如其地

可聚千人者必有能活千人之利聚至數百人者亦必有能活數百人之利無利之處人乃裹足故凡各屬礦廠衰旺興閉地方官皆不能隱瞞惟設法經理之人能使已閉復興轉衰為旺者實難其選耳案查嘉慶十六年閒戶部議覆雲南銀廠十六處抽收課稅以二萬六千五百五十兩零為每年總額准以此廠之有餘補彼廠之不足不必分廠核算務期總額無虧如收不足數著落分賠遇有盈餘儘數報解迨嘉慶

林文忠公政書

丙集

雲貴奏稿
卷九

六

十九年白沙一廠衰竭封閉奉

旨開除此後定有課額者共止十五廠年應抽解課銀二萬四千一百一十四兩零載在戶部則例其

奏准儘收儘解之廠則例所載祇有角麟太和悉宜白羊四處嗣又據續報永北廳之東昇廠東川府之礪山廠新平縣之白達母廠此內惟東昇一廠歷年出產較多所抽課銀尙可以補各廠之缺若礪山白達母二廠則皆於鉛鑛內抽

取殊不濟事其已定課額之十五廠內如南安州之石羊土革鎮雄州之銅廠坡會澤縣之金牛永平縣之三道溝實皆歷年廢歇因課額早定不敢短絀或以未成之子廠先行劃補或由經管之有司自行賠解檢查歷年

林文忠公政書

丙集

雲貴奏稿
卷九

七

論旨之先因欲整飭廠務即已分別查明之實在情形也茲蒙

諭令於所屬境內確切查勘廣為曉諭酌量開採自應先於舊廠之外加意稽查當飭藩司遴擇曉事委員分路訪覓諭以金銀皆可採取不必拘定一格即或有人互爭之地前因滋事而未准開者今不妨由官督辦抑或草皮單薄之礦前恐未成而不敢稟者今不妨據實報聞且仰繹訓諭諄諄不准游移不辦如果開採之後弊多利少

亦准奏明停止等因

聖明俯體下情如此開誠布公官民更何所用其疑慮乎況查滇省課金或以牀計或以票計例定課額甚微其課銀章程本係一五抽收民間探得十萬兩之銀納課者僅一萬五千兩可謂斂從其薄於民誠有大益將此明白開導似民間皆已踴躍倍常當據委員會同臨安普洱文武稟稱查得他郎通判所轄坤勇等地方距城九十里有土山數重山頂全係碎砂不能栽種故

林文忠公政書

丙集

雲貴奏稿 卷九

六

無民居前因土內產有金砂遂有外來游民私挖淘洗致相爭鬪稟經前督臣委員會同他郎元江廳州前往查逐該游民各即逃散遂將該山封閉但金砂仍不時湧現挖淘較易難免游民旋復潛來如蒙

奏明開採雖豐膏難以遠定究足以裨公課而杜私爭臣等隨復批飭各員親詣該山勘明實在情形旋據稟覆山頂寬平周圍約七八里掘土尺餘即見細碎金砂閃爍耀目官員到山游民

先已躲避勘有私硎四口詢訪附近邨人云挖起金砂取水屢淘復以木板為牀竟日搖盪一人之力日可得金幾釐多亦不出一分又離該山數里有名為三股牆及小凹子二處勘有草皮銀礦微夾金砂現亦有人偷挖但未進山成硎等情臣等當即批准將此三處試行開採但先前既因私挖致釀鬪爭此次官為督辦亟應選擇殷實良善者作為頭人責令招募砂丁逐層約束前此偷挖滋事驅逐復來者亦當訪拏

林文忠公政書

丙集

雲貴奏稿 卷九

九

究辦以示懲儆且必須先派員弁多帶兵丁始足以資彈壓容臣等斟酌調遣一俟佈置定局再行縷析奏

聞又據鎮沅直隸同知暨文山廣通二縣先後稟稱前因奉文廣覓銅廠疊經示諭民人訪尋子廠呈報嗣有鎮沅廳民羅梓鵬等報有距城百餘里之興隆山麓獲銀礦引苗當合招丁試採該廳時往履勘其礦砂忽接忽跳未能定準如數月內堪以接採擬即酌定課程又文山縣民萬

雲隴等以距城一百八十里之白得牛寨地方
出有礦苗該民等已各出備油米呈縣開採經
該縣報府委勘山勢豐厚惟四圍包攔不甚緊
密所出草皮坵礦成色較低兼以時有時無不
免旋作旋輟請加察看可否抽收銀課儘收儘
解又廣通縣民李集之等以象山地方距城九
十七里有礦可採報經該縣准令試辦嗣探得
門礦所出無多業經摺鑪分計無如銀微色低
唯將所出黑鉛藉作底母之用尙須再行試準

林文忠公政書

丙集

雲貴奏稿
卷九

三

量請抽課各據實具稟前來臣等查該三廠開
採雖尙未見成效然總須該地方官激勵廠民
奮勉從事不可任其半途而廢現已札令速將
礦砂煎樣解驗應抽課銀先許儘收儘解俟試
辦一年察定情形再將抽解數目入額清撥至
此外更令廣爲覓探有苗卽力求獲礦有礦卽
務使成堂如能採辦數多應先遵照

朝議商給優獎官請議敘以期率作興事感奮等
先至舊額老廠雖據逐細查訪實係衰歇者多

然習於廠事者必能明其消長之機以籌修復
之法或拉龍扯水或旁路抄尖或配石分計如
錘手背夫及措鑪下單之人所見既多諒亦能
知補救卽或需費工本但能先難後獲亦當設
法爲之倘實係硯產全枯徒勞無益則名是實
非之廠似應據實開除卽於儘收儘解各廠中
奏明抵補總須比較原定舊額無絀有贏方爲核
實整頓之道不得因廣探新山而轉置舊廠於
不問至於官辦民辦商辦及如何統轄彈治稽

林文忠公政書

丙集

雲貴奏稿
卷九

三

查之處仰蒙

恩諭不爲遙制凡在官商士庶無不感激倍深自當
按地方之情形籌經久之善策查辦廠先須備
齊油米柴炭資本甚鉅原非一人之力所能獨
開官辦呼應雖靈而在任久暫無常恐交代葛
藤滋甚倘或因之虧空參辦則有所藉口籌補
則益啓效尤況地方官經管事多安能親駐廠
中胼胝手足勢必假手於幕丁胥役弊竇愈多
似仍招集商民聽其朋資夥辦成則加獎歇亦

不道則官有督率之權而無著賠之累似可常
行無弊臣等與在省司道及日久在滇之正佐
各員下逮商旅民人無不虛衷探訪竊以此次
認真整頓合在必行所宜先定章程者約有四
事一曰寬鉛禁查銀礦惟炸礦為上為其塊頭
淨潔出銀多而成色高然廠中似此之礦百不
得一其習見者名為大花銀礦細花銀礦其實
皆鉛礦也鉛礦百斤煎鉛得半即為好礦而好
鉛十斤入鑪架罩其上者得銀六七錢次者僅

林文忠公政書

丙集

雲貴奏稿
卷九

三

二三錢除抽課工費之外只敷半本其裏出鉛
汁名為銷團鉛浸灰內名曰底母皆可溜成黑
鉛以此售賣始獲微利滇省向因黑鉛攸關軍
火曾有比照私賣硝磺辦罪之案故鑪戶所餘
底銷皆為棄物虧本愈多臣等查黑鉛一項或
錘造錫薄或炒煉黃丹顏料所用亦廣原非僅
為製造鉛彈之需律例內並無黑鉛不准通商
之文且貴州之柞子廠四川之龍頭山黑鉛均
准售賣滇省事同一律如准將底銷出售以補

廠民成本之虧庶不至於退歇况售賣底銷必
有行店其發運若干令廠員驗明編號填給照
票俟運至彼處即將照票赴該地方衙門繳銷
既可杜其走私於軍火無所妨礙藉得需有利
益於廠民實獲補苴一曰減浮費查雲南各屬
無論五金之廠皆有廠規其頭人分為七長每
開一廠則七長商議立規名目愈多剝削愈甚
查歷辦章程迤東各廠硎戶賣礦按所得礦價
每百兩官抽銀十五兩謂之生課迤西各廠硎

林文忠公政書

丙集

雲貴奏稿
卷九

三

戶賣礦不納課惟按煎成銀數每百兩抽銀十
二三兩不等謂之熟課皆批解造報之正款必
不可少此外有所謂撒散者則頭人書役巡查
之工食薪水出焉有所謂火耗馬腳硎王硎分
水分以及西岳廟功德合廠公費等名目皆頭
人所逐漸增添者雖不能盡裁亦必須大減現
在出示曉諭務令痛刪無益之規銀以辦必須
之油米庶不至因累而散一曰嚴法合查向來
廠上之人殷實良善者什之一而獷悍詭譎者

什之九又廠中極興燒香結盟之習故滇諺有云無香不成廠其分也爭相雄長其合也併力把持恃眾欺民漸而抗官藐法是以有礦之地不獨官懼考成竝紳士居民亦皆懍然防範今興利必先除害非嚴不可卽如所用鐵器除鋤鑿鍋鏟菜刀准帶外一切烏槍刀械全應搜淨方許入廠其駐廠彈壓之印委員弁皆准設立枷杖等刑具有犯先予枷責或插耳箭遊示期於小懲大戒若廠匪膽敢結黨仇殺多命鬧成

林文忠公政書

丙集 雲貴奏稿 卷九

三

巨案或恃眾強姦盜劫擾害平民責令該府州廳縣會同營員立即兜拏務獲審明詳定之後請照現辦迤西匪類章程就地請

令正法俾得觸目警心庶可懲一儆百一日杜詐僞查礦廠向係朋開其股分多寡不一有領頭兼股者亦有搭股分尖者自必見有好礦而後合夥滇省有一種詐僞之徒慣以哄騙油米爲伎倆於礦砂堆中擇其極好淨塊如俗名墨綠及硃砂蕃麪之類作爲樣礦示人啗以重利慫

愚出貲承攬既多身先逃避愚者以此受累黠者以此詐財良民不敢開採多以此故又廠上賣礦買礦之時復有一種積蠹插身說合往往私抽釐頭爲之裝蓋底面顛倒好醜爲貽害廠務之尤茲先出示諭禁嗣後訪獲此等匪徒皆卽加重懲辦庶可除弊棍而示勸懲矣 臣等在滇未久於礦廠情形本不諳習仰荷

聖慈委任且蒙

訓諭周詳謹就察訪實情先籌大概雖成效尙未能

林文忠公政書

丙集 雲貴奏稿 卷九

三

豫必而任事斷不敢畏難此外續查利弊情形總當據實直陳以仰副 宵旰疇咨於萬一所有查勘籌辦緣由是否有當 臣等謹合詞恭摺具

奏伏乞

皇上聖鑒訓示謹

奏

勦辦騰越廳邊外野夷情形摺

奏為騰越廳界外野夷膽敢攔入邊地擄搶各寨

居民派員帶練出卡痛加勦辦餘匪畏威歸順

沿邊悉獲安恬恭摺仰祈

聖鑒事竊照雲南騰越廳地方三面通夷為迤西極

邊之區界連緬甸所屬沿邊卡外別有各種野

夷既非外域齊民又不歸土司管轄雜居山谷

分寨自立頭人其性貪暴兇頑每乘虛突至漢

屯搶擄人畜財物因營汛不敷分布曾於道光

林文忠公政書

丙集

雲貴奏稿 卷十

一

初年請項建置碉堡雇練駐防要隘而山徑叢

雜該匪輒於無練之處覓途潛出肆擾節經堵

緝驅逐尙不致大為邊患乃自上年秋冬以來

有古勇蓋西邊外之老草坡熊家山等處野匪

疊糾多人至古勇河西栗子園崩麻各寨寨先

後擄去男女二十六丁口并牛馬牲畜財物報

經古勇土弁協同屯練追捕無獲稟由鎮道府

廳會議以該處距各營較遠山徑荒僻險易難

知若調官兵勦捕既恐多延時日且不諳習路

途不如就近抽撥屯練札調能事備弁官管帶

進勦可期事半功倍查有附近之明光隘土守

備左大雄勇敢有為疊次出師著績堪以率領

各土弁管帶勁練出卡相機勦辦應需鹽糧由

騰越廳籌捐供支先後具稟請示_臣等核其所

請實為肅清邊境要務當即批令督同妥速辦

理去後旋據該鎮道府廳等節次稟報本年正

月十九日調齊勁練五百名交左大雄管帶進

勦二月初四日行抵老草坡野匪已有準備早

林文忠公政書

丙集

雲貴奏稿 卷十

二

經挖濠樹柵出而抗拒該土弁親帶各練奮勇

攻擊槍礮齊施各匪敗竄入柵砍斃二十餘人

帶傷甚多隨乘勢圍柵放火焚燬匪巢各匪分

竄至大竹蓬等八寨并西山九寨該土備又以

次進攻各寨野夷始知畏懼邀請安分寨頭詣

營投誠查該處夷風遇有齊心禁戒之事須抱

大石發誓方見真誠其各寨中惟六頂之大野

貫與習董之大頭目平日尙知信義當飭該野

貫等如能擔保各寨不敢滋事誓石投誠方可

允準該夷等俱願遵照隨即獻還所擄男女八丁口牲畜六件查明原主給領其餘財物據稱係熊家山等野匪擄去旋即移營往攻於二月初八日進至熊家山探知該野匪所居懸巖陡壁已將出入要口深濠固塹且恃有怕洒等五寨爲羽翼負隅不出該土備帶練分攻各匪亦分股抵禦騰越鎮總兵拴住接據稟報恐左大雄深入險寨練力不敷又復商令該廳加調屯練五百名往助左大雄得添新練遂逼近要口

林文忠公政書

丙集

雲貴奏稿

三

分爲五路進攻二十二日該匪出巢拒敵各練丁迎頭奮擊殲斃頭裏紅巾首匪二名及匪眾數十名各匪退回口內迫夜潛出劫營練丁先已防備極力轟拒野匪撲營愈急經六品軍功頂帶練總董大文瞥見指揮放槍迎擊并自行抱石打中爲首一匪腦後倒地詎匪夥從旁放槍致董大文額角受傷被害眾練開柵齊出抄截環攻始將各匪打退平明查看山箐內有匪屍二十餘具仍復連日進攻斃匪無數土練亦

聞有傷亡是月二十九日始將熊家山匪巢焚燬即在該處紮營以堵怕洒等寨往來要路其中安分野夷恐被玉石俱焚紛紛詣營求請投誠歸化該土備慮其挾詐令通事逐名究詰據供熊家山滋事匪首一名茶山老五一名阿五其怕洒等寨匪首名爲總頭老五與各小頭目等均先後被殲身死餘皆逃散伊等恐被剿滅趕將寨匪所擄之男女十八丁口并牛十七件獻出求免盡勦又查出寨匪所留之漢奸馬六

林文忠公政書

丙集

雲貴奏稿

四

張小老二人緝送請辦該土備允其所請當將人畜交收訊據漢奸馬六張小老供認均係沿邊民人向走夷方貿易因虧本負欠難歸潛入野山交結夷匪指引搶擄冀圖得贓分肥其送還被擄民人楊啓元楊官文余小老余小二蔡大劉九榮邵小三劉五斤劉鳳英劉小三張邵有張富尹益李國棟張聯榜張喬科金洪榮十七名并婦女何劉氏等九名逐一訊據供稱先後遭匪擄去扣留役使并欲勒贖該婦女等均

未被匪姦污餘供大略相同其代老草坡等處擔保求誠之六頂野貫董頭目十人亦為熊家山等寨懇求免勦情願出具永不滋事刀標木刻誓石投誠如再為匪惟伊十人是問察其情詞不至反覆隨飭傳齊各野山頭目與邊民同至漢夷交界之三官殿宣示恩威嚴加傳諭責成六頂習董各頭目分寨管束永不准其入邊搶擄滋事各野夷咸皆畏服叩頭盟誓所具刀標木刻均於邊隘立石示眾沿邊地方已極

林文忠公政書

丙集 雲貴奏稿 卷十

五

安靖遂於四月初六日撤練回至廳城查明此次陣亡除練總董大文外尚有練丁六名又受傷練丁十八名分別卹賞所有一切經費據署騰越同知鄧墀稟請悉由該廳籌應等情臣等查此次該土備左大雄自正月中旬帶練出勦至四月初間竣事各寨野夷除焚斃斃外均已畏威悔罪立誓輸誠洵能遠振軍威又安邊地此後仍須益嚴約束倍緊巡防所有各卡隘練丁暨應責成騰越鎮將會廳逐一驗凡從

前疏縱夷匪及現在年力就衰者均從重責革究辦其撫夷備委中據查有孟學鄒吳正傳楊鎮邦及練頭孟效鄒洪德恩五名此次俱甚出力但從前夷匪擾害邊民何以不能有犯卽懲應令根究明白分別功罪以示勸懲漢奸馬六張小老句結外匪滋事已據自行供認自應歸於迤西匪犯案內飭道審明就地懲辦傷亡練丁咨部請卹其六品軍功頂帶練總董大文親手擊斃首匪旋因中槍陣亡可否仰懇

林文忠公政書

丙集 雲貴奏稿 卷十

六

天恩照土千總例賜卹至明光隘土守備左大雄前在永昌等處軍營屢經出力疊蒙賞戴花翎并加宣撫使銜該土備深知感奮茲又收服各寨夷匪可否再懇恩施賞給巴圖魯名號以示激勸其騰越鎮總兵控住迤西道王發越永昌府知府張亮基署騰越廳同知霑益州知州鄧墀等商軍務督率均尙有方可否請旨交部均予從優議敘之處出自

聖王恩慈所需軍費既經籌捐辦理并請免其造冊
報銷除再查明練丁中趨眾出力之人咨部量
給頂帶外所有勦辦邊外夷匪竣事邊疆綏靖
緣由臣等謹合詞恭摺具

奏伏乞

皇上聖鑒訓示謹

奏

林文忠公政書

丙集

雲貴奏稿
卷十

七

他郎廳新礦酌更營汛摺

奏為普洱府屬之他郎廳地居邊要現在督辦開
探更宜駐以重兵擬移遊擊大員並請酌更營
制以資彈壓而重邊防恭摺奏祈

聖鑒事竊臣等於本年二月會奏遵

旨試行開採摺內聲明他郎通判所轄之坤勇等會
出金砂因游民私採鬪爭將山封閉但金砂不
時湧現難免去者復來又近處勘有草皮銀礦
現亦有人偷挖此次官為督辦必須多兵彈壓

林文忠公政書

丙集

雲貴奏稿
卷十

八

容臣等斟酌調遣一俟布置定局再行縷析奏
聞在案維時營制未經議定先於附近該廳之普洱
臨元二鎮元江新習二營共派兵三百名交護
臨元鎮左營都司陳國樑帶往駐劄暫為彈壓
並委候補通判卓棟永平縣知縣文定仲各齎
告示令箭前往會同他郎通判倭克金布選充
頭人課長議立約束章程並責成鎮將道府各
大員就近稽查督辦惟念兵雖暫駐究非經久
之謀而地在沿邊尤在藩籬之固查他郎地方

遼闊東南兩境遠與老撾交趾暹羅緬甸有路相通就邊防而言本應以重兵扼要駐守今該處文員係普洱府之通判分駐而同城之武汛千總又不歸於普洱鎮管轄而係臨元鎮所屬之元江營參將分弁赴防是文武雖在一城而一則隸於臨元一則隸於普洱遇有要事爲文職者固可於駐劄普洱之道府稟請遵行而武職營汛事宜普洱鎮不能過問須由元江營轉稟臨元鎮指示辦理道路既多紆折核轉更致

林文忠公政書

丙集 雲貴奏稿 卷十

九

耽延在無事之時或尙不甚緊要值此新開礦廠人數日見眾多尤應文武和衷聯爲一體始免事權歧出呼應不靈且查滇省額設六鎮總兵本皆有中左右三營以符規制惟普洱鎮左營遊擊因與威遠新營兩營屢次互相改換故現在該鎮只存中右二營與各鎮殊不一律似應復還普洱左營遊擊以昭體制而重邊防惟營缺未敢擅添自應量爲移改因查新營營遊擊向係駐劄元江州屬之新平縣城而其分防

之習戕縣汛則又屬於臨安府是彼處文武所轄亦復兩歧查新平係在元江腹內又有他郎當其東南以爲屏蔽前因境內有魯魁夷牢兩山易藏匪類是以曾設專營今新平地方較之昔時大爲安靜其習戕尤爲腹地更可將汛務歸入臨元鎮標所有新營遊擊一缺似可移駐他郎作爲普洱左營遊擊廠務既資彈壓邊防亦更森嚴以視目前派往客兵祇係暫時駐劄者自必倍形得力第遊擊既移其中軍守備一

林文忠公政書

丙集 雲貴奏稿 卷十

十

員自應隨往又左右哨兩千總亦應酌帶一人與原駐他郎城內之千總各分左右哨至元江營本有把總一弁帶兵四十五名分駐他郎之阿墨汛又有分駐邦轟宿南兩汛之外委二人共帶元江兵六十五名今應移歸新設遊擊管轄又普洱中營亦有一把總一外委帶兵七十九名分駐通關哨汛距他郎較近亦應歸於該遊擊管轄此外尙有應帶弁委及酌添馬步各兵或由新營原營移撥或由普洱鎮標改添均

俟該鎮將議覆至日另咨兵部立案惟新平舊分十汛地勢亦屬綿長若遊擊移駐之後僅以千把總領其汛地恐職分太微難資管束應另移守備一員作爲總轄行據臨元鎮總兵李能臣稟覆該標左營本有都司可以經營錢糧等事其左營守備尙可通融移駐新平作爲元江營右軍守備仍隸該鎮統轄其元江營參將應卽改名元新營以符名實以上擬更營制大概情形經臣等飭據藩臬兩司暨督糧道轉移臨

林文忠公政書

丙集 雲貴奏稿 卷十

十一

元普洱鎮道並行該處府州分別籌議詢謀僉同茲據該司道等會詳請
奏前來相應仰懇

聖恩俯念邊疆營汛因時制宜準將原設新習營遊擊移駐他郎作爲普洱鎮左營遊擊其新平汛駐劄守備等員弁歸於元江營管轄將嶺峩汛歸入臨元鎮標如此量爲轉移則文員之該管道府與武員之該管鎮將悉歸畫一似公事可免歧悞而邊境更冀肅清如蒙

俞允所有衛署兵房凡可彼此互換者皆毋庸另議惟他郎城內應添蓋遊擊守備衛署及自他郎城外至坤勇箐礦廠等處如有扼要控制應須建蓋汛房者一切工料所需均由臣等督屬籌捐辦理惟營分職名有應酌改之處應再咨部酌換關防等項以昭信守至官兵係通融移撥并無格外加添其原支俸餉廉費各銀無所增損惟查鎮標官兵領餉例由中營照數請領轉給開支而他郎距省程途較之普洱中營稍近

林文忠公政書

丙集 雲貴奏稿 卷十

十二

數站若將該營俸餉解回中營之後又解左營未免徒多往返擬合嗣後該鎮標遣官來省領餉回鎮卽於路過左營之便先將該營俸餉等銀交給該遊擊具領收放以省重疊來回又兵米一項從前他郎駐兵本少該廳徵放本色之外尙有餘存本折分別撥解今移駐兵數既已增多該處糧販本稀自應責令他郎通判概徵本色以資散放其由普洱元江撥出之兵該原營應減本色改折徵解至各營汛軍裝器械亦

可酌量抵換彼此互改營名毋庸紛紛搬移以
歸省便其餘未盡事宜另容隨時酌核分別
題咨辦理總期開廠籌邊兩有神益以仰副
聖主整飭營伍綏靖地方之至意所有會籌移駐緣
由臣等謹合詞恭摺具

奏伏乞

皇上聖鑒勅部核覆施行謹

奏

林文忠公政書

丙集

雲貴奏稿
卷十

三

訪獲他郎廳廠匪黃應倡等大概供情摺
奏為他郎廳開礦事宜甫將章程立定茲訪明會
經滋事之廠匪拏獲多名飭解普洱府嚴行審
辦務使廠民知儆謹將大概情形恭摺奏祈
聖鑒事竊臣等前經訪知他郎廳之坤勇箐出有礦
硎當即欽遵
諭旨試行開採擬選殷實良善之戶作為頭人招募
砂丁逐層約束並以前此偷挖滋事驅逐復來
者亦當訪拏究辦以示懲儆業經會摺奏
林文忠公政書 丙集 雲貴奏稿 卷十 四
聞在案嗣據委員通判卓標知縣文定仲前後會議
章程十餘條並將廠各項人丁名冊查明籍
貫年貌詳細開報核其逐層管束之法每砂丁
二十五人設有丁目一名每丁目十人復設丁
長一名積至砂丁一千人另設總頭一名而仍
選立客長五名總司稽核又責成鑲頭報挖新
礦鑪頭請票扯火課長掌秤抽收彼此互相稽
查隨時示以賞罰復以課書練役分段梭巡雖
事務甚繁而約束尚無鬆懈并據該委員等稟

稱金砂實極微細每日淘水搖牀所得僅以分釐計勢難按則抽金惟銀礦漸由子櫃而得正櫃目下丁力加多可期進山接礦請將金課亦核作銀抽解以免瑣屑畸零查其所稟委係實情當即批准照辦惟訪聞原先偷挖之人多欲朦混入廠此內有曾糾眾互鬪致相殘殺者亦有擾害邨莊被人控告者目下若不先為訪拏則此輩自矜得計必致故惡復萌而眾人相率效尤亦恐逞強滋事臣等飭據普洱臨元他郎

林文忠公政書

丙集

雲貴奏稿

五

等處文武先後密稟訪有外來滋事之匪首黃應倡於上年十二月閒未經奉文開採即欲恃強先來挖礦率夥盤踞罵泥街該處居民被其擾害協力驅逐本年二月初閒與其黨邱綱移至夏楚地方復圖占擾又有臨安匪徒支老五等及元江他郎夷匪楊卜喇等皆係著名之犯與外來各匪在麻栗樹石頭寨等處分類糾鬪互有殺傷其乘機分竄偏僻邨寨勾結搶擄者先經署普洱府崔紹中訪聞會督思茅甯洱廳

林文忠公政書

丙集

雲貴奏稿

六

縣拏獲劉大蒲煞等三十四名訊出各匪首要姓名稟請四路圍緝適臣等因開礦需兵彈壓已會調普洱元江官兵各一百名臨元新習官兵各五十名赴廠駐劄當飭帶兵各將備順途訪查並令咨會文員一同實力搜捕旋據臨元鎮總兵李能臣會同署普洱府崔紹中署元江州李杰署他郎通判倭克金布前署他郎通判沈世良并督令護元江營參將常興署新習營遊擊察興阿護臨元鎮都司陳國樑等各分途帶領弁兵差役先後拏獲外匪黃應倡邱綱等四十六名臨安匪徒支老五等二十一名元江夷匪楊卜喇等十一名起獲槍礮藥鉛刀矛多件解至他郎會同研審各供認互鬪搶擄數次其當場致斃屍身或自行燒燬或彼此殘棄或尚有掩埋處所可以創驗并搶劫邨寨情形亦據歷歷指認惟被害事主多未呈報到官不能知其姓名現在傳諭各邨寨居民據實補報計各文武所獲現犯共一百一十二名已據署普

洱府崔紹中稟請親自馳至普洱提同前獲各犯確審懲辦尙恐查拏之時有匪犯乘閒逸出仍飭各營汛分途嚴緝其已經到廠之官兵卽令留駐鎮壓經此一番訪拏廠務頓覺森嚴所
有新招廠民見先前滋事匪徒多被緝獲咸知觸目警心悉就約束廠內倍形安靜雖金砂現極有限而銀廠頗有起色可期成效日臻除飭迤南道督同普洱府縣審明確供妥速定擬詳辦俟定案時由臣等勘明再行具

林文忠公政書

丙集 雲貴奏稿 卷十

七

奏外謹將現在訪獲舊日廠匪多名緣由先行恭摺具

奏伏乞

皇上聖鑒謹

奏

保山縣城內回民移置官乃山相安情形摺
奏為保山縣城內回民自移置官乃山以來已逾一載察看情形妥協可期久遠相安謹將原辦緣由奏明立案仰祈

聖鑒事竊臣等於上年會奏永昌善後案內議請添移營汛弁兵聲明保山縣轄之官乃山因安插回民二百餘戶尙有陸續前來者擬添兵五十名連原駐之三十名派一把總帶領以資彈壓等情已蒙

林文忠公政書

丙集 雲貴奏稿 卷十

六

勅部駁議覆准在案彼時回民移居未久尙須細察情形未敢以試辦之章程遽作常行之定準節經諄飭永昌府知府張亮基就近督縣加意撫綏認真彈壓計上年四月安置之後至今已越一年疊據稟報該回民二百餘戶在官乃山墾種為生均極守分安業堪以永遠居住等情臣等查此案移置之由因道光二十五年九月間保山城內回民被該處七哨匪徒挾仇殘殺一次迨二十七年甫經招復又於十二月初一日

因哨匪打奪解省人證復恃眾入城搜殺一次雖被殺由於報復死者亦非概屬無辜而受害情形實堪憫惻除業經盡絕之戶無可挽回外其有他出始歸以及藏匿逃亡遺存丁口悉經由官訪明捐貲撫卹以軫餘生至二十八年春間臣林則徐親往迤西督兵查辦於痛勦彌渡之後直擣七哨地方哨匪始懾軍威俯伏歸命當時拏獲辦罪至四百餘名之多七哨經此痛懲不敢復逞兇頑之習本擬招復逃亡回眾仍

林文忠公政書

丙集 雲貴奏稿 卷十

五

返故居惟查房屋被焚早成灰燼若令自行建築已屬力所未能且與漢民界址毘連清釐匪易一時既虞其尋衅日久更難以相安故於軍務將竣之時即另籌安置保回之地嗣據地方文武暨各委員覓得保山所轄距城二百餘里之官乃山一座周圍約十餘里外狹中寬前隔潞江後依雪山雪山之巔石崖陡險雖有獐獐夷人窩居其上向不與民人相通其自半山中腰下至臨江間有平曠地土堪以墾種因而外

來無業客民單身赴彼或種包穀雜糧或植大小果樹先搭棚寮棲止漸蓋土屋草房究因中隔潞江往來未能甚便該客民等仍不樂久居隨訪得有楊育春白奉禮等均願將自墾成熟之地暨果樹寮房悉行折價遷讓或以城鄉產業與之掉換亦所樂從當查該處山場既有田畝樹株按年可收花息并已種將熟之雜糧果實均願折價賣給回民到彼即無枵腹之虞若漸墾漸多更可長資養贍因詢保回頭人童俊

林文忠公政書

丙集 雲貴奏稿 卷十

三

劉耀宗等以保山之清真寺舊有零星公產其各鄉亦有故絕回戶遺產如願公同估價與官乃山產業房產互相掉換便可官為經理伊等當即允從其價值除互抵外尙有不敷由官湊捐給付遂將官乃山一座全作保回聚居之所除有他處親戚可依不愿前往者聽其自便外凡願移之回戶皆按大小人口官給盤費經署保山縣知縣韓捧日署永昌協副將桂林等將該回民二百餘戶分起押送前往到後仍酌給

三箇月口糧俾得從容治產此上年安置保山回戶之情形也嗣又添撥把總一員先後帶兵八十名歸於原設之舊乃汛駐劄就近巡防該回民等益知官爲保護得以久安生業陸續去者復有數起自係知爲樂土彼此相招查該處去秋包穀雜糧均稱豐熟果樹亦皆獲利今年墾種之地比較去年更多將來戶口繁滋該山亦足資其力食與山巔之獐獍夷人及江外之士著漢民均無膠轕而保山城哨相距甚遙更

林文忠公政書

丙集

雲貴奏稿 卷十

三

無虞其生衅是回民安置在此似可決爲久遠之圖雖不愿者本不强其前來而已來者定可安於無事矣惟其先墳墓向來本在保山當二十五年互鬪之時回匪之燒漢屋者極多而漢匪之掘回墳者尤甚屍骸堆積令人不忍觀聞臣等面囑該府張亮基督屬妥爲修掩張亮基到任後卽與署保山縣陸葆捐發廉銀選擇公正紳耆分赴各山將被挖回墳逐一修砌悉還其舊不獨屍骨全無遺棄并棺柩每與更新

統計自夏至冬其修回墳九千餘家該處事定之後有回民赴保山祭掃者府縣派差照料卽以暗杜衅端該回民見其墳冢新修比前加勝亦皆同聲感激并可消釋前嫌矣又據張亮基稟稱保山回戶中未經故絕之人遺有田產上年軍務竣後曾經委員分門清查核與該回頭人查報大數相符當卽由官派佃代種收取租銀尋覓外出各回民寄交該處地方官給領惟思回戶業經他徙若將零星田產留在保山內

林文忠公政書

丙集

雲貴奏稿 卷十

三

有狡黠之徒未忘舊衅卽難保不藉此爲由以清租爲尋衅之地不如查起原契官爲覓售其無原契者亦由官估價值分別變賣節經頭人傳諭業已允從者多惟聞有力之回本在他處經營貿易有不必急於變產而尙觀望遷延者若不催令一體辦理轉恐退有後言是以現仍傳覓本戶回民諄切曉諭令其出售零產以斷葛藤總期保邑漢回各遂其生永無可開之衅以仰副

聖王綏安邊圉一視同仁至意所有續辦善後緣由
臣等謹合詞恭摺縷陳并咨部核明立案伏乞
皇上聖鑒謹

奏

林文忠公政書

丙集

雲貴奏稿
卷十

三

密保永昌府張亮基片
再永昌連年滋事民幾不知有官實由吏治因
循以致獷悍成風積重難返上年甫經懲創亟
須爲地擇人仰荷

聖恩準以臨安府張亮基調補永昌府缺該府自到
任後辦理不遺餘力於地方之利弊無不訪察
周知於風俗之澆漓無不革除務盡如昔時牛
叢香把拜會結盟斂費賽神信妖惑眾諸惡習
皆能令行禁止杜絕根株一有句結潛滋卽被

林文忠公政書

丙集

雲貴奏稿
卷十

三

查拏懲辦又將各邨寨槍礮火藥全行搜繳入
官產硝各硃全封軍火無從私製至該處向有
教演拳棒聚唱小說之所今則改爲義學又有
糾詐大戶引誘游女之風今則厲其鄉禁徭役
之累民者設法裁革之道途之險巖者捐貲平
治之合諸_臣等正摺所陳安置回戶修護回墳
勸售回產等事無非任勞任怨期以永杜弊端
訪查彼處民情於該府懷畏兼深漢回如一旦
不獨永昌一郡如是卽附近之順甯蒙化等屬

亦莫不然是張亮基調任年餘竟能大挽積年
難挽之習臣等職司察吏似此實在得力知府
不敢壅於

上聞惟地方正當起色之時仍應責成經理將來遇

有兼轄迤西及統轄滇省之任如蒙

簡畀鴻慈似張亮基皆可力圖報稱以收得人之效

臣等為邊疆需才起見不揣冒昧謹合詞附片

密陳是否有當伏祈

聖鑒謹

林文忠公政書

丙集雲貴奏稿
卷十

三

奏

侯官林文忠公著

政書蒐蒐遺

後學王仁堪敬題

光緒己卯孟春
長洲黃氏輯刻

道光十三年十一月十三日江蘇巡撫

徐片奏

再江蘇連年災歉民情竭蹶異常望歲之心人
人急切今夏雨暘時若滿望得一豐收稍補從
前積歉乃自六月閒江湖盛漲沿江各縣業已
被災其時蘇松等屬棉稻青葱猶冀以江南之
贏補江北之絀蓋本省漕賦在江北僅十之一
而江南居十之九故蘇松等屬秋成關係尤重
惟所種俱係晚稻成熟最遲秋分後稻始揚花

林文忠公政書

蒐遺

奏稿

偏值風雨陰寒遂多秀而不實然大概猶不失
為中稔迨九月後仍復晴少雨多晝則霧氣迷
濛夜則霜威寒重雖已結成顆粒僅得半漿鄉
農傳說暗荒臣猶不信于立冬前後親坐小舟
密往各處察看見一穗所結多屬空桴半漿之
禾變成焦黑實先前所不及料然猶盼望晴霽
庶可收曬上馨不意十月以來滂沱不止迅雷
閃電晝夜數番自江甯以至蘇松見聞如一臣
率屬虔誠禮禱悚懼滋深雖中間偶爾見晴而

林文忠公政書 蒐遺

陽光熹微不敵連旬盛雨在田未割之稻難免
被淹卽已割者欲曬無從亦多發芽霉爛鄉民
烘焙勉強試礱而米粒已酥上馨卽碎是以業
戶至今未得收租臣先因欽奉

諭旨新漕提前趕辦當經欽遵嚴飭各屬勒令先具
限結將何日開倉何日徵兌何日開行登載結
內並聲明如有逾期願甘參辦字樣呈送如不
具限卽以才力不勝立予參撤不使戀棧貽誤
各屬皆具結遵辦然賦從租出租未收納賦自

林文忠公政書

蒐遺

奏稿

何來當此情形屢變之餘實深焦灼又各屬沙
地祇宜種植木棉男婦織紡為生者十居五六
連歲棉荒歇業生計維艱今年早花已被風搖
而晚棉結鈴尚旺如得晴暄天氣猶可救之桑
榆乃以雨霧風霜青苞腐脫計收成僅止一二
分小民紡織無資停機坐食且節候已交冬至
卽趕緊種麥猶恐過時况又雨雪紛乘至今未
已田皆積水難種春花接濟無資民情更形窘
迫此在臣奏報秋災以後歉象加增日甚一日

四〇七

之情形也地方以秋災不出九月不許妄報原
係遵守定例然值連陰苦雨人心難免惶惶外
縣城鄉不無搶掠滋鬧之事臣飭委文武大員
分投彈壓現已安靜除寶山鄉民因補報歉收
擠至縣署一案另摺

奏明嚴拏提審外其餘情節較輕例不應

奏者亦當隨案照例懲辦以戢刁風惟據續報歉

收情形勘明屬實不得不照續被災傷之例酌

請緩徵正在繕摺具

林文忠公政書

卷 奏稿

三

奏開承准軍機大臣字寄欽奉

上諭近來江蘇等省幾于無歲不緩無年不賑國家

經費有常豈容以展緩曠典年復一年視為相沿

成例並奉

諭旨該督撫等不肯為國任怨不以國計為亟是國

家徒有加惠之名而百姓無受惠之實無非不堪

官吏私充囊橐大吏祇知博取聲譽等因欽此欽

遵臣跪誦之下兢凜慚惶莫能言狀伏念臣渥

蒙

恩遇任重封圻且居此財賦最繁之地乃不能修明
政事感召和甘致地方屢有偏災極知經費有
常而不得不為賑恤蠲緩之請撫衷循省已無
時不汗背靦顏乃蒙

皇上不加嚴譴

訓飭周詳凡有人心皆當如何感愧況臣受

恩深重曷敢自昧天良若避怨沽名不以

國計為亟則無以仰對

君父即為

林文忠公政書

卷 奏稿

四

覆載之所不容臣雖至愚何忍出此即如上年臣到

蘇之後秋成僅六分有餘而蘇松等四府一州

於徵兌新漕之外尚帶運十一年舊漕二十萬

石合計米數將及一百八十萬為歷來所未有

之多原因

天庾正供不敢不竭力籌辦其辛卯年地丁督同

藩司陳鑾推提嚴緊亦于奏銷前埽數全完業

經專摺奏蒙

聖鑒在案竊惟盡職之道原以

國計爲最先而

國計與民生實相維繫

朝廷之度支積貯無一不出于民故下恤民生正所以
以上籌

國計所謂民惟邦本也本年江湖盛漲係由黔蜀
湖廣江西安徽各省大水併入長江其破圩淹
灌等處原不止上元六縣臣所請撫卹第舉其
最重者而言仰蒙

皇上天恩准給口糧災黎感淪肌髓嗣經官紳捐資

林文忠公政書

蒐遺

卷

五

撫卹臣卽復行

奏請毋庸動項將所發上元江甯句容江浦儀徵

五縣銀兩留爲辦賑之需其丹徒一縣捐項已

有五萬餘兩並足以敷賑濟當將前發之銀提

回司庫凡此稍可節省之處均不敢輕費

帑金惟于災分較重又難猝集之區則不得不酌

給例賑臣等另摺請撥之十三萬兩僅分給十

二縣衛軍民雖地方廣而戶口多亦只得挪節

動撥此外無非倡率勸捐以冀隨時接濟惟頻

年屢勸捐輸卽紳富之家實亦力疲難繼查道

光三年大災通省捐至一百九十五萬餘兩至

道光十一年災分較前相埒僅能捐至一百四

十六萬餘兩其餘各年捐項較絀此時間閭閻

乏勸諭愈難然觀此情形待哺災黎不能不勉

籌推解臣與督臣率同司道等官各先捐廉倡

導以冀官紳富戶觀感樂施凡此情形皆人所

共覩不肖州縣捏災冒賑地方刁生劣監豈肯

不爲舉發而紳富之家又安肯聽其勸諭捐賞

林文忠公政書

蒐遺

卷

六

助賑至再至三且捏災而轉自捐廉似亦無此

愚拙之州縣也至展緩之舉祇能緩其目前仍

須徵于異日非如蠲免之項慮有侵吞州縣之

于錢漕未有不願徵而願緩者至必不得已而

請年復一年則地方凋敝情形早已難逃

聖鑒然臣初亦不料其凋敝之一至于此是今情務

瀕于決裂時刻可虞臣不得不將現在實情爲

我

皇上密陳梗概查蘇松常鎮太倉四府一州之地延

奏僅五百餘里歲徵地丁漕項正耗額銀二百數十萬兩漕白正耗米一百五十餘萬石又漕贈行月南屯局恤等米三十餘萬石比較浙省徵糧多至一倍較江西則三倍較湖廣且十餘倍不止在米賤之年一百八九十萬之米即合銀五百數十萬兩若米價昂則暗增一二百萬兩而人不覺況有一石之米即有一石之費逐層推計無非百姓脂膏民間終歲勤勞每畝所收除完納錢漕外豐年亦不過僅餘數斗自道

林文忠公政書

蒐遺

卷

奏稿

七

光三年水災以來歲無上稔十一年又經大水民力愈見拮据是以近年漕欠最多州縣買米墊完畱串待徵謂之漕尾此即虧空之一端曾經臣縷晰

奏聞然其勢已不可禁止矣臣上冬督辦漕務將新舊一併交幫嗣因震澤縣張亨衢辦漕遲誤奏參革審而漕米仍復設法起運不任短少皆因正供緊要辦理不敢從寬也今歲秋禾約收已遜去年茲復節節受傷發芽霉爛詢之老農云

現在縱能即晴趕曬糟朽之穀比之上年每畝已少收五六斗就蘇州一府額田六百萬畝計之即已少米三百餘萬石合之四府一州短少之米有不堪設想者民間積歉已久益藏本極空虛當此秋成之時糧價日昂一日實從來所未見來歲青黃不接不知更當何如小民口食無資而欲強其完納即追呼敲扑法令亦有時而窮前此漕船臨開有缺米州縣尙能買補近且累中加累告貸無門今冬情形不但無墊米

林文忠公政書

蒐遺

卷

奏稿

八

之銀更恐無可買之米曩時蘇松之繁富由于百貨之流通挹彼注茲尙堪補救近年以來不獨江蘇屢歉即鄰近各省偏災布疋絲綢銷售少權子母者既無可謀之利任筋力者遂無可趁之工故此大雖係勘不成災其實困苦之情竟與全災無異臣惟有一面多勸捐資妥爲安撫一面督同道府州縣將漕務設法籌辦總不使藉口耽延但本年已請緩徵之處尙不過十分中之一分有餘此外常鎮等處亦已紛紛續

稟臣核其情形略輕者無不先行駁飭但天時如此日後情形如何臣實不能豫料晝見陰霾之象自省愆尤宵聞風雨之聲難安枕席並與督臣陶澍書函往復於捐賑辦漕等事思艱圖易反覆商籌楮墨之間聲淚俱下從此即能晴霽歉象尚不至更加如其不然臣惟有再行據實

奏聞仰求

訓示遵辦大江南北各省通衢且中外仕宦最多一

林文忠公政書

蒐遺

卷

奏稿

九

切實情難瞞眾人之耳目臣如捏飾非無可以

告發之人我

聖主子惠黎元

恩施無已正恐一夫不獲是以察廢務廣但民間困

苦顛連尚非語言所能盡本年漕務自須極力

督辦而觀此景象時時恐滋事端至京倉儲蓄

情形臣本未能深悉倘通盤籌畫有可暫紓民

力之處總求

恩出自天多寬一分追呼即多培一分元氣況

天心與

聖心相應定見祥和普被屢慶綏和長使

國計民生悉臻饒裕臣不勝延頸頌禱之至謹附

片奏陳伏乞

皇上聖鑒謹奏

林文忠公政書

蒐遺

卷

奏稿

十

道光十五年九月初一日奉

前部院批蘇藩司詳豁免道光十年以前積欠
辦理情形由

批開

據詳查辦豁免積欠已通飭各州縣先將實欠
數目開具印摺徑送一面開冊同串簿送該府
州盤查加結轉詳其太倉州民欠責成松太道
查辦並飭承將司案各數豫行查出一俟屬冊
到時即可核對不準加上屆之遲延等情所辦

林文忠公政書

蒐遺 卷 豁免詳批

十一

均屬得要至九月二十五日以前之限既難趕
副所有秋災一案祇可將道光十年以前錢糧
聲請歸入豁免案內查辦亦自無礙但各州縣
疲玩性成凡遇查辦事件無不任意宕延若不
勒限嚴催勢必仍前遲誤而曠日持久益恐弊
竇叢生設遇更調交卸延壓更甚上屆江蘇覆
奏在各省到齊之後殊不成事且上屆奉豁年分
有二十二年之多此次年分較少斷不可以上
屆為比該司務當嚴飭各屬遵照所頒冊式趕

緊查明實欠在民確數迅即開具印摺通送查

核一面責成該管府州及管轄直隸州之巡道

就近弔查印串簿據按款核對勒限開造清冊

加結轉詳該司仍即督飭司承先將司案各數

豫行查出以便屬冊到時即行按款覆覈攢造

司冊迅速詳送

奏咨切勿稍仍延緩仍督承將上兩屆豁免各卷

遵照前札迅即抄錄呈送以備查覈毋遲並候

督部堂批示繳

林文忠公政書

蒐遺 卷 豁免詳批

十一

道光十五年九月十六日奉

林前部院批蘇松常鎮太五府州會稟豁免積年
民欠查辦章程清摺由

批開

據稟會議查辦積欠章程七條在該府州等期
於覈實稽查使官民兩無遺累其意誠善惟本
部院細加察覈似覺意美而法未良不得不為
明白指示如 第一條議請設局委員查辦以
期迅速並謂上屆即係如此辦理本部院行轅

現無案卷不知上屆嘉慶二十三年果否設局查辦即使設局屬實而上屆遲之七個月之久始行覆

奏則設局之不能迅速亦已明矣且查報由于州縣而盤覈責在府州若省中設立總局則各屬均存推諉之心既可卸責於前更不免藉口於後而局員局書勢必紛紛多派備添薪水紙張之費司庫本無閑款各屬又捐解不前籌墊透支終貽後累而多設一日之局即多增一日之

林文忠公政書

蒐遺

卷

三

免詳批

費更難保局中胥吏不以駁剔爲耽延是開局易而撤局難欲速反遲適以遂假公濟私之計又其甚者明調州縣經書暗帶空白印冊必使到局攢造講定冊費方免挑駁開弊竇而滋物議恐將來悔不勝追矣所請設局一節應毋庸議 第二條以民欠確數勒限各屬於半月內開具簡明清摺通送以免書吏從中舞弊自應如此辦理前據司詳業已通飭遵照惟所議半月之限若不明定日期仍恐相率耽延應酌限

於十月初十日以前一律查開印摺通送察覈不得再有遲逾如違撤任參處 第三條以積年欠款應飭開造花戶細冊連串根一併呈送此議似欲求其真實而究竟不著痛癢蓋一縣之花戶不知凡幾而一戶之化名者更不知凡幾即使編造成冊誰能逐戶挨查紙墨虛糜時日坐耗迨至

奏期緊迫催促不來又安能守株以待所謂勞而無益者此也至詳送串根尤覺無謂查版串係

林文忠公政書

蒐遺

卷

四

免詳批

三連騎印其已經完糧截給者只留根底一串故曰串根若必弔覈及此是查已完而非查未完者矣殊所未解且即查覈未完之串而錢漕銀米奇零細碎之數已不啻繭絲牛毛只能責令解送府州聽候盤核若恐仍難盡信亦惟有令其封貯府庫責成巡道抽查或由司委員分投稽核儘足以臻周密如必悉令解省不特腳費甚鉅且恐無收藏之地更無寓目之人應毋庸議 第四條弔查交代三印冊摺及歷任徵

收紅簿此議洵為得要然其中亦須分別大凡州縣倉庫錢糧惟交代時可使鬚眉畢現蓋後任承查前任最為切已之事而監盤出結會議乃是居間之人故三印冊摺最屬可靠至弔串弔簿非不足以資考證然印在本官之手若果忍心作弊即簿串亦難為鐵憑大抵查存串不如查紅簿而查紅簿又不如查三印冊今酌令曾經交代者將三印冊摺送司并議單亦令附送儘可查悉底蘊不必再弔簿串其交後由本

林文忠公政書 蒐遺 卷 免詳批 十五

任接徵未經轉交下任者則將實徵紅簿由該管府州核定鈐印加結送司如核有不符再行委員盤串似此層層稽核事簡而法亦周矣第五條請以官墊民欠造冊專案請豁所稟確係實情查上屆查辦蠲免經

前督撫院

奏請將官墊民欠分限十年攤賠嗣又恭逢嘉慶

二十五年八月二十七日

恩詔始得造冊準豁此係非常

曠典難以比例然必先有攤賠之

奏而後符于豁免之條若更躡等乞

恩斷難邀準該府州等歷陳墊完之非得已與追賠之無實濟本部院非不一一深知然究竟可奏與否尚須與

督部堂暨該司道等反覆熟商不敢豫為臆斷所請另行造冊之處姑俟查造到日再行察奪

第六條請以差保繳回離根串票一併入冊

尤不可行查江蘇錢漕積弊莫甚於豫先截串

林文忠公政書 蒐遺 卷 免詳批 十六

方禁絕之不暇若再準令繳回更復何所忌憚

且差保人等與本圖花戶素本熟識或花戶懇

託代完或差保豫向兜收往往僅給收條先不

給串即花戶錢漕早已清完而串票仍在差保

之手者亦復所在多有況串已離根則已完與

未完無可區別安知該差保等不將已給花戶

之串重向收回作為民欠此端一開其弊不可

勝究所謂教猱升木斷難準行即使所截之串

實有民欠在內亦不準其查辦以為濫行截串

者戒 第七條請以輾轉挪墊詳晰奏明一節亦覺似是而非查各州縣以條銀挪辦漕米以道項挪解司項以新賦挪補舊賦雖皆實有其事若官墊民欠一款不能邀準查辦則輾轉遞挪之處無所用其豫陳如其準查則凡所抵墊之銀無非存庫之項該府等所謂遞挪之新款自然在其箇中此時總不能率行豫陳致涉巧混仰蘇藩司遵照指駁分別核飭辦理如本部院所準所駁仍未諦當不妨反覆推求以期衷

林文忠公政書

卷 免詳批

二十二

於一是並此外尚有應酌之處亦卽議覆飭導總之實欠在民必應確查全豁官墊民欠祇可設法徐商該管之道府州皆須認真查核層層結轉而該司綜覈其成查明一處卽將一處詳送不可稍有積壓尤須處以鎮靜毋任稍有孟浪轉滋弊混是所至囑仍候
督部堂批示繳摺存

王侍郎奏議序

嗟乎此吾師王子懷先生奏議稿也先生名茂蔭安徽歙縣人由道光十二年壬辰科進士官至吏部右侍郎此其自御史訖侍郎奏議也先生但以存於家非欲傳於世似紳嘗鈔而讀之不忍其不傳也佩紳自咸豐六年丙辰公車入都於邸鈔中讀先生奏議即嚮往之戊午春再入都先生采佩紳名先下顧始常過從欲執弟子禮以先生在位避干謁之嫌遲遲也是秋先生引疾去位乃執禮焉庚申出都搆所鈔先生奏議止戊午去位以前者光緒九年癸未距先生卒十有九年矣晤先生次子銘慎乃得其所

王侍郎奏議序

存先生辛酉起用以後者前年乙酉刻於四川藩署分御史任內爲臺稿太僕卿任內爲寺稿侍郎任內爲省稿起用後爲續稿共十卷刻甫竣而佩紳移蘇攜板以行適先生長子銘詔來又得其所存前鈔未盡者刻補遺一卷合爲十一卷也先生德望在天下傳在

國史卽奏議之會見諸邸鈔者亦十有六七何俟佩紳表揚顧佩紳自道光咸豐以來所見名公卿亦多矣而獨奉先生爲人師蓋功名之人或遠於道德或近焉而不純附託於道德之人或但以爲名高若夫夙夜孜孜以思格君心爲性命以求甦民困爲家事以博采人才爲嗜好其求

王侍郎奏議序

諸人非諸人也皆先有諸己無諸己且有有諸己而亦不求諸人無諸己而亦不非諸人者則以其非國計民生之利病也其言也無一非國計民生之言也亦必實見爲可行而後言其爲學也皆切於身心國家之學也凡不切於身心國家者皆不以分其心力其義利判然表裏洞然也無一毫計較遷就緣飾標榜以雜於隱微人所立於天地之道應有盡有應無盡無舍先生其誰歸哉嗟乎曾幾何時卽不純於道德而能成功名能附託爲名高者亦寥寥矣悲從中來憂從中來何能已也光緒十三年丁亥冬十一月受業門人易佩紳謹序

王侍郎奏議序

王侍郎奏議總目

卷一臺稿上

卷二臺稿中

卷三臺稿下

卷四寺稿上

卷五寺稿下

卷六省稿一

卷七省稿二

卷八省稿三

卷九省稿四

卷十續稿

卷十一補遺

王侍郎奏議總目

王侍郎奏議卷一

臺稿上目錄

條議鈔法摺

咸豐元年九月初二日

振興人才以濟實用摺

咸豐元年九月二十日

請飭選募豐北灾民成軍備征調摺

咸豐二年四月二十六日

請飭周天爵先行召募片

同日

條陳時務摺

咸豐二年七月十四日

王侍郎奏議卷一目錄

條議鈔法摺 咸豐元年九月初二日



奏爲敬籌濟用以備採擇恭摺具奏仰祈
聖鑒事 臣維用人理財二者固分本末然當務爲急今日
之需才急矣而理財亦正不容緩粵西之軍務未息河工
之待用尤殷

國家經費有常豈能供額外之用於是部臣又有開捐例
之議夫捐例之弊人皆知之豈部臣獨不知之而爲此議
耶不得已也 臣觀自漢以來不得已而爲經國之計者有
二一曰鑄大錢一曰行鈔幣二者之利同而其難以經久
亦略相似然 臣嘗考鑄大錢如漢元鼎迄明興者數矣曾

王侍郎奏議卷一

不三五年即廢鈔幣之法昉於唐之飛錢宋初因之置便
錢務可考者至道末商人便錢百七十餘萬貫天禧末增
二十三萬貫計其流行已三十四年交子之法自天聖至
大觀行之七八十年會子之法始自紹興行之終宋之世
有元一代皆以鈔行明沿用之至宏正間始廢蓋亦行百
有餘年是鈔又不能久中之尙可久者也 臣見往年議平
銀價內外臣工多爲鑄大錢之說因私擬爲鈔法以爲兩
利取重兩害取輕計鈔之利不啻十倍於大錢而其弊則
亦不過造偽不行而止

國初造鈔歲十餘萬行之亦經十年之久其行也所以輔

相夫不足其止也即以裁成夫有餘

聖神妙用百世可師濟用權宜似莫逾於此顧 臣雖擬之
久而不敢上者誠恐奉行不善轉爲法累苟可無需自不
必行若爲不得已之計則芻蕘之愚似宜陳之以備採擇
用是不揣冒昧敬將所擬鈔法十條恭繕進呈伏乞
皇上聖鑒

一推鈔之弊鈔之利自不待言行鈔之不能無弊亦人所
盡曉然知有弊而不能實知弊之所在知弊之所在而不
能立法以破除之則鈔不行間嘗深思切究即古來行鈔
之弊而詳推之蓋有十端一則禁用銀而多設科條未便

王侍郎奏議卷一

民而先擾民二則謀擅利而屢更法令未信民而先疑民
三則有司喜出而惡入適以示輕四則百姓以舊而換新
不免多費五則紙質太輕而易壞六則真偽易淆而難識
七造鈔太多則壅滯而物力必貴八造鈔太細則瑣屑而
詐偽滋繁九則官吏出納民人疑畏而難親十則製作草
率工料偷減而不一誠能舉此十弊去之先求無累於民
而後求有益於國方可以議立法

一擬鈔之值元以前未嘗用銀故鈔皆以錢貫計今所貴
在銀而不在錢則鈔宜以銀兩計過重則不便於分過輕
則不便於整請定爲兩種以十兩者爲一種五十兩者爲

一種十兩以下則可以錢便之者也十兩以上至數十兩則皆可以十兩者便之百兩以上至數千兩則皆可以五十兩者便之其平色則以庫平足色爲准既以便上庫亦以便流通蓋卽仿現行庫餉錠式以免瑣碎參差之弊一酌鈔之數鈔無定數則出之不窮似爲大利不知出愈多值愈賤明際鈔一貫至不值一錢於是不得不思責民納銀以易鈔不得不思禁民用銀以行鈔種種擾民皆由此出宋紹定五年兩界會子多至三億二千九百餘萬此所以不行也宋孝宗曰會子少則重多則輕此鈔法之扼要也請仿

王侍郎奏議卷一

三

國初之法每歲先造鈔十萬兩計十兩者五千張五十兩者一千張試行一二年計可流通則每歲倍之又得流通則歲又倍之極鈔之數以一千萬兩爲限蓋國家歲出歲入不過數千萬兩以數實輔一虛行之以漸限之以制用鈔以輔銀而非舍銀而從鈔庶無壅滯之弊一精鈔之製自來鈔多用紙故有楮幣之名既易黻爛尤易造僞今擬仿古者用幣之意請由戶部立一製鈔局先選織造處工人以上等熟絲織如部照之式分爲兩等方尺有五寸者爲一等方尺有二寸者爲一等四圍篆織花紋中橫嵌大清通行寶鈔六字滿文於額直嵌大清寶鈔

天下通行八字漢文於兩旁按每歲應製鈔張數造辦以方尺五者爲庫平足色紋銀五十兩尺二者爲庫平足色紋銀十兩選能書吏於鈔中滿漢合璧作雙行書每年擬定數字每字一千號編爲一簿鈔之前按簿上每張填某字某號鈔之後書某年月日戶部奏准大清寶鈔與銀錢通行使用僞造者斬告捕者賞銀若干兩仍給犯人財產誣告者坐皆漢書再請飭另鑄大清寶鈔印一顆於中間滿漢文銀數上鈐以印前某字某號上鈔與簿鈐騎縫印鈔質必厚實如上等江綳篆文必細緻滿漢書必工楷一律印文必完整印油必鮮明監造各官有草率不如式者

王侍郎奏議卷一

四

治以罪禁民間不得私織如鈔花樣有犯必懲再請飭於製鈔局特派一二有心計之員另處密室於每鈔上暗設標識數處所設標識惟此二人知之仍立一標識簿載明每年之鈔標識幾處如何辨認封藏以便後來檢對其識按年更換以杜窺測一切均不得假手書吏以防洩漏如此則造僞甚難辨識甚易僞造之弊庶幾可杜且綳質較足經久亦不致遽虞黻爛矣一行鈔之法立法必自京師始如部中每歲製鈔十萬請先以一萬分頒五城御史令傳屬內殷實之銀號當堂將鈔酌爲頒發取其領狀由城移送銀庫銀號領鈔准與徽

利每庫平五十兩者止令繳市平五十兩庫平十兩者止
令繳市平十兩限於領鈔後次月隨同庫上收捐時將銀
繳庫銀號領鈔後許加字號圖記花字於鈔之背面聽各
處行用並准兌與捐生作捐項與銀各半上兌餘鈔九萬
酌分各直省大都會及東南兩河交各督撫飭省會州縣
發交錢糧銀號其銀號領鈔亦如京城准與微利庫平止
繳市平將銀於次月繳納各州縣庫領鈔之銀號亦准加
字號圖記於鈔之背面聽各處行用並許爲辦解錢糧與
銀各半解司其有無錢糧銀號之州縣或交官鹽店與典
鋪凡京城之銀號自多捐生兌換外省州縣之銀號有專

王侍郎奏議卷一

五

爲辦解錢糧者鹽店典鋪亦皆與官吏較親倘書吏再有
需索之弊許該捐生銀號等指名呈究該管官即嚴行懲
辦庶幾民情無所疑畏矣

一籌鈔之通京城發銀號之鈔許捐生作兌項則鈔仍歸
於部庫庫上每月應放款項除零星散數不可給鈔外如
數十百兩以上者部庫均可酌量以鈔搭放凡領鈔者如
兵餉馬乾不便分析即可向銀號兌銀散給鈔上有銀號
圖記如他銀號未曉即向原加圖記銀號兌換自屬甚便
該銀號收鈔仍可爲兌與捐生之用外省發銀號之鈔許
其解充地丁則鈔仍歸於藩庫該省每年應撥放款項該

藩司酌量以銀與鈔各半發給領鈔者均令就各州縣錢
糧銀號兌換該銀號得鈔仍可爲辦解錢糧之用在各該
銀號以銀易鈔既聽各處行用且可爲捐生上兌捐項辦
解錢糧並無苦累如或故意勒指不肯兌換扣減不肯如
數許民人指控治之以罪凡民畏與官吏交而不畏與銀
號交如此而疑畏之弊益除矣

一廣鈔之利鈔法行之自上原不强民然利輕齎與行遠
無成色與重輕較之金銀於民爲便內而順天府五城外
而督撫州縣令出示曉諭使民咸知此意聽民人等向銀
號兌換行用並聽爲隨處上納錢糧兌換銀錢之用再請

王侍郎奏議卷一

六

飭發鈔專在省會州縣而收鈔則凡天下州縣必令於城
內立一收鈔銀號無論本地異鄉民人有持鈔至者或作
交錢糧或兌換銀錢均即如數兌交各州縣收鈔後均可
爲辦解錢糧之用如行鈔數年而州縣有並無鈔解充地
丁者是該州縣辦理不善使鈔不得通於該處該督撫查
明即行參處京外各行鈔銀號均飭於招牌上加鈔字有
持鈔至者均即兌換毋許抑勒各州縣解藩庫者均令於
鈔正面之旁註明某年月日某州縣恭解至民間輾轉流
通均許背面註明年月收自何人或加圖記花字遇有偽
鈔不罪用鈔之人惟究鈔所由來逐層追溯得造偽之人

而止如此而民無用鈔之苦矣

一換鈔之法部庫令一人專司鈔之出入每收鈔時必詳審鈔之正反面不必待其昏爛但鈔之背面圖記花字註寫略已將滿者卽付送製鈔局各省收鈔遇有似此者卽作解項解部部庫亦付送製鈔局使民間無換鈔需索之慮各省解部者亦令於鈔正面之旁註某年月日某省解製鈔局於原製鈔簿上對明年月字號註明某年月日銷將鈔截角另貯一庫遇有偽鈔便可對明如係已銷之號而尙有未銷之鈔則取當年製鈔標識簿覈對前後兩鈔何者真偽立可辨認按偽鈔背面各圖記追究由來則偽造無不破矣

王侍郎奏議卷一

七

一嚴鈔之防禦鈔行鈔各法非不力思防弊然恐法久而弊仍生再請法行之後不得另有更張致民觀聽惶惑以壞法造鈔之禍不得漸減工料致失本來制度以壞法民人有偽造者卽照鈔文治罪不得輕縱以壞法如是而壞法之弊庶幾可杜宋臣韓祥有言壞楮幣者止緣變更救楮幣者莫如收減增添料質寬假工程務極精緻使人不能爲僞者上也禁捕之法厚爲之勸厲爲之防使人不能爲僞者次也是言得鈔法之精意矣

一行鈔之人自來法立弊生非生於法實生於人顧生弊

之人商民爲輕官吏爲重商民之弊官吏可以治之官吏之弊商民不得而違之也今於商民交易雖力爲設法不經官吏之手然官吏果欲牟利從而需索扣減亦復何難商民兌換一有扣減卽不敢用將使虛名待懸而利不通於上下論者因以爲鈔不可行似非鈔之不可行也保甲社倉良法具在苟非良吏亦終不行是豈法之過與州縣得人則商民奉法督撫得人則官吏奉法是在

聖朝洞鑒之中又不獨鈔爲然矣唯是明臣邱濬謂鈔不可行以用之者無權也故行鈔尤貴稱提有法稱提之法則在經國大臣相時之輕重而收發操縱之庶幾可以經

王侍郎奏議卷一

八

久

以上所擬十條第就管見所及舉其大綱請

旨飭部院大臣詳悉妥議如可施行再令部臣詳定節目

臣爲急籌濟用起見是否有當伏乞

聖鑒訓示謹

奏

硃批大學士會同戶部議奏欽此

振興人才以濟實用摺 咸豐元年九月二十日

奏爲敬籌振興人才以濟實用恭摺具奏仰祈

聖鑒事 臣維治平之道在用人理財二端而用人尤重用

非其人財不可得理也願用人必貴得人而得人尤必先

賴作人作人者何舉天下之聰明材力而鼓舞振興之俾

務爲有用之學以濟用也聰明材力世所不乏務於有用

則用得其力務於無用則用不得其力我

國家雅化作人二百餘年教養之方選舉之法至詳備矣

乃立法本善奉行久而浸以失真積習相沿揣摩工而遂

以成俗 臣竊見今日之聰明材力悉專致於摹墨卷作小

王侍郎奏議卷一

九

楷而深惜其無用也自來非常之才有不必從學出者然

從學出者千百不從學出者一二卽後漢臣諸葛亮亦有

學須靜才須學之言今一專功於墨卷則羣書遂束之不

觀專功於作字則讀書直至於無暇二者之廢學以作字

爲尤甚而士子之致力則於作字爲尤專合天下之聰明

材力盡日而握管濡毫尙安得濟實用 臣聞上年

皇上特詔廣言路之時內外大臣亦深以士習空疏爲無

用於教育人才挽回風氣疊有奏請願其教育挽回之術

言者多責之教官議者亦遂責之教官夫士子方見墨卷

小楷爲梯榮之捷徑雖教官日督以實學亦復何益所謂

所令反其所好民不從也誠欲使庠序之士咸務實學必

先使選舉之士皆屬眞才是在我

皇上於各途考試之中嚴行覈實於各途考試之外更切

旁招使有才者不終淹而無才者無所倖然而承平日久

人皆狃於故常習於便安以紛更爲多事以遠慮爲迂圖

從而議者必謂

國家取士之制自來不易名臣循吏咸出其中曾無乏才

之慮豈至今日而猶待他求但將定例申明自可無庸更

議於安常處順之時爲老成持重之見此亦豈不誠然然

而 臣見今日之天下似未可作晏然無事觀也外則暎夷

之禍心包藏而未知發於何日也內則粵省之賊勢滋蔓

而遂以至於今日也山野則有匪河海則有盜隱匿諱飾

所不能盡者月或數聞焉治鹽而鹽之利未可必興治漕

而漕之費未能盡革治河而河決又見告矣此猶得謂無

乏才之慮乎 臣嘗見夷務亟時

成皇帝詔訪才能出眾深通韜略之人而不無以應矣夫

急而求之緩而置之此孟子所謂苟爲不畜終身不得也

臣又嘗見內外臣工每遇盤錯輒曰無法夫

國家所以重賴臣工而寵異之者爲其有法耳若皆以爲

無法卽何不思訪求有法之人而用之爲天下得人難誠

王侍郎奏議卷一

十

欲訪求有法之人蓄以待用似非設法以振興之使天下之聰明材力咸務於有用之學不可聰明材力誤用可惜真實經濟驟期為難自今而振興之猶慮其緩似不宜仍守相沿之積習而為整頓之空言百年之計莫如樹人臣自恨淺陋無策以助

國家作人之化謹就管見所及不揣冒昧敬擬五條為我皇上陳之

一請鄉會試務期覈實以拔真才也定例鄉會試頭場制義試帖外二三場試以經文策問原欲於明理之中更求淹貫經術通達治體之才無如近時考官專取頭場首藝

王侍郎奏議卷一

十一

二三篇但能通順二三場苟可敷衍均得取中以故近來各省刊刻闈墨首藝尙有二三十篇次三藝已屬寥寥至經策多不刊刻是考官明示士子以為無足輕重也磨勘官於頭場文藝間有簽議而二三場則絕少是磨勘大臣又明示考官以為無足輕重也夫不重經策何以辨學之虛實請

飭諭考官自下屆鄉會試起務以經策並重非經策能出色者不得拔登魁選入魁選者即刊刻以為多士程式並將此意令各直省學政教官即行宣示俾士子早知向學又定例策題以三百字為率而對策每篇滿三百字即可

中式空疏者往往就題敷衍便可完卷請嗣後策題改以百餘字為率用杜敷衍之弊抑臣更有請者聞道光二十二年兩廣總督祁垣奏變通考選遴拔真才摺內於策問五道請定五門發題曰博通史鑑曰精熟韜鈴曰制器通算曰洞知陰陽占候曰熟諳輿地情形以士子兼通為難專門較易照從前本經之例於冊內分別填註議雖未行論者多謂切中時務實足拔取真才請

飭令部臣檢錄原奏進呈恭候

聖裁

王侍郎奏議卷一

十二

殿試 朝考務重文義以式多士也上年御史戴綱孫候補京堂張錫庚奏

殿試不宜專尙楷字並請刪去頌聯奉

旨交禮部議奏嗣部臣於楷字一節似未議及頌聯一節亦第將舊例申明令貢士敬謹遵照謂浮華既黜而實學不致淪遺夫士子趨向視乎去取黜浮華拔實學自由讀卷大臣伏讀乾隆二十五年

上諭廷試士子為掄才大典向來讀卷諸臣率多偏重書法而於策文則惟取其中無疵類不礙充選而已敷奏以

言特爲拜獻先資而就文與字較則對策自重於書法衡
文尙待觀人而闕卷時竟先抑文重字可乎等因欽此
聖訓煌煌亦既深切著明矣乃近來
殿試

朝考之後考列前十卷與一等者但傳其字體之工曾不
聞以學識傳者考列在後之卷又但聞其書極劣某筆有
誤曾不聞以文藝黜者此士子所以專務作字也作字必
無間斷而始工讀書遂以荒蕪而不顧士習空疏實由於
此請嗣後令讀卷閱卷大臣勿論字體工拙筆畫偶疏專
取學識過人之卷進呈

王侍郎奏議卷一

三

欽定以後即將前十卷與一等卷所以過人之處批明刊
發使天下曉然於

朝廷所重在文不在字庶士子咸知所向至考試試差以
重司衡之選使非學業素裕安能衡鑒不迷乃臣聞考差
者專於詩字求工而文藝似可不講考官如此士子可知
制義且然策問更可想應請令閱卷大臣一併以文義爲
重庶幾能拔眞才

一請遴選歲貢以勸人才也定例各學歲貢以食餼年久
者挨補每次一正二陪嚴加考選正貢不堪准取陪貢及
次陪於挨序之中仍寓選才之意務取明通淹貫之士將

原卷解部磨勘有文理荒謬者斥革法至善也今則但以
正貢充補而所謂取陪貢及磨勘皆具文矣查各學歲貢
之外有十二年一考之拔貢有三年一舉之優貢士之得
此者較鄉試頗難僥倖蓋鄉試僅憑一日之長短而優拔
必較歷考之等第士能歷考皆列前茅則其學有素矣請
嗣後令各學政於該學當貢之年就各廩生中較其歷考
等第以考列優等最多者充貢查廩生由食餼至出貢約
須歷歲科試十餘次二十餘次不等應將歷過五次以上
者比較未歷五次者不與庶倖進無由而廩生食餼以後
益知奮勉貢成均者皆得及時造就即將來選授教職亦
不致有荒疎衰老之員

王侍郎奏議卷一

四

一請廣保舉以求眞才也上年曾奉

特旨命內外大臣各行保舉矣然所保者皆已登仕版之
員而草野未及夫已登仕版則才具終有表見之時若伏
處在野或不工制義或力難應舉則雖有懷奇負異之士
恐終淹沒擬請令各省州縣並教官留心察訪或博通古
今才識非常或專門名家精通一藝或膂力過人膽勇足
備者訪驗的實無論士民准於學政按臨時備文將該生
所長申送考試學政就所長考試得實文則奏明送國子
監武則奏明送督撫標均許官給盤費廩餼國子監與督

撫標考試一年果有過人之能奏明送部引

見隨材酌用不稱者發回原籍州縣教官與民最親訪察
試驗既易真確學政考試猶在一時國子監與督撫標則
期以一年才之真偽斷難臆混抑臣更有請者進賢受上
賞所進果有才能應視其才能之大小酌予議敘以示獎
勸倘所進漫無一長則必加以議處以杜干請之弊夫才
不世出原不敢謂在在之有其人然臣聞喚夷初至浙江
野人有獲其大船者有獲其頭目者現在廣西團練士民
亦有能出力者則不得謂在野之竟無才也天下之大安
得無才亦在地方有司之留心訪察耳

王侍郎奏議卷一

五

一請造就宗室八旗人才以濟實用也從來立法必先貴
近貴近者四方之所觀法也我

朝以神武開基其時宗室八旗將相林立文能安邦武能
定國戰無不勝攻無不取用能威震四夷勳垂萬世曾不
屑以筆墨矜能乃近日宗室八旗之人往往沾染時習或
以吟咏誇風雅或以書畫競品題此風沾染日深誠恐筋
力懈弛日趨於弱一旦有事其何以副

國家之任伏讀嘉慶二十一年

上諭本日特召見諸皇子軍機大臣等明白宣諭我八旗
滿洲首以清語騎射為本務其次誦讀經書以為明理治

事之用若文藝即非所重不學亦可是以皇子在內廷讀
書從不令學制義恐類於文士之所為凡以端本務實示
所趨向等因欽此仰見

聖慮周詳至深且遠臣見宗室八旗類多過人之資稟誠
能務乎其大講求兵機將略以為腹心干城即科第文章
曾不足貴何論雕蟲小技應如何造就而振起之非臣所
敢妄擬惟賴我

皇上聖神妙用俾以有裨實用為貴徒尚虛華為恥將見
人才蔚起追美於

國初之時而四方聞風亦必爭自濯磨求為有用之學矣

王侍郎奏議卷一

六

以上所擬五條臣為振興人才以濟實用起見是否有當
伏乞

皇上聖鑒謹

奏

上諭御史王茂蔭奏請振興人才酌擬五條呈覽其請造
宗室八旗人才歷陳近來積習自係實在情形我朝人才
蔚起宗室八旗文武謀略超越前代良由習尚淳樸不尚
浮華以清語騎射為本務登進之途原不必盡由科甲蓋
學為有用之學斯才皆有用之才近來文風日盛留心經
濟者固不乏人第恐沾染時習以文章風雅自詡不思講

求本務殊非崇實黜華之道迭經朕申諭諄諄我宗室八旗大小臣工諒必咸論朕意嗣後益當奮勉砥礪求爲有用之學以備國家腹心干城之選該管王大臣等尤當因材造就俾文事武備各盡其長毋負朕培養教誨之至意餘著禮部議奏欽此

王侍郎奏議卷一

七

請飭選募豐北灾民成軍以備征調咸豐二年四月二十六日

奏爲敬陳管見恭摺奏祈

聖鑒事臣竊思軍務未息河工未停二者最爲目前緊要惟徵客兵至數千百里無論其力不足恃而所損已多聚灾民至數十萬人無論其情甚可哀而勢尤堪慮現聞八旗挑選健銳火器兩營勁旅未見

諭旨不知將作何用而道路傳言以爲將派員帶赴廣西勦賊若果如此恐非勝算蓋健銳火器兩營原以守衛神京一旦調赴勦賊安家製裝行糧折乾等項各有所費而沿途供給水陸舟車縱極約束謹嚴究難免於騷擾跋

王侍郎奏議卷一

六

涉數千里疲憊已甚加以天時之溽暑不同道路之險峻亦異水土不服煙瘴相侵一人病患千人危懼欲其奮勇殺賊難矣所以嘉慶初年勦辦川楚教匪於南山之中勒保奏云健銳火器兩營京兵不習勞苦不受約束征勦多不得力距達州七十里行二日方至與其久留糜餉轉爲綠營輕視請全撤回京無庸續調當日勒保親在行間目覩情形所奏如此今日之京營如故而八旗子弟較前尤爲脆弱廣西更遠於川楚道路更險於南山調遣以往誠恐非徒無益臣愚以爲莫若化心腹之隱憂爲干城之上選現今豐北停工灾民數十萬無所得食豐沛銅碭一帶

為自古豪傑挺生之地人民強健俗尚競爭當此眾口噉噉羣情洶洶之際設有好事生變者從中煽惑始以擄掠求生繼以抗拒救死公然犯法以逞雖未成謀實能始禍加以毗連之鳳陽潁州諸郡匪徒甚多且橫尤恐聞風響應非細故也伏讀雍正九年

世宗憲皇帝諭旨各省中膂力超羣藝勇出眾之輩若聽其棄置無用之地深為可惜令各督撫等召募揀選咨送兵部揀派官員訓練教習以備軍旅之用等因欽此此在無事之時方欲以為收拾人心之助又乾隆年間福建布政司德舒奏云人情少有技能必不甘於淪沒果膂力技

王侍郎奏議卷一

五

勇可觀心思材智出眾顧令鬱鬱閒居精神意氣一無所事勢必紛紜不靖亦為無事言之已不可不早為安置若素具桀驁不馴之氣適值流離失所之時迫以窮餓必死之勢恃其猖獗無賴之眾當此之時散之不能按之即變誠有不可勝慮者現值

欽差大臣往江南查辦事件擬請即

飭令就便以調遣軍營之糧餉召募其壯健收拾其智能灾民雖數十萬除老弱婦女以及愚蠢無用之徒外智能者不過數十壯健者不過數千編為一軍用以勦賊國家多一有用之士即灾區少一生事之人強而多智者

既奮於功名之路愚而無知者自安於窮困之餘消患未萌轉移甚便不但京營勁旅可免跋涉之勞而此一支生力軍幸出死地而入生途尤可冀其感奮圖報建立奇功也臣愚昧之見是否有當伏乞皇上聖鑒訓示謹奏

王侍郎奏議卷一

五

請飭周天爵先行召募片 同日

再臣聞上年周天爵放

欽差時鳳陽潁州一帶匪徒聞之以為將至安徽斂跡不出者數月是周天爵頗為強悍之徒所畏服今

欽差大臣由山東而江南到彼尙需時日恐成後著擬請旨飭周天爵就近在徐州或鳳陽借款先行召募以安人心俟

欽差大臣到時再行會同酌辦 臣管見所及謹奏

王侍郎奏議卷一

三

條陳時務摺 咸豐二年七月十四日

奏為敬陳管見恭摺奏祈

聖鑒事伏見

皇上臨御二年求言之詔再下又於徐繼畲之奏奉

旨嗣後有言責者諸臣惟當竭誠匡弼朕亦虛懷納受上以實求下以實應庶幾宏濟艱難俾治理蒸蒸日上也等

因欽此 臣職任言官責在竭誠而夙夜兢兢懼蹈空言塞

責激直沽名之弊又諸臣所言大端略備偶有所見已屬緒餘因敬擬為緒言四條不揣冒昧敬為我

皇上陳之

王侍郎奏議卷一

三

一請密飭內大臣傳諭以息浮言也

皇上御極以來勵精圖治夙夜不遑凡在臣工所共聞見乃市井細民時或私有論議前奉

諭旨宣示中外並有止謗莫如自修之言

聖上處深宮中閣修慎獨之本衷宜無不曉然於天下矣

乃迄今數月浮言似未盡息夫如採辦梨園喜好音律之事梨園之來必非一人所過之地尤非一處豈能掩人耳

目今並影響全無在稍有知識者亦斷斷不信有此矣而

愚頑猶未盡解伏讀乾隆三年

高宗純皇帝上諭大學士鄂爾泰等朕自幼讀書深知清

心寡慾之義上年釋服以後雖身居圓明園偶事遊觀以節勞動而兢兢業業總攬萬幾朝乾夕惕惟恐庶政之或曠此心未曾一刻放逸每見廷臣動色相儆至不遑聲色之戒尤未嘗一日去諸懷也近聞南方織造鹽政等官內有指稱內廷需用優童秀女廣行購覓者並聞有勒取強買等事深可駭異諸臣受朕深恩不能承宣德意使令名傳播於外而乃以朕所必不肯為之事使外間以為出自朕意訛言繁興諸臣之所以報朕者顧如是乎是必有假託內廷之名以惑眾人之聽聞者爾等可密傳朕旨曉諭之果有其事可速行峻改如將來再有浮言朕必究問其

王侍郎奏議卷一

三

致此之由也等因欽此想見當日之訛言殆與今類因思今日之浮言恐亦有假託

內廷之名者臣愚伏願

皇上法

祖省躬益儆不遑聲色之戒並飭內大臣密行傳諭毋或妄有呈進致如乾隆間所稱假託

內廷之名以惑聽聞斯浮言日以息矣

一請於軍機大臣責以重大而寬其瑣細也臣聞坐而論道謂之三公作而行之謂之士大夫昔陳平為漢相兵刑不知錢穀不對文帝問以所任何職則曰宰相者上佐天

子理陰陽順四時外鎮撫四夷使卿大夫各得任其職又聞唐太宗之責房杜曰公為宰相當須開耳目求訪賢哲有武藝謀略才堪撫眾者任以邊事有經明德修立性明悟者任以侍臣有明幹清慤處事公平者任以劇務有學通古今識達政術者任以治人此乃宰相之神益也比聞聽受詞訟日不暇給安能助朕求賢哉由此思之宰相之責固自有其重且大者矣顧昔之重且大者責在宰相而今則在軍機大臣

國家特設此任原以贊襄密勿參畫機宜以輔

皇上之用人行政方今粵匪未平河決未合吏治不振盜

王侍郎奏議卷一

三

風不戢人才不興庶務不治凡屢經

諭旨再三申儆而未見興起者要皆有所由然此

皇上所宜以探本窮源起靡振情責之軍機大臣而亦大臣所宜引為己責者然而陳平惟不知錢穀故能出奇計

房杜以日不暇給即難助求賢今軍機大臣皆管部務且有兼兩部者一部之務日恆近百件若戶刑兩部事務則

日恆數百件不閱而畫則心難安閱而後畫則勢難徧人

惟神志定靜極深研幾唯深故能通天下之志唯幾故能成天下之務周公之聖一事未合猶竭日夜之思倉猝以迫之繁瑣以擾之欲其無遺慮難矣臣見諸臣章奏及外

間議論或以天下多故歸咎軍機大臣而不知處其任者實亦匪易伏思部中之稿有須司員面請酌定而後辦者則緊要事也有先辦而後手畫者則雖關支放而實照例者也有辦而歸堂期者則照例常行事也緊要之事日不過數件或十數件餘則皆例行之事臣愚以爲凡軍機大臣之管部務唯事關緊要須酌定者司員必面回呈畫其餘照例手畫并堂期稿件有在署各堂畫定可否毋庸閱畫於部中瑣細之事少一分紛擾卽於樞密重大之務增一分心力卽退直有餘閒或思樞務何者尙有未安何者尙有遺漏如古人之書思對命以備進奏或接見官屬探

王侍郎奏議卷一

三

訪輿論體察人才訪求吏治以備
皇上採用似亦翊贊謀猷之一助寬其瑣細正可責以重大是否於樞務有益伏乞

聖裁

一請責臣工以令之必行也臣聞君主出令臣職奉令書日令出惟行傳日令重則君尊故凡人君發號施令唯當慎持於未出之先不宜輕格於既出之後
皇上於臣工章奏凡有裨國計民生者無不立見施行然而
皇上之誥誡雖極諄詳部議之科條雖極嚴密在

聖意之已見施行者在天下似尙未見施行也伏查道光三十年

詔求直言之後升任御史王本楮首奏浙省水師廢弛奉旨通飭沿海督撫而上年之洋盜肆擾卽在浙省升任御史黃兆麟條奏營務弊端奉

旨嚴諭各督撫提鎮而營汛之不力盜匪之紛出具見各省諸如此類難以悉舉而更有至近而易見者如上年通政司使羅惇衍奏崇儉禁奢一摺

皇上諭旨亦至肫切矣禮部頒行規條已經數月矣問京城奢靡之風亦少易乎在禮部以爲奉

王侍郎奏議卷一

三

旨頒行規條但將規條一頒告示一出卽無餘事在各衙門不過添一層案牘多一番轉行於風俗安有整頓此近在目前者尙如此况其遠且大者乎臣以爲凡此皆由臣工奉行之不力於奉

旨之初未嘗思能行之法於不行之後不更求可行之方何則立法必貴能行有嚴而不行者如禁煙之不准許告而必定斬絞是也有寬而不行者如禁奢之但有規條而並無稽察是也此所謂未嘗思能行之法也至於不行之後果欲其行豈遂無術而今則皆聽之矣誰復思可行之方乎臣非爲一事惜也臣實懼夫

詔令之行上下輕玩一事如此事事皆然
朝廷力求整頓而臣庶若罔聞知也夫致治綱維端由
詔令令有不行則天下不可得而治且不行於遠猶可言
也不行於近不可言也伏願

皇上首卽一令始自京師期以必行飭令該管衙門議法
必期於能行既行必期於能效如奏行不效必責令推求
所以不效之故另行籌議如不效而飾奏有效一有敗露
卽嚴加懲治自近以及遠自易以及難一方行然後四方
可漸行一事舉然後百事可漸舉而其要必端本於
宸衷之果斷而以信賞必罰濟之有不令則必行而後

王侍郎奏議卷一

毛

已有不禁禁則必止而後已日求所以振因循斯因循罔
不振日求所以破欺飾斯欺飾罔不破如是而一令之出
臣工莫敢怠忽黎庶莫敢輕玩而整頓庶幾有基矣
一請嚴禁州縣假勸捐以肥己也上年戶部奏請准商民
出資助餉此誠

國家保衛民生不得已之計部臣亦深慮州縣抑勒吏胥
需索行文各省如有此項情弊卽行據實嚴參乃 臣聞山
西州縣有藉勸捐爲肥己者如富民願捐五百必勒令捐
一千迨至遵捐一千則又止令書五百其餘五百但令繳
納不令登寫明爲公捐暗飽私橐省城大吏間有風聞從

加詰問謂某某聞捐若干何以止此應令繳足在大吏意
在責其入私者之歸公而不欲明言而州縣則更借上憲
之責已者以勒民而復令倍出富民深懼抗違轉益滋累
委曲隱忍竊國病民莫此爲甚其餘或因繳捐項勒出津
貼或得受贓私免其抑勒甚至抑勒已甚民有至縣堂自
盡賴救而免者種種情形不一緣民多畏累既不敢輕露
地方人名而事屬營私又無從得其實在證據是以未便
指參而既有此風聞卽難保無其事且山西如此他省恐
亦不免如上月江蘇銅山縣文童周鳳樓京控官用印帖
派捐經費私押斃命一案在道光三十年彼時並未勸捐

王侍郎奏議卷一

天

尙有假公勸捐致斃人命之事現在奉有勸捐部文官役
更不知如何逼勒又上月奉
上諭飭各省勸捐義倉在

皇上以義倉之設最爲便民善政不憚申諭再三且令體
察地方情形妥爲籌畫原非強以一律辦理而各督撫或
意存討好則勢在必行各州縣或意存營私則民益滋累
伏念勸捐兵餉現尙未集若復勸捐倉穀恐民力未逮且
東南各省連年因災勸捐勸賑已甚拮据尤恐辦理匪易
富民爲地方元氣事多倚辦若不養其餘力則富亦立窮
昔唐虞授受不過數語而於四海困窮致兢兢焉伏乞

皇上嚴飭各督撫於勸捐兵餉務宜時加訪察儻州縣有抑勒貪婪情事卽行嚴參治罪於勸捐義倉務令體察情形如難同時並舉卽行奏明緩辦以副

皇上子惠元元至意

以上四條臣管見所及是否有當伏乞

聖鑒訓示謹

奏

王侍郎奏議卷一

无

王侍郎奏議卷二

臺稿中日錄

秋審擬緩人犯情罪未協摺 咸豐二年九月初二日

駁部議捐納軍功舉人生員片 同日

籌備安徽防剿事宜摺 咸豐二年十月初九日

請嚴防岳州以固荆武摺 咸豐二年十一月十二日

籌備湖北水陸防堵事宜摺 咸豐二年十一月十九日

請飭周天爵赴安慶幫辦防堵片 同日

條陳軍務事宜摺 咸豐二年十二月十四日

請嚴守小孤山片 同日

王侍郎奏議卷二目錄

秋審擬緩人犯情罪未協摺 咸豐二年九月初二日

奏為秋審冊內擬緩人犯情罪較重請

敕九卿詳議期無枉縱恭摺奏祈

聖鑒事伏惟近來問刑衙門多溺於救生不救死之說往往裝點情節避重就輕疊經

皇上訓誡諄諄而積習總難驟改上年陝西巡撫題兇犯拜雙汶等共毆無服族叔拜景汶身死將該犯依律擬以絞候一案刑部會題 臣道 即以案之情節似多可疑恐該縣原詳尙有不實不盡移商刑部奏駁嗣據刑部移覆以為不必 臣 由戶部司員出身刑名素所未習當畫題時

王侍郎奏議卷二

意此等兇犯將來秋審定入情實亦足以稍儆兇暴今查刑部送到秋審冊內該犯僅擬緩決復思獄貴得情各省具題之案難免裝點其情原不可得然不能親訊以得其情要可因案以察其情情有輕重罪即緣以輕重伏查此案兇犯胞弟拜雙滌以還價未買之馬不准拜照臨買拜照臨即畏事退還是該犯平素兇橫之勢已可想見已死拜景汶因聞胞弟拜照臨之言往向理論亦屬人情但至門首未必即行喊罵又見該犯執刀在手未必即敢撲毆且該犯已被斥回詈並非猝不及防死者已七十歲亦未必一舉手而該犯即行閃跌所見會題命案無非死者肆

行喊罵先行舉手此 臣 所以疑其情之未盡實也至拜雙

滌在家一聞鬧而即携刀以出其兇狠可想拜繼滌因喚

而即持棍同出其幫護又可想於此而謂拜雙滌為出視

拜繼滌為拉勸出視必携刀耶拉勸必持棍耶其為曲筆

尤屬易見至拜景汶初被該犯刀扎傷右腳跟又被拜繼

滌棍戳傷右肘拜雙滌刀戳傷左腿後斯時右臂傷矣

猶稱轉身奪刀兩腳均傷矣猶稱舉腳輪踢七十歲人何

能如此竊以為此皆徒手者當刀棍齊至無可抵禦無可

奈何情形而辦案者遂裝點以附闖毆之律也至拜雙滌

用刀傷其左手腕又用刀連傷其右臙肋 查原驗此處一連三刀有一刀

王侍郎奏議卷二

傷深 又刀傷其左腿後棄刀逃跑此處關鍵尤為明白拜

雙滌之兇如此設非見拜景汶之傷已甚重何肯棄刀逃

跑豈不知拜景汶之傷已甚重而猶敢用刀砍用力猛而

左腳跟筋斷骨損此其心為何心原題稱拜景汶彎身拾

刀該犯恐被拾起受虧並非有心致死夫七十歲人已棍

傷者一刀傷者七矣拜雙滌且見傷重而逃矣而猶稱能

彎身拾刀乎而猶稱非有心致死乎即非有心而其情固

已忍矣此 臣 所以移商刑部也前據刑部以拜景汶年雖

七十究係回民獷悍性成舉 臣 所疑各節悉指為健鬪情

形且以傷俱輕淺猶能彎身拾刀為可信夫已死為回民

兇犯等亦回民獷悍健鬪四字不加於持刀殺人之壯回而加於徒手受死之老回果老回足當健字又何以所傷並非致命而移時即已殞命臣固已不能甚解今見刑部以毆非預糾傷無致命定為緩決則臣尤不能解夫預糾而後定罪則是除致命外雖多用刀以致斃而亦無死罪也伏讀秋審冊內前載乾隆二十二年

高宗純皇帝上諭內外問刑衙門辦理各案件往往惟事姑息一切情罪之應正法者苟可巧為開脫輒文飾獄詞擬入監候緩決一入緩決則每年秋審例得屢邀恩宥該犯徒負一斬絞之名轉得偷生視息以囹圄為送老地幸

王侍郎奏議卷二

三

遇寬典或且安然事外坐使冤死者無償命之期而刁惡莠民益無傲畏近來刑名案牘日多一日未必不由於此即如一毆殺也獄成定讞必以為曲在死者凡若此類報冊中不可枚舉總以輾轉回護曲為之貸殊不思人命關天必期死生兩無所憾若徒為生者力為保全則死者不且重被冤抑乎將謂生者之命可惜則死者獨非命乎在督撫州縣等以為如此辦理可使該犯留一縷之生而部臣定擬亦以已成之案樂於從寬完結不知事關刑獄務期情罪允當有意從寬與有意從嚴其為刑罰不中一也又乾隆四十二年

上諭鬪毆之案情形本自不同有並非互鬪亦援鬪毆律條問擬者因係積久相沿姑因其舊而秋讞之分別情實緩決則輕重當有權衡如彼此俱以手足相毆及各持金刃互格因而傷重致斃者兩造情事相等原可入於緩決若死者僅以詈罵起釁或用手足先毆而兇犯輒持金刃抵拒殺傷其為逞強斃命已可概見且金刃本可殺人之物若死者並非持械豈能徒手相當即非頓起殺機其與故殺亦所差一閒此等而不入於情實又何以懲暴除兇况為法司者惟當斟酌情理務得其平若稍存陰陽之見曲從開脫實非平允之道嗣後內外問刑衙門於秋審鬪

王侍郎奏議卷二

四

毆案犯並當遵旨悉心定擬毋有枉縱庶好勇鬪狠之徒共知儆戒不敢輕蹈法網所全實多是即辟以止辟也等因欽此以上二條一以見兇犯之不可開脫致入緩決一以見金刃殺傷徒手者之宜入情實煌煌聖訓教戒無遺自當永遠遵守今此案已死拜景汝之賊罵撲毆以及兇犯用刀各情形正聖訓所謂獄成定讞必以為曲在死者若死者僅以罵詈起釁或用手足先毆而兇犯輒持金刃抵拒殺傷其為逞強斃命已可概見也夫以金刃殺人即兩相關毆已為逞強斃命今該犯以兄弟二人共用刀殺一徒手之老族叔

且於犯弟已見傷重逃跑之後該犯復行兇砍各情形則又

聖訓所謂金刃本可殺人之物若死者並未持械豈能徒手相當即非頓起殺機其與故殺亦所差一閒也刑部將該犯擬以緩決則又

聖訓所謂此等而不入於情實又何以懲暴除兇也覈按情罪既有未平細繹

聖訓又復未合事關人命不厭求詳相應請

旨飭下九卿再行詳議期無枉縱是否有當伏乞

聖鑒訓示謹

王侍郎奏議卷二

五

奏

上諭御史王茂蔭奏秋審冊內擬緩人犯情罪未協等語陝西秋審冊內絞犯拜雙汶一案刑部擬以緩決據該御史指駁情節頗為詳細着九卿會同詳核定擬具奏欽此

駁部議捐納軍功舉人生員片 同日

再 臣 見戶部以需餉孔殷奏請准士子報捐舉人附生援

嘉慶道光年間奉

旨賞給舉人之案以開推廣捐輸之例又引道光十三年升任御史朱嶠奏請停止捐賞舉人所奉

宣宗成皇帝上諭極言今昔情形不同以期必行事屬已成似難中止然 臣 竊惜其無益於目前而徒貽譏於後世

也舉人秀才天下所貴天下之士莫不攻苦力學以求之其間妄希僥倖者亦或間有顧其意不獨以鄉會試為進

身之階亦為榜上一名可以能文自負誇耀士林也若竟

王侍郎奏議卷二

六

出於例捐既無科分之可稱又無同年之可認見者或多竊笑談者罔不鄙夷誰其願之當道光十三年雖有捐賑邀賞舉人者究竟捐者幾人朱嶠之奏停非見捐者之多而奏乃見捐者之浸已無人而後奏部 臣 殆未深考耳在部 臣 之意或謂前次捐數逾萬故捐猶少今減其數之半自必倍形踴躍不知人因其貴而貴之因其賤而愈益賤之矣夫入賞拜官雖非善政然自漢以來有之至報捐科名則古所未有 臣 聞籌國大臣於此一事懼阻人言謀之甚秘發之甚速以為可以立致千萬故甘冒千古之不韙而不辭其用心固亦良苦而考之未詳慮之未深將來無

益度支而徒傷國體竊恐諸大臣之終將悔之而已無及也至於奏中所稱不得不於無可籌畫之中爲此萬不得已之計等語在大臣不妨面奏似不宜形諸奏摺此抄一發何異以情輸賊耶計不及此則所益未見所損已多矣臣愚以爲方今籌餉不徒在於來處而尤在於用處廣東軍興年餘共用餉八十餘萬廣西雖有不同亦何至遂用千萬臣見戶部奏催廣西造報軍營員弁兵勇數目日期一摺歷歷指問固已屢催罔應矣然尙覺有問所未及者如各省解餉均在全州交卸賽尙阿奏全州殉難摺內有四川解官候補知縣盧金第安徽解官候補府經歷陳垚

王侍郎奏議卷二

七

二員夫既有解餉之員卽有所解之餉若謂餉銀已解赴糧臺則解員必久經回省今解員既在城中則餉銀未出城外乃守城方十一日而原奏稱兵丁已數日饑餓既不可解又未見將各省解到之餉因城陷而爲賊所得者實計若干確查奏報此中蓋有難言者矣夫不求餉之用必得濟而任委諸盜賊之手糜諸老弱之兵銷諸不肖員弁之浮冒雖日籌捐輸似亦徒勞臣自知愚昧之見未能有補而耿耿中心難安緘默爲此謹

奏
上諭前據戶部奏請捐納軍功舉人生員一摺着不准行

欽此

王侍郎奏議卷二

八

籌備安徽防勦事宜摺 咸豐二年十月初九日

奏為敬籌安徽防勦事宜恭摺仰祈

聖鑒事 臣聞安徽撫臣奏籌防堵於廬鳳一帶召募驍勇二千名請留用款百餘萬作備糧餉經部奏駁事涉張皇誠難免議然安省與兩湖一水可通湖南大兵勦賊賊必將四竄一或竄入湖北則順水乘風三四日可到該撫所奏備豫之宜實為勢所難緩惟是防必期於扼要餉始免於虛糜安省防堵不在省城而在安慶府屬之宿松該縣與湖北黃梅江西彭澤均屬交界大江中流特聳一小孤山儼為門戶非獨安省之扼塞實亦全江之鎖鑰自來元

主侍郎奏議卷二

九

明禦賊使不得過安慶全在於此此處善為設防賊斷無從飛越願 臣所慮者不在設防之難而在得人之難方賊之困永安也合全軍之力臨以大帥之威謀之數月之久防堵亦至嚴矣而賊一旦竄出莫之能禦湖南之辦防堵亦經年矣總督親駐衡州而賊由全州竄入永州旋破道州如入無人之境所謂防堵者何在是可見辦理之全恃乎人也查幫辦防堵廣西則用龍啟瑞朱琦湖南則用羅繞典江西則用陳孚恩皆以本地人辦本地事仰見聖心妙用安省紳士在籍者少惟前署廣西巡撫周天爵雖籍隸山東而久住鳳陽之宿州該撫由州縣而府道臬

司皆在安省不惟情形至為熟悉士民至今感戴即廬鳳犷悍之徒亦莫不聞風懾服蓋積威有素也誠使周天爵幫辦防堵相度扼要之地而守之其威力足以驅策驍勇而不使別滋事端其清勤足以振式浮靡而不致多所冒濫得力當與各省在籍大員無異水路有此可以無虞至陸路獨太湖縣界連湖北餘如望江婺源祁門建德東流皆界江西山路處處可通安得一一設防大抵交界處率有崇山峻嶺以為限地險可守惟當令府縣體察情形敦請紳士告以團練章程明金聲曾有禦賊互保之法最為簡易使勸諭該處附近村莊自行妥辦一村議數人以率

主侍郎奏議卷二

十

領徒眾一月議數集以講明約束無事各安生理有事一呼即至官因以時稽察之獎勵之俾知共禦寇賊即以自保田廬民自無不勉從至其在官者則貴立法以拏土匪之借端肆害懸賞以緝土匪之逃竄潛蹤凡各鄉鎮里黨以及旅店徧張曉諭遇有土匪生事即令報官拏究遇有外來形跡可疑之人嚴行盤詰來歷稍涉含糊即行送官審訊或係奸宄或係逃匪審明照格重賞地方民人聚族而居信息易通守助易固如此辦理賊即無自而來甚無庸官辦防堵招聚無賴徒滋擾害也 臣籍隸安徽謹關桑梓上為江防籌扼要以免虛糜下為鄉里籌保衛以免滋

擾管見所及敬以上陳是否有當伏乞

皇上聖鑒訓示謹

奏

王侍郎奏議卷二

十一

請嚴防岳州以固荆武摺 咸豐二年十一月十二日
奏為湖南賊匪雖竄未知所向急宜嚴防岳州荊州武昌
並請

嚴飭大帥迅速兜圍事 臣讀日抄知湖南賊匪於十月十
九日黃夜紛奔有竄至甯鄉之說而署督徐廣縉分飭員
弁防其竄入常德寶慶常德固商賈聚集之區該匪或不
無歆羨寶慶則退回廣西之路該匪自廣西來豈不知該
處菁華已盡 臣以為甯鄉逼近沅江直達洞庭其窺伺岳
州勢所必至該署督派常祿張國樑等帶兵幾及萬人往
長沙西北堵禦定不令該匪衝突然 臣聞岳州防兵僅二

王侍郎奏議卷二

十一

千人湖南督撫大員並不以岳州緊要為意且以湖北提
督博勒恭武駐守岳州為多事即如湘陰土匪滋事經博
勒恭武擊散並未聞湖南地方文武稍助一臂之力而所
擒土匪供出頭目晏五即晏和尚乃積慣販煙與會匪勾
通一氣八月間曾至長沙賊營領有偽旗銀兩至湘陰為
賊接應希圖劫掠餉鞘確積其時岳州府城人民聞信搬
徙幾至一空若非湖北兵勇擒勦則岳州幾不可問不但
軍需數十萬與硝磺被搶已也現在賊匪北竄或探知岳
州兵單一經竄入則東連武昌西達荊州可以任其所之
荊州滿兵素不得力且與地方兵丁不能聯絡將軍台湧

前因辦理營務不妥曾經

欽差查辦未必能得軍心此次防守荆江難期盡善而武

昌守兵現聞僅存數百名尤為可虞倘岳州稍有疎失則

湖北必為大震大江順流而下既無水師又無厚餉臣前

雖奏請辦安徽防堵扼守小孤山未知曾否

准行倘江西與安徽江防稍疏祇以不擾民為高不以先

弭患為要則由長江而下瞰江西之九江安徽之省城一

水可通並無阻遏恐江淮人心亦復震驚况荆州為古力

爭之地康熙年間吳逆構亂逼擾岳州當

國家鼎盛之時亦費全力以取之現在更宜加謹可知臣

王侍郎奏議卷二

主

聞

欽差大臣徐廣縉自梧州半月始達平樂又半月始達桂

林其至衡州遲之又久久知長沙被圍而行走如此迂緩

恐其存輕視賊匪之心遂有計慮不周之處惟有仰求

皇上迅飭徐廣縉親督大軍繞赴長沙西北阻賊北竄並

添派重兵助守岳州一面嚴飭湖北添兵防堵如有他處

調到新兵截留悉力分守武昌荆州則該匪無可奔突矣

是否有當伏乞

聖鑒謹

奏

籌備湖北水陸防堵事宜摺咸豐二年十一月十九日

奏為敬陳形勢再請預防恭摺奏祈

聖鑒事臣於本月見湖南賊匪逃竄奏請嚴防岳荆武等

府而不知岳州先經失守言之已後深切悚惶現奉

諭旨嚴飭徐廣縉馳赴岳州繞出賊前迎頭截擊並令武

昌漢陽荆州各路一律防堵昨又伏讀

上諭派河南布政使鄭敦謹馳赴信陽州一帶會同南陽

鎮總兵柏山扼要籌辦署河南巡撫琦善馳抵楚豫交界

地方督飭嚴防等因欽此仰見

聖心先事預籌無微不至惟查湖北一省地居腹裏勢控

王侍郎奏議卷二

十四

上游水路有二一最宜防陸路有二皆當備之何則水路

乘長江逆流而上則入西蜀西蜀僻處一隅且巫峽夔門

江流險急逆上甚難况賊不由洞庭之西而由湖東岳州

一帶意不在四川而在湖北已可概見此路似非喫緊惟

長江東下由江西九江過安徽省城直指江甯順流揚帆

不過旬日漕鹽兩務皆在東南

國家養命之源一經騷動關係匪輕此一路所以最宜防

也陸路一由孝感達河南之信陽一由襄陽達河南之南

陽與陝西之南山賊若由孝感三里城至信陽一路南北

通衢可以直犯中原若由襄陽而至南陽則河洛震驚若

至陝西之南山則尤易出沒此兩路皆所以宜防也防水路之法請以江西兵勇調至九江駐札以江南水師調至安徽之小孤山攔江截守以安徽綠營兵弁調札小孤山之兩岸此處江面最狹不過里許而小孤山壁立中流水師依山據險迎頭奮擊兩岸兵弁鎗礮夾攻賊匪自難飛渡惟小孤山南岸皆山有險可守北岸曠野非得重兵掘濠修壘不足以資堵禦且北岸宿松望江一帶亦係通衢不可不一律兼防此水路設防之情形也陸路之防信陽一帶現已有鄭敦謹前往籌辦惟信陽壤接湖北之孝感此爲南北通衢驛站固宜嚴防信陽以東則光山商城與

王侍郎奏議卷二

五

湖北之黃安麻城交界不但有平坦大路可通其間如黃土坪界嶺等處亦有山險可守信陽以西新野與湖北之棗陽交界山溪亦甚險要處處皆宜嚴防不獨信陽一州而已且守信陽必須進兵駐札湖北孝感之三里城距河南邊界三里此處地當孔道而四面環山可以固守可以設伏請

飭鄭敦謹一並籌辦南陽一路則請

飭河南南陽一帶官兵就近調至襄陽駐札樊城地方其地雖屬湖北而實係河南門戶過此以往地勢平衍無險可扼且樊城緊據漢水北岸易於設防從古用兵北方有

事則守襄陽南方有事則守樊城此一定之勢也更可慮者由襄陽而至河洛此正路也其間道自襄陽沿漢水入山由老河口過鄖陽直達陝西之商州進金紫關龍駒寨遶出潼關背後則關中無險可守矣應請

飭陝西巡撫揀派能員督率弁兵嚴備商州南山一帶杜其遶入潼關間道以固關中之人心其餘山蹊僻徑相機妥辦此陸路設防之情形也防堵果嚴並可進兵策應湖北一切地方庶不至臨事倉黃然水陸兩路雖云如此設防而沿邊之府州縣不得文武兼優之才亦不足以共濟其事請

王侍郎奏議卷二

六

飭下兩江總督河南陝西安徽江西各巡撫將各該省與湖北接壤之府州縣揀選各省中才兼文武足勝防堵之任者無論實缺候補權宜調委以濟時艱蓋弁兵止可勦賊守險而撫民練勇堅壁清野非賢能之吏不辦地方官與兵將實兼重也臣爲急籌防堵起見是否有當伏乞

聖鑒訓示謹

奏

請飭周天爵赴安慶幫辦防堵片 同日

再安徽一省自首府安慶以及徽甯池太四府地接江南人多柔脆惟廬鳳潁三府習俗強悍勇於戰爭但馭之不得其人往往聚而生事風聞本年八月安徽招募鳳陽壽州鄉勇一起其數不滿二百並派營弁管帶赴省沿途騷擾行至桐城之呂亭驛強擄婦女勒贖至九鋪地方劫奪姦淫無所不至及到省垣不敢容留堵禦給以行糧轉送湖廣現又聞續招之驍勇二千名時常要挾氣甚囂張該管員弁不能禁壓是安徽防堵舍廬鳳潁之人而別無可用有廬鳳潁之人而又不能用如此防堵祇可希冀賊之不來現今賊已竄入岳州將竄湖北岳州至湖北省城陸路三日水路不過一日湖北省城至安徽省城陸路八日水路不過三日順流而下呼吸間耳河南現已

王侍郎奏議卷二

十七

欽派重臣重兵防堵

皇上以封疆民命為重安徽之與河南同一與湖北接壤安徽之兵力不及河南而安徽之屏藩江淮較河南尤為喫緊 臣前疏請

飭周天爵馳赴省垣幫辦防堵未見明降

諭旨不知曾否准行 臣於周天爵無一面之交不過深知

在 臣安徽做官最久且在廬鳳道任內地方凶橫之徒不

惟畏威並且懷德惟其人辦事過於認真同寮屬吏往往望而生畏難保無尼之者在周天爵年近八旬精力雖健未必更以仕宦為榮况幫辦防堵成敗之際性命所關更非安富尊榮之事 臣所以再三冒昧瀆請者誠以安徽之防堵非廬鳳潁之鄉勇不能行該勇非周天爵之聲望不能用 臣知周天爵於廣西軍務辦理無效然彼係一省之事股數甚多此則一路之事且地利生熟不同遷地或難為良安徽實其所熟伏乞

皇上軫念民生速

飭周天爵馳赴省垣並准其隨帶壯勇幫辦防堵以固疆

王侍郎奏議卷二

十八

圍不勝惶悚待

命之至謹

奏

條陳軍務事宜摺 咸豐二年十二月十四日

奏爲敬陳管見再請急籌恭摺奏祈

聖鑒事竊以賊勢猖獗武昌失守九江被圍由此而安慶江甯稍有疎虞數日即可直達事有不可不籌備者必且圖之於早若待事至謀之誠恐倉黃無及 臣 敢敬擬四條爲我

皇上陳之

一請急收人心也 臣聞賊之所至專示假仁假義其到漢口也先使人安撫市肆令如常買賣毋得關閉其買市物也照常市價無有短少市人安之而官兵一到反多殘害

王侍郎奏議卷二

九

近聞直隸山東亦有官兵騷擾之事夫民爲邦本賊以不擾誘我民而兵以騷擾迫我民是驅民心以向賊也民心一去天下將誰與守今請

嚴降諭旨飭帶兵諸將務必使兵與民秋毫無犯敢有犯者兵丁立即梟示犯事地方管帶員弁亦即處斬使民咸曉然於

皇上愛民之心如此其至也再請暫停捐輸百姓受

國家深仁厚澤原未嘗無急公報效之心而州縣奉行不善未免多滋擾累今防堵省分較多其中富民捐貲貧民捐力業已不少請

恩旨特降令民籌防以自衛而不令捐輸以上供大懸賞格有能倡辦團練以保鄉里者立予頂戴有能以團練賊者立授官職有能殺長髮賊一級來獻者按級加賞使民知自保即可邀賞重賞實爲保民斯天下咸曉然於皇上保民之心如此其至也賊雖假仁假義不得而煽誘矣

一請急籌積儲也賊至九江則長江直下之勢已屬可慮萬一賊至瓜洲直扼我皖南糧均爲所阻京城倉米不過半年民食一貴人心必大驚惶恐生內變請

王侍郎奏議卷二

十

奕經前在盛京最久

皇上可面詢其產糧之區屯糧之路籌備不可不早也

一請急講訓練也八旗勁旅自無不久經訓練而承平日久技藝未必能精進退未必協律調度未必如意萬一近畿有警何以禦之請

旨飭訪求善於行陣之將日事操練以修武備安人心一請急求人才也現在

皇上破格用人於各處要地軍營無不欽派大員前往襄辦然所用類多文臣軍旅之事不獨未學亦並未見兩年以來成效可觀即各處所保武弁似亦

不過行陣之士求所謂運籌設策出奇制勝者恐未必有其人應請

特旨宣諭中外有能精通謀略善曉兵機可以參贊軍務者或才能出眾智勇足備可當將帥之任者或專門名家精於一藝可備軍營之用者無論內外大小臣工均許各舉所知不能自奏者呈該管衙門代奏以備試用

以上急籌四條臣爲安人心固根本起見是否有當伏乞聖鑒訓示謹奏

王侍郎奏議卷二

三

請嚴守小孤山片同日

再臣聞安慶大江惟小孤山可守從前元明之守載在史冊至今地方猶傳安慶大員惟臬司張熙宇能辦事以張熙宇守小孤山似爲得宜而慮其獨力難支故嘗疊奏請用周天爵乃近聞督臣陸建瀛以小孤山爲不可守今又聞撫臣蔣文慶欲撤小孤山之守真不可解舍小孤山不守不知欲守何地以爲守省城耶是舍門戶而守房室也省城周圍不過九里倚山臨江無論未必能守卽能守而賊舍之不攻亦可直達江甯矣是不守小孤山直欲開門而延盜也然督撫兩大員有此意見一臬司何以當之卽或勉力支撐必且動成掣肘賊一過九江此地恐不可問矣此地不守而賊卽在江甯矣天下大局可爲寒心伏乞皇上嚴飭督臣以必保九江嚴飭撫臣以必保小孤山兩處有失惟該督撫是問並請
欽派得力可靠大員於小孤山協同防堵使賊必不得過
江南幸甚天下幸甚謹

奏

王侍郎奏議卷二

三

王侍郎奏議卷三

臺稿下目錄

條奏部議銀票銀號難行摺 咸豐三年正月初八日

條陳籌餉事宜片 同日

請將鈔法前奏再行詳議片 同日

請將築堡禦賊疏堅壁清野議飭下仿行片 同日

請飭沈棟輝幫辦向榮軍務片 同日

請重刑賞以固人心摺 咸豐三年正月二十九日

選將練兵摺 咸豐三年二月十二日

請速剿捻匪摺 咸豐三年二月二十五日

王侍郎奏議卷三目錄

請飭專主剿辦片 同日

安徽改置省城再宜詳議摺 咸豐三年三月二十五日

請籌通商以安民業摺 咸豐三年三月二十五日

部議呈繳銅器無濟實用摺 咸豐三年四月初六日

解散脅從片 同日

請飭江忠源瞿騰龍馳赴滁鳳協剿摺 咸豐三年四月二十三日

論滁州兵事片 同日

請飭浙撫無庸防守昱嶺關片 同日

條奏部議銀票銀號難行摺 咸豐三年正月初八日

奏為銀票虧商銀號虧國部議未盡請

飭另籌事竊 臣見戶部會議行鈔奏稱鈔法收效稽遲不

如就目前本有之財以圖周轉擬請暫行銀票期票仿照

內務府官錢鋪之法開設官銀錢號以便支取奉

旨依議欽此等因伏查部議所稱提取各州縣所存穀價

銀兩給以銀票為將來買補之用及大員俸銀給與期票

令其屆期關支事雖權宜而行無窒礙自屬可行惟所稱

用銀票之法請於各省當雜各商生息帑本內每酌提十

分之三解交藩庫報部候撥戶部核明銀數應造一百兩

王侍郎奏議卷三

八十兩五十兩之票若干張彙發該省按原提本銀數目

分給各該商准令該省捐納封典職銜貢監之人向各商

買票報捐歸還原提銀欸其各商應繳息銀仍如其舊於

商無虧於事有濟等語 臣不知各省生息帑本共有若干

有濟與否不敢妄議若商則知其必虧 臣聞各省州縣皆

有典規歲數千兩至萬兩不等即平居無事而已視典商

為魚肉今令州縣以提帑本發部票則必以火耗腳價部

費為藉口而收銀有費發票有費費之輕重固視官之貪

廉然官即能廉吏亦斷無空過之事此商之虧一也商之

繳銀也限以三月由州縣而藩司而報部不知幾月迨部

中核明銀數造票有時發票有時由該省以行至州縣分給各商又不知幾時竊計自商繳銀之日以至領票之日至速亦須一年此一年中該商等本銀已繳其三而息銀仍如其舊此息竟從何來此商之虧又一也商領銀票准令該省捐納封典職銜貢監之人向各商買以報捐歸還原款竊計捐生有銀報捐何為必欲買票且買票入手不知有無真偽持票上兌不知有無留難何如持銀上兌之可恃苟非與該商素識委曲代計補虧斷不向買設領票年餘而素識中竟無欲捐之人其票必懸而無着則商之虧又一也由前二虧虧固難免由後一虧虧更無期於此

王侍郎奏議卷三

二

而謂於商無虧恐未可信夫提取存本固商之本分亦商所樂從今欲濟急需則竟提用俟度支充裕再行發給可耳若如部議提本給票買票費三層周折而仍歸於報捐名避勒捐而實較捐之費為更甚矣再查所議官銀錢號之法請於京城招商開設銀錢號三所每所由庫發給成本銀兩再將戶工兩局每月交庫卯錢由銀庫分給官號令其與民間鋪戶交易戶部每月應放現錢一概放給錢票在官號支取俾與錢票相輔而行輾轉流通兵民兩有神益等語在部臣之意以為有錢乃始給票則票實而人可取信給票不盡取錢則錢存而利有可餘不知在商買

可行而

國家則不能行也姑無論以經國謀猷下同商賈其體為至褻其利為至微今且以商賈之道言之大抵能創一肆守一業者其人必工心計習儉勤旦夕以身入其中而又知人而善任非是則敗蓋有創立數年買賣甚旺一旦身離其地而頓虧者矣有資本巨萬偶用非人不數年而全覆者矣有日習其中而計慮未精業仍銷歇者矣臣所見聞不知凡幾夫以商賈之自為尚且如此今乃欲以官招商為之其人果殷實善經營也者彼且自謀之不暇何暇為官謀其應招者必其不可恃者也而官又不能旦夕稽

王侍郎奏議卷三

三

察其間即使派員稽察亦屬徒然況官吏往來尤難保無沾染乎況戶部寫票悉由書吏紛繁瑣碎尤難保無作假乎假照之案可為前車此法若行不數年而銀本錢本必成大虧此臣所謂虧國也在部臣意必謂有虧不難重治其罪耳不知狡黠之徒初時之虧斷不能見至虧之已甚則雖重治其罪亦復何補若謂內務府官錢鋪行之數年並未見虧則此中利弊人不易知似未可藉為仿照臣實覺此法斷不可行以上二條現在章程未立請飭部臣另行籌議伏乞皇上聖鑒訓示謹

奏
硃批戶部議奏欽此

王侍郎奏議卷三

四

王侍郎奏議 卷三

條陳籌餉事宜片 同日

再 臣擬得籌餉之方四條敬陳

聖鑒

一請停各省採辦諸物均歸折價也 臣聞各省採辦諸物解貢到京後書吏訛索部費甚重如江蘇解顏料銅錫須費三千兩飛金須費千餘兩江西抬連紙須費五百餘兩浙江絲斤須費五千兩油茶須費二千餘兩以此推之各省莫不有採辦即莫不有部費已不知幾萬兩又聞福建辦抬連紙一百萬張例價約千兩將樂縣津貼紙價一千二百餘兩水脚三百餘兩又津貼委員九百餘兩以作川

王侍郎奏議卷三

五

費部費之用而委員往返二年九賠累不堪以此推之各省辦解之物合計津貼不知幾萬兩各省解運之員合計賠累又不知幾萬兩凡此皆民之脂膏也而徒以供部胥之囊橐誠為可惜 臣愚以為京師百貨雲集用物隨時購辦無虞缺乏請除滇黔銅鉛外

飭令各省額解各物一概停止其本有例價者既免開支其本屬例貢者即令折價而向來津貼採辦津貼運解之數均核計聲明全行搭解部庫以備購買各物之用有需用時購辦有資無需用時不致徒費如此變通辦理部庫增多解之款各物無陳朽之虞委員免賠累之苦內外似

四四七

均有益惟此事一交部議庫員書吏多方阻撓必將不行應請出自

宸裁實為幸甚

一請折銅寺以資鑄錢也臣聞熱河有珠源寺全以銅造門窗戶壁無一非銅一瓦之重約四五斤為屋三間計銅不止千萬當年造此似有深意存焉殆正備今日之用現在滇銅運解維艱請

派大員前往折卸運京以資鼓鑄熱河至京不過數日所省銅本運腳實為不少且聞山西一帶亦有銅廟不止一處請均照此辦理似數百萬帑金不難立致昔周世宗以

王侍郎奏議卷三

六

佛像鑄錢語侍臣勿以毀佛為疑佛以善道化人苟志於善斯奉佛矣且佛志在利人雖頭目猶捨以布施云云又聞康熙年間亦曾以佛像鑄錢故至今康熙錢中猶有羅漢錢之名今即有疑阻者不妨將佛像移於他處但折寺宇自無所害

一請用兵省分即令鑄錢也臣聞軍營所至錢價物價登時昂貴每銀一兩易錢不過千餘而食物較常幾欲加倍以致兵丁領得餉銀日或不飽現在湖北勦賊銅運似難進行所有未過湖北之滇銅請即截留

飭令該省趕緊鑄錢以資兵丁兌換如銅不足省分即令

趕鑄鐵錢照銅錢一樣行用以銀給餉復以錢收銀在兵不受錢價之虧而官可得周轉之利查鐵錢五代及宋皆嘗鑄之或與銅錢並行或竟專行大抵因地因時以助軍費

一請將抄產珍寶發給變價也聞自來抄產每多珍寶珠玉之屬此等物久存無用且恐或致遺失請飭該管大臣按籍檢出發給變價以助餉需以上四條似不取於民而可以濟用是否有當伏乞

皇上訓示謹

奏

王侍郎奏議卷三

七

硃批戶部議奏欽此

請將鈔法前奏再行詳議片 同日

再查部臣議行銀票音謂票與鈔相關欲以此試鈔之行否臣竊謂此意似未深思也誠欲試鈔法當如其法而用之方爲試行若變易其法則行與不行皆各自一事安得因此而概彼夫行鈔首在收發流通惟收之能寬斯發之不滯今銀票之發惟以抵存本而收惟以報常捐上下均隘其途安得而流通乎臣自元年十月會上鈔法十條經部議駁遂不復言竊冀部臣別有良策乃籌餉二十三條不爲不詳而大概皆出於捐至所稱賞銀執照與銀票似尙不如鈔之便即近來言鈔者多而於推行收發之間立法亦多未盡必不得已請

王侍郎奏議卷三

八

飭部將臣前奏再行詳議其前所駁各條惟暗設標識一條即可照議刪去餘或尙當致詳至鈔上既去標識即請加用部科印先以成式頒發各省府州縣以及行鈔銀號使便比照則僞者不敢出用者自易信而其要尤在行之以漸而限之以制若一旦驟造數十萬勢必不行彼洋銀流入中國人亦初不敢用迨行之久而人便之且善辨識遂徧東南各省此豈一朝一夕之故哉事非通籌大局深究始終未易得其要領臣固非謂鈔爲無弊但以此法不取於民亦不强民猶弊之較輕者耳倘舍此他圖蓋未有不

取諸民者今日之民恐不堪命爲此冒昧瀆陳不勝惶悚之至謹

奏

硃批戶部議奏欽此

王侍郎奏議卷三

九

請將築堡禦賊疏堅壁清野議飭下仿行片 同日

再臣思現在賊匪情形與嘉慶初年教匪大畧相似嘉慶二年德楞泰有令民築堡禦賊一疏又龔景瀚有堅壁清野議皆言之於先至嘉慶六年始奉

旨通行而妖氛漸以平定其時平定方畧大概多出其中論者謂德楞泰老成先見龔景瀚籌畫尤詳非此不能制賊之命當時若能早行或不致蔓延數載夫當日行之既惜其遲則今日行之似宜及早請

飭令軍機大臣檢錄進呈

御前詳加批覽此二臣之一疏一議所在應有即請

王侍郎奏議卷三

十

飭下現在賊擾及鄰近各省督撫按照成法參合時宜選派幹員總理其事通飭州縣實心籌辦此法一行賊雖蔓延而野無所掠城不能破自不難漸次殄滅惟聞各省州縣城垣完固者少辦理堅壁清野修城乃第一要務查向來各省捐修城工議敘最輕今若准與優敘則各捐生既可保護身家又得仰邀

恩典自必踴躍輸將不必另籌經費又外省習氣兵弁不受州縣調遣平時緝盜捕匪等事皆須州縣團勇每以經費不足不能認真且微末武弁鮮知大體往往剋扣錢糧以致兵不足額老弱充數今若將弁兵歸州縣兼轄則調

度應手不必另籌團勇之費且老弱之兵可以隨時挑汰不似平素鎮將之遠隔難於稽查似可稍得兵力以上二條似與堅壁清野有裨乞

奏

飭大臣一並議行謹

王侍郎奏議卷三

十一

卷三 王侍郎奏議

請飭沈棣輝幫辦向榮軍務片 同日

再 臣 思向榮現奉

旨授為欽差大臣專辦軍務一時臣民翕然慶得人以為賊匪計日可滅惟 臣 思該大臣固屬老將然長於武畧未必嫻習文案且兵機所關間不容髮亦不宜更使以他事分心必得文員為之襄理一切庶俾專力破賊又聞該大臣情性稍剛與人難合惟升任高廉道沈棣輝有體有用剛柔得宜必能善為調劑該道現在湖南請旨飭令前往向榮軍中幫辦軍務既便翊贊成功兼以隱為保全可否伏乞

王侍郎奏議卷三

三

聖裁謹附

奏

王侍郎奏議 卷三

請重刑賞以固人心摺 咸豐三年正月二十九日

奏為請重刑賞以固人心恭摺仰祈

聖鑒事伏思逆賊自出粵西所破之處往往走而不守論者因以為賊無大志 臣 竊憂之賊之不守非不能也正其志有所在也設至兩江則又恐守而不走矣夫賊出粵西不過數千行至兩湖遂逾數萬兩江材力之士不得志之徒夫豈或少設竟號召響應事有不可問矣

王侍郎奏議卷三

三

皆辦則在在可守斯可以固我之人心不至聞賊即走不至趨而從賊且所在材力之士亦可藉此自見而不至為賊用再請

特降諭旨有從賊者必加赤族之誅有殺賊者必加非常之賞有擒洪秀全來投者即予五等之封以散在彼之人心我之人心因而彼之人心散斯賊可計日滅矣愚昧之見伏乞

皇上聖鑒訓示謹

奏

四五

選將練兵摺

咸豐三年二月初二日

奏為請選將練兵以振軍威而消奸宄恭摺仰祈

聖鑒事伏讀本月初二日

上諭令各旗營官兵挑選精壯實心簡練並令該營大臣常川督率閱兵大臣分班親閱使馬步火器一律嚴整等因欽此仰見

聖謨深遠自足大振軍威惟是練兵必先練將將不知兵雖日事操演亦似無益現在承平日久各旗營大臣曾經行陣者少未必盡屬知兵但令循例奉行未免徒成故事當此時事孔亟伏乞

王侍郎奏議卷三

四

皇上令各旗營大臣或選擇曾經出師歷過行陣之員以資教導兵丁雖年紀已老亦堪任用或延訪素習武畧謀勇兼優之士以資講求調度雖出自草野亦許保舉庶幾冀得將材足勝禦侮至簡練兵丁雖責在該管大臣閱兵大臣然臣聞各旗營武備廢弛已久卽器械亦不能全立令全行應操勢必不能卽使勉強遵行仍屬有名無實愚擬請
飭各營大臣挑選精壯不必限以數目而必限以時日使擇足資訓練者訓練一月計有精壯若干名共得若干隊造冊咨部奏明請

旨派王大臣抽看再限一月訓練稍精奏明請

皇上隨時抽閱以兵丁之強弱定該營之功過嚴明賞罰似可稍免含混嗣後陸續挑選簡練得有精壯按月奏明增入冊內如此逐漸整頓數月之後訓練日進精壯日增兵威自必大振由是而推之附京各旗營推之直隸山東各近省均令一律辦理斯可以銷奸宄之心而固士民之志矣天下之事多壞於因循粉飾似非限以時日重以皇上親行抽閱誠恐積習難以驟挽愚昧之見是否有當伏乞

聖鑒訓示謹

王侍郎奏議卷三

五

奏

請速剿擒匪摺 咸豐三年二月二十五日

奏為擒匪四起請速勦除以防勾結而弭患萌恭摺奏祈
聖鑒事伏讀本月十五日抄見豫撫陸應穀因安徽宿州
蒙城亳壽等處擒匪四起臨淮之磨盤山聚集多名肆行
劫掠奏請調兵防堵竊思皖省廬鳳等處民氣素稱强悍
匪徒聚集多人往往擾害村鎮上年雖經該督撫奏請委
員嚴拿懲辦而未經拿辦者正多所聚或千餘人或數百
人平時劫掠肆行無忌近聞粵匪竄擾安慶江甯先後失
守自更毫無畏憚若不乘其初起急行勦除則盤踞日久
勾結愈多必致釀成鉅患況廬鳳界連豫省接壤淮徐現

王侍郎奏議卷三

六

值籌防粵匪之時非先將此數處擒匪勦除淨盡萬一粵
匪潛行勾結更為心腹之憂且河南擒匪素多難保不聞
風而起豫省淮徐防堵正不可恃侍郎周天爵歷任皖省
素為匪徒所畏服然恐該處兵勇不敷應請

飭令豫東兩省各選將帶兵飛馳前往隨同該侍郎勦辦
豫撫陸應穀現已親駐歸德亦自可相機協勦欲籌防堵
於河南宜先淨根株於皖省能將皖省擒匪迅速勦除則
豫省不防而自固而該侍郎等亦得以專力防勦粵匪矣
再廬鳳穎三府正在勦辦擒匪喫緊之時尤在守令得人
方足以固民心而資捍禦從前三省教匪案內有居官素

好之劉清所到賊即退避上年粵匪在湖南有五縣不犯
曰此其縣有好官是可見州縣官好不獨本境之匪不起
即他境之匪亦不來風聞廬鳳一帶府縣各官貪鄙者多
清正者少伏乞

嚴飭該省大吏將各府州縣昏庸不職之員嚴行參辦既
以安民心亦以戢賊膽是又治賊之源得力在防與勦之
上者非獨廬鳳各府亦非獨皖省而實為各省所宜急行
應並請

旨通飭直省各督撫一體遵照辦理將貪官污吏嚴行參
劾免致為賊藉口實方今切要之務是否有當伏乞

王侍郎奏議卷三

七

皇上聖鑒謹

奏

請飭專主剿辦片 同日

再臣伏見粵匪竄擾以來湖南設防久逾一載湖北江西亦自元年皆已籌防即安徽於上年八月亦經請防乃在在言防在在不守是防之一字徒以虛糜兵餉實為歷歷可監乃今安省捻匪四起河南巡撫又行奏請防堵臣竊以為過矣夫界連之地道路交通防之既不勝防兵勢愈分則兵力愈薄防亦斷不能防嘗見江西撫奏下巢湖老鼠峽防守情形某處兵三百名某處兵二百名如此布置似皆為防字所誤現在各省辦理團練似即所以為防伏乞

王侍郎奏議卷三

六

皇上嚴飭各省督撫專主辦勦各將兵官日事訓練以察弁兵之勇怯以求技擊之精熟一有賊匪竊發無論本省鄰省不分畛域即令該督撫選將督兵馳往協勦如安省匪起而豫東二省即率兵馳而赴之兵以分而勢單者亦以合而勢盛乘其眾之未固謀之未定一鼓作氣自不難立行撲滅一處之匪滅則各處之匪不敢起鄰省之賊滅即本省之賊無自來是不言防而防自固不獨賊勢可免蔓延抑亦兵餉不致坐耗毋得更以防堵二字虛費錢糧坐失事機愚昧之見伏乞

聖鑒謹

奏

王侍郎奏議卷三

九

安徽改置省城再宜詳議摺

咸豐三年三月二十五日

奏爲省城改置似宜詳議請

飭先籌分駐以資彈壓防守恭摺奏祈

聖鑒事竊臣讀日抄見新任安徽撫臣李嘉端奏廬州府

爲皖省之中形勢扼要請以定爲省城奉

旨准其暫在廬州府駐劄辦事等因欽此伏思省城建置

自以扼要爲先至於適中似非所計今請以大局形勢言

之省城之設於安慶上控全楚下蔽金陵非獨爲一省門

戶實爲全江門戶自古爭戰之世皆必爭此卽現在賊過

安慶順流遂達金陵亦見舍此更無可守也以城池高大

王侍郎奏議卷三

三

而論則安慶遠不及廬州以形勢扼要而論則廬州仍不

及安慶安慶城小難守臣固亦嘗言之然所謂難守者指

專守省城而言若能扼守小孤山則元余闕之拒陳友諒

守之六年矣今粵匪之不及陳友諒遠甚而不能一朝守

者一由陸建瀛之退走防兵望而奔潰一由蔣文慶之太

無籌畫也觀向榮所查失守情形豈地利之過耶蓋金陵

以安慶爲屏蔽安慶以小孤山爲屏蔽無小孤山卽無安

慶無安慶卽無金陵此時爲控扼賊勢起見暫以廬州駐

劄不得不然若竟改置省城似未可因一時之利便而忘

百年之久計此事所係甚大而現在不急應請

飭中外大臣再行從容詳議惟省城自被賊後向榮僅於

一過所請令李本仁張熙宇入城辦理均屬業經罷斥之

員未聞更派文武前往查辦前所招募驍勇本屬廬鳳亡

命之徒賊東竄後四出搶掠加以陸建瀛自九江退走防

兵潰散盡在沿河一帶肆擾而廬鳳土匪被勦南竄安慶

復爲遁藪蹂躪之餘何以堪此且金陵揚州我兵連獲勝

仗賊勢窮感又將奔竄現計水路揚州常州江陰各處皆

有防守獨安慶省城空虛萬一由太平蕪湖一路復竄而

西亦爲可慮現在侍郎周天爵呂賢基皆在廬州撫藩大

員應如何分駐以安集流亡勦辦土匪並如何設立防守

王侍郎奏議卷三

三

應請

飭該撫卽行馳往安慶省城籌辦是否有當伏乞

聖鑒訓示謹

奏

請籌通商以安民業摺 咸豐三年三月二十五日

奏爲請籌通商以安民業恭摺奏祈

聖鑒事竊思京城爲根本重地必得商賈流通百貨雲集方足以安民生自上月錢店關閉者多民心皇皇幾於不可終日蒙

皇上大沛

恩綸廣宣

諭旨百姓感頌歡呼街市頓覺平靜月餘以來似覺無事然此第外見之象也實則各項店鋪之歇業者竟自日多一日若不趕緊想法恐有罷市之勢臣嘗細推各行歇業

王侍郎奏議卷三

三

之由大抵因買賣之日微借貸之日緊夫買賣多寡由於時勢非人所能爲也而借貸日緊則由銀錢帳局各財東自上年冬以來立意收本但有還者祇進不出以致各行生意不能轉動聞帳局自來借貸多一年爲期五六月間各路貨物到京借者尤多每逢到期將本利全數措齊送到局中謂之本利見面帳局看後將利收起令借者更換一券仍將本銀持歸每年如此故此時猶不甚顯者各帳未盡屆期也若屆期全行收起更不復借則街市一旦成空蓋各行店舖自本者十不一二全恃借貸流通若竟借貸不通卽成束手必致紛紛歇業實爲可慮且可慮者店

鋪而尤不獨在店鋪也卽如各行帳局之幫夥統計不下萬人帳局收而此萬人者已成無業之民各店鋪中幫夥小者數人多者數十人一店歇業而此數人數十人者亦卽成無業之民是帳局一收而失業之民將不可數計也此不可數計之無業閒民既無所事又不能歸終日遊蕩於京城之中又將何以處之臣愚以爲各行店鋪之歇業患在帳局收本而帳局所以收本慮在各行店鋪之將虧其本而不能收擬請

王侍郎奏議卷三

三

倘各行店鋪有不能交利者準報官爲嚴追若凡鋪現在開設不得立追本銀如此則各行店鋪可以暫保再請將欠債律條酌改加重倘將來各店鋪有虧帳局借本者照律嚴辦務爲追還如此則各帳財東亦可恃以無恐而不必遽收又聞現在典鋪多不肯當卽有當者亦不過畧應門面百千之物不能當出十千以致貧者益難爲謀應請並令各典鋪財東設法如常應當不可關閉則貧者尙有轉移愚昧之見是否有當伏乞

聖鑒訓示謹

奏

上諭御史王茂蔭奏近日京城銀錢帳局立意收本不肯借貸以致各項店鋪歇業居多又典鋪多不收當貧民益難謀生等語京師根本重地必得商賈流通方足以安民業著步軍統領順天府五城剴切曉諭凡挾貲經運之人均各照常出納毋得故意刁難致使貧民失業至開典鋪原以便民應如何設法開導令其照常交易之處妥籌辦理將此諭令知之欽此

王侍郎奏議卷三

三

部議呈繳銅器無濟實用摺 咸豐三年四月初六日

奏為禁令徒嚴濟用無補恭摺奏明請

旨事伏查上年四月戶部議奏禁銅令京城銅鋪嗣後不准製造五斤以上銅器限一年內將已造者售賣逾限查出入官其不及五斤並官民已經買用者不論立法至為妥善乃本年三月二十五日戶部又有告示令官紳有銅器在三斤以上者呈繳此獨指官紳言也三十日又有告示禁銅鋪造一斤以上銅器限三箇月呈繳逾限查出嚴辦當此銅斤短絀之時原應設法收銅以資鼓鑄然似此甫屆期年法令迭更何以示信且銅器中有日用必需者

王侍郎奏議卷三

三

如民間之飯鍋水壺多在一斤以上並此禁造民用恐多不便若不便民用而果能有濟

國用抑猶有說而無如其無濟也何則呈繳之事官紳可能銅鋪必不能手藝生涯非有大資本者可比必禁一斤以上則能改者改之不能改者匿之耳生計所在安能呈繳倘限滿竟無繳者不知戶部又當如何挨鋪搜查想部臣斷不出此私造售賣即日久仍安故常名雖嚴禁殆亦與禁烟等是此令固徒懸也今民情方甚惶惑而徒懸一不行之令使民驚疑既已不可且此令止禁京城無論其不呈繳也藉使呈繳用亦無濟京城內外銅鋪合計不過

數百家每鋪繳銅百斤合計不過數萬斤戶工兩局月需數十萬其何以濟夫軍需孔亟用款浩繁凡在臣工同深焦急但有濟用之方咸思竭力盡心豈願更生阻撓然勢既不行而用又無濟則臣實不願部臣之爲之也雍正四年曾禁銅器矣當時

國家威令森嚴民人奉法唯謹然且有名無實故乾隆元年卽行停止是此令雖能濟用亦屬難行況其本無濟乎然戶部告示已行各衙門臣在中城暫未張貼各衙門恐難復收唯有仰懇

天恩明降諭旨著不必行如捐舉人收鋪稅之例立行停

王侍郎奏議卷三

三

止斯民皆歡欣鼓舞稱慶於道矣臣非徒阻部議而不爲

鼓鑄計也臣自正月卽奏請拆熱河珠源寺銅殿以資鼓

鑄其時部議如何臣未得見近見內務府議有核計拆運

工價所費不貲且坐落蒙古地方九屬觀瞻所寄等語伏

思當年建立銅廟之意臣不能知原不敢於妄議若以爲

觀瞻所寄則所係似輕矣至拆運工價雲南銅運曾有因

天津凍阻陸運抵通之案自津至通二百餘里運銅百萬

不過銷銀二千兩熱河去京四百里較之天津抵通不過

加倍似運腳不至過費拆卸之工則熱河都統所屬兵丁

除調撥外當必尙多該兵丁等本食錢糧今再加以津貼

日常操演之餘使之出力拆卸能拆得百斤者給錢若干既可熬鍊氣力又復得所津貼於兵丁亦無不利聞銅殿廣有三間每間之大過民房數倍計其爲銅當不止千萬但得銅六百萬斤卽可抵銅本銀一百萬兩若得銅兩千萬斤卽可抵銀三百餘萬兩區區拆運之費又何足論此舉一行約可資戶工兩局二三年之用較之搜括商銅似爲得濟倘有以佛像爲疑則臣正月所奏已詳似可無慮伏願

皇上宸衷內斷飭戶部迅速辦理勿更遲疑非獨鼓鑄有資亦使商民安業是否有當伏乞

王侍郎奏議卷三

三

聖鑒訓示謹

奏

上諭御史王茂蔭奏部議呈繳銅器無濟局用一摺着戶部再行妥議具奏欽此

解散脅從片 同日

再_臣聞有被賊擄逃回者據稱擄去之後即以二十五人聯爲一伍派兩長髮管帶但令搶掠自食不給口糧有逃去者亦不甚追問湖北擄脅之衆逃回現已大半其派管帶之長髮賊亦非真正粵匪大抵多湖南人其髮不過留有數月較凡人加長並非如粵匪之長其人亦甚欲逃而恐以髮長見殺故不敢逃擬請

飭各統兵大臣乘戰勝之威多寫告示射入城中凡被擄脅之人有能及早逃出者即爲護送回籍免罹鋒刃有髮雖長而非如粵逆之長者亦許免死有能殺一眞長髮賊

王侍郎奏議卷三

完

來歸者除免死外按首級加賞有能殺其頭目以船來歸者格外重賞如此徧告則逃來者必衆逃來者衆令其中識字者多作偽札爲射賊中或招引同伴或約時接應以亂其軍心_臣又聞賊中有花雲布號幸生者貴州人有何文樑號芸生者江蘇人爲賊謀主或作爲信札射入城中許以封爵令其殺賊來歸以亂其將心軍將心亂則人日散而賊日孤眞長髮賊不過數千自不難於殄滅惟逃來之中亦宜嚴防有詐必須收其器械散其徒黨置之遠地想統兵大臣亦無不知此也謹附

奏

請飭江忠源瞿騰龍馳赴滁鳳協剿摺_{咸豐三年四月二十三日}

奏爲敬陳管見恭摺奏祈

聖鑒事_臣聞賊匪近日竄擾滁州鳳陽一帶此路可以直犯中原關係非小且聞向榮曾經有奏惟此路恐有疏虞

江北統兵大臣何以全無防備現聞有

旨令周天爵呂賢基帶兵該侍郎等固當益竭心力然周天爵之力足辦土匪恐未足破逆匪呂賢基一介書生久任京秩於外省尙少經歷安能知兵倘有僨事雖重治其罪如

國事何現在文臣之能軍者唯聞湖北臬司江忠源兵畧

王侍郎奏議卷三

完

優長多歷戰陣前已奉

旨赴向榮軍營近因廣濟民變奉

旨令俟勦辦事竣再赴軍營伏思民變總由州縣之辦理不善以致激成事端但能開誠曉諭懲治爲首之人餘民即可解散與逆匪之輕重難易迥不相同現在即有未盡事宜亦儘可交署提督阿勒經阿辦理且向榮老將可無事乎江忠源伏望

飭江忠源即行馳赴周天爵等一路協力勦賊再_臣聞鄖

陽總兵瞿騰龍勇畧過人現在鄖陽似非喫重應請

飭瞿騰龍馳赴周天爵等軍營以資得力再賊匪若趨鳳

陽則與浦口相去幾三百里若於中間一帶擇要截其歸路則此一股可以悉數殲擒是否有當伏乞

皇上聖鑒謹

奏

王侍郎奏議卷三

三

論滁州兵事片 同日

再臣聞現竄滁鳳之賊不過數千在金陵揚州者尙多若統兵大臣前往堵禦欲趨賊前則勢恐不及且賊已過清流關地勢平衍無險可扼而賊之在金陵揚州者陸續而來尤恐堵禦不盡若攻賊之中則賊之未過者不能過而賊之已過者必回走似亦致人之法現訪之滁州人據稱滁州若失自滁州之東進兵而西能徑攻滁州則善矣或賊多難攻或賊已守城而我兵攻其清流關之險宜於滁州東郊至沙河集循白米山之麓西南至清流關此東路循滁北而西攻者也若能由三界集至明光集約淮北大兵同時並舉淮北之兵由珠龍橋攻關之西北滁東之兵由滁北循山麓以攻關之東南則關可復關復則鳳陽之賊與江陽之賊隔絕不通在鳳陽者既易滅而從此合攻江甯亦不難矣臣既有聞不敢隱默謹

奏

王侍郎奏議卷三

三

請飭浙撫無庸防守昱嶺關片

同日

再臣聞浙撫以兵二百名守昌化之昱嶺關該處名爲浙與安徽交界之所實與徽之歙縣交界去臣居僅四十里逆賊現在安省江北與徽尚不相及安能遽由此路入浙且該處昌化於潛一帶地瘠民貧匪人雖不能無然未聞如廬鳳之百十爲羣者惟逃兵難民偶由此過容或有之應請

飭該撫令地方官立法以拏土匪之借端肆搶懸賞以緝游匪之逃竄潛蹤凡各鄉鎮村黨徧張曉諭遇有土匪滋事令該祠族保正能捆送者卽行捆送不能者卽請嚴拏

王侍郎奏議卷三

三

一經拏獲立即重處遇有外來形跡可疑之人令各處旅店嚴行盤詰來歷稍涉含糊卽行送官審訊或係奸宄或係逃匪審明照格重賞倘有逃兵成羣肆行搶劫者遵旨格殺勿論如此辦理卽土匪不敢起游匪不敢至幸無庸以兵防守徒糜糧餉或且更滋擾害也若謂萬一有事不可不防則此二百兵亦不過一走耳安能有益安省徽甯兩府情形與此大畧相似臣上年十月曾經陳奏未奉諭旨應請

飭安撫一併轉飭照辦至各省防守如浙之防昱嶺者恐復不少請

飭各該撫詳查撤銷以節糜費實爲幸甚謹奏

王侍郎奏議卷三

三

王侍郎奏議卷四

寺稿上目錄

關閉錢鋪請展追限摺 咸豐三年五月初三日

請飭夏家泰赴近畿辦團摺 咸豐三年六月初五日 與給事中雷維翰會奏

請將葉燦華鄒培經交兼尹派委片 同日

摺片誤字自請議處摺 咸豐三年六月初七日

論懷慶兵事摺 咸豐三年七月二十日

請寬貸賊中逃出難民摺 咸豐三年七月二十八日

申論懷慶兵事片 同日

再請寬貸脅從以信 恩旨摺 咸豐三年八月初六日

王侍郎奏議卷四目錄

論揚州兵事片 同日

請將葉燦章桂清佟攀梅發交軍營差遣片 同日

請將察哈爾調到兵馬資送回牧片 同日

關閉錢鋪請展追限摺 咸豐三年五月初三日

奏為關閉錢鋪請暫展追限以恤商而利民恭摺奏明請旨事竊照本年二月關閉錢鋪甚多定例錢鋪閉門即將該鋪戶押迫勒限兩個月能將銀錢全數開發者免罪若逾限不完送部照誑騙財物律計贓准竊盜論一百二十兩以上發附近充軍蓋錢鋪兌換現銀票存錢文與借欠不同故定罪從嚴也然一定罪之後即不復追故關閉錢鋪到案有力求寬限交錢不願送部者亦有不求立限交錢但願送部者其不願送部者蓋其虧本無多第因一時取錢擁擠猝不及應不得已而關閉者也其但願送部者則其虧已有素或早將銀錢藏匿或倒填年月立契預行買人頂虧有意于關閉者也夫不願送部則其意向在交錢而但願送部則其意甚畏追錢本年自銀帳局收銀不放各行買賣轉運多艱不獨借貸驟難應手即收債變產亦難尅期若兩月限滿即行送部在該商之不欲負人有意復開者或以限迫而罹刑章不得遂其交錢之願其情既多可憫而奸商之有意藏匿拌充數年之近軍以圖終身之厚殖者轉得遂其不交錢之願其情尤為可惡民人持票但願錢鋪之發錢不願錢鋪之治罪若錢鋪之治罪者多即錢票之受虧者益眾相應請

旨飭步軍統領五城凡關閉錢鋪兩月限滿交錢不足者准其展限四個月勒令設法交錢卽有已送部者亦仍發還勒追倘限滿仍不能還再行送部治罪似可使本分商民得以從容設措而奸狡商民不得便其私圖錢鋪多交一分卽民人亦無不利再聞錢鋪經部定發配以後更不交錢而例有交錢仍准釋回之文各衙門將該鋪先繳之錢存積以待續繳不遽開發以至懸宕數年票多成廢應請並

飭刑部將勒追無交之鋪戶定罪後卽行知各衙門將繳存錢文並各貨物變賣按所虧票數均勻攤發以免久延

王侍郎奏議卷四

二

是否有當伏乞

皇上聖鑒謹

奏

上諭太常寺少卿王茂蔭奏關閉錢鋪請暫展追限一摺着步軍統領衙門巡城御史體察情形酌核辦理欽此

請飭夏家泰赴近畿辦團摺咸豐三年六月初五日與給事中雷維翰會奏

奏爲訪聞京員熟悉團練情形擬請

旨飭赴近畿一帶試行督辦以資防禦恭摺奏祈

聖鑒事竊自各省辦理防勦以來迭奉

諭旨令民間自爲團練聯村築堡互相守禦而近畿一帶尅期興築者甚屬寥寥此非奉行之不力實由於各鄉紳耆僅以空言勸諭並無熟手經理其於練勇之法禦賊之方礮堡之足恃者何在賊匪之不足畏者何在未能剴切曉諭則無以取信於民未曾身歷其事辦有成效亦不能剴切曉諭也臣等聞湖南夏姓居鄉團練築堡自衛上年

王侍郎奏議卷四

三

粵匪竄湖南曾資捍禦心竊識之本年二月吏部候補主事夏家泰會上團練十八則維時賊氛尙遠而近畿一帶未經議及近來賊擾河南籌防孔亟又見該員偕其兄舉人夏家鼎擬有團練六條臣等詳看所議於畿內設立百堡俾家自爲守人自爲戰節節抵禦處處防維若果如此辦理加以官兵勦辦賊自斷不能近且聞賊之在滁鳳也聞廬州有團練而不敢犯聞宿州有團練而亦不敢犯是團練實爲賊之所畏果能團練有成賊卽斷不敢來以此環衛京城眞所謂不戰而屈人之兵

國家有磐石之安閭閻無搶掠之患似爲至上之策統計

築立百堡需費甚鉅當此支絀之時原未可以輕議然築堡既成則有兵之利無兵之費可以一勞永逸視徵調防堵所省不止數倍賊勢一日未平即防堵一日難撤似未可惜目前之費而不為久計該員兄弟數人在籍以團練殺賊湖南人皆能言之是該員等曾經辦有成效尤應可信惟南北殊方地利夷險不同物力貴賤亦異且數被賊擾與未被賊擾之民情其勸諭亦有難易該員所擬各條能合與否其費能省與否必須試辦數處方可酌定章程竊思近日人情畏蕙退縮者多勇往任事者少指陳利弊者多曾經閱歷者少該員兄弟於築堡勦賊事宜留心講

王侍郎奏議卷四

四

求曾經身歷而現在近畿一帶又應亟行團練以資捍衛若非有人倡率未免相顧因循擬請

旨飭將吏部候補主事夏家泰及伊兄舉人景山官學教習夏家鼎交兼管順天府大臣飭令會同地方官試行團練先赴城外大村鎮邀集紳耆力為勸諭使民深信不疑踴躍聽從者已有數處即行給發官項製備器械明定章程辦理團練俟團練得有一二十處再行酌量地方情形浚濠築堡由近及遠漸次舉行倘能練得百團則堡寨雖有未完亦足以資防禦再能築得百堡則閭閻得所憑藉尤足以安民心若行之或有窒碍仍可隨時察核辦理斯

帑項不致虛糜工力均歸實用矣謹將該員所擬團練六條抄錄恭呈

御覽是否有當伏乞

聖鑒訓示謹

奏

王侍郎奏議卷四

五

請將葉燦華鄒培經交兼尹派委片 同日

再近來言團練者又有內閣中書葉燦華所作防禦論一篇語語切實該員係廣西人似從身親經歷中來如蒙允准近畿試行團練該員似可併交兼管順天府大臣一同派辦又現任直隸鉅鹿縣知縣鄒培經道光二十一年間在西城指揮任內拿獲要案重犯極多但有奉

旨交拿之犯無不如期而獲迭蒙

宣宗成皇帝優加議敘均有案可查如將該員調任京縣

訪拿奸細必能得力可否請

旨交兼管順天府大臣酌量調任伏候

王侍郎奏議卷四

六

聖裁謹

奏

上諭太僕寺卿王茂蔭給事中雷維翰奏京員熟悉團練請飭赴近畿以資防禦一摺吏部候補主事夏家泰舉人夏家鼎內閣中書葉燦華均着發往直隸交桂良差遣委用夏家泰所呈團練各條並着桂良體察地方情形酌辦直隸鉅鹿縣知縣鄒培經着來京交順天府差委欽此

摺片誤字自請議處摺 咸豐三年六月初七日

奏為摺片字有錯誤敬謹檢舉請

旨交部議處事竊 臣等於六月初五日奏請辦理近畿團練摺片內將內閣中書葉燦華章字誤寫華字當時未經看出實屬疏忽理合檢舉請

旨更正並將 臣等交部議處伏乞

皇上聖鑒謹

奏

硃批王茂蔭等著照例議處該部知道欽此

王侍郎奏議卷四

七

論懷慶兵事摺 咸豐三年七月二十日

奏爲敬陳管見恭摺密奏仰祈

聖鑒事竊 臣聞三軍之命繫於一將將得其人則軍用命

不得其人則軍不用命故行軍必以選將爲先

國家簡賢任能豈不欲得人而任然而承平日久軍旅之

事在羣臣既多未學行陣之際非歷試亦無由知能者固

難期不能者亦難辨軍興數載賊氛日熾皆由將未得人

故也乃今將帥之能抑若有可辨者聞懷慶剿賊之兵四

路獨勝保立營距賊僅數里餘皆駐二三十里外是其勇

怯已見勝保所報勝仗皆屬進攻非他路賊至始出名勝

王侍郎奏議卷四

八

實敗武弁一傷十二員之比且所報情形調度瞭然明白
非他路遙放鎗礮紛飾支離令人難解之比是勝保之能
軍又可見今粵賊皆百戰之餘敢以孤軍深入險阻攻城
不克環立十餘營以戰則分頭邀截以守則聯絡相應賊
中國有能者然我軍若四路並進或邀其前或截其後或
搗其中使賊之連營不能相顧似不難一戰而破數戰而
滅乃兵雖四路相持月餘獨勝保屢次進攻而他路之兵
但能飾詞報捷不能出力協剿卽如近日勝保獲勝在初
六日東北正東二股僅托明阿善祿本營之人其餘三營
未聞相助恩華雖亦奏獲勝戰而在初八日其初六初七

等日不過帶說擒斬數十名所稱丹河南岸不知距賊若
千里距勝保戰處若千里施放鎗礮竟爲勝保所不聞則
其遠可知矣查勝保初六之勝頗爲調度得手若恩華於
是日督令大隊會齊進剿似足大破賊營而惜乎施放鎗
礮僅在丹河南岸也而惜乎李德一軍更不知其何在也
勝保進而諸軍不前勝保戰而諸軍不動勝保勝而諸軍
不知鼓舞亦安用諸軍爲耶再查恩華初八之勝令兵過
河燒賊所踞民房是其房並無賊也隔河施放鎗礮火箭
打入賊壘是其時未見賊也過河者爲兵丁隔河者爲遊
擊是遊擊已不敢過河而他更無論也燒燬木城數丈賊

王侍郎奏議卷四

九

匪突出百餘人是此時乃見賊而賊固無多也賊匪直撲
我軍躍馬當先乃一外委則其餘可想矣此時不放鎗礮
是鎗礮於未見賊時已先放盡又可想矣夫恩華督令各
營出戰其兵常有數千以數千兵遇百餘賊若揮軍圍之
則賊必盡若以一軍繞其後乘燒燬數丈之處以攻其城
則城可破而皆不問是其軍無主持是其將多畏縮也本
營打仗如此而他營之不相聞更可想矣夫人各有能有
不能所能者不可沒所不能者原不可強然爲巨室必使
工師治玉必使玉人況軍旅大事安得不任能者軍中得
一能人未必卽足濟事而任一不能人則必足以誤事各

路統兵情形如此總統如訥爾經額遠賊百里接仗情形
尚未得見安能臨機決勝乎夫兵謂之機臨機應變蓋有
閒不容髮者是殆非遠隔百里所能知也且賊計百出不
乘其計之未定協力撲滅坐事遷延事機必且又變方今
能者不易得若得之而不用用之而不使各路之兵皆爲
所用則必不濟用而不能統全局而大勝大破之終亦與
不用等幸得一勝保能既已見用卽宜專伏望
特旨命恩華與勝保合爲一軍恩華爲宗室懿親必有推
賢讓能之美而無嫉賢妒能之心勝保有功卽皆恩華之
功其總統訥爾經額但令遙作聲援不必勉強輕動而其

王侍郎奏議卷四

十

所帶弁兵與各路弁兵均飭聽勝保調遣有畏縮者許以
軍法從事庶可尅期並舉四面進攻矣賊在懷慶如在肘
腋一日不滅北方一日不安不獨各路進剿之兵其費難
計卽京師與直隸東西各省防堵之費亦甚難計擇能而
使行軍勝負之機卽天下安危之機破此一股然後可及
他股伏祈

皇上立奮乾斷勿更瞻顧周旋軍機大臣祁寯藻忠蓋有
餘剛斷不足語言唯恐傷人知勝保之能亦未必卽敢力
言用人大柄專賴

宸裁天下幸甚臣愚昧之衷但有所見不敢隱默謹繕摺

密奏伏乞

聖鑒訓示謹

奏

王侍郎奏議卷四

十一

請寬貸賊中逃出難民摺 咸豐三年七月二十八日
奏為賊中逃出難民請從寬貸以符

恩旨而解脅從恭摺奏祈

聖鑒事 臣伏讀本年正月初八日

恩旨被脅之民不從則先死於賊從之則又死於兵顯愚

何知自罹陷阱古人有云殲厥渠魁脅從罔治朕仰體

上天好生之仁何忍概行誅戮如有被賊裹脅自拔來歸

者不妨貸其一死等因欽此又讀六月初七日

恩旨從前被脅之徒但能改過自新亦可同邀寬典各該

大臣將軍督撫等卽刊刻謄黃徧行曉諭咸使聞知等因

王侍郎奏議卷四

三

欽此仰見

皇上憐載同量矜恤無辜之難民亦已至矣乃近聞步軍

統領衙門挈獲賊營逃回軍犯孫東兒一案經刑部訊明

孫東兒籍隸宛平於元年行竊犯案擬軍刺發浙江安置

本年三月初二日孫東兒因配所窮苦乘閒脫逃沿途求

食四月十九日走至臨淮關附近之二十里鋪遇賊匪千

餘踵至孫東兒腿生瘡疥行走遲慢被賊追獲逼令跟隨

服役不允卽行殺害孫東兒畏懼應允隨入賊營給伊紅

巾裹頭衣服前後各釘黃邊紅布一方更名孫玉幅給帶

腰牌派令在屋煮飯不准出門二十八日四更時分賊匪

欲竄汴梁令孫東兒背負白米雨傘等物隨同起身維時

天色昏黑人多雜亂卽乘閒逃出避至河邊將紅巾等物

掠棄仍沿途求乞於六月初三日到京初八日被官役訪

獲該部再三研訊知非甘心從賊已屬可信因擬照謀叛

案內被脅入夥並無隨同抗拒官兵情事改發新疆給官

兵為奴例從重發黑龍江給披甲人為奴到配再加枷號

三個月以示懲儆仍照刺字完案伏思本年

恩旨疊降皆為脅從可矜特施法外之仁所謂脅從者蓋

被脅而久經從賊之人也此案孫東兒以竊犯在配逃走

自屬有罪然核其遇賊被脅煮飯不准出門迨賊竄汴梁

王侍郎奏議卷四

三

卽乘天黑人雜逃出行乞還京是其被脅煮飯之時已刻

刻存一欲逃之志雖在賊營九日並無從賊之心且賊中

煮飯日可飽餐乃不甘從逆而甘行乞其情可憫其志尤

屬可嘉直可謂之脅而未從刑部辦理此案似宜將賊營

逃回一層謹遵

恩旨寬貸但照逃軍加等定擬聲明請

旨以 臣 意度

皇上雖因逃軍例應加等必且念其不甘從逆行乞歸來

之可矜

恩施格外稍從末減乃刑部未將

恩旨聲敘遠照謀叛入夥從重科斷似已未協夫窮民遇賊非其罪也力不能拒勢無可逃此正

恩旨所謂不從則先死於賊也彼未讀書入仕者安能責以抗節而死但能不甘從逆乘閒卽逃斯其意中知有國家知有王法已可寬貸若復律以謀叛入夥是使遇賊被脅之難民更無可還之路也是使現在賊營之難民益堅從賊之心也且聞金陵揚州解散兩湖脅從之難民不啻萬千將一一律以此法乎抑不律以此法乎現在懷慶軍營於賊中脅從方當招撫之不暇刑部如此辦理尤屬非宜若以爲拘於成例獨不思顯違

王侍郎奏議卷四

古

恩旨乎伏乞

皇上飭刑部將此案卽行改議以符

恩旨再昨日又見北城奏獲賊營逃回之溜于銀子一案聞其案與孫東兒略同而多隨賊打仗殺傷官兵一層將來刑部勢必以曾經殺傷官兵從重擬斬不知曾經殺傷官兵乃所謂脅從也愚民爲賊所脅驅以嬰鋒鏑於前而操利刃隨其後其勢如箭在弦上不能自主但能乘閒逃歸卽屬自知悔罪正

恩旨所謂改過自新可邀寬典者應請飭下刑部均遵

恩旨辦理不必於脅從之中論其是否殺人但當於到京之後察其是否奸細如是奸細雖未經殺人亦當殺如非奸細雖曾殺人亦可寬夫賊營逃回一二人臣豈有意力爲出脫第思罪一二人之事小阻千萬人逃歸之心則所係甚大故非獨大辟重罪不可問卽徒流以下亦不可加一加之罪卽非脅從罔治之義卽非

王侍郎奏議卷四

五

有欲歸者聽聞者必不敢歸賊反可借此以示恩矣殺一人而足以寒賊膽者則必殺如王孝之爬城是也殺一人而足以快賊心者則必不可殺如孫東兒等之逃歸是也所貴能殺賊者殺賊中未來之人耳已來則所謂既入其莖矣又何罪爲或謂人來賊營難保無受賊指使暗作奸細情事雖不宜加罪似不可不孥不知賊之裏脅徒眾不過以供驅使攜鎗礮耳豈遽任以腹心耶奸細秘密必其信任之人裏脅者安得與聞安能代做雖人自賊營逃回在地方官既有所聞不能不問然此時所重唯在奸細一層賊自鳳陽以至懷慶沿途裏脅不知凡幾得聞

恩旨將來陸續逃回鄉里人等正恐不少若皆一一拏交刑部未免多滋擾累非

恩旨特降本意應請

飭下步軍統領順天府五城將前奏

恩旨重行宣布出示曉諭凡有在京商民人等因事出外被賊擄脅旋即回者准其自行呈明邀同親族出具不甘從逆不做奸細如違連坐切結免其拏問即有未行呈明致被拏獲者但有親族敢為出結即可釋放仍責保甲人等留心訪察如照常各執生業毋許擾累如此辦理斯恩旨允孚而賊中被脅之徒咸願逃歸矣臣愚昧之見伏

王侍郎奏議卷四

六

乞

聖鑒訓示謹

奏

申論懷慶兵事片 同日

再臣於本月二十日因上封奏荷蒙

召見諭知一切仰見

聖明洞鑒千里如在目前

廟算無遺決勝自易臣實不勝欽服唯四路進攻一層臣退歸尋思尚有欲行上陳者臣質性至愚本不知兵竊嘗以作文之法推之凡文之前後起伏照應奇正相生虛實相間必以一意行之而後卷舒能一氣若以數人分段為之即不相聯貫不能成文用兵之道殆亦如是如一人通籌全局某處宜先攻某處宜後攻必應先有分別迨意中

王侍郎奏議卷四

七

注定宜攻之處或先從攻處入手或不從攻處入手而轉從不必攻處入手又必先有成謀至定何處入手矣何處宜埋伏何處宜照應以至奇正虛實之處莫不各有其宜此未戰之先所謂謀定而動者已應如此至出戰而後臨機應變出奇無窮則尤所謂運用之妙存乎一心若兵歸各路不由一人調度雖約定期日同時進攻如文之篇幅相聯而意勢不相聯終不足以成文故札營不妨分各處進兵不妨分各路而調度必須歸一人方足以期得心應手伏見二十四日

諭旨內訥爾經額恩華所奏獲勝情形業已各路會合仍

未破一賊營未見十分得力且聞河南人言官兵多不打仗專守清化鎮清化固屬緊要然能剿賊則清化自無賊來不能剿賊則清化亦豈能守聞清化距丹河二十里兵行二十里而戰則足力疲而人亦全乏得力自難且丹河距懷慶又二十里賊營緊繞城外恐丹河未能望見勉強至此似屬無益現在懷慶城內糧已將盡急不可言若不迅速解圍勢將難保况聞山陝巡撫均非能軍之才多不足恃懷慶稍有疎虞西北各省恐不可問想
聖心自有主裁而臣實不勝過慮謹將愚昧之見附片密陳伏乞

王侍郎奏議卷四

九

聖鑒謹奏

再請寬貸脅從以信 恩旨摺咸豐三年八月初六日
奏為請寬脅從再行瀆奏恭摺仰祈

聖鑒事臣聞人主能聽言而不能使臣之必言不可謂真能聽言之主人臣能進言而不能致君之必聽其言不可謂真能進言之臣臣於上月二十八日奏賊中逃回難民請從寬貸以符

恩旨一摺迄今數日未奉

諭旨中心惶迫夙夜難安伏念賊營脅從難民本年自正月以來疊奉

恩旨許以自拔來歸均從寬貸今遇賊被脅逃回之人復

王侍郎奏議卷四

九

拏交刑部治罪是使

恩旨不信於天下矣夫信國之寶也民無信不立聖人雖至去食去兵而終不敢去信以

皇上之聖明豈不知此想

聖意固自有在或俟瀆于銀子案刑部議奏再行

加恩或以賊中逃回之人究難保無奸細雖臣摺前曾申辨尚有未能釋然於

聖心者臣思刑部審辦一案類須經月若使案定則孫東兒之發遣已遠而瀆于銀子之受刑已多雖再加以

恩施似仍未符

恩旨若以此中難免奸細則臣竊謂可以無慮臣前摺特詳賊情斷其必不信任今請更徵往事亦覺自來未聞伏讀川楚案內嘉慶四年

仁宗睿皇帝諭旨惟是教匪迫脅良民及遇官兵又驅爲前行以膺鋒鏑甚至剪髮刺面以防其逃遁小民進退皆死朕日夜痛之其宣諭各路賊中被脅之人有能縛獻賊首者不惟宥罪兼可邀恩否則臨陣投出或自能逃散亦亦必釋回鄉里俾安生業難民無田廬可歸者勒保卽督同劉清熟籌安置如何資送還農如何編丁占籍相度經理並先徧諭川陝楚豫地方使咸知朕意等因欽此又奉

王侍郎奏議卷四

三

諭旨教匪奔竄數省嘯聚十餘萬大半附和脅從斷無邪教如此之眾蓋併教之與從逆情罪輕重殊科其邪教本律除倡首傳徒之犯例應斬決外餘止遞減流徒至其焚香奉佛持齋誦經尤律所不禁乃州縣吏藉查邪教爲利藪任胥役之嚇詐以一人累多人以一案牽多案公差回出暮夜捕人幾與查辦叛逆無異自後查辦邪教其投出難民回籍之後不得動以川楚邪黨妄行處治等因欽此臣竊思之夫所謂臨陣投出之人非自行逃回者比也至投出回籍之後而猶焚香奉佛持齋誦經則尤可疑此中豈能保無奸細而當日安置之資送之禁不得查辦處治

如此此皆見於

聖諭者又嘉慶元年川督破龍山之賊於旗鼓寨將投出三千餘人誘入城坑之四年七月事覺

仁宗睿皇帝以教匪強半脅從何以終不就撫聞湖北殺旗鼓寨降人邀功諒各路若此者多堅賊黨從逆之心失朝廷招撫之信

命將川督禩職遠治又嘉慶六年副將蕭福祿剿賊渭北生擒一千二百餘人時山上多脅從難民蕭福祿不宣諭招宥卽圍攻蹙之

詔盡釋所俘千餘人降蕭福祿參將時渭北久旱

王侍郎奏議卷四

三

詔至卽雨臣又竊思之賊中降人必爲攻剿所迫勢無可逃而後降者此與自行逃回已屬不可同語至生擒者則並降意無之其爲奸細尤屬可慮乃當日於殺降者遠治之於生擒者盡釋之初不慮其爲奸細也而亦不聞其爲奸細也而盡釋之

恩詔一頒久旱之甘霖立降天人交感如此其速也是則賊營逃回之不能爲奸細已可無疑方今逆賊披猖到處蹂躪各省大吏不足恃各路將帥不足恃各營兵力均不足恃所恃者

列聖之深仁厚澤久深入於民心

皇上之愛民如子又固結乎民心民心實服我
國家也然而數年以來民苦於賊又苦於水又苦於貪黷
之地方官兼之兵馬之過境不能不資於民團練之經費
不能不出於民軍餉之捐輸不能不藉於民所以固民心
者獨賴

皇上恩旨疊頒讀者咸知感頌

皇仁耳若

恩旨有不信民心其尚可固乎民心不固天心其尚可恃
乎臣愚伏願

皇上敬

王侍郎奏議卷四

三

天

法

祖前以

祈穀壇大祀

恩旨特頒今當

社稷壇大祀再將

恩旨重行宣布將孫東兒消于銀子不待刑部定擬立行
改釋臣知必萬姓歡呼

天心感應逆賊可計日滅矣釋一二人之事雖小而所關
甚大謹竭愚忱再行瀆奏伏乞

聖鑒訓示干冒
宸嚴罪無可追然受
恩深重不敢逃避臣無任戰慄待
命之至謹
奏

王侍郎奏議卷四

三

論揚州兵事片 同日

再臣思自七月來揚州疊報勝仗似為可喜惟查所報獲勝情形類皆由賊之出力行抵禦計自六月二十七日起至七月二十三日止如所稱賊匪竄出某門經官兵擊退某門內突出賊匪經官兵迎擊或稱某門某地有賊縋下者約近十次而其賊或數人或數十人或數百人千人不等觀賊零星陸續作為竄逸之勢殆故為此以嘗我欲使我見所出之不多屢出之不果而懈不為備抑或故為多方以亂我使不知其意之所向均未可定賊情詭譎自三月後並未大受懲創未必窮蹙思逃賊果欲逃必有聲東

王侍郎奏議卷四

三

擊西明修暗渡情事當非似此光景恐係蓄養已久另有奸謀伺我之隙而出若統兵大臣狃於所見將來一旦大肆闖出恐不能禦應請

飭各統兵大臣細察情形以揣賊計之所出早為籌防至賊出雖不知其期計終必出賊出必及安徽安省江北有防而江南無防沿江一帶如蕪湖魯港荻港以及池州所屬各要隘並無一兵一勇防守若被賊竄又將蔓延難收且浙江蘇常亦多有路徑可通南北兩岸必處處設防原有所難况兵分力單防亦無益宜令該地方官竭力設守再於水陸兩路各派一智勇之將管帶數千兵作為遊兵

往來偵探專伺賊之所向飛行截擊水陸協剿有此兩路截擊之兵可藉得力斯各處防守之兵亦敢出力應請並飭各統兵大臣妥籌辦理實為幸甚謹附

王侍郎奏議卷四

三

請將葉燦章桂清佟攀梅發交軍營差遣片 同日

再臣見內閣學士勝保屢因軍營差委乏人請員臣於六月所保試辦團練之內閣中書葉燦章初本不識其人但見其防禦論似多身親閱歷之語訪知為廣西人意其於團練必曾親歷是以保其試辦自奉

旨發往直隸後曾與該員見過數次詢以在廣西鄉間情形據稱當辦團練時屢與接仗因該處知縣與為同心頗多獲勝言及行開軍務一切似頗習諳現聞保定於團練一事尚無辦理章程該員在彼月餘殊無所事又新授安徽甯池太廣道桂清前奉

王侍郎奏議卷四

三

旨交納爾經額差委現懷慶圍解北兵可撤可否請

旨將該二員交勝保帶赴江南以資差委伏乞

聖裁又聞有已革參將佟攀梅漢軍旗人戊戌科一甲二名武進士武藝優長箭射尤準隨賽尙阿赴廣西曾以軍

功

賞戴花翎因與烏爾泰意見不合被參革職現在廣西未回廣西賊匪原未淨盡請

飭該撫查看如該省不用似可令赴江西交江忠源差委有用之材棄置似為可惜謹附

奏

請將察哈爾調到兵馬資送回牧片 同日

再臣聞前調察哈爾兵馬到京時由城外赴

南苑人爭趨看見其兵丁多形怯弱馬匹亦瘦且兵在馬上間有控鞍若惟恐墜者間有竟墜下者此種兵馬似僅可壯聲威難濟實用現所調馬五千匹臣在衙門見已報倒斃一千二百五十餘匹蹄腿受病不能乘騎者又六百匹兵丁病故者雖未得確數然聞亦不少水土不習殊堪憫惻現在懷慶圍解似可善刀而藏且省糜費應請乘此即行

飭令早為資送回牧保全實多謹

王侍郎奏議卷四

三

奏

王侍郎奏議卷五

寺稿下目錄

請飭拏辦昱嶺關等處土匪摺咸豐三年八月二十一日

請飭徽州知府馳赴婺源防堵片同日

請飭山陝統兵各員逼勦片同日

請飭廣東選派師船入江會剿片同日

請將郭維鍵交巡防軍營差委摺咸豐三年九月十六日

請催楊熙赴江忠源軍營片同日

勸諭京城鋪戶聯絡保護片同日

請催僧格林沁迅速赴勦摺咸豐三年九月二十一日

王侍郎奏議卷五目錄

請官收買廬州米石片同日

請將臧紆青隨同呂賢基辦團摺咸豐三年十月初二日

條陳兵事摺咸豐三年十月十二日

殉難士民請旌摺咸豐三年十月二十三日

請禁收漕規費片同日

保本籍人員回省帶勇摺咸豐三年十一月初十日

請飭拏辦昱嶺關等處土匪摺咸豐三年八月二十一日
奏為請遏土匪之萌恭摺奏

聞請

旨事竊臣於四月二十三日因聞浙撫以兵二百名守昌化之昱嶺關其地去臣居四十里曾附片奏陳該處名為浙與安省交界之所實與徽之歙縣交界逆賊在安省江北不能遽由此路入浙且該處昌化於潛一帶地瘠民淳匪徒雖不能無然未聞如盧鳳百十為羣之事請飭該撫令地方官立法以拏土匪懸賞以緝游匪無庸以兵防守虛糜餉項詎本月十七日接到家信稱七月初九

王侍郎奏議卷五

日有杭州信足五人帶洋錢信物三擔於午未間行過昱嶺關里許突見山林中跳出匪徒十餘人持刀截阻刀傷二人將擔劫去該信足等奔十餘里至老竹嶺腳村莊鳴保喊救該村邀集多人尋踪追捕當日傍晚即於窮崖絕壑中拏獲匪徒六人次早聞該處附近百丈崖下有匪二人一已跌斃一傷而未斃逃往昌化之都亭地方當時將拏獲六人送縣究辦供出此案共十三人黨與共有二十餘人多係鄰近州縣匪徒現來三十餘人分爲兩班一班在昌化臨安縣地方一班在昱嶺左近地方均做小本營生使人不疑臣見信不勝駭異伏思該處為由杭入徽咽

喉之地竟有匪徒潛聚圖謀截劫白晝肆行實屬從來未有若不趁此初起將獲案之匪根究黨與姓名住址全行拏獲將來必致愈聚愈多不可撲滅徽人全賴出入謀食儻歸路不通卽全郡待斃現聞江西之賊分竄饒州樂平緊逼徽界與前此情形不同若兩省地方官因臣奏逆賊不由此路遂連土匪亦置不問則臣不但有誤

國家並且貽害鄉里臣之負罪實重伏乞

皇上嚴飭安徽浙江各巡撫轉飭各該府縣將此百餘土匪悉數捕治以遏其萌其捕除之法費用土人卽如現在之案亦賴土人趕緊追捕立卽拏獲若俟差役捕治則曠

王侍郎奏議卷五

二

日持久匪已遠颺且該處多山深石陡人跡罕到之處差役斷不能到應請

飭各該撫令該地方官無庸官兵無庸官役但將三月十四日所奉捕獲搶劫土匪卽行正法紳民合力緝拏格殺勿論之

諭旨於土匪出沒之處廣行宣布重立賞格令該處附近村莊有能捕獲者照格重賞期以必信如此則土人必出力搜捕而匪不敢停可以截匪之流至現案供出有姓名住址之夥黨卽責令該匪等所居地方之祠族立限交人期以必獲如此則各地方一有匪類必卽送官究治而匪

不敢出可以清匪之源該地方果能照此辦理不但土匪可清卽逆匪勾結之弊亦可以杜各縣辦理得力者卽行奏請獎勵臣爲情迫鄉里激切上陳伏乞

皇上聖鑒訓示謹

奏

王侍郎奏議卷五

三

請飭徽州知府馳赴婺源防堵片 同日

再^臣聞現在江西逆賊竄擾饒州樂平等處該處與徽州之婺源祁門緊相連接徽處萬山之中四面交阻之處多有崇山峻嶺天險可守守徽州與他郡不同他郡務在守城垣徽州務在守邊界邊界守得住全郡可保若邊界不守全郡即將糜爛城垣卑薄亦斷無能保之法本年自春以來^臣登以此意致在籍紳士江西有警務請本府赴婺源祁門督辦團練防禦乃至今僅聞休祁兩縣竭力設防而婺源無聞知府亦未曾到祁婺源等處若知府坐守府城置邊界要隘於不問將來勢必不保相應請

王侍郎奏議卷五

四

旨飭安撫飛劄該府馳往婺源力辦防堵實為幸甚謹附

片奏

請飭山陝統兵各員逼勦片 同日

再^臣伏讀

上諭知勝保已繞出賊前可以扼賊北竄惟恩華等督領大兵雖云計日可到究未知在何日若稍事遷延平陽城大而固設賊匪布置周密勢又難以攻破兵貴神速伏乞皇上嚴限諸將以必到之日到即與勝保等合力圍攻勿更似懷慶之遠駐隔河四十里外實為至急至賊在懷慶人人知其必竄山西以西路虛而哈芬不足恃也今大兵率由東南兩路追勦或繞向北路迎截必無暇計及西堵陝省為富厚之區亦形勝之地其毗連山西之各關各渡

王侍郎奏議卷五

五

處處可通分兵設防不如扼要堵截蓋兵分愈單名為無處不防必至無處能守若聚各防兵以扼其要則兵力既足以守而餘處亦無庸防聞陝督駐紮陝西距賊固屬甚遠即桂明駐守潼關亦未得力潼關之上為大慶關等處地勢平衍無險可扼雖經張祥河派委道府帶兵往守桂明亦分兵協防但延袤幾三百里斷難節節堵禦惟有過河扼其來路則沿河一帶皆可無虞且令賊知平陽西路駐有大兵必不敢覬覦秦蜀相應請

旨飭令舒興阿移駐山陝交界近地如蒲州等處即入陝之咽喉並令桂明過河紮營作背水陣為有進無退之計

則賊匪聞而膽落並望

飭下納爾經額速調官兵防守平陽西路毋令再蹈懷慶之轍方可一鼓殲除自來各省言防守者緊要之地不過派委員弁兵卒無多其大員率擁大兵駐紮遠處爲藏身之固以致賊到即破此時各路防守大員務令通緊駐紮既可大壯軍威尤便相機協勦若有以離賊遠處爲必宜守者即係飾辭以遂其畏縮之情各省故智必不可許自更難逃

聖鑒再聞懷慶賊之竄垣曲並非一日未敗之先早已零星陸續而行故賊竄時不見多一入山西境即見多也現

王侍郎奏議卷五

六

在山陝交界各關津渡口務令嚴密盤查非其地者勿使混過防守各兵亦宜時出巡哨以緝游匪與敗逃之匪並偵探消息乘機出力以圖進攻毋徒安坐不動實爲幸甚至賊匪屢見坐黃轎之頭目恐其有詐或故爲此誘我兵爭往兜圍而真頭目反乘間逸去似亦不可不慮賊情叵測即兵丁爭搶旗幟器械以圖報功亦恐非行軍所宜想統兵各大員諒皆等及_臣愚昧之衷偶有聞見敬以上陳伏乞
皇上聖鑒謹
奏

請飭廣東選派師船入江會剿片

同日

再_臣聞江南省城久未攻復之故定由於水師無兵無船不能制之於江面自金陵達江西長江千里賊艇往來任意沿江各郡恣其蹂躪糧以搶掠而不斷眾以裹脅而愈多悉由於此此時若造船禦敵恐需時日鄰近如浙江水師最爲軟弱亦復無船可借閩洋現值有事之時惟廣東水師二萬餘名歷年操練捕盜打仗最爲得力船勇亦多驍健善戰於水面剿賊最宜合無仰懇

王侍郎奏議卷五

七

天恩飭下廣東督撫臣迅調水師官兵三千名多帶洋礮大礮配足火藥鉛丸軍械簡派得力之水師將弁管帶迅由海道吳淞福山各口會赴江南合剿其師船不能入江即將前此向榮大營請調之廣東拖船快蟹紅單等船駛入長江應用各船有遲滯未經起程者催令迅即出洋有船小不能出洋者令水師船隻帶往有中途逗遛者令沿海督撫飛提嚴催尤祈
諭知廣東督撫臣不分畛域毋得藉詞推諉總期速赴大江將賊船盡數轟擊焚燬則江南江北兩岸之賊不能互相援應而江西安徽境上之賊船歸路亦斷勢必如鳥獸散矣曠日持久而費不支不如厚集兵力以博一戰可期迅告成功_臣愚昧之見伏乞

皇上聖鑒謹奏

請將郭維健交巡防軍營差委摺咸豐三年九月十六日
奏為請保軍營人員並呈條說恭摺仰祈
聖鑒事竊維行軍以將帥得人為先而尤以廣儲羣材為
要現在

天討特申

命惠親王為奉命大將軍僧格林沁為參贊大臣總統諸
軍固已聲威大振指日即可掃盪妖魔惟軍務在在需人
必兼資於羣策羣力茲訪有前任工部主事現揀發湖北
知州郭維健係四川進士該員素性樸誠留心武備前於
道光二十一年因曠夷肆逆在部呈遞平夷車礮火攻圖

王侍郎奏議卷五

八

王侍郎奏議卷五

九

說經工部堂官代奏軍機大臣傳奉

宣宗成皇帝諭旨這圖說狠好狠費心了圖說交本人帶
往軍營交揚威將軍閱看當面商酌圖說封好了不教人
看欽此該員前赴浙江軍營幫辦文案製毒火藥管帶鎗
勇在營有案三十年四月在部呈遞未雨綢繆論請行團
練修武備操水陸軍兵未經堂官代奏咸豐元年在部呈
遞密務論並團練事宜十二條又經堂官代奏在案查該
員前後所上論說事宜雖未盡用然其平日留心時務講
求武略思患預防之心已可概見該員現揀發湖北以知
州用湖北現尚無事該員前往不過聽候差委當此軍務

需人之際但有一長可取卽屬有用可否請

旨將該員交大將軍察看差委恭候

宸裁又福建舉人林昌彝近因呈進三禮通釋奉

旨著以教授歸部銓選該員學問固屬優長而於濟時之

務尤多究心前因暎夷滋事曾著有破逆志四卷平賊論

二卷及平夷十六策近見粵匪肆擾又擬有軍務備採十

六條該員體質荏弱難任差委謹將十六條抄錄恭呈

御覽請

旨發交大將軍以備採用愚昧之見伏乞

聖鑒謹

王侍郎奏議卷五

十

奏

上諭太僕寺卿王茂蔭奏保舉軍營人員一摺揀發湖北

知州郭維鍵仍著前赴湖北原省毋庸交巡防王大臣差

委欽此

上諭太僕寺卿王茂蔭奏福建舉人候選教授林昌彝所

著軍務備採十六條並繪圖式呈覽等語著交巡防王大

臣閱看以備採擇欽此

請催楊熙赴江忠源軍營片 同日

再臣聞現在安徽告急江忠源尙未趕到 臣前保刑部主

事楊熙回籍募勇於五月十八日奉

旨准其回籍募勇投効軍營該員於二十四日由京起程

計此時當已自川帶勇在途請

飭四川總督暨湖北江西各巡撫查明該員無論行抵何

處卽行催令趕赴江忠源軍營隨往安慶廬州等處協力

勦賊似亦可資指臂之助謹附

奏

王侍郎奏議卷五

十一

勸諭京城鋪戶聯絡保護片 同日

再臣思此日事勢以安民為第一要義而欲民心之安必先予以安之之法自賊匪竄入直境愚民未免驚慌不慮逆賊之外來先愁土匪之內擾蓋外城與內城不同內城猶多土著比戶相依外城則五方雜處有業鋪戶雖同在一街市者平素絕不相聯間遇火盜等事惟該戶等自行搶救鄰近街坊非袖手旁觀即閉戶不問蓋聯絡無素往恐見疑且盜有器械民無器械盜有黨與民無黨與往尤懼害非人情之不欲救援寔民心之不敢救援總由素不聯絡以至如此至於無業游民不呼自集如上月西珠市

王侍郎奏議卷五

三

口居民失火倏忽之間即有短衣徒手之人千百為羣擁擠雜沓大半皆希圖搶掠是以民情處無事時則恬然相安遇有事時則惶然難安今欲為安民之法必得古人守望相助之意近見五城辦理保甲章程令各戶各出壯丁一名無事各安生業有事互相救援用意甚善惟事屬創始無人為之倡率恐其罔所遵循臣住宣武門外大街特邀集大鋪戶十餘家以五城之意告之察其願否各鋪戶聞臣所言係令其自相聯絡以為保護咸欣然樂於從事臣見其並不驚疑因令大鋪戶再往勸眾鋪戶兩日之間通街傳徧無不踴躍願從看此情形守望相助之法實足

以順民情而安民心此法若行從此賊盜偷竊之事似可少弭即如上年老虎洞搶劫之案亦因街坊莫敢過問是以賊盜得以肆行若盜劫一家而通街左右各家皆起救援兩頭從而攔截之盜亦何由而逃臣擬將通街各戶聯絡既定告以條約即將辦理章程報明步軍統領五城衙門立案備查如官紳商民人等有願倡率為保衛計者亦令仿照辦理事既甚便於民亦且有益於官伏願皇上俯順輿情允準照辦於安撫民心之道實有裨益臣愚昧之見是否有當伏乞聖鑒訓示遵行謹

王侍郎奏議卷五

三

奏

請催僧格林沁迅速赴剿摺

咸豐三年九月二十一日

奏為敬陳管見恭摺密奏仰祈

聖鑒事竊臣聞行軍之道貴揣敵情尤貴審己力所謂知己知彼百戰百勝逆賊北來意在窺我虛實以圖大舉入寇觀其屢次窺竊渡河竟由溫而至懷慶迨為勝保所迫勢不能北乃入山西由山西曲折奔馳不窺陝境而仍窺直境其情可見臨洺不守我

皇上赫然震怒將訥爾經額恩華褫職逮治

特簡重臣親頒將印統全軍而會剿期剋日以蕩平

威命一宣固已萬姓歡頌加以參贊大臣僧格林沁於受

王侍郎奏議卷五

古

命之日即奮兵而過良鄉志將滅此朝食參贊出而前放之統兵大臣培成多爾濟那木凱達洪阿等無不隨出其勢足以吞賊而有餘天下翹首仰望以為數日之間賊必盡滅所謂兵貴神速者參贊實為得之不意行至涿州遠聞紮營迄今十日各路皆不前進京師消息縱極慎密奸細亦必偵知賊自初六渡河其遷延於深晉之間而不遽來者亦料我之必有大兵也至大兵出而不見動靜賊有以知我之勇怯矣臣聞參贊謀勇優長想其在涿自有深意非尋常所能窺若欲遂為防守則竊謂非計自逆賊竄出廣西至今皆為守宇所誤遠而衡岳近而臨洺何處

不防何處能守此前車之至鑑夫守所以防賊來我能殺

賊賊從何來我不殺賊賊來又焉能守向之言守者皆怯

也且守亦必審時勢果使賊眾我寡賊盛我衰鋒不可當

力不能制因而持重以老賊師疲賊力待賊糧盡然後一

舉滅之此亦有說今賊自懷慶竄逸止於數千即有裒脅

亦不過萬而我軍不啻數倍是賊寡我眾也賊既屢敗又

奔馳數千里其眾已疲憊不堪而我軍蓄銳既久一鼓作

氣是賊衰我盛也我方操此二勝算而賊以疲憊無援之

孤軍遠來送死不即滅之而何待耶况戰則利在我而守

則利在賊時至今日有萬不可以言守者賊住一日既可

王侍郎奏議卷五

五

養息亦便裹脅我住一日銳氣日墮精氣日銷賊人所過劫掠行不持糧我軍需餉甚繁部庫告匱坐守一日糜餉不知若干設賊不遽來亦不遽去進不敢戰退不敢撤如此數月餉絕兵潰不待賊至而已自困矣違言守乎今為守之說者必曰剿賊可任之勝保耳夫勝保之卒在懷慶攻剿兩月餘在山西又奔馳月餘其力亦至疲矣臣聞善御馬者不竭馬之力善用兵者不竭兵之力勝保之竭力如此臣竊慮之就令勝保常勝亦恐能勝之而未能滅之蓋單騎進剿賊可避而狂奔設北來之賊由山東而南竄南方之賊破廬州而北來兩路會通縱橫東豫則天下更

不可問矣總之此番之賊斷不可使有一人得返有一南返賊必輕我而更來為今之計賊方以怯疑我即因其情而用之願

皇上密飭王大臣等明發號令按兵防守陰選敢戰之將敢死之士數千人潛師疾趨晝夜兼行離勝保營數里駐紮暗與會合俟勝保攻戰急時陡出參贊旌旗揮兵直出賊眾狃於官兵逗遛之積習必不料我驟至一旦出其不意不啻從天而降於驚惶失措之餘一鼓滅之使各路之賊咸知

大皇帝之威靈參贊之謀勇京營勁旅之利害心悸膽慄

王侍郎奏議卷五

去

不敢更生北竄之念矣若專以剿賊之事委之勝保竟使勝保即能滅賊而大將軍與參贊不出一奇不動一勇使賊知勝保以外我更無人將來賊眾必且大至恐非防守所能禦也伏乞

皇上宸謨獨運迅賜施行殄既來逆黨之氣戢未至匪徒之志滅賊壯威在此一舉臣受

恩深重莫效涓埃目擊時艱不堪再誤謹將管見所及繕

摺密陳伏乞

聖鑒訓示謹

奏

請官收買廬州米石片 同日

再臣聞安徽廬州各屬秋收頗稱豐稔其上熟之處每米一石糶錢僅六七百文次者亦不過千餘文向來該處餘米專恃江蘇銷售現在江路多賊船往來而商民冒險載運屢遭擄劫而不止者以捨此處無銷路也多米之家有米無從易錢若以官票加價收買亦所甚願此該處人言如此請

飭戶部速發官票十萬兩交署安徽撫試行採買以給兵食並免被賊搶劫倘官票部發不及即請

飭署撫先行出示採買發給藩庫實收俟官票到日再行

王侍郎奏議卷五

七

補給謹附

奏

上諭王茂蔭奏請飭部發給官票交安徽省採辦米石等語著戶部速議具奏欽此

請將臧紆青隨同呂賢基辦團摺

咸豐三年十月初二日

奏爲請破格用人以期得力恭摺奏祈

聖鑒事伏讀

上諭前據周天爵保奏江蘇舉人臧紆青當有旨令其督帶練勇協同剿匪茲據奕經奏該舉人剿匪甚爲得力著以通判畱於安徽補用欽此仰見

皇上簡用才能不拘資格至意然臣竊以爲如此用臧紆青恐猶未足以資得力也何則臣聞臧紆青才氣甚大不能謹守繩尺以受約束其在宿遷辦理團練可以盡其才力之所能至無人得而牽掣卽與周天爵協同剿匪周天

王侍郎奏議卷五

六

爵唯言是聽是以能於得力今以通判歸於安徽補用安徽府道以上之員皆得而鈐束之安能任其所爲且其所辦團練多其鄉里宿遷之舉人得而督率之安徽之通判不得而督率之也若去其團練而專用其人是翦其羽翼爪牙以使歸於無用矣臣愚以爲莫若令其督率練勇隨呂賢基協同剿匪呂賢基熟悉其性情才力自必樂爲所用俟其剿匪大著功績再令保奏請

旨破格擢用以嘉其勞方今所患在無將才然天下未嘗不生才不在於上則在於下凡處鄉而能團練數千人唯其所用者其人皆有將才之人也以有將才之人而交與

無才之人用上旣不知所以用而下又不樂爲用則有用亦歸於無用矣卽如前任副都統德順現放安徽道桂清二人皆能奮勇殺賊者內閣中書葉燦章在廣西率練勇破賊頗能調度有法者若令合爲一隊使之與勝保協力剿賊必能見功自發交直隸差遣直督不知所用遂使至今無聞有用者之歸於無用卽此亦可見一班矣伏望

聖鑒訓示謹

王侍郎奏議卷五

九

條陳兵事摺 咸豐三年十月十二日

奏為敬陳管見恭摺仰祈

聖鑒事竊 臣於本月初二日蒙

賜召見

詢及防守事宜 臣學識淺陋又拙言詞雖有所陳意多未

盡退而審察時勢尋思博訪謹再擬所急六條敬呈

御覽以備採擇

一請嚴重偵探也行軍耳目專在偵探偵探得實勝算便可先操乃前聞直督以賊至蠡縣誤勝保晉撫以賊至五台誤勝保使勝保疲於奔馳致狂寇得以竄擾而未聞將

王侍郎奏議卷五

三

誤報之人嚴正軍法於是各處偵探率多捉影捕風聞達洪阿多爾濟那木凱所帶之兵極為精銳自深州賊竄黃夜追從到保定者兩次走千餘里未見一賊未打一仗軍心遂生怨怠皆由偵探不真所致夫探報軍情為行軍第一關鍵而乃齟齬如此是雖殺猶不足蔽辜而可置之不問乎然有重刑在後必有重賞在前使殺之而不能怨若於此而惜賞惜刑則雖悉索弁兵竭盡糧餉均成無用此不可不急講也

一請優獎鄉勇也聞長蘆鹽政文謙天津知縣謝子澄能得民心自上月聞賊將近該縣即督率練勇於二十七日

迎擊一次二十八日晝夜連打三次多係用打野鴨鎗者得力本月初亦聞打有勝仗疊次殺賊不下數千自天津來者言其頭目姓名情狀到處傳說眾口一詞前此賊在遠而民惶然今茲賊在近而民轉帖然者以為天津練勇足恃也而總未見奏報此而不保何以勵人才而作士氣應請

飭文謙即行據實保奏勵一處之縣令即以作各處之縣令勵一處之團練即以作各處之團練果使處處如此逆賊復何所容於天地乎

一請選將速剿也自上月來

王侍郎奏議卷五

三

皇上特命將帥不少矣至今月餘尚未有與賊接過仗者兵貴神速自古言之賊所至輒築土城為拒守計待其築既成而攻之則難及其築未成而攻之則易今聞又在靜海築城矣不於其未成而攻之更何待耶專恃勝保之疲卒諸臣何以自安 臣愚以為凡人之能不能有定斷難強不能以為能若不問其能否而以名位所在責其能軍誠恐有名無實如近所聞賊至天津總兵懼欲逃而敢督戰能殺賊者乃在知縣總兵者武職大員也知縣者文職小員也由此觀之事固存乎其人而不可以資格論矣伏願

皇上用人不論名位但問其能再試其膽有能殺賊敢向前者卽用以帶兵不交與不能不敢者以鈐束之斯奮勇直前之人出而進剿速矣

一請約束兵丁也臣聞賊兵行動隊伍整齊約束不亂掠城邑而不掠鄉村劫富戶而不劫小戶將到之處先有數人鳴鑼令各戶關門市賣食物之店令其開門平給價值交易故賊至尚不盡閉戶官兵所至全無紀律混肆搶奪遂至街市全閉人亦潛逃雖達洪阿之兵亦不免此皇上疊降嚴旨而帶兵之官總苦不能約束蓋能約束兵丁之員卽能與賊打仗之員也

王侍郎奏議卷五

三

一請發給兵餉也聞現在各路兵餉多不時給一月僅能先領半月之餉再欲領後半月則發給不知何時通州巡防之兵衣服典質殆盡屢催糧臺不能應臣以爲當此用兵緊要之時兵不用命必宜正法而兵餉必宜優給雖盡發內帑亦不能顧若用其力而以飢寒迫之是徒驅之就死地而於

國事尤大有害必爲節省之計但可裁減兵數不可裁減糧餉蓋士卒騰飽一人可敵數人凍餒之餘數人不敵一人也臣聞盛京之兵在天津賊將至而先與民鬪吉林之兵有從賊爲前驅者經天津拏獲三人

國家養東三省兵數百年似不應有此或者現在養有不足此不可不籌也

一請防兵巡哨也現聞近京四路均經設兵防守矣然安坐不動未免懈怠軍心應請飭各路統兵大員閒日帶兵出巡一次或三十里或五十里使兵丁習隊伍悉路徑並以審察地利何處可以扼要何處可以設伏不獨爲將者胸中瞭然卽弁兵亦可不迷所向遠近或有土匪亦且聞而震懾不敢妄生他想矣以上六條似係目前急務臣愚昧之見是否有當伏乞皇上聖鑒訓示謹

王侍郎奏議卷五

三

奏

殉難士民請旌摺 咸豐三年十月二十三日
奏為請

旨旌表殉難士民以彰義烈而勵人心事 臣維成仁取義
正氣自屬常存致命捐軀庶人尤稱匪易比來匪徒肆擾
荼毒烝黎凡夫死事職官陣亡兵弁莫不仰邀
賜卹渥荷

恩施近於九月二十日復奉

諭旨地方文武官及紳士人等被害較烈各員已經給予
卹典者再行分別酌議加贈予諡或入祀昭忠祠未經奏
報各員著各該省督撫迅即飭查被害情節奏請獎卹等

王侍郎奏議卷五

五

因欽此

皇仁所被至優極渥洵足作士氣而慰貞魂矣惟思賊匪
自離西粵狂竄南方稽天討於三年煽毒氛於數省凡被
難地方士庶人等或負義不屈而致戕或被脅不從而遭
害甚或全家罹難闔室自焚雖智愚貴賤之不同實節義
忠貞之無愧此固

國家厚澤深仁之所致要亦下民歎天率土之真忱我
國家勸善褒良凡平日節婦義民無不仰叨
欽獎則此時忠魂毅魄尤宜上荷

旌揚 臣聞向來各省死難士民

恩許建祠合祀其被害最烈者或從優另予封表今殉難
士民忠貞自矢外省均未查辦日久恐致淹埋合無仰懇
皇上飭下各督撫悉心詳查於遇賊死節之士民婦女等
有姓氏可查者悉查明題請

旌表准予祠祀實係無姓氏可查者則統書難民總牌附
祀其中或有蹈節最著被害尤烈者另行優請
旌卹之處出自逾格

天恩俾守義不渝者皆沐

褒嘉之典斯聞風知感者咸深激勵之心則眾志可以成
城而羣醜無難殄滅矣 臣愚昧之見是否有當伏乞

王侍郎奏議卷五

五

聖鑒訓示謹

奏

上諭太僕寺卿王茂蔭奏請旌表殉難士民一摺軍興以
來被賊滋擾地方文武官紳及兵勇人等或臨陣捐軀或
遇賊被害經各督撫奏報無不立沛恩施給予卹典並諭
令各督撫查明被害較烈之員再行分別酌議加贈予諡
或令入祀昭忠以勵臣節而慰忠魂復念被難各省地方
士庶人等或因罵賊致戕或因禦侮遭害全家罹難闔室
自焚雖貴賤之不同實節義之無愧特恐僻處鄉隅不獲
上邀旌卹以致湮沒弗彰朕心惻焉著各該督撫通飭所

屬迅速查明遇賊死節士民婦女等除照例題請旌表外其殉難尤烈者並准其奏明請旨分別賜卹該督撫等其秉公詳核毋濫毋遺以副朕勵節褒忠之至意將此通諭知之欽此

王侍郎奏議卷五

天

請禁收漕規費片 同日

再臣聞江浙滋事各州縣惟上海係小刀會勾通鄉勇謀逆漕安之梓桐源係盜匪餘如江蘇之嘉定青浦浙江之臨安新城於潛長興均以困於錢漕而起銀價日昂錢漕二糧既因以增而浮收折色又日有加無已民苦不堪怨嗟載道奸民乘機煽惑以挾制官長始而折毀衙署姑爲隱忍繼而毆官斃役又強爲彌縫及至戍官作亂乃不得不奏辦而勞師動眾已不易於收拾矣在征糧之時既已如此至征漕之時恐益可虞當此籌餉方殷萬無減免之法然正供不可省各色雜項陋規可省聞有漕州縣上司

王侍郎奏議卷五

老

有規紳衿有規卽土包地棍亦有規不如此不能肆其勒折浮收若將各色陋規嚴行裁革一石不收至數石之多則良民既可少安匪徒無所藉口當不致滋生事端然此其權首在督撫次在州縣督撫不收規費遇有告漕之案卽行查辦州縣何敢浮收州縣不肯浮收紳衿土棍亦何敢索規費所謂本端而未自正應請飭有漕省分各督撫潔已率屬戒州縣毋得勒折浮收一有控案必行嚴辦斯民無冤抑而地方自靖時際艱難諒各督撫亦必有同心也 臣愚昧之見伏乞皇上聖鑒訓示謹

奏

保本籍人員回省帶勇摺 咸豐三年十一月初十日
奏為謹請保員回籍督帶練勇防剿恭摺奏祈

聖鑒事竊 臣 恭閱日抄安徽桐城舒城相繼失守工部侍郎呂賢基殉節賊氛逼近廬州情形甚為危急該郡為南北要衝關係中原大局現聞巡撫江忠源在六安抱病郡城大員惟藩司劉裕鈔餘俱未到任兵餉俱無待援孔亟此時急籌防禦之法惟有督率練勇協力剿防事或有濟但該處督帶練勇僅翰林院編修李鴻章一員萬難濟事臣同鄉刑部郎中記名御史李文安即李鴻章之父老成練達為守兼優籍隸合肥情形甚為熟悉鄉里素所推重

王侍郎奏議卷五

无

王侍郎奏議卷五

无

該處團練整齊皆該員於上年寄信回里勸諭鄉人先為思患預防之計若令回籍督帶練勇呼應必靈又已革江蘇巡撫楊文定前因鎮江失守奉

旨革職治罪該革員獲罪甚重 臣 何敢代為乞

恩惟該革員籍隸鳳陽素敦鄉誼甚得鄉人之心該處人情強悍散則肆為捻匪集即可為勁旅該革員正月間曾遣其親屬回籍招募壯勇赴江防堵業已集有成數若令該革員與李文安一同回籍帶罪自効協保廬鳳當可以資得力以上二員皆 臣 素所最悉屬在同鄉理應避嫌第當此時勢艱危保守廬鳳即所以保守

國家而保守盧鳳之方再四思維更無良策爲此不揣冒昧籲懇

飭令刑部郎中李文安迅速回籍帶勇協剿其楊文定可

否暫釋令同回籍協辦防剿之處出自

皇上天恩至呂賢基之子呂錦文因父殉節痛不欲生亦願隨往殺賊兼求父屍亦應請

旨准其隨往再此時安省情形難以懸揣李文安係曾蒙記名御史之員帶過引

見數次現在御史又尚空有數缺可否賞加御史銜俾得便宜奏事恭候

宸裁所有保員回籍帶勇防剿緣由理合恭摺具奏伏乞聖鑒訓示謹

奏

上諭王茂蔭奏保本籍人員回省帶勇防剿一摺刑部郎中李文安著准其回籍督率練勇協力防剿所請賞加御

史銜准令奏事殊屬非是著無庸議呂賢基之子呂錦文並著回籍幫同剿賊至已革江蘇巡撫楊文定因失守地方拏問治罪豈得以其曾在本籍招募壯勇遽從寬典所請飭令回籍帶勇協剿之處著不准行欽此

王侍郎奏議卷六

省稿一目錄

戶部侍郎謝恩摺 咸豐三年十一月初三日

論行大錢摺 咸豐三年十一月二十一日

保薦直隸才任剿賊人員摺 咸豐三年十二月初五日

請寬裏脅以破賊計摺 咸豐三年十二月十八日

再論加鑄大錢摺 咸豐四年正月十二日

盧鳳練勇請發口糧摺 咸豐四年二月十二日

拏獲偽鈔追出來手應請省釋片 同日

再議鈔法摺 咸豐四年三月初五日

王侍郎奏議卷六目錄

戶部侍郎謝 恩摺 咸豐三年十一月初三日

奏為恭謝

天恩事本月初二日內閣奉

上諭王茂蔭著補授戶部右侍郎兼管錢法堂事務欽此

竊臣 皖江下士知識顛愚觀政農曹已樗庸之是慄隨班

諫院復樹建之未能旋供職於容台愧乏令狐之對逮濫

竽於奉駕更慚數馬之風茲承

天寵之頒秩晉地官之貳伏念政兼食貨佐煩劇於司農

計綜度支關委輸之要務如 檮昧彌益悚惶且 臣 自當

御史驟列卿班半載之間迭膺

恩擢凡諸

王侍郎奏議卷六

寵榮之逮及已非夢寐所敢期若更邀逾格之

恩尤倍切難安之念况 臣 賦質至鈍見事實疎處閒散之

地或猶一隙之微明當重大之司即覺寸心之無定又 臣

現辦團練保甲事宜甫有頭緒戶部事繁勢難兼及 臣 聞

人臣之義量而後入若但存利祿之心誠恐負

知人之哲 臣 之駑下難逃

聖鑒倘蒙

察其愚庸不勝鉅任俾得盡心於勸諭守助各事庶幾仰

酬

西

高厚鴻慈於萬一 臣 之欽感實為無既所有 微臣 感激下

忱理合繕摺恭謝

天恩伏乞

皇上聖鑒謹

奏

上諭昨將王茂蔭簡放戶部右侍郎本日據該侍郎奏稱

現因辦理保甲事宜戶部事繁勢難兼及等語王茂蔭係

戶部司員出身於戶部事務較為熟悉是以特旨超擢該

侍郎惟當勉圖報稱以副委任毋得畏難辭讓徒涉虛文

其現在所辦保甲事宜仍著與宋晉等兼籌妥辦欽此

王侍郎奏議卷六

一

論行大錢摺 咸豐三年十一月二十一日

奏為敬陳大錢利弊恭摺奏祈

聖鑒事竊查本年三月戶部奏鑄大錢請定當十當五十二種自六月始按成塔放本月十四日巡防王大臣奏請推廣鑄造大錢奉

硃批所奏是戶部速議具奏欽此 臣蒙

聖恩擢任戶部右侍郎兼管錢法堂事務職司尤重自當隨在部諸臣悉心推求以期利用何容獨有異議顧 臣竊慮此法之難行且慮行之稍窒或併所已行者而亦致不行有不敢不將利弊源流備行陳奏再請

王侍郎奏議卷六

三

聖裁者 臣維自來圖法總以不惜工本為不易之常經偶鑄大錢計圖節省由漢迄明興者嘗數十矣而不久即廢從未有能行者現行大錢頗見便利蓋人情喜新厭代初行亦皆如此非今法獨異也然聞當五十之錢市人已多私議奸人已多私鑄第為時未久尚未見大阻格耳今王大臣奏請添鑄當百當五百當千三種而當千但以重二兩為率其餘以次遞減為裕籌經費起見誠為至計此法果行豈非大利願 臣考歷代錢法種類過繁市肆必擾折當過重廢罷尤速前戶部請鑄大錢時亦稱歷代之行而輒罷皆由折當太重分量過於懸殊故止鑄當十當五十

兩種而猶聲明以後照式一律不准稍有偷減誠有監於前失而戒之也方深戒之何遽犯之若當千之錢重二兩非所謂折當大重分量過懸殊耶論者謂折當太重謂其嫌於虛耳大錢雖虛視鈔票則較實豈鈔可行而大錢轉不行不知鈔法以實運虛雖虛可實大錢以虛作實似實而虛故自來行鈔可數十年而大錢無能數年者此其明徵也論者又謂

王侍郎奏議卷六

四

湧貴斗米有至七千時此又其明徵也宋御史沈疇之言曰自為當十之議召禍起奸游手之徒一朝鼓鑄無故而日自為當十之議日斬之其勢不可遏也學士張方平之議曰用大錢致奸人盜鑄其用日輕比年以來皆虛高物估增值於下取償於上雖有折當之虛名乃罹虧損之實害又其顯者大觀鑄錢自蔡京而其子蔡絛作國史補敘其始之得息而流通繼之盜鑄而多弊終之改當而折閱事皆親見言尤獨詳夫聰明材力古人遠勝今人作奸犯科今人又遠勝古人古既不行而欲行於今 臣實不勝過慮願使當千當百雖不行而當十當五十猶可行似不妨於

一試而臣又慮其不能也信為國之寶現行大錢鈔票皆屬權宜之計全在持之以信守而不改庶幾可冀數年之利今大錢分兩式樣甫經奏定頒行各省大張曉諭刊刻成書未及數月全行變更當五十者較向所見而忽大輕當一百者較向之五十而猶見輕且當五百當千紛見錯出民情必深惶惑市肆必形紛擾而一切皆不敢信行錢為人人日用所必需裕

國便民所關甚重萬一如臣所慮誠恐貽悔或謂銅斤短絀若不及時變通則明年必至停鑄此又豈細故耶願變通欲其能行不行則亦與不鑄等乾隆以前銅初不取諸

王侍郎奏議卷六

五

滇鼓鑄所資有

國初之成法在逆賊一平不患無銅若賊不平銅不能運則雖儘現在之銅盡鑄當千似亦無濟所可慮者固不止停鑄一事也現在言大錢者甚多如御史蔣達之奏第計行之利未計不行之弊臣自為司員時竊嘗於此考之伏願

皇上堅持一信永保勿渝實為幸甚臣性既拘迂識尤淺陋惟受

恩深重但有所見不敢不言為此備陳利弊並呈歷代大錢興廢略伏乞

聖鑒訓示自知謬妄干冒宸嚴不勝戰慄待

命之至謹

奏

王侍郎奏議卷六

六

謹將歷代大錢興廢節錄大略恭呈御覽

漢元鼎二年鑄官赤仄一當五賦官非赤仄不用其後二歲赤仄錢賤遂廢王莽錢自當一以至當五十爲六等百姓潰亂莽知民愁改行當一與當十二品盡六年毋得復挾大錢吳孫權嘉禾五年鑄大錢一當五百又鑄當千錢錢既太貴但有空名人間患之權聞百姓不以爲便省息之鑄爲器物官勿復出也宋文帝元嘉七年以一大錢當兩行之經時公私非便乃罷陳文帝天嘉五年鑄五銖錢以一當鵝眼十宣帝大建十一年又鑄六銖以一當五銖

王侍郎奏議卷六

七

之十後還當一後周建德三年鑄大布錢以一當十五年以布錢漸賤人不用遂廢之唐肅宗乾元元年第五琦鑄乾元重寶錢一當十又鑄重輪乾元錢一當五十京師人私鑄物價騰踴斗米至七千錢代宗卽位重寶錢以一當二重輪錢以一當三凡三日而大小錢皆以一當一自第五琦更鑄犯法者日數百州縣不能禁止至是人甚便之後唐鍾謨請鑄大錢一當十謨得罪而大錢廢宋范雍張奎皆鑄當十錢民間盜鑄者眾錢文大亂物價翔踴公私患之後皆改爲一當二神宗四年皮公弼鑄當十錢後改當三又減當二徽宗二年鑄當十錢四年以盜鑄多詔

改當五旋又改當三明洪武卽位初定錢制當五當十凡五等四年卽改鑄大錢爲小錢天啟元年鑄當十當百當千三等大錢旋詔收大錢發局改鑄歷考前代大錢惟漢昭烈入蜀鑄直百錢史稱旬月府庫充實未詳所止意亦愚民一時之計餘則始末具見蓋未有行三年而不改變廢罷者未有不稱盜鑄雲起物價騰貴公私非便者史冊所載彰彰如此謹略

王侍郎奏議卷六

八

保薦直隸才任剿賊人員摺

咸豐三年十二月初五日

奏為敬陳管見恭摺仰祈

聖鑒事竊維天津防剿練勇最為得力近失能結民心之知縣既恐民心渙散且極盛難乎為繼接任稍不得人尤足傷民心而速之散民心一散則天津可危而近畿皆危矣臣聞武清知縣胡啟文其得民心也即天津之民亦無不知之且武藝優長現在每日早晚率練勇下教場必身先演試以為教若以調任天津民必安之並可隨文謙督帶兵勇以攻獨流一面而任勝保以專力攻靜海兩路並進似易制勝至逆賊現逼東南則通州實為京城門戶現

王侍郎奏議卷六

九

在知州尚未得人近見饒陽縣知縣秦聚奎以練勇禦賊而賊不敢犯其才必有大過人者若以之升任通州練該州之勇以佐文瑞似可無東顧之憂又聞有補用知府毛永柏人不甚純而膽略足用曾以殺賊著聲若以者永定河道團練河兵鄉勇似足以扼南路臣知用人大柄自有皇上宸裁且有直隸總督順天府尹自能調度奏請第以時勢方危事機貴速若待直隸督府尹往返商奏誠恐有需時日是以不揣冒昧謹就見聞所及恭摺具奏伏乞聖鑒訓示謹

奏

請寬裹脅以破賊計摺

咸豐三年十二月十八日

奏為請破裹脅之毒以滅真賊恭摺奏祈

聖鑒事竊維逆賊自粵西竄出以來疊經剿殺已自無多所見為多者皆裹脅之良民也賊所過處輒以威力驅我良民戰則以民居前而自居於後守則以民處外而自處於中鎗礮鋒刃皆以我民當之而真賊罕及遂得偷息至今是賊之計利在裹脅裹脅無盡時即真賊無滅時我之計利在破其裹脅裹脅散得開斯真賊滅得盡然而逆賊之裹我民也迫之以畱髮加之以火印使之有可辨認逃

王侍郎奏議卷六

十

出必為官民殺逃歸必為地方殺使民知逃之必死不如不逃之尚可緩死不得不以死從賊賊將我民裹脅復使我民殺逃出之人以固其裹脅其計誠為狡毒願計雖毒要必我殺其逃出之人而計始行若我不殺其逃出之人計即不行則所以破其毒計者有在矣

國家深仁厚澤二百餘年斯民世世受之其身雖在賊中其心終念我

國家實無不欲逃者臣聞今秋賊之復到湖北也皆帶正月在武昌擄去之人意以本處人攻城引路遂其復還故土之心必得其格外奮勇之力不意一到湖北逃散殆盡是以即行解去直趨下游不敢停泊是可見裹脅之人但

得可逃之機即無不逃也又聞賊中官級大者為丞相次則檢點有一謝姓檢點係湖南道州人由江西至湖北時在清江地方灣泊一月有餘與該處人習熟無所不言始言思家念切家中有八十老母弱妻幼子繼且涕泣而道言明知在賊中無好日子無如進退兩難且言賊中各官心事多如此是可見為賊偽官之人雖未得可逃之機亦無不思逃也又聞黃梅縣盤獲賊中逃出之人據云賊中日發米僅四兩而刑法甚酷每三日必將人身搜一次有銀者斬錢至有五百者亦斬防逃之法嚴而思逃之人愈眾不獨被擄者欲逃即前願從賊之人亦欲逃此天亡賊

王侍郎奏議卷六

十一

之時也不於此時思解散之方更待何時然而徒言解散正恐無益伏讀正月初八日恩旨被脅之民不從則先死於賊從之則又死於兵朕仰體

上天好生之仁何忍概行誅戮又讀六月初七日

恩旨從前被脅之徒若能剿賊自效即可立荷恩施即或先被賊誘自拔來歸但能改過自新亦可同邀寬典各等因欽此仰見

皇上如天之仁所以寬宥脅從者亦已至矣然而至今未見有效者何也各路軍帥奉行不力其道有未盡也蓋從

賊之人雖讀

恩旨而感泣必顧軍帥而遲疑將欲自拔來歸則恐其殺之以為功也將欲殺賊自效又恐殺其身而更冒其功以為功也蓋軍帥初不足致人之信而逃出見殺者比比皆是尤足以堅其不信是以至今無效也 臣愚以為自今以始請更

特降諭旨凡賊中之人除廣西老賊罪在不赦即兩湖脅從亦許自新無論從賊之久暫雷髮之長短火印之有無但有自拔來歸者均從寬貸有殺賊自效者均加爵賞每營設廣西官數人凡賊中出者審係廣西口音則殺非廣

王侍郎奏議卷六

十一

西者有功論功無功資遞回籍交該地方取保如有妄加殺戮者許該民人親友控告重治其罪凡得此

旨者許懷藏以為符信逃出呈驗即不加罪如此剴切曉諭

飭各統帥將此

旨刊刻刷印多行射入賊營使賊營裏脅之人知有生路自然逃出此明解之法也然而猶恐其不信也再請

飭各軍帥多發告示遣其心腹之人潛以消息通之以約誓要之以身命保之以使之信猶恐其不信也再請

飭凡得賊營逃出者即釋放以示之如是而後可冀其信

而敢出此法在各路皆宜急行而行之尤必近自獨流始
獨流襄晉率皆近畿之人尤非他比臣聞保定獲一賊中
逃出之武生據稱欲逃出時賊營知者無不告以逃出之
必死而自問不甘從賊雖知死而亦逃此其情尤足哀矜
請自今得賊營之人訊明屬係裏脅有家可歸者即遵
特降新旨資遞回籍有為賊藥所迷訊不吐供者以藥解
之解之而不醒則姑禁之而不加誅

皇上立信以教各帥之信各帥立信以致賊營之信一信
而裏脅立解真賊立滅矣或謂如此辦法恐奸細亦將得
志不知惟有賊斯有奸細若賊盡滅則奸細皆良民矣又

王侍郎奏議卷六

三

何慮焉或謂儻釋放之人復歸賊營豈不為患夫賊多矣
自拏奸細至今所殺不過數十人此數十人於賊有何增
損苟釋放之後有復來歸賊營者則不殺脅從之風聲可
以廣播難民必信而來歸真賊必疑而生亂此正我之利
也或又謂儻釋放回籍之人久染賊習沿途復肆搶劫又
將奈何不知所謂解散者散之並不使其百十為羣仍行
連結也陸續零星而行未必敢於沿途搶劫苟有犯此者
則令各地方官拏獲即行正法許各地方民格殺勿論更
復何惜自古法無不弊此時罪在賊而不在脅從則舍脅
從而專殺賊若脅從更敢為賊則殺之亦屬殺賊而非殺

脅從因時制宜惟求至當耳臣為急籌破賊起見是否有
當伏乞
聖鑒訓示謹
奏

王侍郎奏議卷六

十四

再論加鑄大錢摺 咸豐四年正月十二日

奏爲敬籌大錢再行瀆陳恭摺奏祈

聖鑒事竊臣於上年十一月因部議巡防王大臣推廣大錢曾上大錢利弊一摺未奉

諭旨今於本日恭

進各大錢式樣臣職管錢法惟當力求鑄造精工期能行以仰副

聖意何容更有所言願臣於此事夙夜籌思實覺難行有不敢不再瀆陳者今行當百以上三種大錢與原行當五十大錢分兩式樣無甚可辨若恃字爲辨則此何以貴彼

王侍郎奏議卷六

五

何以賤愚民莫解恐致釁亂此其一難錢本以便零用今一錢而當五百當千竊恐以易市物難以分析以易制錢莫與兌換此其二難大錢雖准交官項然現在准以五成搭交者有官票有寶鈔再加大錢何能並搭此其三難然此猶其小也最大之患莫如私鑄論者以爲私鑄正可增官鑄之用可以無患不知官錢以當千發之以當千收之故可無虧若奸人以四兩之銅鑄兩大錢即抵交一兩官銀其虧國將有不可勝計者舊行制錢每千重百二十兩鎔之可以得六十兩以鑄當千可抵三十千之用設奸人日銷以鑄大錢則民間將無制錢可用其病民又有不可

王侍郎奏議 卷六

勝言者即此二弊已無法杜無論其他今論者或知難行又謂姑先少鑄以試之試之而不行再停非晚臣以爲他事可試茲事不可試蓋事之本未有得者試而不行亦無所失事之已有所得者試而不行將並所得而失之臣固非徒爲難行之大錢慮實爲已行之大錢慮也方今籌餉維艱買銅不易幸得當十當五十之錢暫能行用月既省銅數萬斤又多獲錢數萬串於經費不無小補設更動之後稍有阻格一樣不行各樣皆廢挽回無術悔將何追臣思推廣大錢原欲於利用之中更爲節省之計方今官票寶鈔其省遠過大錢其利亦遠過大錢有一能行利已無

王侍郎奏議卷六

六

盡大錢之鑄似可以已若必不得已則惟一法請於當百以上者加嵌銀點以示貴重當千者十點當五百者五點當百者一點每點嵌銀不過一二分而可使辨別較易造偽較難再請將戶局當十當五十兩種亦照工局之制原重一兩八錢者減爲一兩五錢原重六錢者減爲五錢使戶局工局分兩均歸一律新錢舊錢式樣無甚懸殊市肆行用不致釁亂而戶局銅斤已暗省數萬斤不爲無益即將來當百以上大錢或有不行而此當十當五十者規模如故制度仍然亦尙可行庶幾有得無失錢爲人生日用所必需法不宜於輕動臣非固執已見妄肆阻撓實因籌

四九九

思已久不勝過慮為此再行瀆奏愚昧之見伏乞
皇上聖鑒訓示謹
奏

王侍郎奏議卷六

十七

盧鳳練勇請發口糧摺 咸豐四年二月十二日
奏為敬陳管見恭摺奏祈

聖鑒事竊維各省紳民團練鄉勇無事各安耕作有事共
相捍衛係屬各保身家費既不多捐亦易辦原無庸官給
口糧至若選擇練勇調以防堵攻戰則與兵丁無異自應
一律發給口糧不容歧視廬州民風強勁團練最早萬眾
同仇曾經前撫江忠源入奏何至遽爾失守間由城內團
練係李嘉瑞信任之胡元煒徐淮所辦宵小成羣正人引
避其所練勇皆屬各衙門六班中人見賊攻急各自縋城
逃走以致賊乘而入聞胡元煒業已降賊蓋小人之不可

王侍郎奏議卷六

十八

用如此至各處防堵之練勇則因口糧不給各自歸家求
食勢有不得不然者 臣上年奏保刑部郎中李文安回籍
帶勇防剿近聞該員在臨淮團練招募查看鳳陽五河鄉
鎮各團器械整齊技藝亦好若能給以口糧火藥得有膽
識者以領之儘堪禦侮無如籌餉無措僅能守鄉不能出
外伏思當此籌撥維艱之際兵餉且難何能及勇然聞參
贊大臣僧格林沁統兵大臣勝保等各營所帶之勇未嘗
不給口糧盧鳳關係中原大局現當喫緊之際兵力難恃
不得不兼用練勇可否請

飭撫臣福濟於調用防剿之勇一體發給口糧火藥抑或

令將官銀票發交該紳董等自行變通濟用之處出自
天恩臣爲欲期練勇得力起見是否有當伏乞
皇上聖鑒訓示謹

奏

拏獲偽鈔追出來手應請省釋片同日

再臣思行鈔之弊防偽爲艱故造偽之人治罪必嚴而誤
用之人則已奏明不罪免致用者疑畏上月鈔局拏獲偽
鈔奏交刑部刑部似宜將用偽鈔人審問所來但將來手
傳到質對不錯便將前用人釋放另問所來今聞刑部逐
層追問來手已傳至六人而一概拘禁無知愚民誤用偽
鈔遂至牽累不釋人民畏累益不敢於行用應請
旨敕刑部辦理此案但有來手承認即將收用之人省釋
以免民累實爲幸甚謹附

奏

再議鈔法摺 咸豐四年三月初五日

奏為鈔法未盡敬陳管見並瀝下情恭摺奏祈

聖鑒事竊維今日度支告匱需餉方殷不得不資行鈔然

鈔法貴於行之以漸持之以信伏讀

上諭有行之日久中外俱可流通之

旨仰見

聖明洞鑒固知發之不宜太驟也今自上年議行鈔法以來初用銀票雖未暢行亦未滋累至臘月行錢鈔至今已發百數十萬於是兵丁之領鈔者難於易錢市物商賈之用鈔者難於易銀置貨費力周折為累頗多 臣察知其情

王侍郎奏議卷六

三

夙夜焦急刻思有以補救之惟 臣既在戶部凡有所見必取決於總理祁寯藻尙書文慶乃所商多未取決而設想更已無方有不得不上陳於

聖主之前者伏惟自來鈔法無傳然由唐宋之飛錢交子會子循名而思其義則似皆有實以運之獨元廢銀錢不用而專用鈔上下通以此行為能以虛運然聞後亦少變至明專以虛責民而以實歸上則遂不行歷代之明效如此故 臣元年所上皆以實運虛之法今時世所迫前法不行議者遂專於收上設法意誠善矣然京城放多而收少軍營有放而無收直省州縣有收而無放非有商人運於

其間皆不行非與商人以可運之方能運之利亦仍不行謹就現行法中酌擬四條以通商情而期轉運敬為皇上陳之

一擬令錢鈔可取錢也查市行錢票與鈔無異而商民便用者以可取錢也寶鈔准交官項本自貴重而人總以無可取錢用多不便若於准交官項之外又准取錢自必更見寶貴願發鈔已百餘萬而欲籌錢以供取似為大難然以 臣計之戶局向來月解部錢六萬餘串自鑄當十當五十大錢月約解十一萬串今加鑄當百以上大錢月可得二十餘萬串若部中仍前月提十一萬則三箇月後可積

王侍郎奏議卷六

三

三十餘萬串即較前月多提五萬串六箇月後亦可積三十餘萬串若出示許民半年以後以鈔取錢似屬無難現在民情望此若雲霓故崇實伍輔祥皆奏及之或謂倘三十萬盡而不能給將若何 臣謂此有二道一則有錢可取人即不爭取彼錢店開票何嘗盡見取錢如四官錢店現在開票放餉之數可為明證似無庸慮一則有錢許取人亦安心候取倘錢將盡而鈔紛來竟不能給不妨示期停止令半年後再取人亦樂從經過一次發錢人知鈔不終虛自不急取此法每年雖似多費數十萬之錢而實可多行百餘萬之鈔如得准行 臣知不待發錢之日人心始安

卽當出示之日而人心已安矣此籌安人心之最要也

一擬令銀票並可取銀也現行銀票錢鈔均屬天下通行而行遠要以銀票爲宜欲求行遠必賴通商欲求通商必使有銀可取人疑無此如許現銀以待取而不知各省之錢糧關稅皆現銀也今旣准以銀票交官矣此抵交之銀不歸之商人乎旣可准其抵交何妨准其兌取自上計之二者初無所殊而自商視之則二者大有所異蓋抵交遲而兌取速抵交滯而兌取靈凡州縣徵收錢糧必有銀號數家將錢統易爲銀將銀統鎔爲錠以便解省今使商人持鈔至傾鎔錢糧之銀號准其兌取現銀則商人之用鈔

王侍郎奏議卷六

三

便而得鈔不待傾銷卽可解省於銀號亦便在各州縣收鈔於商與收鈔於民初無所異而零收之與整兌亦有較見爲便者今若於准交之外再加准兌取一層則鈔益貴重處處可取銀卽處處能行用而不必取銀御史章嗣衡河督楊以增所奏之意蓋亦如此誠知各州縣銀號之未必卽照兌也卽照兌而不免需索扣減也然許以兌取則能取而貴之卽不能遽取而亦貴之方今時勢多阻未必盡行未必盡不行得一處行則一處之銀路通數處行則數處之銀路通現在商人會票之局全收惟此可以濟銀路之窮京城之中凡商人之來者皆貨物而往者皆銀使

銀票得隨處兌銀則京城之銀可以少出而各路之銀亦可得來此又通籌全局之所宜加意也

一擬令各項店舖用鈔可以易銀也各店舖日賣貨物慣用市票何獨憚於用鈔以市票能易銀以置貨寶鈔不能易銀卽不能置貨此雖強令行用將來貨物日盡寶鈔徒存市肆必至成空不獨商人自慮卽

國家亦不能不代爲慮查銀錢周轉如環無端而其人厥分三種凡以銀易錢者官民也以錢易銀者各項店舖也而以銀易錢又以錢易銀則錢店實爲之樞紐焉各店舖日收市票均赴錢市買銀而錢店則以銀賣之今請令錢

王侍郎奏議卷六

三

市凡以票買銀者必准搭鈔則各店舖用鈔亦可易銀而不憚於用鈔矣各店舖不憚用鈔則以銀易錢之人無非用之於各店舖凡令錢店開票者亦可准令搭鈔矣各錢店開票亦可搭鈔則以銀買各店舖之票而亦不憚於用鈔矣凡以三層關節爲之疏通使銀錢處處扶鈔而行此各行互爲周轉之法雖似強民而初非病民似不至有大害惟法行後銀價恐益增昂然京城銀之來路專在外省解項部中發項今解項放項日形其少卽不行此法銀亦日貴此則須俟殄平逆匪方有轉機又不徒關行鈔也

一擬令典舖出入均准搭鈔也查現在典舖取贖者用鈔

不敢不收而當物者給鈔率多不要使典舖之鈔有入無出將來資本罄而鈔僅存不能周轉必至歇業典舖歇業貧人益無變動之方應請令嗣後出入均許按成搭鈔此一行自為周轉之法

以上所擬四條前二條是以實運法而不必另籌鈔本後二條是以虛運法而不至甚為民累虛實兼行商民交轉庶幾流通罔滯抑臣更有請者現行官票寶鈔雖非臣原擬之法而言鈔實由臣始今兵丁之領鈔而難行使者多怨臣商民之因鈔而致受累者多恨臣凡論鈔之弊而視為患者莫不歸咎於臣凡論鈔之利而迫欲暢行者又

王侍郎奏議卷六

五

莫不責望於臣而臣蒙

恩擢任戶部業經數月一無籌措上負

天恩下辜人望夙夜愧悚實切難安相應請

旨將臣交部嚴加議處以謝天下而慰人心庶幾浮言稍

息臣雖廢黜不敢怨悔謹陳管見附瀝下情恭摺具奏伏

乞

聖鑒訓示謹

奏

王侍郎奏議卷七

省稿二目錄

請將徽州暫隸浙江摺 咸豐四年四月初六日

再論脅從可矜摺 咸豐四年五月二十一日

論徽州續捐局擾害摺 咸豐四年六月十三日

論勝保摺 咸豐四年閏七月初九日

請保護徽甯以固蘇杭片 同日

應給打仗受傷官兵俸糧例文各異摺 咸豐四年九月二十六日

王侍郎奏議卷七目錄

十

請將徽州暫隸浙江摺 咸豐四年四月初六日

奏為敬陳管見恭摺奏祈

聖鑒事竊 臣前見安撫福濟請餉摺內稱江南四府信息不通又見請防堵徽甯片奏稱江南之池州太平二府現為賊匪出沒之區所有甯國徽州廣德三府州逼近賊氛防堵極為緊要 臣等相距較遠文報或阻或通籌餉撥兵悉苦鞭長莫及等語是徽甯廣二府一州該撫之不能遠顧已可概見甯國廣德一路欽奉

王侍郎奏議卷七

通而與浙通故自來安省皆食淮鹽而徽郡獨食浙鹽蓋前人之因地制宜已如此本年正月匪徒攻擾祁夥劫財物擄民人其勢方熾一聞浙有援兵即至遂驚走退去是徽州有事本省救援不及必賴浙以救之且徽處浙上游為浙之西路門戶若有疎虞順流而下以達於杭實有建瓴之勢惟入徽之境率皆崇山峻嶺能保徽州方能保浙況蘇杭素稱富庶久為逆匪覬覦其所以不即攻擾者以常鎮一路有向榮以扼之上年擾及饒州本年擾及祁夥未必非窺伺浙省之意 臣愚以為為今之計似宜稍為變通以徽郡暫歸浙江管轄緩急相援可以藉浙之力保徽

亦可藉徽之力保浙唇齒相依庶期得力又 臣聞上年徽

屬勸捐之錢集有數萬至今未聞奏報想文報尚有阻隔解運錢糧自更可知此福濟之請餉所以稱信息不通也若暫許由徽解浙即由浙省報撥實為甚便一俟軍務告竣仍行改歸舊制以符定例似亦因時制宜之一法可否請

旨敕下安徽浙江各撫臣察看地勢情形酌量辦理之處伏乞

皇上聖鑒訓示謹

奏

王侍郎奏議卷七

再論脅從可矜摺 咸豐四年五月二十一日

奏爲敬陳可矜情節恭摺仰祈

聖鑒事伏讀

上諭因京師入夏以來雨澤稀少

特飭刑部及順天府將已結未結各案逐一清查其有情

節可矜甚至含冤莫伸務當悉心推求卽予平反等因欽

此仰見

皇上清理庶獄感召

天和至意 臣愚以爲

國家欽恤用刑凡情節可矜之事多蒙

王侍郎奏議卷七

三

恩宥問刑衙門仰承

德意似不敢更有冤抑惟輿論所傳有似於可矜者則爲被賊裹脅之難民逆匪自上年北來每到一處將良民加以烙印飲以毒藥驅爲前鋒不從則登時殺死從之則銜鋒受死暫從而逃則烙印難掩必被查拏曾傷官兵者照律論死未傷官兵者論戍而亦將不免於死夫民生託命於官不能保護之而使爲賊擄棄室家拋妻子受命於賊遇水則爲橋遇坑則爲土守則爲濠柵戰則爲撫牌此其情已可矜矣幸得逃歸方謂再生可慶乃以被脅之故死仍難免夫犯大逆作奸細者無論矣爲賊打仗傷及官兵

罪自應死原非法之過嚴然其中情節則因賊迫以威復迷以藥其打仗也非心之欲打乃威脅之以不得不然其傷官兵也非心之欲傷乃藥迷之以不得不然是其罪雖應死而其心固可矜也至未打仗與未傷官兵者亦有烙印不能不拏一經拏問被脅時既經爲賊供役逃歸後又不赴官報明難保非奸豈得無罪僅予論戍已屬從寬然而人既逃歸則當其爲賊供役而其心固不忘

國家刻刻思逃也其逃歸而不投報則鄉愚無知自謂歸來卽是良民不知必赴官報明而後可免罪也是其人雖難免罪而其心亦可矜也抑 臣見自勝保軍營回來者據

王侍郎奏議卷七

四

稱屢次勝仗殺賊極多其間裹脅而並非長髮者亦多驗之皆無烙印又聞載齡奏拏獲從逆之金有一案據金有供賊裹去的人恐有逃走都刺了字因我投營替他出力打仗並沒將我刺字是有烙印之人皆賊所見爲不願從之之人其可矜又有甚焉者又聞各處拏獲形迹可疑人犯先自嚴訊取供熏以香煙往往有實未殺傷官兵者因熏急難受又不知殺傷官兵之必死遂亦妄供迨至輾轉交審前供難改因而誣服是從賊而殺傷兵丁之犯其中亦或有可矜者伏思被脅之民上年疊經奉有恩旨凡此情節久在

聖心矜念之中惟聞嘉慶六年

仁宗睿皇帝詔蕭福祿盡釋所俘脅從千餘人而渭北有
久早立雨之事或者此內尚有可矜當此畿輔未清恐逆
匪借脅從以施狡詐或未便明發

諭旨竟如官文在監利將被脅釋令歸農可否

密飭問刑衙門暫行從緩定擬挈獲衙門毋許熏煙取供
又梟示已多幾不勝懸可否令十日之後許聽瘞埋之處
出自

天恩臣愚昧之見是否有當伏乞

聖鑒訓示謹

王侍郎奏議卷七

五

奏

上諭王茂蔭奏脅從人犯情節可矜請飭從緩定擬一摺
逆匪自上年北犯以來到處勾結煽惑其被脅鄉民良莠
本自不齊迭經近畿各路軍營及步軍統領衙門五城拏
獲形跡可疑人犯均由巡防王大臣等審明虛實核其情
罪重輕分別定擬具奏朕權衡至當其實係從逆之犯斷
不能為之曲宥如係愚民原未嘗概予駢誅亦非以烙印
為憑遽置重典乃該侍郎輒請從緩定擬試思執法貴在
持平明慎期無留獄若使輾轉遲延案多積壓轉非清理
庶獄之意至所稱各處拏獲人犯先用煙熏取供一節著

問刑各衙門查明如果屬實即將原拏承審之員指名參
辦欽此

王侍郎奏議卷七

六

論徽州續捐局擾害摺 咸豐四年六月十三日

奏爲民捐徒費民忠轉深勢恐激變恭摺具奏請

飭查辦事竊 臣 籍隸安徽歙縣徽州一府距廬最遠因安撫有信息不通之奏又春間有賊擾祁黟之事曾於四月奏請將徽郡暫歸浙撫管轄一則以徽處浙之上游必保徽方能保浙一則以上年歙縣勸捐集有制錢數萬不能解廬藉可解浙以供撥用乃近聞上年民捐之錢批有九萬已交齊者七萬餘串又公議合郡鹽斤加價歸公收費二萬有餘又提取存典公項亦有數萬統計不下十數萬因經手之人冒銷不可勝計現在均已成空乃復立續捐

王侍郎奏議卷七

七

局用不肖紳衿數人按戶誅求有不遵者或帶勇登門以擾之或鎖押牽連以逼之有老幼同繫者有棄房變產者數日之間集有三萬又聲稱要五十萬區區一邑何能堪此現在怨聲載道叫苦連天民情皇皇不可終日此患之甚者捐輸所以練勇練勇所以保民乃正月賊至祁門大洪嶺防勇先行逃散幸賊二月初一至黟黟之紳勇乘其夜雷電大作借浙援大至之聲威四起喊殺賊驚惶莫測虛實次早即速退回祁旋退回安慶經此擾害宜何如簡練義勇以爲防守乃今所謂防勇皆花會人不守要隘而駐祁黟之市鎮終日四出奸淫擄掠無所不至又復到處

廣開花會以誘愚民花會向爲休歙之毒今更移毒黟祁黟之人始受賊害今受勇害又受各勇開花會之害此患之在黟祁又如此現聞兩邑不勝其害羣起公憤有欲豎義旗以抗勇之議若果如此則徽必內亂內亂作必將引賊復來而徽難保即浙亦難保伏查花會久干嚴禁其術類燈謎以厚利誘人墮其中者至死不悟故又稱花燈蠱本惟閩廣有之自道光二十八年忽流入歙漸以大盛延及於休因而傾家喪身者不知凡幾至三十年知府達秀激於眾論親擊數人懲辦風以頓息一時土民作爲詩歌以稱頌之謂此毒可永除矣不意上年乃復熾蓋該府

王侍郎奏議卷七

八

本中人非不可與爲善無如信一李姓門丁唯言是聽而廩生潘炳照原名杭恩因疊有控告遂更今名素黃緣與李門丁結爲兄弟見安徽省失守花會漸開遂說該府以聽開花會可以斂錢招勇有事可用該府信之而潘炳照遂與改行之吳日富招攬無藉之人大書義練局爲名而實以開賭場於是聞風起者數十處咸屬焉而收其利祁亂作正有事時矣該府急求二人而二人避匿不見迨至該府另募勇千餘將赴祁二人聞勢已壯乃復出招舊無藉陸續而行始未得賊信則互相推諉逗遛不進迨至二月初五六賊退已盡乃於初十後爭赴祁城將賊所未擄去

之錢米衣物肆行搶劫以爲功祁城左右數十里以姦劫死者不計其數該府於十六日到祁見勇如此並不一行懲辦自宜卽行遣散乃他勇皆散而獨留花會之勇爲防堵以花會之目爲統率約束無方費用無節加以總局開銷日費錢數百串計月必萬數千串年卽十數萬千串賊滅無時民力有盡遂使外寇不至而民已有不聊生之勢伏思

國家勸捐原不忍竭民之力果所捐爲報

國家之用卽竭力亦所當然若以民捐之錢養勇卽以所養之勇害民竭良善之脂膏供無賴之魚肉賊不來而肆

王侍郎奏議卷七

九

行無忌賊一至而避匿無踪則民命堪憐錢欸尤可惜當此撥餉支絀之時似此捐數較鉅正可解供撥用豈可聽其妄費夫防堵誠不可無然貴與團練而不可招募紳衿原所宜用然必擇正人而力屏小人凡入徽境皆有險隘誠就各該處訪地方之正人聯本地之義勇無事各安生理有警互起救援則費省而守自固若誤以招募爲團練用小人而致正人不敢出則非徒無益而又害之如徽歙今日其患有不可勝言者現在安徽巡撫軍務方殷並苦鞭長莫及惟浙江巡撫黃宗漢公正廉明莫與倫比極知徽甯爲浙大門戶寧守可恃而徽守不可恃地方易守而

人不能守上年卽發數十札以教達秀而不能聽撥大礮數尊抬礮鳥鎗火藥等件以資之而不能用該撫春間一聞祁賊之信立出發兵四路馳救告示萬數千張徧貼徽地飭沿途預備糧餉一時聲威遠震賊之驚走實賴其力徽守無能情形無不聞知第以隔省限於成例未便竟派員管徽事今徽民實不堪命而防守浙亦兼資可否仰乞天恩密飭黃宗漢迅委賢員潛馳赴徽先將前後捐數查定俾無隱沒再與核算卽除勒捐鎖押之威以安民心嚴拏花會肆擾之勇以除民患去不肖之紳衿而延訪公正有才之士與商勸捐帶勇扼要爲防於以保徽卽以保浙地方生靈均爲幸甚臣爲惜捐款安民生保地方起見是否有當伏乞

王侍郎奏議卷七

十

皇上聖鑒訓示謹密

奏

論勝保摺 咸豐四年閏七月初九日
奏爲敬陳所聞恭摺仰祈

聖鑒事伏讀上月

上諭勝保圍攻高唐已將兩月進攻總未能得手兵勇亦有傷亡叢爾孤城逆匪爲數無多何致日久負隅屢攻不拔乃本日奏仍以挖濠鑄礮藉詞遷延似此勞師糜餉何日始可蕪功等因欽此仰見

聖明遠照策勵必嚴至意臣維該大臣之從軍也人皆以殺敵致果削平禍亂期之比到揚州屢見勝仗旋因追賊由安徽而河南而山西奔馳數千里轉戰無前所向克捷

王侍郎奏議卷七

十一

皇上鑒其奮勇授以威柄所以獎勵之甚至天下仰如神人謂

國家得此人爲統帥賊可計日滅矣乃自入直境聲名頓減因而攻獨流不下攻阜城不下今並賊數無多之高唐攻之亦不能下中間雖有臨清追賊之功然聞由賊中自啟猜嫌互相攻殺因而乘之非眞該大臣之能且沿途殺賊有黃良楷徐有信兩州縣亦非盡該大臣之力似該大臣入直以後絕無一可稱者夫以一人之身而前後異轍利鈍相反者何哉今之論者以爲該大臣意始謂高唐破後必責以破連鎮責以南下而破金陵鎮揚彼自計不能

因而養此小寇以自安又或謂該大臣爲小人所惑現已耽於聲色玩好日飲酒爲樂不以軍務爲重臣謂該大臣素以報國自命當不至此唯以臣所聞則其無功蓋亦有由然者臣聞該大臣有不得民心之道焉謝子澄之保天津也天津之人愛如父母而鄉勇之力亦實足多設令該大臣到津即將該令極力保奏將鄉勇從優請獎則足以收民望而作士氣乃計不出此而津人之心遂不屬之矣張亮基之在山東也民頗稱之乃當正帶兵勇連日殺賊之際突聞被參一時咸爲不平謂該大臣以私意相劾而東人之心又不屬之矣此其不得民心也乃又有不得將

王侍郎奏議卷七

十一

心之道焉當其乍膺統帥年輕資淺諸營宿將未免輕視而該大臣既不能謙沖以用羣才又未能調度出奇如周瑜之有以服程普故其不甚聽令處有之至達洪阿被參而諸將聽令唯謹矣乃該大臣與諸將絕少見面曾不聚而後謀謀而後動每日但傳令派某軍出隊其出隊之如何運謀如何制勝即領軍人不知其餘將弁又安能識大帥之心不能得心安能應手夫分營圍勦其間相距或數里十數里不等必待令而動則南營戰而北坐觀東面攻而西袖手固無足怪然兵至於不相救應豈有勝理軍務機宜間不容髮賊雖詭譎豈無間隙可乘有可乘而莫之

乘往往都成錯過則不得將心之過也且又聞有不得兵
勇之心者焉蓋其待兵勇也厚薄不免歧視故勇多不爲
用至兵宜爲用矣而又以寬縱失之當其聞令不進見賊
輒退未嘗不肆口痛罵極稱要殺而一經求免卽止不問
夫軍令如山大帥一言不可苟苟可不殺不宜輕出諸口
業經出口則令出唯行乃所爲必罰也殺而可以求免其
兵尚可用乎凡此三者有一不得似卽足以償事且自來
行軍貴在以多算勝不聞在多出戰也乃聞我軍每日必
出幾成隊望賊營施放鎗礮賊初不出待我火藥盡而兵
氣衰則突然衝出故兵往往見賊卽走夫兵日出則疲分

王侍郎奏議卷七

三

出則單我勞而彼逸我竭而彼盈似皆非出勝算而終未
聞變計夫該大臣非所稱轉戰無前所向克捷者哉何爲
而至此臣嘗細加訪聞知該大臣喜人稱頌戰功又時以
百戰威聲一腔血憤自負而竊有以得其故矣人心一有
自喜之念則驕矜不期而生由是諛言日至善言不聞一
切措施皆誤而不自覺故驕兵必敗自古爲戒夫勇往無
前衝鋒不避此該大臣之能也然此乃戰將之能也古之
大將不矜己能不伐己功集羣謀而必使無隱用羣力而
務盡所長該大臣豈未前聞而遽以自足耶現聞該處賊
止數百兵逾兩萬而該大臣方遠調鐵工窮搜廢鐵以鑄

大礮爲攻城計夫以兩萬之兵攻數百之賊圍之數月乃
謀鑄礮鑄成不知何日竊恐賊不能待必有他變出而
礮無所用之矣昔諸葛亮兵數敗衄自咎不聞其過謂諸
君攻亮之過則兵決可勝田單以破燕之威攻狄三月不
能下一聞魯仲子言而下之該大臣倘法二子去其驕氣
而以虛心博採人言高唐之拔似無庸更待鑄礮耳臣於
該大臣初無素識然愛之重之亦嘗稱其能軍矣方今將
才不易豈忍從而毀之無如舉動日非聲名日壞誠恐將
以驕矜致誤大事而該大臣亦不保其功名用是直陳所
聞伏願

王侍郎奏議卷七

四

皇上激勵裁抑之又從而提撕警覺之使之憬然有悟翻
然改爲由戰將而進躋於大將焉則
國家幸甚該大臣亦幸甚臣愚昧之見是否有當伏乞
聖鑒訓示謹
奏

請保護徽甯以固蘇杭片 同日

再 臣聞向榮營中於六月中盤獲奸細探知瓜鎮江面不能暢行往來擬由黃天蕩直達蘇松恐此路防堵嚴緊則由徽甯繞赴杭州蘇州以蘇杭糧米所出必須取為持久之計等語六月杪七月初間果有賊船七百餘隻突入池州大通河已抵青陽將分路由徽甯竄擾入浙聞浙撫臣分派兵勇往援嗣後不知該匪船退出與否 臣思浙江雖似完善而兵單餉竭人所共知該撫臣尙能將本屆全漕運津京師人心藉以安定即蘇省本年未經辦漕若年復一年浙之嘉湖近蘇諸郡勢必效尤抗不完納是今必得

王侍郎奏議卷七

五

早奉

嚴旨飭下新任蘇撫臣督屬豫籌新漕事宜况該省歲收豐稔積穀必多今賊匪已覬覦及此豈可不急為之防保護浙蘇必先保護徽甯欲徽甯之晏安必先於江面上游太平蕪湖池州三口岸派委水師得力將弁多帶師艇拖罟紅單各船於各口岸堵勤兼施聯絡上下聲勢但能令一匪船闖入內河則所以保蘇杭以保全明歲南漕者為功實大倘此三口不能扼守而徽甯稍有疎虞則順流入浙不日可至杭州浙江未經戰陣之兵即該撫訓練激勵不至畏葸而力不敵眾有堪深慮者彼時大江南北兩

帥以收復鎮江空城瓜州破壘為捷報 臣竊謂所得萬不償所失也伏望

諭知向榮嚴飭水師多派師船橫截太平蕪湖江口仍望特飭琦善分撥水師泝流而上直達安慶對渡之池州大通河口實力截擊與太平蕪湖兩口之師船聯為一氣不得稍存畛域之見奏以水師人員與船隻兵勇無可分撥為解則所以為浙江蘇州維大局者自在 臣聖明洞鑒之中 不勝焦慮迫切之至謹附片具奏

王侍郎奏議卷七

末

應給打仗受傷官兵俸糧例文各異摺咸豐四年九月二十六日

奏爲例文各見例意互明敬擬推詳恭摺奏明請

旨事竊臣查兵部例載出征受傷休致員弁分別給俸餉

一條稱副將以下守備以上官員因老病告休其曾經出

征打仗受傷者六十以上可否賞給全俸五十以上可否

賞給半俸均請

旨如打仗受傷在三處以上者無論年歲均以可否賞給

半俸請

旨此官員因受三傷而不論年歲給俸之例也而未言及

殘廢又優卹出征殘廢年老兵丁一條稱曾經出征打仗

王侍郎奏議卷七

七

兵丁年屆五十以上不能差操解退名糧有子弟在營食

糧者月給餉米三斗無者給守糧一分其受傷患病致成

殘廢解退名糧無論年在五十上下有子弟在營食糧者

月給餉米三斗無者給守糧一分此兵丁因殘廢而不論

年歲給糧之例也而未言及官員例文如此部中辦案因

於官員被鎗礮一傷致成殘廢請給俸者即以非三傷非

在五十以上議駁而兵丁有因傷年久成廢請給糧者以

無論是否三傷是否五十以上議准伏思官員之俸即兵

丁之糧也

國家之待官員較之兵丁似應加厚乃兵丁殘廢不論是

否三傷是否五十均准給糧而員弁殘廢則以傷非三處

年未五十不准給俸似不可解且例文所載係老病告休

與年老退糧之條其人受傷後食俸食糧尙歷有年而猶

議給俸糧今則臨陣受傷登時成廢即不得議給俸方今

軍營多患退縮其能受鎗礮成殘廢者大抵奮勇直前不

肯退縮之人也以現在奮勇之官員不得比於年久退伍

之兵丁恐非激勵將弁之意臣因再四推求竊意例文於

員弁給俸兵丁給糧皆有論年歲不論年歲兩層論年歲

者言其勞之常不論年歲者優其傷之重顧於優卹重傷

之中官員則言三傷而不言殘廢兵丁則言殘廢而不言

王侍郎奏議卷七

末

三傷蓋三傷雖重較之殘廢則爲輕至於殘廢則傷之多

寡可不論於官員言三傷者意謂但有三傷不必殘廢即

准給俸而殘廢之應給自可推於兵丁言殘廢者意謂苟

非殘廢雖有多傷不得給糧而三傷之不給亦可見兩條

並看言三傷見舉輕之可以該重言殘廢見舉重之不能

該輕而

國家待官員視兵丁加厚之意亦因以見蓋文雖各異意

實互相發明並非謂兵丁殘廢准給糧官員殘廢不准給

俸也臣以管見推測例意如此現當激勵奮勇之時敬行

陳奏恭候

宸裁是否有當伏乞

皇上聖鑒訓示謹

奏

上諭王茂蔭奏官員兵丁打仗受傷應給糧俸例文各異
奏明請旨一摺著兵部議奏王茂蔭於本部事宜並不會
同各堂官商議具奏輒自單銜請旨殊屬不合王茂蔭著
交部察議欽此十月初六日部議覆奏奉

上諭前因侍郎王茂蔭奏官員兵丁打仗受傷應給糧俸
例文互異當降旨交兵部議奏茲據該部酌議奏請分晰
給俸並明定例文以防冒濫各等語嗣後除受傷不及三

王侍郎奏議卷七

九

處尙未殘廢仍不准給俸外如傷雖一處而實係殘廢者
著各路統兵大臣及各旗營大臣並各省督撫確切查明
取具結冊送部該部即按照受傷三處可否給予半俸之
例奏明請旨餘依議欽此

王侍郎奏議卷八

省稿三目錄

論貴州土匪情事摺

咸豐四年十二月初四日

江南北捐局積弊摺

未注月日

收買銅斤濟用摺

咸豐五年正月二十九日

論長江形勢請急圖九江摺

咸豐五年二月二十二日

請飭張芾往徽甯一路防堵片

同日

請暫緩 臨幸御園摺

論徽州練局積弊摺

咸豐五年六月二十八日

論薦博銘唐寶昌江長貴片

同日

王侍郎奏議卷八目錄

時事危迫請修省摺

咸豐六年四月初三日

論貴州土匪情事摺 咸豐四年十二月初四日
奏為敬陳所聞恭摺奏祈

聖鑒事竊 臣聞貴州桐梓之變初因遵義府各屬征糧過重桐梓縣革役楊儂喜即楊瀾因而煽惑上年早有風聲前令張克綸不行舉發但乞卸任後令陳泰階於閏七月間見邑民紛紛告變遣門丁羅姓往查而羅陰與賊通復寢其事邑民無所赴訴相率遷徙八月初六日楊瀾及小霸王陳姓入城城已空無居人賊執陳泰階褫其衣冠送至遵義府前而縱之此賊初起桐梓之情形也遵義知府朱右曾聞警招練約副將常勝帶兵往勦該協兵除徵調

王侍郎奏議卷八

外尚應有四百餘名乃常勝向務侵冒僅存空冊無以應該府再四催促勉強僱得五十人會同前往婁山關防堵有生員楊姓者率團練二百人約該協等往關前而已從山後繞出為夾攻計迨楊姓至山後大呼而山前無應者遂奔潰楊姓三十餘人後遂被害該協既畏縮不敢進迨賊過婁山關反遁入城而賊遂長驅至城下矣此副將畏縮避郡被圍之情形也省城聞報大吏相顧推諉至十四日始定議以藩司炳綱統兵至二十八日始與提督趙萬春至遵屬之螺螄堰賊眾千餘撲營時營中兵不滿三百以重賞僱募挑夫出戰傷斃賊八人賊遂潰敗亦見賊之

不難破矣乃該提督等既不乘勢進攻又不駐紮防守反星夜退奔烏江以南之母猪箐而賊遂日熾省城震動矣二十九日貴西道福連統眾至螺螄堰遣迎大軍該提督與藩司不敢前約福連到營會議及至了無一語但欲福連來同駐於是福連忿去率其眾折回黔西屬之打鼓新場扼守先是游擊保山縣丞陶履誠署知州徐河清分路赴援二十三等日頗多得勝又有文員韓超自龍平趨楓落橋轉戰入城二十八日賊來攻時殲殺百餘而賊遂遁若該提督等乘此急往力勦不難立行撲滅乃頓兵不進致使保山陶履誠遇害省中紳民咸咎之議具公呈請促

王侍郎奏議卷八

進兵該提督始於九月十三日至中莊鋪十四日分兵數百欲帶入城時韓超與賊接戰已獲勝仗該提督登高觀戰為賊所乘幾成擒矣幸韓超回救得免而軍械火藥盡失軍威大損十五日該提督傳令回大營兵已出城嗣聞城外有賊忽又傳令退回賊見之鼓掌嘲笑十六日賊攻郡城提軍不敢出至四更後潛率兵開南門欲回大營城外司號火者不知為官兵也驚呼賊至該提督踉蹌仍遁回城遺失鉛子藥筒多件其實並無賊也二十二日貴東道承齡至適賊退雷台山該提督乃乘間偷返大營有高天澤者總督羅繞典之戈什哈也奉令先來自二十八日

後每率練與韓超徐河清等進攻為前隊而提督分四五
隊後隨每高天澤等得勝回提督二隊不過隔山助賊三
四隊則從未得見也又有武舉顏姓於進攻時持大纛直
前逼賊壘以後軍不繼而陷此提督懦怯屢次失機之情
形也撫臣蔣蔚遠白八月初間聞警至九月十六日始出
省駐離城七十里之札佐場既不前進又無調度遵義紳
民以提督退縮奔控乞請赴援該撫傍徨失措有自認庸
懦無能之語又札佐米價與省城同委員探買多尅扣致
民畏阻由省城搬運一石費兩石之價此又巡撫防賊辦
事之情形也該省副將如此提督如此巡撫又如此似與

王侍郎奏議卷八

三

所報迥不相符現在賊圍遵義分股破仁懷困綏陽侵黔
西漸成燎原之勢合省延頸企踵日夜望總督軍到而羅
繞典甫到即歿又聞遵義府之安南普安一帶另股土匪
蠢起勢尤猖獗並聞獨山餘黨余光裕糾粵匪萬餘來寇
深溝高壘其意叵測該省之危急實甚伏思現在畿輔未
清三江未靖何能籌餉調兵遠顧黔省然該省界連西粵
粵匪方張必將連結若不早滅亦且蔓延該省地瘠民貧
兵單餉乏眾所共見辦誠非易然果先得能辦之人亦必
有可辦之法聞桐梓賊初起時不及千人過雞嶺關約四
五千人近在雷台山約萬餘人分擾綏陽者四千人往黔

西者千餘人此見辦理貴速方免蔓延之驗又聞湖北臬
司胡林翼前在貴州府道各任勦辦黎平鎮遠都勻平越
二帶苗匪黃平甕安滋事等案所到之處辦理有方士民
帖服匪徒聞風解散全黔士民至今思之不置即今桐梓
逆匪年前亦有胡大老爺在此不反俟其去再反之言此
又見能得其人自可辦理之驗今湖北收復善後事宜有
總督楊需主之料理或不乏人可否請

旨特飭胡林翼星馳前往辦理軍務再請

飭雲南四川兩省速為添兵籌餉以濟之庶可迅期平定
胡林翼未到以前應請於該省諸大員中去其畏賊之人

王侍郎奏議卷八

四

而責成不畏賊者督率福連韓超高天澤徐河清諸人力
籌防勦庶免遂巡粉飾致誤事機至生員楊姓武舉顏姓
皆以同仇敵愾奮勇捐軀似宜令查所請卹以作團練紳
民之氣臣愚昧之見是否有當伏乞

皇上聖鑒訓示謹

奏

江南北捐局積弊摺

奏爲捐局林立官私雜出恭摺具奏請

飭查辦事竊維蘇省自軍興以來大江南北供億浩繁撥款難繼經督辦軍務現任江蘇布政使雷以誠奏請抽釐助餉固一時不得已之策然果於江之南北各設一局於商賈販運往來抽取百分之一二似亦未爲有害乃今聞該省自二三月來揚州以下沿江各府州縣三四百里之內有十餘局攔江設立以斂行商過客名曰捐釐實同收稅且其間有官者有私者有名官而實私者種種情形不一局愈多而民愈困弊愈滋矣聞商販莫盛於米糧揚州

王侍郎奏議卷八

五

府屬泰州等處爲出米之區商民裝載至蘇出糶置貨而歸往來不空稍獲微息茲以各局報捐計米一石成本制錢二千歷十餘局捐釐便加至千文價不償本漸成裹足蘇杭儲積不充勢必採買維艱商力因此而疲民食由此而匱他如雜貨有稅銀錢有稅空船有稅至於煙土私鹽久干例禁今則公然販運止須照數捐釐便可包送出境傷國體而厲商民莫甚於此蘇省各屬賊氛逼近團練巡查在在均關緊要一切經費自必藉資民力然大捐則有助餉之款零捐則有團練之款近復各行店舖按月抽釐鎮常而下靡不遵辦加以沿江捐局已虞民力難供况加

王侍郎奏議 卷八

以貧劣之假公濟私棍徒之藐法行私謂歸糧臺則不盡報解謂歸團練亦半屬虛文且或託名召募則以浮冒任其開銷假號巡查則以招搖供其侵蝕又其甚者恃眾以斂錢又以錢而聚眾至普安薛家港等局竟有互圖併吞大肆爭殺居民商賈無不受害之事在丹陽縣歷有控案非特竭民脂膏尤恐釀成鉅患謹將各局名地方繕具清單恭呈

御覽請

旨飭該督撫並軍營大臣將私設之局密派弁兵潛往查拏以防抗拒將假公濟私各局密派委員潛往查察務將

王侍郎奏議卷八

六

各該處按月收捐號簿立時拏獲以便按簿追贓充餉再將各局分別裁撤禁止於江北設一局以濟揚州軍營飭江甯藩司文煜主之江南設一局以濟鎮江軍營飭署常鎮道蕭時馥主之倘有侵吞擾害等弊唯伊等是問如此則商皆樂輸民無擾累匪徒知所儆畏而軍餉亦有裨益矣

皇上聖鑒訓示謹

奏

五一七

謹將各局地方開單恭呈

江南諸局

一 奔牛局在常州府武進縣地係糧臺署常領道蕭時馥奉文設立捐釐協助鎮江軍餉派有委員紳董經理

一 小河局在常州府武進縣地先係本地紳士設局防江後因徒陽江而復設有局此局遂撤有沿江棍徒憚嵩山

等私立數月復資求官為撥稟派設委員稅及空船收用無賴所捐釐數每月僅解糧台二三百千餘多朋分入私

一 普安局在鎮江府丹陽縣錢家港地方係丹陽劣生朱泰臨即朱喬設立三月中立局五月中與丹徒沿江兩局

王侍郎奏議卷八

七

聚眾爭鬪互欲吞併火燒沿洲民房傷斃多人經洲民在陽邑報明出示禁止朱覺站不住往投雷營即託名為雷營所設未知真假其所收捐未知能否真歸雷營用

一 西新港局在鎮江府丹徒縣地係丹徒人蔡友先等五月中設立

一 薛家港局在鎮江府丹徒縣地係丹徒人王耀書等五月中設立糾合西新港局與普安局聚眾爭鬪勾引艇船十餘號沿洲焚掠丹陽縣有案可查

江北諸局

一 三江口局在揚州府江都縣地係前提督余萬清委員

設立

一 仙女鎮局在揚州府甘泉縣地係江蘇布政使雷以誠奏准設立現歸江甯布政使文煜經管

一 口岸局在揚州府泰興縣地係鎮江劣生盧七設立盧本不安分交結鹽販設局收稅嗣經揚州府知府禁止現仍設

一 八圍港局在常州府靖江縣地係靖江縣知縣馮姓所設委靖江典史王塘經營所捐釐數每月千餘串分文未繳經分局糧臺蕭時馥節次催提仍然不解

一 六圍港局在常州府靖江縣地靖江縣丞楊國均所設

王侍郎奏議卷八

八

七月中旬曾解過糧臺錢二百千以後未解

內河二局 內河實不止二局此係武陽最著名者

一 戚墅堰局在常州府陽湖縣地此係往蘇州要路初設原因團練日久費無所出暫行設局捐商後遂收及煙土之稅難以查考

一 西夏墅局在常州府武進縣地係焦湖船幫所設專收私鹽之稅勸報聚眾數百人賭博鬪毆橫行無忌所收錢文按股均分官不敢問恐其生變

收買銅斤濟用摺 咸豐五年正月二十九日

奏為請收買銅斤以濟部用恭摺奏明請

旨事竊維今日所急莫如籌餉而籌餉所賴尤在鑄錢凡諸銅斤短絀解運維艱採買匪易等情雖設官分職固自各有專司而

國計軍需未嘗不同深焦慮乃等思採訪間有素識之乍浦旗人已革知縣成興來稱訪有商民十餘人多有銅斤兼能採辦第不敢與吏胥交涉是以隱而不出誠能於收買間立法平準免受虧折該商民等即能採辦交收當詢該商民等所稱採辦究能採辦若干據成興稱總在百萬

王侍郎奏議卷八

九

斤以上臣初不敢信因告以果有此數能遵官價每十成銅京錢六百文一斤其餘按成遞減若該商等各將認辦銅數出具切結來看旋據成興取其各商切結交來查各結商人共十餘名認辦銅數共百餘萬皆有遵照官價交收如虛甘罪字樣臣猶未敢深信隨約日期令該商等聚齊細加詢問並令出具總結當面畫押一一皆無異詞且察該商等所言能辦之數似尚不止於此查此項銅百萬餘斤足抵滇省一運以滇銅八成之價計之僅合京錢四十八萬串需銀不足十萬兩較之滇銅一運甚有節省該商等畏與吏胥交涉無非慮稱頭成色或有高下致受虧

折應請

旨飭下戶部妥籌收買務使商情克通不致畏阻自足以濟部用俟戶部議定之後臣即將各商結移交辦理再此項銅斤由已革知縣成興訪來各商人皆其所識必得責成始終其事方免推卸惟成興係乍浦駐防應回乍浦可否請

旨飭令暫行留京責成將此項銅斤交清再行回旗之處出自

天恩臣愚昧之見是否有當伏乞

皇上聖鑒訓示謹

王侍郎奏議卷八

十

奏

論長江形勢請急圖九江摺咸豐五年二月二十二日

奏為敬陳管見恭摺仰祈

聖鑒事竊臣知識庸愚見聞淺陋各路軍情鮮能深悉然於訪聞所及而以形勝揆其大勢竊謂南方之勢全在長江長江之要全在九江此陸建瀛當日之敗逃所為關東南全局也夫以曾國藩塔齊布水陸兩軍三日而克武漢長驅直下勢如破竹獨於九江數月不下者蓋賊以九江為扼要故悉全力以守之如揚州瓜步雖屢挫敗終不肯舍也今之分竄漢口正欲使我師回救彼乃得保九江而無憂耳若曾國藩等一行回救不獨前此之功廢於一旦

王侍郎奏議卷八

七

即後此欲復至九江城下竊恐難矣何則賊懲前失但得我師一動必悉九江之全力以上拒使我不能下行也賊勢之盛全在得長江千數百里之地恣其游行數省沿江郡縣恣其劫掠兵無阻處糧無斷處故得肆行無忌今自漢口至九江其間亦幾六百里我兵駐九江不退則此段江面為我有雖不回救而與上游聲勢聯絡儘可調兵撥船於其間賊終有所畏忌不能往來自如一退則全江皆為彼有下游消息不通縱留兵於九江亦必被其攔截此九江之所以萬不可舍而回救之非策也或曰不上救武漢則下攻金陵此尤不能九江以下彼必皆有防守我兵

豈能直達倘賊情詭譎故縱我兵東下因而抄襲我後腹背受敵禍更難測為今之計惟有專心壹志力圖九江九江未下不獨將不可輕動即兵亦不可多分九江既下亦必多用兵勇扼要駐紮以成重鎮蓋此地為賊所死守即為賊所必爭其守瓜鎮者意在扼我之吭也其守九江者懼我之扼其吭也我得其吭而扼之彼豈肯遂甘心唯以重兵駐之以大將守之使漢陽之賊不能下竄安慶之賊不能上駛全江之險為我所踞上下調度呼應皆靈此九江之守與不守得失攸分而萬萬不可輕動者也其攻九江之策曾國藩等自必籌之已熟而由臣愚見我兵若由

王侍郎奏議卷八

三

間道入江西與江西之兵聯為一氣從南康星子一帶水陸橫衝而出彼必難防若曾國藩由內攻入塔齊布等由外攻入似更易於得手湖面既清江西安堵更可招募練勇多備餉需為嚴扼九江之助至於漢陽之賊總督則有楊需將軍則有官文若能辦賊似不必定須曾國藩等二人若皆不能辦賊專恃二人之來則恐二人雖來而亦無濟然此則在

聖明籌度之中非臣下所敢妄為擬議也臣以愚昧之見私為懸揣是否有當伏乞皇上聖鑒訓示謹

奏

王侍郎奏議卷八

三

請飭張芾往徽甯一路防堵片 同日

再臣聞徽州現又被賊賊屢窺此意必有在此地倘為賊破則以建瓴之勢東下浙江固在意中而西道江右之饒州一湖相望又將與九江聲勢聯絡且由徽而與池太之賊三面以攻甯國甯國勢不能守甯國不守則安省之江南四府已為打成一片而蘇杭處處皆通於大局甚為可慮徽州處萬山中四面崇峻原自有險可守無如府縣皆甫到任而本地紳士又鮮禦侮之才學政沈祖懋聞現帶勇赴漁亭防堵素少經練恐亦難恃即派撫極力維持亦止能固東方一面竊見前任江西巡撫張芾曾奉

王侍郎奏議卷八

四

旨交和春福濟差委江北大員頗多可否請
敕將張芾派往徽甯一路擇要駐劄籌辦團練防堵等事
資其聲威加以董勸當較得力是否有當謹附
奏

請暫緩 臨幸御園招 咸豐五年二月二十九日

奏為時勢艱危敬竭愚慮恭招仰祈

聖鑒事伏見

皇上眷念松楸時深殷慕特舉謁

陵大典而於民間之煩於供億民力之不忍重勞愷惻殷

肫惻凝在抱

大孝至仁敷天共仰咸知此為

聖人不得已之衷萬難安之隱也乃愚頑無知妄行窺測

遂謂

回鑾後即將

王侍郎奏議卷八

五

臨幸御園臣故有以知必不然矣然人言日盛必當有

以解之臣請歷陳其不可恭俟

皇上明諭斥責藉以息愚頑之妄議焉

皇上深慮法宮於茲二載矣所以然者緣

國計艱虞民生塗炭憂勤惕厲

宵旰勤勞不暇有事於游觀非因寇侵畿輔而然也若連

鎮甫平即

臨幸御園則人將謂東南大局之多危各省小醜之竊發

皆不若連鎮一隅上廛

聖慮悉賊匪得窺我意之所重輕而肆其詭謀如夷人之

每以北來為恐喝此一不可也且賊亦正可慮矣逆首李

開芳狡詐異常難保不復竄出河南山東現以銀貴賦重

窮而思逞者不少一旦勾結潛通裹脅復眾勢均難測又

聞楊需屢退掘賊不佳萬一竄入河南尤為可慮若其時

遽行

還宮則未免示輕若不

還宮則非所以重

宗廟此又一不可也臣又聞南北各大營兵勇口糧不能

時發有積至數十萬者往往給以期票動逾數月兵勇衣

食時有不周每攻賊賊輒以此種語誘惑我軍軍帥之難

王侍郎奏議卷八

六

以剋期督戰難以盡按軍法每由於此此時惟聞

聖躬憂勤節儉尙可感慰饑軍不致含怨萬一傳聞

臨幸如常士卒生心或起嗟嘆亦為可慮此又一不可也

自古帝王之學首於主敬堯曰欽舜曰恭千古心傳

皇上以乾健不息者心體而力行之

聖駕在宮在園夫豈有二致顧

聖敬原自日躋而淺識者但即動靜之迹以測敬肆之衷

若見

臨幸御園將謂賊滅無多時平有待而

聖心已有稍寬之意恐非天下仰望之心此又一不可也

方今廷臣才識庸下咸不足仰承
德意獨賴

皇上振作於上猶不敢十分怠玩然今年以來意氣恬熙
已非復前兩年之戒謹恐懼矣若見
臨幸御園則人心必更懈弛將至共就逸樂而振作愈難
此又一不可也且今日公私之困亦至極矣度支之絀籌
撥無從固不待言即各衙門公項各省概不解到書吏應
領飯食多二三年未給襪纒當差每至跪求革退司員日
常進署有步行者京堂率過堂期雇車進署一次蓋在城
之竭蹶如此况

王侍郎奏議卷八

七

御園各朝房間多損壞兼有傾圮無項可動支修理何以
辦公此又一不可也凡此不可之端自皆在

聖鑒之內臣第以人言懵無知識求

皇上明降諭旨直斥其非使天下咸曉然於

大聖人舉動迥越尋常固非愚下所能竊測即或

聖心偶有此意亦望俟克復金陵之後再或遲之又久而

後行之暫勿輕發庶免爲人所窺蓋爲人所窺即恐爲賊

所窺爲此冒昧上言伏乞

聖鑒臣無任悚惶戰慄之至謹

奏

上諭王茂蔭奏請暫緩臨幸御園一摺現在並未傳旨於
何日臨幸園明園不知該侍郎問自何人令軍機大臣傳
問王茂蔭豎稱得自傳聞未能指實殊屬非是在廷諸臣
陳奏事件如果確有見聞朕必虛衷採納若道路傳聞率
行入奏殊非進言之道王茂蔭身任大員不當以無據之
詞登諸奏牘着交部議處原摺擲還欽此

王侍郎奏議卷八

六

論徽州練局積弊摺 咸豐五年六月二十六日

奏為請籌濟用並除禍本恭摺奏祈

聖鑒事本月署吏部侍郎沈兆霖因徽州連年被賊多向浙請兵請餉奏請添設皖南巡撫奉

旨交軍機王大臣等妥議 臣亦隨同議上矣惟 臣見聞所及有徽州現時之急務請更為

皇上陳之

一請急籌濟用也地方經兵燹之後勸捐匪易濟用為難

然有非難者徽自三年勸捐設防即歛一縣已捐錢八萬餘串用至年底尚存四萬餘串四年春義練勇局出而再

王侍郎奏議卷八

九

捐又收數萬串秋後學政飭各縣捐輸又收十萬餘串各

貨捐釐七千餘串茶引捐釐銀數百兩府庫存銀三萬兩

惠濟堂銀數萬兩鄉試卷燭銀數千兩此外尚有提取各項存典本銀各邑所收錢糧各邑捐輸銀錢並浙省與建

德協借銀兩未詳數目統計以錢合算總不下七八十萬

串今年正月即稱餉匱豈上年一年竟能用盡其中隱存者甚多一行嚴查自然即出聞四年正月以前收捐皆由

欽令劉毓敏該令夏間丁憂將銀錢冊籍全帶公館任催不交至今年賊近乃遂逃歸山東原籍其時賊未到城不得藉口被搶此可查出者一上年賊擾祁門退後有劫掠

未能帶去之米數萬石存各大姓祠堂官兵到後即為封

起議以濟祁邑難民而未行究竟作何用去此可查出者

二義練局到處勒捐自收自用糜餉數十萬練勇並無花名冊發餉並無報銷冊其浪費固不堪言然有置產者有

寄頓者此可查出者三學政設籌餉局捐項皆交府庫學政但發實收頗為清楚後來有自收自發者人初不知因

學政傳錢號入驗銀色見銀甚多且有金條均稱係捐項乃始知之此可查出者四二月初六日練首潘炳照等見

賊已偏將發出在局之惠濟堂存典本銀朋分而走十一日潘炳照探賊未到復持刀至府庫強取千金以去時庫

王侍郎奏議卷八

十

尚存五六千金署府門丁宋姓拏去二千餘者庫吏楊大

昌禮吏孫培分而攜之皆有書院司事許良貴目見又學政委管街口抽釐之林用光吳瑛皆浙人聞郡城破即將

收存未解之項朋分順流各歸鄉里因分不均均有持刀相殺之事此可查出者五又上年冬各邑所徵錢糧解交府

庫以備解廬州大營者數萬兩均未及解賊未至前該署府曾有安頓此可查出者六以上各款數皆不少但能查

出即可濟用且一行清查各捐戶見所捐不至盡成虛擲亦必勉而再捐矣

一請嚴除禍本也徽州之難由於練勇非人而練勇所以

非人者則知府達秀誤以花會之人爲之也該府初頗禁花會緣廩生潘炳照素結門丁李作塘爲兄弟窺該府方欲練勇因共誘以聽開花會即可斂錢聚勇平時無需養費有事可以得用既入聽遂招向爲會首之吳玉富行之樹旗幟大書義練局聚無賴不法之徒以廣開賭場然猶僅收賭場錢未至糜公餉也上年祁賊退後吳玉富帶花會人同往耀武於無人之地搜括附近財物以報功該府信之而留其勇爲防堵乃更於各邑徧開花會至數百處賭場益廣勇勢益橫集勇不過二三千人且來去無常而虛稱四千餘名以領餉藉官以毒民而民莫如何藉勇以

王侍郎奏議卷八

三

挾官而官莫如何一時貪利附勢之徒又從而張其焰以助之各隘口有自設勇爲防者必撤之而易以花勇紳士有異議者則使毀其家毆辱子弟以致正人屏息遠避而該府以自知被誤而憂急以死學政沈祖懋之至徽也初亦有聞潘炳照入謁不得見勢稍斂詎有黠人汪致安時出入沈署自稱爲沈門生潘因密結之以通門丁與幕友聲色貨利恣各所欲於是學政署無非爲潘言者乃復使人請潘凡三請乃至吳玉富亦然時署府恩禱署縣博銘與合郡人皆知練勇糜餉滋事甚至將建德之源頭等處焚搶幾二十里該處人痛恨入骨必將有難且平日從無

王侍郎奏議 卷八

訓練賊至必然潰散而學政則唯言是聽任其冒濫縱恣而不禁且親書新安捍衛四字以贈玉富又憑玉富口稱欠發餉數萬請作捐項給以都司銜實收於是人人皆知禍難之必作而賊果至矣賊至而勇即潰逃且布散謠言乘機搶掠一一如人所慮矣今閩郡恨潘吳二人咸欲生食其肉二人固爲禍本然非倚知府與學政何能至此則李作塘汪致安又禍本中之禍本也數人若不嚴除則鬼蜮之技勢必百出難將靡底至其黨與甚多難以盡舉然助惡分肥者悉載人口一訪可知均應分別懲辦至學政本文學之才未習團練一任練勇等所爲在其意殆欲羈

王侍郎奏議卷八

三

糜以爲用而不知此種不正之人不練之勇專爲糜餉而集胸中早辦一逃斷無可用之理且一用此等人必至聲名被其所壞潘炳照等藉稱學政清苦於茶釐每引爲扣二分五又適緣一富室以重贄拜認門生遂有苦不苦茶釐祇扣二分五清不清拉著捐戶拜門生之謠今賊雖退人惴惴然成慮學政將引潘炳照等復出使花會再開匪徒重聚則徽之內患卽不可爲故有謂學政一日不去徽禍一日不止者物議繁滋雖難盡聽然眾口所傳未必盡屬無因應請飭令該學政勿管收捐練勇之事實爲幸甚

以上二條實為徽州現時之急務請

旨密飭浙江安徽兩撫轉飭現在徽州之委員即行查辦

至徽禍始終皆由花會尤宜飭地方官嚴行禁斷務必絕

其根株地方有幸臣因見聞所及敬以上陳是否有當伏

乞

皇上聖鑒訓示謹

奏

王侍郎奏議卷八

三

論薦博銘唐寶昌江長貴片同日

再臣聞上年有署歙縣知縣博銘係旗人識見精明能洞

燭義練局之奸偽嘗擬為保徽八條見者無不欽服其遇

事之勇往嘗因有警即乘馬將徽境邊界徧巡一周謂徽

州如住衛衛內斷無不能守之事因格於學政議多不行

遂以新任有人而去士民欲留不得咸深惜之又休甯知

縣唐寶昌甚有勇畧該縣初次被賊因甫經到任未及守

禦而出謂徒死無益誓必克復此城故當克復時該員皆

策馬當先二次被賊該員業已丁憂然當攻城殺賊仍奮

勇如前又有都司江長貴待勇最為得力二月漁亭之戰

徐榮敗後該都司力戰至晚業已轉敗為勝因報至休城

而學政與知府早已聞敗而走孤軍不能獨立故亦遂退

賊因得以至徽城現聞張芾已在徽州而知府仍補林廷

選若再得博銘為欵令兼留唐寶昌江長貴以司團練防

堵之事則徽州可保無虞臣因博銘唐寶昌江長貴三員

在徽聲名甚好為民之望不敢壅於上

聞可否

敕下安徽巡撫調用留用之處出自

皇上天恩謹附

奏

時事危迫請修省摺 咸豐六年四月初三日

奏爲天時人事危迫日深敬竭愚忱恭摺奏祈

聖鑒事竊 伏見天象今年以來雨雪陰霾爲日既多即見晴霽日旁亦若時有雲氣精彩非復如常而二月初十與三月二十五日黎明時天色尤異 雖不識天文然私心過慮竊以爲此殆天之所以垂警也又讀日抄見

盛京奏上年臘月金州地震四十四次金州雖屬海濱實近根本之地震動至此竊又過慮以爲此殆天之所以告警也京城銀價貴至八弔以外百貨轉運不來旗民日起愁歎若不聊生此內之危迫也各路賊勢有增無減警報

王侍郎奏議卷八

三

日至勇將被傷餉或待發年餘兵或時聞潰散此外之危迫也夫以天時人事至於如此而欲起而挽救之頭緒萬端亦幾無從措手矣然 以爲此皆天之降亂而未有轉也誠得天心一轉則賊匪自滅天下自平是此時致力之方唯在求天心之早轉矣然而欲轉天心必求力盡人事欲盡人事必求務協民心何則天視自我民視天聽自我民聽也夫民之視聽果何在哉 以爲一在省己一在用二人二者皆本於一心而其樞則繫乎聽言伏見賊匪竄擾以來

皇上軫念民生勤求治術以期仰慰

吳蒼

郊壇大祀致敬竭誠虎尾春冰常存敬畏應天以實不以文早爲天下共見而效願未著者何也昔者太戊修德而妖孽消宋君一言而熒惑退感應之機捷於影響豈至今日而有異 愚以爲天之愛人主如父母之愛子人主事天亦如子事父母親意未回惟咎孝敬有未至天心未轉惟念修省有未盡願

王侍郎奏議卷八

三

時隨事皆深視民若同胞而有灼艾與爲分痛之意斯民聞之而感泣即天聽之而意回者其一也昔魯君以民服爲問而孔子對以舉直錯枉夫舉錯何關於民乃一直舉而民快然若所親一枉錯而民快然若所仇豈必嘗有德怨哉蓋斯民也三代之所以直道而行也故大學言平天下惟在公好惡漢高祖封雍齒而斬丁公蓋當進者雖所不喜亦必用當罪者雖所甚喜亦必誅正以收人心也皇上誠察民之所好者好之則好一人而可得千萬人之心察民之所惡者惡之則惡一人而亦可得千萬人之心人心翕然順應即天心因之以感格者又其一也願

爲二者皆本於一心而其樞則在聽言何也舜大聖人也而羣臣進戒一則曰罔遊於逸罔淫於樂再則曰無若丹朱傲惟慢遊是好非舜深見人心之惟危而不以爲迂安能有此知人則哲自古爲難故虞書紀闕四門必繼以明日達聰蓋誠慮耳目有未周卽用人有未當而欲合天下之聰明以爲一人之聰明也是省己與用人固非虛衷聽言不爲功且不獨此也苗民逆命以不矜不伐之禹而益贊之言但曰滿招損謙受益齊威王令羣臣吏民能面刺過者受上賞上書諫者受中賞謗譏以聞者受下賞諸國聞之皆來朝當時謂之戰勝於朝廷則凡所以平逆命而求戰勝者亦在是矣

王侍郎奏議卷八

三

皇上御極以來屢詔求言並有言不逆耳不可謂諫之論凡有裨於用人行政之言無不仰邀採納旣而言或無當乃有奉旨明斥者斥之第以其無當初非禁之使勿言也乃前之言者見多而今之言者則見少蓋臣下敬畏天威非誘之使言卽多有不敢言者今無論其他卽如各路軍營某也將不勝某也將必敗道路傳聞往往應驗而無敢以爲言者或則慮無實據也或則慮有據而查時化爲子虛也或則慮言之不行而徒招怨也或則謂權衡自

在

聖心也是以皆不敢言也倘各路必敗之軍人早言之而去之何至有敗壞之事至於敗壞而後罪之所失多矣是以孔子稱舜有大智不獨好問好察必曰隱惡揚善蓋非好問察而人不敢言卽問察而惡不爲隱猶恐善不敢言也且用人進退之際臣子有難言之隱蓋懼干聖怒而見斥者意猶淺懼激

王侍郎奏議卷八

三

聖心而難回者意實深進言獻納之際臣子又有難言之隱蓋獲聽則人皆翕然而歸美於上者喜固深不獲聽則人將譁然而歸美於下者懼尤深用人聽言著乎視聽而關乎民心者至大往往有因不用而民愈望之因不聽而民愈稱之者誠察乎此而所以得民心者可知矣

皇上批覽奏章纖悉有誤必邀批示天下臣民無不仰聰明之天豈宵旰之勤勞然臣以爲精神之用貴乎不紛竊願務其遠大而舍其近小各督撫軍帥之奏務在察其才之能否與心之誠僞倘有見爲不能而多僞者預爲去之不待僨事之既見則所保實多且去一當去之督撫而全省之人心皆感動去一當去之軍帥而合營之軍心皆感動所以收人心者尤甚大也抑臣聞明主勞於求賢而

逸於用人故堯以不得舜爲憂舜以不得禹臯陶爲憂楚莊王見羣臣之不若己而有憂色今天下才實不足久在聖鑒之中此誠可憂之事也然莫謂天下無才也天生才以供世用不在上則在下如羅澤南者今皆知爲將才矣初則一歲貢耳且湖南一省有江忠源兄弟又有羅澤南師弟則他省可知第少有留意人才如曾國藩駱秉章者耳唯賢知賢唯才愛才

皇上嘗諭令各督撫廣爲諮訪矣誠恐各督撫有見而不能知知而不能用者嘉言罔伏斯野無遺賢是尤全賴聖心之誠求耳收一良將之才而人心感奮收一良吏之才而人心尤感奮所以收人心者又甚大也天下以人心爲主臣之所陳皆欲得人心之大同以冀天心之速轉現在武昌未下而江西又復危急向聞該二處之人皆力與賊爲仇而近聞賊眾甚多恐從之者亦不少此中人心轉移之故宜深思也

王侍郎奏議卷八

三

列聖深仁厚澤人心斷不能遽忘然不於此時急設法以維繫之任賊出其假仁假義以爲市則人心恐遂爲所搖而難挽伏見

宸衷淵密不顯惟德有定靜而安之神必有能慮而得之妙非淺識所能窺測臣實心迫憂危遂不禁言之難已白

願一身毫無可念第念受

恩深重無可爲報是用竭其區區之愚敬行陳奏是否有當伏乞

聖鑒訓示謹

奏

上諭朕總理庶務恪遵

列聖成憲無日不兢兢業業以敬

天愛民爲心因思知人安民垂於古訓凡文武各員如果才猷素裕著有成效者未嘗不破格錄用卽大小臣工條奏事件苟有益於國計民生亦無不虛心採擇見諸施行

王侍郎奏議卷八

三

所冀嘉言罔伏野無遺賢庶可以漸臻上理况近年以來粵匪未平河流未復各省地方並間有偏灾赤子何辜遭此慘毒朕惻隱在抱軫念民依憂勤惕厲之衷諒中外臣民所當共喻本日據侍郎王茂蔭奏稱天時人事危迫日深致力之方惟在求天心之早轉又謂民之視聽一在省己一在用人二者皆本於一心而其樞則繫乎聽言等語持論切當與朕心適相符合當此時勢多艱力圖補救朕惟省躬克己於用人行政之間慎益加慎以期默邀天眷海宇救安中外臣工亦當夙夜靖共交相儆惕以副朕孜孜求治之心實有厚望焉欽此

王侍郎奏議卷九

省稿四目錄

薦舉人才摺 咸豐六年八月十七日

論浦口防兵不宜調動摺 咸豐七年九月 日

請酌量變通錢法片 同日

請密籌防備摺 咸豐八年三月初八日

條陳夷警事宜摺 咸豐八年四月十八日

辦環國防廣求人才摺 咸豐八年四月二十五日

論夷戰水不如陸片 同日

請刊發海國圖志並論求人才摺 咸豐八年五月二十九日

王侍郎奏議卷九目錄

請開缺調理摺 咸豐八年七月初四日

薦舉人才摺 咸豐六年八月十七日

奏為敬舉所聞恭摺奏祈

聖鑒事伏讀上年十二月二十二日

上諭現在用兵省分委用需人如有才兼文武膽識出眾之士自應隨時採訪或令隨營或辦團練以收實效此外

衡茅伏處不乏英奇並著各督撫廣為採訪擇其素懷忠

義韜略過人者據實保奏等因欽此又讀本年二月十二

日

上諭現在江蘇安徽江西湖北湖南廣西貴州各省正當

辦理軍務之際著該督撫於所屬各員中秉公察看如有

官聲才具堪勝府道之任者著各保數員以備簡放欽此

王侍郎奏議卷九

仰見我

皇上求賢若渴之心可謂至矣 臣惟方今所急在將才尤

在吏才蓋得一將才可以平亂而得一賢督撫則該省自

不亂得一賢牧令則該州縣自不亂從古奸民亂賊之起

其後以數萬甲兵制之而不足其始一良有司治之而有

餘是求將才以平已亂猶不若求吏才之可治未亂也現

在各省地方多辦團練官民能否均於此見然衡茅之士

非得賢牧令知而任之不能有為以自表見是欲求伏處

之英奇必自得賢牧令始且夫牧令之良無不能得民心

者爲宰而能得民心爲將自能得軍心能團鄉民以禦賊自能統士卒以破賊權有大小法無異同前如嘉慶初年之劉清以一知縣三人賊營賊不忍殺帶兵所至賊望而避其比勦良將固不待言卽近如六合縣之溫紹原能守孤城於四面皆賊之地非具將才而又能用該處之英奇曷克臻此是欲求良將亦可於良吏中求之卽或有廉善素著而武略未優者舉之亦足勵循良而資表率然而求之貴得其真用之尤期其當凡爲良吏皆志在勤民而不外則不見一省事權督撫主之一軍事權將帥主之才智

王侍郎奏議卷九

二

之士屬在差委非有善用之人或獻謀而不見聽或力諫而不見從則雖有真才而亦終無以見今天下多患無才竊恐湮沒於此中者正不少也昔唐憲宗怪無賢可任李絳曰自古無借才異代者循其名而驗以事所得十七臣今者亦謹疏所聞願

皇上之循名而驗以事冀以收十七之效焉

一前大興縣知縣胡啟文循聲卓著武略尤長任武清時賊正逼處獨流該員力行十家牌法能使合境如一村合村如一家但有奸細入境立卽拏獲每日率鄉民親自訓練民皆戴如父母奉如軍帥凡因事下鄉或步行或單騎

遇有詞訟就地立結飢則懷出乾餅汲井水飲之清風善政傳頌載途曾奉

旨以直隸州知州升用現告病在京

一光州知州鄭元善該員務矢樸誠與民親如家人父子不假書吏不設浮文訟案隨到隨結所至有聲當署羅山任時縣境緊與楚北接壤又值賊擾之後土匪蜂起該員撫綏團練境內立清行人入境暮夜無恐楚北難民爭依以安匪徒謂爲不要錢不怕死之官相戒勿犯鄰邑有匪被獲稱願一見鄭太爺死不憾其德化感人如此現雖保升光州似尙未盡其用

王侍郎奏議卷九

三

一四川黔江縣知縣孫濂自分發到川歷任皆有惠政所至民愛如慈父母值兵差絡繹則典質稱貸以給不科於民每去任不能具輿馬則民資送之去江津時負累數千民懇請代還堅不許該員意氣慷慨於當時事務無不留心尤喜講求武略學博而識高才大而絕少矜露又能深惟時勢曲體人情洵爲用世之才

一廣西署平南縣知縣李載文邑當潯州賊衝該員到任力與民爲同心講求團練往往住宿鄉間日率鄉勇訓練以禦賊賊既不敢犯境則率勇時乘潯賊之間以攻之所向有功隱然爲省垣屏障

一前山東單縣知縣盧朝安初以代理郟縣能治擒匪著聲嗣任單縣申明團練時豐口決流民所在嘯聚不敢犯境四年二月粵賊北竄該員選勇先驅三與賊戰賊皆敗走迨臨清反奔又率勇沿途截殺復隨大隊收復豐縣隨勝保窮追至盡乃止該邑頌爲神父虎臣一人兼之爲畫像於琴臺與宓子賤巫馬期同祀聞李德勝保崇恩王履謙皆爭保舉現不知任何職

一前陝西西鄉縣知縣田福謙山西舉人西鄉民俗好訟該員遇事必躬必親所至輕騎減從務以誠動民民感之訟風爲息陝省循良推爲第一現丁憂在籍

王侍郎奏議卷九

四

一山東濟甯州知州黃良楷素有能名膽略最壯所至擒匪斂迹年前粵賊由臨清反奔該員帶勇邀截斬殺甚多所帶之勇人稱爲勁旅今年曹縣擒匪肆擾該員往督團首文生季錫魯等殲除無數功尤甚著

一湖北候補知縣葛致遠素有膽略能耐勞苦咸豐四年揀發到省適值黃岡縣失守後委署無敢往者該員請行即日就道入境訪詢團練情形激以忠義偵賊所在督率往勦奮以身先由是民爭效命殺賊無數聞該府忌之謂其喜事輕進而邑民實共愛戴楚北來京者莫不交稱焉

一陝西華陰縣知縣倪印垣辦事能以實心實力舉行團

練在未經奉檄之先辦理之善人稱爲關中最

一山西知縣傅猷著前任神池猗氏諸縣有廉吏之稱言貌樸訥而審理詞訟公清素著可以挽回吏習感勵士民現不知在何任

一貴州候補知府韓超該員在黔與候補知府徐河清守備高天澤均以謀勇兼優著稱而三人中推該員爲最惟性不肯逢迎不能獲上是以前未顯

一浙江蘭溪縣訓導林鶚該員前以歲貢在廣西學政孫鏘鳴幕內當桂林被圍時隨同防守出力及見賊解圍特獻議請急多發兵勇扼守與全無使外竄其時以省城緊

王侍郎奏議卷九

五

要不能盡從該員膽識兼優頗嫻武略在籍倡辦團練爲鄉里推服現任教職亦時以團練勸諭士子前年台匪肆劫賴以無害

以上十二員皆經再三訪求因而記之謹恭摺上陳伏乞

聖鑒訓示謹

奏

上諭王茂蔭奏保舉循聲素著之府縣等官一摺前因軍務省分委用需人諭令督撫於屬員中察其才具官聲堪勝道府之任者據實保奏原因各督撫身任封圻於屬員之賢否必能灼見真知並非從前通諭部院大臣保舉人

才之比今據王茂蔭奏胡啟文等各員其所列事跡或得自傳聞或自加評騭雖不純係虛聲亦未必盡能確實惟既據該侍郎臚列入奏亦應詳加訪察以備採擇所有摺內開列之告病大興縣知縣胡啟文河南光州知州鄭元善四川黔江縣知縣孫濂廣西平南縣知縣李載文前任山東單縣知縣盧朝安前任陝西西鄉縣知縣田福謙山東濟甯州知州黃良楷湖北候補知縣葛致遠陝西華陰縣知縣倪印垣山西知縣傅猷著貴州候補知府韓超浙江蘭溪縣訓導林鶚十二員有業經各督撫保舉者有未經保奏者其平日才具官聲是否與該侍郎所奏相符均著該督撫秉公確查如有才能出眾堪膺簡用者卽行據實保奏欽此

王侍郎奏議卷九

六

論浦口防兵不宜調動摺 咸豐七年九月 日
奏爲地方關係緊要防兵不宜調移恭摺奏祈

聖鑒事竊 臣 思浦口地方最爲扼賊北竄之要三年間賊竄皖豫晉而至直隸卽由於此上年春偶將浦口防兵調移至揚賊遂乘機大股而來攻陷浦口徑趨六合圍城非張國樑救援之速血戰之力殺退賊兵遽復浦口則六合已不可保而賊遂北矣是可見賊情固日思由此北竄專伺隙而動也是可見浦口防兵萬不宜輕有移動也且當張國樑克復浦口時水路亦賴有葉常春等艇師在江面截殺是不第陸營之兵不可動卽水路之兵亦不可動前

王侍郎奏議卷九

七

車之監所宜加意乃近聞浦口防兵有調往瓜揚之說該處僅留兵五百名並將久駐浦口得力之水師一並調開絕無防堵不獨對岸下關觀音門之賊船可以揚帆而至浦口卽江浦城內之賊亦可出而與南來之賊併攻六合竊思六合堅守數年賊之垂涎甚久結恨甚深若此自撤藩籬倘一旦有警救援不及不獨該縣忠義之民盡成灰燼可爲憫惜且六合不守則由泗達淮毫無險守賊將直趨而北尤爲可慮不知統兵大臣何以出此如謂調守瓜揚則瓜揚守已數年並非兵少何以必撤浦口之兵如謂防賊北竄則浦口亦北竄之路何以反行撤防此事利害

安危所關甚鉅臣偶有所聞甚為焦慮不敢不以上陳務求

皇上迅飭統兵大臣不宜專顧揚州一面必須通顧全局即將所謂浦口之營兵與水師趕緊仍發回浦口防堵以杜賊心窺伺之萌以免上年竄擾之失是為至幸是否有當伏乞

聖鑒訓示謹

奏

王侍郎奏議卷九

八

請密籌防備摺 咸豐八年三月初八日
奏為請嚴防守以備不虞恭摺奏祈

聖鑒事 臣聞不備不虞不可以師而備豫不虞為善之大現在夷務機密非外間所得與聞然聞夷船已到天津竊有不勝其過慮者夷情叵測非可視同前此之逆賊其狡計嘗出我之所不及料其逞奸嘗乘我之所不及防粵東省城距虎門層層皆有礮臺在在皆有防守而一旦乃為所乘者不備故也今天津距京纔二百里朝發夕至無險可扼雖夷船尚在外洋不能遽行登陸夷人形貌迥異不能遽潛來京然五口通商已十餘年各口奸人未必無

王侍郎奏議卷九

九

為用者設彼暗遣奸人混來城內布其慣善之火器於各處而以夜半同時發之兵民平素無備倉卒必將亂竄加以窮迫飢民從而擾攘其間即數十人可成千萬人縱不至遂成大害亦且為彼所笑現在風日乾燥兩旬之內疊見火災殆天所以告警城內似宜嚴加防守而

御園在城外尤非內城之比雖門禁均極森嚴然恐慮無事而有餘者遇有事而猶或不足來欵武元衡之事古來所有尤不可不為之備 臣為正月間日象之異實有不勝過慮之情不敢盡言之隱願
皇上與左右大臣早為密籌而備豫之似為目前急務論

者必以臣慮爲過然自來非常之患大抵出於不必慮不
足慮之中但願事事皆有備而臣之過慮爲無當是
國家之大幸愚昧之見敬敢密陳伏乞

皇上聖鑒訓示謹
奏

王侍郎奏議卷九

十

條陳夷警事宜摺 咸豐八年四月十六日

奏爲時勢危迫敬竭愚誠恭摺奏祈

聖鑒事竊維夷務機密外間向不得聞而天津距京至近
往來人多道途之口難禁傳說現聞夷船已到天津城外
是海口不能擋河口亦不能擋矣臣自上月聞夷船北來
卽慮其情叵測因有嚴防不虞之請然其時船在外洋尙
謂不能登陸今在天津城外則登陸易易至京易易臣前
所奏不勝過慮不敢盡言者今竟不敢不言不敢不盡願
皇上恕其狂愚而加採納焉

一請

王侍郎奏議卷九

十一

皇上暫行進城也夷情如此猖獗其意若操必行之券其
中必有不測之謀且在各口有年必得有奸人悉我京城
虛實熟我徑路情形者萬一肆其奸狡潛師而來乘風雨
昏暮直趨

御園卽使得報而倉黃進城所失已多又或散遣奸細分
走各路歧徑突至

宮門放礮一聚倉卒之際變起非常誠有不忍言者

皇上受

宣宗成皇帝付託之重

宗廟

社稷皆在城內豈不念及想

聖意以一行移動即恐人心驚惶故以鎮定處之無如強敵迫處警報時聞人心已覺驚慌惟賴

皇上還宮庶幾人心獲安論者每謂

國家厚澤深仁二百餘年斷無他慮以天理言固自如此然天道遠人道邇惟盡人乃以合天若專恃天而不修人事則葉名琛即以信天仙之言而誤者又或謂輕動恐示敵以怯不知我之怯與不怯在敵早經窺透全不關此豈可徒務虛名而忘實禍臣聞上年月象之異應在大臣受辱而今年正月又有日象之異日主君象非臣下之比臣

王侍郎奏議卷九

三

實不勝過慮故不避罪戾而爲此請願

皇上立賜俯從以慰臣民之望天下幸甚

一請嚴守備以固人心也今夷氛業已逼近而城中未見設守想

宸謨必密有部署非淺見所能窺然與其使人不知而人心憂疑不若使人知之而人心安靜論者謂夷情務在主讲無容多事張皇徒滋紛擾臣竊謂講之一字特夷人借以愚我而不爲之備豈可以之自誤我不爲備則明啟戎心而講愈難我誠有備則隱戢貪謀而講亦易試觀彼之日日事講而節節進攻即知我之內宜自守而外乃可講

况年來糧價昂貴旗民窮困已甚平時賊竊已不勝多若再稍有警信則土匪動而飢民從之必致搶掠紛起誠恐夷人未至而城中已先亂矣設守之要先防內亂盜賊火燭事似細而所關甚鉅故宋宗澤守城凡犯竊與失火者皆立斬此時固宜官爲巡邏以安民心似宜更令商民分段自爲聯絡以固其志

一請廣保舉以求才能也今日在位諸臣大抵老成醇謹大奸惡固屬絕無而大才能亦殊不易彼夷所來之人必極彼國之選於此而欲言戰必先謀敵之所以敗我至於竭智畢慮共決其無可敗而後可以言戰欲言守必先謀

王侍郎奏議卷九

三

敵之所以攻我至於竭智畢慮共決其無可入而後可以言守此豈尋常循分者之所能若但按名位爲委任勢必至於誤事非彼好爲誤其才能限之也夫天地生才不在上則在下觀湖南一省得駱秉章之知人善任而其才遂用之不窮是其明證應請

詔令廷臣各舉所知無論資格例得奏事者自行具奏不能者具呈長官代奏以期羣策羣力之效

一請激勵人心也繕守既備人才既具守可固矣然非能得人心猶不足言固也聞該夷所最要求者在進城與傳教此必不能許之事應請將此二事如何包藏禍心如何

毒害生靈如何狂妄無理

明降諭旨愷切宣示使百姓聞之人人奮怒然後加

溫諭以拊循之加

恩賞以鼓舞之自然民爭效命該夷兵縱極多不過數萬安能攻我百萬眾之城哉

以上四條專爲守計守定再言戰戰而勝固善卽戰不勝退至城外亦可以守臣料該夷孤軍但敢乘不備而來不能久離船而住如其竟敢舍舟從陸則另調外師焚其船而傳各路之兵內外合攻必使無反夫

國家根本重地卽使萬無籌措猶當鑿池築城上下同心

王侍郎奏議卷九

西

協力與民守之况今庫藏存有百萬漕米到有五十萬安可委曲俯從以貽後悔臣愚昧之見是否有當伏乞

皇上聖鑒謹

奏

請酌量變通錢法片 同日

再臣思京城銀價每兩現易京錢七吊六七百文而離城百里外則每兩易京錢不過二吊六七百文雖大錢與制錢有殊亦何致相懸如是竊嘗推求其故則聞年前江浙銀價每兩換至制錢二千零自喚夷在上海收買制錢各路販運趨利至上年秋間卽行湧貴以銀易錢之數漸減至半本年海運糧船至津所帶貨物賣出錢文計帶錢至南較帶銀爲獲利大率帶錢而回遂使北方之錢頓亦見貴現聞南方銀價每兩僅易制錢一千百餘文且無換處都城苦錢壅而南省又苦錢荒如六千文一擔之米必需

王侍郎奏議卷九

五

銀五兩餘兵民安得不困彼夷人乃從容而以錢易銀賤入而貴出之卽此一端利權已全爲所操他且勿論此事無從關力惟宜關智臣嘗思之甚久不得其法欲禁錢出洋則銀禁早嚴徒成故事欲行大錢則京鑄尙滯何論外省現計惟有江浙兩省加鑪加卯廣鑄制錢暫濟民急查從前銀貴錢賤每銀一兩鑄錢不過千餘文而換錢可千數百文虧折頗多故皆停鑄今錢價既貴已無虞於虧折再請將錢法酌量變通使夷人無收買之利而民間有流通之資如制錢例重一錢二分照京局改爲一錢則銅本已省十之二而銅鉛之配搭又從而增損之自當更有贏

餘然此第普濟目前之用欲求破夷之術而收利權於已
惟賴

皇上廣求智能之士通籌熟計非臣愚劣所能幾及謹附

片
奏

王侍郎奏議卷九

十六

辦理國防廣求人才摺 咸豐八年四月二十五日

奏為恭摺奏

聞事竊 臣 奉

命辦理國防自當隨同周祖培等與五城御史悉心籌畫

而官紳士庶聞而來見者 臣 亦必延接以資訪詢連日所

接之人與所聞之言率皆忠憤鬱勃覺人心頗為可用惟

是欲用人心必由

聖心為主

聖心內斷於中所弗許者必終勿許斯所當為者乃可有

為至於當為之中巡防特重現在曾經城守戰陣者少當

王侍郎奏議卷九

十七

以集眾思廣眾益為急要似宜

令巡防王大臣出示凡有所見者准其具呈投遞凡有所

能者一技一藝准其自行呈請考驗即非己能而確知人

之有能者亦准具呈保請考驗驗果有用即行收錄以期

羣策羣力之用愚昧之見是否有當伏乞

聖鑒訓示謹

奏

論夷戰水不如陸片 同日

再臣聞現在之要務以定人心為主而人心之奮勉以知敵勢爲先天津之民猶前日殺賊之民也前日何勇今日何怯蓋緣不知逆夷虛實見逆夷大礮雷轟電擊以爲天上神人非人間所能敵故一見卽潰耳不知逆夷大海之戰較賊匪爲長內河及陸戰較賊匪爲短何以言之逆夷之船堅礮利止可施之海上至入內河之三板船大僅數丈礮僅數百斤最大不過千斤况河窄則轉舵不靈水淺則易於淺閣深入重地前可迎擊後可斷其歸路是內河水戰已不足畏至於登陸以後該夷腰硬腿直走動不靈

王侍郎奏議卷九

六

既無馬匹又不能紮營立寨離船十餘里卽不能照應其隊雖整可以散勝之散則槍礮所傷必少四面可以圍擊交戰之時馬隊宜在後蓋馬隊太高不能避其槍礮恐多受傷當用步隊居前見其放槍礮時步兵伏地而避隨伏隨起隨起隨進戰勝之後追亡逐北則以馬隊前進不難一鼓擒也粵人所以能制之者尤在善用擡槍蓋擡槍平打剛中敵胸且用彈比手槍爲大羣彈比手槍爲多其彈之所到又比手槍爲更遠或爲一條龍打法或爲五梅花打法連環轉換接戰不窮又不用大礮之一發而不可再接蓋大礮施於海船則甚利施於陸戰則甚鈍逆夷腿直

素不習此粵東士民所以雖敗而仍敢拒敵者深知其伎倆有限也現在逆夷雖踞粵東省城不敢遠擾各村莊一步此陸戰之尤不足畏也往年辛丑之役各省官軍以數萬計水師接戰不崇朝而盡潰及其踞北門外四方礮臺時舍舟登陸失其所恃數十村莊鄉民奮臂一呼並無槍礮紀律但以苦其荼毒糾合千百之眾斬木爲兵揭竿爲旗遂能殺之殆盡逆夷之畏粵民自此始咸豐四年土匪滋擾兵勇出戰時逆夷從旁觀者咸謂廣東兵可用其擡槍尤可畏此次之亂也粵東屢信來京備述迭次陸戰兵勇之傷總較逆夷所傷爲少聞擾沿海居民雖有數百逆

王侍郎奏議卷九

九

夷登岸而鄉勇數十名亦敢挺身迎敵深知其無能爲也凡此稱述皆出自官報日親身歷之粵人臣深思其言似於軍務有裨謹錄請

飭下巡防王大臣閱看以備採用謹附

奏

請刊發海國圖志並論求人才摺咸豐八年五月二十九日

奏為敬籌備禦恭摺奏祈

聖鑒事竊見自夷務興論者皆謂無法遂隱忍而專於主撫今撫雖已就而難實未已則所謂無法者不可不亟求其法矣臣所見有海國圖志一書計五十卷於海外諸國疆域形勢風土人情詳悉備載而於嘆吉利為尤詳且慨前此之辦理未得法為後此設種種法守之法戰之法款之法無不特詳戰法雖較需時守法頗為易辦果能如法以守各口嘆夷似不敢近未審會否得邀御覽如或未會乞

王侍郎奏議卷九

三

飭左右購以進呈聞其書本故大臣林則徐在廣東辦夷務時所采輯罷官後為已故知州魏源取而成之其書版不在京如蒙

欽賞為有可采請

飭重為刊印使親王大臣家置一編並令宗室八旗以是教以是學以是知夷難禦而非竟無法之可禦人懷抵制之術而日興奮勵之思則是書之法出而凡法之或有未備者天下亦必爭出備用可以免無法之患至法賴人行則更須求人之法臣見道光二十二年以夷務乏人宣宗成皇帝特詔兩廣總督祁墳訪求才能出眾深通韜

略之士祁墳覆奏以為欲於武備收得人之效必先於武備開取士之途因請變通考選於科舉三場策問改為五門發題曰博通史鑑曰精熟韜鈴曰制器通算曰洞知陰陽占候曰熟諳輿地情形於以求實學而拔真才庶幾人才日出議格未行竊心惜之迨補御史即疏言嘆夷之禍心包藏而未知發於何日天下有乏才之慮宜早設求才之方於考試中莫如祁墳所奏五門發策可勗士子以武備之學求才於考試外莫如廣行保舉可收材藝以備武備之選奉

王侍郎奏議卷九

三

旨交禮部議奏嗣聞部議仍不行乃復將部議未盡之處詳為剖析再疏陳之以為及今行之而收效已在十年之後失今不行恐他日徒為頗牧之思即臣言不足採亦必更求良法未可置之不議奏上未奉

明旨遂不能以復言今誠欲求真才似難舍前二法應請飭軍機大臣將臣元年九月十九日十二月二十日前後兩摺檢出再行詳議其中宗室八旗務講兵機將略以為腹心干城一條尤乞加意當時部議之駁五門發策也稱士子淹博有素不必專門名家試問今日製器通算者為誰精熟韜鈴者為誰部議之駁廣保舉也稱文武各有鄉會試凡才學出眾武藝精通者皆已甄拔無遺試問年來

殺賊攻城諸將如羅澤南王鑫楊載福李續賓等均非得
自科舉甄拔何以有遺前議之未盡有明徵今議之當詳
自可見此爲長久得人之法若目前急需得人則亦未嘗
無法臣所見知人之鑑莫如前兵部侍郎曾國藩當咸豐
元年初與見面論及人才舉當日名重一時考一一決其
無用臣初未敢深信後乃悉如所言至楚省近年所出將
才又無非所識拔於庸眾中者此其知人善任殆非尋常
現曾國藩奉

旨赴浙辦理軍務誠欲急於求才惟有請

飭大小臣工各舉所知均令歸曾國藩帳下俾之一一察

王侍郎奏議卷九

三

看必能得人濟用則可免無人之患有治法有治人可以
治兵禦夷矣未也心求夫治法而或憚其法之難以驟舉
念夫撫之暫可少安則法必不行心求夫治人而或以非
親貴未必可信任又或所貴用者猶是時文試律小楷之
學則人必不出蓋天下從好不從令也且臣聞用兵之道
專以氣勝兵勇之氣必日振之始起必力激之始生若使
其心中有僥倖苟安之一途則其氣即懈弛而不可用昔
田單攻狄魯仲子決其不能下謂當在即墨時將軍有死
之心士卒無生之氣所以破燕今將軍有生之樂無死之
心所以不勝此兵家至言亦從來治亂興亡要旨故吳志

報越日使人呼於中庭越志報吳至於臥薪嘗膽蓋弱國
之厲其氣猶如此方今海外諸國日起爭雄自人視之雖
有中外之分自天視之殆無彼此之異書曰皇天無親惟
德是輔

皇上承

列聖付託之重爲中國主將欲賓服四夷必益懋昭明之
德以固根本而養剛大之氣以配道義然後治法治人可
得而理大學於平天下章三言得失首人心次天命而終
以君心蓋欲繫人心以維天命惟在君心之存忠信而去
驕泰所謂自天子至於庶人壹是皆以脩身爲本也

王侍郎奏議卷九

三

聖學日新

聖德日懋原非臣愚所能窺見萬一惟臣心迫憂危莫抒

忱悃故謹竭其愚慮以備

采擇伏乞

皇上聖鑒

奏

請開缺調理摺 咸豐八年七月初四日

奏為 微臣 病患已深難期速痊恭摺仰乞

天恩賞准開缺以免誤公事竊 臣 以氣衝耳閉心煩不寐腰足作痛精神恍惚等患於上月十五二十四日疊次懇恩賞假方冀調養即行就痊乃月來醫治總未獲效據醫稱氣閉不寐由乎心火上衝腰與足三陰之痛由乎心血過虧筋失其養心火非藥餌所能平而足疾尤藥力不易到惟有靜養年餘庶可望愈伏念 臣 一介庸愚遭遇

王侍郎奏議卷九

五

聖明擢至卿貳曾涓埃之未效敢暇逸之自圖奈 臣 質本孱微性尤褊急當事故之紛集每過慮之獨深往往晝夜

傍徨不能自己形神交瘁亦不自知數年以來雖日勉強支持實衰敗之遞見今病患已深兩次假稟屆滿各證未見稍愈兼之夜多不寐晝輒神昏遇事時覺迷糊精神倍形恍惚現在部務殷繁若懷戀棧之私必致誤公之咎再四思維惟有叩乞

天恩賞准開缺調理倘能養息獲痊揣量精神猶堪報效自當泥首

宮門再求

賞給差使所有 微臣 病難遽痊懇請開缺緣由謹繕摺瀝陳伏乞

皇上聖鑒 臣 無任感悚侍命之至謹

奏

上諭王茂蔭奏病難遽痊懇請開缺一摺王茂蔭著准其開缺調理欽此

王侍郎奏議卷九

五

王侍郎奏議卷十

續稿目錄

蒙 存問謝 恩摺 咸豐十一年十二月初三日

條陳時務摺 同治元年三月初八日

尼山祠廟被毀請飭修理摺 同治元年四月初十日

和約不可改字片 同日

病痊銷假片 同日

署副都御史謝 恩摺 同治元年十三日

請飭潘鐸辦理陝西軍務摺 同治元年四月二十日

請止調南苑兵赴陝摺 同治元年四月二十八日

王侍郎奏議卷十目錄

論成明不可赴軍營請用寶山摺 同治元年五月初八日

附陳陝西軍事片 同日

蒙 存問謝 恩摺 咸豐十一年十二月初三日

奏為恭謝

天恩專本年十一月二十九日奉

上諭前任兵部侍郎王茂蔭志慮忠純直言敢諫特諭議

政王軍機大臣傳至軍機處察看據該侍郎自稱精神尙

未復原急切恐難任事係屬實情若遽令銷假轉非所以

示體恤王茂蔭著安心調理一俟病痊即遞摺請安聽候

簡用欽此竊 臣 愚魯之資蒙

先皇帝擢任卿貳因病陳請開缺有年茲逢我

皇上御極景運維新亟思勉竭駑駘力圖報効而病體衰

王侍郎奏議卷十

頽未能稍酬夙志悚惕正深昨奉傳知至軍機處據實瀝

陳益增依戀

闕廷急切不能圖報之懼乃荷

聖恩逾格曲予優容仰叨

體恤之仁慈彌愧忠純之

嘉勉 臣 何人斯獲承

知遇撫衷循省感激涕零 臣 惟有趕緊調理息心靜養俟

精力稍可支持即當泥首

宮門求

賞差使斷不敢自外

生成稍耽安逸庶期仰荅

高厚鴻慈於萬一所有微臣感激下忱謹繕摺叩謝

天恩伏乞

皇上聖鑒謹

奏

王侍郎奏議卷十

二

條陳時務摺 同治元年三月初八日

奏為敬陳管見恭摺瀝陳仰祈

聖鑒事竊臣以衰朽之資荷蒙

恩旨中心感激寢食難安數月以來極力調理氣體雖經

少愈而言語仍形蹇滯自揣尚未復原因思報

國惟有進言臣力無以効犬馬之勞而臣言或可為芻蕘

之獻謹就見聞所及摭繕五條為我

皇上陳之

一天象示警急宜脩省也臣伏處通州聞街市紛紛傳說

正月初八日日象有三大暈又二月初三日星象亦有變

王侍郎奏議卷十

三

異近且風霾屢作雨澤愆期臣不知天文亦不知欽天監

曾否奏聞竊謂天道昭於上人事見於下天人感應捷如

影響如上年秋冬間之事變五月即有星象昭示蓋變不

虛生如此伏思

皇上奉

兩宮

皇太后端拱深宮議政王孜孜求治以輔弼我

國家政務清明何應有此然機兆於微而患萌於近天之

示象不必其事之已見原予人以修省可轉之機臣伏願

皇太后

皇上與議政王交儆於微毋忽於近隨時隨事皆存戒謹
恐懼之神增一分脩省則減一分災異增十分修省則減
十分災異天不可欺必以至誠無偽之實心行震動恪恭
之實意所謂應天以實不以文者存之於中不必宣於外
庶幾化大爲小化有爲無斯有道之象自見矣

一責任重務宜專一也臣聞用人者必惜人力用馬者
必惜馬力昔東野稷以善御見魯莊公而顏闔決其必敗
爲其馬力竭也漢相陳平唯兵刑不知錢穀不對故能出
奇計唐太宗責房杜曰公爲宰相當須開明耳目訪求賢
哲比聞聽受詞訟安能助朕求賢臣自上年冬月奉傳至

王侍郎奏議卷十

四

軍機處見議政王所管各衙門庶務紛至沓來幾於應接
不暇心竊慮之方今用兵省分半天下機務已極繁重各
部院奏上事件均須獻替擬

旨往往一事之來有非殫心研慮不能得其竅要者昔周
公至聖猶且思而不得至於夜以繼日議政王雖明敏過
人然過勞則心力分而神明易竭臣愚以爲議政王宜專
心機務其餘事件綜其大綱而已臣意

聖心非不知此特以諸凡重務必議政王管理方可放心
然兩重相形則尤重者自見若議政王精神周察於各將
帥督撫與各部院大臣務令皆得其人則內外就理軍務

自平天下可不勞而理矣
一言官宜務優容也伏見

御極以來廣開言路優獎諫臣亦云至矣嗣乃有獲咎者
雖其咎由自取然臣竊恐諸臣動多顧忌不敢盡言也昔
者唐太宗厭上封事者多不切事欲加譙黜魏徵曰古者
立謗木欲聞己過言而是朝廷之益卽非無損於政憲宗
以諫官多謗訕朝政欲謫其尤者一二人以儆其餘李絳
曰人主孜孜求諫猶懼不至況罪之乎如此杜天下之口
非社稷之福也古來賢臣之言類如此且匪直此也人之
學識心術原自不一正可因言以知其人若人皆緘默則

王侍郎奏議卷十

五

賢否轉無自而分伏願
聖心法大知之舜隱惡揚善斯嘉言罔伏臣爲天下計非
爲一人計也

一府尹不宜兼部務也伏讀

諭旨石贊清著兼署刑部侍郎查順天府管轄二十四州
縣事務殷繁屬官時有稟見當一一審其才能直隸時有
會商當一一酌其可否卽賢能之員猶恐精神未能周到
似不宜再兼部務況刑部事務亦繁必須逐日到署若不
存心部務則雖添一員亦如無有若將部務存心則一心
難以兩用且由府至部來往幾二三十里兩缺皆繁而日

廢二三十里工夫亦殊可惜又順天府有咨刑部案件刑部有劄行順天府案件兩署之事不必一一符合設有駁改斟酌之處而刑曹以府尹為本部堂官多所遷就亦非慎重公事之道臣見道光年間府尹不兼刑部亦猶刑部堂官之不兼步軍統領慮其有所窒礙意深且遠蓋專轄之任不比兼尹也

一奔競之風宜杜其漸也臣聞通商衙門行走司員皆從各衙門取送不知當時獎勵章程如何奏定乃今甫及年餘一概優保有今年甫行到署不過月餘亦得保者臣竊以為過於優異恐有流弊若通商衙門保舉如此則各衙

王侍郎奏議卷十

六

門當差人員皆以營求保送為得計而於本衙門事件悉皆拋荒恐奔競之風日開其漸不可不防也

以上五條是否有當伏乞聖鑒訓示臣不勝感激悚惕之至謹

奏

上諭王茂蔭奏天象示警急宜修省等語所奏甚是朕以

冲齡寅紹

不基兢業罔敢怠荒迺自正月以來日星垂象雨澤愆期昨雖得有時雨農田尚未霑足此皆由修省未至弗克感召和甘所幸

天心仁愛懸象示警深切著明因思感應之機捷如影響我兩宮

皇太后朝乾夕惕惟日孜孜朕尤當益加寅畏恐懼修省以承

天眷其議政王以及各部院大臣亦當交相策勉如有政事缺失必應隨時匡弼直陳無隱俾得庶政修明用副應天以實不以文至意欽此

上諭王茂蔭奏請飭議政王專心機務事總大綱等語朕奉兩宮

皇太后親政以來因念時事殷煩特授恭親王為議政王

王侍郎奏議卷十

七

在軍機處行走原期事總大綱用資助近聞各部院於應辦事件往往窺探意旨先期向議政王就商在議政王向以公事為重自不肯以一人之見擅行裁定而各部院大臣皆出自特簡庶績釐凝全賴該大臣獻替可否以臻妥協即舉措或有未協亦當力爭助救用輔不逮方合古大臣忠亮之義其一切應辦事件各有專司只宜斟酌例案斷不准多所揣摩藉口稟承致負委任其議政王所管各衙門隨同辦事之大臣亦均身列卿貳遇有意見不同者不妨獨抒己見與議政王公同妥商豈可依唯畫諾稍存推諉之心議政王於一切政務當綜其大綱如有各部

院辦理未協者並著盡心糾參用副寅亮天工庶官無曠之至意欽此

上諭王茂蔭奏言官宜從優容等語我兩宮

皇太后親裁大政言路宏開虛心採納樂聞讜言前因御史曹登庸於會議

定陵規制眾論僉同之事先自陳奏不知大體並於派辦工程司員率以無據之詞牽涉彭蘊章綿森等恐啟揣摩嘗試撫拾曖昧之漸於世道人心甚有關係特降補員外郎用端習尚其餘如博桂所奏詞意龐雜無裨政治僅將原摺擲還亦未加以譴責本年御定劉慶奏請飭正奏疏

王侍郎奏議卷十

八

體裁所言殊屬非是且意近迎合伊古名臣奏議無非以國計民生重大諸務為經緯該御史既為言官茫昧無知率請飭正體裁豈言官建白必有故套可循亦將其原摺畱中以示優容至糾劾劣員條陳時政者無不立予施行即或事有窒礙言涉浮泛者亦各節取所長以宏達聰明目之意嗣後該科道等官於一切政務確有所見足以裨益時政者仍著據實直陳無稍徇隱朝廷將細察其才識言論破格優獎以作敢言之氣用旌直臣而收成效將此諭知科道等官知之劉慶摺並著交內閣發抄欽此

上諭王茂蔭奏保舉太濫宜杜其漸等語據稱總理各國

事務衙門司員甫及年餘概行優保且有甫經到署不過月餘亦得優獎恐滋流弊等語所奏不為無見總理各國事務衙門前於保奏司員摺內聲明係辦理外國事件與各部院事務不同且事屬創始諸形煩劇是以未照奏定年限破格請獎當經特旨允准用示鼓勵第恐此端一開各部院衙門司員有所藉口致滋流弊除此次所保各員業經允准著吏兵等部毋庸照尋常勞績覆減外嗣後該衙門務當照奏定章程以二年為限擇其資格較深辦事勤慎者酌保數員照例獎敘不得意存見好概行保獎以符定章而杜弊端欽此

王侍郎奏議卷十

九

上諭刑部右侍郎著吳存義署理石贊清著毋庸兼署欽此

尼山祠廟被毀請飭脩理摺 同治元年四月初十日
奏為尼山祠廟被匪拆毀請

敕地方大吏趕緊剿辦匪徒並籌款修理以重祀典而光
聖治事 臣恭讀本年三月十三日

上諭孔繁瀨奏尼山

聖廟書院被匪拆毀自請議處等語據稱距曲阜五十里
之尼山建有

聖廟書院逼近教匪巢穴二月初八日該匪將書院及顏
母祠等處拆毀並將該處祭器等物毀壞孔繁瀨職在奉
祀未能先事豫防著交部議處各該地方官疎於防範咎

王侍郎奏議卷十

十

亦難辭著譚廷襄查取職名交部議處欽此仰見

皇太后

皇上尊崇至意 臣伏查顏母禱於尼山誕生

至聖先師故尼山有顏母祠漢魯相韓勅重加修葺歷代
因仍不廢道光十九年

宣宗成皇帝特發帑金修葺完固所以昌明聖學昭

聖教而息邪說意至深遠也迺鄒縣匪徒惑於燒香邪教
甘外生成聚眾滋擾地方竟敢拆毀尼山廟宇此等亂民

寔覆載所難容 臣不勝憤懣伏查顏母祠為尼山建廟所
由始因

先師三歲而孤稟承母教為萬世師表恭查雍正二年六
月曲阜

聖廟災衍聖公孔傳鐸奏聞請罪奉

上諭據奏

先師大成殿以及兩廡俱被火災請出

聖像牌位新建崇聖祠幸得無恙等語朕心警惕不安朕
惟

孔子道高德厚為萬世師表所以維世教立人極者與天
地同其悠久朕臨御以來思極尊崇之典用伸仰止之忱
今闕里

王侍郎奏議卷十

十一

聖廟被災豈朕尊師重道之誠有未至歟朕在諒闇之中
素服齋居無庸更事減膳撤樂惟謹擬親詣國學

文廟虔申祭奠宣讀告文以展朕跼蹐不安之誠先期齋

戒二日於二十七日不設鹵簿朕隨身素服前往諸王大
臣官員陪祭者亦皆常服從事仍遣官馳赴闕里祭告以

慰神靈幸新建崇聖祠無恙

聖像神牌不致露處朕心稍甯遣工部堂官一員會同該
撫作速計材料工擇日興修務期規制復舊廟貌重新該

部遵旨速行等因欽此仰見

世宗憲皇帝遇災恐懼之至意惟彼係天災此則人事 臣

愚以為

皇上宜紹法

祖

宗倍加乾惕並

敕下山東巡撫趕緊將匪徒剿滅毋任滋蔓並飭有司於地方平靜後即速籌款修理以重祀典該省大員為多皆曾任督撫司道如各捐資湊集自無難辦再查孔繁瀨奏稱尼山距曲阜僅五十里則匪徒蹤迹已近闕里若地方文武不能速行懲辦設有滋擾更復成何事體臣為息邪說衛

王侍郎奏議卷十

十三

聖教起見不揣冒昧繕摺奏

聞伏乞

聖鑒謹

奏

和約不可改字片 同日

再臣伏讀三月初八日

諭旨總理各國事務衙門奏請飭地方官於交涉教民事件迅速持平辦理一摺摺內所請各節均着依議行等因欽此及讀該衙門原奏法國條約內所有或寫或刻奉禁天主教各明文無論何處概行寬免等語現在天主教既已弛禁所有各項明文已在毋庸議之列應請查明一律革除嗣後如修新例不再增刊並將舊例所載全行刪去仍將條款寬免字樣改為革除等語伏思此例已寬免矣該國必欲改為革除此其心為何心該國之所爭者蓋國

王侍郎奏議卷十

十三

體也臣思他事可從茲事看似無關緊要而斷不可從國之所以為國專在此等處務告以和約已定現在不可更改如其可改則亦可渝明示以約之當持隱示以守之不易該國知不可干自必退阻如謂該國現在上海幫同打仗豈此尚不可從則薛煥之奏不可恃其中當有別情若謂該國竟肯出力則合兩國之兵力何難破除此賊非徒報勝仗而已茲事雖屬已往將來類此者竟恐尚多竊願堅持和約以戢其志否則志不可厭將必要求無窮矣臣愚昧之見是否有當伏乞

聖鑒謹附片密

奏

王侍郎奏議卷十

十四

病痊銷假片 同日

再臣威念

天恩急思圖報而自維蒲質尚未全瘳性靈大減於曩時
智慮已衰於晚歲雖不敢少耽安逸自外

生成實難以力任鞭馳更膺繁劇在

朝廷因材錄用原非臣下所敢言而臣子量入苦衷或亦

鴻慈所矜念所有微臣銷假下忱附片瀝陳伏乞

聖鑒臣不勝惶悚待

命之至謹

奏

王侍郎奏議卷十

十五

署副都御史謝 恩摺 同治元年四月十三日

奏為恭謝

天恩事同治元年四月十一日內閣奉

上諭晏端書現在出差都察院左副都御史著王茂蔭署

理欽此竊臣質慚庸陋性極顛愚蒙

先皇帝簡擢之恩毫無報稱際我

皇上嗣興之始特荷

傳宣

疇覆恩深顧辱軀而滋愧就瞻志切幸微疾之少蠲乃承

寵命之加俾攝臺垣之副伏念職司憲典實綱紀之總持

王侍郎奏議卷十

六

況當

庶念民依冀隱微之畢達臣惟有益加兢惕懷執法以持

平倍矢慎勤期循名而責實庶效涓埃於駑策稍酬

高厚之

鴻慈所有微臣感激下忱謹繕摺叩謝

天恩伏乞

聖鑒謹

奏

請飭潘鐸辦理陝西軍務摺 同治元年四月二十日

奏為敬陳管見恭摺仰祈

聖鑒事伏讀日抄知川匪已竄赴陽平豫匪亦竄越富水

現在各省惟山陝稍為完善京餉兵餉多取資於此若陝

省再有竄匪則山西恐亦難保必得設法堵禦趕緊剿滅

因思辦理軍務貴得其人該撫瑛瑩未經兵事恐非禦侮

之才臣聞署雲貴總督潘鐸行為賊阻現駐陝西該撫前

在湖南守城禦賊有效兵機將略年來尤為究心現既阻

陝則雲南軍事鞭長莫及可否請

旨勅下潘鐸就近先行辦理陝省軍務而令瑛瑩以員弁

王侍郎奏議卷十

七

兵餉資給之與張芾分投剿辦三人同心協力庶可迅速

歲功至於辦理之法先貴熟悉地方形勢臣所識有陝西

蒲城舉人權以異於該省形勢險要言之詳盡謹將該舉

人所著保關陝說恭錄進呈

御覽再該省隴州知州邵輔於軍務頗能用意講求咸豐

十年見川省有事慮及陝省會上保衛關中十策深為切

中而當時不用以至於今夫事未至而先慮及非有心人

不能又富平縣知縣江開亦嫻軍務而才不甚純然駕馭

得宜用其才而不為所用於事未必無補該二員均安徽

舉人與臣同鄉昔唐臣崔祐甫有言非親舊孰知其才臣

為大局方亟起見不敢引避小嫌請

飭交潘鐸差委試其能否如其不能則請罷之不揣冒昧

敬以上陳是否有當伏乞

聖鑒訓示謹

奏

王侍郎奏議卷十

六

請止調南苑兵赴陝摺 同治元年四月二十八日

奏為敬陳管見恭摺仰祈

聖鑒事 臣聞陝西軍事現調撥南苑兵又命德興阿為之統領聞者人人詫異夫將者三軍之司命也君不知將謂之棄其國將不知兵謂之棄其師蓋古人之慎重若此德興阿前在揚州天津債事有明徵矣何以保其此後之不債事乎現在可稱為完善省分者有幾

國家之有陝西實不堪再為嘗試矣南苑之兵甫議訓練非已訓練也 臣固未知其兵如何然以時日計之則共見共聞無如此迅速之理夫以不訓不練之兵剿辦賊匪則

王侍郎奏議卷十

九

不足騷擾地方則有餘出京所過之地為山西必將首被其害現在所恃為財命根源者謂何

國家之有山西實不堪再為擾害矣夫陝西鄰省有湖北有河南河南則現有僧王大營湖北則現在無事其地皆較京師為近就近調撥自較得力想

聖慮必已計及京兵即去亦來不及似可無事調動且此兵一動則天下皆能窺我之虛實而長賊匪之戎心何也 臣願德興一調撥而即動南苑兵則國中之無兵可知也 願德興阿姑且少止而留南苑之兵益加訓練則足以壯聲威而張

國勢
朝廷舉動務須謀出萬全臣愚昧之見是否有當伏乞
聖鑒謹
奏

王侍郎奏議卷十

干

論成明不可赴軍營請用寶山摺同治元年五月初八日
奏為敬竭愚慮再行瀆陳恭摺仰祈

聖鑒事竊臣見近月各路軍營消息漸好良由上年以來
調度得宜將得其人也是將得其人則利不得其人則害
有明徵矣上月二十八日奉

上諭成明現赴軍營直隸提督着寶山署理欽此臣因而
攷之戒明人甚體面上年朝陽之役功績卓著似乎將才
可恃然聞是役也成明初在山口月餘探得勝保兵有抵
朝陽者恐勝保來成功始一舉進口城被剿逃逸出口
裹脅皆散有頭目四百餘名馳馬東逃卸州義州兩路

王侍郎奏議卷十

三

兵勇迎頭西上後路追兵又至賊皆竄入羅家台之燒鍋
聚該聚約有四里兵勇午刻四面合圍專候將令即用火
攻先喊令良民想法自全聚中已哭聲震地成明于申刻
到不准火攻定於次日剿辦改作三十餘里之長圍賊二
鼓窺黑龍江圍已弛駕牛馬大車衝逸成明五鼓始知奉
省各屬由此被擾柴寶善至今未獲是成明之為將恐未
盡善現在陝省之軍務似乎稍緩山西之滋擾尤為可慮
得已則不如其已不得已則莫如竟用寶山臣聞寶山係
屬孝子樸誠忠勇該員酒量甚大自倭仁以書戒之遂爾
斷酒自奉天來者人人所言皆同該員帶兵似可不致滋

擾此時地方不敢求其有益先欲求其無損臣非敢故為阻撓緣命將事大臣既有聞不敢不以上陳為此再行瀆奏是否有當伏乞

聖鑒訓示謹

奏

王侍郎奏議卷十

三

附陳陝西軍事片 同日
再臣聞陝西人所說人事地宜謹采四條敬呈御覽

一河南歸德府知府祝塏係陝西人該員勇敢殺賊業已著聞又興安府平利縣訓導史兆熊該員係漢中人興安漢中兩府處萬山中與楚蜀接壤該員於兩府地利情形最為熟悉且為眾所推服從前粵匪由楚上竄竹山失陷賊已至平利界關竟被擊退一切布置該員之力為多請旨飭令祝塏同籍與史兆熊協力辦團剿賊

王侍郎奏議卷十

三

一南山各處木廂鐵廠紙廠炭洞工作計不下數萬人同州之大荔及沿河鹽鹹工作手指尤繁此等皆無業游民一經歇業易與匪勾結宜急令各廠東主繕造花名報明本縣令會同紳耆設法各給口糧團為義勇重懸賞賜分遣其眾守各縣邊遠境界隘口其各縣附近要隘擇紳耆之有膽識者嚴密固守萬毋視該工作等為不肖遂相棄絕致令無所得食甘心從賊彼等熟悉道路而又慣於登高涉險是無故又為賊添數萬勁卒矣

一現在二麥被野民間一聞賊警必不待其成熟收穫入堡間有愚民惜其未熟應令鄉閭之稍有知識者務早勸諭令民芟刈為清野計即萬一芟刈不及宜付之一炬以

絕賊望則賊無糧足恃矣

一與漢各屬為陝省西安屏蔽急須安撫使各防險以防賊竄擾現聞已調湖北省兵弁赴援宜令會同與漢各營及鄉紳團勇分守各緊要隘口賊一敗歸必圖盤踞一有不慎必致蔓延難圖此尤不可不慎也

王侍郎奏議卷十

十四

王侍郎奏議卷十一

補遺目錄

請查辦軍營功賞虛冒摺 咸豐元年十二月二十日

請將革員効力片 咸豐三年五月初三日

論刑威好惡摺 咸豐三年六月三十日

請飭察看發往軍營各員片 同日

請將張凱嵩發軍營差委片 同日

論李嘉端及廬州團練片 咸豐三年九月二十一日

請將黃元吉李登洲治罪片 咸豐三年十月初二日

王侍郎奏議卷十一目錄

一

請查辦軍營功賞虛冒摺 咸豐元年十二月二十日

奏為軍營功賞聞有虛冒請

旨查辦以肅軍政而厲士心恭摺奏祈

聖鑒事 臣伏讀九月二十日

上諭廣西軍興為時已閱一載現在逆匪竄聚永安當此賊勢窮蹙士氣奮揚之際統兵大員等自當乘機鼓舞多方激勵嚴明賞罰乃足厲士氣而肅軍心其官兵員弁遇有保舉參劾尤須核實平允庶人人知感知奮定可迅奏膚功等因欽此仰見

聖諭誥諭務重嚴明賞罰至意乃軍營中之報功猶多虛

王侍郎奏議卷十一

一

捏欺冒如臣所聞前任博白縣游長齡及該縣紳士朱德璉尤虛冒之甚者查游長齡上年議辦團練章程簡明不擾曾經兩廣總督徐廣縉飭屬通行似係有用之才詎知遇賊以後專務欺飾其業已顯著者如先經捏報殲斃賊匪劉九嗣經廣東生擒奉

旨飭查而廣西僅以該員據人稟報並未查驗等語覆奏將游長齡交部議處夫以著明賊首竟敢捏報殲斃則所稱殺賊無算者可想矣又聞賊首劉八先充游長齡驕頭本年春間劉八曾用愚弟帖差人告知該縣謂我們素有交情斷不進城滋擾不必憂懼等語是游長齡先既失察

肘腋繼復徇情故縱矣至於沙河之戰均係廣東兵勇追殺而游長齡捏報招集團練六千幫同堵截夫果有六千人堵截該匪何能逃回龍潭再復竄逸耶又據報松山之戰賊匪大敗將軍頭余四被殺秤鈎灣之戰殺賊三百餘人內有先鋒十一人實則余四在松山與匪黨吳晚分夥爭鬪被吳晚等殺斃與博白團練並無相干秤鈎灣之戰博白團練大敗並無殺賊之事何處覓得先鋒十一人耶聞該縣所以得虛名之故因該縣紳士以朱姓為大族該縣署內自教讀以至帳房無非朱姓之人而與朱德璉尤稱至好查剿捕劉八保舉案內朱姓共十八人可見游長

王侍郎奏議卷十一

二

齡屢報勝仗均有朱德璉督率實則賊匪內有黃錦泗因爭鬪散夥經博白鄉民捉獲朱德璉將其保出屢次打仗皆係黃錦泗帶勇並非朱德璉督戰賊匪恨黃錦泗至甚擁眾至朱德璉家佔據房屋逼索黃錦泗朱德璉託出張子興林十八二人說合將黃錦泗獻出始行解出又賊匪吳晚一股曾至朱德璉家家屬盡逃有逃不及親丁二人躲朱德璉牀下被賊捉出鎖勒索贖又朱德璉春閒帶勇協攻徐亞二一股德璉為賊所擄拘禁三日始得放還凡此各種情狀共見共聞乃與游長齡屢列薦章渥荷恩賞人心安得而服軍令安得而行耶尤可異者聞廣東

擒獲吳晚時於身上搜出印票一張係游長齡發給吳晚收執有令沿途驗放毋庸查拏字樣游長齡所行如此猶稱廣西幹員無怪軍營兵弁皆不用命也或謂用兵爲國體所關不得不虛報勝仗以壯聲威此尤巧於欺罔之詞夫

天威遠震何患不迅速盪除要在善於籌策若以報捷爲得計倘捷音日報而匪勢益猖其將誰欺且逆匪想亦知邸抄倘見

朝廷之可欺愈幸

國家之無人將玩侮日甚饑益張而計益狡矣相應請

王侍郎奏議卷十一

三

旨飭下賽尙阿徐廣縉將游長齡朱德遜欺朦情形確切查明如果如臣所聞務卽從嚴懲辦以肅軍政此外有似此欺飾者一律查明辦理庶賞罰嚴明軍心知所厲亦賊膽藉以寒矣臣既有所聞不敢不據實直陳伏乞

皇上聖鑒謹

奏

請將革員効力片 咸豐三年五月初三日

再臣前巡視中城時接見司坊每詢以地方情形並歷任現任五城各員能否以冀識別人才據司坊等咸稱已革北城副指揮任正訓辦事認真緝捕尤屬勤能到任甫及二年屢次拏獲要案重犯奉

旨賞換六品頂戴以應升之缺儘先升用欽遵在案嗣因海甸老虎洞劫案疏防革職甚爲可惜臣因畱心訪察所聞多屬相符伏思賞功罰罪

國家自有常經原不能爲一人稍從寬典惟該革員業經革職則法已行而該革員曾經疊邀

王侍郎奏議卷十一

四

恩賞則才可念現在正當用人之際可否請

旨飭都察院堂官將該革員察看如果臣之所聞不妄或許奏請發交五城令其自備資斧効力協同緝捕俟緝捕果有成效再准酌量保奏在該革員得蒙

恩施格外自必益加感奮在五城多一出力緝捕之員似爲有益而他人之有罪無功者亦不得援以爲例臣爲惜人才起見是否有當伏乞

皇上聖鑒訓示謹

奏

上諭太常寺少卿王茂蔭奏請將革員發交五城効力等

語已革北城副指揮任正訓據該少卿保奏該員平素緝捕尙屬勤能著都察院堂官發交五城効力如果緝捕得力再行奏明請旨欽此

王侍郎奏議卷十一

五

諭刑威好惡摺 咸豐三年六月三十日

奏爲敬陳管見恭摺密奏仰祈

聖鑒事竊臣見今日賊至繁矣兵至怯矣財用至耗竭矣然而言剿賊則剿而愈紛言增兵則增而愈弱言理財而耗財者且百出何以言之前之患賊獨廣西耳今剿辦數年蔓延各省是剿而愈紛也前之調兵獨近省耳今遠調至東三省而初到江南遇賊輒退是增而愈弱也前之耗財獨軍務耳今南河合而復決南河甫聞北河又告是耗財者百出也然則處今之勢非力革夫循故蹈常之爲而深探本源以大求振作不可得而治臣聞天下之勢有強

王侍郎奏議卷十一

六

弱聖人審其勢而應之以權處強利用惠處弱利用威今天下非小弱也幅幘之廣人民之眾古未有也賊雖滋擾數年蔓延數省固未嘗竊一郡邑之地也然而民人有敢於輕視其上之心將帥有敢於輕視

朝廷之意蓋有日形其弱者何則逆賊雖多非有叛州叛邑皆叛民也是民之輕其上也琦善慧成甫到揚州疊報勝仗而今轉寂然謂賊難剿則前何以勝謂賊易剿則後何以不勝豈兵之初勇而後怯與抑賊之先弱而後強與蓋其前之勝敢於欺也後之不勝敢於怠也
皇上諭旨遞嚴矣而臣聞有悶

命不行者有擁兵不動者聞

命不行雖周天驚震成亦所不免至擁兵不動則如琦善奏雙來陣金綬首先登城眾兵呼應不靈應接不上夫大帥用兵而曰呼應不靈此何言耶又奏瓜州紳士水陸進攻眾寡不敵夫紳士進攻矣該處離揚僅二十餘里鼓柁揚帆瞬息可達自已至申攻戰數時之久即未約於前亦可應於後該大臣直若罔聞耶聞鍾淮有二十五次請兵之稟大帥不應乃憤而赴敵初未敢信今觀所奏則信矣此二奏者蓋該大臣安坐既久慮有參奏特以此見進攻之難而不知即自具擁兵不動之供狀也不然大帥有令

王侍郎奏議卷十一

七

則呼應靈矣官兵皆動則眾寡敵矣庸有此耶方今揚賊困一危城猶且如此設一旦奮其數月休息之力乘秋爽馳突而出何以禦之且各路大兵日費不知凡幾即使賊無能為而扼我之吭而不能解日事糜餉而不能息亦且自困而該大臣等悍然不顧敢於驕惰如此者輕朝廷也自庫案不殺庫丁而人不畏法自豐工不殺王熙善而官不畏法自賽尙阿不能用遏必隆刀而軍不畏法此而不治必將有大於此而遂寢微寢消以至於不可救止者誠欲治之則不得不用威以立法欲用威必自叛民始欲治叛民必自將帥始治叛民者將帥之責也御將帥

者

皇上之權也君者天也恩則為雨露威則為雷霆誠一日赫然振起而用威用不測之刑用不測之賞如風雨雷電不知所從發而不可遁逃天下曷敢不震慄然而王者之刑威貴不測而好惡必無私大學言平天下必先與民同好惡自賽尙阿之赴廣西也天下多以為不可而皇上信之任之不以人言動之今天下又有共以為不可者而

皇上又信之任之不以人言動之

皇上之信任是也而所信任者非也天下亦何惡於一二

王侍郎奏議卷十一

八

人第恐有為賽尙阿之續者時事遂以不可問耳

皇上獨奈何示民以私耶若夫刑威之柄自

上操之天下誰得而窺之今

皇上亦嘗有所嚴切督責矣凜之以

國法而若不動何也以爲見聞習慣不過爾也且以為

上方任之必不見罪即或見罪必不見收即或見收必不

見殺必且輾轉復用此非獨在事者窺之天下亦莫不窺

之如賽尙阿之不殺固早在人意中也

皇上操刑威之柄獨奈何使人得窺如此乎前者張亮基

之奏曰法行自貴天下無不用命之人罰不逾時軍中自

有震動之意一時傳誦以為名言蓋誠有見於此昔宋臣蘇洵感宋之弱著審勢篇反覆申論以為必出於尙威於今日事勢頗多切合臣雖師其意而言不能明恐不足以上啟

聖聰願

皇上取其篇而詳覽焉抑臣聞昔者

世宗憲皇帝之御天下也明燭乎人所不及覺而威行於人所不及防使一時臣工咸凜凜於咫尺之威而無敢少玩願

皇上恭聞

王侍郎奏議卷十一

九

實錄身體而力行之於以靖逆難而致安平不難矣臣以

一介庸愚數月之間屢蒙

聖恩不次超擢自維材識駑鈍氣體早衰無以仰酬

高厚日夜思維勉竭愚慮但期有萬一之神不敢顧禍罪

之及謹恭摺密奏伏祈

聖鑒無任惶悚之至謹

奏

請飭察看發往軍營各員片

同日

再臣於上月二十六日伏讀

上諭給事中吳廷溥保奏人員一摺翰林院庶吉士陳蘭彬頭等侍衛王灼已革廣東南韶連鎮總兵孫淇英均著發往直隸交桂良察看如果得力即奏留於直隸差遣委用倘各該員等無裨實用即著撤回前據太常寺少卿王茂蔭保奏庶吉士傅壽彤已有旨發往河南軍營交陸應穀察看具奏欽此仰見

聖慮周詳務裨實用至臣思凡開列人員請

旨發各省軍營者在陳奏之意祇以軍營需材但有一長

王侍郎奏議卷十一

十

足備任使即欲發往以冀多得一人之力早收一日之功軍中攻戰勞苦應無安逸可圖即求升用必待有功與他項保舉不同在發往之員必能有裨實用方為得力若與實用無裨轉足虛糜兵餉是保舉不嫌於寬而察看必宜於密所有保舉發各省軍營之員均應請

飭各省統兵大臣察看是否有用以別去留正無庸以係

奉

旨發往之員稍存瞻顧再臣前於正月開列有用之才單內有已革廣西候補州同楊培堃一員於道光二十七年湖南匪徒雷再浩滋事句結廣西匪徒羅亞旺范得遠等

圖攻平樂府該革員帶勇殺賊頗著戰功以前在署來賓縣任內有案累悞未得保奏廢棄可惜故請發向榮軍營差委嗣聞人言多有謂其出身不正者臣意軍營需材貴能殺賊當先問其人之能不能至其出身之正否似可俟大功告成再行分別定議唯該革員之能殺賊臣僅得自訪聞計已到向榮軍中該革員果如所聞自當立見應請

飭向榮一併詳加察看如該革員果有可用不妨暫留如係謬得虛名則廢棄自其本分即應奏明飭令回籍臣歷次開列人員多出訪聞不敢謂無所誤實不敢有所私據

王侍郎奏議卷十一

十一

實直陳伏乞

皇上聖鑒訓示謹

奏

上諭太僕寺卿王茂蔭奏發往軍營各員請飭察看以別去留等語自軍興以來內外臣工保奏各員迭經降旨發往各軍營差遣委用惟該員等能否得力自須從實甄別以免濫竽著各省統兵大臣於各員到營後隨時察看凡已經著有勞績及才具可用實有裨益者自應留營差委其於軍務不甚得力者或查有別項劣蹟者即著奏明分別撤回查辦不得以特旨發往之員稍事姑容欽此

請將張凱嵩發往營差委片同日

再臣聞前廣西即用知縣張凱嵩湖北武昌府人乙巳進士道光三十年咸豐元年在署梧州府蒼梧縣任時賊匪肆擾正甚該員練勇殺賊賊目鄧立奇鄧亞八等皆就擒後署臨桂首縣防堵得力歷著勞績由軍功保奏以知州升用先換頂戴該員心地光明辦事敏捷凡擊賊俱見果決尤能料事於軍情頗有臨機應變之才聞以殺賊甚多賊深恨之陷武昌時特訪其家家屬全行遇難見在丁憂請

飭湖北巡撫查該員如已回籍似可就近發往江南隨營

王侍郎奏議卷十一

十三

差委以資得力謹附

奏

上諭太僕寺卿王茂蔭奏請將丁憂在籍之廣西知縣候升知州張凱嵩發往軍營差委等語張凱嵩著湖北巡撫查明飭令前往江南交向榮軍營差遣委用欽此

論李嘉端及廬州團練片 咸豐三年九月二十一日
再臣因安徽撫臣李嘉端不得民心以致省城危急正在
繕摺具奏適讀日抄仰見

聖明遠照將安徽巡撫李嘉端革職而以姜忠源補之臣
為鄉里幸更為天下幸曷勝欽服之至李嘉端所以不得
民心之故首由信任非人如前任廬州府胡元燁庸懦貪
污聲名狼藉經周天爵奏參革審而該府仍留署篆有徐
淮者本已革之蠹役自周天爵為廬鳳道時擊之賸遂報
病故胡元燁乃收為門生引為該撫腹心現戴六品頂戴
藍翎徐淮倚勢作威擾害閭閻民尤怨恨又署懷遠縣楊

王侍郎奏議卷十一

十三

昌拔性極貪鄙上年冬間忽傳京師行鈔禁錢鋪不准行
票焚取多贖今夏逆匪竄擾官紳方在守禦該縣率眾潛
逃賊退後縣差王成等肆行搶掠該縣回署不問但搜取
良民衣物名為充公又將周天爵所獲土匪衣物七十餘
包交該處為團練費者悉取入署多以肥己鄉民怨恨而
該撫名為撤任仍復委任凡此皆李嘉端之所以不得民
心者今該撫雖已革職而胡元燁等恐仍用事請
飭署撫劉裕鈔即將胡元燁楊昌拔等革去職任重治徐
淮害民之罪以慰民心再廬民稟將團練最早自正月安
慶失守江北土匪肆起經周天爵令練勇格殺數人地方

稍靖該撫到任輒欲翻案以仇殺辦諸練勇雖經呂賢基
力勸而止而一時團練之人無不離心以致賊來莫肯出
力臣聞合肥團練惟城中有徐淮用事正人不出甚不足
恃各鄉皆多可用如東鄉廩生唐會衢翰林院庶吉士黃
先瑜監生郭有訓南鄉廩生吳毓芬監生姚恩祺西鄉文
舉人周沛霖趙鳳舉北鄉副榜司典廩生龔永孚文生龔
德模李鶴章等所辦均屬有成每團驍健或千人數千人
不等一呼可以響應今李嘉端業經革職眾心必翕然一
獻請

王侍郎奏議卷十一

十四

以忠義資以糧餉蓋諸人惟龔永孚家屬有餘其餘均係
寒士力難捐貲自効非資以糧餉不能出力果得諸人出
力必成眾志之城廬州未失可以保守廬州有失可以即
圖收復事關緊要為此附片具陳伏乞

聖鑒訓示謹

奏

旨太僕寺卿王茂蔭奏參已革廬州府知府胡元燁貪污
狼藉將蠹役徐淮收作門生倚勢擾害經周天爵奏參革
審李嘉端輒將該員仍留署任署懷遠縣知縣楊昌拔貪
鄙婪贓遇賊潛逃並任聽縣差王成等肆行搶掠李嘉端

雖名將該縣撤任仍復委用等語似此貪劣之員若不嚴行懲辦何以整飭吏治而服民心著劉裕鈺將該員劣款逐一確查從嚴參辦並提同徐淮王成等嚴審確情按律懲辦至合肥縣辦理團練之廩生唐會衡翰林院庶吉士黃先瑜監生郭育訓吳毓芬姚恩祺舉人周沛霖趙鳳舉副貢生司漢原貢生龔永孚文生蒯德模李鶴章所辦團練俱有成效著該署撫傳諭該紳耆等加以獎勉令其實方董率保衛鄉閭並查明各屬紳士捐資出力能殺賊立功者卽行奏請以勵候朕施恩欽此

王侍郎奏議卷十一

十五

請將黃元吉李登洲治罪片

咸豐三年十月初二日

再臣聞已革安徽李嘉端初派李鴻章管帶練勇千人駐守東關於六月間忽令撤減數百名於八月初又令知縣黃元吉帶勇往東關與李鴻章換防黃元言於七月初十遶已到巢縣距東關僅四十里李鴻章因賊闖進裕溪運漕自十六起每日飛函催令前來協助而總不至至十九日李鴻章練勇與賊打仗後黃元吉夜深始到二十日早所帶之勇畏賊復來欲先散去將東關材鎮居民擄掠一空而走黃元吉不能留亦不能禁清溪河釣魚臺一路百姓號泣呼冤稱家中都被黃強盜搶盡李鴻章往查看各家鍋碗俱被打碎連李鴻章寄存火藥亦被搶擄又知州李登洲續帶勇至東關所帶之勇亦甚騷擾與黃元吉相俟聞該二員現在革職戴罪効力竊謂不能約兵不能恤民之員必不可用用之適足悞事斷無力之可效伏乞皇上將該二員治罪以慰人心謹附

王侍郎奏議卷十一

十六

曾文正公
奉議

光緒二年季夏
傳忠書局校祭



曾文正公奏稿

門人合肥李瀚章編錄

嘉興錢應溥

中江李鴻裔

歙縣程桓生參校

平江李元度

桐城吳汝綸

長沙曹耀湘校字

奏稿首頁

長沙楊仲蕃刻字

曾文正公奏稿

卷之一目錄

遵議大禮疏 道光三十年正月二十八日

應 詔陳言疏 三月初二日

條陳日講事宜疏 四月初四日

議汰兵疏 咸豐元年三月初九日

敬陳 聖德三端預防流弊疏 四月二十六日

備陳民間疾苦疏 十二月十八日

平銀價疏 十二月十九日

敬陳團練查匪大概規模摺 十二月二十二日

附陳辦團有緒即乞守制片

遵議大禮疏 道光三十年正月二十八日

奏為遵

旨敬謹詳議事正月十六日

皇上以

大行皇帝殊諭遺命四條內無庸

郊配

廟附二條令臣工詳議具奏 臣等謹於二十七日集議諸 臣皆

以

大行皇帝功德懿鑠

郊配既斷不可易

廟附尤在所必行直道不泯此天下之公論也 臣國藩亦欲隨

從眾議退而細思

大行皇帝諄諄誥誡必有精意存乎其中臣下鑽仰

高深苟窺見萬分之一亦當各獻其說備

聖主之博采竊以為

遺命無庸

廟附一條考古準今萬難遵從無庸

郊配一條則不敢從者有二不敢違者有三焉所謂無庸

廟附一條萬難遵從者何也古者祧廟之說乃為七廟親盡言

之間有親盡而仍不祧者則必有德之主世世宗祀不在七廟

之數若殷之三宗周之文武是也

大行皇帝於

皇上為

禰廟本非七廟親盡可比而論

功德之彌綸又當與

列祖

列宗同為百世不祧之室豈其弓劍未忘而烝嘗遠別且諸侯

大夫尚有廟祭况以

天子之尊敢廢

升祔之典此其萬難遵從者也所謂無庸

秦稿卷一

郊配一條有不敢從者二何也古聖制禮亦本事實之既至而

情文因之而生

大行皇帝仁愛之德同符大造偶遇偏災立頒帑項年年賑貸

薄海含哺粒我烝民后稷所以配天也

御宇三十年無一日之暇逸無須臾之不做純亦不已文王所

以配上帝也既已具合漢之實而欲辭

升配之文則普天臣民之心終覺不安此其不敢從者一也歷

考

列聖升配惟

世祖章皇帝係由御史周季琬奏請外此皆繼統之

聖人特旨舉行良由上爭

異轡下愜民情毫無疑義也行之既久遂為成例如

大行皇帝德盛化神即使無例可循臣下猶應奏請况乎成憲

昭昭曷敢踰越傳曰君行意臣行制在

大行皇帝自懷謙讓之盛意在大小臣工宜守

國家之舊制此其不敢從者二也所謂無庸

郊配一條有不敢違者三何也

壇壝規模尺寸有定乾隆十四年重加繕修一甗一石皆考律

呂之正義按九五之陽數增之不能改之不可

七廟配位各設青幄當初幄制闊大乾隆三年量加收改今則

秦稿卷一

每幄之內僅容豆籩七幄之外幾乏餘地我

大行皇帝慮及億萬年後或議增廣乎壇壝或議裁狹乎幄製

故定為限制以

身作則俾世世可以遵循今論者或謂西三幄之南尚可添置

一案暫為目前之計不必久遠之圖豈知人異世而同心事相

沿而愈久今日所不敢言者亦萬世臣子所不敢言者也今日

所不忍言者亦萬世臣子所不忍言者也經此次

殊諭之嚴切盈廷之集議尚不肯裁決遵行則後之人又孰肯

冒天下之不韙乎將來必至修改基址輕變舊章此其不敢違

者一也古來祀典興廢不常或無其祭而舉之或有其禮而罷

之史冊所書不一而足唐垂拱年間郊祀以高祖太宗高宗並配後開元十一年從張說議罷太宗高宗配位宋景祐年間郊祀以藝祖太宗真宗並配後嘉祐七年從楊敞議罷太宗真宗配位我

朝順治十七年合祀

天地日月星辰山川於

大享殿奉

太祖

太宗以配厥後亦罷其禮祀典改議乃古今所常有我

大行皇帝億萬年後愚儒無知或有援唐宋罷祀之例妄行

奏稿卷一

四

陳奏者不可不預為之防故

殊諭有曰非天子不議禮以為一經

斷定則巍然七幄與

天長存後世增配之議尚且不許罷祀之議更何自而興所以

禁後世者愈嚴則所以尊

列祖者愈久此其計慮之周非三代制禮之聖人而能如是乎

大行皇帝以制禮之聖人自居臣下何敢以尋常之識淺為窺

測有尊崇之虛文無謀事之遠慮此其不敢違者一也我

朝以孝治天下而

遺命在所尤重康熙二十六年

孝莊文皇后遺命云願於遵化州孝陵近地擇吉安厝當時臣工皆謂遵化去

太宗昭陵千有餘里不合耐葬之例我

聖祖仁皇帝不敢違

遺命而又不致違成例故於

孝陵旁近建

暫安奉殿三十餘年未敢竟安

地宮至雍正初始敬謹歲事嘉慶四年

高宗純皇帝遺命云廟號無庸稱祖我

仁宗睿皇帝謹遵

奏稿卷一

五

遺命故雖乾隆中之豐功大烈而

廟號未得

祖稱載在會典先後同揆矣此次

大行皇帝遺命惟第一條森嚴可畏若不遵行則與我

朝家法不符且

殊諭反覆申明無非自處於卑屈而處

列祖於崇高此乃大孝大讓亘古之盛德也與其以尊崇之微

忱屬之臣子孰若以莫大之盛德歸之

君父此其不敢違者三也

臣竊計

皇上仁孝之心兩者均有所歉然不奉

升配僅有典禮未備之歉遽奉

升配既有違

命之歉又有將來之慮是多一歉也一經

大智之權衡無難立判乎輕重

聖父制禮而

聖子行之必有默契於精微不待臣僚擬議而後定者臣職在

秩宗誠恐不詳不愼

皇上他日

郊祀之時上願

成命下顧萬世或者恍然難安則禮臣無所辭其咎是以專摺

奏稿卷一

六

具奏干瀆

宸嚴不勝惶悚戰慄之至謹

奏

應 詔陳言疏 道光三十年三月初二日

奏為應

詔陳言事二月初八日奉

皇上諭令九卿科道有言事之責者於用人行政一切事宜皆

得據實直陳封章密奏仰見

聖德謙沖孜孜求治臣竊維用人行政二者自古皆相提并論

獨至我

朝則凡百庶政皆已著有

成憲既備既詳未可輕議今日所當講求者惟在用人一端耳

方今人才不乏欲作育而激揚之端賴我

奏稿卷一

七

皇上之妙用大抵有轉移之道有培養之方有考察之法三者

不可廢一請為我

皇上陳之所謂轉移之道何也我

朝

列聖為政大抵因時俗之過而矯之使就於中順治之時瘡痍

初復民志未定故

聖祖繼之以寬康熙之末久安而吏弛刑措而民偷故

世宗救之以嚴乾隆嘉慶之際人尙才華士驚高遠故

大行皇帝歛之以鎮靜以變其浮誇之習一時人才循循規矩

準繩之中無有敢才智自雄鋒芒自逞者然有守者多而有猷

有為者漸覺其少大率以畏憚為慎以柔靡為恭以臣觀之京官之辦事通病有二曰退縮曰瑣屑外官之辦事通病有三曰敷衍曰顛預退縮者同官互推不肯任怨動輒請

旨不肯任咎是也瑣屑者利析錙銖不顧大體察及秋毫不見與新是也敷衍者裝頭蓋面但計目前剜肉補瘡不問明日是也顛預者外面完全而中已潰爛章奏粉飾而語無歸宿是也

有此四者習俗相沿但求苟安無過不求振作有為將來一有艱鉅

國家必有乏才之患我大行皇帝深知此中之消息故亟思得一有用之才以力挽頽

奏稿卷一

八

風去年京察人員數月之內擢臬司者三人擢藩司者一人蓋亦欲破格超遷整頓積弱之習也無如風會所趨勢難驟變今若遽求振作之才又恐躁競者因而倖進轉不足以收實效臣愚以為欲使有用之才不出範圍之中莫若使之從事於學術漢臣諸葛亮曰才須學學須識蓋至論也然欲人才皆知好學又必自我

皇上以身作則乃能操轉移風化之本臣考

聖祖仁皇帝登極之後勤學好問儒臣逐日進講寒暑不輟萬壽聖節不許間斷三藩用兵亦不停止

召見廷臣輒與之往復討論故當時人才濟濟好學者多至康

熙末年博學偉才大半皆聖祖教諭而成就之今

皇上春秋鼎盛正與

聖祖講學之年相似臣之愚見欲請俟二十七月後舉行逐日進講之例四海傳播人人嚮風

召見臣工與之從容論難見無才者則勗之以學以痛懲摸稜罷輒之習見有才者則愈勗之以學以化其剛愎刻薄之偏十年以後人才必大有起色

一人典學於宮中羣英鼓舞於天下其效在此其效在彼康熙年間之往事昭昭可觀也以今日之委靡因循而期之以振作

奏稿卷一

九

又慮他日之更張債事而澤之以詩書但期默運而潛移不肯矯枉而過正蓋轉移之道其略如此所謂培養之方何也凡人未登仕版者姑不具論其已登仕版者如內閣六部翰林院最為薈萃之地將來內而卿相外而督撫大約不出此八衙門此八衙門者人才數千我

皇上不能一一周知也培養之權不得不責成於堂官所謂培養者約有數端曰教誨曰甄別曰保舉曰超擢堂官之於司員一言嘉獎則感而圖功片語責懲則畏而改過此教誨之不可緩也榛棘不除則蘭蕙減色害馬不去則騏驎短氣此甄別之不可緩也嘉慶四年十八年兩次令部院各保司員此保舉之

成案也雍正年間甘汝來以主事而賞人參放知府嘉慶年間黃鉞以主事而充翰林入

南齋此超擢之成案也蓋嘗論之人才譬之禾稼堂官之教誨猶種植耘耔也甄別則去其稂莠也保舉則猶灌溉也

皇上超擢譬之甘雨時降苗勃然興也堂官常常到署譬之農夫日日田間乃能熟悉穡事也今各衙門堂官多

內廷行走之員或累月不克到署與司員恆不相習自掌印主稿數人而外大半不能識面譬之嘉禾稂莠聽其同生同落於

畎畝之中而農夫不問教誨之法無聞甄別之例亦廢近奉明詔保舉又但及外官而不及京秩培養之道不尙有未盡者

哉自頃歲以來六部人數日多或二十年不得補缺或終身不得主稿內閣翰林院員數亦三倍於前往往十年不得一差不

遷一秩固已英才摧挫矣而堂官又多在

內廷終歲不獲一見如吏部六堂

內廷四人禮部六堂

內廷四人戶部六堂皆直

內廷翰林兩掌院皆直

內廷在諸臣隨侍

御園本難分身入署而又或兼攝兩部或管理數處爲司員者畫稿則匆匆一面向事則寥寥數語縱使才德俱優曾不能邀

堂官之一顧又焉能達

天子之知哉以若干之人才近在眼前不能加意培養甚可惜也臣之愚見欲請

皇上稍爲酌量每部須有三四堂不入直

內廷者令其日日到署以與司員相砥礪翰林掌院亦須有不

直

內廷者令其與編檢相濡染務使屬官之性情心術長官一一周知

皇上不時詢問某也才某也直某也小知某也大受不特屬官之優劣粲然畢呈卽長官之淺深亦可互見旁考參稽而入衙

門之人才同往來於

聖主之胸中彼司員者但令姓名達於

九重不必升官遷秩而已感激無地矣然後保舉之法甄別之

例次第舉行乎舊章

皇上偶有超擢則梗枅一升而草木之精神皆振蓋培養之方

其略如此所謂考察之法何也古者詢事考言二者並重近來

各衙門辦事小者循例大者請

旨本無才猷之可見則莫若於言考之而

召對陳言

天威咫尺又不宜喋喋便佞則莫若於奏摺考之矣

國家定例內而九卿科道外而督撫藩臬皆有言事之責各省道員不許專摺謝

恩而許專摺言事乃十餘年間九卿無一人陳時政之得失司道無一摺言地方之利病相率緘默一時之風氣有不解其所以然者科道間有奏疏而從無一言及

主德之隆替無一摺彈大臣之過失豈君為堯舜之君臣皆稷契之臣乎一時之風氣亦有不解其所以然者臣考

本朝以來匡言

主德者孫嘉淦以自是規

高宗袁銑以寡慾規

奏稿卷一

七

大行皇帝皆蒙

優旨嘉納至今傳為美談糾彈大臣者如李之芳參劾魏裔介彭鵬參劾李光地厥後四人皆為名臣亦至今傳為美談自古直言不諱未有盛於我

朝者也今

皇上御極之初又

特詔求言而

褒答優仁之諭臣讀之至於抃舞感泣此誠太平之象然臣猶

有過慮者誠見我

皇上求言甚切恐諸臣紛紛入奏或者條陳庶政頗多雷同之

語不免久而生厭彈劾大臣懼長攻訐之風又不免久而生厭臣之愚見願

皇上堅持

聖意借奏摺為考核人才之具示不生厭數之心涉於雷同者不必交議而已過於攻訐者不必發鈔而已此外則但見其有益初不見其有損人情狃於故常大抵多所顧忌如

主德之隆替大臣之過失非

皇上再三誘之使言誰肯輕冒不韙如藩臬之奏事道員之具摺雖有定例久不遵行非

皇上再三迫之使言又誰肯立異以犯督撫之怒哉臣亦知內

外大小羣言並進即浮偽之人不能不雜出其中然無本之言其術可以一售而不可以再試

奏稿卷一

七

朗鑑高懸豈能終遁方今考九卿之賢否但憑

召見之應對考科道之賢否但憑三年之京察考司道之賢否

但憑督撫之考語若使人人建言參互質證豈不更為核實乎

臣所謂考察之法其略如此三者相需為用並行不悖臣本愚

陋頃以議禮一疏荷蒙

皇上天語褒嘉感激思所以報但憾識見淺薄無補萬一伏求

皇上憐其愚誠俯賜

訓示幸甚謹奏

條陳日講事宜疏 道光三十年四月初四日

奏為條陳日講事宜補 臣前摺所未備事竊 臣前於用人三策

摺內言及康熙年間日講之例三月十一日奉

諭旨著於百日後舉行日講所有一切應行事宜著各該衙門

察例詳議以聞欽此查康熙年間例案 臣部及各衙門俱已無

存而 臣之初意係於贊助

聖學之中陰寓陶成人才之意原摺內所謂其幾在此其效在

彼者尙未申明詳晰今一切應行事宜亦必求於人才有益不

徒務講學之虛名謹參考會典及

聖祖御製文集

奏稿卷一

十四

國史列傳諸書竭 臣愚見先定大概規模補前摺所未備請

皇上再交各衙門覈議務使精益求精

聖學人才兩有裨益方得實效謹將 臣所擬條款臚列於後

一考定日講設官之制

謹按日講起居注官現在滿洲十員漢人十二員 臣考舊章則

日講官與起居注官係屬兩項非一項差使也日講官主執經

入侍每日進講即宋時崇政殿說書之職也起居注官主典禮

侍班簪筆載記即周時左史右史之職也我

朝順治十年設立日講官其時並無起居注之名至康熙九年

復舉行日講且創立起居注館於是起居注官即以日講官兼

攝之兩項差事乃併為一項矣厥後康熙二十五年停止日講

而起居注官則未嘗廢銜上日講二字亦未裁去雍正乾隆以

來相沿不改其實所辦之事乃記注侍班之事日講二字則有

空銜而無實事也今奉

旨舉行日講似須循名責實二者分作兩項於現在記注官之

外別添一項人作日講官以復順治及康熙初年之例其現在

之起居注官祇於銜上裁去日講二字其餘不改以循雍正乾

隆以來之例庶名實相符而於

六朝成憲皆不稍背云

一講官員數

謹按順治十二年初設講官選詞臣八人不分滿漢康熙九年

定設滿洲四員漢官八員厥後遞有增加至十八員二十六員

不等蓋以講官而兼記注之事職務較繁故也今既將講官與

記注官分作兩項似可循康熙九年之例定為滿洲講官四員

漢講官八員

一每日進講員數

謹按順治十二年定以掌院學士率講官或二人或三人進講

皇上靜對臣工聽其講論今古亦得細察其精神器識即此可以陶冶人才矣

一講官應用何項人

謹按現在起居注官專用翰詹兩衙門之人溯查康熙年間勵杜訥以州同而轉講官高士奇以中書而轉講官當時取人往往不限資格又康熙十六年有滿洲講官兼用小九卿之例乾隆初年有呈進講章兼用科道之例此次設立講官似可援此二例斟酌行之臣之愚見擬請除大學士掌院學士及六部都察院職事較繁無庸充補講官外其餘內閣學士及九卿科道之由科甲出身者准其與翰詹兩衙門一體充補講官庶取人之途較廣而仍不違乎成例

奏稿卷一

六

一定保舉講官之法

謹按順治十二年初立講官諭令大臣選詞臣學問淹博者八人既由臣下選擇是保舉之法也康熙年間講官由題本開列請簡乾隆年間講官由引

見擢用至今相沿不改臣思此次復設此官仍須行選擇保舉之法蓋保舉尚恐其濫惟保舉講官斷不至於濫不特保人者十分慎重即受保者自揣學問平庸亦必不敢妄進以取戾也求

皇上於一二品大臣中

特旨派出四五人令其各保數員以備進講此次所保之人或升遷出差將次缺員又求

特派四五人令其各保數員進講所保之人必容止莊重辭氣溫雅又必兼熟通鑑會典二書如不稱職令其退出講筵或根柢甚深而口稍拙訥者不妨保舉

一進講之地

謹按康熙年間進講之地

懋勤殿為多惟十二年暫修

宮殿

奏稿卷一

七

駕駐瀛臺即在瀛臺進講二十三年天氣嚴寒即在暖閣進講其餘或在郊外或

幸南苑皆不輟講是地可隨時遷移也今奉

諭旨便殿進講

皇上現御東書房臣擬請即在東書房進講以後或有遷移臨時再降

諭旨

一進講之儀

謹按康熙年間進講儀節初人行三叩禮侍立詣講案前進講講畢復行三叩禮至十六年停止講畢之三叩禮臣今擬就此

儀稍為酌量請即東書房言之

皇上升御牀西面牀上恭設一橫几為書案置所講之書於案

上又豫設小几於室中為講官之講案屆時講官捧書入陳於

講案上轉出案西跪東北面一叩興復講案位侍立宣講講畢

復轉出案西跪一叩興趨出如遇

聖駕不御東書房所有

皇上南面講官北面之處有時限於地勢再行臨時斟酌謹照

此儀另繪一圖附

呈

一進講之時

奏稿卷一

十九

謹按康熙年間尙未設立軍機處部院奏事即係大臣入對承

旨奏事既畢然後講官入侍自九年至二十年皆然也二十一

年乃改於部院未啟奏之前講官先入進講遙想其時大約不

過辰刻耳今則時勢移易較康熙年間迥有不同康熙年間部

院章奏不過數件今則每日多至七八十件康熙年間各省章

奏

聖祖御覽直待夜分然燭之後今則清晨

裁定宣諭軍機而批答康熙年間引

見人員甚少今則逐日皆有引

見有此數者之不同則每日早間

聖躬亦煩勞矣臣之愚見擬請待引

見以後

皇上萬幾已畢

御前大臣侍衛等皆已散直日永神暇然後講官進講則有義

理之悅而無他務之擾庶幾如

聖祖讀書記中所謂神理淵穆怡然忘倦云

一所講之書

謹按康熙年間所講之書先四書次尙書次周易次詩經次通

鑑講通鑑之時仍兼講四書而順治年間亦曾繙譯通鑑及大

學衍義二書呈進今臣聞

奏稿卷一

十九

聖學高深諸經通鑑講貫已熟竊謂為君之道莫備於真德秀

衍義邱濬衍義補二書真氏於用人之道邱氏於理財治民之

道尤言之深切著明頃給事中呂賢基曾以為請擬請講此

二書於今日時政實有裨益

一陳講之道

謹按講官陳說貴忠誠切直尤貴明於

本朝掌故康熙十六年

諭講官宜進直言毋有隱諱二十一年

諭講官須有勸戒箴規之意乃稱啟沃又

聖祖御製講官箴曰體之行之朕躬是力載獻載替爾職宜

又曰誼貴勵翼先正其心爾苟勿欺吐辭足欽經此八句則知切直者未有不由於忠誠也至於

本朝掌故則大經大法實有超越前古者若能於每日進講之時將

列聖至德善政稱述一二條不惟

君臣之精神互相警發而為講官者必熟於

國家之典章則凡會典及

列朝聖訓皆當時時研究此中之磨厲人才已不少矣

一覆講之法

謹按康熙十四年

奏稿卷一

干

諭曰講原期有益身心今祇講官進講朕不覆講日久將成故

事不惟於學問之道無益亦非所以為法於後世也嗣後進講

時講官講畢朕乃覆講如此庶幾有裨實學欽此臣思覆講之

法不過疑者詰之誤者辨之非必逐句討論也今講官講畢應

請

皇上於疑難之處俯加詰問講官錯誤之處仰承

指示若無疑可問無誤可指即不妨默識深領方為可久之道

一纂成講書

謹按康熙年間講官撰成講章分寫正副本先期將正本進呈

其撰法先列經文次列諸儒之說次列講官推演之義既講之

後又將講章編輯成書今所傳四書解義書經易經各解義是也此次所講衍義及衍義補真氏邱氏之書本係臣下進講體

裁不必更撰講章亦不必先期呈進矣祇須於本日遞一摺片云臣某人今日進講第幾卷第幾頁某句起某句訖謹奏已為

簡當至已講之後仍須編輯成書將來刊刻流傳以昭

聖學之盛其編輯之法先鈔真氏邱氏全文次列講官敷陳之

說以能徵引會典者為上於既講後三日呈遞俟發下之後彙

繕成帙彙成三卷進

呈一次抑臣又有請者

聖祖御製文集中有講筵緒論二卷凡八十五條

奏稿卷一

干

皇上聰明天縱講筵觸發間有諸論敬祈發下交講官編入使

臣等欽誦之餘益加做惕則興起多矣

一講官體制

謹按康熙年間講官

恩遇最為隆渥或

賜詩篇或

賜邸第或

賞貂皮或交部議敘錫賚便蕃非常之典非臣下所敢議及也

至於體制所在雖屬虛文亦宜稍示優異一得講官雖編檢科

道皆得專摺謝

恩其兩端坐墊請潔現在起
房翰林之例至於春秋
居注官之例朝賀班次請照南書

經筵侍班宜在六部堂官之次並隨至

文淵閣

賜茶其科道充講官者即不派街道巡城差使間有扈從之時

講官所用帳房及一切應用物件仍遵康熙十二年

諭定章程酌定數目由內務府給與

一進講年數

謹按康熙進講自九年至二十五年凡十有七載中間如三藩
用兵九省騷動捐例常開倉庫空虛實有倍甚於今日者而未

嘗停講蓋

聖祖實由於此中深求政要兼矯人才非以此為文章之娛也

湯斌之放江蘇巡撫

聖祖諭曰以爾久侍講筵老成端謹故特簡爾熊賜履之既沒

聖祖諭吏部曰賜履夙學老成為講官多年未嘗不以內聖外

王之道正心修身之體直言講論當時偉人輩出大抵多識拔

於講筵之中蓋侍學既久故知之真也

皇上復舉舊章伏願行之久遠不可遽求速效雖有偏災小警

不可停罷漸濡既久風氣日振臣前摺所謂十年以後人才當

有起色也若舉行數載或即停止雖於

聖學無損而固不能收百年樹人之效區區之忱尤在於此伏

乞

聖鑒

以上十四條竭臣愚忠癡定大概規模其有不典不詳求

奏

奏稿卷一

三

議汰兵疏 咸豐元年三月初九日

奏為簡練軍實以裕國用事 竊維天下之大慮蓋有二端一曰國用不足一曰兵伍不精兵伍之情狀各省不一漳泉悍卒以千百械鬪為常黔蜀冗兵以勾結盜賊為業其他吸食鴉片聚開賭場各省皆然大抵無事則游手恣睢有事則履無賴之人代充見賊則望風奔潰賊去則殺民以邀功章奏屢陳諭旨屢飭不能稍變錮習至於財用之不足內外臣工人人憂慮自庚子以至甲辰五年之間一耗於夷務再耗於庫案三耗於河決固已不勝其浩繁矣乙巳以後秦豫兩年之旱東南六省之水計每歲歉收恆在千萬以外又發帑數百萬以振救之

天下財產安得不絀

奏稿卷一

西

宣宗成皇帝每與臣下言及開捐一事未嘗不咨嗟太息憾宦途之濫雜悔取財之非計也 臣嘗即國家歲入之數與歲出之數而通籌之一歲本可餘二三百萬然水旱偏災堯湯不免以去年之豐稔而江浙以大風而災廣西以兵事而緩計額內之歉收已不下百餘萬設更有額外之浮出其將何以待之今雖捐例暫停而不別籌一久遠之策恐將來仍不免於開捐以天下之大而無三年之蓄汲汲乎惟朝夕之圖而貽君父之憂此亦為臣子者所深恥也當此之時欲於歲入常額

之外別求生財之道則搜括一分民受一分之害誠不可以妄議矣至於歲出之數兵餉為一大宗 臣嘗考本朝綠營之兵制竊見乾隆四十七年增兵之案實為兵餉贏絀一大轉關請即為我

皇上陳之自康熙以來武官即有空名坐糧雍正八年因定為例提督空名糧八十分總兵六十分副將而下以次而減下至千總五分把總四分各有名糧又修製軍械有所謂公費銀者紅白各事有所謂賞卹銀者亦皆取給於名糧故自雍正至乾隆四十五年以前綠營兵數雖名為六十四萬而其實缺額常六七萬至四十六年增兵之議起武職坐糧另行添設養廉公

奏稿卷一

五

費賞卹另行開銷正項向之所謂空名者悉令挑補實額一舉而添兵六萬有奇於是費銀每年二百餘萬此 臣所謂餉項贏絀一大轉關者也是時海內殷實兵革不作普免天下錢糧已經四次而戶部尚餘銀七千八百萬高宗規模閱遠不惜散財以增兵力其時大學士阿桂即上疏陳論以為國家經費驟加不覺其多歲支則難為繼此項新添兵餉歲近三百萬統計二十餘年即須用七千萬請毋庸概增旋以廷臣議駁卒從增設至嘉慶十九年仁宗親帑藏之大絀思阿桂之遠慮慨增兵之仍無實效

特詔裁汰於是各省次第裁兵一萬四千有奇

宣宗即位又

詔抽裁冗兵於是又裁二千有奇乾隆之增兵一舉而加六萬五千嘉慶道光之減兵兩次僅一萬六千

國家經費耗之如彼其多且易也節之如此其少且難也臣今冒昧之見欲請汰兵五萬仍復乾隆四十六年以前之舊驟而裁之或恐生變惟缺出而不募補則可徐徐行之而萬無一失醫者之治瘡癰甚者必剗其腐肉而生其新肉今日之劣弁羸兵蓋亦當量爲簡汰以剗其腐者痛加訓練以生其新者不循此二道則武備之弛殆不知所底止自古開國之初恆兵少而

奏稿卷一

五

國強其後兵愈多則力愈弱餉愈多則國愈貧北宋中葉兵常百二十五萬南渡以後養兵百六十萬而軍益不競明代養兵至百三十萬末年又加練兵十八萬而孱弱日甚我

朝神武開國本不藉綠營之力康熙以後綠營屢立戰功然如三藩準部之大勦回疆金川之殊烈皆在四十六年以前至四十七年增兵以後如川楚之師暎夷之役兵力反遠遜於前則兵貴精而不貴多尤爲明效大驗也八旗勁旅亘古無敵然其額數常不過二十五萬以強半胡衛京師以少半駐防天下而山海要隘往往布滿

國初至今未嘗增加今卽汰綠營五萬尙存漢兵五十餘萬視

八旗且將兩倍權衡乎本末較量乎古今誠不知其不可也近

者廣西軍興紛紛徵調外兵該省額兵二萬三千土兵一萬四

千聞竟無一人足用者粵省如此他省可知言念及此可勝長

慮臣聞各省之兵稍有名者如湖南之鎮守江南之壽春浙江之處州天下不過數鎮裁汰之法或精強之鎮不動而多裁劣營或邊要之區不動而多裁腹地或營制太破歸而併之或汛防太散撤而聚之是在兵部之精審督撫之體察未可鹵莽以從事耳誠使臣之說缺出不補不過六年五萬可以裁畢以一馬二步計之每年可省餉銀一百二十萬十年以外於經費大有裨益此項銀兩不輕動用督撫歲終奏解戶部另行封存

奏稿卷一

七

專備救荒之款永塞開捐之路養兵爲民也備荒亦爲民也塞捐以清仕途尤愛民之大者也一分一毫

天子無所私利於其間豈非三代公心賢於後世搜括之術萬萬者哉若夫訓練之道則全視乎

皇上精神之所屬臣考本朝以來大閱之典舉行凡二十餘次或於南苑或於西廠或於蘆溝橋玉泉山

天弧親御外藩從觀軍容一肅藩部破膽自嘉慶十七年至今不舉大閱者四十年矣凡兵以勞而強以逸而弱承平日久京

營之兵既不經戰陳之事又不見蒐狩之典筋力日懈勢所必

然伏求

皇上於三年之後行大閱之禮明降

諭旨早示定期練習三年京營必大有起色外省營伍勢難遠

徧求

皇上先注意數處物色將才分布天下要害之地但使七十一

鎮之中有十餘鎮可為腹心五十餘萬之中有十餘萬可為長

城則緩急之際隱然可恃

天子之精神一振山澤之猛士雲興在我

皇上加意而已昔宋臣龐籍汰慶厯兵八萬人遂以大蘇邊儲

明臣戚繼光練金華兵三千人遂以蕩平倭寇書生愚見以

奏稿卷一

五

為今日論兵正宜法此二事謹抄錄乾隆增兵嘉慶道光減兵

三案進呈伏乞

飭下九卿科道詳議斯道甚大臣鮮閱歷不勝悚惶待命之至

謹

奏

敬陳

聖德三端預防流弊疏

咸豐元年四月二十六日

奏為敬陳

聖德仰贊

高深事臣聞美德所在常有一近似者為之淆辨之不早則流

弊不可勝防故孔門之告六言必嚴去其六弊臣竊觀

皇上生安之美德約有三端而三者之近似亦各有其流弊不

可不預防其漸請為我

皇上陳之臣每於祭祀侍儀之頃仰瞻

皇上對越肅雍跬步必謹而尋常蒞事亦推求精到此敬慎之

美德也而辨之不早其流弊為瑣碎是不可不預防人臣事君

奏稿卷一

五

禮儀固貴周詳然苟非朝祭大典難保一無疏失自去歲以來

步趨失檢廣林以小節被參道旁叩頭福濟麟魁以小節被參

內廷接

駕明訓以微儀獲咎都統暫署惠豐以微儀獲咎在

皇上僅予譴罰初無苛責之意特恐臣下誤會風旨或謹於小

而反忽於大且有謹其所不必謹者行禮有儀注古今通用之

字也近來避

皇上之嫌名乃改為行禮禮節朔望常服既經臣部奏定矣而

去冬忽改為貂褂

御門常服挂珠既經臣部奏定矣而初次忽改為補褂以此等

爲尊

君皆於小者謹其所不必謹則於國家之大計必有疏漏而不暇深求者矣夫所謂國家之大計果安在哉即如廣西一事其大者在位置人才其次在審度地利又其次在慎重軍需今發往廣西人員不爲不多而位置之際未盡妥善姚瑩年近七十曾立勳名宜稍加以威望令其參贊幕府若泛泛差遣委用則不能收其全力嚴正其辦理糧臺而位卑則難資彈壓權分則易致牽掣夫知之而不用與不知同用之而不盡與不用同諸將既多亦宜分爲三路各有專責中路專辦武宣大股西路分辦泗鎮南太東路分辦七府一州至於地利之說則

奏稿卷一

三

欽差大臣宜駐劄橫州乃可以策應三路糧臺宜專設梧州銀米由湖南往者暫屯桂林以次而輸於梧由廣東往者暫屯肇慶以次而輸於梧則四方便於支應而寇盜不能劫掠今軍與一載外間既未呈進地圖規畫全勢而

內府有康熙輿圖乾隆輿圖亦未聞樞臣請出與皇上熟視審計至於軍需之說則捐輸之局萬不可開於兩粵捐生皆從軍之人捐資皆借湊之項展轉挪移仍於糧臺乎取之此三者皆就廣西而言今日之大計也即使廣西無事而凡爲臣子者亦皆宜留心人材亦皆宜講求地利亦皆宜籌畫國計圖其遠大即不妨略其細微漢之陳平高祖不問以決獄

唐之房杜太宗惟責以求賢誠使我

皇上豁達遠觀罔苛細節則爲大臣者不敢以小廉曲謹自恃不敢以尋行數墨自取竭蹶必且穆然深思求所以宏濟於艱難者所謂防瑣碎之風其道如此又聞

皇上萬幾之暇頤情典籍游藝之末亦法前賢此好古之美德也而辨之不細其流弊徒尙文飾亦不可不預防自去歲求言以來豈無一二嘉謨至計究其歸宿大抵皆以無庸議三字了之問有特被

獎許者

手詔以褒倭仁未幾而疏之萬里之外

奏稿卷一

三

優旨以答蘇廷魁未幾而斥爲亂道之流是鮮察言之實意徒飾納諫之虛文自道光中葉以來朝士風氣專尙浮華小楷則工益求工試律則巧益求巧翰詹最優之途莫如

兩書房行走而保薦之時但求工於小楷者閣部最優之途莫如軍機處行走而保送之時但取工於小楷者衡文取士大典也而考差者亦但論小楷試律而不復計文義之淺深故常謂欲人才振興必使士大夫考古來之成敗討

國朝之掌故而力杜小楷試律工巧之風乃可以崇實而黜浮去歲奏開日講意以人臣陳說古今於黼座之前必不敢不研求實學蓋爲此也今

皇上於軍務倥傯之際仍舉斯典正與康熙年三藩時相同然非從容

召見令其反覆辨說恐亦徒飾虛文而無以考核人才目前之時務雖不可妄議

本朝之成憲獨不可稱述乎

皇上於外官來京屢次

召見詳加考核今日之翰詹即異日之督撫司道也甫脫乎小楷試律之間即與以兵刑錢穀之任又豈可但觀其舉止便捷語言圓妙而不深究其真學真識乎前者臣工奏請刊布御製詩文集業蒙

御製詩文集業蒙

允許臣考

高宗文集刊布之年

聖壽已二十有六

列聖文集刊布之年皆在三十四以後

皇上春秋鼎盛若稍遲數年再行刊刻亦足以昭

聖度之謙冲且明示天下以敦崇實政不尚虛文之意風聲所

被必有樸學興起為

國家任棟梁之重臣所謂杜文飾之風其道如此臣又聞

皇上娛神淡遠恭己自怡曠然若有天下而不與焉者此廣大之美德也然辨之不精亦恐厭薄恆俗而長驕矜之氣尤不可

以不防去歲求言之

詔本以用人與行政并舉乃近來兩次

諭旨皆曰黜陟大權朕自持之在

皇上之意以為中無纖毫之私則一章一服皆若奉天以命德初非自執已見豈容臣下更參末議而不知天視自民視天聽

自民聽

國家設立科道正民視民聽之所寄也

皇上偶舉一人軍機大臣以為當左右皆曰賢未可也臣等九

卿以為當諸大夫皆曰賢未可也必科道百僚以為當然後為

國人皆曰賢黜陟者

天子一人持之是非者

天子與普天下人共之

宸衷無纖毫之私可以謂之公未可謂之明也必國人皆曰賢

乃合天下之明以為明矣古今人情不甚相遠大率釐直者少

緘默者多

皇上再三誘之使言尚且顧忌濡忍不敢輕發苟見

皇上一言拒之誰復肯干犯

天威如禮恩之貪黷曹履泰之汙鄙前聞物論紛紛久之竟寂

無彈章安知非畏雷霆之威而莫敢先發以取罪哉自古之重直臣非特使彼成名而已蓋將借其藥石以折人主驕侈之萌

培其風骨養其威稜以備有事折衝之用所謂疾風知勁草也若不取此等則必專取一種諧媚軟熟之人料其斷不敢出一言以逆耳而拂心而稍有鋒鋷者必盡挫其勁節而銷鑠其剛氣一旦有事則滿庭皆疲茶沓泄相與袖手一籌莫展而後已今日

皇上之所以使賽尙阿視師者豈不知千金之弩輕於一發哉蓋亦見在廷他無可恃之人也夫平日不儲剛正之士以培其風骨而養其威稜臨事安所得人才而用之哉目今軍務警報運籌於

一人取決於俄頃

秦稿卷一

手四

皇上獨任其勞而臣等莫分其憂使廣西而不遽平固中外所同慮也然使廣西遽平而

皇上意中或遂謂天下無難辦之事眼前無助我之人此則一念驕矜之萌尤微臣區區所大懼也昔禹戒舜曰無若丹朱傲

周公戒成王曰無若殷王受之迷亂舜與成王何至如此誠恐

一念自矜則直言曰覺其可憎佞諛曰覺其可親流弊將靡所

底止臣之過慮實類乎此此三者辨之於早祇在幾微之間若

待其弊既成而後挽之則難為力矣臣謬玷卿陪幸逢

聖明在上何忍不竭愚忱以仰裨萬一雖言之無當然不敢激

切以沽直聲亦不敢唯阿以取容悅伏惟

聖慈垂鑒謹奏

秦稿卷一

手五

備陳民間疾苦疏 咸豐元年十二月十八日

奏為備陳民間疾苦仰副

聖主愛民之懷事 竊惟國貧不足患惟民心渙散則為患甚
大自古莫富於隋文之季而忽致亂亡民心去也莫貧於漢昭
之初而漸致又安能撫民也我

朝康熙元年至十六年中間惟一年無河患其餘歲歲河決而
新莊高堰各案為患極鉅其時又有三藩之變騷動九省用兵
七載天下財賦去其大半府藏之空虛殆有甚於今日卒能金
甌無缺寰宇清謐蓋

聖祖愛民如傷民心固結而不可解也我

皇上愛民之誠足以遠紹

前徽特外間守令或玩視民瘼致

聖主之德意不能達於民而民間之疾苦不能訴於上 敢一

一縷陳之一曰銀價太昂錢糧難納也蘇松常鎮太錢糧之重
甲於天下每田一畝產米自一石五六斗至二石不等除去佃
戶平分之數與抗欠之數計業主所收牽算不過八斗而額征
之糧已在二斗內外兌之以漕斛加之以幫費又須去米二斗
計每畝所收之八斗正供已輸其六業主只獲其二耳然使所
輸之六斗皆以米相交納則小民猶為取之甚便無如收本色
者少收折色者多即使漕糧或收本色而幫費必須折銀地丁

必須納銀小民力田之所得者米也持米以售錢則米價苦賤
而民怨持錢以易銀則銀價苦昂而民怨東南產米之區大率
石米買錢三千自古迄今不甚懸遠昔日兩銀換錢一千則石
米得銀三兩今日兩銀換錢二千則石米僅得銀一兩五錢昔
日賣米三斗輸一畝之課而有餘今日賣米六斗輸一畝之課
而不足

朝廷自守歲取之常而小民暗加一倍之賦此外如房基如墳
地均須另納稅課准以銀價皆倍昔年無力監追者不可勝計
州縣竭全力以催科猶恐不給往往委員佐之吏役四出晝夜
追比鞭朴滿堂血肉狼籍豈皆酷吏之為哉不如是則考成不

及七分有參劾之懼賠累動以巨萬有子孫之憂故自道光十

五年以前江蘇尚辦全漕自十六年至今歲歲報歉年年蠲緩

豈昔皆良而今皆刁蓋銀價太昂不獨官民交困

國家亦受其害也浙江正賦與江蘇大略相似而民愈抗延官

愈窮窘於是有截串之法截串者上忙而預徵下忙之稅今年

而預截明年之串小民不應則稍減其價招之使來預截太多

缺分太虧後任無可復征雖循吏亦無自全之法則貪吏愈得

藉口魚肉百姓巧誅橫索悍然不顧江西湖廣課額稍輕然自

銀價昂貴以來民之完納愈苦官之追呼亦愈酷或本家不能

完則鎖拏同族之殷實者而責之代納甚者或鎖其親戚押其

奏稿卷一

三

鄰里百姓怨憤則抗拒而激成巨案如湖廣之未陽崇陽江西之貴溪撫州此四案者雖閭閻不無刁悍之風亦由銀價之倍增官吏之浮收差役之濫刑真有日不聊生之勢臣所謂民間之疾苦此其一也二曰盜賊太眾良民難安也廬鳳穎毫一帶自古為羣盜之藪北連豐沛蕭楊西接南汝光固此皆天下腹地一有嘯聚患且不測近聞盜風益熾白日劫淫捉人勒贖民不得已而控官官將往捕先期出示比至其地牌保輒詭言盜遁官吏則焚燒附近之民房示威而後去差役則訛索事主之財物滿載而後歸而盜實未遁也或詭言盜死斃他囚以抵此案而盜實未死也案不能雪賊不能起而事主之家已破矣吞

奏稿卷一

五

聲飲泣無力再控即使再控幸得發兵會捕而兵役平日皆與盜通臨時賣放泯然無迹或反借盜名以恐嚇村愚要索重賄否則指為盜夥火其居而械繫之又或責成族鄰勒令縛盜來獻直至縛解到縣又復索收押之費索轉解之資故凡盜賊所在不獨事主焦頭爛額即最疏之戚最遠之鄰大者蕩產小者株繫比比然也往者嘉慶川陝之變盜魁劉之協者業就擒矣太和縣役賣而縱之遂成大亂今日之劣兵蠹役象盜縱盜所在皆是每一念及可為寒心臣在刑部見疏防盜犯之稿日或數十件而行旅來京言被劫不報報而不准者尤不可勝計南中會匪名目繁多或十家之中三家從賊良民逼處其中心知

其非亦姑且輸金錢備酒食以供盜賊之求而買旦夕之安臣嘗細詢州縣所以諱盜之故彼亦有難焉者蓋初往踴緝有拒捕之患解犯晉省有搶奪之患層層勘轉道路數百里有繁重之患處處需索解費數百金有賠累之患或報盜而不獲則按限而參之或上司好粉飾則目為多事而斥之不如因循諱飾反得晏然無事以是愈釀愈多盜賊橫行而良民更無安枕之日臣所謂民間之疾苦此又其一也三曰冤獄太多民氣難伸也臣自署理刑部以來見京控上控之件奏結者數十案咨結者數百家惟河南知府黃慶安一案密雲防禦阿祥一案皆審係原告得實水落石出此外各件大率皆坐原告以虛誣之罪

奏稿卷一

五

而被告者反得脫然無事其科原告之罪援引例文約有數條或曰申訴不實杖一百或曰驀越進京告重事不實發邊遠軍或曰假以建言為由挾制官府發附近軍或曰挾嫌誣告本管官發煙瘴軍又不敢竟從重辦也則曰懷疑誤控或曰訴出有因於是有收贖之法有減等之方使原告不曲不直難進難退庶可免於翻控而被告則巧為解脫斷不加罪夫以部民而告官長誠不可長其刁風矣若夫告奸吏舞弊告蠹役詐贓而謂案案皆誣其誰信之乎即平民相告而謂原告皆曲被告皆直又誰信之乎

聖明在上必難逃洞鑒矣臣考定例所載民人京控有提取該

省案卷來京核對質訊者有交替撫審辦者有

欽派大臣前往者近來概交督撫審辦督撫發委首府從無親提之事首府為同寅彌縫不問事之輕重一概磨折恫喝必使原告認誣而後已風氣所趨各省皆然一家久訟十家破產一人沈寃百人含痛往往有纖小之案累年不結顛倒黑白老死罔聞令人聞之髮指者臣所謂民間之疾苦此又其一也此三者皆目前之急務其盜賊太眾冤獄太多二條求皇上申諭外省嚴飭督撫務思所以更張之其銀價太昂一條必須變通平價之法臣謹據管見另擬銀錢並用章程一摺續行人奏國以民為本百姓之顛連困苦苟有纖毫不得上達皆

臣等之咎也區區微誠伏乞

聖鑒謹

奏稿卷一

單

平銀價疏 咸豐元年十二月十九日

奏為貴錢賤銀以平銀價而甦民困事臣於本月陳奏民間疾苦一疏聲明銀價太昂另摺具奏思所以變通之竊惟十年以來中外臣工奏疏言錢法者前後不下十餘人皆思貴錢賤銀以挽積重之勢而臣所深服者惟二十四年吳文鎔一疏二十五年劉良駒一疏二十六年朱樽一疏此三疏者皆奉旨交軍機大臣會同戶部議奏戶部又交各省議覆旋以外間覆奏議論不一此事停閣不行臣反覆思維民生切害之痛國計日絀之由實無大於此者謹就三臣原奏所及參以管見擬為銀錢並用章程數條伏候

奏稿卷一

單

聖鑒

一部定時價每年一換也凡民間銀錢之貴賤時價之漲落早晚不同遠近亦異若官收官放而不定一確鑿之價則民間無所適從胥吏因而舞弊查吳文鎔原奏內稱照各省時價由藩司酌定於開徵前十日頒示各屬朱樽所奏與吳文鎔大略相同惟稱多不過一千七百少不過一千二百稍示限制而已劉良駒所奏則以為由部酌中定價若捐輸案內以制錢一千五百文抵銀一兩之例厥後戶部議覆酌定每兩折錢一千五百文核准在案臣愚以為時價可換二千若驟改為一千五百以放兵餉則譁然矣應請部頒定酌每年一換如現在時價換一

千九百有奇部改爲一千八百則耳目不至乎大駭而官民皆得以相安明年時價稍平則部價亦從而稍減令各省每年奏報銀價九月奏到戶部酌定明年之價於十月奏聞求皇上明降

諭旨明年每銀一兩抵制錢若干文收之民者不許加分毫放之兵者不許加分毫窮鄉僻壤賸黃徧諭凡一切糧串田單契尾鹽照捐照等件概將本年銀價刻入海內皆知婦孺共曉堅如金石信如四時庶民不致生怨胥吏不能舞弊也其與官項全無交涉市肆漲落與部價不符仍置不問至現在八旗搭放兵餉每兩抵錢一千文外省搭放兵餉每兩抵錢千數百文不

▲奏稿卷一

望

等不足以昭畫一應俟新章定後概從每年所定部價以免參差

一京外兵餉皆宜放錢也查劉良駒原奏兵餉分成放錢吳文鎔則言外省之兵概放錢文朱嶠一摺於兵餉尤爲詳細其說以爲京營分建東西兩庫東四旗兵赴東庫領錢西四旗兵赴西庫領錢外省之錢則分道庫府庫存貯省標城守之兵由藩司支放外標外營之兵由藩司發帖持向各道府廳州支領臣愚以爲朱嶠之說實屬可行凡兵丁領銀之後皆須換錢而後適用應請嗣後八旗兵餉皆各平分一半仍放銀兩一半搭放錢文其外省綠營一概放錢各州縣所收錢文有道員處解存

道庫無道員處解存府庫無知府處解存直隸州廳庫由藩司發帖持向各處支領庶錢無解省累重之煩而兵丁無減平剋扣之苦至駐防各兵仍舊放銀以免紛更

一部庫入項亦可收錢也查戶部所收各項惟井田科之旗租捐納房之常捐係京庫坐收之款此外皆由各省解運來京劉良駒原奏內稱常捐銀兩儘可收錢朱嶠奏內稱長蘆鹽價可解錢以充京餉臣愚以爲不特此也旗租銀兩本係近京小民佃種其所納皆係錢文官爲易銀轉費周折不若卽令解錢入京常捐大捐之銀亦可酌收錢文計此二項每年可得百餘萬串至於外省解京之款如長蘆山東鹽課儘可解錢進京直隸

▲奏稿卷一

望

山東地丁起運之項亦可運錢應令此二省督撫每年各解錢百萬串入京又令兩淮鹽運使每年解錢二百萬串入京合之京局鼓鑄之錢共得六百餘萬串足以資運轉矣臣雖至愚豈不知錢質笨重搬運艱難然不行天下至難之事不足挽天下積重之勢大利所在未可以小小窒礙輒畏難而苟安也且較之滇黔之銅鉛江廣之漕糧難易相去懸遠矣其解錢之官須照銅員之例量與津貼之費務使毫無賠累官兵稱便共計幫費不過二三萬金所失無幾而所轉移者大矣

一地丁正項分縣收錢也凡出項莫大於兵餉入項莫大於地丁查吳文鎔劉良駒朱嶠三臣摺內皆極言地丁收錢之益

愚以為當分縣辦理如雲貴川廣閩蜀甘肅此七省者本省之
丁賦不足充本省之兵餉初無起解之項其地丁銀兩應即全
數收錢以省轉輸此外各省除去存留及兵餉二項尚有餘銀
解運京庫協濟鄰省者其地丁銀兩應令一兩以下小戶全數
收錢一兩以上大戶銀錢各半兼收不必按成指派不必分析
名目使小民易知易從其或患收錢太多不便起運者州縣自
行換銀解省以備京款協款之用

一外省用項分別放錢也查各省廉俸工需役食等項名曰存
留坐支之款前吳文鎔劉良駒朱嶠三摺及戶部議覆一摺皆
言此項可全行放錢應即遵照辦理至兩河經費劉良駒朱嶠

奏稿卷一

四

及戶部三摺皆言可搭成用錢臣聞從前林則徐在汴工目前
陸建瀛在豐工皆令遠近州縣釐錢到工以防市價居奇銀價
驟跌之患東河捐輸案內曾令以錢報捐是河工在在需錢其
理易明應請嗣後南河每年解錢百萬串到工於兩淮鹽課江
蘇地丁項下各半分解東河每年解錢五十萬串到工於河南
山東地丁項下各半分解

一量減銅運以昂錢價也查朱嶠原奏內稱暫停鼓鑄一弛一
張庶錢重而價漸平臣愚以為鑄不可停而運不可不減側聞
雲南銅務洞老山空民怨官困滇銅不足搜買外省外省不足
偷買寶局實有萬不能繼之勢應請於六運中酌量停一二運

使雲南官民稍紓積困其銅本一項即可採買錢文並可於鑪
頭匠役量加優恤以期鑄造堅好庶錢質日精錢價日起俟十
年後滇廠稍旺再復六運各停鑪之省亦漸次開卯務使天下
官民皆知錢之可貴而不知釐運之苦則相安無事庶不終受
紋銀出洋之苦矣

以上六條皆就吳文鎔劉良駒朱嶠三臣奏議參以鄙意粗定
規模伏求

飭下戶部妥議抄錄三臣原奏進呈備

聖明採擇施行謹

奏

奏稿卷一

四

敬陳團練查匪大概規模摺 咸豐二年十二月二十二日

奏為遵

旨幫辦團練查匪事務敬陳現辦大概規模仰祈

聖鑒事本月十三日准湖南巡撫咨稱承准軍機大臣字寄咸豐二年十一月二十九日奉

上諭前任丁憂侍郎曾國藩籍隸湘鄉聞其在籍其於湖南地方人情自必熟悉著該撫傳旨令其幫同辦理本省團練鄉民搜查土匪諸事務伊必盡力不負委任等因欽此又於十五日接巡撫函稱武昌省城被賊攻陷聞信之下不勝憤懣賊勢猖獗如此於大局關係匪輕念我

奏稿卷一

聖

皇上宵旰南顧不知若何焦灼 雖不才亦宜勉竭愚忠稍分君父之憂即於十七日由家起程二十一日馳抵省城與撫臣面商一切相對感欬伏惟

聖諭團練鄉民一節誠為此時急務然團練之難不難於操習武藝而難於捐集費貲小民倚財為命即苦口勸諭猶遲疑而不應若經理非人更譁然而滋擾非比嘉慶川楚之役官給練費不盡取之民也 臣此次擬訪求各州縣公正紳耆以書信勸諭使之董理其事俾百姓知自衛之樂而不復以捐貲為苦庶幾有團練之實效而無擾累之流弊至 聖諭搜查土匪一節前月撫臣張亮基曾有一札嚴飭各州縣

查擊土匪痞棍令州縣力能捕者自捕之力不能者專丁送信至撫 署內設法勦辦現在各州縣遵札辦理屢破巨案業有成效 臣又以信諭紳耆令其留心查察本團之匪徒斷不能掩本團紳耆之耳目紳耆密告州縣州縣密告撫 臣即日派人勦捕可期無案不破抑 臣又有請者逆匪既破武昌凶燄益熾如湖南安徽江西毗連之省皆為其所窺伺長沙重地不可不嚴為防守 臣現來省察看省城兵力單薄詢悉湖南各標兵丁多半調赴大營本省行伍空虛勢難再調附近各省又無可抽調之處不足以資守禦因於省城立一大團認真操練就各縣曾經訓練之鄉民擇其壯健而樸實者招募來省練一人收一人

奏稿卷一

聖

之益練一月有一月之效自軍興以來二年有餘時日不為不久糜餉不為不多調集大兵不為不眾而往往見賊逃潰未聞有與之鏖戰一場者往往從後尾追未聞有與之攔頭一戰者其所用兵器皆以大礮鳥鎗遠轟擊未聞有短兵相接以槍鉞與之交鋒者其故何哉皆由所用之兵未經練習無膽無藝故所向退怯也今欲改絃更張總宜以練兵為要務 擬現在訓練章程宜參訪前明戚繼光近人傅龍成法但求其精不求其多但求有濟不求速效誠能實力操練於土匪足資勦捕即於省城防守亦不無裨益 臣與撫臣熟商意見相同謹將現辦情形敬陳大概伏乞

皇上聖鑒訓示謹

奏

硃批知道了悉心辦理以資防勦欽此

奏稿卷一

哭

附陳辦團稍有頭緒即乞守制片咸豐二年十二月二十

再臣在京師十有四年往年入京供職之時臣之祖父母及父

母皆在堂今歲歸來祖父祖母之墓已有宿草臣母亦沒其時

長沙尚未解圍風鶴警報晝夜驚惶即將母棺倉卒權厝尚思

另尋葬地稍展孝思臣父已老久別乍歸亦思稍盡定省之儀

今回籍未滿四月遽棄庭闈出而莅事不特臣心萬分不忍即

臣父亦慈愛難離而以武昌警急

宵旰憂勞之時又不敢不出而分任其責再四思維以墨經而

保護桑梓則可若遂因此而奪情出仕或因此而仰邀

恩敘則萬不可區區愚衷不得不預陳於

奏稿卷一

哭

聖主之前一俟賊氛稍息國防之事辦有頭緒即當專摺陳情

回籍守制烏烏之私伏乞

聖上矜全所有微臣下情謹附片奏

聞

硃批另有旨欽此

曾文正公奏稿

卷之二目錄

嚴辦土匪以靖地方摺 咸豐三年二月十二日

擊匪正法并現在幫辦防堵摺 六月十二日

保參將塔齊布千總諸殿元摺 全日

移駐衡州摺 八月十三日

暫緩赴鄂并請籌備戰船摺 十月二十四日

籌備水陸各勇赴皖會剿俟粵省解礮到楚乃可成行摺

十一月二十六日

瀝陳現辦情形摺 十二月二十一日

秦稿卷十一目錄

衡永一帶剿匪未畢摺 全日

報東征起程日期摺 咸豐四年二月初二日

請派大員辦捐濟餉摺 二月十五日

雷胡林翼黔勇會剿片

賊蹤退出南省現駐岳州摺 三月初五日

請卹儲致躬等摺 全日

岳州戰敗自請治罪摺 三月二十日

報崇通剿匪勝仗摺 三月二十二日

靖港敗潰自請治罪摺 四月十二日

保水陸統領各員片

恭謝 天恩摺 五月初八日

覆陳湘潭甯鄉靖港勝敗情形片

請提督塔齊布會合東下片

請單銜專摺奏事片

秦稿卷十一目錄

嚴辦土匪以靖地方摺咸豐三年二月十一日
奏為嚴辦土匪以靖地方恭摺奏

聞仰祈

聖鑒事正月初九日准湖南巡撫咨稱咸豐二年十二月三十日奉

上諭湖南籌辦撥兵募勇各事宜創著責成張亮基潘鐸會同在籍侍郎曾國藩妥為辦理欽此又於二月初一日准署理湖南巡撫咨稱咸豐三年正月初三日奉

上諭朕思除莠即以安良即有會匪地方亦莠民少而良民多封疆大吏惟當翦除百惡即可保衛善良所有瀏陽攸縣各處

秦稿卷二

匪徒即著該署督撫等認真查辦並著會同在籍侍郎曾國藩體察地方情形應如何設法團練以資保衛之處悉心妥籌辦理等因欽此仰見我

皇上南顧焦慮無時或釋去年臣初至省城撫臣張亮基調撥

湖南外營兵一千名招募湘鄉練勇一千名來省防禦至正月

初間與匪東竄武昌業已收復長沙即可解嚴署督臣張亮基

署撫臣潘鐸皆與臣商所有留省之雲南河南各兵即行分別撤回新舊招募之勇亦即分別裁汰共留兵勇三千餘人已足以資防守即間有土匪竊發亦足以資勦辦至於團練一事臣前摺略陳大概會言捐錢斂費之難近來博采輿論體察民情

知鄉團有多費錢文者亦不必多費錢文者併村結寨築牆建礮多製器械廣延教師招募壯士常操技藝此多費錢文民不樂從者也不併村落不立礮堡居雖星散聞聲相救不製旗幟不募勇士農夫牧豎皆為健卒耰鋤竹木皆為兵器此不必多費錢文民所樂從者也多費錢文者不免於擾累地方然以之禦匪則仍不足不必多費錢文者雖未能大壯聲勢然以之防土匪則已有餘今粵匪全數東下各縣鄉團專以查拏土匪為主臣是以剗切曉諭令其異居同心互相聯絡不多費錢不甚勞力以冀百姓之鼓舞而聽從湖南會匪之多人所共知去年粵逆入楚凡入添弟會者大半附之而去然尚有餘孽未

秦稿卷二

盡此外又有所謂串子會紅黑會半邊錢會一股香會名目繁多往往成羣結黨嘯聚山谷如東南之衡永郴桂西南之寶慶靖州萬山叢薄尤為匪徒卵育之區蓋緣近年有司亦深知會匪之不可遏特不欲其禍自我而發相與掩飾彌縫以苟且一日之安積數十年應辦不辦之案而任其延宕積數十年應殺不殺之人而任其橫行遂以釀成目今之巨寇今鄉里無賴之民噤然而不靖彼見夫往年命案盜案之首犯常逍遙於法外又見夫近年粵匪土匪之肆行皆猖獗而莫制遂以為法律不足憑官長不足畏也平居造作謠言煽惑人心白日搶劫毫無忌憚若非嚴刑峻法痛加誅戮必無以折其不逞之志而銷其

逆亂之萌臣之愚見欲純用重典以鋤強暴但願良民有安生之日即臣身得殘忍嚴酷之名亦不敢辭但願通省無不破之案即勦辦有棘手萬難之處亦不敢辭署督臣張亮基署撫臣潘鐸皆思嚴厲整頓力挽頽風時時相與籌商誓當盡除湖南大小各會匪滌瑕去穢掃蕩廓清不敢稍留餘孽以貽君父之憂其匪徒較多之地如東南之衡永郴桂臣當往衡州駐紮數月就近查辦西南之寶靖各屬臣當往寶慶駐紮數月就近查辦所至常帶兵勇數百文武數員以資勦捕之用聯絡本地之鄉團使之多覓眼線堵截要隘以一方之善良治一方之匪類可期無巢不破無犯不擒此臣擬辦會匪之大概情形也至於教匪盜匪與會匪事同一律三者之外又有平日之痞匪與近時新出之游匪何謂游匪逃兵逃勇奔竄而返無資可歸無營可投沿途逗畱隨處搶掠此游匪之一種也粵寇蹂躪之區財物罄空室廬焚燬弱者則乞丐近地強者則轉徙他鄉或乃會聚醜類隨從劫掠此游匪之一種也大兵紮營之所常有游手數千隨之而行或假充長夫或假冒餘丁混雜於買賣街中偷竊於支應局內迫大營既遠展轉流落到處滋擾此游匪之又一種也臣現在省城辦理街團於此三種游匪尤認真查拏遇有形跡可疑曾經搶掠結盟者即用巡撫令旗恭請王命立行正法臣寓館設審案局派委委員二人拏獲匪徒立

奏稿卷二

三

子嚴訊即尋常痞匪如奸胥蠹役訟師光棍之類亦加倍嚴懲不復拘泥成例概以寬厚為心當此有事之秋強弱相吞大小相侵不誅鋤其刁悍害民者則善良終無聊生之日不敢不威猛救時以求於地方有益所有臣遵旨會商撥兵募勇各事宜及現擬查辦匪徒規模謹陳大概伏

求皇上訓示至臣移駐衡寶各郡容俟長沙辦有頭緒另行專摺奏請伏乞

聖鑒謹

奏稿卷二

四

硃批知道了辦理土匪必須從嚴務期根株淨盡欽此

拏匪正法并現在幫辦防堵摺咸豐三年六月十二日
奏為搜拏匪徒隨時正法并現在幫辦防堵恭摺奏
聞仰祈

聖鑒事竊臣奉

命搜查土匪曾於二月十二日具奏臣寓館設審案局派委安

員二人拏獲匪徒訊明定供即用巡撫令旗立行正法奏蒙

聖鑒在案維時已派准陞同知前署石門縣知縣劉建德在局

審案旋又添派准陞直隸州前任清泉縣知縣厲雲官輪流審

訊自上年粵匪竄逼長沙各處搶劫之案層見疊出臣設局以

來控告紛紛或發派兵役緝拏或札飭紳士躋捕或著落戶族

勒令跟交或即令事主自行擒縛一經到案訊明立予正法計

斬決之犯壹百肆名立斃杖下者貳名監斃獄中者叁拾壹名

此外札飭各州縣擒拏匪黨實呈供摺批令無庸解省就地正

法者不在此數又如安化藍田串子會匪前經札飭湘鄉縣知

縣朱孫詒密往掩捕擒獲九十二名其陸續正法者俟結案後

另摺會奏亦不在此數雖用刑稍過於嚴峻而地方頗藉以安

靜臣受

命來省將及半年辦理各案粗有頭緒六月十二日為臣母喪

初周年之期本擬奏明回籍敬修小祥之禮稍盡人子之心適

聞粵匪分股回竄江西業於十八日逼臨南昌省城湖南與之

壤地相接唇齒相依人心驚惶紛紛遷徙臣受

恩深重明知賊逼鄰境斷不敢以事權不屬稍存推諉之見又

何敢以軍旅未嫻陰懷畏葸之心惟有殫竭愚忱晝夜不懈與

撫臣襄辦一切或堅守省城或出堵要隘臣俱無所辭避除防

堵事宜業經另摺會奏外謹附驛陳明伏乞

皇上聖鑒謹

奏

硃批知道了欽此

保參將塔齊布千總諸殿元摺咸豐三年六月十二日

奏為武臣堪膺重任恭摺保奏仰祈

聖鑒事竊為粵寇未滅土匪蠢起軍威不振餉項支絀當此之時求足以稍紓

君父之憂者蓋莫先於得人而得一文臣尤莫如得一武將臣

到省以來畱心察訪大小將弁求其臨陣不怯為士卒所信服

者實難其人惟查有陞用遊擊署撫標中軍參將事塔齊布忠

勇奮發習勞耐苦深得兵心臣今年在省操練常用該遊擊整

頓營務臣每於三二日校閱該遊擊則日日常閱大約十日之

中不過間斷二三日軍士皆樂為之用又有准補千總武舉諸

奏稿卷十一

殿元精明廉謹膽勇過人管帶辰勇百人操練日久各有兼人

之藝塔齊布統領辰勇與該武舉同心努力皆思盡忠報効謹

將二人履歷開單進

呈伏乞

皇上天恩破格超擢當湖南防堵喫緊之際獎拔一人冀以鼓

勵眾心如該二人日後有臨陣退縮之事微臣一併治罪

除因案保敘各員由撫臣另行會奏外臣謹具摺密保區區愚

忱伏乞

聖鑒謹

奏

移駐衡州摺咸豐三年八月十三日

奏為微臣移駐衡州恭摺具奏仰祈

聖鑒事竊臣奉

命查辦土匪惟衡永郴桂尤為匪徒聚集之藪擬駐紮衡州就

近搜捕曾於二月十二日奏明在案數月之間四屬匪徒屢次

滋擾如常甯有白沙堡之案衡山有草市之案永興有獅子寨

之案安仁有焚燒衙署之案桂東有縣城失守戕害把總之案

宜章臨武有廣東匪徒滋擾之案永明江華有廣西匪徒竄入

戕害千總之案均經次第撲滅先後具奏昨七月二十七日又

有廣東土匪竄入興甯縣城經候補縣丞王鑫管帶湘勇於二

十九日收復立即撲滅尙未查明具奏此外四屬中聚眾倡亂

搶劫拒捕為案甚多未及一一上瀆

聖聰皆由上年粵匪經過衡永郴桂一帶裹脅最眾或久授偽

職或飽掠潛歸以致羣民搆煽甘心從逆動輒貼粵匪之偽示

張太平之逆旗甚至乞兒偷盜三五成羣亦敢倡言謀亂毫無

忌憚若非痛加誅鋤隨時整頓則禍患將無了日臣前與撫臣

熟商會調三廳兵數百駐防永州一帶札湘鄉勇數百駐防郴

桂一帶臣擬即日移駐衡州以便就近調遣將現練之勇酌帶

前往逐日操演一聞土匪蠢動立時掩捕撲滅愈速則糜費愈

少即尋常痞匪劫盜亦仍逐案懲辦以期根株淨絕因境安恬

奏稿卷十一

八

至省城防堵事宜江西與湖南交界之區共有四路相通北為平江通義甯州之路南為茶攸通吉安府屬之路中間二路一為瀏陽通瑞州上高一為醴陵通袁州萍鄉現在瀏醴二路已派兵勇防守隘口北路去賊蹤尚遠惟南路茶攸一帶與吉安府屬之安福永新緊接目下土匪竄擾吉安茶攸去長沙較遠去衡州甚近臣到衡時急宜設法堵禦以防土匪勾引乘虛竄入商之撫臣意見相合其省城守備經撫臣等悉心籌畫尚屬布置周妥堪以仰慰宸廑所有微臣移駐衡州緣由謹繕摺由驛三百里具奏伏乞皇上聖鑒謹

奏

奏稿卷二

九

暫緩赴鄂并請籌備戰船摺咸豐三年十月二十四日
奏為武昌現已解嚴微臣暫緩赴鄂并請籌備戰船合力堵剿恭摺奏

聞仰祈

聖鑒事十月十七日准湖南巡撫咨稱承准軍機大臣字寄十月初二日奉

上諭前因江西賊匪竄擾湖北逼近武昌省城當經諭令駱秉章會國藩派撥兵勇船礮駛赴下游會剿諒已遵照籌辦矣現在台湧所帶官兵及咨調江西官兵未知何日趕到武昌兵單實恐不敷剿捕會國藩團練鄉勇甚為得力剿平土匪業經著

奏稿卷二

有成效著即酌帶練勇馳赴湖北合力圍攻以助兵力之不足所需軍餉等項著駱秉章籌撥供支兩湖唇齒相依漢黃一帶尤為豫省門戶該撫等自應不分畛域一體統籌也將此由六百里諭令知之欽此遵

旨寄信前來臣正具摺覆奏間旋於二十日又准湖南巡撫咨稱承准軍機大臣字寄咸豐三年十月初五日奉

上諭昨因武昌兵單不敷剿辦諭令會國藩即酌帶練勇馳赴湖北并著駱秉章籌撥軍餉諒該撫等接奉諭旨即遵照辦理矣本日據江忠源唐樹義馳奏田家鎮兵潰之後賊匪連陷黃州漢陽賊船現又上駛武昌被圍現在收集殘兵先援漢陽等

語武昌省垣情形萬分危急江忠源尙須先赴漢陽以圖收復未能即抵武昌現已諭令吳文鎔等悉力堅守并令台湧即日撥兵前往救援第兵力仍虞單弱著會國藩遵照前旨趕緊督帶兵勇船礮駛赴下游會剿以爲武昌策應所需軍餉等項著駱秉章即設法供支以資接濟毋稍延誤將此由六百里加緊諭令知之欽此遵

旨寄信前來 臣前奉派兵救援湖北之

旨即經商撫 臣派令候補知府張丞實候選同知王鑫管帶

湘勇三千前赴湖北尙未起行又奉兩次

諭旨令 臣親帶練勇前往 臣理應遵

旨即日起程惟連日接准撫 臣來函及各處探報均稱賊船於

十月初五以後陸續開赴下游近已全數下竄漢陽府縣業經

收復江面肅清武昌解嚴等語據此則援鄂之師自可稍緩因

思該匪以舟楫爲巢穴以擄掠爲生涯千舸百艘遊奕往來長

江千里任其橫行我兵無敢過而問者前在江西近在湖北凡

傍水之區城池莫不殘毀口岸莫不蹂躪大小船隻莫不擄掠

皆由舟師未備無可如何兵勇但保省城亦不暇兼顧水次該

匪飽掠而去總未大受懲創今若爲專保省會之計不過數千

兵勇即可堅守無虞若爲保衛全楚之計必須多備礮船乃能

堵剿兼施夏間奉到

寄諭飭令兩湖督撫籌備舟師經署督 臣張亮基造船運礮設

法興辦尙未完備忽於九月十三日田家鎮失守一切戰船礮

位盡爲賊有水勇潰散收合爲難現在兩湖地方無一舟可爲

戰艦無一卒習於水師今若帶勇但赴鄂省則鄂省已無賊矣

若馳赴下游則賊以水去我以陸追曾不能與之相遇又何能

痛加攻剿哉再四思維總以辦船爲第一先務 臣現駐衡州即

在衡城試行趕辦湖南木料薄脆船身笨重本不足以爲戰艦

然就地興工急何能擇止可價買民間釣釣小艇之類另行改

造添置礮位教練水勇如果舟師辦有頭緒即行奏明 臣親自

統帶駛赴下游目下武昌無賊 臣赴鄂之行自可暫緩未敢因

諭旨嚴催稍事拘泥不特 臣不必遠去即 臣與撫 臣商派援鄂

之湘勇三千亦可暫緩起程行軍三月費將近二萬南省雖

勉強應付鄂省實難於供支不能不通盤籌畫 臣已咨明撫 臣

飭令帶勇之張丞實王鑫無庸起行如使礮船尙未辦齊送船

仍復來鄂則由 臣商同督撫隨時斟酌仍專由陸路先行赴援

斷不敢有誤事機軍情變幻須臾百出如有萬分緊急之處雖

不奉

君父之命亦當星馳奔救如值可以稍緩之時亦未可輕於一

行虛糜餉項所有 臣暫緩赴鄂并籌備戰船緣由恭摺由驛

五百里復奏伏乞

皇上聖鑒訓示謹

奏

硃批所慮俱是汝能斟酌緩急甚屬可嘉欽此

奏稿卷二

三

籌備水陸各勇赴皖會剿俟粵省解礮到楚乃可成行摺
咸豐三年十一月二十六日

奏為籌備水陸各勇馳赴安徽會剿俟右江道張敬脩解礮到楚乃可成行恭摺覆奏仰祈

聖鑒事十一月二十三日兵部遞到承准軍機大臣字寄咸豐三年十一月十二日奉

上諭本日據宋晉奏會國藩鄉望素孚人皆樂為效用請飭挑選練勇雇覓船隻順流東下與江忠源水陸夾擊速殄賊氛等語前因湖北緊要諭令該侍郎督帶楚勇駛出洞庭湖迎頭截剿旋據該侍郎奏稱武昌現已解嚴擬暫緩赴鄂即在衡州趕

奏稿卷二

四

辦戰艦添置礮位教練水師各等情諒已辦有頭緒現在安徽逆匪勢甚披猖連陷桐城舒城逼近廬郡呂賢基已經殉難江忠源又復患病暫住六安不能前進皖省情形甚屬危急總由江面無水師戰船攔截追剿任令賊踪往來自如以致逆匪日肆鴟張該侍郎前奏亦曾籌慮及此著即趕辦船隻礮位並將前募楚勇六千由該侍郎統帶自洞庭湖駛入大江順流東下直赴安徽江面與江忠源會合水陸夾擊以期收復安慶及桐舒等城並可牽制賊匪北竄之路現在廣東紅單船數十隻計已由閩入江又有艇船數千隻均可備夾擊之用該侍郎忠誠素著兼有膽識朕所素知諒必能統籌全局不負委任也將此

由六百里加緊諭令知之欽此遵

旨寄信前來竊自田家鎮失防以來督臣吳文鎔撫臣駱秉章

與臣往返函商至十餘次皆言各省分防糜餉多而兵力薄不

如數省合防糜餉少而力較厚即與張芾江忠源函商亦言四

省合防之道兼籌以勦為堵之策前月覆奏一摺曾言舟師

辦有頭緒即由臣親自統帶駛赴下游是未奉此次

諭旨之前微臣之志已思率師東下一抒積憤矣况重以

新命委任

天語褒嘉尤臣子竭誠效命之秋敢不捐糜頂踵急圖報稱於

萬一惟礮船一件實有不宜草率從事者前發摺後即鳩工

購材試行造辦成造樣船數隻皆以工匠太生規模大小不足

以壓長江之浪不足以勝巨礮之震近由撫臣處送到水師守

備成名標一員又由督撫臣處咨到廣東繪來之拖罟快蟹船

式二種始細加講求照快蟹式重新製造現已先造十號更須

添造二三十號計必中宮能載千餘斤之礮兩旁能載數百斤

之礮乃足以壯軍威而摧逆燄惟新造之舟百物未備雖日夜

趕辦亦難遽就上油未乾入水既虞其重澀捻灰未固放礮又

患其酥鬆必須一月以外乃可下河至價買舊船修改艙面其

用力稍省其為日自少然至二三百號之多亦須一月餘之久

蓋為數過少則聲勢太孤賊眾之船未遇我軍之心先怯至

粵船隻本奉

諭旨令兩湖督撫照式製造者武昌現在照造未知合用與否

衡州匠少技拙現在尚未試造前經奉

旨特派之廣西右江道張敬脩帶有工匠自粵來楚若其到湘

尚早臣當令其趕辦如其到湘太遲亦不能以勢難遽成之拖

罟延刻不可緩之時日此辦船之大略也至於礮位一項現在

衡城僅有廣西解來之礮百五十尊長沙新造之礮雖有三百

餘尊除解往鄂省及存城防守外可取備戰船之用者已屬無

幾聞張敬脩遵

旨購辦夷礮廣礮千尊由韶州一帶來楚專俟此項礮位前

來乃足以資配放特樂昌以上之河上水不易千斤以上之礮

搬嶺尤難計該道到衡之期即辦船之事亦將次就緒矣

至於募勇一事前添勇六千之信係為江忠源尚守江西言

之也旋奉帶勇六千之

旨係為救援湖北言之也厥後武昌解嚴奏明暫不赴鄂

因飭江忠源之胞弟先帶楚勇千人赴皖其餘五千之數因舟

師尚未辦齊故陸勇亦未發往今接奉此

旨陸勇已屬整備而水勇尚無章程計張敬脩帶來之礮勇與

湖南新募之水手亦須湊成四千人乃可自成一隊水陸兩軍

合之則兩相夾擊分

之則各能自立庶不致一遇大股即被衝

散統計船礮水勇三者皆非一月所能辦就北望

宸極念

君父之憂勞東望皖江痛舒廬之危急寸心如擣片刻難安而
事勢所在關係甚重有不能草草一出者必須明春乃可成行
且廣東購備之礮張敬脩雇募之勇皆係奉肅清江面之
旨而來者若不督帶同行則殊失

皇上命統籌全局之意亦非與吳文鎔等四省合防之心
之斟酌遲速規畫大局不得不一一縷陳所有籌備水陸
各勇赴皖會剿緣由恭摺由驛六百里覆奏伏乞
皇上聖鑒訓示謹

奏稿卷二

七

奏

硃批現在安省待援甚急若必偏執已見則太覺遲緩朕知汝
尚能激發天良故特命汝赴援以濟燃眉今觀汝奏直以數省
軍務一身克當試問汝之才能乎否乎平時漫自矜詡以為
無出己之右者及至臨事果能盡符其言甚好若稍涉張皇豈
不貽笑於天下著設法趕緊赴援能早一步即得一步之益汝
能自擔重任迥非畏葸者比言既出諸汝口必須盡如所言辦
與朕看欽此

歷陳現辦情形摺 咸豐三年十二月二十一日

奏為歷陳現辦情形 愚見恭摺奏明仰祈

聖鑒事竊前月覆奏赴皖援剿俟張敬脩解礮到楚乃可成
行一摺於十二月十六日奉到

硃批現在安省待援甚急若必偏執已見則太覺遲緩朕知汝
尚能激發天良故特命汝赴援以濟燃眉今觀汝奏直以數省
軍務一身克當試問汝之才能乎否乎平時漫自矜詡以為
無出己之右者及至臨事果能盡符其言甚好若稍涉張皇豈
不貽笑於天下著設法趕緊赴援能早一步即得一步之益汝
能自擔重任迥非畏葸者比言既出諸汝口必須盡如所言辦
與朕看欽此仰見

奏稿卷二

七

與朕看欽此仰見

聖諭諄諄周詳懇至見之不事畏葸而加之

教誨又慮臣之涉於矜張而嚴為

懲誡跪誦之下感悚莫名惟現辦之情形與微臣之愚見恐我

皇上尚有未盡知者不得不逐條陳明伏候

訓示

一起行之期必候張敬脩解礮到楚查張敬脩在廣東購礮千
餘尊分為十起運解來楚現在頭起業經到衡僅八十位其後
九起尚無信息屢次咨催又專差迎催本月十六日永興境
內又有匪徒道路阻梗實為十分焦急所辦之戰船新造者

九十號改造者百餘號合之雇載者共四百號可於正月中旬一律完畢自興工之日起統計不滿八十日晝夜催趕尙不遲緩惟礮位至少亦須八百尊乃敷分配前此欽奉

諭旨令廣東購辦礮位千餘尊限三箇月解楚計算正月之末總可陸續解到縱不能全到稍敷即用即行起程

一黃州以下節節有賊水路往援之兵不能遽達皖境前兩奉援鄂之

旨命臣籌備礮船肅清江面後兩奉援皖之

旨命臣駛入大江順流東下直赴安徽等因查現在黃州以下節節被賊占據修城濬濠已成負隅之勢與前月情形又已迥

奏稿卷二

九

殊若舟師東下必須克復黃州攻破巴河掃清數百里江面賊踪乃克達於皖境此則萬難之事微臣實無把握萬一黃州巴

河之賊亦如揚州鎮江之堅守抗拒則臣之到皖無期現在安

徽待援甚急前次江忠源之戚劉長佑帶楚勇千餘自湖北前

往又令其胞弟江忠濬帶勇一千自湖南繼往又有滇兵一千

自湖南撥往計湖南由陸路援皖之兵已三千餘矣臣奉

命由水路前往阻隔黃州一帶何能遽行掃清直抵安徽目前

之守候船礮其遲緩之期有限將來之阻隔江面其遲緩之期

尤多晝夜焦思誠恐有誤皖省大事不能不預行奏明

一現在大局宜堵截江面攻散賊船以保武昌今年兩次賊舟

上竄湖南防堵耗費甚多湖北江西亦各耗費數十萬三省合力防堵之說係臣駱秉章與臣函內言之四省合防之說係臣

江忠源與臣函內言之待南省船礮到鄂即與北省水師合力進剿係臣吳文鎔與臣函內言之是以臣前摺內聲敘茲奉到

批諭今觀汝奏直以數省軍務一身克當試問汝之才力能平否乎等因臣自度才力實屬不能而三臣者之言臣以為皆係

切要之務該逆占據黃州巴河一路其意常在窺伺武昌論目前之警報則廬州為燃眉之急論天下之大局則武昌為必爭之地何也能保武昌則能扼金陵之上游能固荆襄之門戶能

奏稿卷上

十

通兩廣四川之餉道若武昌不保則恐成割據之勢此最可憂者也目今之計宜先合兩湖之兵力水陸並進以剿為堵不使

賊舟回竄武昌乃為決不可易之策若攻剿得手能將黃州巴

河之賊漸驅逐步進逼直至湖口之下小孤之間與江西

安徽四省合防則南服猶可支撐臣之才力固不能勝臣之見

解亦不及此此係吳文鎔駱秉章江忠源三臣之議論然舍此

辦法則南數省殆不可問矣臣此次東下擬幫同吳文鎔照此

辦理前摺未及詳敘故復縷陳之

一臣所練之勇現在郴桂剿辦土匪不能遽行撤回湖南土匪

惟衡永郴桂最多臣二月一摺八月一摺已詳言之自駐紮衡

州以來除江西之匪竄入茶陵安仁一起外其餘本處土匪竄

撲常甯嘉禾藍山等縣城及盤踞道州之四庵橋經臣派勇隨處攻剿先後撲滅昨十二月十五日又有一股竄入永興縣城亦經派勇往剿現在臣之練勇在桂屬者尚有千餘人在郴屬者八百人昨十二日奉到

諭旨曾國藩著仍遵前旨督帶船勇速赴安徽江面至湖南常甯一帶土匪即責成駱秉章迅即妥辦等因目下桂屬正在搜捕之際未便遽行更換郴州永興正在危急之際不能不星速進剿且待船將辦齊礮將到齊再將各勇撤回帶赴下游如尙未剿畢則由省城調兵前來更換

一餉乏兵單臣竭力效命至於成效則不敢必臣以丁憂人

員去年奏明不願出省辦事仰蒙

聖鑒在案此次奉

旨出省徒以大局廢爛不敢避謝然攻剿之事實無勝算臣係幫辦團練之人各處之兵勇既不能受調遣外省之餉項亦恐不願供應雖

諭旨令撫臣供支而本省藩庫現僅存銀五千兩即起程一月

之糧尙恐難備且賊勢猖獗如此豈臣區區所能奏效茲奉

批諭平時漫自矜誦以為無出己之右者及至臨事果能盡符其言甚好若稍涉張皇豈不貽笑於天下言既出諸汝口必須盡如所言辦與朕看等因臣自維才智淺薄惟有愚誠不敢避

死而已至於成敗利鈍一無可恃

車上若遽責臣以成效則臣惶悚無地與其將來毫無功績受

大言欺

君之罪不如此時據實陳明受畏憚不前之罪臣不嫻武事既

不能在籍終制貽譏於士林又復以大言僨事貽笑於天下臣

亦何顏自立於天地之間乎中夜焦思但有痛哭而已伏乞

聖慈垂鑒憐臣之進退兩難誠臣以敬慎不違責臣以成效臣

自當殫竭血誠斷不敢妄自矜誦亦不敢稍涉退縮

以上五條皆臣據實直陳毫無欺飾伏求

皇上聖鑒訓示謹

奏

硃批知道了成敗利鈍固不可逆睹然汝之心可質天日非獨

朕知若甘受畏憚之罪殊屬非是欽此

衡永一帶勦匪未畢摺 咸豐三年十二月二十一日

奏為衡永桂陽一帶尚有一股會匪勦捕未畢恭摺奏明仰祈
聖鑒事竊照湖南上四屬土匪繁多屢次具奏在案十月二
十七日土匪竄入常甯縣城經臣派令千總周鳳山弟會國
葆帶勇往勦於初一日在洋泉地方開仗斃賊二百餘人十一
月十四日該匪竄入嘉禾縣城十九日圍逼藍山縣城臣派令
候選訓導儲致躬軍功魏崇德帶勇往勦於二十四日在古城
地方開仗斃賊七百餘人二十八日竄據道州之四庵橋經臣
派候選知府張榮組監生鄒壽璋及周鳳山儲致躬等帶勇往
勦於十二月初八日在教頭坪地方開仗斃賊三百餘人此三

奏稿卷一

戰者所獲旗幟大小一百餘面及腰牌偽示令箭逆書圖記等
件一概解送衡州臣逐件親驗實是一股會匪與金陵之粵匪
相通前在常甯拏獲之要犯吳玉老十解來衡州親自研訊
亦稱此股會匪勾結甚多其大頭目為道州之何賤苟自稱為
偽普南王今年永州廣西兩次拏獲皆非正身也其散頭目則
有唐定其霍德滔等其巢穴則常甯之五洞桂陽之白水洞道
州之岩頭村甯遠之癩子山等處勾結十餘州縣到處發牌弔
碼入會者約四五百人初八日教頭坪一戰即殺斃長髮賊三
人在內十五日又有土匪四五百人竄撲永興縣城現經派勇
飛速進勦尚未查明未知即是此股分支竄擾否統計常甯藍

山道州雖經三次獲勝殲斃千餘而餘黨尚多首犯何賤苟未
獲此股會匪實為湖南之巨患現商撫擬於出征之
後擇一賢幹之員帶精壯兵勇千餘駐紮衡州隨時勦捕無使
其蔓延日盛不可收拾除俟商定妥員再行會奏外奉
命查辦土匪於此股勦除未畢是經手未完之件不敢不據
實陳明伏乞

皇上聖鑒訓示謹

奏

硃批知道了汝以在籍人員能如是出力已屬可嘉著知會撫
臣勦辦或有汝素來深信之紳士酌量辦理亦可欽此

奏稿卷一

奏

報東征起程日期摺 咸豐四年二月初二日

奏為恭報微臣起程日期事竊臣於上年十一月二十三日奉

旨援剿皖省迄今已滿兩月曾經具奏一俟戰船辦齊廣礮解

到即行起程兩次奏明在案茲於正月二十六日衡州船廠畢

工臣即於二十八日自衡起程湘潭分造之船廠尙未盡畢

到潭須耽閣數日晝夜督辦到長沙時支領軍械數千餘件搬

運子藥二十餘萬又須守催數日即行趨程長征馳赴下游

所辦之船拖罟一號快蟹四十號長龍五十號三板艇一百五

十號皆仿照廣東戰艦之式又改造釣鉤船一百二十號雇載

輜重船一百餘號所配之礮借用廣西者一百五十位廣東購

辦者去年解到八十位今年解到二百四十位本省提用者一

百餘位所募之勇陸路五千餘人水師五千人陸路各營編列

字號五百人為大營不滿五百者為小營水路分為十營前後

左右中為五正營正營之外又分五副營正營旗用純色副營

旗用廂邊陸路操練已久差覺可用水路招集太驟尙無可恃

所備之糧台帶米一萬二千石煤一萬八千石鹽四萬斤油三

萬斤軍中應需之器物應用之工匠一概攜帶隨行合以陸路

之長夫隨丁水路之雇船水手糧台之員弁丁役統計全軍約

一萬七千人臣才智淺薄素乏閱歷本不足統此大眾然當此

時事艱難人心渙散之秋若非廣為號召大振聲威則未與賊

遇之先而士卒已消沮不前矣是以與撫臣往返商竭力經

營圖此一舉事之成敗不暇深思餉之有無亦不暇熟計但期

稍振人心而作士氣即區區效命之微誠也至臣前摺稱必

待張敬脩解礮到楚乃可起行頃專弁自粵歸來知張敬脩為

粵省奏雷不能赴楚續購之礮亦不能遽到下游賊勢急於星

火臣更不可少延矣合併陳明所有微臣起程日期恭摺由驛

五百里具奏伏乞

皇上聖鑒訓示謹

奏

奏稿卷二

請派大員辦捐濟餉摺 咸豐四年二月十五日

奏為請

旨特派大員辦理捐輸以濟軍餉事竊臣於二月初二日在衡山舟次具報起行日期恭摺奏明在案其時臣但知督臣吳文鎔黃州接仗官兵失利近日連接北撫臣崇綸南撫臣駱秉章來函知賊船已由漢陽上竄金口及新隄等處陸路官兵潰散極多水路之師竟至全數潰散唐樹義業已殉難船隻礮械盡為賊有東南大局真堪痛哭從此湖廣江皖四省止有處一枝兵勇較多若再有挫失則後此更不堪設想所以招練萬餘人蓋欲以收渙散之人心而作積弱之士氣惟人數眾多

奏稿卷二

奏

每月需餉銀近八萬兩本省難盡供支鄰省亦難協濟專恃勸捐一途以濟口食之需但勸捐非有大員專辦則畏難避怨無人肯獨任其責者現在湖南江西四川較為完善之區於此三省中各擇官紳數人湖南則擇署鹽道新授四川鹽茶道夏廷樾翰林院編修郭嵩燾江西則擇前任刑部侍郎黃贊湯升用知府郴州直隸州朱孫詒四川則擇按察使胡興仁前翰林院編修李惺此數人者在官則素洽民心居家則素孚鄉望相應請

旨飭諭各該員辦理捐輸專濟軍之用伏查上年戶部議准頒發職銜

封典各執照交各藩司填給又議每省派捐監生預將空名部監二照發各藩司轉發各州縣此二事人所樂從實為勸捐良策應請

飭下戶部國子監印發空白執照四千張內職銜照一半監照一半分派三省其大小職銜均勻搭配及核減銀數俱照原案辦理以一千張封發軍營中以一千張封發湖南交夏廷樾經收以一千張封發江西交黃贊湯經收以一千張封發四川交胡興仁經收其部監各照未到之先恭請

奏稿卷二

奏

特旨諄諭各該員先行籌辦隨時解赴軍不作別用現在師過長沙搜括省城庫項僅供一月之需撫駱秉章以此事晝夜焦灼是以奏請川廣二省協濟軍伏念此次成軍以出已屬竭力經營若因餉項不繼飢疲潰散則後此更無望矣世小亂則督兵難於籌餉世大亂則籌餉更難於督兵於萬難設措之中為此接濟目前之計伏乞

聖慈垂鑒特降

旨專飭諸臣認真督辦不勝迫切待命之至謹

奏請

胡林翼勇會剿片 咸豐四年二月十五日

再貴州黎平府知府升用道胡林翼前經督臣吳文鎔奏調湖北差遣該員自帶練勇六百名由黔赴鄂於正月下旬馳抵金口適值黃州師潰賊船上竄該員所募黔勇係山民不習水戰又兼無餉無夫無火藥鍋帳不能前進疊據該員具稟南撫臣暨臣行營請支給口糧軍械在案 臣與撫臣函商派員解送火藥帳棚撥銀二千兩往資接濟 臣擬先遣陸勇與該員會合援鄂又值賊匪竄擾岳州湘陰道路阻隔委員仍行折回 臣思岳州一帶既被賊擾自當先攻克岳州不使南北梗塞方能全師東下現擬札飭該員暫駐岳州附近地方 臣迅即東下與該員

督勇先行會剿理合附陳謹

奏

硃批知道了欽此

賊蹤退出南省現駐岳州摺 咸豐四年三月初五日
奏為賊蹤全數退出南省 微臣現駐岳州搜捕湖汊并就近勦辦崇通股匪恭摺奏

聞仰祈 聖鑒事竊 臣於二月二十四日會同撫臣將分途勦賊獲勝各情由具報在案自靖港甯鄉新康三獲勝仗後 臣即傳令各陸營馳赴湘陰并派水師山西候補知府褚汝航候補守備諸殿元千總楊載福文生彭玉麟四營各帶水軍齊赴湘陰截勦賊聞官兵水陸大至當即退出湘陰據褚汝航稟報二十三日辰刻探明西湖口賊船尚多當派五品翎頂張宏邦等駛駕礮船

奏稿卷二

三

迎擊轟斃賊匪數十名生擒唐興道等七名燒燬賊船十餘號諸殿元等三營共奪獲賊船八隻又據勇目黃忠等稟在團山地方奪獲賊船砍斃賊匪二名生擒賊匪蕭茂瑞等五名泗水賊呂金富等三名訊明正法逆匪疊經懲創全數竄逃岳州亦已退出 臣前派之陸路各營均於二十六七等日先後抵岳分駐城鄉搜捕餘匪 臣亦督帶水軍於三月初二日行抵岳州查洞庭一湖周迴近八百里為資湘沅澧諸大川所匯小港支汊紛歧至數十處最易藏奸全湖入江之所名曰荆河口上游為監利荊州其虎渡河等處多與湖水相通屢獲賊探均供稱賊蹤內則藏匿湖汊外則竄伏荆河俟我軍東下再在上游

滋擾等語臣現駐岳州多派哨船分巡內則哨探湖中港汊外則哨探荆河以上必須逐處搜查上游肅清然後壹意東下乃無後路邀截之虞至陸路各軍屢據稟報崇陽通城先後失守臣已札飭貴東道胡林翼前平江縣知縣林源恩帶勇千餘前往勦辦若能趁臣在岳時就近將崇通股匪辦有頭緒則馳赴下游庶無彼此牽掣之患所有賊蹤全數退出南省微臣現駐岳州搜捕湖汊并就近勦辦崇通股匪各緣由恭摺由驛五百里具奏伏乞

皇上聖鑒訓示謹

奏

奏稿卷十一

三

請卹儲政躬等摺 咸豐四年三月初五日

奏為請將屢著戰功衝鋒遇害之員照擬保升銜

賜卹以昭激勸而慰忠魂事竊臣前派兵勇於靖港甯鄉新康等處勦賊獲勝業經會奏在案惟甯鄉一戰督勇委員武陵縣學訓導儲政躬奮勇捐軀將大股賊登時擊退保全實多當此士氣積弱之秋非破格表章不足以昭激勵查該訓導自札調帶勇以來屢立戰功上年十一月常甯土匪竄擾嘉禾藍山等處臣調該訓導會勦於二十四日抵藍山之古城時賊眾千餘圍藍山已六晝夜該訓導甫至即督勇目喻西林等分路衝擊共殺賊六百餘名奪獲馬騾二十二匹拾鎗鳥鎗各數十件藍山股匪即日蕩平旋以道州四眼橋土匪滋擾該訓導於十二月初八日馳抵賊巢時賊負隅抗拒各營兵勇相持莫進該訓導立督喻西林等直前奮擊追奔十餘里殺賊百餘名道州股匪亦平此二案業經撫臣駱秉章奏明在案本年二月臣率師抵省適逆賊已由岳州湘陰竄擾甯鄉一帶距省止數十里臣於十一日派該訓導及各營馳往靖港喬口截勦該訓導路聞賊竄甯鄉即冒雪疾趨十餘里於十三日未刻先至甯鄉派勇分門抄截自帶親兵喻西林文生楊華英等直衝賊隊由龍塘灣痛勦衝入西門又至北門轉戰至南門突東城外一股橫截而出該訓導力竭遇害身面受傷十餘處楊華英喻西林等同

時陣亡此次該訓導以五百之勇敵三千之賊殲賊至數百名而我兵喪亡止十八名逆黨膽落氣奪募夜竄逃甯鄉得以保全賊遂不敢直犯省城附近各州縣皆獲安堵甯鄉被擄難民千餘因賊敗得以逃回合邑感激欲為該訓導建立專祠實屬功不可沒前此藍山之捷臣擬奏保該訓導請以知縣升用道州之捷復擬保奏請以同知直隸州升用曾與撫臣商因衡郴各屬勦平土匪在事出力者甚多擬俟彙齊後恭摺一體保奏不料該員遽爾殉難奇功疊著懋賞久稽實堪痛惜合無仰懇

皇上逾格

奏稿卷二

重

天恩准照同知直隸州例議卹其陣亡之勇目喻西林三次戰

功臣久擬奏保把總亦請照把總例

賜卹文生楊華英均請一體議卹用以昭激勸而慰忠魂所有

懇照升銜

賜卹緣由理合專摺具

奏伏乞

皇上聖鑒訓示謹

奏

岳州戰敗自請治罪摺 咸豐四年三月二十日
奏為岳州陸軍敗潰水軍小勝賊匪大股全數上竄現帶水陸各營回保省城請

旨將臣交部治罪仰祈

聖鑒事竊臣於三月初五日在岳州舟次具報西路搜查湖汊

東路勦辦崇通股匪恭摺奏

聞在案維時臣已札飭貴東道胡林翼前平江縣知縣林源恩

前往平江防勦崇通賊匪隨又派副將塔齊布守備周鳳山帶

勇直擣通城旋據林源恩會同平江縣知縣汪敷灝暨胡林翼

等先後稟報初二初六兩日與賊接戰疊獲勝仗前後共計殺

斃賊匪千餘陣斬偽副丞相林大旺偽檢點陳六輔偽司馬黃

奇瑜轟斃土匪偽王廖六胖等及不知姓名黃衣紅衣賊目數

十名長髮賊數十名奪獲抬鎗鳥鎗刀矛旗幟各數十百件賊

匪連夜狂奔由通城竄回崇陽此二股均經撫臣會奏在案又

據塔齊布稟稱初五日自岳起程途聞白港地方有賊匪沿

村擄掠初七日督勇自石南橋進勦斃賊四十餘人生擒二十

二名奪獲器械旗幟衣多件初八日馳赴通城收復縣城此

勦辦平通股匪疊獲勝仗之實在情形也至岳州一城前經撫

臣札飭升用知府朱孫詒帶勇六百人在此追勦又札升用同

知王鑫帶勇二千餘人在此扼防臣隨身又帶有陸勇一千六

百餘人

奏稿卷二

重

百人兵力本不為單薄因崇通股匪過多王鑫亦於初六日自岳起程取道蒲圻繼進初七日至臨蒲交界之羊樓司地方適與賊遇前鋒少挫王鑫率勇踵至殺賊百餘賊眾偽敗王鑫率勇窮追忽大股賊匪分四面抄出眾勇勢難抵禦紛紛潰散初八日仍回岳城初十日早賊大隊即來犯岳王鑫之勇因新在羊樓敗歸不能出隊開仗時官軍僅二千人朱孫詒所帶之南勇先獲小勝各營俱有斬獲計斃賊百數十人而賊集愈眾東門外山岡約十里許皆黃旗紅衣賊隊布滿官軍見眾寡不敵勢難抵禦各營以次奔潰竟不能止惟監生鄒壽璋一營五百人毫無驚怖自辰至酉血戰數時之久賊眾數千人層層圍住

奏稿卷二

奏

各勇併力苦戰更迭進卒得衝圍而出殺賊極多積屍滿地我勇傷亡亦眾各勇有退回城內者賊匪即乘勢圍城周城三面皆係賊隊惟西南濱湖一門無賊城內居民早空無米無鹽士卒已不食二日勢極危險臣當遣大小戰艦駛赴西門開礮環擊共斃賊百數十人賊勢稍卻各勇即乘隙縋城而出船上礮勇亦陣亡數人此岳城陸路戰敗水軍小勝之實在情形也

臣奉

命赴下游會勦舟次岳州之南津港原飭水陸各勇俱於岳州會齊原擬俟各勇畢集誓師東下為肅清江面之計不料後幫陸勇二千水師二千皆以阻風洞庭不克依限抵岳而前幫陸

勇又已先遣一千八百人至平通矣臣隨身止有陸勇一千六百人猝遇金口大股賊匪數萬來犯遂至潰敗陸路既已失利水軍亦無固志初七大風以後各船損壞力難應敵誠恐輕於一擲或將戰船洋礮盡以資賊則臣之罪戾尤重適因賊水陸大隊全數南竄湘省臣遂乘風上駛退保省城但冀保此船礮留為將來殄寇之資則臣雖蒙恥獲罪亦不敢惜至臣奉命會勦尚未出境即有此挫皆由臣調度乖方所致深負鴻慈委任慚憾憂鬱莫可名言謹據實直陳請旨將臣交部治罪以昭大戒不勝悚惶之至謹

奏稿卷二

奏

報崇通勤匪勝仗摺 咸豐四年三月二十二日

奏為崇通勤匪續獲勝仗二次恭摺奏報仰祈

聖鑒事竊臣與撫臣先後札飭貴東道胡林翼升用副將塔齊

布升用同知林源恩千總周鳳山軍功倪長誥前往平江北路

勤辦崇通股匪初二日林源恩開仗獲勝初六日胡林翼在上

塔市開仗大勝初七日塔齊布在江南橋開仗小勝均經奏報

在案旋據胡林翼稟稱十二日派黔勇二百人塔齊布派楚勇

五十人放哨行至石水灣地方距通城三十里有賊二千餘人

先匿該處民房蹤跡甚秘忽於我兵路過之後突起接仗截住

街口層層圍逼斷我兵歸路黔勇奮力衝殺斃賊匪五十餘人

搶出街口賊匪大聚黔勇整隊上山施放槍礮打斃賊匪二百

餘人刀子並舉又斃百餘人又割尺餘長髮首級三十六顆二

三寸長髮首級四十二顆奪獲偽春官副丞相熊偽司馬李大

黃旗桿及風帽紅巾刀子等件又據塔齊布稟稱十四日已刻

賊眾萬餘人由沙坪一路進犯通城我軍出隊迎勤把總李松

齡等帶兵由東路把總郭漢濱帶寶勇由西路塔齊布自帶勇

由中路迎殺賊匪槍礮如雨我兵伏地前進及至近賊三路兵

勇始放槍礮擊斃賊匪二百餘名賊勢大敗兵勇追奔十餘里

外又殺斃賊匪三百餘名並殺斃執旗賊首二十餘名生擒六

十二名正在撤隊之際賊匪又分三路約共三千餘人由嶺上

直趨城邊儘先守備周鳳山軍功倪長誥藍翎千總唐得陞分

途堵截力戰又殺斃執黃旗賊目二三十名殺斃賊匪四百餘

名生擒七十餘名賊匪紛紛遠竄由已至申慶戰最久奪獲大

小黃旗刀子槍礮賊衣賊帽紅巾數百件賊轎一乘騾馬十八

匹火藥槍子火箭甚多各等因伏查崇通兩縣向為匪徒嘯聚

之區自正月以來居民畏賊多已蓄髮樂為賊用其旁近州縣

如通山蒲圻大冶興國咸甯嘉魚等屬皆已為賊所踞官兵到

境無土人為之嚮導無米鹽可供買辦人心之壞實堪痛恨自

初六日胡林翼上塔市一戰十四日塔齊布沙坪一戰又有初

二初七十二等日三戰賊勢始就衰挫人心亦漸有轉機本擬

再加兵勇二三千人痛剿崇通一股即可直抵鄂省以資救援

不謂岳州陸勇一敗金口大股之賊全數上竄不特不能加兵

再剿崇通且須酌撤通城之兵回保長沙此皆臣調度乖方不

諳軍旅所致若仗

皇上天威岳州上駛之匪攻勤得手即日下竄則陸軍仍須由

崇通一路痛加勤洗乃能與鄂省文報相通其崇通屢次獲勝

在事尤為出力之員弁可否開單保奏出自

皇上天恩所有崇通勤賊續獲勝仗緣由謹會同湖南巡撫臣

駱秉章恭摺由驛六百里馳

奏伏乞

皇上聖鑒

奏稿卷十一

三

靖港敗潰自請治罪摺 咸豐四年四月十二日

奏為靖港戰敗水師半潰請

旨將臣交部從重治罪并現在急籌補救續請

特派大臣總統此軍恭摺奏祈

聖鑒事竊臣自三月十四日回泊省河二十四五等日派水師

勦賊靖港兩獲勝仗二十八九初一初二初三初四等日派水

陸各營在湘潭連獲大勝殺賊近萬人燒船千餘號大股殲滅

克復縣城現已會同撫臣另摺具報惟初二日靖港水勇潰敗

實由微臣調度乖方有不忍不直陳於

聖主之前者自去冬欽奉

諭旨速援皖鄂兩省之盼望既殷

微臣之求效愈急而其辦理

亦愈乖謬臣之所以失者約有數端征戰之事論膽技或兵不

如勇論紀律則勇不如兵募勇萬餘人必須有大員協同管帶

又須有文武員弁及得力紳士一二百人節節統轄乃足互相

維繫我

皇上前次

諭旨即已預慮及之臣先時未能奏請大員幫同管帶又未嘗

多調文武員弁分布各營每營僅一二官紳主之紀綱不密維

繫不固以致潰散其謬一也靖港之戰臣因湘潭水陸大捷意

欲同時并舉破賊老巢使賊首尾不能相顧是日風太順水太

潤進戰則疾駛如飛退回則寸步難挽賊舟來逼礮船牽挽維艱或縱火自焚或間以資賊戰艦失去三分之一礮械失去四分之一是日但知輕進之利不預為退敗之地其謬二也水勇無曾經行陣之人不得已招集船戶水手編派成軍訓練未及一月陸勇雖曾經訓練亦須隨同久經戰陣之兵接仗一二

奏稿卷二

聖

臣

死塞責然使臣效匹夫之小諒置大局於不顧又恐此軍立歸

烏有我

皇上所倚以為肅清江面之具者一旦絕望則臣身雖死臣罪

更大是以忍恥偷生一面俯首待罪一面急圖補救現在臣處

一軍除潰敗及汰遺外水師僅留湘潭大勝五營二千餘人陸

路僅存戰勝湘潭與雷防平江之勇二千餘人若率以東下太

覺單薄而大小戰船自洞庭遭風靖港退敗以後存者須加修

葺失者仍須添造臣前於二月初五在湘潭時察知水勇未必

可恃當即咨商廣西撫臣勞崇光代募曾經戰陣之水勇一千

名旋准咨覆已在潯梧一帶如數招募委知府李孟羣管帶臣

已疊次咨催令其迅速前來又臣於三月初七在岳州遇風壞船回省時即派人往衡州續造大快蟹船二十號又准兩廣督臣葉名琛咨稱現派總兵陳輝龍督水師二百六十名解礮一百位已於二月二十五起程前來此時尚未見到亦已咨催合此三者又將水手認真挑換一兩月間水師當有起色但微臣自憾虛有討賊之志毫無用兵之才孤憤有餘智略不足仰累

旨將臣交部從重治罪以示大公并籲懇

皇上天恩特派大臣總統此軍臣非敢因時事萬難遂推諉而不復自任未經赴部之先仍當竭盡血誠一力經理如船隻已

修水勇可恃臣亦必迅速駛赴下游不敢株守片刻所有微臣

奏稿卷二

聖

臣

辦理錯謬據實直陳自請治罪并請

特派大臣緣由恭摺由驛具奏伏乞

皇上聖鑒訓示謹

奏

殊批另有旨此奏太不明白豈已昏憤耶欽此

保水陸統領各員片 咸豐四年四月十二日

再方今東南大局江南皖鄂半淪賊中萬不足以有為必須兩廣湖南併力以成一軍從上游建瓴而下庶足以扼賊之吭斷賊之餉兩廣湖南之亟宜出師剿賊此必不可易之局也特微臣才疏識闇用兵無術終必貽誤大局是以籲懇

皇上特簡謀勇兼資之大臣畀以水陸總統重任實見此軍關係非細勝任為難非敢置身事外也至分統水陸諸人如副將塔齊布之忠勇絕倫守備周鳳山之精練持重貴州知縣徐河清之膽略優長堪膺陸路統領分領之選塔齊布周鳳山現在臣軍徐河清現經臣與撫臣奏調在案水勇惟兩粵最强必

奏稿卷二

聖

須粵中官紳統帶方可駕馭得宜查廣西欽許祥光右江道張敬脩皆夙諳水戰素蓄健卒製備火器多而且精該二員膽識過人與現在臣軍之褚汝航新經咨調之李孟羣均堪膺水路統領分領之選相應請

旨飭令許祥光張敬脩各帶精勇礮械來楚併入此軍厚集其勢以保東南之全局倘蒙我

皇上俯如所請得謀勇兼優之大臣主之於上而以此數員者分布其間必能同心戮力迅掃逆氛臣雖身膺重罪亦足少紓耿耿之忱謹附片具奏伏乞

聖鑒訓示遵行謹奏

奏稿卷二

聖

恭謝 天恩摺 咸豐四年五月初八日

奏為恭謝

天恩事本年五月初二日准湖南撫臣駱秉章咨稱准兵部火票遞到咸豐四年四月二十三日內閣奉

上諭曾國藩親督舟師進剿雖小有斬獲旋以風利水急戰船被焚以致兵勇多有潰敗據曾國藩自請從重治罪實屬咎有應得姑念湘潭全勝水勇甚為出力著加恩免其治罪即行革職仍飭督勇勦賊帶罪自效欽此又准撫臣咨稱承准軍機大臣字寄同日奉

上諭駱秉章等奏官軍水陸獲勝克復湘潭縣城又曾國藩奏

奏稿卷二

聖

請港水師潰敗自請治罪各一摺已明降諭旨將塔齊布等分別加恩並將曾國藩革職仍責令帶罪自效以贖前愆曾國藩統領舟師屢有挫失此摺所陳紕謬各情朕亦不復過加譴責現在所存水陸各勇僅集有四千餘人若率以東下誠恐兵力太單該革員現復添修戰船換募水勇據稱一兩月間當有起色果能確有把握亦尚不難轉敗為功目下楚北賊蹤由應山竄回德安隨州之賊亦回武漢是鄂省望援甚急該撫等務當督飭水陸各軍迅將此股敗竄之匪殲滅淨盡兼可赴援武昌以顧大局將此由六百里加緊諭知駱秉章兼諭知塔齊布曾國藩知之欽此竊臣自上年十月十一日奉

命帶勇援鄂援皖嗣後屢奉諭旨嚴催

飭令迅速東下不准專顧桑梓乃臣於正月由衡赴省即值賊舟上竄賴甯鄉戰勝驅逐出湖臣率師追至岳州又值該逆數萬人大舉南犯仰託

皇上威福湘潭水陸兩軍大獲全勝殲賊近萬以本省言之有岳州靖港之敗有甯鄉湘潭之勝臣之功罪尚不相掩以大局言之武昌危急不能赴援江面逆氛不能迅掃奉

命數月之久而水師忽然半潰戰船復多損失上無以副聖主飭催之嚴下無以應鄰省望援之切臣所以誠惶誠恐且

奏稿卷二

聖

愧且恨無地自容籲請治罪者此也迺蒙皇上逾格

天恩俯從寬宥仍令督勇勦賊既曲貸其前愆復勉期其後效重申

寄諭

訓示周詳聞

命之下感激涕零現在賊踪全竄下游所有六溪口倒口金口等處支河小湖藏泊船隻之所皆被該匪占據或於口門築造礮臺兩岸修置土城以陸路之賊守河干之船為抵死抗拒之計臣此次整旅東下喫緊固在水路而制勝尤須陸軍日內將

陸勇嚴汰另募又添用勁兵以濟勇之不足水師亦重整規模廣東派來之兵與廣西新招之勇計於本月內可以到省衡州新造之船與長沙重修之船亦於出月初可以竣工一俟料理完畢臣即星夜遣征誓殲此賊以雪挫敗之恥而贖遲延之罪

庶冀稍答

高厚鴻慈於萬一所有微臣感悚下忱理合繕摺叩謝

天恩伏乞

皇上聖鑒謹

奏

硃批知道了欽此

奏稿卷二

七

覆陳湘潭甯鄉靖港勝敗情形片咸豐四年五月初八日

再摺奉到

硃批此奏太不明白豈已昏憤耶欽此竊臣自三月十四日回泊省河即有賊舟千餘竄至樟樹港喬口靖港一帶因臣舟師在省不敢直犯長沙遂由西岸登陸上竄甯鄉湘潭意欲盡擄上游船隻為兩頭夾攻困我省垣之計臣於十三日在湘陰途次即飛調塔齊布周鳳山倪長誥等由通城回省旋於十八日遣魏崇德等帶陸勇千八百人由甯鄉陸路迎勦二十一日二十五日兩次遣水勇千餘人至靖港水路堵勦水路之師二十一日小勝二十五日大勝殲賊百餘陸路之師二十五日

奏稿卷二

七

始在甯鄉開仗我軍挫敗傷亡至五百餘人塔齊布周鳳山等回省即於二十六日渡湘而西臣送至河干囑其與魏崇德等合師堵賊竄湘潭之路維時尙未知二十五日甯鄉已敗之信也塔齊布等在途次聞信即折回趨潭二十八日以後六獲大勝前此會奏摺內已詳悉具報矣水軍自兩次在靖港迎勦後二十七日仍回省河聞湘潭失守之耗二十八日遣候選知府褚汝航等率五營水師二千餘人往潭攻賊上游新擄之船初一日以後屢獲勝仗亦經會奏在案四月初二日臣自率甯省之水勇五營陸勇八百前往靖港意欲同時並舉破賊老巢斷賊歸路不料因風急水濶緝挽難行遂至敗潰前此三月二十

五當靖港水路獲勝之日即甯鄉陸軍敗北之日後此四月初
二當靖港水陸挫敗之時即湘潭水陸大捷之時陸路竄潭之
賊係由湘西繞越而上水路集潭之賊係由上游擄船而下均
未由省經過此賊蹤及用兵之曲折情形也 臣自靖港歸來念
船礮損失不能遽修武昌危急不能趕救憂憤之極昏憤數日
摺內僅自陳紕繆未能將上下勝敗異地同時之故詳晰聲敘
誠如
聖諭所謂太不明白茲欽奉
批飭不敢不縷細覆奏仰慰
聖廑謹

奏稿卷二

四九

奏
硃批知道了欽此

請提督塔齊布會合東下片 咸豐四年五月初八日

再此次欽奉

上諭著駱秉章塔齊布會同藩帥督水陸兵勇乘勝即行統兵
東下迅殄妖氛欽此伏查靖港餘匪業於四月初八九等日全
竄下游岳州以上現無賊蹤署提督塔齊布即日先赴岳州
親帶水陸兵勇出月初准赴岳州自岳州以下即出湖南地境
臣有援鄂之責自應出境勦賊撫 臣駱秉章職任地方難以出
境署提 臣塔齊布亦有地方專責未敢遽赴外省惟塔齊布與
臣共事年餘實見其忠勇絕倫堪膺辦賊重任曾經奏保在案
今同奉

奏稿卷二

五

諭旨統兵東下該署提督自應會合造征無庸稍涉拘泥株守
本省其提督印務應否派員護理抑或帶印出省之處伏候
聖裁謹附片請

旨

硃批另有旨欽此

請單銜專摺奏事片 咸豐四年五月初八日

再臣係革職人員蒙

恩飭令督勇自效此後出境勦賊所有一切軍情必須隨時奏

報又疊奉

諭旨垂詢隨帶員弁人數漂損船隻數目及通城勝仗遵

旨酌保數員均應詳悉覆奏前次挫敗有應行參劾之員此次

水陸二軍重定章程亦擬奏求

訓示可否容臣專摺奏事之處出自

皇上天恩微臣未敢擅便謹附片請

旨

奏稿卷二

硃批著准汝單銜奏事欽此

曾文正公奏稿

卷之三目錄

水師克復岳州南省已無賊蹤摺

咸豐四年七月十一日

水師前後起行日期片

水師疊獲大勝將犯岳賊船全數殲滅摺

七月十六日

水師失利陸軍獲勝摺

七月二十一日

李卿毅請卹片

岳州水陸官軍四獲勝仗摺

閏七月初三日

岳州水陸大勝踏平賊營進紮螺山摺

閏七月初九日

胡林翼羅澤南隨同東征片

奏稿卷三目錄

水陸官軍疊獲勝仗現在勦辦情形摺

八月初四日

謝三品頂戴恩摺

八月十九日

克復崇陽戰勝咸甯水師疊次獲勝摺

水陸續獲勝仗現籌進兵摺

八月二十二日

水師克復岳州南省已無賊蹤摺 咸豐四年七月十一日
奏為水師克復岳州越日大股續至復被水師痛剿全數殲滅
南省已無賊蹤恭摺仰祈

聖鑒事竊逆賊自復踞岳州分股竄越西湖攻陷龍陽分陷常
澧嗣聞官軍大至即於六月初五六等日駕駛船隻退守岳州
東南門外添築土城木城二十餘座新牆對河及閣鎮市等處
四路設卡拆毀橋梁為負隅久抗之計 臣等念賊舟累萬盈千
非舟師莫能制其死命即飭水師後營兼營務處道銜山西即
補府褚汝航副後營升用同知夏鑾左營即選知縣彭玉麟右
營即補守備楊載福各帶水勇合以先鋒嚮導等船共計二千

奏稿卷三

人於十三日自省河頭幫起行進泊鹿角邊賊上竄之路時提
臣塔齊布陸營駐紮新牆分兵援常澧一帶 臣等因其兵力稍
單會調保升知府羅澤南帶湘勇一千新授岳州府知府魁聯
帶寶勇一千先後會剿復調周鳳山由常德馳至新牆搭造浮
橋約期水陸並進二十七日褚汝航等進泊萬石湖親駕小船
前往君山一帶探明虛實察看地形見賊舟灣泊甚多遂將小
船前往誘敵逆舟開礮抵拒嚮導官藍翎軍功文生何南青奪
獲賊船一號擒賊五名因天色已晚仍回泊萬石湖該營官等
業已探明虛實會商定計以君山雷公湖等處先須設伏再用
小艇駛入南津港誘賊出追乘隙截擊遂於二十八日繪圖貼

奏稿卷三

說稟商 臣等二十九夜分五隊進兵彭玉麟埋伏君山南岸楊
載福埋伏雷公湖上游夏鑾及先鋒營由扁山直趨南津港褚
汝航隨後策應又派何南青在新牆河口多張旂幟作為疑兵
午刻夏鑾等舟行距港不遠該逆出拒我軍開礮一週轉舵佯
敗該逆不敢出追我軍轉頭開礮彼此相持突遣三板數隻斜
趨入港賊遂蜂擁而出三板又復佯卻逆舟左右攻圍忽楊載
福雷公湖伏兵先起抄賊之尾彭玉麟君山伏兵繼起攔賊之
腰褚汝航坐船亦到併力合攻擊沈賊舟數隻中有大頭目身
穿黃馬褂手執黃旗被我軍轟斃落水匪船登時淆亂狂竄下
游自相碰擊我軍嚴鼓進追燬沈賊船百餘號轟斃溺斃賊匪

約二百餘名生擒六十二名奪獲賊船大小三十四隻鐵礮十
二位銅礮一位抬鎗四十桿馬二十二匹旗幟偽書無算是夜
各營暫泊君山東岸南津港賊舟宵遁初一日五鼓各戰船駛
至城下見水陸之賊並空褚汝航率水勇入城安撫難民踴毀
賊營此三十初一日水師獲勝克復岳城之實在情形也時
各營水師分泊南津港君山一帶仍刻刻戒嚴防賊再犯初二
戌刻探明下游有賊船駛至該營官傳令各營不許張燈止暗
點火香火繩坐守礮側將小舟設伏港口大船分布湖心預備
迎敵初三日卯刻賊果蜂擁而來我軍分五隊迎敵先令嚮導
官何南青先鋒蘇勝等誘敵褚汝航率夏鑾由中路迎敵彭玉

麟領各船仍由左邊繞湖之西遙抄其尾楊載福領各船仍由右邊沿湖之東斜擊其腰該匪船駛過城陵磯即遇嚮導官小船意甚輕之何南青繞湖伴走逆船尾追我先鋒艇遽出褚汝航夏鑾催各船齊進鎗礮兼施趁北風稍逆之字斜行穿梭開礮擊折該匪頭船之舵該匪紛紛落水其船遂為我得各勇爭握藤牌跳船立斬賊首復有大鈞鈎船上坐戴紫金冠穿黃馬褂黃傘龍旗之賊目我軍攢礮齊擊各弁勇必欲得而甘心該匪脫袍撲水登時泗沒彭玉麟由湖西抄尾而來正遇大鈞鈎賊船數隻扣篷迎敵彭玉麟親點大礮羣子散落中賊十餘人賊船即時紛亂復拋擲火罐中賊之火藥船大煙突起迷漫半

奏稿卷三

湖哨官把總孫昌國爭先跳入賊船被賊還擲火包身受重傷左營各戰士不稍退怯反冒火衝煙奮力追殺殲斃偽丞相一名生擒三十五名楊載福身坐三板艇由湖東沿岸斜行捷如飛鳥初無礮聲及近賊船舉旗一招眾礮齊響斃賊十餘名內有船插黃旗身披黃袍之賊執兵護衛者十餘人招手相向楊載福憤甚手挺長矛催船前進登時刺殺餘匪全行撲水逆船遂為所獲楊載福微傷左臂轉戰不休事後查得黃袍之匪為汪得勝偽官丞相者也該匪三路皆敗自相仇殺狂竄下游褚汝航出入於濃煙巨浪之中往來策應督令大隊進追由城陵磯螺山白螺磯等處直追至臨湘縣對河距岳州七十五里時

日已西沈始行鳴金收隊逆船三四百號全軍覆沒共計斬首二百七十二級生擒長髮短髮一百三十四名奪船七十六號燒斃溺斃之賊難以查悉所獲號旗軍械據褚汝航夏鑾開單呈繳大小鐵礮二十五位抬鎗紅鎗一百一十三桿火藥二十八桶鐵彈三十一桶藥箭一匣黃馬褂三件黃繡花蟒袍二件繡龍金花帽十三頂大黃統傘三把龍虎旗七面令箭十三枝繡字炎三總制龍帽一頂紫金冠一頂紅旗號褂風帽三捆籤筒筆架等共四十一件彭玉麟呈繳大小礮十七位馬十四匹大小黃旗六十餘面紅黃號馬褂六十餘件火箭一捆龍袍二件偽丞相大黃龍虎旗六面子藥八桶抬鎗刀矛百餘件楊載

奏稿卷三

福呈繳黃旗號褂補子三捆龍袍二件大小礮十四位抬鎗鳥鎗長矛短刀百餘件火藥鉛子三桶何南青呈繳偽秋官右丞相坐船一隻米船二隻號褂風帽一捆鎗礮刀矛九十六件騾馬五匹此次逆賊重踞岳州被官軍擊退復集老長髮悉銳來犯意欲將我軍誘泊孤港然後水陸夾擊計甚狡毒幸我師連捷轟擊無遺其由陸路同時來犯者復經提督塔齊布派都司彭三元諸殿元普承堯等沿岸截剿轟斃執黃旗賊目一名餘匪百餘名生擒四十五名奪賊馬十四匹賊船八隻旗幟號令軍械二百餘件水路敗竄上岸之賊概經我軍截殺此皆仰託皇上天威遠震故能將士用命大挫兇鋒郡城克復賊蹤遠竄

道銜山西卽補府褚汝航綜理營務謀定後戰膽識過人應請免補知府以道員歸部儘先選用升用同知遇缺卽選知縣夏鑾輕舟誘賊乘勝力追不避危險應請以同知歸部遇缺卽選

並賞戴花翎卽選知縣彭玉麟忠勇性生氣吞兇逆奮不顧身應請加知州銜並

賞戴花翎補用守備楊載福手刃賊目裹創力戰所向無前應請以都司畱於本省遇缺卽補並請

賞加勇號藍翎軍功文生何南青嚮導得力洞悉賊情應請以主簿歸部選用其餘出力員弁兵勇可否容臣等擇其尤爲出力者核實開單保奏出自

皇上天恩所有水師克復岳州大股續至復被水軍痛剿全股殲滅各緣由謹會同提臣塔齊布恭摺由驛六百里馳奏伏乞

皇上聖鑒訓示施行謹

奏

奏稿卷三

五

水師前後起行日期片 咸豐四年七月十一日

再前經咨調廣西升用道李孟羣招募兩廣水勇一千名於六月初六日始到長沙廣東續解之五起六起夷礮一百八十尊於六月十二日始行解到山東登州鎮總兵陳輝龍到湘以後新造淺水拖罟二號於六月之末畢工臣國藩卽於七月初六日自省河起旋開行鎮臣陳輝龍帶廣東水師弁兵四百餘員名李孟羣帶兩廣水勇一千名亦於初六初八等日起行均用湖南舵工水手人等攙配約計前後兩幫水師共四千餘人又用陸勇二千雇船隨水師以行每遇戰船灣泊之處卽用陸勇登岸紮營以資護衛現在水師前幫二千人到岳已屢獲勝仗

奏稿卷三

六

臣國藩率後幫到岳卽當會合痛剿冀掃逆氛以慰聖塵所有水師前後起行日期謹附片奏

聞

硃批知道了覽奏稍慰朕懷汝能迅速東下藉此聲威或可掃除武漢之賊朕日夜焦盼憂思彌增護船陸勇終恐未可深靠欽此

水師疊獲大勝將犯岳賊船全數殲滅摺咸豐四年七月十六日
奏為水師疊獲大勝將二次三次犯岳之賊船全數殲滅恭摺
馳奏仰祈

聖鑒事竊前幫水師於初一日克復岳州初三日大獲全勝業將各情形會奏在案初五日戌刻嚮導官何南青探知下游擣鼓台一帶存賊船數百號恐復乘風上竄徹夜戒嚴初六日卯刻該營官等會議以北風甚勁與其坐待賊至不若迎其未至而擊之遂令左營彭玉麟右營楊載福前敵副後營夏鑾先鋒營蘇勝等二隊策應營務處褚汝航自領本營督陣未刻行至道林磯遙見逆舟蜂擁而來及我軍頭敵將到該匪一面開礮

奏稿卷三

七

抗拒一面齊卸布帆停泊老岸為以逸待勞反客為主之計左右兩營由西岸占上風攻擊左營戰艇駛近賊巢開礮數輪轉帆稍息右營連檣繼進開礮數輪亦轉舵稍息左營復進如此更番疊戰正副後營及先鋒營各船分兩翼包住併力向前浪激煙迷礮子如雨有持花筒燒賊者有將火罐遙擲賊船者有手握藤牌躍上賊船受傷者有三板小艇逼近誘賊返被擊中者雖殺賊甚多而我軍傷亡亦眾鏖戰二時之久勝負未分時日將西墜北風大作下游賊艘仍復魚貫而上計停泊者續來者約賊舟五六百號而我軍船僅七十餘號離南津港老營已逾六十里之遙士卒竟日未食若即行收隊該匪必趁勢壓

曾文正公奏稿

卷三

追有不堪設想者該營官等於進退兩難之中出萬死一生之策楊載福親駕三板艇穿入賊隊且戰且下約三四里許繞賊之背截其來船轟沈湖北划子三號船上之賊紛紛墮水復親擲火罐火毬因風縱火自下而上連燒十數船下游續來之船始行退竄上游賊船迴顧本營屯聚之處延燒已徧烈燄冲天倉皇失措賊陣遂亂彭玉麟見五綵畫龍三桅船知係賊目冒險衝入該匪攢礮轟擊兼放火箭彭玉麟頸後及左手右股三處受傷哨官秦國長中礮陣亡彭玉麟猶裹創力進竟奪其船船中搜得龍袍龍帽上繡金字偽銜鋪陳華麗金碧煒煌乃偽北王韋正之兄之座船賊中稱為國宗兄臣國藩前經密奏者

奏稿卷三

八

也時褚汝航麾旗督戰攔腰截擊復遇畫龍巨艦遂作擒賊擒王之計急起直追鎗礮環擊該匪勢不能支上岸狂竄落水者無數其船遂為所獲並獲偽印一顆查係偽承宣林姓座船其裝飾與韋逆之船相等夏鑾率哨官歐陽春往來衝擊鎗斃偽十三檢點黎振輝該逆向眇一目屢次上犯湖南匪黨敗竄之時該逆猶持刀督戰竟被殲旃後營哨官守備羅管全把總呂鎮往來夾擊轟斃偽丞相曾姓奪獲偽印一顆時各營奮力合攻上岸之賊如蟻緣牆撲水之賊如鳧逐浪餘皆自投烈燄燒燬無遺是日自未至戌鏖戰數時之久晚間仍在螺山對岸紮營約計燒船四百餘號其得脫者僅數十號耳斃賊約二千名

六一一

至省城防堵事宜江西與湖南交界之區共有四路相通北為平江通義甯州之路南為茶攸通吉安府屬之路中間二路一為瀏陽通瑞州上高一為醴陵通袁州萍鄉現在瀏醴二路已派兵勇防守隘口北路去賊蹤尚遠惟南路茶攸一帶與吉安府屬之安福永新緊接目下土匪竄擾吉安茶攸去長沙較遠去衡州甚近臣到衡時急宜設法堵禦以防土匪勾引乘虛竄入商之撫臣意見相合其省城守備經撫臣等悉心籌畫尚屬布置周妥堪以仰慰宸厯所有微臣移駐衡州緣由謹繕摺由驛三百里具奏伏乞皇上聖鑒謹

奏

奏稿卷二

九

紛上船水軍分途迎擊該伏匪復竄上坡有陸兵截殺者有亂擠落水者該逆見伏船已破心遂忙亂我軍乘勢擠進候補千總張世基然燒賊船一隻時螺山一帶上駛之賊船約一千五百號見火起即行折回復被我軍趨燒而該匪戰船猶橫阻江心開礮抵拒候補把總歐聯彪奮斬紅衣長髮老賊一名右營哨官秦國祿復奪得快蟹賊船一隻上有洋礮十一位即前此靖港敗仗所喪失者也後營哨官羅管全手提長矛躍入賊船殺斃長髮賊數名左營各哨官併力拋擲火罐延燒賊船十餘隻褚汝航座船與賊舟僅離尋丈被一礮傷勇三人立斃其二各勇愈憤開礮愈密賊正思退有藍油匪船一隻上插大黃旗載悍賊百許人被我軍三板七號長龍四號攢礮圍擊該匪紛紛撲水僅贖七名歐陽春見贖匪無多急欲躍上賊船被賊拋一火彈反將我軍長龍船延燒歐陽春等情急勢欲撲水各三板竭力搶救而藍油匪船竟得乘空逃出其後賊船亦皆下竄時已昏黑未便窮追水陸各營均即收隊三更後水軍回泊南津港總計燒賊船三十餘號奪賊船七隻轟斃溺斃賊約三四百名生擒三十五名此二次該逆從武漢下游分起上犯誓爭岳州仍處處埋伏純用詐謀幸仗皇上天威屢戰屢捷以少勝多殲斃大頭目數名各將士非常奮勉當酷暑鏖戰之際每出隊俱用長巾瀆水圍繞心窩馳騁

奏稿卷三

十

烈日之下隨瀆隨乾辛苦萬狀傷亡亦復不少然士氣終不稍挫營務處兼正後營道銜山西卽補府褚汝航躬親督陣膽力俱壯前次已保升道員卽選此次應請

賞加運司銜副後營升用同知夏鑾帶勇策應甚合機宜前此已保同知卽選并請

賞戴花翎此次應請

賞加運同銜左營卽選知縣彭玉麟裹創陷陣誓不與賊俱生前次已保同知銜並請

賞戴花翎此次應請免選知縣以同知歸部選用右營升用守備楊載福繞出賊後乘風縱火初六日之戰甚得其力前次已

保都司卽選並請

奏稿卷三

十一

賞加勇號此次請免補都司以游擊留於本省遇缺卽補嚮導官藍翎軍功何南青偵探得實前次已保主簿選用此次請免選主簿以布政司照磨歸部卽選其餘出力員弁兵勇請由臣等核其勞績最著者開單籲懇

皇上恩施以示鼓勵哨官六品軍功秦國長前數次打仗出力擬保千總此次擊賊陣亡深堪憫惻合無仰懇

皇上逾格

天恩准照千總例給卹以作士氣而慰忠魂其各營傷亡兵勇現飭查明照例辦理所有水師疊獲大勝各緣由謹會摺由驛

六百里馳奏伏乞
皇上聖鑒訓示遵行謹
奏

奏稿卷三

十一

水師失利陸軍獲勝摺 咸豐四年七月二十一日
奏為水師失利鎮道員弁同時陣亡陸營旋獲大勝恭摺奏
聞仰祈

聖鑒事竊初三初六十四等日水師連獲勝仗業經馳奏在案
臣國藩督鎮 陳輝龍於十五抵岳時賊雖屢敗尙盤踞城陵
磯下游一帶又將漢口賊舟數千傾巢上犯連檣數十里出沒
無常陳輝龍即欲親督廣東水師四百餘員名於十六日出隊
進剿 國藩以大隊甫到岳州必須相機漸進囑緩其行 塔
齊布亦勸其稍緩陳輝龍謂自四月下旬到楚因船礮未齊坐
糜餉項至兩三月之久啟行後復守風耽閣焦灼難名急思殺

奏稿卷三

賊自效且水陸官軍宜先扼城陵磯以固南省西川門戶若不
乘勝急剿使賊占踞此地勦辦愈難其持論不為無見褚汝航
夏鑾亦俱慙意並請隨同進剿 國藩因陳輝龍在水師營伍
四十餘年老成練達必能相機而行且褚汝航等屢勝之將每
論戰守皆合機宜當不至於貽誤是以未經沮止是晚仍商
該鎮囑以下游水急進易退難如遇南風不必開仗且沿江港
汊慮有埋伏獲勝後仍勿窮追等語鎮 臣函覆亦深以為然並
知會提 臣預撥陸路兵勇策應十六日辰刻陳輝龍自坐拖罟
督率所部前行褚汝航夏鑾分坐戰船繼進李孟羣尙未到岳
其前隊廣勇先到者亦隨陳輝龍會剿左營彭玉麟右營楊載

福均酌撥長龍三板藉作聲援時風色尙平靜行至城陵磯正
遇該逆出隊上犯該鎮道等排陣合攻鎗礮齊發轟斃賊匪數
十名燒燬賊船數隻賊即下竄游擊沙鎮邦礮船乘勝跟追陳
輝龍見風勢愈大即插旗收隊因恐沙游擊頭船有失又復督
催拖罟趕往救護船身重大膠淺於旋渦激流之中該逆見拖
罟膠淺即時蜂擁而來旋湖港伏船亦出並潛由西岸遷迤而
上復有逆賊數百人在岸上護緝夾攻廣東弁兵之船與廣西
何越珽等之船均奔往救護又被風橫吹而下互相擁擠鎗礮
難施當被賊船擁近兵勇陷入重圍不能進退被賊戕斃多名
餘皆斃水逃生陳輝龍沙鎮邦均即陣亡褚汝航等見陳輝龍

奏稿卷三

危急義不獨生馳往拚救無如賊勢益眾我軍勢不能支褚汝
航手刃數賊夏鑾與賊交鋒均被重創落水殉難廣東署千總
何若灃廣西帶勇候選府經唐燦一同遇害維時提 臣陸營雖
出隊至城陵磯因隔港不能飛越無從救援各戰船有冒死突
回者賴前營及左右二營以三板艇斷賊尾追行至城陵磯又
得陸營接應始獲保全計陳輝龍一營船礮盡失褚汝航夏鑾
二營失去快蟹四隻三板六隻李孟羣一營失去快蟹四隻波
山艇一隻長龍二隻三板四隻惟彭玉麟楊載福完全無恙此
十六日水師失利之實在情形也 臣國藩與陳輝龍等經營數
月晝夜趕辦每船器械至百餘件之多一旦損失將半傷心曠

涕憤恨何言十七日收集散亡點存礮械一面飛催省城所造三板等船以資添補十八日卯刻臣塔齊布親督陸營出隊適逆匪三千餘人由城陵磯舍舟登岸思欲踞險紮營並分三股來撲我軍亦分三股迎勦臣塔齊布匹馬當先兵勇奮力猛進陣斬悍賊十餘名該逆猶抵死抗拒中軍參將玉山將自製火箭親點數枝延燒賊隊賊勢稍卻突有滿髮長髯大賊目身穿青縐短衫急起來犯戳傷臣塔齊布坐馬兵丁黃明魁用矛刺翻該逆回矛相向致傷右脇眾兵一擁向前登時砍斃當奪大黃旗一桿上書秋官右正丞相字樣賊喪頭目始行潰逃其左右兩股亦被我軍截殺四百餘名該逆見中路已潰猶欲佯敗以圖合抄我軍中路之尾我軍愈殺愈奮呼聲震天又斃賊匪三百餘名賊始紛紛敗北搶舟逃竄復被我軍截殺直追至擂鼓台地方計共殲斃賊八百餘名落水死者無數奪獲軍械旗幟號衣三百餘件生擒二十三名此十八日陸路獲勝之實在情形也伏查山東登州鎮總兵陳輝龍自到湖南以來造船製械事事躬親於水師事宜實屬閱歷有得每與臣等言及賊勢披猖誓欲決一死戰此次雖乘勝輕進而忠勇奮發大節克全深堪憫惻應請

飭部照例議卹保升道員並加運司銜褚汝航保升同知並加運同銜夏鑾自去冬到湖南經臣國藩委令造船帶勇屢挫逆鋒湘潭大戰岳州四捷該員等之功為多此次又以救護鎮臣奮勇捐軀與敗不相救者迥別可否請旨飭部照保奏升銜議卹之處出自

皇上天恩廣東提標水師右營游擊沙鎮邦大鵬協標右營署千總何若灃候選府經歷唐燦奮勇捐軀均請

飭部照例議卹以作士氣而慰忠魂其餘陣亡弁兵俟查明分別奏咨辦理至十八日一戰當逆燄方張之會立挫兇鋒人心大定所有陸戰出力之永綏協把總童添雲湘潭案內已保藍翎守備此次衝鋒突陣所向無前應請免補守備以都司補用並

賞換花翎六品軍功周岐山已保藍翎把總此次殺賊最多應請免補千把以守備用並

賞換花翎撫標兵丁黃明魁湘潭案內已保藍翎外委此次陣斬賊目身受重傷應請免補外委把總以千總儘先拔補仍賞戴藍翎其餘出力弁兵可否容臣等核實開單請獎之處出自

皇上天恩臣國藩雖無節制鎮臣之責惟同辦一事未能極力沮止謀定後進以致挫失咎實難辭應請

旨交部嚴加議處現在水陸關鍵以城陵磯荆河腦為扼要之區如能防守謹嚴則西可塞由荆入蜀之門南可截由湖入湘

之路惟荆河以上賊踪游奕不少水師新挫上下勢難兼顧臣等惟有竭力籌維扼守要隘先清上游以期速殄逆氛仰紆聖慮所有水師失利陸軍獲勝各緣由謹會摺由驛六百里馳奏伏乞

皇上聖鑒訓示遵行謹

奏

奏稿卷三

七

李卿毅請卹片 咸豐四年七月二十二日

再臣國藩前經咨調廣西平樂府知府升用道李孟羣招募廣西水勇一千名來楚協剿曾經奏明在案該道在廣西屢著戰功深悉賊情於六月初六日督勇到省其時適聞武昌再陷該道之父李卿毅方署湖北臬司即知其萬無生理因道途梗塞未得確信不敢發喪該道忠憤鬱結焦急難名晝夜趕辦船礮以期迅速出征為報警殄逆之舉臣國藩於七月初六日起旋該道即於初八日成行十五日舟次萬石湖據逃出家丁寇升來報具述該署臬司殉難情形該道始得發喪成服十六日行抵岳州赴臣國藩行營具稟稱竊職父係河南光州舉人由大

奏稿卷三

六

挑分發四川歷任長甯金堂華陽等縣知縣在瀘州知州任內保送引

見簡放雲南臨安府知府洵升今職本年正月逆匪圍攻鄂省職父兼署臬司帶兵在保安門守禦晝夜焦勞鬚鬢全白嗣因餉盡援絕時時以忠義激勵眾心並請出糶倉穀改鑄京銅人心賴以復固五月內寄來家信有竭力待援城亡與亡之語自後賊匪攻圍日急五月二十八日官兵出城接仗失利六月初二未刻賊遂攻陷東門其時有以撫鎮均已出城勸令下城隨出者職父感憤涕零誓以死報從容回至行署焚香冠帶望闕叩頭隨卽遣散從人投池盡節父妾高氏隨同殉難特懇

情轉奏籲請

賜卹以慰忠魂再職慘遭大故例應丁憂回籍惟

國警家難憤激填膺且武昌一日不復父骨一日難收惟有寢

苦枕戈隨同大軍進剿以期奔喪收骨返葬故里惟是昏愁餘

生恐滋貽誤懇將前營統領官另行遴委俾得墨經從戎竭誠

自効等語伏查湖北糧儲道署按察使司李卿毅由縣令起家

歷著循聲當餉盡援絕之時以身殉城克全大節既據伊子呈

請轉奏不敢壅於

上聞合無仰懇

皇上天恩准照臬司例

賜卹庶足以申明與城存亡之義至李孟羣例應回籍丁憂但

該道忠勇奮發為軍中必不可少之員况家

國之讐迫切思報亦不忍一日置身於事外應請

旨飭令該道從權統領以專責成所有該署臬司殉難捐軀及

伊子留營勦賊各緣由謹附片奏

聞請

旨

岳州水陸官軍四獲勝仗摺 咸豐四年閏七月初三日

奏為岳州水陸官軍四獲勝仗恭摺奏祈

聖鑒事竊前月十六日水師失利十八日陸營全勝業經馳奏

在案十九二十等日風雨交加未便出隊二十一日黎明臣塔

齊布親督陸營進剿派都司諸殿元千總劉士宜從中路進攻

游擊周鳳山都司彭三元保升守備童添雲等分左右兩路抄

截其羅澤南所帶湘勇擇地埋伏以備應援行至城陵磯遙見

該逆築有土城諸殿元等奮往拋擲火罐延燒賊壘帳棚各勇

踰溝撲牆逆賊敗竄正在跟追詎該逆先在湖汊偷搭浮橋見

賊營火起伏匪齊出約二三千人諸殿元劉士宜向前迎擊兵

力太單其所帶士卒多已卻退左右兩路以途徑紆迴不能趨

赴應援諸殿元力戰陣亡劉士宜同時被害 臣塔齊布聞二將

危急麾軍往救短兵相接斃賊多名湘勇突出橫截賊勢稍卻

中路敗退之兵始復回戈向前轉敗為勝共殲賊百餘名奪獲

旗幟軍械數十件湘勇割取首級十五顆此二十一日開仗先

挫後勝之實在情形也二十五日申刻探明逆黨萬九千人由

湖北悉銳來犯各裹乾糧意欲鏖戰數日撲我陸營仍為上犯

長沙之計佔踞高橋地方距羅澤南等湘勇營十里鳳凰山大

營十四里我軍徹夜巡防二十六日卯刻該逆首撲湘勇營盤

擁踞九塘嶺燒燬望樓羅澤南督同保升府經歷李續賓等大

呼衝突直趨高嶺陣斬偽國宗石姓奪其黃綾大旂長廣丈餘
賊始大潰湘勇追至高橋殺賊數十時賊隊之別駐東嶺者馳
下救援復經李續賓奮力擊退又斃賊數十名賊遂狂竄其分
撲鳳凰山大營者數以萬計臣塔齊布親督將弁由中路先進
鎗礮齊施斃賊至一二百名猶抵死抗拒及至刃斃執旗賊目
賊陣始亂其左右兩路之賊經周鳳山彭三元等出奇抄截各
勇愈戰愈力賊之慣技有所謂螃蟹陣者常分十餘路圍繞抄
襲我軍亦分十餘路迎敵無不以一當百呼聲震天約斃賊六
百餘名而山下又突出三騎均著青縐短衣勢極兇猛膽敢招
手直呼臣塔齊布之名臣塔齊布應聲撲去手刃其一餘二賊

奏稿卷三

下馬率眾紛逃適羅澤南等亦追擊至此會合併攻又斃賊數
十名追賊過河乃止溺斃不計其數生擒三十五名各路奪獲
鎗礮器械共數百件馬二十一匹此二十六日湖北新添悍賊
二萬來岳官軍大勝之實在情形也臣國藩帶來陸勇二千餘
人內臨武縣學教諭李原濬將親兵五百署宜章營守備楊名
聲將宜章勇辰勇五百從九品施恩寶將新田勇五百外委黃
三清將祁陽勇三百署把總黃玉芳將常甯勇三百皆坐船與
水軍同行原為護衛舟師之用駐泊南津港與臣塔齊布陸營
相去約二十里因陸路賊勢浩大即飭此二千人者移紮鳳凰
山大橋一帶與各路陸兵聯營故自二十一日以後陸路添生

力之軍較前此兵力更厚矣二十八日臣塔齊布傳令直趨高
橋賊壘派羅澤南等攻其南周鳳山等攻其北親督彭三元普
承堯等由中路先行將近賊巢該逆開礮拒敵中路兵勇合攻
連斃數賊正衝突間大股續至愈聚愈多適羅澤南湘勇繞抄
賊尾奮登高阜該逆後路受敵立即大潰周鳳山之道州勇楊
名聲之宜章勇暨各營均經趨到併力齊攻斃賊近百名因慮
有埋伏暫駐高岡以防回竄且令搖旂誘賊賊果拚命撲出我
軍猛進前後圍攻賊又敗潰自辰至午三撲三潰力不能支賊
始全退歸算計共斃賊二百餘名生擒十二名奪軍械旗幟共
六十餘件馬騾三匹此二十八日開仗獲勝之情形也賊經兩

奏稿卷三

次大挫之後即憤甚欲大舉再一決戰二十九日分數大股來
撲我軍先燒附近民房臣塔齊布正在出隊突有騎馬賊四人
撲近營壘即麾兵勇大呼迎擊童添雲等奮力抵禦殺賊十餘
名中路之匪旋即敗退右路之賊約三四人周鳳山迎敵酣
戰適楊名聲之宜章勇黃玉芳之常甯勇趨來應援斃騎馬
賊目二名該逆見兵勇勢猛其右路即與中路合併抵禦又值
岳州府知府魁聯帶楚勇由山後馳來呼聲震林谷該逆見各
處皆有援應遂相率潰逃我軍追殺鎗斃手執令旗賊目一名
殺賊三百餘名其左路之賊先從樹林中潛上直踞山巔羅澤
南據險以待各勇靜伏不動俟賊近前突起開礮刀矛猛進斬

賊近百名各逆黨已潰旋有別隊千餘人吹角搖旂分路來撲李續賓等竭力堵禦李原濟率親兵趨到橫截中間分抄賊尾各勇併擊鎗斃黃馬褂大旗賊二名墮山嶺死者不可勝計約共殺賊五百餘名生擒二十三名奪旗幟鎗礮刀矛馬匹無數

臣國濟以陸軍大戰賊勢全注陸路其水路必甚空虛密飭各

水軍乘隙進剿右營楊載福為前鋒時左營彭玉麟養傷回省

暫解營務因飛調湘陰汛千總題補永綏營守備蕭捷三來營

署理是日率戰船進攻廣西升用道李孟羣亦派前營戰船策

應行近城陵磯有逆船十餘號往來馳突冀以虛聲沮遏我軍

各營燭破詭謀見船即擊一擁而前燒燬數船賊皆墮水我軍

用小艇當先風馳雨驟東岸追至擂鼓台西岸追至荆河腦忽有伏兵兩起從道林磯白螺磯兩岸擁出希圖抄尾我軍愈奮擊無遺哨官把總秦國祿鄧翼升等均深入賊巢賊遂大潰紛紛投江共轟死二三百名生擒十一名溺死約五六百名浮屍蔽江各勇持矛攢刺立即飄斃計焚燒賊船二十餘號奪獲賊船大小六十三號內戰船三隻洋礮十五尊旗幟號衣軍械子藥及僭逆違禁之物合計數百件內有織金團龍黃馬褂二件製尤悖妄此二十九日水陸大獲全勝之實在情形也訊據生擒各犯供稱是日悍賊均集陸路畱船之賊每船僅六人半係膽怯之弱賊半係被脅之水手一見我軍焚燒賊舟即紛紛

落水雖有悍賊督之不能禁止故水路戰僅三時而斃賊近千陸路血戰六時之久而斃賊不過五六百然功則極大自有此數次大戰岳州應可保無虞矣現在晝夜嚴防水陸交資各兵勇以數千之眾當數萬兇猛之賊酷暑鏖戰踴躍用命皆我皇上獎勵將士感激思奮之所致管帶湘勇委員羅澤南行軍整暇沈毅有謀尤善審擇地勢獨當大橋一面扼守總隘永興剿匪案內已保知府尚未接准部覆此次仍請以知府儘先選用並請

賞戴花翎藍翎千總署宜章營守備楊名聲忠勇勤奮紀律嚴

明應請免補守備以都司升用先換頂戴已革臨武營千總唐

得陞疊次冒險衝鋒最為出力湘潭剿賊案內已保請開復原

官

賞戴藍翎並加守備銜此次請以守備儘先補用撫標兵丁李

榮華屢次執旗向前殺斃賊目應請以把總儘先補用並

賞戴藍翎其餘水陸兩營員弁兵勇容臣等擇其尤為出力者

開單請獎出自

天恩升用都司諸殿元謀勇兼優曉暢軍務臣國藩曾經專摺

保奏正資倚任力戰捐軀深堪矜憫應請

飭部從優議卹千總劉士宜請照例議卹其陣亡兵勇均即查明照例辦理所有二十一二十六二十八九等日官軍水陸屢

捷各緣由謹會摺由驛六百里馳奏伏乞
皇上聖鑒訓示遵行謹
奏

奏稿卷三

三

岳州水陸大捷踏平賊營進紫螺山摺咸豐四年閏七月
奏為岳州陸軍大捷踏平賊營十三座水師踏盡沿江賊營追
賊至嘉魚縣境大股殲滅官軍進紫螺山恭摺奏祈

聖鑒事竊前月二十一二十六二十八九等日水陸大勝業經
會奏在案閏七月初一日水師營務處升用道李孟羣親督戰
船出隊至城陵磯下游該逆開礮抵拒我軍轟擊數輪賊即敗
走我軍追至洲尾該逆復駕拖呂來迎即前月十六陳輝龍失
利被奪之座船也李孟羣自坐三板攢礮環攻擊斷拖呂中桅
該逆被羣子所傷及桅折震壓滾跌落水者約四五十名正欲
向前奪船突有綠篷賊舟數隻齊來搶護我軍近前施放火箭

奏稿卷三

三

噴筒燒船三隻該逆駛竄下游自放黃綠毒煙迷路沮我追兵
日暮收隊查點我軍僅陣亡一人受傷二人此初一日水戰小
勝之情形也是日申刻塔齊布以陸路賊駐高橋距我軍十
餘里未悉其營壘曲折之形因匹馬直赴賊營周視途逕是夕
賊營明火達旦往來不絕知其意在逃竄初二日已刻塔齊
布傳令直撲賊營派羅澤南等由東路進剿周鳳山等由西路
進剿岳州府知府魁聯帶勇從後路接應羅澤南李續賓李原
濟等於未經接令之先探知賊眾將遁即分三路並進直抵高
橋賊營見賊營已空每營僅數十賊多張旗幟虛放鎗礮我軍
撲入燒燬賊營七座盡奪其旗幟軍械擒斬數十人餘匪悉奔

城陵磯一帶賊營自固。塔齊布帶同李續賓等直赴城陵磯。該逆正在出隊約二萬人彼此開礮互擊相持約一時之久。我軍伏地前進。塔齊布策馬大呼首先衝入。湘勇繼之。各兵勇一擁而前。適大雨如注。東南風驟作。賊營大礮點放。不然我軍乘風猛撲。羅澤南周鳳山等分投合擊。踰溝越牆。頃刻之際。口橫遍野。殲斃滿髮老賊及黃馬褂賊目多名。一營既破。其五營同時踏平。雖竹籬數丈濠溝兩重。我軍大呼躍入。助殺之聲與暴雨之聲震動天地。該逆大亂狂奔。自相踐踏。我軍四路攔殺。直追至江岸。偪溺者不計其數。共踏燬賊營十三座。殲賊約二千名。生擒一百二十三名。逃散者又數千名。奪獲騾馬六

奏稿卷三

七

百餘匹。鎗礮旂幟刀矛鍋帳共二千餘件。此初二日陸軍大勝。掃平賊巢之實在情形也。臣國藩當飭李孟羣親率前左右三營奮力追剿。該逆先開所擄民船而以戰船拒後。希圖抵敵。右營楊載福左營蕭捷三等由東西兩岸抄擊。李孟羣從中路進攻。該逆膽落驚竄。有棄舟登岸者。有情急撲水者。其前奪陳輝龍之拖罟座船。該逆鑿沈江心。推礮落水。然後狂奔。時已昏黑。但聞呼號之聲。愈去愈遠。是夕我軍暫泊。搗鼓台下。初三日黎明分途進剿。先從荆河汭流而入。搜捕三十餘里。並無賊踪。其東岸之旋湖港芭蕉湖道林磯鴨欄磯西岸之觀音洲白螺磯湯林磯螺山夾洲一帶。港汊紛歧。逐一窮搜。生擒伏匪三十四

曾文正公奏稿 卷三

名踏平兩岸賊營九座。礮台三座。晚間大船駐泊螺山。分遣三板艇往下游進追。初四日五鼓楊載福蕭捷三及前營哨官千總何越珽把總鄧清等各乘勢追剿。行至倒口見賊船二隻。上插白旂。從內港駛出。哨官李成謀開礮轟擊。遂奪其船。追至石頭關哨官史久立生擒長髮賊四名。奪獲旗幟多件。追至六溪口。卽蒲圻崇陽河道入江之口也。時大股賊均已下竄。僅截斷尾船十餘隻。該逆施放數礮。爭上小划棄船逃竄。概被我軍燒燬。聞口內上游賊舟尚多。卽深入搜剿。行二十餘里見賊船紛紛開竄。我軍連環轟擊。立斃數十人。該逆棄船上岸。潛匿蘆洲楊載福令各哨不許搶船。止許焚燒。凡燒船近百號。生擒十二

奏稿卷三

夫

名奪旗幟衣數百件。六溪口內之賊。剿洗無遺。三營弁勇竟夕不寐。次早始回泊新堤。該市鎮商民均薙髮迎接。官軍據稱逆黨屢挫後逃散。幾及萬人。此初三初四等日水軍大勝。窮追二百里之實在情形也。伏查逆賊從常澧飽掠歸來。占踞岳城環岳二十里。堅築土壘木城。至二十餘處。自荆河腦以下沿江灣泊賊船。連檣數十里。仍於兩岸分紮營壘。設立礮台。而螺山倒口六溪口等處皆賊舟老巢。層層關鎖。沮我東下之師。自我軍克復岳城水陸屢捷之後。又從湖北添集二萬人。悉銳上犯。於二十五日到岳。二十六二十八九等日三次大戰。該逆兇鋒頓挫。臣等卽知其有逃竄之志矣。向來此賊將竄往往故張。

六三一

聲示以進戰之狀幸我軍燭破詭計一鼓而掃平之是以賊之軍火器械旂幟馬匹無一物得返歸者又以水師併力窮追沿江二百里之賊巢剷洗殆盡西可塞由荆入蜀之路南可固由岳入湘之門稍紓

宵旰焦勞於萬一然臣等仍當慎之又慎步步為營謹遵屢次訓諭謀定後戰不敢輕於一擲現在臣國藩進紮監利縣屬之螺山臣塔齊布亦即日拔營前進一面咨會荆州將軍官文多派兵勇從大江西岸直下協助臣等一軍並咨會兼署督臣楊需由德安進攻漢口之背以圖克復鄂省掃蕩逆氛此次仰仗天威將士用命謹擇其尤為出力者酌保數人升用游擊周鳳

奏稿卷三

三

山分路抄截屢撲賊營應請免補游擊以參將補用已保府經歷李續賓堵截要隘首先衝破賊營江西安福剿賊案內保升府經歷並

賞戴藍翎尚未接准部覆永興剿匪案內擬保知縣尚未出奏此次請免選府經歷以知縣選用仍

賞戴藍翎守備銜藍翎千總何越挺身先士卒斃賊多名廣西鬱林州剿匪案內擬保守備並請

賞換花翎未知會否出奏此次仍請以守備補用並

賞換花翎長沙協千總余星元寶慶協千總滕國獻直衝賊隊奮勇爭先均請以守備儘先補用湘陰汛千總題補永綏營守

備蕭捷三殺賊奮勇冒險窮追湘陰失守案內應候查明參辦現值用人之際合無仰懇

皇上天恩俯准免其查參以收後效其餘水陸員弁兵勇容臣等分別等第酌核保奏伏候

恩施所有官軍水陸大捷踏盡賊營追奔二百餘里現在進紮螺山各緣由謹會同湖南撫臣駱秉章恭摺由驛六百里馳奏伏乞

皇上聖鑒訓示遵行謹

奏

奏稿卷三

三

胡林翼羅澤南隨同東征片咸豐四年閏七月初九日

再新授四川按察使胡林翼係前督臣吳文鎔奏調赴鄂之員

因道途梗沮經臣國藩及撫臣駱秉章先後奏留湖南委辦軍

務該臬司膽識絕人威望夙著所帶黔勇六百餘人前在貴州

黎平府任內教練有素屢著戰功本年勦辦崇通股匪安化土

匪又收復常德郡城所至皆愜民望現奉

諭旨飭該臬司仍留湖南軍營辦理防勦事務仰見

聖慮周詳無微不至惟南省現無賊蹤臣等正在出境勦賊該

臬司才大心細為軍中萬不可少之員相應請

旨飭令該臬司管帶黔勇酌撥他路兵勇自成一隊隨同臣等

東征於大局必能有濟又臣等接准江西撫臣陳啟邁來咨稱

逆賊竄擾江西亟待南省應援請仍飭上年援江之委員朱孫

詒羅澤南帶勇前往等因伏查升用知府朱孫詒前經臣國藩

奏派赴江勸捐因未接准部文尚未前往現署寶慶府事能否

帶兵赴援應由撫臣酌核至保升知府羅澤南現帶湘勇二千

與臣塔齊布聯營協勦屢次大捷多由該員獨當要隘以寡擊

眾之力現已進紮螺山正當勦辦喫緊之際應請

旨飭令隨同臣等出境東征免其赴援江省臣等非敢意存吟

域實因武漢為東南必爭之區理合全力併注迅圖克復目下

水陸官軍尚嫌單薄豈可更分兵力致有顧彼失此之虞所有

該二員均請

飭令隨同東征之處謹附片奏

聞請

旨

奏稿卷三

三

水陸官軍疊獲勝仗 現在剿辦情形摺咸豐四年八月初
奏為水陸官軍疊獲勝仗 水師現扼金口俟陸軍剿辦崇陽後
即會攻武漢恭摺奏祈

聖鑒事竊自逆匪占據岳州以來水陸鏖戰月餘挫敗一次大
勝十二次克復城池踏平 賊營追奔二百餘里先後奏報在案
該逆竄回武昌以後 等 本欲乘勝東下直搗武漢既而再四
熟商陸路之賊尚有崇陽 大股數逾二萬即自岳竄出者分匿
於臨蒲咸嘉等縣山僻之 區亦恃崇陽為巢穴若不先剿崇邑
而遽下武昌則恐後路牽掣餉道中梗終非萬全之策水路則
東有倒口六溪口黃蓋大 密泉等湖西有襄河上通洪湖朱

奏稿卷三

三

耳湖下通沌口漢口若非節節搜剿則恐藏匿小舟抄襲後路
亦非慎重之道是以審度 定計陸路則 塔齊布親往崇陽進
剿水路則 國藩步步移營遍搜支湖小河然後扼險要以蹙
之初十日探明黃蓋湖內之新店尚存賊船數十號有賊千餘
人右營升用游擊楊載福左營承綏守備蕭捷三等親駕長龍
三板由倒口入湖湖面寬廣百餘里初更時行至芭茅湖距新
店三里許楊載福等將長龍船盡紮湖濱各坐三板駛進軍士
悄寂擊棹無聲三更向盡突放鎗礮呼聲震天該逆猝出不意
轟斃溺斃者無數餘皆上 岸狂奔楊載福首衝賊隊被賊回擲
火包舟覆落水旋即躍上 蕭捷三座船大呼突陣將賊船四十

奏稿卷三

三

餘隻登時燒盡復奪船四隻大礮一尊旗幟軍械百餘件十一
日上岸搜捕餘匪詢之士人芭茅湖山後尚有賊船四隻沅潭
市有賊船二十餘隻聶家市有賊船二隻當即飛駕三板往剿
賊聞大軍猝至闐然下竄各船一概燒盡黃蓋湖一路搜捕無
遺十二日重搜六溪口該處為匪黨老巢東通蒲圻崇陽北通
大冶湖太乙密泉等湖直達嘉魚左營蕭捷三等搜剿北路所
過湖港村市沿途搜伏盡焚賊舟直抵嘉魚縣城緝難民前
營把總鄧清等搜捕東路至車埠地方遇賊船數十號副哨官
馮登開礮轟擊該逆開鎗抵禦傷我水勇一名馮登奮登賊舟
殺賊數人餘匪棄舟逃走溺斃十餘人內有數賊抵死拒敵經
馮登等縱火焚船生擒三名奪船七隻米約四百石逆書二十
餘本鎗礮旗幟百餘件候 補守備何越珽等別由車埠直抵黃
龍團又燒賊船十餘隻奪獲數隻該弁等正在沿湖搜剿適遇
署蒲圻縣知縣孫守信自帶練勇會同荊州將軍官文所派兵
勇追賊至此當即會商合 剿附城大股該逆約二千人聞官軍
至即竄入崇陽孫守信等 入城安撫居民各營水師始行收隊
回紮新堤老營東岸之支 湖小港搜剿已遍乃遣嚮導官何南
青搜查西岸裏河一律肅 清於是前左中三營水師遂乘勝直
下金口扼據要隘距武昌 僅六十里矣金口之東有淮山西有
大軍山小軍山兩岸對峙 關鎖謹嚴為水路必爭之地下瞰武

漢如扼其吭該逆不虞我軍之猝至乃乘我大隊未齊之時思欲伺隙撲營奪回關隘二十七日賊從水陸兩路來犯蕭捷三何越挺及中營把總秦國祿等嚴陣以待各哨官分駕三板往西岸大軍山下遏賊上竄陸賊千餘人先由淮山越嶺而來直入金口市冀誘我軍登岸而以小艇突入奪我戰船隨有賊舟百餘號分兩翼來抄我軍三板亦分兩路迎擊該逆受傷甚多猶拚死不退我軍併力圍攻將該逆快船轟壞並擊沈小船二十餘隻哨官劉培元史久立奪船二隻水賊始行敗走岸上之賊齊撲河干鎗礮如雨我軍長龍快蟹排列江心向岸開礮轟斃黃旗賊目數名前營水勇分二百餘人登岸刀矛並舉殺斃

奏稿卷三

三

偽指揮一名餘賊二十餘名生擒八名陸賊乃敗北回竄凡鏖戰時之久我軍陸兵未至水師大隊未齊竟能以少勝眾大挫兇鋒此初十二等日搜剿湖匪及二十七日金口水師大勝之實在情形也臣塔齊布既定親剿崇陽之策念崇陽臨蒲三縣以羊樓司爲總隘之區必駐紮老營於此然後可以四面策應遂於十二三等日督率各營由岳州先後拔營馳赴羊樓即選知府羅澤南率湘勇千人先行十七日宿長安驛十八日黎明有賊千餘人乘我不備搖旗吹角分四路撲營羅澤南令湘勇偃旗息鼓佯爲無備也者靜立以待誘賊近營突出抄尾鎗礮刀矛猛進賊眾大潰追殺八十餘名生擒三名奪軍械子

藥無算追至五里外因未晨暨即行收隊次日進紮羊樓司各營次第皆到四川臬司胡林翼亦自常豐帶勇來會臣塔齊布探明附近之羊樓崗山岩險峻爲赴崇第一關隘遂派羅澤南於二十三日出隊進剿該逆於崗尾盧家橋紮立大營外暨松木內貫黃土高踰數丈中跨溪水攔截隘口搭蓋棚廠我師於午後直抵賊穴該逆以數百人守營以數百人據兩山之上搖旗抗拒羅澤南分左右兩支奮登山脊分抄賊尾自督弁勇從中路進剿踰溝冒刃踏破賊營墮岩死者無數追至百花嶺殺斃長髮賊八名奪鎗鈹木礮數十件棚廠概行燒燬盧家橋之卡既破賊眾悉集東偏守佛嶺之卡佛嶺兩山高峻羊腸一縷

奏稿卷三

美

尤爲險絕臣塔齊布急令都司普承堯帶兵勇前往助戰二十四日已刻羅澤南督勇由佛嶺之西山直攻賊巢普承堯由佛嶺之東出西沖監生蕭啟江由佛嶺之北出曹家沖皆攀岩踰嶺冒險而進賊眾大潰我兵追奔十五里至雙港口乃止共斃賊二十餘名生擒二十八名二日之內東西兩卡皆破矣崇陽首逆偽總制廖敬順探知我兵大隊未進在羊樓崗者不及千人乃自崇城調賊三千餘前來二十六日辰刻猝至羊樓崗尾四面環攻黃旂紅衣漫天蔽野羅澤南令普承堯駐右沖口以截佛嶺之賊蕭啟江排列右山以爲右翼自率弁勇由中路迎剿該逆亦分三路來攻我軍堅陣不動相持片時猝令抬鎗隊

十二人近賊以誘之賊亦持重不進十二人者佯敗而走賊黨
奔追羅澤南振鼓馳突呼聲震山谷賊勢瓦解反奔我軍中路
之兵乘勝擁上山岡追至盧家橋約七里許殺賊二百餘名生
擒十八名內有偽軍帥一名旅帥二名蕭啟江追右路之賊圍
入石山內殺賊百餘名生擒九名內有旅帥三名餘賊竄匿墮
崖死者無算此陸兵二十三連破賊卡二十六日羊樓大獲
勝仗之實在情形也自有此數戰崇陽股匪業已膽寒臣塔齊
布親統大隊進攻臣國藩現駐嘉魚即日馳赴金口一俟崇陽
股匪剿畢即當水陸並進疾搗武昌探明武漢賊黨不過二萬
餘人自岳州大敗人懷離心臣等布告示於各路投木牌於江

秦稿卷三

三

中解散勝從量子錢米近日自賊營薙髮逃出來路票回籍者
幾及四千人又北路有署督臣楊需之兵西岸有魁玉楊昌泗
之師聲威大有可恃然臣等仍當慎之又慎不敢萌驕矜之志
不敢貪急遽之功以期仰慰

聖懷於萬一所有水陸連獲勝仗及現在剿辦情形謹會同湖

南撫臣駱秉章恭摺由驛六百里馳奏伏乞

皇上聖鑒訓示謹

奏

殊批覽奏俱悉此時非徒知謹慎所能了事汝等自湘潭大捷
後屢次得手有此聲威豈可自餒惟利在速戰莫待兩下相持

師勞餉乏大有可慮處塔齊布不致為崇陽一股牽制方好欽
此

秦稿卷三

三

謝三品頂戴 恩摺 咸豐四年八月十九日

奏為恭謝

天恩瀝陳下情事本月初四日接准兵部火票遞到咸豐四年閏七月二十日內閣奉

上諭塔齊布曾國藩奏水陸二軍大獲勝仗一摺辦理甚合機宜曾國藩著賞給三品頂戴欽此竊臣辦理軍務已逾半年本

識闇而才疏實過多而功少前歲丁憂回籍奉諭幫辦團練本應恭疏辭謝因值武昌失守不忍置身事外是

以出而襄辦當經奏明不敢仰邀議敘在案去歲奉命援鄂援皖肅清江面臣豈不知艱大之責非臣愚所能勝任

奏稿卷三

三

祇以東南數省大局糜爛凡為臣子者無論有職無職有才無才皆當畢力竭誠圖補救於萬一遂自忘其愚陋日夜焦思冀收尺寸之效然守制未終臣之方寸常負疚於神明雖治軍數月墨經素冠尚如禮廬之舊而奪情視事此心終難自安月前岳州之捷皆臣塔齊布及羅澤南楊載福等數人之功微臣豪

無勞績荷

溫綸之寵錫祇慚悚之交增刻下崇陽業經克復陸軍由蒲咸北趨即日兩道夾攻疾搗武漢仰仗

皇上天威嗣後湖南一軍或得克復城池再立功績無論何項慶榮何項議敘微臣概不敢受伏求

聖主俯鑒愚忱使居憂之人與在任者顯示區別不得一例希榮是即

聖朝教孝之意而

皇上所以成全微臣者更大也倘藉

皇上訓誨辦理日有起色江面漸次廓清即當據實奏明回籍補行心喪以達人子之至情而明微臣之初志庶出而討賊入

而守禮公私兩盡名義無虧感戴高厚生成之德益無既極所有微臣感激

天恩並瀝陳下情緣由謹繕摺附驛具奏伏乞皇上聖鑒訓示謹

奏稿卷三

三

奏 殊批知道了殊不必如此固執汝能國爾忘家鞠躬盡瘁正可慰汝亡親之志盡孝之道莫大於是酬庸褒績國家故令所在斷不能因汝請稍有參差汝之隱衷朕知之天下無不知也欽此

官軍克復崇陽戰勝咸甯水師疊次獲勝摺咸豐四年八月十九日奏為官軍克復崇陽旋在咸甯大獲勝仗水師連日接戰情形恭摺奏祈

聖鑒事竊陸軍前在羊樓峒屢破賊卡水師搜剿各湖戰勝金口業經馳奏在案八月初一日逆黨千餘人聚集崇蒲交界之分水均設卡抗拒臣塔齊布先派升用參將周鳳山等攻破賊卡兩處斃賊二十餘名生擒五名是夜定議分路進兵之策派候選知府羅澤南都司彭三元普承堯等由南路佛嶺桂口入臣塔齊布親督周鳳山岳炳榮李新華等由北路分水均入期俱會於崇陽初二日羅澤南等行至小沙坪見神橋有賊數百

奏稿卷三

聖

人扼險抵拒其地高峯插天惟羊腸一綫可通行人賊用插石滾木塞路搭棚廠於峭壁之上我軍審明形勢彭三元等緣右山而上候選知縣李續賓等緣左山而上攀藤捫石繞出神橋之下以抄賊尾羅澤南普承堯由中路進攻直抵賊壘賊黨敗退我軍焚其棚廠追殺十餘里斃賊數十名生擒十一名奪獲大黃旂及軍械無數並將賊目熊滿珠沈應隆住宅焚燬申刻進紫虎爪市忽桂口之賊會合神橋敗賊共千餘人乘我軍營壘未成揚旗吹角分三路來攻羅澤南等亦分三路埋伏以待賊至伏兵突出逆黨驚竄追過高山四重斃賊千名生擒九名日暮收隊次日在桂口沙坪一帶遍歷山谷搜剿餘匪臣塔齊

奏稿卷三

聖

布率北路之師初二日駐紮桂花樹初三日抵崇陽距縣城里許該逆二千餘人分三路抗拒我軍亦分三路衝擊斬其前鋒逆黨敗竄過河半回縣城拒守我軍一面飛渡窮追一面圍城急攻共殺賊百餘名城上鎗礮如雨滾木插石紛紛并下兵勇多帶重傷然屢勝之餘人人皆以退縮為恥裹創前進鏖戰四時至日暮始行收隊適署崇陽縣知縣鈕芳津會同荊州委員候補縣吳振鏞等帶勇千人前來會剿初四日黎明臣塔齊布復督將弁攻城南路羅澤南等之兵亦至探明賊勢併注西城遂用聲東擊西之法先攻東北二門以分賊勢選壯士二百人埋伏城根隨督大隊奮攻西門城上賊連放鎗礮拋擲瓦石我軍傷亡雖眾仍冒險力攻旋用劈山大礮轟破西門一擁而入前埋伏之二百人者亦從北城根肉薄而登四門截殺凡斃賊約三百人餘匪由東門過河逃走又經追殺百餘名生擒偽丞相金之亨等十一名立將縣城克復奪礮十尊抬鎗鳥鎗百餘件馬二十四匹綠緞大轎一乘大黃傘四把紫金冠五頂子藥旗幟刀矛無數我軍傷亡亦六十餘名緣崇陽向為亂民萃聚之藪自鍾人傑以後反者數起今年賊目廖敬順據為老巢盤踞數月資糧盡聚其中悍賊數千嬰城死守又山路險峻城小而固故官軍傷亡較前此諸戰獨多雖餘匪潰竄未能盡殲然非兵勇奮不顧身未易破此堅城也臣塔齊布隨飭鈕芳津會

帶荆勇駐城搜捕餘匪即於初六日拔營前進蒲圻派羅澤南等先赴咸甯初八日紫官塘驛探明武昌賊黨八百餘人從金牛地方招集崇陽逃匪乘虛而入踞城抗禦阻遏大軍殺斃團練首事及居民數十人羅澤南等於初九日兼程疾進已刻馳抵城下賊從東門潰出竄至十里外之官步橋忽回駐要隘分路埋伏以待我軍羅澤南由西路進彭三元普承堯由中路進候選知縣李續賓由東路進官軍繞出賊伏之後賊技已窮遂向北路逃竄我軍攔途截殺追奔十餘里殺斃長髮賊八十餘名生擒二十餘名內有頭目二名奪獲偽丞相黃帽一頂大黃旗三面上書太平天國丞相劉各等字樣子藥號衣軍械無算

奏稿卷三

望

此陸軍克復崇陽旋在咸甯獲勝之實在情形也水軍戰船自前月二十七日金口獲勝後該逆不敢上犯旋於初三四等日已革副都統魁玉總兵楊昌泗帶兵勇四千三百人來會紫營金口之西岸同知銜李光榮帶川勇千餘人亦至紫金口之東岸皆荆州將軍遣來協勤者也初三日右營游擊楊載福派哨官劉國斌王明三等六人各乘三板往下游探賊虛實行至鹽關兩岸均有賊營賊船約四五十隻見哨船猝至水陸出隊開礮迎擊中流水急瞬息之間我哨船已駛出賊營以下賊以礮船並小划數十隻蟻聚圍擊我軍且敵且退王明三殿後賊礮攢攻轟損四十餘處水勇帶傷二名王明三履險不驚直至賊

划屬近始將火彈連擲延燒賊艙船小人多驚翻落水餘划盡靡遂得衝出重圍初八日楊載福偕清江營俞晟親往沌口巡哨該逆見戰船甚少分兩路來抄我軍迎擊鏖戰一時之久斃二十餘名逆黨已退忽兩岸陸路賊突出千餘人開礮來攻魁玉楊昌泗飭派參將恆泰札勒罕等出隊至沌口抵禦擊斃穿黃衣賊目殺賊十餘名生擒六名內有偽旅帥楊大順餘賊撲水退竄淹斃數十名楊載福俞晟仍督三板跟追擊壞數船始行收隊初十日李光榮帶川勇由東岸出隊擬攻破袁家河賊營以為進剿地步升用道李孟羣撥水師前營接應李光榮行抵花園見有木城三座當將中左二座木城衝破燒賊望樓

奏稿卷三

望

二座該逆敗走李光榮正在追殺忽右邊木城賊出繞道包裏李光榮等奮力血戰殺出重圍前營水師急往助陣東岸沿江之賊乃退而賊船數十復由江東蜂擁來迎哨官馮登等奮擊壞賊船三隻賊退下游又沿西岸而上李孟羣親自督追見逆船中惟紅布篷船二隻五綵布篷船二隻為最強悍戰船攢礮轟擊將紅布篷船擊壞並擊沈小划船十餘隻賊始敗歸我軍收回沌口維時魁玉楊昌泗率荆州兵勇由沌口渡河出隊漢陽關上賊營二千餘人突出迎敵荆兵後隊尚未渡河前隊卻退李孟羣飛飭水師戰船近岸開礮回擊一面撥三板入沌口襄河接渡荆兵有黃旗駿馬賊目數名首先撲至河邊均被

水勇擊斃共斃賊百餘名尸橫遍地荆兵亦轉敗為勝該逆奔
退回巢此初三初十等日水師接濟陸營疊次獲勝之實
在情形也臣國藩已於十一日進駐金口臣塔齊布自崇陽咸
甯沿途剿賊北來雖明知餘匪未淨大兵一過仍虞嘯聚各縣
然武昌為省會重地拔其根本則枝葉自萎勢不能兼顧小股
止得飛速進兵直搗武漢以圖迅復鄂垣此次陸軍力破堅城
水師冒險深入員弁兵勇均甚出力應請
皇上天恩容臣等擇尤保獎其陣亡及受傷兵勇均即查明照
例辦理所有陸營攻克崇陽戰勝咸甯及水路疊次獲勝各緣
由謹會同湖南撫臣駱秉章恭摺由驛馳奏伏乞

皇上聖鑒訓示遵行謹

奏稿卷三

聖

奏

水陸續獲勝仗現籌進兵摺 咸豐四年八月二十二日

奏為水陸續獲勝仗並現籌進兵先後情形恭摺奏請

聖訓指授機宜事竊陸軍攻克崇陽戰勝咸甯及水師疊勝業
經奏明在案臣國藩察看牌洲對岸之新灘口湖汊紛歧巨
千餘里上通荆襄沔陽下通沌口漢口其中如蔡店繫馬口侏
儒山等處均係賊巢恐逆舟從內河駛出抄襲我軍後路是以
酌留戰船六十餘號水勇千餘人駐守新灘口以前署善化縣
李瀚章總司其事而臣國藩即以十一日進駐金口十二日乘
小舟赴沌口相度形勢營務處李孟羣及各營官皆率戰船隨
往魁玉楊昌泗所帶陸勇亦出隊往護未刻行抵沌口距賊船

奏稿卷三

聖

五里許該逆不敢上犯日暮歸來登小軍山遙望武漢賊營歷
歷在目游擊楊載福等殿後突有逆船數十來抄我軍開礮迎
擊李孟羣率各船回舵策應礮聲鼎沸臣國藩倚山觀陣見陸
賊千餘沿江來撲我戰船以少半擊江中之船以強半擊岸上
之賊礮多子眾頃刻之間尸橫偏地岸賊敗退逆船亦即下遁
我軍追擊於初更時收隊此十二日水師獲勝之情形也陸軍
自咸甯大勝後臣塔齊布率各營直趨省會飭候選知府羅澤
南都司彭三元普承堯等先行十三日探明橫溝橋地方聚賊
六七千意圖阻遏並分伏兩旁以圖抄尾羅澤南及候選知縣
李續賓帶湘勇分左右兩路前進彭三元普承堯帶寶勇新化

勇繞山之右守備岳炳榮帶辰勇川勇以為後應有大黃旗賊目率眾來衝湘勇鏖戰鎗礮雨下陣斬大旗賊及紅巾賊十餘名賊勢稍卻踰橋而東用鎗礮跨橋禦我軍亦攢礮進攻各營涉水過河賊勢大潰追殺百餘名賊之埋伏兩山者復經分路搜剿殺斃約二百餘人伏尸滿谷賊復由徐李鋪渡河屯聚山脊使我軍不能仰攻各勇大呼直上殺賊數十名賊又大潰凡三奔三聚窮追十餘里彭三元從橋後抄出普承堯從右山抄出截殺逃賊各數十名餘賊狂奔始行收隊共生擒長髮四十三名內有偽丞相胡姓江西人龍冠黃馬褂盤踞咸甯肆毒甚久百姓爭啖其肉奪獲大小黃旗五十餘面馬十五匹訊據

奏稿卷三

聖

賊供稱逆黨七千餘人有自鄂省來者有自崇陽來者有自興國州來者均於十二日會集金牛地方擬攻撲咸甯以拒官軍不意行至橫溝橋猝被痛剿等語此十三日陸路全勝之情形也十五日羅澤南等進紮紙坊距鄂城六十里十六日塔齊布亦至十七日偕羅澤南同赴金口與國藩會議進兵先後竊查逆黨盤踞武漢約共二萬餘人自沌口以下東西兩岸水陸賊營密布連日再四詳究進攻武昌之路有三一為古驛路由油坊嶺以達洪山一為新驛路由湖堤以達板橋一為沿江之路由金口以達花園進攻漢陽之路亦有三一為沿江之路由沌口以達鸚鵡洲一為襄河之路由蔡店以達西門一由襄

河建瓴而下等悉心定議必以水師先剿江面使武漢之賊消息隔斷陸路則先攻武昌後攻漢陽塔齊布暫駐紙坊總要之區遣羅澤南等由金口一路先攻花園賊營然後由古驛路進攻洪山至西岸沿江一路則令魁玉楊昌泗等率荆兵進攻一面咨明督楊需夾攻漢陽之背以期諸軍會合迅復堅城雖據稟崇陽餘燼復合戕官踞城而陸軍單薄暫時不及分兵回剿俟攻克鄂城後再行四路遣征所有水陸獲勝及武漢進兵先後各情形謹會摺由驛馳奏是否有當伏乞皇上聖鑒指示機宜謹

奏稿卷三

聖

奏

會文正公奏稿

卷之四目錄

水陸大捷武昌漢陽兩城同日克復摺 咸豐四年八月二十七日

水師搜剿襄河續獲大勝摺 八月三十日

查明賊目殲斃狀及賊中各情片

統籌三路進兵摺 九月初七日

謝 恩仍辭署鄂撫摺 九月十三日

陸軍克興國大冶水師蘄州獲勝摺 九月二十七日

擬先攻半壁山破賊橫江鐵鎖片

陸軍踏破半壁山賊營水師續獲大勝摺 九月初七日

請飭江西開局製造火藥鉛彈片

白人虎陣亡請卹片

劉若珪殉難請卹片

謝兵部侍郎銜 恩摺 全日

陸軍奪半壁山斫斷鐵鎖水師繞出賊前摺 十月十四日

覆陳不克隨時知照江南片

官軍攻破田家鎮逆船燒盡收復蘄州摺 十月二十一日

請飭各路統兵大臣督撫擇要防堵片

水師前隊已至九江片

官軍水陸大捷武漢兩城同日克復摺 咸豐四年八月二十七日

奏為官軍水陸大捷踏平賊營十九座燒船千餘號武昌漢陽兩城同日克復恭摺仰懇 聖懷事竊水師自抵金口陸營進紮紙坊逼近武昌各六十里定議進兵先後次第業經馳奏在案八月二十一日臣塔齊布由油坊嶺進發扼東北洪山總匯之區 國藩在金口定沿江三路齊下之策湖南陸軍羅澤南等三千人及荊州派來李光榮川勇千人攻東岸花園賊營魁玉楊昌泗四千三百人攻西岸蝦蟆磯賊營而水師從大江中路衝擊使賊兩岸不能相顧從來此賊守城之法不守陴而守險其精悍者不聚於城內而

奏稿卷四

堵於城外往往扼險築壘堅不可拔花園外瀕大江內枕青林湖該逆立大營三座掘深溝寬二丈長約三里引江水以達於湖溝內周立木城實以土沙中開礮眼溝外植二尺許木椿交互連釘椿外密布竹籤環以荆棘木城之內又有磚城內濠層層抗拒其堅固幾與金川之石礮相等安礮百餘尊向江者阻我水師向南者阻我陸軍西岸蝦蟆磯賊營其堅固亦與花園相等賊船泊守兩營之下水陸依護 臣等深慮此關不破則各路均無可施手也因與李孟羣等熟商將水師各營分為前後兩班前班戰船從中流飛駛衝過鹽關之下直至鸚鵡洲該逆不意我軍之猝出其後也即回船下救我軍分兩翼自下抄繞

而上後班戰船復自上排轟而下賊勢不支紛紛落水其悍賊數舟風篷五綵每戰冒死向前臣國藩先日懸賞曰奪五綵篷者賞錢百千至是爭前奪取秦國祿張啟基鄭沐等六人各得其一餘賊撲水登岸楊載福等縱火延燒頃刻之間鹽關二百餘號賊船焚燬盡矣東岸花園賊船見西岸已敗相率逃逸我軍攢攻悍者數舟餘亦全數燒燬羅澤南等攻花園之陸營分爲三路同進賊自木城開礮子如雨點我軍習戰已久礮將發則伏地以避子既落則蛇行以進凡三伏三進直逼賊營候選知縣李續賓攻江邊之營從竹籤木樁中踰溝直入羅澤南攻湖邊之營先燒營外賊划百餘號以斷賊之抄尾隨奮力直入

奏稿卷四

李光榮及教諭唐訓方攻中路之營同時躍入諸勇或越高墻或穿礮眼而入賊眾大潰縱火焚其營壘而是時西岸魁玉楊昌泗率兵攻蝦蟆磯賊營亦恰衝進土城縱火焚之賊眾逾牆四竄竄出江者被礮轟擊竄入襄湖者被魁玉沌口伏兵圍剿尸橫遍野兩岸焚營之火與江中三百餘船之火煙燄相合天爲之赤楊昌泗窮追直下與水軍夾擊復破鸚鵡洲賊營計東岸陸軍殺斃千餘名生擒四十七名西岸陸軍割首級四百餘顆生擒百餘名江中擊斃者百餘名搶登賊舟殺斃者六十餘名焚死溺死者不在此數日已西墜李孟羣尙不肯收隊復督同楊載福等乘勝直下凡沿江木柵悉用大礮轟擊多放火箭

又攻破漢關賊營一座白沙洲金沙洲賊營二座遂進攻鮎魚套口縱火大燒賊舟又數十號叫殺之聲與該逆號哭之聲相雜江水爲沸忽延燒其火藥大船霹靂一聲眾船皆飛賊屍有自半空落下者我軍亦傷亡十七人遂收隊回泊沌口此二十一日連破賊營九座焚船五百餘號之實在情形也前此七月十六日象骨港之役因賊划圍繞太多我軍眩亂致敗自後臣國藩遂陸續招募小划百五十號以敵賊之所長而輔我礮船之不足是夜大軍收隊後派王策勳小划二十餘號前往劫營連環放鎗雖僅焚賊舟十餘號而該逆時泊時開船礮亂轟徹夜不得休息二十二日辰刻三路進攻仍如昨日之舊李孟羣

奏稿卷四

率前班先發攻燒鮎魚套未盡之船旋即西渡攻漢陽朝宗門土城楊載福蕭捷三俞晟秦國祿等仍衝過賊營直下塘角何越珽亦衝過賊營直攻漢口兩城賊礮羣子亂落江心各哨官爭先逞長以低頭避子爲恥又以火毬不中賊船爲恥數舟既然火勢遂烈其桀黠之賊一面開礮抵拒一面揚帆下窺楊載福等急槳馳追翻出下窺賊船之前曾不片刻已近青山又將該處輜重賊船焚燒北風甚勁挂帆歸來見塘角三百餘號賊舟火燄正殷因傍西岸而上又隨李孟羣入漢焚口內之船兩岸火光上薄紅衣黃旂餘燼漂流斷肢賊尸與猪雞半死之畜叫號沈浮蔽江而下腥臭不復可聞李孟羣回軍攻擊漢陽該

逆於木柵內開礮拒敵我軍轟擊愈緊魁王楊昌泗之兵亦自上游轉戰而下會合夾攻將晴川閣下木柵大別山下木壘悉數焚燬殺賊數十名生擒十二名東岸之賊自花園既破以後又有鮎魚套近湖一營傍江街口一營我軍分兩路進剿賊從中路迎敵四川義勇湖南親勇新田勇稍卻退奔里許李續賓帶湘勇由江邊折回急援中路破鮎魚套賊營兩座縱火焚之斃賊三百餘名生擒四十二名義勇親勇等亦轉敗為勝焚燬附城賊營四座此二十二日焚盡漢口塘角逆船踏平兩岸賊營之實在情形也自有此兩日大戰省河上下無一賊船武漢城外無一賊營臣等知其萬無可守之理不日當棄城他遁矣

奏稿卷四 四

二十三日卯刻水陸各營預備攻城武昌之賊已於四更後潛開東北門逃竄猶留悍賊數百在西南城搖旗放礮故作堅守之狀漢陽城上亦然我水軍及東路陸軍用大礮向漢陽望山等門轟擊而別遣壯士從僻處攀堞而登舉火為號各營擁入眾賊狂竄截殺百餘人生擒二十餘人內有偽將軍陳昌貴偽總制丁履之立予正法李孟羣自保安門緣城而入徑奔其父李卿穀殉難之所痛哭收骨軍士為之感泣西岸漢陽城上之賊方與水師連礮對擊楊昌泗之兵勇已自南門梯繩而入魁王督帶各營在西門外月湖隄一帶埋伏該逆由西門奔赴蔡店被我伏兵截剿殲斃無數生擒二百餘名午未之間兩城屬

時克復臣塔齊布從油坊嶺而來知武昌東北洪山一帶為陸路竄賊必由之地預飭大隊四路埋伏該逆不知我軍之猝至前臨大敵後逼危城左近梁子湖右隔陽孫湖無路逃生因分三路拚死抗拒我軍亦分三路迎擊臣塔齊布自當中路指黃袍賊目數人與親兵分刺取之餘匪稍卻兩路之賊皆退遂向洪山之背大奔我軍搶登山脊乘勢追北殲賊約五六百人餘眾圍逼沙湖塘角灣地方紛紛赴水紅巾浮波須臾即沒湖汊淺處賊尸塞滿後至者踐尸而逃行至中流亦皆漂溺計溺斃一千餘人我軍喊殺愈厲聲振林谷耳不忍聞中有兒童數百人先後奔投湖水臣塔齊布目睹心傷不覺泣下因飭將弁大

奏稿卷四 五

呼救小兒不許投水凡救活二百餘人眾賊見小兒得救遂長跪乞命亦帶回七百餘人分別斬決釋放小兒則分置各營棚中將查明籍貫而資遣之此二十三日克復兩城大剿洪山竄賊之實在情形也二十四日臣等二人先後入城履勘街道撫綏子黎該逆於大宅多置火藥燃香其上入者觸之輒被轟燒二十三日城內發地雷火礮三次震斃數十人二十四日皆數處火起市上門窗木器片片摧碎所擄各處幼童數千人酷刑虐役戰敗之後輒大加殺戮以洩其憤其慘毒如此偽國宗丞相所居之署拆神廟以興修柁木狼籍一牀之費可值千金水陸兩軍奪獲黃傘三百餘柄金冠龍袍各百餘件鏤錫籤筒筆

架至二千餘具之多其僭侈如此該逆爲神人所共憤二城收復大股破滅本屬意中之事惟三日之內焚舟千餘踴盡堅壘每次縱火輒遇順風殺賊數千而官軍傷亡不滿二百人湖南陸兵極薄恰有北省兵勇助剿西岸大隊扼洪山要路不先不後恰痛殲東北之竄匪事機之順處處湊泊此則仗我

皇上威福

天心篤祐不特非臣等籌謀所能到亦並非臣等夢想所敢期也現已飛咨湖北巡撫兼署督臣楊需請其迅速渡江鎮撫會城一面妥籌分路進剿事宜廣西升用道李孟羣忠孝鬱積戰必身先沈毅有謀應請加按察使銜并

奏稿卷四

六

賞加勇號候選知府羅澤南候選知縣李續寶自岳州拔營東下常在各營之前途中力戰七次大勝攻克花園堅壘制賊之命羅澤南應請

記名以道員用李續寶應請以直隸州選用

賞換花翎升用游擊楊載福永綏營守備蕭捷三廉明愛士膽力堅定從下游逆擊而上甚合機宜楊載福請以參將補用並加副將銜蕭捷三請以都司升用並

賞換花翎候補都司彭三元候補守備唐得陞力截洪山要隘殺賊尤多彭三元請以游擊補用唐得陞請以都司升用賞換花翎同知銜文生李光榮練勇殺賊果敢有爲應請以府

經縣承歸部遇缺卽選已革涼州副都統魁玉高州鎮總兵楊昌泗身先士卒克復郡城實屬奮勉出力可否開復原官之處出自

皇上天恩其餘出力員弁兵勇容俟臣等核明勞績開單保奏仰候

恩施所有官軍克復武漢緣由謹會同荊州將軍官文湖北巡撫兼署督臣楊需恭摺由驛六百里馳奏仰慰宸廑伏乞

皇上聖鑒訓示遵行謹

奏

奏稿卷四

七

硃批覽奏感慰實深獲此大勝殊非意料所及朕惟兢兢業自持叩 天速赦民劫也另有旨欽此

水師搜剿襄河續獲大勝摺 咸豐四年八月三十日

奏為水師搜剿襄河續獲大勝燒船千餘號恭摺奏祈

聖鑒事竊自二十三日官軍大戰武漢燒燬賊船千餘號克復兩城鄂省上下二百餘里大江已無賊踪惟襄河之內賊船尚多襄河即漢水居民及船戶皆稱為小河者也其正流上通安陸襄陽以達於興安漢中其旁派則北枝通於德安孝感應城南枝通赤野湖沙湖以達於沔陽荊州該逆盤踞武漢之時其國宗丞相率老賊守城而別遣輕悍之賊在襄河南北擄糧號令於賊名曰打先鋒誅求於民名曰催貢有船千餘號屯駐蔡店繫馬口長江埠侏儒山等處游奕無常近北枝者有署督

奏稿卷四

八

臣楊店一軍堵剿近南枝者可由侏儒山新灘口以出大江前此臣國藩進紮金口之時曾奏明留水師千餘人駐防新灘口蓋恐襄河賊舟由該處以抄襲我後路也自八月十一日雙保福忻二鎮在仙桃鎮失利以後賊舟愈多其氣愈熾二十三日克復兩城臣等即擬分派水師入襄河口內泝流搜剿二十四日探報賊舟千餘已由蔡店順流而下將衝出大江與官軍決一死戰魁玉楊昌泗親至臣國藩舟次自請督荆兵攻防陸路而請臣發水師迎而剿之臣國藩即派各營以大船錯布漢口內外而以三板迅入迎擊入僅數里該逆已連檣而下其前隊自楊林溝登岸者約二千人魁玉等令官兵佯退楊昌泗及參

奏稿卷四

九

將恆泰率兵勇自歸元寺遠至楊林溝抄賊之尾賊眾敗潰適戰船雷轟而入該逆開礮抵敵以河身太窄賊船太擠不能迴旋取勢該逆倉皇失措時開時泊倏進倏反後船之礮往往自擊前船之賊喧爭互詈我軍乘隙逼入將火毬火蛋雜亂拋擲間以噴筒火箭往來馳突其兇悍之賊雖以火毬回擲我軍而怯弱之賊與被擄之水手已紛紛梟水登岸逃竄老賊持刀砍殺不能禁止竄至北岸漢口者幸得脫免竄至南岸漢陽者輒被魁玉楊昌泗之兵截剿殲斃無數生擒二百餘名斬首百餘級陸軍收隊後水師復乘勝追入追及上游有悍賊數舟擲火包急撲我軍各船出入於濃煙烈燄之中猝不及避軍士傷亡十餘人營官守備蕭捷三頭面手足俱受燒傷楊載福等力前搶救矛刺一賊墮水焚悍者數舟眾賊乃撲水大潰自三更以後賊船逃竄一空我水軍既不放礮亦不揚聲惟各持火毬火蛋每隔一船輒擲一火凡行二十餘里至羅家墩地方將賊船千餘號悉數燒盡四更始行收隊臣國藩在鮎魚套與漢水中隔大別一山遙望火光自山後透出照見江中波紋盡赤屋瓦可數比二十一二十二兩夜尤烈也蓋緣漢水逼仄乘賊船擁擠喧亂之時而擊之又荆州陸路之兵兩岸被害之民亦乘間助而縱火即船戶被擄已久怨極思歸亦有自燔其船以逃者皆若與水軍聯為一氣是以二十餘號戰船用力甚少成功甚

多自有此戰襄河以內賊舟無幾更酌留船隻偏為搜剿從此
壹意東下無後路牽制之虞矣然臣等細察大局尚有可慮者
數端水師搶船太多私匿藏貨破城以後水陸弁勇各獲財物
頗有飽則思颺之意又以岳州酷暑苦戰保奏稍遲頗生缺望
時出怨言屢勝之餘志驕氣溢殊覺散佚暗伏挫敗之機此其
可慮者一也武昌竄出之賊臣塔齊布洪山截剿雖殲去四千
然逃者尚多漢陽竄出之賊則截剿無幾現在逃歸下游蕪黃
一帶尚有數萬自岳州以下直至金陵數千里久已淪為異域
小民劫於兇威蓄髮納貢習為固然雖經諭令薙髮而鄉民畏
賊之暴狐疑觀望崇陽興國蘄州黃孝等處亂民尤多設官軍

奏稿卷四

十

稍有挫衄則四面皆賊餉道易斷此其可慮者二也水陸兩軍
銀錢子藥絲綫皆取給於湖南此後去湘日遠不特餉項支絀
勢難長久接濟且千里以外轉輸尤艱軍火銀米一有缺乏軍
士潰散前功盡棄此其可慮者三也現在機勢大有可乘臣等
急思東下以圖克復沿江諸城然念三者步步艱難又不能不
熟思審度縷陳於
聖主之前所有水師續獲大勝并臣等籌慮各條恭摺由驛馳
奏伏乞
聖慈垂鑒訓示施行謹
奏

查明賊目殲斃狀及賊中各情片咸豐四年八月三十日

再逆首盤踞武昌以各衙署為行館偽文卷俱萃其中鄂省克
復後臣等將賊中往來稟牘彙查於逆謀頗得其詳內有偽東
王黃綾誥諭一幅查悉據守武漢之賊係偽國宗章以德石鳳
魁偽副丞相黃再興等前次犯岳之賊係偽國宗章俊石鎮崙
偽丞相曾天養偽承宣張子朋林紹璋等而惟曾天養為尤驍
悍調度皆出其手去年破田家鎮破蘆州今年破黃州堵城破
岳常澧等屬皆曾天養為一軍之主七月十八日城陵磯之戰
臣塔齊布怡與曾天養迎擊該匪直呼塔齊布姓名被親兵黃
明魁奮矛截斃立碎其尸餘賊大敗曾天養係廣東惠州人年

奏稿卷四

十

六十許猗髯深目威令素行於眾賊中善用兵者自楊秀清外
推曾天養為最伏誅後岳州之賊及武漢之賊為之茹齋六日
臣國藩在螺山時業已問之居民屢訊賊供俱與偽稟牘相符
臣等前奏言七月初六日水師哨官羅管全殺斃偽丞相曾姓
係據褚汝航來稟所云其實初六日僅奪獲曾天養座船及龍
冠黃袍等件十八日黃明魁始殲其人也曾天養歿後脅從者
始敢逃散數以萬計該匪關係賊勢盛衰不敢不聲名更正庶
將來編纂方略亦得據實備書再查逆書中除偽天王及偽東
西南北翼五王外又有秦曰綱由偽頂天侯加封偽燕王陳承
瑤由偽天侯加封偽豫王章俊章以德係章正兄弟石鎮崙石

鳳魁則石達開兄弟自水師前隊占據金口後韋以德即託故
先回金陵昨二十三日石鳳魁黃再興等開城逃走經臣塔齊
布截擊斃斃溺斃約三千人訊問撈救之幼童二百餘名內有
從金陵隨首逆來鄂者據供賊尸中凡手帶金鐲身穿黃馬褂
者即係偽國宗丞相檢點指揮之屬兵勇中先撈得金鐲七隻
越日往尋不知鐲出何口之手亦不能辨認也該逆初無逃意
二十一日偽國宗巡城猶殺絕城逃賊數十名在城頭望見官
軍戰船不避鎗礮直衝下游始驚顧失色二十二日見城外賊
營盡破賊船盡燒殺絕城者愈多而逃者愈眾遂相向號哭二
十三日卯刻開城向東南逃竄復恰與洪山官軍相遇故得聚

奏稿卷四

上

而殲旃據守漢陽之賊有偽丞相陸光祖不知已就戮否破賊
必先擒首逆我
皇上亦必懸念及此前奏未及詳備今既細究各情理合附片
奏聞

統籌三路進兵摺 咸豐四年九月初七日

奏為統籌三路進兵分別水陸先後直搗下游恭摺奏請

聖訓指授機宜事竊自武漢克復後襄河以內賊船焚劫殆盡
江漢一律肅清急應乘勝進剿查此次敗竄之賊脅從解散雍
髮乞命分途回籍者約二三萬人逃赴下游回踞舊巢再圖抗
拒者亦尚有數萬人南岸之難髮解散者為數尙少其回巢抗
拒者多集於興國州北岸之難髮解散者為數極眾其回巢抗
拒者多集於蘄州廣濟等處而皆以水次為老巢以舟楫為藏
身之固屢據探稟北岸之黃州府南岸之武昌縣均已收復自
巴河以下經田家鎮道士洑直至九江節節皆有賊船臣等現

奏稿卷四

上

與兼署督臣楊需商定三路進兵南路由臣塔齊布率湖南兵
勇進攻興國大冶等處北路由署督臣派令固原提臣桂明等
率各營兵勇進攻蘄州廣濟等處水師由江路直下楊載福彭
玉麟率前幫先發臣國藩督同李孟羣等率後幫繼進俟抵黃
州時與陸路北軍一會抵田家鎮富池口時與陸路南軍一會
北軍行至廣濟將入皖境再與署督臣商定行止南軍則須勦
辦九江後乃能渡江而北以圖疾搗安慶規復省會該逆擄掠
民船以數萬計經臣等一軍轟擊焚燒者不及七千各省官軍
焚擊者亦不過數千下游現存之賊船為數尙復不少九江以
下必當大戰數次臣等惟有激勵士卒步步整頓以期廓清江

面仰慰

聖懷於萬一所有統籌三路進兵情形謹會同兼署總督湖北撫臣楊需恭摺由驛六百里馳奏伏乞

皇上聖鑒訓示遵行謹

奏

硃批所籌甚是即照擬行欽此

奏稿卷四

十四

謝 恩仍辭署鄂撫摺 咸豐四年九月十三日

奏為恭謝

天恩再行歷陳下情仰祈

聖鑒事本月十一日准兵部火票遞到咸豐四年九月初五日

內閣奉

上諭塔齊布會國藩奏水陸大軍同日克復武昌漢陽一摺此

次運籌決策深合機宜允宜立沛殊恩以酬勞勩會國藩著賞

給二品頂戴署理湖北巡撫並加恩賞戴花翎欽此竊臣辦理

戎務過多功少屢次陳奏在案武漢克復有提臣塔齊布之忠

奮有李孟羣羅澤南之謀略有楊載福蕭捷三等之勇驚故能

將士用命迅克堅城微臣實無勞績至於縱火多順風之時西

岸得荆兵之助廿三勦洪山之賊廿四燒裏河之船事機之順

處處湊泊則由我

皇上憂勤所積默挽

天心非臣籌謀所能及尤無勞勩之可言荷

溫諭之褒嘉祇慚悚以無地至奉

命署理湖北巡撫則於公事毫無所益而於私心萬難自安有

不得不懔陳於

聖主之前者水師前幫業於初七日啟行沿途搜剿已過黃州

以下臣率後幫亦擬即日起行鄂垣善後事宜既不能一為兼

顧轉瞬出鄂入皖湖北巡撫之關防仍須委員賞回武昌此所謂於公事毫無裨益者也臣母喪未除葬事未妥若遽就官職則外得罪於名教內見譏於宗族疑微臣兩年練勇造船之舉似專為一己希榮徼功之地亦將何以自立乎上月謝

恩摺內申明前奏不敢仰邀議敘本月初九日奉到

硃批殊不必如此固執等因欽此臣亦知

聖主垂訓之殷恐微臣涉於好名之念臣更歷憂患屢經敗挫

又常奉

聖諭以好名為誠豈有漫不省察之理顧自維曩然素經遠縮符綬大義虧損何以臨民康熙間奪情之案李光地為彭鵬所

奏稿卷四

七

劾于養志為陸隴其所劾載在

國史慄然可畏揆之大防返之方寸均覺悚皇無已此所謂於

私衷則萬難自安者也臣與督臣楊需熟商恐出境在即關防

交替徒費展轉是以不敢接受仍由督臣將關防收存並籲懇

皇上天恩簡派賢員接任湖北巡撫以重疆寄俾臣得專力東

征感荷

生成實無既極倘藉

聖主如天之福此後期辦得手廓清江面不致隕越則微臣供

職之年尚富受

恩之日方長斷不敢矯情要譽上負

聖慈諄諄之訓所有微臣感激下忱並瀝陳辭免署撫各情謹

繕摺附驛具奏伏乞

皇上聖鑒訓示施行謹

奏

硃批覽朕料汝必辭又念及整師東下署撫空有其名故已降

旨令汝毋庸署湖北巡撫賞給兵部侍郎銜汝此奏雖不盡屬

固執然官銜竟不書署撫好名之過尚小違旨之罪甚大著嚴

行申飭欽此

奏稿卷四

七

陸軍克興國大冶水師蘄州獲勝摺咸豐四年九月二十七日
奏為陸軍分途大捷克復興國大冶兩城水師在蘄州大獲勝
仗恭摺由驛奏

聞仰祈

聖鑒事竊照水陸三路進兵業經奏明在案南路之師臣塔齊
布率湖南將弁十三日自鄂省拔營由武昌縣一路進剿大冶
之賊署湖北提督佈克慎副將王國才揀發游擊阿達春從之
以行候選道羅澤南亦於十三日拔營起行由金牛堡一路分
剿興國州之賊游擊彭三元都司普承堯等從之以行北路之
師副都統魁玉總兵楊昌泗等於十七日拔營起行固原提督

奏稿卷四

九

臣桂明已自楊店先至黃州水師前幫於初七日起旋二幫於
十三日起旋臣國藩於二十一日舟次黃州與北軍一會即飭
魁玉楊昌泗於二十二日西出蘄水進剿蘄州之賊此分路先
後進兵之大略也十七日羅澤南等由金牛堡進至大冶縣探
聞逆匪知官軍兩路進剿遂從田家鎮糾黨六千餘人半由興
國分抄大冶堵拒武昌一路官兵半踞興國州城堵拒金牛一
路官兵羅澤南等於二十日已刻馳抵興國境內之鹽埠頭地
方急截大冶賊黨歸路並禦興國之匪使不得合為一隊該逆
分三路來撲有眾約三千人黃旂徧野羅澤南等登山審視扼
僉非陣如不欲戰者然該逆馳下山岡由田壠進撲我師羅澤

南彭三元由田壠中路進攻普承堯由傍山左路進候選直隸
州李續賓由沿河右路進四面圍抄鎗礮刀矛並舉呼聲震天
殲其前鋒數人賊遂奔潰半棄軍械而走我軍追殺十里之遙
共斃賊三四百名生擒五十三名內有偽總制汪茂先偽師帥
二名旅帥四名兩司馬八名皆髮長尺餘立即梟示奪獲大小
黃旂六十餘面抬鎗鳥鎗百餘件馬十二匹子藥軍裝無算該
逆因我軍扼截要路不能前赴大冶是晚雜髮逃生者十之四
五餘多回竄興國州城二十一日五鼓羅澤南等派隊六成仍
分三路前進直薄州城城外盤踞之賊悉數狂竄飛龍飛虎偽
旗及軍械子藥皆委之而去官軍由南門入克復州城搜獲偽

奏稿卷四

九

知州胡萬智為賊中偽進士力守州城希圖再舉者供詞狂悖
至死不悔當即凌遲梟示復捕獲餘匪二十餘名就地正法該
知州保忠亦帶近鄉練勇回城會同安撫難民其大冶之賊臣
塔齊布於二十日由武昌縣拔營馳剿二十一日已刻抵大冶
城外之五里牌該逆約四五千人整隊來犯臣塔齊布率湖南
弁兵及阿達春等由中路進王國才等帶領雲南弁兵由南路
進佈克慎等帶領湖北弁兵在於北路埋伏該逆勢甚猖獗官
兵鏖戰逾時殺賊多名尙抵死抗拒臣塔齊布怒馬衝陣將逆
首立斬馬下中路之賊當即敗退左右兩路亦隨奔潰各路兵
勇及埋伏之兵乘勝施放火箭火彈燒燬賊營二座煙燄迷漫

詎料敗賊之匪拚死復來左路另有伏賊突起臣塔齊布正在
揚鞭督陣忽被數匪撲來刺傷坐馬幸親兵數人立前刺取伏
匪之悍者四路短兵相接賊復大潰尸橫遍野我軍由縣城北
關追出南關復分兵截賊之腰共斃賊約一千餘名奪軍械千
餘件騾馬二十七匹餘賊爭橋過河遠竄人數擁擠橋忽折斷
墜橋死者近一百人後至者為追兵所逼無路可逃至數落水
溺斃又千餘名與八月二十三日洪山追賊入湖層累踐踏大
致相似各營生擒逆匪一百三十四名因其擄掠姦淫肆毒已
久僅子梟首不足蔽辜臣令剜目凌遲以洩居民之憤此陸軍
二十一日同時克復興國大冶兩城之實在情形也各營水師

奏稿卷四

三

分紮蘄州上游之蒜花嶺道士泐潭源口一帶十八日探聞蘄
州賊黨窺我水軍深入距兩岸陸營在三四百里外希圖乘隙
乘撲我水師升用參將楊載福候選同知彭玉麟等會商定計
與其待賊至而迎敵不若及其未至而擊之遂於十九日督同
千總秦國祿等各帶長龍三板自蒜花嶺出隊行抵蘄州對岸
賊見我軍將近將船百餘號先行開出放礮迎敵並於高岸搖
旂開礮以護未開之船我軍奮勇轟擊該逆船勢不能支即行
下竄我軍分戰船一半追赴下游適至距田鎮十五里之骨牌
磯先後燒燬三十餘號賊斃無數其一半則攻擊未開之
賊船該逆轟礮火抵死抗拒岸上賊復開礮助之子如雨下

我軍習戰已久俱以避子為恥愈擊愈奮自午至酉酣戰數時
始將未開之船六十餘號一概燒盡轟斃逆黨甚多北岸陸軍
未到州城未能即復收隊回營時已五更計奪獲旗幟鎗礮共
數百件而陣亡受傷者亦不少此水師蘄州獲勝之實在情形
也伏查鄂省逆匪以興國崇陽兩處之賊為最兇悍自去年田
鎮失防興國大冶該逆久已踞為老巢上達崇通下達九江製
造子藥嘯聚黨羽皆以興國為總匯之所該逆聞七月在鄂城
開科取士興國之人應試者最多是以臣等於克復武漢以後
即決計先剿興國大冶茲幸仰仗

奏稿卷四

三

尚復不少探得該逆畏南軍之勁從下游渡竄北岸於田家鎮
多築土城掘濠數重又以木簾橫截江面阻我舟師分賊數千
踞守蘄州城內亦於臨江一面築壘安礮拒禦水師臣塔齊布
督同羅澤南尚在南路痛剿餘匪臣國藩現紮道士泐相機審
度如果北岸之賊負隅抗拒仍當令南軍渡江會剿以期一鼓
殲除仰懇
宸廑此次水陸二軍分途獲勝克復堅城所有出力員弁兵勇
合無仰懇
皇上天恩准臣等擇尤保獎以作士氣其陣亡兵勇亦即查明
照例辦理所有陸軍分路大捷克復兩城並水師獲勝各緣由

謹會同湖廣督臣楊需恭摺由驛六百里馳奏伏乞
皇上聖鑒訓示謹
奏

奏稿卷四

五

擬先攻半壁山破賊橫江鐵鎖片咸豐四年九月二十七
正封摺間適接探報該逆於田家鎮江面橫安鐵鎖二道相距
約十數丈鐵鎖之下排列小划數十隻以鎗礮護之北岸築土
城多安礮位專防我軍戰船該逆屢次大敗之後而氣力尚凶
橫如此殊堪痛恨臣等擬先攻田鎮對岸之半壁山奪其要隘
則鐵鎖一岸無根當易拔去理合附片陳明謹
奏

奏稿卷四

五

陸軍踏破半壁山賊營水師續獲大勝摺咸豐四年十月初七日奏為陸軍踏破半壁山賊營水師續獲大勝恭摺由驛奏聞仰祈

聖鑒事竊水師在蕪州獲勝陸營克復大冶興國業經馳奏在案查逆黨全力占踞田家鎮自蕪州至該鎮四十餘里沿岸增築土城安設礮位江面用鐵鎖橫亘阻截舟師其南岸之半壁山富池口均令重兵駐守兩岸之賊舟楫往來我軍欲破田鎮必須先奪南岸上年田鎮失防因半壁山富池口為賊所據勢遂不支故南岸為必爭之地臣等在鄂省時已經籌及是以克復興國大冶後即定議占據半壁山富池口兩處臣塔齊布於

奏稿卷四

吉

二十八日自興國按營進紮富池口新授浙江甯紹台道羅澤南進紮半壁山是夜宿挑港初一早整隊進發羅澤南自帶湘勇九百合以游擊彭三元都司普承堯所帶寶勇九百各派七成隊為前敵而以三成護輜重居中升用直隸州李續賓帶湘勇九百以三成護輜重前行而以七成居後防賊抄尾已刻行抵馬嶺均距半壁山賊營二里見該處孤峯峻峙俯瞰大江與田鎮諸山相雄長上紮大營一座小營四座挖溝深丈餘闊三四丈不等引內湖之水環灌之溝內豎立礮台木柵溝外密釘竹籤木樁其堅固與前次花園賊壘相埒而地險過之羅澤南等登高審度形勢正欲紮營賊忽以數千人來撲其田鎮之

奏稿卷四

吉

賊渡江助戰者又數千人藏匿民房者亦紛紛突起約共萬餘人半壁山至馬嶺均湖汊紛錯惟兩隄可通行人我軍列陣以待擬俟李續賓到後開仗賊恃人眾遽來搦戰寶勇居左向前迎敵被害數名諸勇盡退羅澤南恐一潰之後不可復救自帶敢死之士數十人匹馬衝去奮力堵殺賊眾退歸隄北羅澤南復由右隄衝出殺賊數人藍翎千總何如海手刃偽丞相一名與六品軍功彭稱祥併力向前從左隄殺出斃賊數十名突被高阜之賊拋擲石塊擊中何如海額端登時陣亡彭稱祥趕救一同遇害左隄湘勇亦稍卻退羅澤南從右隄回馬衝入左隄督勇截住賊眾愈殺愈多礮子雨下火箭噴筒交集兇猛異常我軍進則賊稍退我軍卻則賊復前如此者數十次血戰三時之久賊雖屢挫尚拚死抗拒適李續賓帶湘勇後隊趨來救應軍氣益振羅澤南與候選知縣李杏春從左隄衝進李續賓從右隄衝進殲賊數十名賊眾大敗乘勝直逼賊營從木柵竹籤中踰溝而入縱火焚燒煙燄蔽空焚斃以數百計彭三元分途截殺普承堯亦從右均抄出圍住賊營各勇追至江岸賊即登舟我軍搶入舟中殺斃近千人江水盡赤覆舟溺斃者亦不下千人浮尸蔽江偽秋官丞相林紹璋被湘勇追至舟邊殺於馬下賊懼奔竄自將舟中槍斃四十餘名據供除林紹璋外又有偽將軍陳姓偽指揮彭姓及偽官十數名均已就戮奪

獲黃九百餘面馬三十餘匹子藥軍裝無算申刻收隊查明各
勇陣亡者計十三人此初一日陸軍羅澤南等在半壁山大獲
勝仗之實在情形也水軍自十九日戰勝後分紮漳源口之兩
岸與蘄州賊船相距二十餘里二十九日辰刻澄海營營官白
人虎定湘營營官段瑩器駕戰船十餘號往下游巡哨風平水
濶忽近蘄城該逆猝出船百餘號圍擊澄海營被燒船一號被
擊破一號我軍小挫一面迎敵一面轉舵回營該逆見官軍卻
退遂乘東風大作飽帆來追凡尾追十餘里乘勢上犯直近老
營左營彭玉麟右營楊載福親往救應中營秦國祿清江營俞
展嚮導營孫昌國各率快蟹長龍等大船盡出逆風開鎗排轟

奏稿卷四

而下哨官任星元李陞元鮑超等傍南岸而行衝至蘄州以下
之釣魚台先包賊尾然後逆擊而上將賊船裹入中段該逆先
乘順風上犯倉猝不能退轉又見官軍上下圍抄遂紛紛棄船
登岸我軍自上而下者攢礮以轟登岸之賊自下而上者縱火
焚釣魚台之賊船是日上犯之船悉數焚奪無得脫者計延燒
賊船近八十號奪獲賊船大小四十六號巨礮六十三尊抬鎗
烏鎗旗幟號衣子藥偽書無算白人虎因初時小挫後得大勝
憤極戀戰戍初猶未收隊被岸上之賊以抬鎗中傷額角即夕
殞命當逆船來犯時陸賊千餘人亦沿岸上撲護衛水師之陸
勇先派八十餘人放哨突遇賊至鼓勇格鬥傷亡十餘人各營

始出隊救應前任江西巡檢石熾然偕浙江監生徐國本急稟
請親勇十餘人奮往助陣石熾然刺倒大旗賊目復手刃六賊
乘勝進追樹林內伏匪突出石熾然徐國本同時遇害賴大隊
前往救應水軍復向片量擊始將陸賊擊退此二十九日水軍
先挫後勝之實在情形也初一夜該匪乘北風甚勁前來驚我
水營以小划十餘亂拋火毬而於北岸施放火箭臣國藩以黑
夜風厲一經開動必至自相撞擊急傳令軍中日船不開動者
該哨官立即奏保其開動者立即責革各營堅壁不動手持水
罉見火毬落船即時撲滅該逆射火箭數百枝僅燒一船餘俱
無恙次日查明開動之船僅十餘號此外皆堅坐不動此初一

奏稿卷四

夜大風驚營之實在情形也伏查該逆自武漢敗竄即全數防
守田家鎮蓋以南岸之大冶興國北岸之蘄州廣濟向為眾賊
之淵藪而田鎮與半壁山又實為天然之關隘故上游之賊併
萃於此復自下游江皖糾集滿髮老賊來此拚拒阻我東下之
師現在鐵鎖尚牢繫江心兩岸賊眾尚近四萬計日內必須大
戰數次臣等謀定後發斷不敢稍涉疏虞此次與該逆爭此關
隘幸仗
聖主天威水陸獲勝所有在事出力員弁兵勇仰懇
天恩容臣等酌量保獎以示鼓勵至陣亡各員除白人虎另片
請卹外藍翎千總何如海自岳州以來身經數十戰爭先陷陣

奮勇被戕合營皆為痛哭克復武昌案內擬保守備尚未出奏
應請從優照守備例

賜卹前任江西馬營司巡檢石熾然膂力剛強膽勇俱壯因眾
寡不敵遇害碎首屠腸死事最烈應請

飭部議卹監生徐國本襄辦營務明敏勇敢武昌案內擬保從
九尚未出奏此次助陣捐生口首無獲合無仰懇

聖恩即照從九例議卹藉以昭激勸而慰忠魂所有水陸大捷
各情由謹會同湖廣督臣楊需恭摺由驛六百里馳奏伏乞

皇上聖鑒訓示施行謹

奏

奏稿卷四

奏

請飭江西開局製造火藥鉛彈片 咸豐四年十月初七日

再臣等軍中所需子藥前後用至數十萬斤之多概係湖南省

局支應不特撫臣等竭力籌解即委辦後路糧台之保升道員

裕麟保升知府厲雲官等均能設法預籌或水路虞其阻滯忽

改陸路或前批尚未起行接辦後批委官委紳絡繹不絕實屬

勉力供支無誤要需惟目下全軍將出楚境距南省千數百里

江湖阻隔風信靡常此後殊難應手且南省供億經年力量不

繼亦賴協濟於鄰封湖北殘破之餘竟難措辦相應請

旨飭下江西撫臣陳啟邁遴委幹員籌款開局監製火藥鑄造

鐵子鉛彈由湖口運解出江就近接濟庶可無誤軍行俟江省

子藥辦成解到後即可漸紓湖南省局之力理合附片具

奏請

旨

奏稿卷四

奏

白人虎陣亡請卹片 咸豐四年十月初七日

再澄海營官白人虎籍隸華容剛正嫉惡本年三月十七日逆首王光鼎丁魁生等聚匪千餘人逐官踞城白人虎捐貲募勇與生員白明月等帶勇千餘往剿及賊戰於萬庚市殺賊七十餘名白人虎右髀受傷復手刃二十二賊遂乘勝收復縣城生擒匪目尹其正等追賊至石首縣境之招商河殲斃九十餘名逆黨恨甚旋於五月初二分三路悉數來攻眾寡不敵縣城再陷知縣宋昌期殉節義勇死者七十人白人虎遂赴荆州請兵偕李光榮黃鵬程等援石首並攻華容十二日白人虎先驅及賊戰於板橋殺匪千餘人再復縣城倡辦團練經荆州將軍官

奏稿卷四

三

文咨賞五品頂戴未知曾否入奏復剿捕巴陵陳家林土匪殺催貢之匪目楊大連易正清生擒王光鼎之父六月二十二日逆船二百餘號在九都焚掠復帶勇斃五百餘名燒船二十四號旋於華容石首監利三邑交界之塔市驛搜捕丁魁生家口殺之義聲所倡各團響應該縣雖數月無官合邑士民咸奉白人虎為依歸土匪終不敢肆虐即粵匪往來荆州岳州之間不敢多擾華容亦賴白人虎保護之力 臣國藩札調來營華容士民畱之嗣令其招集水勇修理船礮駐紮新灘口以防襄河之賊白人虎晝夜辛勤自家運米二百石以佐該營之用所得公項銀兩盡數分給士卒其義俠廉正均不可及 臣等方以國

士期之武昌克復案內擬保守備尚未出奏遠力戰捐軀深堪憫惜該營官歿後其部曲揮涕如雨皆思為之報仇其義憤亦尚可用合無仰懇

皇上天恩俯念該營官徒手倡義功在地方即照守備陣亡例飭部議卹以示

旌異而慰忠魂 臣等為激厲人心起見是否有當謹附片

奏

聞請

旨

奏稿卷四

三

劉若珪殉難請卹片 咸豐四年十月初七日

再臣克復武漢即派員查明殉難官紳下落據已革湖北鹽法武昌道劉若珪家丁趙升呈稱竊家主前在署黃州任內值與匪數萬來攻孤城無援遂至失守當經投環自盡被眾家丁扼救復甦時以苟延殘喘為恥鬱鬱不樂嗣經部議發遣因道梗難行粵匪復又上竄鄂省戒嚴奉崇巡撫札委巡守小東門夙夜在公不遑安息原冀戴罪自効稍贖前愆不料六月初二日省城再陷家主感憤愈甚即在蛇山望

奏稿卷四

三

鄉間昨大軍攻克武昌家丁趙回原寓查看家主尸身雖腐面日如生呈懇奏明請卹等因據此當即委員前往查驗無異仍飭妥為棺殮搬回原籍查革道劉若珪係前任大學士劉權之子由知府補授鹽道世受國恩自去年以來屢以前事為疚憤不欲生卒能一死殉城克完初志我

皇上表章節義凡獲譴之員但能遂志捐軀均獲加恩賜卹此外鄉紳義勇有因殺賊捐生者雖一命未膺猶蒙恩卹屢奉通飭欽遵在案今劉若珪引義自裁深堪憫惻合無仰懇

皇上逾格天恩飭部議卹以勵臣節而慰忠魂所有據呈請卹緣由理合

附片奏

聞請

旨

奏稿卷四

三

謝兵部侍郎銜 恩摺 咸豐四年十月初七日

奏為恭謝

天恩仰祈

聖鑒事九月二十七日准兵部火票遞到咸豐四年九月十三日內閣奉

上諭會國藩著賞給兵部侍郎銜辦理軍務毋庸署理湖北巡撫欽此竊臣墨經從戎毫無勞績前荷

恩綸昇以封疆重寄 臣因母憂未除義不忍違綰符綬且出境

東征於地方公務尤難兼顧是以具摺叩謝

天恩并辭巡撫之任迺前摺尚未賞到即蒙

奏稿卷四

奏

聖慈垂念

體卹周詳免其署理巡撫俾 臣內不虧於名義外得効乎馳驅凡私衷不敢上達之隱無一念不在

洞鑒之中感激涕零莫可言喻至頭銜之

寵錫尤慚悚之交增未展寸功叨司九伐責任愈重報稱愈艱

現在師抵蘄州水路兩獲勝仗又幸有半壁山之捷擬即將田

鎮老巢併力攻破以便直搗下游 臣益當慷慨誓師枕戈待旦

拯生民於水火紆

宵旰之憂勤以期仰答

高厚鴻慈於萬一所有 微臣感激下忱謹繕摺附驛叩謝

天恩伏乞

皇上聖鑒謹

奏

硃批知道了欽此

奏稿卷四

奏

陸軍奪半壁山斫斷鐵鎖水師繞出賊前摺咸豐四年十月十四日奏為南路陸軍大捷斃賊約萬餘人斫斷江中鐵鎖水師繞出賊前屢獲勝仗恭摺奏祈

聖鑒事竊前月二十九日水師獲勝本月初一日陸軍大捷業經馳奏在案初二日餘賊聚集湖汊扛抬賊屍忽出數千人搖旂搦戰甯紹台道羅澤南因各勇久戰力疲不令出隊臣塔齊布自興國拔營本與羅澤南分為兩路羅澤南西往半壁山臣塔齊布東往富池口初一日夜宿南村初二日行至軍山嶺值該逆分數股來撲隨督參將周鳳山等奮力擊退焚燒富池口賊營一座即在軍山嶺紫營與羅澤南之營相去十餘里中隔

奏稿卷四

奏

小河初四日臣塔齊布遣人搭造浮橋以通兩營之路羅澤南派隊接應橋尚未成忽逆黨千餘人阻遏渡處而江中賊船忽以數千人上坡排列半壁山之左北岸田家鎮之賊渡江者又數千人排列半壁山之右其占踞舊壘之賊亦皆搖旂出隊羅澤南急登高阜瞭望見偽官坐擁將台高聲發令龍旂黃傘氣餒甚張數路賊黨約共二萬餘人我軍以臣塔齊布之師無橋可渡僅羅澤南等湘勇寶勇二千六百人眾寡懸殊軍士懼怯臨時逃去三人候選直隸州李續賓遣人飛馬追回此三人者揮涕而手刃之慷慨誓厲人心始固羅澤南與眾將士約曰賊眾我寡當以堅忍不發勝之即督勇駐紮高阜之左李續賓駐

高阜之右游擊彭三元等排列江岸都司普承堯等排列馬鈴山左均防賊反奔賊眾屢次來撲我軍突起大呼衝陣連斃執旗賊目餘眾盡靡回奔半壁山舊營該處孤峯拔起惟後路有級可登前瞰長江下臨絕地我軍乘勝追殺飛上山巔逆黨無路可逃被斃千餘人從峭壁之上橫墜而下死者數千人宵石掛樹血肉狼籍餘賊奔江覓船我軍亦緣壁下擊呼聲震山谷有十餘舟因人數過擠自行沈溺有數十舟未及遽開被我軍躍入悉數撲水即已開之船亦戰慄不能鼓棹我軍復用火彈火箭縱橫延燒即合營之長夫餘丁亦各執械爭出或一人殺十餘賊平地血流崖有殷痕江之南岸水皆腥紅自湘潭岳州

奏稿卷四

奏

以來陸戰數十次未有斃賊如此之多者也該逆大敗之後賊船概歸北岸我軍將南岸賊營盡數焚燬遺壯士百餘縋崖而下將橫江鐵鎖六條竹纜七條盡行斫斷日暮收隊是日臣塔齊布亦隔港分擊斬獲頗多忽有賊千餘人自下游富池口沿岸而上冀抄我軍之後臣塔齊布親率將弁回頭截擊該逆敗竄江邊亦被我軍追逼溺斃百餘人與上游溺賊繼續而下前此閏七月初二陳陵磯之役八月二十三洪山之役九月二十一大冶之役皆以追賊落水溺斃甚多未有如此次之慘者也

是夕浮橋始成該逆經此大創猶復積憤思逞初五日復從田家鎮渡江來犯約三千餘人意圖搶過浮橋先撲臣塔齊布營

羅澤南李續賓由左路出半壁山下彭三元扼截江岸普承堯據守馬鈴山一路賊忽以千餘人搶踞山岡火毬連擲燒斃湘勇二名前隊盡退羅澤南奮力衝截李續賓由山坡抄來賊始敗潰乘勝追至江邊塔齊布亦已追至兩軍夾擊殺賊四百餘名溺斃二百餘名內有黃馬褂及黃龍風帽之賊四名我軍仍列隊江干以俟該逆見官軍盡赴下游遂開船百餘號從上游登岸轟擊意欲徑撲羅澤南之營幸彭三元等奮勇堵截添派三成隊登堤協勦該逆復揚帆上行數里至牛灌磯對岸盡擁上坡各勇亦沿江追擊數里羅澤南等復從半壁山下游趨

秦稿卷四

五

來接應斃賊數十名溺斃四五十名焚賊船三隻該逆始悉數敗歸此初四初五陸軍大捷斬斷鐵鎖之實在情形也訊據生擒賊供稱初四日登將台指揮者為偽燕王秦曰綱憤岳州武漢之敗率滿髮老賊新來扼守田家鎮初一日該逆泊舟彭塘觀陣見官軍數止五六千人意甚輕之初四日挾全力來犯冀以一股遏塔齊布之軍使不得渡以一股圍撲湘勇寶勇各營不期大敗初五日興憤極復仇之師思一股先攻下游誘我軍全隊下擊別以一股從上游潛渡撲營不圖屢戰屢敗從此賊計已窮不敢復窺南岸而半壁山遂為我軍所有矣水師自二十九日大捷後賊船灣泊蘄州城下以岸上之鎗礮護之我

軍屢次誘擊堅匿不出國藩與各營官熟商曰蘄州賊船不過百餘而牽綴我軍不得直攻下游初四初五半壁山大戰我水師不能前往援應此賊之詭計也我留水師之少半與蘄州賊船相持而以強半直衝下游與半壁山陸軍相合則不墮賊計之中而賊船裹在中段亦自無可逃矣初八日左營彭玉麟後營蕭捷三等因移營之便順攻蘄州之賊船轟斃數千賊尸徧地逆船堅伏不出惟岸上土城之礮與船上之礮兩層環擊與我相持官軍受傷亦多哨官蕭世祥中礮殞命鏖戰之際釣魚臺下有逆船數十號開竄我軍分船追勦拋擲火彈燒燬賊船二十餘號奪獲二號乘勝追下遂進紮骨牌磯衝過賊營之

秦稿卷四

五

下十五里初九日復用小划誘賊出戰而以大隊圍擊蕭捷三營燒賊船八隻各營共燒十餘隻賊舟仍堅伏不出然上下皆官軍戰船該逆船裹入中段大小不滿六十號萬無久駐之理遂以初十夜乘大風挂帆遁去此初八九等日水師疊勝繞出賊前逆船夜竄之實在情形也伏查該逆以東西梁山為江南門戶以田家鎮為安徽門戶併力與我爭此關隘等定計先奪南岸之半壁山次攻江面之船然後合攻北岸之賊茲幸仰託

皇上天威南岸業經奪取北兵不甚得力俟江面勦辦得手即當調南兵渡江會勦務期速破此關庶退可以固守兩湖進可

以規復江皖此次水陸慶戰將士用命應請立沛恩施以昭激厲候選直隸州李續賓手刃逃勇臨陣誓師有名將之風應請

記名以知府用並

賞加勇號升用游擊彭三元於全隊下擊之時獨能力堵上游偷營之賊進退有方應請以參將升用寶慶協都司普承堯以少擊眾膽力堅定應請以游擊升用先換頂戴其餘出力員弁兵勇仰懇

天恩俯准等擇尤保敘以勵戎行即補外委蕭世祥屢著戰功武昌克復案內擬保千總此次奮勇捐軀深堪憫惻應請

奏稿卷四

學

飭部從優照千總陣亡例議卹所有陸軍奪取半壁山水師疊勝各緣由謹會同湖廣督臣楊需恭摺由驛六百里馳奏伏乞

皇上聖鑒訓示施行謹

奏 硃批獲此大勝皆因汝等和衷共濟調度有方故能將士用命以少擊眾朕披覽之餘感慰莫能言喻仍另有旨欽此

覆陳不克隨時知照江南片 咸豐四年十月十四日 再臣於九月二十三日在黃州行營欽奉

寄諭著隨時知照江皖各撫及托明阿向榮等四路兜擊以期直搗金陵等因欽此自應欽遵辦理惟自岳州以下久為逆匪占踞軍中信息實有難於常通者臣國藩自辦理軍務以來於偵探文報二事亦嘗認真講求不敢稍涉疏忽在衡州時曾遣人探至安徽金陵一帶及至本年五月始歸又曾買船裝炭用重金雇人放至下游使賊擄去以探彼中消息前後放去炭船四隻共擄去二十七人現在逃回者止六人餘或業遭殺害或杳無音信至遣人專探賊情亦多遇賊被害或被官兵盤擊或被鄉團捆獲皆因口音不符即示以護票而不見信前遣三人至江西即被高安縣鎖擊昨遣四人至安徽又被英山縣鎖擊雖經飛札飭放而橫被拘戮者尚多所遣探卒現有數人未歸此偵探之難也武漢未復以前營奏報均專差送荆州交驛三月內遣外委劉培元送摺赴荆歸途被賊擄去兩月始獲逃歸嗣遣外委陳金龍赴荆復被土匪攔搶行李川資僅以身免凡被賊州縣驛站俱廢往往迂道數日中途忽又折回八月初四日克復崇陽二十四日大燒襄河賊船相去將近一月而報克復崇陽一摺與督臣楊需報襄河燒船一摺同日奉到諭旨緣一由楊店發行一由金口送荆州轉遞遂至遲速懸殊

奏稿卷四

學

諭旨緣一由楊店發行一由金口送荆州轉遞遂至遲速懸殊

此文報之難也至與長沙通緊要文件均須專差前往即與半壁山陸營通信所過之地居民尚著髮盈尺使者疑畏動輒迂迴數日目下臣營摺報仍須專人送至漢口方能交驛臣等深慮奏報不能迅速上塵

聖慮然道途多梗辦理實形踟蹰至與金陵揚州各營通信則須專差赴江西轉由浙江繞道前進動須數月之久前聞粵省紅單船已至東西梁山不勝欣喜頃聞忽又折回江浦為之疑慮屢經查探終未深悉其詳合無仰懇皇上天恩凡江南揚州各營現在情形及紅單船現泊何處飭令軍機處於

秦稿卷四

望

諭旨交寄之便隨時示知一二其安徽廬州等處臣即廣遣差探時通消息以期無誤軍事所有江南不克隨時知照情形理合附片陳明謹

奏

官軍攻破田家鎮燒盡逆船收復蘄州摺咸豐四年十月二十一日奏為官軍大破田家鎮賊防燒燬賊船四千餘號田家鎮及蘄州兩處之賊悉數潰竄恭摺馳奏仰祈

聖鑒事竊官軍與逆賊力爭田家鎮一關初四初五等日陸軍大戰斫斷鐵鎖奪占南岸業經馳奏在案該逆安置鐵鎖之法與吳人成法不同吳人於兩岸鑿石穿鐵江中無物承之故一處鎔斷全鎖皆沈該逆則節節用小船承之中用木簾三架承之船與簾之頭尾皆用大錨鉤於江底鐵鎖四道橫於船簾之上以鐵碼鈴之故雖南岸斫斷一節而其餘數十節仍牢繫如故自初六以後該逆復將南岸一節續行鉤聯於半壁山下簾

秦稿卷四

望

上安礮船上置鎗以防我舟師之進逼簾上鋪沙船中貯水以防我火彈之延燒自鐵鎖以上皆賊之戰船大小約三四十號自鐵鎖以下皆賊之民船灣泊約六十里大小約五千號亦時放鎗礮以助聲威其北岸則於田鎮街外築一土城長約二里街尾為吳王廟賊營一座繫鐵鎖北岸之根偽燕王秦日綱駐其中街之上為老鼠山賊營一座又上為磨盤山賊營一座又上為牛肝磯賊礮台一座自牛肝磯下至吳王廟長約六七里皆密排礮眼向江心轟擊全力以防舟師南岸自初四初五大敗之後不敢復於半壁山上紮營僅於山下十里富池口紮營三座以護下游之賊舟此該逆設防之實在情形也我軍戰船

自初九日進紫蘄州之下十二日遂進紫見峯背去田家鎮僅九里右營參將楊載福左營同知彭玉麟等密登南岸至塔齊布及羅澤南營內共商大舉破賊之策楊載福彭玉麟歸船傳知各營官哨官曰明日破賊當分戰船為四隊第一隊專管斬斷鐵鎖凡炭鑪鐵剪大椎大斧之類皆備第二隊專管攻賊礮船與之對相轟擊第三隊俟鐵鎖開後直追下游大燒賊船第四隊堅守老營以防賊船冒死上犯十三日辰刻戰船出隊臣塔齊布督同羅澤南周鳳山等率陸軍六千人排列江之南岸以助水師之聲威該逆自牛肝磯礮台以下直至吳王廟盡銳抗拒千礮環轟子落如雨我水師第一隊哨官劉國斌萬瑞

奏稿卷四

四

書等循南岸急槳而下一礮不發徑赴半壁山下鐵鎖之前賊以礮船開近救護我軍第二隊環圍擊之燒其快蟹船二號該逆不敢復護鐵鎖劉國斌等推斷船上之鐵碼船即自鎖下抽出哨官孫昌凱繼以洪鑪大斧且鎔且推須臾鎖斷各三板飛槳駛下該逆見官軍衝過鐵鎖驚顧失色即時旂靡眾亂籬上放礮之賊已駕小划而遁下游賊舟倉皇揚帆下竄我軍三板追及縱火焚之揚載福等先夕與各哨官議曰先燒在上者則在下者開竄遠矣不如窮追數十里從下游延燒而上至是各哨船梭穿於千百賊船之中迅如飛鳥礮聲雷動申酉之際追至三十餘里之武穴地方乃縱火大燒煙燄蔽天仰託

皇上威福

蒼穹默佑是時東南風大作賊舟不能下行紛紛撲水號哭浮沈昏懵無知或反攀戰船求救輒被官軍刺斃或緣登賊舟賊亦抽刀斫之不能相顧其悍賊開駕下竄或被勁風吹還撞近南岸陸路之軍又從而縱火焚燬其火藥大船最多往往衝入重霄碎板亂飛當水軍衝過鐵鎖之時臣塔齊布即督飭陸軍從半壁山飛馳而下呼聲震天與戰船礮聲相應將近富池口賊營二三里該逆并不抵敵出營大潰尙有二三百人逃竄不及者全數追逐落水陸軍與水勇爭前刺殺縱火燒其營盤自半壁山以至富池口中間沙洲數里前此初四初五之戰尙有

奏稿卷四

四

千餘賊屍未收至是焚溺半死之賊復混雜於沙際水濱殘骸堆積斷肢漂流目不忍睹楊載福劉培元洪定陸李成謀等見鄔穴以上焚燒略盡鄔穴以下尙有賊船復率十餘舟鼓棹窮追又三十里至龍坪時已三更凡燒船約四千餘號百里內外火光燭天皆該逆歷年所擄民船同歸浩劫揚載福至次日已刻始行歸隊以竟日不食積勞嘔血各勇奪獲賊船至五百餘號之多彭玉麟恐船隻太多爭奪貽誤又恐眾勇飽則思颺遂將奪回之船一并焚之臣等一軍陸路殺賊之多無過初四半壁山之戰水路燒船之多無有過於是日者該逆舟楫被燬無巢可歸無糧可食無子藥可用遂於十三夜四更自焚營壘而

遁此水師大破田家鎮賊防之實在情形也至蘄州陸賊雖與田鎮之賊爲一而兩路抗拒各有頭目踞田鎮之逆首爲偽燕王秦曰綱偽國宗韋俊等踞蘄州之逆首爲偽檢點曾鳳傳陳玉成等各有真賊數千脅從數萬田鎮之賊力爭南岸之半壁山南軍破之於前水師焚之於後蘄州之賊與北軍相持日久本擬調羅澤南渡江會剿因臣塔齊布兵力單薄未敢分兵北渡臣國藩屢飭魁玉楊昌泗等深溝高壘暫守而不主戰並飭署黃州府許廣藻等扼要駐守遏賊上竄之路又有南軍護衛水師之陸勇二千人亦飭扼守北岸爛泥灘一帶十二日都司楊名聲教諭唐訓方等率護水師各二千人移營柵欄山十

奏稿卷四

吳

三日田鎮鏖戰之時蘄州賊忽出數千人來撲楊名聲等督勇迎敵接戰逾時該逆忽從左側山後抄出一股各營驚潰陣亡四十餘人營棚被燬逆黨尾追水師戰船向岸開礮轟斃大旗賊目數名賊始退入蘄城十四日賊黨三千人復偷搭浮橋從牛馬坳來撲魁玉等各營別由東路菩提壩分股抄尾並撲至曹家河劫搶糧米營盤亦被焚燬楊昌泗等分途抵禦許廣藻李玉田等併力策應始將該逆擊退蘄州之賊兩次上撲北岸各軍向不知田鎮老巢已破逆舟已焚遂爾猖獗自恣旋聞下游大敗頓失所恃遂於十四夜三更棄城而逃竄往廣濟一帶此北岸官軍雖挫蘄州之賊聞敗逃竄之實在情形也伏查該

逆以田家鎮爲金陵咽喉并力爭此關隘臣等以南岸山高早經籌定先攻南岸次攻江面然後合攻北岸不圖鐵鎖一破焚舟數千不特田鎮之賊不戰自潰卽蘄州乘勝之賊亦膽破宵遁此皆我

皇上憂勤惕厲上格

天心故能使風伯助威祝融效命且大戰數日傷亡亦並無多等實念不到此現已飛飭水師全隊乘勝進攻九江臣塔齊布等卽日由陸路前進此次水陸將士非常出力應請立沛破格

奏稿卷四

聖

恩施以勸將來副將銜升用參將楊載福卽選同知彭玉麟共定四隊進兵之議眾船大戰條理不亂楊載福徹夜追賊勞苦此應請
記名以副將用仍加總兵銜彭玉麟將奪獲之船燒盡禁貪息爭紀律尤嚴應請
記名以知府用並
賞加勇號浙江甯紹台道羅澤南謀勇俱備奪占半壁山爲此次第一功績應請
賞加按察使銜保升游擊普承堯首先撲營應請
賞換花翎守備用劉培元守備銜千總秦國祿孫昌國外委洪定陞各帶本營戰船奮勇衝陣窮追下游四十餘里劉培元武

漢之役身受重傷擬保都司尙未出奏此次仍請以都司升用

並賞換花翎秦國祿武漢案內擬保都司尙未出奏此次仍請以

都司卽補並

賞戴藍翎孫昌國請以守備補用洪定陞武昌之役頭面受傷

擬保千總尙未出奏蘄州兩戰最爲奮勇此次請以千總卽補

加守備銜並

賞戴藍翎其餘出力員弁兵勇仰懇

天恩容 臣等開單保獎以勵軍心陣亡兵勇查明照例辦理所

有官軍攻破田家鎮燒盡逆船收復蘄州各緣由謹會同湖廣

督 臣楊需恭摺由驛六百里馳奏伏乞

皇上聖鑒訓示遵行謹

奏

硃批另有旨續獲此勝皆因汝等籌畫盡心朕甚廕念欽此

請飭各路帶兵大臣督撫擇要防堵片咸豐四年十月二日

再逆賊經屢次大創前後焚燬逆船約計萬餘號長江之險我

已扼其上游金陵賊巢所需米石油煤等物來路半已斷絕逆

船有減無增東南大局似有轉機然閱看賊中文卷並細詢逃

出各犯知其頭目傷亡者無多而兇悍亡命之黨爲數實尙不

少 臣等初慮江面不清或成割據之勢若勦辦得手又慮江面

一清或成流賊之患蓋水師一入皖境燬其舟次之巢穴失其

飄忽之長技分支四竄乃事勢之所必至 臣等一軍以肅清江

面直搗金陵爲主設該逆旁竄他縣陸軍竟難兼顧相應請

旨飭下諸路帶兵大臣及各省督撫擇要堵禦預防流賊之患

其不臨江之府縣或爲該逆盤踞官軍所必爭之地 臣等亦必

迂道往攻斷不肯舍難就易稍誤事機理合附片陳明謹

奏

水師前隊已抵九江片 咸豐四年十月二十一日

正封摺聞接據稟報水師前隊彭玉麟等十九日已追賊至九

江沿途續焚賊船百餘號九江城外已無賊踪城內賊亦無多

惟十三夜逃出賊戰船八號尚泊九江之北岸其田鎮蘄州之

賊概由北岸竄至黃梅孔壠驛一帶臣塔齊布於二十日率羅

澤南等渡江至田鎮巡北岸而下擬至九江對岸與水師一會

再行相機剿辦理合附片奏

聞謹

奏稿卷四

率

曾文正公奏稿

卷之五目錄

陸軍克廣濟縣水師九江獲勝摺

咸豐四年十一月初六日

固原提督桂明畱駐黃州片

魏作霖請卹片

陸軍雙城驛大捷克黃梅縣摺

十一月十一日

水師小勝竝陳近日剿辦情形摺

全日

羅澤南濯港勝仗片

官軍濯港大捷潯郡江面肅清摺

十一月二十一日

調胡林翼來潯助剿片

奏稿卷五目錄

水陸屢勝圍偏潯城摺

十二月初三日

潯城逆黨兩次撲營均經擊敗摺

十二月十四日

內河水師三獲勝仗摺

十二月三十日

水師三次獲勝兩次敗挫摺

全日

陸軍剿小池口賊竝陳近日軍情摺

咸豐五年正月初五日

大風擊壞戰船竝近日剿辦情形摺

正月初八日

潯城賊出撲營迎剿獲勝摺

全日

賊匪撲營官軍獲勝竝近日軍情摺

正月二十七日

陸軍克廣濟縣水師九江獲勝摺咸豐四年十一月初六日
 奏為官軍陸路在北岸蓮花橋大獲勝仗克復廣濟縣城水師
 在九江開仗獲勝恭摺奏仰祈

聖鑒事竊官軍大破田家鎮賊防收復蕪州業經馳奏在案該
 逆自經痛剿後蕪州之賊為偽檢點陳玉成等所統者竄踞廣
 濟縣城田家鎮之賊為偽燕王秦日綱所統者竄踞黃梅縣城
 及九江對岸之小池口等處而偽冬官丞相羅大綱又新自安
 徽帶滿髮老賊萬餘來援亦分布黃梅境內各要隘臣塔齊布
 督同羅澤南等陸軍自田家鎮全數渡江凡三日渡畢繞至蕪
 州二十五日進紮去蕪三十里之菩提壩二十六日羅澤南率

奏稿卷五

後隊亦至營壘未定賊黨已至蓮花橋距我師五里分兩路來
 撲臣塔齊布派參將周鳳山等為前鋒自帶各營為後勁由北
 路迎擊羅澤南列陣南路以防抄尾賊從北路沿途設伏以輕
 騎搦戰前隊交鋒賊即佯敗退至數里之遙伏賊突起蜂擁而
 來鏖戰時許前隊皆卻賊眾返追逾四五里勢甚兇悍臣塔齊
 布後隊踵至匹馬衝截陣斬大旂悍賊各勇始回戈向敵賊遂
 大潰我軍乘勝追殺百餘名忽北路之左又有賊黨埋伏冀圖
 抄襲臣塔齊布復督敢死之士移衝左路立斬黃衣騎馬偽官
 殲賊無數追不數里該逆又回頭反撲我軍愈進愈厲該逆仍
 不能支且戰且退先後擊敗三次羅澤南等在南路中隔山岡

行十餘里始聞北路開仗小挫急由山腰橫截而北正值賊眾
 大敗之時會合追剿追至二十里外之朱雲鋪聚木橋地方共
 計殺賊一千二三百名尸橫徧地是夜賊入廣濟五更候盡數
 逃竄遺棄米穀軍械無算二十八日官軍收復廣濟縣城嚴諭
 居民雜髮此陸軍大捷克復廣濟之實在情形也水師自十九
 日前隊已抵九江見江中之賊僅戰船八號惟兩岸營壘較多
 因駐泊二套口俟隙進剿詎該逆見官軍猝至兩岸營內賊眾
 頓集併力固守又自湖口趕來大小戰船堅守江面仍用陸路
 之賊穩護江心之船南岸則郡城老賊與湖口賊營相通北岸
 即小池口秦日綱與羅大綱之黨所共踞守者也二十五日營

奏稿卷五

務處李孟羣偕各營帶船進剿履勘形勢見南岸九江城外設
 礮台三座附城泊大戰船六隻雜船十餘隻北岸小池口賊營
 三座礮台三座江心沙洲營盤一座高建望樓密排礮位洲尾
 有巨艦橫亘數十丈攔截江面上環木城安礮兩層以大戰船
 數隻雜船百餘隻護之我軍兩路進發南岸之賊開礮拒敵子
 飛過江我船衝出其下直向木城攻擊又循北岸鼓棹而還岸
 賊呼聲震天我軍若罔聞知雖眾礮雷轟往來自如凡斃岸賊
 百餘名申刻收隊此水師履勘賊營接仗獲勝之實在情形也
 二十六日李孟羣坐長龍船督陣協同後營都司蕭捷三中營
 守備秦國祿清江營州同俞晟等直抵九江城下城上賊搖旂

放礮傍岸賊船亦同時轟擊我軍冒險仍衝出下游回礮攻
礮無虛發賊眾紛紛墜水立焚數船該逆棄舟奔竄焚其快蟹
二隻雜船十餘隻岸上之賊猶據牆開礮我戰船沿岸而上轟
斃數十名始竄入城中李孟羣見南岸雖已得手而北岸沙洲
賊營甚固簞上之木城岸上之礮台傍簞之大船傍岸之小划
層層依護將欲攻奪其堅必須由下游兜剿而上乃復與各營
順流直下衝過七八里之遙始行急槳回攻該逆水陸攢礮子
落江心密如撒豆我勇受傷愈多眾船愈厲哨官蘇勝鄭沐等
由下包抄閔世慶等砍悍賊落水隨焚燒北岸賊船二十餘隻
惟快蟹屢燒不然黃正良躍入賊舟斷其柁槳猶復拚死不退

奏稿卷五

麥保擊斃黃衣賊目其陣始動眾賊紛紛向內奔走而木簞大
船之賊仍堅悍如故李孟羣移船親自往攻各哨隨之誓必奪
其大船眾礮對轟羣子亂落濃煙蔽江咫尺不辨旗幟一巨子
由李孟羣身旁飛過擊中親丁骨折旋又擊穿船板又中守備
何越斑右腳船多穿孔江波鼎沸各船始暫停以觀其變該逆
旋將大戰船開動下駛附以小划數隻我軍竟不能奪之也各
船衝下過遠者歸途單弱蘇勝中礮殞命鄭沐被戕落水吳隆
礮傷左腿李金樑三板被礮擊沈人船俱失各哨官憤極復力
進轟擊卒得追焚賊船七隻奪回一隻秦國勝至上岸與賊爭
拖一划人人奮怒如報私仇李孟羣因日暮戀戰恐有挫失飭

令收隊凡血戰四時之久燒燬兩岸賊船四十餘隻礮斃
水陸賊匪五六百名搶獲黃旗黃傘紅衣鎗礮子藥不計其數
而官軍傷亡亦殊不少此二十六日水師苦戰大勝之實在情
形也伏查該逆水中屢次大敗皆因民船太多被我燒燬頓失
所恃賊眾奔潰此次民船甚少純用大小戰船抵死抗拒又以
兩岸及洲中營盤木簞互相保護局勢為之一變欲攻江中之
船必先破北岸之賊欲攻北岸之小池口必先破黃梅大河埔
孔壠驛之賊臣塔齊布督同諸陸軍惟當攻克黃梅蕩蕩諸處
速至江岸與水師會合夾擊一俟剿辦得手再行渡江會攻九
江郡城此次水陸將士均極用命特懇

奏稿卷五

天恩容臣等擇尤保獎以示鼓勵守備銜千總蘇勝把總鄭沐
六品軍功李金樑由粵赴楚以來無戰不奮均屬衝鋒敢死之
士武昌田鎮兩案蘇勝擬保守備鄭沐擬保千總加守備銜李
金樑擬保藍翎外委今俱力戰捐軀深堪憫惜合無仰懇
皇上逾格鴻恩蘇勝鄭沐均准照守備例李金樑准照外委例
飭部議卹以慰忠魂其餘傷亡弁勇查明照例辦理所有陸軍
克復廣濟水師大捷各緣由謹會同督臣楊需恭摺由驛六百
里馳奏伏乞
皇上聖鑒訓示施行謹
奏

固原提督桂明留駐黃州片 咸豐四年十一月初六日

正封摺聞據報陸路官兵克復廣濟後於十一月初一日在離黃梅十五里之大河鋪地方大獲勝仗殺賊三千餘人蹋破賊營五座係逆首羅大綱之黨其開仗情形即日縷晰奏報現查黃梅縣孔壠驛及江岸之小池口悍賊尙多日內當有數次大戰臣等陸軍單薄惟當步步謹慎謀定後進不敢稍涉大意至固原提督臣桂明一軍臣國藩曾與督臣商定咨令桂明駐紮黃州以防賊由蕪水抄襲後路是以該提督未能同赴下游會剿緣奉兩次

諭旨垂詢謹附片陳明謹

奏稿卷五

五

奏

魏作霖請卹片 咸豐四年十一月初六日

再蕪州克復後據州判魏作霖之子候選訓導魏孝儒呈稱竊職父係四川成都府新都縣人由廩貢生歷任忠州學訓導復由海疆議敘選授今職於道光二十九年到任本年九月內奉魁都統楊總兵札委親赴各鄉勸捐兵米蕪州自被賊以後居民市肆焚掠已空惟職父素得民心採辦尙易大兵到蕪經月口糧皆其籌濟不期十月十四日解米回營值大股賊撲至卽與都司咸恆帶兵出禦至野塘地方職父奮力督勇殺賊二名該逆愈殺愈多我軍寡不敵眾職父身受矛傷被賊圍去執至蕪城先挖雙目繼以酷刑職父罵不絕口被支解而死十五

奏稿卷五

六

日賊退蕪民收拾殘骸代為殮厝時職亦奉委在鄉採買米石聞變痛不欲生籲懇據情轉奏等情據此伏查蕪州州判魏作霖由教職擢任州佐蒞蕪數載士民愛戴茲因蕪賊被戕慘遭屠戮實堪憫惻既據伊子具呈前情臣等覆查無異合無仰懇

皇上天恩 飭部議卹以慰忠魂理合附片陳明伏乞

聖鑒謹

奏

陸軍雙城驛大捷克黃梅縣摺 咸豐四年十一月十一日

奏為官軍在雙城驛大獲勝仗追至大河埔踏燬賊營旋在夏新橋大獲勝仗克復黃梅縣城恭摺仰懇

聖懷事竊照陸路官軍在蓮花橋獲勝克復廣濟縣城業經馳奏在案該逆以黃梅一縣為湖北安徽江西三省總匯之區必併力死守拒我東下之師偽燕王秦曰綱率田家鎮大股偽檢點陳玉成等率蘄州大股偽丞相羅大綱率安慶新到大股及太湖宿松小股皆集於黃梅一縣其守黃梅也不守城而守險不守一隅而分拒數處以萬餘賊拒江岸之小池口抗我水師以數萬賊據城西二十里之大河埔拒我陸軍以萬餘賊安營

秦稿卷五

七

北城之外以數千賊往來孔壠驛如游擊之兵與諸處相為聯絡賊營年二十以上者謂之牌頭二十以下者謂之牌尾十月三十日賊將牌尾送入城內牌頭悍賊盡圍大河埔營中大河埔凡立營五座其最大者二座一在龍頭寨山上一在古義豐縣廢城之南小者三座夾立於左右深溝堅牆木椿竹簽與田鎮相似臣塔齊布與羅澤南商用該處蓄髮之民直入賊壘探明情形三十日自廣濟拔營行三十里駐紮荊州鋪十一月初一日已刻進至雙城驛離大河埔十里許紮營擊獲賊探偽將軍蘇政春一名立予斬梟賊乘我軍初至營壘未定率眾來撲雙城驛地方中係田壠廣數千畝左右高峰森列賊分二路而

來用聲東擊西之法先以數千人排列於右路山巔搖旗搦戰復以數千人伏於左路山岡之下計乘我兵前進從後抄尾其由中路而進者亦分三路共二萬餘人漫山遍野旌旗蔽日臣塔齊布與羅澤南急登高岡審明形勢亦分三路擊之臣塔齊布率各標兵勇及湘勇右營左營居中路由以禦田壠之賊周鳳山彭三元等率道州勇寶勇辰勇出左路以防岡下之伏羅澤南率湘勇中營及湖北參將札拉罕等之兵勇八百出右路以禦山巔之賊右路賊吹角放鎗迭次進撲我軍以高阜難於仰攻按兵不動奮登山尖賊眾反在其下右路之賊先潰左路周鳳山等亦奮登山岡衝殺而出岡下之伏賊亦潰惟中路賊黨

秦稿卷五

八

排列溪岸死守不退鏖戰良久我兵勇躍溪而過刺取悍賊數人右路之追賊者漸繞出中路之後該逆知抵敵不住回旗狂奔三路分追呼聲震天追至十里之遙直逼大河埔賊壘其守壘之賊又從營內衝出抵禦敗賊亦回旗來撲我軍因逐北太遠隊伍稍亂羅澤南等令按旗少息待各路齊集大呼直前無不以一當百將賊營五座立時蹋破盡數焚燬煙燄迷天各路共斃賊約三千餘人生擒九十四名就地正法奪獲旗幟馬匹軍械無算該逆所聚之糧亦皆為我所有此初一日戰勝雙城驛迫至大河埔蹋毀賊營之實在情形也初二日雨雪不能進兵初三日由雙城驛拔營未刻抵黃梅城西四里之夏新橋駐

禁塔齊布與羅澤南率兵勇至城外周歷高岡審視形勢以定進攻之策黃梅城東南依山高峯排列一溪環繞城根西面溝港錯雜水深泥爛惟二橋可渡北面則高阜疊起有險可據為攻城必由之路賊於北門外紮大營三座牆壁堅固營外悉掘梅花陷坑深逾丈餘布以地雷竹簽冀陷我師其精銳萬餘人悉萃其中西門紮小營一座又拆民房磚石將城增高數尺滾木插石四面環布誓相死守以日暮不能進攻焚西門外小賊營而歸初四日辰刻派參將周鳳山守備李新華帶道州勇攻西門楊名聲呂克生黃玉芳等之勇助之塔齊布率撫協各標兵羅澤南率湘勇中左右三營彭三元普承堯等率寶勇

奏稿卷五

九

會攻北門恆泰札拉罕率湖北兵勇助之直逼賊壘因二橋逼窄過去恐為賊所邀截彭三元等列陣橋西以待塔齊布與羅澤南繞北面溝港之中擇潤處取道而入賊眾萬餘人排立營柵搖旂放鎗火箭疊施東北隅林中多設伏兵圖抄我師之後因與諸將議曰賊以逸待勞以高拒卑攻之未易得手須以前茅仰擊更番迭進俟其少疲後勁從而乘之可立破矣乃以辰勇湖北兵勇紮東北隅岡上防林中之伏而使各營迭進擊之鏖戰良久塔齊布督同候補知府李續賓先進逼賊木柵立斬大旂賊目數名羅澤南與蔣益澧帶湘勇中左二營隨進彭三元普承堯亦從西面越二橋而來呼聲震天地諸勇從柵

門冒險躍入縱火焚燒賊勢大敗辰勇湖北勇從東南而來道州各勇從西南而來是時魁玉楊昌泗亦率兵勇由大河埔繼進聞戰迅至以為後應四面圍剿賊見火起倉皇無計由營壘潰出墮入陷坑者以二千計坑固深峻又有木椿極銳我師從坑上刺之如刺死豚宛轉哀號鮮得脫者遂乘勝直逼北門城根城上之賊鎗礮齊開木石紛擲賊之緣城而走者反為所擊諸勇冒險追殺連斃千餘人口填盈溝水為腥赤城外餘賊悉奔赴城東南馬尾山城中之勢不能自固諸勇或肉薄而上或乘梯而登入城復殺數百人城內賊黨遂從小南門化龍門絕城而出亦奔東南山谷中當登城之時城上木石紛擲我兵勇

奏稿卷五

十

亦多傷亡塔齊布頭受石傷血流滿襟即補千總王映軫躍馬救護扶回營中王映軫被城上礮傷落馬匪黨執去立遭戕害諸將旋亦收隊不復窮追而賊黨已全數遠竄矣是夜塔齊布仍裹創巡行營壘以安士卒之心初五日偕羅澤南等入城安撫難民諭令薙髮此黃梅城西北大獲勝仗克復縣城之實在情形也現在賊之小股下竄宿松太湖其大股仍屯踞孔壠驛小池口以圖盡力抗拒我師國藩飛咨督臣楊需及提臣桂明即日整隊東來於梅濟交界之處擇要紮駐以堵西竄之路塔齊布頭傷已愈即日進擣小池口與水師會合先剿北岸次清江面然後渡江以圖攻克九江郡城此次官軍深入

賊地逆黨拚死來爭我軍以寡擊眾並不用虛聲奇計專以紮
硬寨打死仗為能士卒益加用命守備銜千總周文勝手執大
旗爭先陷陣殺賊最多應請以守備補用

賞換花翎補用守備余星元滕國獻每戰衝鋒不避矢石均請
免補守備以都司補用其餘出力員弁兵勇容等核實保獎
仰候

恩施臨湘汛把總藍翎升用千總王映軫屢立戰功田鎮案內
擬保守備茲因情切救援帶傷落馬被戕最慘仰懇

天恩即照守備例
賜卹以慰忠魂此外陣亡兵勇查明照例辦理所有陸軍連捷

克復黃梅縣城緣由謹會同湖廣督臣楊需恭摺由驛六百里

馳奏伏乞
皇上聖鑒訓示施行謹

奏

水師小勝並陳近日剿辦情形摺
奏為水師初一日開仗小勝並附陳近日剿辦情形恭摺具奏
仰祈

聖鑒事竊照前月二十五六等日水師開仗情形業經奏報在
案嗣據探報二十八日江西戰船在姑塘地方被賊撲營小有
挫失我軍水師防範愈嚴十一月初一日該逆用小划數十隻
及快蟹等船水陸并進前來撲營左營彭玉麟副左營劉培元
後營蕭捷三暨孫昌國段瑩器等出隊迎敵李孟羣駕長龍隨
後督陣該逆甚為洶湧兩岸賊巢並木簾大船三面礮子密如
驟雨復以小划往來江中欲圖抄襲彭玉麟等督勇圍攻轟斃

賊匪無數其小划敗退下竄其戰船亦收近北岸與陸賊營壘
相依護各哨官銳意欲奪其快蟹焚其木簾鏖戰三時卒不能
奪該逆兩岸礮台簾上木城攢礮相迎各營弁勇被羣子中傷
多人彭玉麟座船被礮傷者三名因鳴金收隊回營伏查我軍
初到九江之時僅見該匪大戰船八隻旋在湖口趕來賊船百
餘號我師兩次苦戰卒未能大挫因鋒皆因兩岸賊營太多水
陸依護抗拒甚力而我師與陸軍隔絕孤懸大江介處賊營之
中晝夜戒嚴該逆每夜以火毬火箭近岸拋擲連日雨雪交加
師船泊中洪則為風波所撼泊岸邊則為陸賊所撲故日來水
軍勞苦有倍過於田鎮以上者等細察近日剿辦情形有可

恃者數端而可慮者亦有數端凡覘軍事之勝敗先視民心之從違前此官兵有騷擾之名賊匪有要結之術百姓不甚怨賊不甚懼賊且有甘心從逆者自今年以來賊匪往來日密搶劫日甚升米尺布擄掠罄空焚燬屋廬擊碎釜缶百姓無論貧富恨之刺骨其自遭家難既有創深痛鉅之情其追溯皇恩遂有浹髓淪肌之感臣等一軍所到之處民間焚香頂祝夾道歡迎紮營之地或送新米或送猪羊蓄髮之民願為偵探願為嚮導賊匪雖嚴刑禁殺百姓不甚畏忌猶殷殷輸誠於官軍我

國家深仁厚澤二百餘年不當此大亂之後不知感人之深一

奏稿卷五

三

至於此臣等適逢其會而食其報而今年兩湖三江又皆年穀順成豐收三倍萬民樂業翹首望治視往年官兵過境無物可供買辦無人可為嚮導者氣象為之一大變此民心之可恃者一也此軍初起餉項支絀幾有朝不謀夕之慮自蒙我

皇上殷勤垂念

飭令湖南供支又

飭諭四川廣東協濟又

飭江西陝西籌解鉅款又頒發部監各照臣等所請者仰邀

聖慈俞允臣等所不及請者亦蒙

特旨飭催今湖南江西捐項日形踴躍陝西已解到六萬四川

又續報三萬前此之餉無欠臘月之項有著軍士有飽騰之象臣等鮮意外之虞此餉需之可恃者一也軍興以來多以意見不合將卒不和貽誤事機臣等一軍勇逾萬餘兵僅數百其管帶之員文職多擇取士紳武職多拔取末弁有夙昔之恩誼無軍營之氣習不特臣國藩臣塔齊布二人親如昆弟合如膠漆即在事人員亦且文與武和水與陸和兵與勇和將與卒和糧台官紳與行間偏裨均無不和全軍二萬人幾如家人骨肉之聯為一體而無纖芥嫌隙之生於其間此臣等秉承

奏稿卷五

四

聖訓和衷共濟亦可恃之一端也江西水師本可藉以協助臣軍頃據德化縣知縣稟報自前月二十八孤塘失和退紮吳城該匪水陸來撲江省戰船四十餘號盡被搶奪旂幟礮械皆為所有等情又據探報該逆在安徽仿照我軍船式新造戰船三十餘號意圖西上拒禦官軍等情該逆前次屢以民船致敗自至九江專用小划夾護戰船緊貼岸營臣等方反覆籌思不得所以破之之法今又益以江西搶去之船與安徽新造之船賊踪益增其氛益熾若使屯踞湖口梗塞於鞋山孤塘之間內窺江西外拒我軍地形險隘勢難遽下我軍與江西咫尺隔絕不能相通其可慮者一也陸路賊黨北岸固多而南岸亦復不少屢據稟報九江府城之賊出撲總兵居隆阿營盤湖口之賊分竄饒州臣等陸軍單薄在南則不能顧北岸渡北則不能顧南

岸即欲渡江亦須繞至上游迂迴百餘里三四日乃能渡畢而該逆愈剿愈多愈擊愈悍我師皆長征之卒無生力之軍轉戰千里筋骨勞困若更往來頻渡即令全不挫衄亦恐疲於奔命銷磨銳氣其可慮者一也軍事以練將為最要臣等一軍皆招選鄉勇本乏將弁苟有翹出之材臣等不惜破格超保儲為將領乃甄擇已久求其獨當一面者殊難其選求其雖遇敗挫仍能擋住者尤難其選今水師營中楊載福以積勞致疾何越珽以受傷出營陸路諸將亦皆勇多謀少設一遇敗挫無曉事之將領以擋住之則恐潰散而無以自立此又臣等隱以為慮之一端也目今之計惟有攻孔壠驛小池口之賊紮營江岸使

奏稿卷五

五

水師得所依護待督臣楊霈率師至黃梅後北路足資堵禦然後臣塔齊布與羅澤南全師渡江以圖攻克潯郡步步謹慎不敢稍涉疏虞以期仰副

聖主委任之意所有水師續獲小勝及近日剿辦情形恭摺附驛具奏伏乞

皇上聖鑒訓示施行謹奏

羅澤南濯港勝仗片

咸豐四年十一月十一日

正封摺間接據稟報羅澤南等於初七日由黃梅先行拔營行二十里至濯港地方適逆首羅大綱率賊眾二萬餘人撲至我軍分途迎擊大獲全勝殺賊一千四百名俟各營到齊後即當馳剿孔壠驛一帶除接仗情形另摺詳晰具報外合先行附奏以慰

聖廬謹

奏

奏稿卷五

十六

官軍濯港大捷潯郡江面肅清摺成豐四年十一月二十一日
奏為官軍在濯港大捷旋即攻破孔壠驛小池口賊營夜遁水師焚燬艫船潯郡江面肅清現在進扼湖口恭摺由驛奏聞仰祈

聖鑒事竊陸軍踏破大河埔賊營旋在夏新橋大捷克復黃梅縣城業經馳奏在案自我師北渡後該逆三次大敗皆偽燕王秦曰綱偽檢點陳玉成兩股居多其偽丞相羅大綱率安慶新到之賊尙盤踞孔壠驛小池口一帶與潯郡之賊對江而營使逆船得依岸久踞老我水師本月初七日甯紹台道羅澤南督同候選知府李續賓參將彭三元游擊普承堯等共四千人拔

奏稿卷五

七

營前進行二十里至濯港地方突遇大股賊二萬餘人由孔壠驛至時彭三元普承堯尙未齊集羅澤南登高審視自駐西岡令李續賓及教諭唐訓方等駐中岡候選從九蔣益澧等駐東岡濯港一小市東面為田壠廣千餘畝西面瀕池長數里水深岸峻池外多湖汊賊眾排立市北搖旗搦戰羅澤南自與此賊接仗以來專用以靜制動之法每交鋒對壘賊黨放鎗數次大呼數次而我軍堅伏不動如不敢戰往往以此取勝是日羅澤南仍飭諸軍堅伏不起相持五六刻該逆分一枝從田壠繞山撲我東岡之師一枝從湖尾撲我西岡之師而由中路進者獨多直逼岡前我東岡之勇一鼓而下斃大黃旗賊數名西岡諸

勇旋亦衝出西路賊潰分途追殺中路悍賊鏖戰良久前者已死後者不退東西官軍進至市前漸抄中路之尾賊黨始三路同潰追入濯港市內斃賊四百餘名逼溺市西池中者八九百人賊尸積累幾與半壁山相等其大股循市南奔逃我兵以眾寡難敵不欲窮追卓旂小駐賊輒回馬搦戰乃復追之又駐則賊又搦戰而又追之如是者四五次追至十里外之中路菴地方沿途斃賊百餘人其小股由湖汊之西逃者湘勇分數隊往追寶勇繼之追及數里有伏賊緣樹林中突出勢甚兇猛諸勇退卻陣亡三名李續賓等率勇由湖中橫隄抄過湖邊之賊又潰追殺百餘人共斃賊約千四五百人生擒八十五名奪獲旗

奏稿卷五

六

幟鎗械子藥無算該逆自孔壠而來中途猝遇我軍解衣出戰行李盡存市店既敗之後羅澤南等令堆積衣物悉數焚之故各勇一心追賊無稍遲者此初七日自黃梅拔營至濯港遇賊大獲勝仗之實在情形也初九日臣塔齊布冒雪拔營至濯港十一日雪霽進駐白湖渡借羅澤南親至孔壠驛附近審視形勢孔壠南通小池口東繞溪港西則稻田萬頃北去白湖渡十里長隄一綫兩旁皆寒流泥淖賊首羅大綱及偽丞相曾姓賴桂英等踞孔壠市中東面憑水為固西南北三面環築土城密安礮孔搭蓋望樓竹簽木椿密釘無間十二日我軍八千人全師進攻以北路單隄太窄不能布陣乃至烏魚金壠訪有小路

可繞賊巢之西南因商定列陣之法臣塔齊布帶各標及參將周鳳山都司李新華之勇從北路隄上入羅澤南帶湘勇中左右三營及參將彭三元游擊普承堯之寶勇教諭唐訓方之常勇從西南烏魚壩分路而入殺斃前隊賊匪數名追至孔壠驛賊見我兵三面環至負牆施放鎗礮如雨下其悍者出牆迎戰勢甚兇猛我軍奮不顧身一擁而前悍賊亦入牆抵禦木石紛擲鎗礮愈急我軍跟蹤乘之突入土城或不由牆門三四人以肩為梯互乘而入其尤勇者卓矛於地一縱躍入入土城者已多而城外仍合成長圍賊黨無處可逃偪入東面寒流泥淖之中溺死者以千餘計奔入市中被諸勇追殺者近二千人其

奏稿卷五

九

餘或匿民樓或緣登屋脊拋擲瓦片因縱火大燒街市煙燄彌天會西北風作孔壠市中數百家須臾灰燼諸勇環守賊眾鮮得脫者生擒長髮七十九名內有右副丞相余福勝一名總制陳姓雷姓二名師帥軍帥十餘名立予正法此十二日在孔壠驛大獲勝仗之實在情形也臣國藩以孔壠既破小池口之賊必不能支即飛飭水師進擊升用道李孟羣候選知府彭玉麟等於十四日卯刻進攻而小池口陸賊已於十三夜全數奔竄矣餘賊爭駕小划南渡我軍急起直追賊划駛近南岸岸上賊開礮護之中營都司秦國祿嚮導營守備孫昌國等衝煙進擊賊眾紛紛墮水擊沈賊划七八隻傍岸賊船恐被包裹開竄下

游我軍追擊轟燒數號見北岸洲尾大木簾一座賊船十餘隻遂回柁北攻簾上賊鎗礮齊施我軍冒死前進船上之賊先逃轟斃溺斃者約近百名哨官史久立劉瑞麟等截擊下游賊船使不得搶護木簾用火彈百餘乘風擲去立刻燔盡餘船皆燬復延燒洲上賊營一座遂縱火徧燒小池口陸路賊營煙燄蔽空彭玉麟乘勝追至新港又見大木簾一座賊船數十隻即揮旗圍擊南岸賊礮如雨各哨船雷轟而前斃黃旗賊目一名賊遂披靡簾上賊亦登划奔竄彭玉麟躍入賊簾奪獲大礮十三位尙有二千斤大礮不能移動遂縱火焚簾岸上賊疑立毒罵不能救護此十四日水軍焚燒船簾肅清潯江之實在情形

奏稿卷五

十

也臣國藩即於是夜泊紮九江城外十五日臣塔齊布亦至小池口水陸會合該逆於西門出數百人向江心施放鎗礮李孟羣飭前營廣勇二百餘人上岸追殺各戰船復轟礮助之賊始奔潰廣勇連擲火毬燒燬龍開河木城一座彭玉麟蕭捷三秦國祿劉培元俞晟等遂率大隊是日直下湖口至扁擔夾洲邊見有賊船大小四十餘號分途圍擊悉數燒燬並燒賊草棚二追及鄱湖匯江之所逆船悉泊湖口縣城下有木簾三座戰數十號民船近千號搶去江西之戰船礮位亦均攔截內河我軍驟至遂將民船數十號開出下竄我軍從中截擊燒燬十餘號賊皆撲水內有大紅船三號輜重山積概予燒訖各

營遂分泊口內並口外之梅家洲八里江等處緊扼要隘此十
五日水師獲勝進紮湖口之實在情形也連日據生擒之賊與
投誠之賊供稱偽燕王秦曰綱自黃梅大敗竄往舒城偽丞相
羅大綱自孔壠大敗即日竄至小池口率其死黨千餘渡江連
夜奔至湖口偽丞相林姓現踞九江與湖口相犄角將為死守
抗拒之計臣塔齊布於郡城上游渡江繞出南路羅澤南於郡
城下游渡江將圍攻東路水路扼截湖口務使賊所搶奪江西
船礮全數兜剿不許竄出大江免遺後日無窮之累三路痛殲
以期上復潯城下清湖口一制劇賊之命此次水陸兵勇廓清
摧陷轉戰無前補用守備朱南桂冒險衝陣連撲賊營應請免

奏稿卷五

五

補守備以都司補用都司童添雲每戰摧鋒不避矢石武漢案
內已保游擊此次應請以參將升用其餘出力員弁兵勇請由
臣等核明保獎仰候
恩施其陣亡兵勇查明照例辦理所有陸軍濯港孔壠連次大
捷水師攻燒燔船肅清潯江進扼湖口各緣由謹會同湖廣督
臣楊需恭摺由驛六百里馳奏伏乞

皇上聖鑒訓示施行謹

奏

訓胡林翼來潯助剿片 咸豐四年十一月二十一日

再等一軍陸路實尙單薄北渡則不能兼顧南岸南渡則不
能兼顧北岸曾經奏明在案屢欲添調兵勇然非實在得力之
軍則無益而反有損是以加倍審慎現在由小池口南渡上則
圍攻潯城下則剿辦湖口已屬不敷調遣而北岸宿望潛太等
縣尤須有得力之員協助方無顧此失彼之虞查湖北按察使
胡林翼識略冠時所帶之勇曾經訓練臣國藩前與督臣楊需
往返咨商札飭該臬司帶勇二千駐防田家鎮外助大軍之聲
援內固鄂省之藩籬中則搜剿匪黨以靖興治蕪黃之餘孽酌
留礮船以巡江楚接壤之河面該臬司接札後即馳至廣濟之

奏稿卷五

五

鄔穴籌議設防事宜鄔穴去潯僅九十里臣等現圍攻九江陸
兵太單因就近飛調胡林翼來潯助剿一俟克復郡城攻破湖
口再行飭回楚境駐防田鎮至北路黃梅太湖等縣鄂皖毗連
北通舒廬東接宿望必須有重兵分布查鄂省有副將王國才
都司畢金科樸實勇敢馭軍有法臣國藩咨商督臣楊需即酌
撥勁旅札飭該副將都司交臣等調遣擬俟鄂境肅清即由
塔齊布督帶出境東征至皖省各員查有池甯太廣道何桂珍
現帶勇千餘人督同革職知縣李沛蒼在六安等處防剿四品
銜臧紆青亦帶勇至霍山疊准袁甲三商開該道等齊集英山
侯臣等一軍入皖即可會合進剿等因在案今臣等攻破黃梅

已逾半月而何桂珍賊紆青等尙無來會之信現值剿辦喫緊
急須併爲一軍乃能呼吸靈通首尾相應擬卽就近札調何桂
珍李沛蒼賊紆青由英霍南出潛太併入此軍概歸臣等調遣
合無仰懇

皇上天恩飭諭鄂省之王國才等皖省之何桂珍等概入此軍
歸臣等調遣其所帶之兵勇由臣等簡汰分別辦理庶兵力稍
厚於大局更有裨益所有暫調臬司胡林翼來潯助剿及就近
添調鄂皖各員緣由理合附片奏

閩謹
奏請

奏稿卷五

三

旨

水陸屢勝圍偏潯城摺 咸豐四年十二月初三日
奏爲湖口水師屢勝破賊火船陸軍圍偏潯城焚躡賊壘並現
籌攻剿情形恭摺奏祈

聖鑒事竊陸軍在濯港孔壠連捷遂破小池口賊營水師肅清
潯江進扼湖口業經馳奏在案逆黨被剿後僞丞相羅大綱奔
踞湖口與現踞九江之僞丞相林鳳祥僞檢點林啟容等遙相
犄角牽制我軍其小池口敗賊由彭澤渡江繞道赴潯者約近
萬人增壘潯濠爲死守計湖口之賊自搶得江西戰船後聯檣
結筏攔截內河東岸爲湖口縣城依據獅子山連紮數營西岸
爲梅家洲連紮二營木城礮台緊相依護我水師左營彭玉麟

奏稿卷五

吉

嚮導營孫昌國等直紮湖口以內前營李孟羣後營蕭捷三中
營及各營戰船分扼由湖出江之口扁擔夾梅家洲及北岸之
八里江一帶層層關鎖如犬牙之交錯自十五接仗後十六日
李孟羣等復燒沿途未盡之船十餘隻各營均派三板進攻內
河逆黨水陸開礮抵禦鏖戰逾時之久焚其小划三十餘隻轟
斃岸賊數名十七日各營番休出隊岸賊轟拒如故我戰船衝
鋒直入擊斃多名燒燬賊踞民房十餘間收隊後仍泊原處是
夜賊於老岸添築土城二座洲尾添築一座又挖地窖藏人放
礮冀圖兩岸驚偏水軍十八日各營入口派流攻擊李孟羣率
二百人循大江南岸攻其新營其內河賊船泊於湖口城下者

擱淺不動惟岸賊開礮抵禦各戰船駛近岸左轟斃黃旗賊目一名一面排舟江邊開礮指擊一面派勇登岸助攻賊巢數伏數起爭先搶近遂燒焚其新營二座賊從地窖開鎗失火又燒傷數人時洲上一營之賊已經退走見我軍由後攻來復分途抵拒前營開放烏鎗斃賊十數名賊遂大潰洲尾之營亦燬忽有數賊跪地乞降我軍恐係詭計不令近前日暮收隊各營受傷者共十九人此十六十七十八等日水師屢捷焚燬賊營之實在情形也十九日卯刻河口左右兩小營賊忽撤退李孟羣派勇立將空營燒盡探係羅大綱查知該二營賊欲投誠故撤移城外賊營之後然賊黨中竟有棄械直奔軍船求救者概予

奏稿卷五

五

免死二十日夜二更後風順水流忽見上游火光衝天礮聲雷動該逆用小船百餘號或二三隻一聯或五隻一聯堆積柴草實以硝藥灌以膏油分十餘起縱火下放礮船隨之兩岸出隊千餘人呼聲鼎沸兼放火箭火毬時彭玉麟孫昌國兩營之泊內河者早經準備屹然不動李孟羣蕭捷三劉培元俞晟等各駕三板迎擊秦國祿段瑩器洪定陞等繼進撥開火路將已然之船用篙桿撐入中流向空瀾下我戰船反迎火光而上向岸賊開礮放箭之處併力攢擊斃賊無數且攻且追追至木簰之側忽又擁出火船數起火藥不時轟發我軍不為驚擾反疾趨而進燒賊礮船十五六號賊黨紛紛墮水隨火船同付東流當

賊放火舟之時天陰月黑三更後月明如晝該逆油葦之船與我軍焚賊之船火光照耀秋豪畢現賊黨計窮四更收隊我軍一無所傷此二十夜破賊火船百餘號之實在情形也陸路官軍自十五日與水軍會於小池口十八日塔齊布從上游琵琶亭渡江次日移營南門外適湖北按察使胡林翼帶勇二千人馳至分紮要隘二十一日羅澤南從下游白水港渡江以期上下夾擊是日辰刻該逆趁我軍尚未渡完突出數千人由北門及小東門分路來撲羅澤南一面派夫守護營帳一面列隊迎擊該逆揮旂搦戰分三起埋伏羅澤南督同候選知府李續寶從九蔣益澧等分途迎剿時賊眾我寡官軍殊死戰殪其前

奏稿卷五

五

鋒賊遂敗退伏賊繼進移時又敗羅澤南從寶塔灣進追沿途趕殺百餘名逼溺老鸛塘內者約二百餘名追奔十里之遙其接渡之戰船亦遂泝江而上向岸轟礮斃賊甚多軍功蔣昌梧係督臣楊需從漢川招撫者也久在賊中驍勇敢戰等語調來營自帶精勇百人矢志殺賊自効是日追賊尤奮匹馬衝突行在羅澤南之前焚燬城外賊營二座追及九華門門外賊營一座尤為堅固各勇大呼撲入拋擲火彈火毬斃賊無數逆黨奔竄聲若潰隄詎該逆暗埋地雷於營內延燒所及烈燄轟騰我軍之撲營者猝被燒傷十餘人敗賊之奔入北門者城內賊目持刀督截賊黨衝出各勇見我軍前隊被燒而賊眾回頭來

撲遂相率退奔蔣葛梧率精勇十餘急登小划被賊追擊落水各營驍將追賊最猛者陣亡三十餘人羅澤南見大勝之後有此小挫即勒馬小駐揮令在後者無許續追在前者無許再退且駐且戰回至岳師門外我軍退則賊復尾追我軍住則賊仍卻顧如是者數次羅澤南右臂及手指再受石傷力應諸勇衝進殲賊十數名賊眾盡靡乃從容收隊紮營白水港各勇忍饑塵戰帳房均未渡畢夜間雨雪交加多露立於風寒泥淖之中此二十一日湘勇渡河未畢開仗獲勝焚蹋賊營二座之實在情形也二十七日水師各營會合出隊舟抵湖口城邊見該逆於城下沙洲密排巨木橫繫後纜數道聯絡於對岸賊營之下

奏稿卷五

五

戰船數十隻排列纜邊開礮抵禦子如雨密各三板回舵收泊示之以弱別遣奮勇數舟衝入賊隊誘令出巢該逆開船迎敵各營遂揚帆疾進攢礮聚攻前隊三板衝過賊艦之前斫斷巨纜乘勢盡擊斃賊無數該逆力不能支紛紛擄水上岸各船追逼直抵南岸洲尾轟斃岸賊尤多賊遂棄營內奔惜陸兵未到未踰其營時上游忽有賊船救應依附營牆之下木解之旁鎗礮更密我軍從煙燄之中搶入迎擊斃賊約百餘名燒其戰船二隻賊始全數敗回傍晚收隊各營陣亡十餘名帶傷四十餘名二十八日各營仍復出隊岸賊見船至即走追殺多名逆船堅匿不出自此賊以舟師不敢拒敵夜夜以陸師千餘火箭火

毳大呼驚營我軍徹夜戒嚴不敢安枕此又二十七八等日水師慶戰之實在情形也伏查官軍自大破田鎮之後私擬九江一郡指日可破不料陸軍北渡掃蕩廣濟黃梅濯港孔壠一帶轉戰六百餘里奔馳二十餘日而九江湖口兩處之賊守備日固人數亦日增迨十四日水軍將潯城河下之船隻木簾盡數焚燬二十以後陸軍南渡四面攻圍而該逆尙能負固死守其堅悍兇頑實出意料之外連日陸軍攻城傷亡甚眾因攻具未備擬即先勦湖口孤塘之賊翦其羽翼水軍在湖口與賊相持李孟羣之意欲縱令賊船放出大江下游免其內窳江西分我兵力彭玉麟之意以爲賊奪江西船礮縱之出江其禍愈烈必

奏稿卷五

五

欲嚴扼此關聚而殲諸鄱湖之內俟陸軍到時再行相機辦理此次水陸兵勇冒險深入奮不顧身籲懇天恩由等擇尤保敘以固士氣藍翎千總曾獻成藍翎把總周福友藍翎外委羅嘉典追賊過猛力戰捐軀深堪憫惻應請飭部從優議卹以昭激勸而慰忠魂傷亡兵勇查明照例辦理所有水師屢勝破賊火船陸軍圍逼潯城焚蹋賊營各緣由謹會同湖廣督臣楊霽恭摺由驛具奏伏乞聖鑒訓示施行謹奏

潯城逆黨兩次撲營均經擊敗摺咸豐四年十二月十四日

奏為潯城逆黨兩次撲營均經擊敗官軍分剿湖口兩戰皆捷水師夾擊焚賊解船現仍併力攻剿恭摺奏祈

聖鑒事竊湖口水師破賊大船陸軍圍逼潯城焚踏賊壘業經馳奏在案潯城北枕大江東北有老鶴塘白水港西南有甘棠湖西有龍開河獨東南多山為姑塘入城要路臣塔齊布率各營扼駐其上該逆亦嚴防東南其瀕水之處率將各路挖斷其西門一路雖未挖斷而城外新壩築有大營一座木城數丈列礮三層倚龍開河以自固二十六日臣塔齊布親督兵勇及胡林翼之黔勇進攻西門逼近賊壘該逆設卡過堅大礮數十同

奏稿卷五

五

時並發我軍殊死戰傷亡甚多三進三卻相持四時不能攻入遂行收隊定議於本月初一日四面合攻臣塔齊布由新壩進攻西城羅澤南等攻東門胡林翼等攻南門別遣副將王國才帶舊勇七百人由舟次登岸擬由九華門掩入部署已定卯刻臣塔齊布師抵城西該逆連日夜加挖濠溝寬深各三丈有餘溝外樹立木柵眾礮齊放子若飛蝗我軍毫不畏懼三次撲柵欄斃賊十餘人柵地險而路曲難以仰攻參將童添雲攀堞而登被礮擊穿胸膛倒地各勇搶抬而出該參將自湘潭以來身經百戰每次單刀陷陣千人辟易諸將皆服其驍悍至是受傷過重合營氣阻延至初八日殞命游擊阿達春頸脖亦受鎗傷

各營過於勇猛陣亡十餘人帶傷至百餘人胡林翼羅澤南等之分攻各門者因城上鎗礮木石交施屢次搶登不能得手傷亡亦百餘人此二十六初一日陸軍血戰攻擣潯城未破之實在情形也臣等以江城窮寇死守我軍攻具未備不若舍堅而攻瑕因商派胡林翼羅澤南及永州府知府張丞寶候選知府李續賓等先攻湖口對岸梅洲賊營而調王國才及參將恆泰等由小池口渡江與南軍合營初五日胡林翼羅澤南等拔營前進王國才移紮臣塔齊布大營之旁恆泰及參將札拉罕分帶兵勇七百人尚在官牌夾江邊未移近大營也逆黨探知恆泰等人數單薄初六日寅刻突出二千人來撲孤營官牌夾

奏稿卷五

五

舊搭浮橋為我軍移營之用賊眾過橋而西恆泰麾兵力抵斬大旂賊三人自放火箭落橋東賊隊之中賊陣亂反奔恆泰過橋力追追及二里許賊見人數過少復挾大隊回撲我軍火包亂擲恆泰身面俱被燒傷猶負痛力戰且戰且退仍回橋西凡殺賊四十餘人是日移營城之東南與臣塔齊布等營相聯絡初七日逆黨四五千人分數股出撲王國才之營經王國才等擊退一股而賊來愈眾勢將不支臣塔齊布整隊往援陣斬約近百名賊遂分向城邊奔竄我軍鼓勇跟追直逼小東門城上鎗子雨集兵勇被傷數十人臣塔齊布坐馬受傷遂徒步督戰諸軍愈擊愈奮其進城不及之賊約百餘人盡為我軍所殲其

尤驍勇者從濃煙密子之中大呼躍入月城手曳一賊而出揮
刀斬之賊遂閉門堅拒時東北城隅尚有一股敗歸我軍從老
鶴塘突出截尾沿城趕殺約二三百名追至江邊臣國藩復飭
戰船向岸指擊斃逃賊百名尸橫徧地其自西城出者另有千
餘賊攻撲居隆阿江西營盤相持良久臣塔齊布飛飭副將周
鳳山等帶勇往援一律擊退斃賊二十餘名此賊匪兩次出城
撲營初六小勝初七大勝之實在情形也胡林翼羅澤南分擣
湖口之軍於初六日已刻行抵益山距梅家洲八里許梅家洲
之尾爲攔湖嘴江省內河出口之西岸也偽丞相羅大綱踞焉
湖口縣在其東岸偽翼王石達開自安慶統眾來援者踞焉該

秦稿卷五

三

逆懼我舟師進擊內河之船搜勦鄱湖之賊於口內紮大木解
一座小木解一座東岸縣外厚築土城多安礮位西岸立木城
二座高與城等礮眼三層周圍密排營外木椿竹籤廣布十餘
丈較之武昌田鎮更爲嚴密掘濠數重內安地雷上用大木橫
斜搭架釘鐵蒺藜其上我益山之軍駐營甫定派隊前進胡林
翼帶黔勇平江勇由洲東入羅澤南帶湘勇及唐訓方鄒壽璋
等由中路入李續賓張永實同蔣益澧等帶湘勇左右營從洲
西入賊眾負固不出憑牆施放鎗礮子如驟雨我勇伏地以進
逼近壘前去其竹木以水潑其地雷湘勇哨長葉楚南楊玉芳
黔勇哨長姜凌浩從竹簽木椿中踰溝而前直入賊營以路窄

人少葉楚南楊玉芳姜凌浩俱爲賊刃諸勇抱憤攻之愈力日
暮不願撤隊終以地險不能入初七日方欲進攻忽見梅家洲
賊七八千人分三路而進兩路列洲之柳林中一路由江邊繞
出益山石嘴以攻我營之左腋而大姑塘之賊又以四千餘人
撲我益山大營之背蓋欲誘我師進攻洲上而姑塘之賊得以
乘其後也胡林翼羅澤南等酌定以湘勇右營左營禦山後之
賊湘勇中營黔勇營禦洲上之賊賊之自獅子山來者勢甚凶
猛蔣益澧自執大旗向前抵禦以各勇未齊陣勢稍卻李續賓
率右營以進短兵截殺張永實從後督之斬悍賊十餘名山後
之賊大敗追至兜口湖賊復列陣以拒相持一時兩營分路圍

秦稿卷五

三

勦斃賊三百餘名賊乃大潰追奔十餘里沿途殺賊近百名至
小湖而止賊眾悉由湖汊淺處涉水而過諸勇有踰汊奪賊旂
幟者洲上三路之賊因見山後賊敗不敢前進羅澤南帶數百
人直逼壘前誘敵佯退數次而賊終不進未刻收隊此胡林翼
等分勦湖口兩次獲勝之實在情形也水師之在湖口者以內
河狹窄賊旂數十丈橫亘江心旂側有礮船旂外有鐵鎖籠纜
層層固護兩岸營牆百礮轟擊皆以堅守此旂百計攻之終不
能衝入旂內傷亡愈多軍心愈憤初六日聞陸軍一至卽出隊
夾攻彭玉麟劉培元孫昌國之紮口內者先抵木解之下前營
李孟羣後營蕭捷三及秦國祿愈晟段瑩器洪定陞等均從外

江進口攢礮環攻賊艦環以木城中立望樓亦設鎗礮計礮上與船中望樓與兩岸賊礮四發羣子噴落我軍每傷一人則拖入船艙進擊如故又傷則又入船又進如故終無一船退縮者將其鐵鎖箴纜立時斫斷哨官劉國斌一礮轟中礮上藥箱巨煙轟發響若山頽礮已燃燒過半而未燒之一面賊仍開礮不絕尤可異者望樓之賊屹立不動直待全礮火滿望樓傾倒始自投烈燄或沒身以緣礮底良久乃自他處旋波以出其狠忍如此我軍四旁長圍人持一矛專刺覺逃之賊礮上賊二百五六十名同歸一燼無漏網者礮後賊船時猶負固轟拒我軍分一枝抄出立燒大戰船六隻民船二十餘隻賊之登岸者被李

秦稿卷五

五

孟羣親兵截殺十餘名羅澤南之陸勇擊殺亦眾且放火助燒礮船水陸相輔是日血戰四時之久燒斃溺斃殲斃之賊四百餘名奪獲大礮十餘位生擒一百一十三名內有偽將軍梁國安偽總制熊長易偽司馬許學受偽總制熊廷詔陳經綸皆礮上賊目凶悍聚斃全軍為之一快此初六日水師攻破木礮賊卡之實在情形也伏查該逆上踞江城下踞湖口復分股盤踞大姑塘擾南康府城原圖牽制我師使江西與湖口不能聯合一氣臣等定議先攻湖口搜勦內河使鄱湖之賊舟悉滅則潯城之外援益斷今幸攻破木礮去此大害以後水師進攻或易得手此次陸軍攻城壘水師攻礮攻卡冒險摧堅受子傷

至四百餘名之多而氣不少餒藍翎守備劉國斌攻勦田鎮首先衝開鐵鎖擬保都司尚未出奏此次焚礮又係首先衝入身受子傷藍翎守備孫昌國隨同彭玉麟進紮口內第一幫屢次進攻身先士卒月餘不眠劉國斌孫昌國均請以都司即補並賞換花翎其餘出力將弁兵勇顯懇

天恩容臣等彙案保獎以固士心升用參將童添雲自隨臣塔齊布出征以來轉戰二千里無戰不隻身陷陣其胞弟在湘潭陣亡該將又因傷重殞命合營皆為痛哭應請

秦稿卷五

五

飭部照參將陣亡例從優議卹以慰忠魂把總葉楚南田鎮案內擬保守備外委楊玉芳六品軍功黃韻南武生陳烈田鎮案內擬保守備外委楊玉芳六品軍功黃韻南武生陳烈田鎮案

內擬保把總姜凌浩崇陽捕勦案內擬保把總均未出奏合無

皇上天恩葉楚南准照守備例議卹楊玉芳黃韻南陳烈姜凌浩均照把總例議卹以昭激勸其餘陣亡兵勇查明照例辦理所有兩次擊敗潯城之賊並湖口水陸夾擊焚賊船礮連日獲勝各緣由謹會同湖廣督臣楊需恭摺由驛六百里馳奏伏乞皇上聖鑒訓示施行謹

奏

內河水師三獲勝仗摺 咸豐四年十二月三十日

奏為內河水師三獲勝仗恭摺馳奏仰慰

聖懷事竊水師於十二日焚燒湖口卡內賊船乘勝衝入內河業經另摺具奏蕭捷三段營器等及各營長龍三板百二十餘號挂帆上駛行至大姑塘尙無賊踪即行宿泊十三日上至平鳳地方見賊戰船民船共二百餘號突起擊之該逆自恃在湖口卡內百里不虞我軍之猝至也大礮羣鎗抵死抗拒我軍先燒其民船賊陣既亂乃焚其戰舟凡焚船二百餘號奪獲三十五號奪礮七十餘位各三板自先日出隊小艇不便宿食至是始得一餐十四日該逆以前夕所搶我軍之船冒為官兵自湖

奏稿卷五

口駛上襲我內河之師輔以小划百餘號時蕭捷三段營器等已聞十二夜老營被燒之信矣因約各哨寂靜以待逆船撲近眾礮齊發羣子噴飛該逆立刻敗下紛紛梟水擊沈燒去小划三板共五十餘號追至湖口見該逆搭浮橋二道舊卡一道關鎖牢固勢難衝出收隊回泊大姑塘以上各營官以十三所搶民船恐其累重為賊所乘至是盡數焚之外既與九江大營隔絕內又與江省遠離銀兩子藥俱無所出不得已就取於南康十九日入至吳城鎮探悉逆匪由彭澤湖口而來者約有數千人竊據都昌縣城築城挖濠擄有大小船隻四百餘號停泊縣河裝載輜重二十六日水軍各營官在灌子口熟商以都昌既

有逆船竊踞倘我軍一出仍復滋擾轉不能一律肅清不如趁此時燒盡因派定三板划船四十餘隻營官蕭捷三孫昌國段瑩器賀虎臣鄧翼升親督之於二十七日五更即開行並派熟悉河路之翟秉懋前往指引是晨煙霧迷漫嚴戒各船不准放一礮出其不意突而襲之已刻抵都昌縣見逆船排於河面大小數百號黃旗飄拂該逆尙未驚覺各營蜂擁而前鎗礮齊施火毬火箭並發時值東南風頃刻之間火光貫日將逆匪輜重船數百號燒燬淨盡賊匪擊死者撲水死者不計其數生擒五十一名即時正法餘匪奔入縣城因無陸兵不敢上岸窮追師還路過雞公湖有小划船三百餘號各營官帶勇下水概行燒

奏稿卷五

盡免為賊有此搜剿都昌河內大獲全勝之實在情形也伏查水師自衝入內河日夜辛勤三獲全勝搜洗鄱湖支河勞勩可嘉然冒險衝入與外江水師相隔疏失實甚目下外江苦乏小船即擬趕添民划內河水師飭令決戰衝出兩面會剿以期力破湖口一關所有內河水師屢勝緣由謹會同江西撫臣陳啟邁恭摺由驛馳奏伏乞

皇上聖鑒訓示施行謹奏

水師三次獲勝兩次敗挫摺咸豐四年十二月三十日

奏為水師三次獲勝兩次敗挫恭摺仰祈

聖鑒事竊水師攻破賊艦陸軍在梅家洲獲勝業經馳奏在案
初十日胡林翼羅澤南等銳意欲攻破梅家洲賊壘負布袋囊
土人持火包一擁而前衝突於賊礮攢簇之間前者雖傷後者
猶進逼近賊牆超躍而入已入數十人矣拋擲火包誤傷同入
之侶以數人負送而在外者誤認為敗退適南頭一壘賊隊
衝出西路官軍相率退奔入壘者恐外隊挫失亦即退出奔潰
至三四里之遙始行卓旗駐立迴軍與戰該逆亦反奔我軍追
之更急殺賊三十餘人該逆遁入堅壘固匿不出水師自初六

奏稿卷五

七

日攻破賊陣後該逆連夜將大船鑿沈江心實以砂石僅西岸
畱一隘口攔以幾纜初十日陸軍攻壘之時約水師同攻此卡
彭玉麟孫昌國蕭捷三等督三板各船斬纜衝入焚其戰船三
十餘號民船三百餘號斃賊約數百名我軍受其隘口三面之
礮傷亡亦數十人十二日陸軍復攻賊壘攻逼終日以礮多壘
堅卒不能破水師復衝入卡內燔賊戰舟三十餘號民船約五
十號自是賊所奪江西戰舟焚燒略盡僅餘夾洲內十餘船自
湖口至姑塘四十里賊踪肅清矣此初十二日陸軍攻壘水
師戰勝之實在情形也營官蕭捷三段瑩器孫昌國等欲肅清
鄱湖以內遂乘勝追至姑塘以上從之者各營長龍三板百二

十餘號皆輕便之舟勇銳之士揚帆內駛日暮不歸詎料該逆
窺我軍小船衝入內河即出小划二十餘號突出卡外圍我軍
快蟹大船保升都司史久立首當其衝被圍良久船隻延燒力
戰死之是夜三更該逆復用小划三四十號攢入老營燒我船
隻兩岸賊匪數千火箭噴筒迷離施放呼聲震天我軍以內河
百餘小船未歸無以禦之被焚大戰船九號小者數號雜色坐
船三十餘號各勇狂於屢勝之餘變起倉卒快蟹長龍等船挂
帆上駛李孟羣彭玉麟不能禁止次日悉回九江大營臣國藩
聞信之下不勝憤懣戰船焚失雖屬無多而百餘輕捷之船二
千精健之卒陷入鄱湖內河業被賊卡隔絕外江所存多笨重

奏稿卷五

美

船隻運掉不靈如鳥去翼如蟲去足實覺無以自立副將楊載
福自攻破田鎮後即在武穴養病因飛調來營十七日力疾往
下游進剿行抵潯城十五里之張家洲頭賊船已分兩路上犯
楊載福派哨官張榮貴陳金龍等由新河下擊自率各哨由老
河下擊澄海營官何敦五亦由老河隨剿塵戰良久該逆敗退
下竄追至老灣其快蟹船貼靠北岸陸賊護之不能奪取礮斃
賊數十名我軍哨官沈光雲陣亡張榮貴等自新河下者遇賊
三板及小划約三十隻我軍九船勝之追至湖口縣繞出老河
與楊載福會合兩路凡焚船二十六號奪船五號四更收隊此
十二夜水師敗挫十七日進剿獲勝之實在情形也自十二夜

水師失利後賊之凶燄頓長梅家洲之賊夜夜往撲胡林翼羅澤南等營賴併力堅守得挫凶鋒湖口之賊渡江上犯紫營九江對岸之小池口二十一日臣等派副將周鳳山渡江擊之四更渡畢黎明開仗該逆猝不及防踏平賊營一座殺賊百餘江邊一枝追出街外堤內一枝因搶奪馬匹衣物爲賊所乘先勝後挫被追七八里之遙臣等酌商以水師既陷於內河陸軍復挫於小池口遂調胡林翼羅澤南二軍由湖口回剿九江二十五日駐紮南岸官牌夾是夜三更潯城與小池口兩岸之賊各抬小划數十隻入江乘月黑迷漫攢入我軍船夾內火彈噴筒百枝齊放右營被燒戰船一隻各哨慌亂挂帆上駛臣國藩坐三板督禁黑夜不許開船江闊船多莫能禁止該逆已用小划數十將臣坐船圍住管駕官廣東把總劉盛槐李子成監印官安鄉縣典史潘兆奎文生葛榮冊陣亡文案全失臣國藩遂飭各戰船與羅澤南陸營緊相依護而遣人四出追回上駛之船黎明陸續歸隊復將賊船追擊奪回船三隻此二十一日陸軍先勝後挫二十五夜水甯復挫之實在此情形也伏查水師自岳州以來屢獲大捷武漢田鎮聲威尤震自至湖口苦戰經月破艘焚船費盡氣力賊舟所存無幾詎意各營長龍三板過於勇鷲衝入內河竟夜不歸而外江老營兩次爲該逆所偷襲實堪憤恨皆臣國藩調度無方所致應請

奏稿卷五

奏

奏稿卷五

奏

旨飭部將臣國藩交部嚴加議處廣東保升藍翎把總劉盛槐保升把總李子成典史潘兆奎請交部照例議卹哨官保升都司史久立奮勇忠直爲闔營所推服請照都司例從優議卹候補把總李允升李選眾或中礮陣亡或燒傷殞命均請交部議卹藍翎軍功沈光雲田鎮案內擬保把總尙未出奏文生葛榮冊襄辦勞勩田鎮案內擬保主簿尙未出奏顯懇天恩沈光雲卽照把總例賜卹葛榮冊卽照主簿例賜卹其餘查明察例辦理除內河水師屢獲勝仗另摺奏報外所有水師三勝兩挫緣由謹會同湖廣總督臣楊霽江西巡撫

臣陳啟邁恭摺由驛具奏伏乞

皇上聖鑒訓示施行謹

陸軍勦小池口賊並陳近日軍情摺咸豐五年正月初五日
奏為陸軍渡江勦小池口之賊先勝後挫北岸賊蹤大股上竄
並陳近日賊勢軍情恭摺奏祈

聖鑒事竊官軍水師精銳二千陷入鄱湖以內被賊隔截及內
湖水師大捷外江再挫情形業經馳奏在案二十九日等以
兩岸之賊逼處水師新挫恐難自立商派李續賓蔣益澧等帶
湘勇一千二百人從二套口渡江攻勦小池口之賊辰刻渡畢
恐湘勇輾轉疲勞難以取勝羅澤南帶勇二百渡江接應塔
齊布自率親兵數十人已刻渡江督之李續賓蔣益澧從內隄
入逼近賊壘鏖戰一時殺賊十餘名前鋒衝入賊營忽賊隊從

奏稿卷五

營外一枝抄出蔣益澧左營卻退江邊之賊復出數千橫截我
師羅澤南從外隄往援將江邊賊隊衝退營內之賊愈出愈多
李續賓等內隄一支且戰且退塔齊布恰至躍入督陣湘勇
回戈擊賊殺賊目二人數次逼入賊壘以野曠賊眾該逆從遠
處大圍包抄我軍以賊數太多眾寡莫敵後隊旗靡前隊亦不
能按住陣脚塔齊布匹馬衝突羅澤南李續賓亦迴馬力戰
使悍賊不得窮追有黃馬褂三人各帶十餘賊直奔塔齊布
馬前羣矛攢搗塔齊布直前斫一黃馬褂賊落地而奪其馬
又橫突而西二賊目皆落馬餘黨始靡而大隊賊自內隄出者
尚窮追不止塔齊布念悍賊所以苦追者止欲得一人而甘

心也因麾令湘勇大隊沿江西馳而獨勒馬至北路鄉間自是
賊眾不甚西追羅澤南率湘勇收隊渡江餘賊北逐者塔齊
布間刺殺一二賊終不敢逼日暮後始渡江歸營此二十九日
湘勇北渡遇賊萬餘先勝後挫之實在情形也伏查等陸軍
在北則不能顧南岸在南則不能顧北岸久在

聖明洞鑒之中無如南岸潯城圍攻正在喫緊而北岸小池口
之賊相逼已甚不得已分渡南岸之兵擊北岸之賊士卒久勞
隔江遠戰主客勢殊眾寡不敵致二十一二十九兩次挫衄調
度失宜自憤自恨該逆自臘月十六日由湖口分支來踞小池
口二十五日大隊復至二十六日分千餘人上竄龍坪武穴二

奏稿卷五

十八日李孟羣礮船在武穴擊之又應勇登岸力擊斃賊數十
人餘眾敗回竟以三十日引大股賊三千人沿江上竄初一日
竄至武穴初二日至蘄州聲言直犯武漢至督楊需廣濟一
軍臘月十二及二十四等日兩次敗衄聞二十九日又被該匪
撲營兵勇紛紛逃至蘄州一帶道路梗塞屢次差探未確不知
督現駐何處黃梅廣濟股匪聞亦有四五千入上犯與沿江
之賊會於蘄州一併西竄目今局勢等一軍進止機宜有萬
難者不得不為我

皇上陳之該逆大隊上犯武漢鄂省兵勇難資抵禦意圖抄我
後路斷我餉道若據上游無數之民船搶漢鎮新造之戰舟梗

塞江漢之間則大江千里上下皆賊臣等水軍裹於中段錢糧子藥來源已截水勇之心斷難自固若果重踞武漢西窺荆襄南伺湘省防不勝防其可慮者一也若使臣等一軍回駐武漢則艱難百戰肅清江面一旦委而棄之實屬可惜且臣等水師西旋九江湖口之賊勢必內犯江西臣等此後軍餉更難仰給於江省且陷入內湖之戰舟百餘精銳二千從此斷難衝出與外江水師會合年餘講求練此精華一旦置之無用之地後日難以再振其可慮者二也陸軍屢勝之餘士氣極盛自至九江湖口攻城攻壘傷亡健卒多至數百人銳氣挫損若使壹意前進得勝仗數次尚不難於振刷精神再接再厲若使回軍武漢

奏稿卷五

臣

則兵勇之雄心先滅加以遠道跋涉消磨精氣雖認真振厲亦難作其方新之氣其可慮者三也臣等反覆籌思進退兩難現派李孟羣督帶礮船至黃州一帶跟追毋使上竄之賊擄船下水如果大股賊匪占踞武漢水師當全軍回剿陸兵亦當相機返顧進止機宜關係極大此後餉項設措愈艱惟求我皇上指授方略俾臣等得所遵循不勝迫切待

命之至伏乞

聖慈垂鑒訓示施行謹

奏

大風擊壞戰船並陳近日剿辦情形摺咸豐五年正月初八日奏為大風擊壞戰船飭令全數開赴上游並陳近日剿辦情形恭摺奏祈

聖鑒事竊江北賊匪上竄黃業經馳奏在案正月初二日臣等已飭李孟羣率三營戰船四十餘號回救武漢其大隊駐潯江者欲全回武漢則恐下游江面仍為賊有欲堅扼潯江則恐上游船少不敷剿辦正在進退兩難之際忽於正月初四日東北風大作巨波排擊終夜喧騰初五日早查點漂沈長龍三板二十二號擊壞十四號延至午刻又破壞七號其存者亦俱撞損漏裂柁折纜斷倉卒之間祇得將壞船委棄而令略好者七

奏稿卷五

臣

十餘號全數開赴上游直趨武漢名為速剿上犯之賊實則修整已壞之船臣國藩自二十五夜失去座船暫駐陸營本擬另辦一船督飭水師不圖逆黨上竄既不能不分軍回剿風波突起又不能不全往修理而自潯至漢數百里江面將復為賊所有曷勝憤懣細思臣等辦理錯謬之處蓋有二端武漢克復當畱重兵駐守並當畱戰船數十號以為後路聲援茲因江漢無戰船致該匪乘虛上竄其失一九江未破遽攻湖口冀通江西餉道弁勇冒險輕進致輕舟百餘號陷入內河一軍分為兩截外江無小舟內湖無大船頓形薄弱其失二至兩次被襲之後更遭大風壞船則又事機不順出於意料者也目前籌辦之法

謹條列具奏伏乞

聖慈垂鑒

一回救武漢之戰船前後共百餘號被風擊壞者多其完好可戰者約不過四五十號漢口若被賊踞則修整船隻當在金口以上臣國藩曾於沔陽之新隄地方設立船廠現已飛飭李孟羣彭玉麟等即在鄂渚紮營在新隄整船可以固荆湘之門戶可以剿竄漢之新賊第離臣大營太遠各船口糧銀兩及修整破船之費添造船板之資概無所出應請旨飭下湖廣總督湖南巡撫迅籌餉銀交李孟羣彭玉麟水營應用

奏稿卷五

五

一鄂省兵勇臬司胡林翼帶二千餘人經臣等奏調來潯會剿副將王國才帶三千餘人經督臣楊需飭令來潯會剿都司石清吉帶千餘人經督臣飭令在富池口設防均在南岸臣等聞賊從江北上竄之信即飛飭胡林翼石清吉先後回援武昌矣其王國才一軍俟江西借撥餉銀後探明鄂省確耗再定進止一水師陷入內湖者皆三板長龍輕利之船不便宿食不能紮營本擬俟春水生時即與外江水師併力攻出今外江船壞全回武漢則內湖須添造大船添募水勇各小舟有所依附乃能自成一軍回鄂省之師船有李孟羣彭玉麟經理陷內湖之師船無得力將領統之各勇聞老營被燒衣物全失如鳥失巢人

無固志甚不放心臣國藩擬親至吳城等處統轄此支水師重加整頓或竟至江省一次將造船添募事宜一一與撫臣陳啟邁面商妥籌仍回大營

一陸軍各營銳氣尙盛現在圍攻九江開挖地道人人踴躍用命若回軍武漢則雄心頓減銳氣銷磨以後斷難復振且湖口九江之賊皆將內犯江西有礙大局昨經奏明在案臣等定計月內設法破城一俟內湖水師整理就緒仍當鼓行東下直搗金陵該逆上竄武漢攻我之所必救也我軍下搗賊巢亦攻其所必救該逆縱復踞漢陽我軍亦不肯輾轉回顧聽其多方以誤我也臣等自誓有進無退區區愚忱實欲一雪積憤成敗利

奏稿卷五

五

鈍皆不敢計

以上四條係臣等目前辦法及將來定局是否有當伏乞

皇上聖鑒訓示施行謹

奏

潯城賊出撲營迎勦獲勝摺咸豐五年正月初八日

奏為賊匪出城撲營官軍迎勦獲勝恭摺奏祈

聖鑒事竊臣塔齊布陸軍自紮八里坡後日夜圍攻潯城逆匪堅匿不出我軍於東城外半里許潛開地道而令得力兵勇一百四十名帶同夫役二百名紮營其上別撥親兵百人往來巡哨本月初六日卯刻逆黨千餘人從大東門旁開洞門出城來犯逆首羅大綱從小池口率悍賊二十餘船渡江助戰一撲開挖地道之營一撲副將王國才之營我軍之挖地道者逆料賊必來犯密排鎗礮以待賊至寂然不動待其撲近營邊鎗礮齊發轟斃帶隊之黃馬褂賊目一名及隨賊數名餘賊仍抵死不

秦稿卷五

聖

退臣塔齊布親率寶勇及升用副將周鳳山之道州勇馳往應援衝殺十餘賊追至大東門逆黨半由洞門入城半即縋城而上被官軍鎗斃刺斃無數城上礮子如雨我軍亦傷亡十餘人遂繞城追至沿江一帶賊之分撲王國才營盤者兵分三路前來該營連環礮賊不敢逼逆黨遂以全力移撲周祿等營盤王國才飭都司畢金科帶奮勇五百人從後門潛出抄周祿營盤之左猝衝賊隊殺斃十餘人逆眾披靡適各營援兵亦至橫截之該逆腹背受敵狂奔不止我軍追至鎖江樓沿途趕殺適臣塔齊布亦從東門繞出併力追勦逆黨爭舟回渡人數擁擠翻沈四船溺斃近百人羅大綱從岳師門入城我軍奮追為城

上鎗礮所格午刻收隊計殲斃溺斃共二百餘名生擒二十一
名訊據供稱羅大綱原紮小池口屢催林啟容出撲官軍大營
林啟容懼不敢出羅逆遂渡江助戰約會城內之賊夾攻現在
敗奔入城等情查羅大綱兇悍詭譎因官軍堅扼潯城急欲來
撲經此次敗挫我軍銳氣愈振日內仍當激勵三軍併力攻勦
以殄兇鋒所有逆黨出城撲營陸軍迎擊獲勝緣由謹會同江
西撫臣陳啟邁恭摺由驛馳奏伏乞
皇上聖鑒訓示謹

奏

秦稿卷五

聖

賊匪撲營官軍獲勝並近日軍情摺咸豐五年五月二十七日

奏為賊匪撲營官軍轟擊獲勝並陳近日軍情恭摺奏祈

聖鑒事竊陸軍初六日獲勝水師被風壞船全數開赴上游業經馳奏在案臣等以潯城一面臨江兩面瀕湖惟東門有陸路可入逆賊負隅固守攻之不克因於東門外小嶺下紮一新營開挖地道冀轟破城垣詎該逆業已偵知於東門內深掘濠溝添築子城東門外增修木壘暗通城內自正月十四日以後日以賊千餘由木壘潛出撲我新營夜間復以火毬噴筒拋擲營前我軍穴地負土日夜巡防不勝其擾臣塔齊布與諸將熟商地道原以攻其無備今該逆築子城掘內濠備我甚嚴攻之必

奏稿卷五

完

難得手不若乘其屢來撲營設計陷之遂於十八日停工將新營器物夜中運歸伴以百人守之營內暗藏地雷火礮掩以茅草賊眾果於十九日黎明乘霧未收於木壘中出賊千餘人撲我地道新營又於小東門出賊二千餘人上平嶺冀撲副將王國才之營又於小池口渡賊二千餘人由城北寶塔嶺潛伏松林冀襲諸營之後其來撲我地道者猝抵營前守營之兵勇伴退賊眾突入營中擲火毬一時地雷火礮齊發燒斃賊匪二百餘人賊眾敗潰臣塔齊布督令參將彭三元都司周岐山率各營兵勇追襲其後復殺斃賊匪四十餘人其自平嶺來攻者王國才率四川練丁禦之浙江甯紹台道羅澤南遙見地道火

起帶領湘勇自東路直抵平嶺斃賊八十餘名安慶府知府李續賓自北路繞出平嶺之後斃賊七十餘名兩路夾攻將賊包入中段復殲斃數十名追至城根賊眾遁入木壘其伏於寶塔松林中者羅澤南分湘勇往撲斃賊目數名王國才川勇從而乘之斃賊百餘名松林之賊盡由老鶴塘奔入九華門三路共斃賊四百餘名生擒十二名以我軍尚未晨餐已刻收隊此地道停工設計陷賊大獲勝仗之情形也水師之陷入內湖者輕舟百餘精卒二千本向來所藉以衝鋒陷陣者也然三板小艇只利戰陣不便宿食皆另有座船以資栖止以備食具一旦與老營隔絕座船被燒舟勇露處半月饑凍備嘗自臘月二十七

奏稿卷五

卒

攻焚都昌賊船以後開赴江西省河撫臣陳啟邁給以口糧優以犒賞眾心始安繼聞外江被風戰船回鄂老營之相離愈遠內湖之軍心愈搖幾有潰散之虞臣國藩奏明馳至江省親自統帶而安輯之以三板艇不便宿食與陳啟邁商定將江省現造之長龍三十號先撥臣軍應用又慮春夏水盛江湖並漲非巨艦不足以壓浪而立營擬再造快蟹大船十餘號酌派員弁回楚續招水勇自成一軍先將湖內支河賊踪剿滅淨盡一俟鄱陽春漲衝出湖口擊破賊卡以期與外江水師會合夾攻此內湖水師重加整理之情形也湖北副將王國才一軍共三千餘人前經奏明俟借撥江西餉項探明鄂省確耗再定進止嗣

經探得湖廣督臣楊需於初五日回至漢口逆匪於初七日數百人竄入漢鎮臣等即飛飭王國才回援武漢又據探報逆黨勾結興國州匪徒復行滋擾並圖竄入江西武甯縣境內撫臣陳啟邁與臣國藩熟商王國才回鄂之師若取道沿江一路則賊卡太多而米糧不便若取道武甯山路則免其蔓延江境而繞出興國之背勦辦亦易復經札飭王國才由武甯興國勦洗同鄂此湖北來潯會勦諸軍先後旋鄂之情形也伏查臣等陸軍以轉戰千里往返渡江銳氣稍挫目今攻圍潯城除出隊接仗外臣塔齊布仍日日操練以期蓄養英銳振將乏之氣而使之作新水師一軍分爲兩截惟有分投整飭各自成軍庶幾轉敗爲功仍不墮屢勝之威區區愚忱但於士氣軍情細察其可用與否縷晰入奏以期仰慰宸廑於萬一所有賊匪撲營誘勦獲勝並陳近日軍務各緣由恭摺由驛具奏伏乞

皇上聖鑒謹

奏

奏稿卷五

五

曾文正公奏稿

卷之六目錄

謝寬免處分

恩摺

咸豐五年二月二十七日

統籌全局摺

全日

請令袁甲三練軍出黃州片

謹陳水陸軍情摺

三月二十三日

陸軍攻勦弋陽克復縣城摺

四月初一日

湖北兵勇不可復用摺

全日

請部撥浙引用鹽抵餉摺

全日

請大員總理鹽餉派員協理鹽運片

奏稿卷六

目錄

陸軍迫勦廣信股匪克復郡城摺

四月十二日

水師近日接仗情形摺

五月二十一日

塔齊布羅澤南兩軍攻勦情形片

六月十二日

水師勝仗奪回座船摺

六月十二日

潯城水陸兩軍接仗情形摺

七月初六日

擬移潯軍會勦湖口片

七月初六日

提督塔齊布因病出缺摺

七月初六日

潯軍兩獲勝仗片

八月初七日

攻勦義甯克復州城摺

八月初七日

謝寬免處分 恩摺 咸豐五年二月二十七日

奏為恭謝

天恩事本年二月十七日承准軍機大臣字寄咸豐五年正月十二日奉

上諭曾國藩自出岳州以後均能與塔齊布等協力同心掃除羣醜此時偶有小挫尚於大局無損曾國藩自請嚴議之處著加恩寬免等因欽此竊臣殺賊有心治兵無術上年十二月十二日因水師乘勝攻入內河沂流迎勦欲淨洗鄱湖以內之船該逆將隘卡加築以致內外隔絕被賊劫焚襲老營臣治軍年餘當聲威稍振之後忽有此挫上塵

宵旰之憂勞周度乖方罪無可道迺荷逾格

天恩寬免處分

皇上之鑒原愈摯微臣之感激愈深惟有殫竭血誠力圖補救

或可稍贖愆尤現在造船添勇將次就緒即當親督出湖水陸

痛勦迅掃逆氛冀仰答

高厚鴻慈於萬一所有微臣感悚下忱理合繕摺叩謝

天恩伏乞

皇上聖鑒謹

奏

統籌全局摺 咸豐五年二月二十七日

奏為統籌全局將臣等一軍應辦事宜分條馳奏仰祈

聖鑒事竊正月十九日用地雷轟斃賊眾及內河水師重加整理情形業經奏明在案自後該匪未敢出城二月十二日逆賊約出千餘分路來擾四處山脚廣為埋伏我軍不動聲色暗自隄防該匪之兇悍者一股進前猛撲塔齊布分道抄去賊眾敗竄斃四十餘名生擒十二名當予凌遲梟示屢接各路文報及探卒稟報等兩次所遣回李孟羣彭玉麟等礮船於正月初七初九先後到鄂共船一百三十餘號分泊武昌城下屢次開仗獲勝北岸之賊其由黃梅廣濟攻撲督臣楊霽營盤而上

奏稿卷六

犯者已於初七日竄至漢口其由小池口武穴沿江岸而上犯者初九日始竄至黃州以下各市鎮如巴河蘭溪蘄州武穴隆坪等處現均有賊盤踞南岸初本無賊北岸之賊分千餘人由富池口南渡至興國州擄人數千攻陷興國通山崇陽通城等州縣現尙分屯崇陽咸甯興國時擾江西武甯境九江之賊於新垣添築磚城對岸小池口亦築磚城為死守抗拒之計其在鄱湖以東者湖口之賊虐役鄉民增高城堞梅家洲大築土城長逾三里賊卡浮橋至今未拆上蓋木板加以土石都昌之賊攻撲饒州又有匪黨自東流建德而來並集於饒州分擾樂平石鎮街屯聚於景德鎮合計七八千人又東竄祁門

休寧並有攻陷徽州之信偽翼王石達開偽丞相羅大綱久踞
九江湖口兩處而饒州賊黨亦張羅大綱之旗幟意將侵擾廣
信窺伺浙江各等情此近日探報各路賊情之大略也以湖北
安徽江西三省全局論之陸路須有勁兵四枝水路須有勁兵
兩枝乃足以資勦辦北岸自蕪水廣濟黃梅以達於太湖宿松
是為內一路自漢口黃州蘄州田鎮武穴濱江而下以達於小
池口望江縣是為外一路南岸自九江以上與國通山崇陽武
甯等屬皆土匪勾結粵賊之淵藪是為西一路自湖口以下由
東流建德饒池徽甯四府皆逆匪覬覦浙江之要途是為東一
路北岸之黃梅太湖前臨大江後枕滌岳一山綿亙數縣屏蔽

奏稿卷六

舒廬為該逆必爭之地南岸池州雖瘠區而大通鎮殷家匯水
陸交衝南窺徽嚴東障蕪湖亦為該逆必爭之地故南岸以東
一路為最要而西路次之北岸以內一路為最要而濱江一路
次之此四路者須陸兵四枝缺一不可者也水師自武昌以達
湖口為上一枝自小孤山逾東西梁山以達太平采石為下一
枝乃與紅單船相接兩枝各自成軍分段肅清庶免首尾不顧
腹背受敵之患亦缺一不可者也今臣等水軍陷入鄱湖之船
百餘號回救鄂省之船百餘號業已分為上下兩枝似有因禍
得福之機然內湖一軍臣國藩來江整理造船添勇無難就緒
回鄂一軍以被風擊壞之船當將士疲勞之後與漢口新鼠之

賊相持臣等又不能分身前往統領日夜懸念每聞春風之怒
號則寸心欲碎見賊帆之上駛則繞屋徬徨不知李孟羣等果
能添置小船復振軍威否至陸路須勁旅四枝而臣等祇此一
軍欲分為兩枝則立形單弱欲常聚一處而事勢所迫有不得
不分者又不敢過於持重致失機宜也謹就目前之急務度
皇上陳之

一現在賊竄饒州樂平分擾景德鎮祁門徽州等處所謂東路
者也為江浙轉餉之路亦為奏報入京之路關係大局非輕
等分派羅澤南統帶湘勇三千由江西省城繞出湖東攻勦饒

奏稿卷六

州之賊又與撫臣陳啟邁合募平江勇四千同勦東路俟饒郡
克復即引兵直下或趨景德鎮或由建德進攻池州此路有重
兵使安慶之賊大為震動則浙江之患可以少紓臣等前摺所
謂賊攻我之所必救我亦攻賊之所必救也
一悍賊石達開等堅守九江及對岸之小池口臣塔齊布一軍
仍留五千人穩駐潯郡伺隙攻城使賊不敢全數上竄武漢亦
不敢奔突他處惟前此攻圍潯城至萬五千人之多兩次派胡
林翼王國才回援鄂省者六千餘人此次派羅澤南馳勦饒州
者又三千人存潯官軍過形單薄俟籌添兵勇續行具奏
一正月二十八日臣國藩派水師船六十餘號至康山地方駐

紫外防大江之賊駛船入湖內防饒州之賊擄船出湖其餘弁
勇尙在江省修船日內修完大隊進紫南康青山一帶其湖口
賊卡浮橋既堅鋪以木板填以土石人力難以遠破俟春江盛
漲水陸并攻即當力破浮橋衝出大江

一臣國藩來江已逾月餘日內船隻修齊即駐紮鄱陽湖內四
處游繹西近臣塔齊布九江一軍聲息常通東近羅澤南饒州
一軍調度亦便兩軍相隔已在六百里外全賴水師在湖中遞
接信息庶幾首尾相應如東路攻剿得手能至彭澤東流等處
將來水師出江乃得所依護而無孤懸之患
以上四條就目前之急務臣等力之所能行者籌商辦理是否

奏稿卷六

五

有當伏乞

皇上聖鑒訓示施行再臣等正月初五初八二十七日三次奏

報均未奉到

硃批此次改由湖南繞出荊州驛遞進京合併聲明謹

奏

請令袁甲三練軍出黃州片 咸豐五年二月二十七日

再摺內言陸路須有四枝勁兵臣等進剿饒州樂平祇能辦南
岸之東一路其西一路與國崇通荆武昌之背者已不能兼顧
矣至江之北岸尤非臣等一軍所能為力然論中原之大勢則
江北重於江南論此賊力爭長江堅守廬州之情亦必須梅太
舒桐一帶有一枝堅強可恃之兵然後內可以克廬郡外可以
清江面也此時江北縱不能籌備兩軍亦斷不可不添置一軍
伏查鳳陽之臨淮關由壽州光固以達於麻城黃州程途不過
八百餘里壽州光固雖屬兩省而風俗略同民氣強悍自武備
久弛官兵怯弱萬不得已而出於募勇之一途則必擇其素所

奏稿卷六

六

熟習者訓練而用之庶幾流弊較少副都御史袁甲三在臨淮
駐紮年餘與壽州相隔咫尺光固亦其桑梓之地若令該副都
御史招募二處之勇練成五千勁旅由麻城出黃州之背不過
十餘日可到入地既熟道途無梗出其不意邀而擊之則蕪黃
各屬可復皖鄂兩省之氣可通也舍此一策更無他處可添江
北一軍若徵調太遠愈久則愈蔓延矣臣國藩愚見請

旨飭下副都御史袁甲三招募壽州光固之勇由麻城迅出黃
州以全江北大局不勝至願若袁甲三能至湖北則上游李孟
羣等之水師即歸該副都御史統領水陸相輔尤有裨益至臨
淮關亦係要隘現聞高唐連鎮剿辦將次完畢可否分撥北師

南下防禦臨准之處出自

皇上聖裁微臣未敢擬議所有謀增江北一軍冀通皖鄂兩省
聲息緣由謹附片奏

聞請

旨

奏稿卷六

七

謹陳水陸軍情摺成豐五年三月二十三日

奏為謹陳水陸軍情遵

旨覆奏仰祈

聖鑒事咸豐五年三月十四日臣國藩在江西內河舟次准兵
部遞到承准軍機大臣字寄二月十二日奉

上諭會國藩等前因戰船損壞全數開赴上游修理又因陸軍
銳氣尙盛仍欲鼓行東下直搗金陵原以逆匪上竄牽制我師
若輾轉回顧不但前功可惜且恐兵勇之氣不能復振是以諭
令該侍郎等攻克九江即合軍東下惟現在賊踞漢口漢陽武
昌情形關係緊要設有疏失該逆勢踞上游我兵仍係腹背受

奏稿卷六

八

敵應如何設法協濟武昌而于攻剿九江大局仍無妨礙著會
國藩等體察現在情形或該侍郎帶兵自行前往仍令塔齊布
會同江西兵勇攻剿九江務當統籌全局斟酌辦理楊霽曾國
藩接奉此旨即將如何籌辦情形迅速具奏以慰廑念等因欽
此又於三月十七日兵部遞到承准軍機大臣字寄二月十四
日奉

上諭會國藩等進攻九江連日不知勝負若何或酌分陸軍以
救武昌東路或再添派水師沿江而上協濟李孟羣等之師使
得進剿襄河則上游可冀得手於潯郡事機亦有裨益著即妥
為籌酌迅速奏聞等因欽此伏查江西東路饒州廣信等處被

賊竄擾安徽池州徽州等屬賊勢猖狂臣等酌派羅澤南帶兵前往廣饒一路進剿業經奏明在案目下臣等一軍分爲四枝陸路兩枝臣塔齊布駐紮九江羅澤南分剿廣饒相去已在六百里外水路兩枝臣國藩整理陷入內河之水師駐紮鄱湖李孟羣等回援武漢屯紮金口相去更在八百里外兵合則力厚分則力薄陸軍之分猶斟酌再三而後析爲兩股水軍之分其初本無意於分也自去臘十二日輕舟百餘衝入內湖被賊卡塞斷遂與外江老營隔絕猶冀內外夾攻仍可合而爲一自正月月初三日飭李孟羣等回援武漢外江之船愈少初五日彭玉麟等因大風壞船全數開赴上游遂與內河一軍相去日遠逮

奏稿卷六

九

至武漢再陷沿江兩岸數百里復被賊踞而金口水師與鄱湖一軍乃不復可以遠合矣今水陸各軍之在江西境內者傷者平復勞者休息羸弱者汰遣添換仍可復去秋壯盛之氣足以仰慰

宸廑惟金口一軍與臣等相隔太遠當轉戰積勞之後值兩次敗挫三次遭風之餘以未經修整之船禦武漢方張之賊撐持數月之久不得一日休息此兵家之所大忌而臣等之所深以爲慮者也屢據稟報彭玉麟等回漢之師一面與賊接仗一面修整破船次第完好湖南撫臣駱秉章復以百餘船前往接濟差足重整軍威而陸軍單薄餉項缺乏岌岌乎有潰散之虞論

天下之大勢則武昌據金陵上游爲古來必爭之地論行兵之常道則上下皆賊而臣軍坐困於中段亦決非萬全之策是以臣等一聞武昌淪陷之信卽再四籌商思所以爲回剿之計願回剿之策有難言者潯郡據長江之腰膂宜有重兵駐守其間一經撤退則九江湖口小池口之賊皆肆然無所顧忌內犯江西上竄鄂岳均不可知軍士進則氣勝退則氣歉卽剿辦得手未知何日始能重至九江其難一也正月初八日一摺言賊之上竄不過意圖牽綴使我軍回救耳我軍鼓行東下不爲其所掣動賊攻我之所必救我亦攻賊之所必救等語其時未知上竄之賊果至漢口與否亦未知回救之船卽不可以復下也今

奏稿卷六

十

該逆不特攻陷武漢而且窺伺襄樊自金口以下上下江面皆爲賊踞內河水師若徒株守鄱湖不出江面則保護一隅無濟大局若乘此春漲由湖出江則不難於衝出湖口而難於出江之後一軍孤懸四面無依上不能遠合金口之水軍下不能速剿安慶之賊艇其難二也湖南用兵已久庫款既空捐項亦竭本年賊蹤上竄胡林翼王國才等之陸軍李孟羣彭玉麟等之水軍皆仰給於湖南弁勇萬餘嗷嗷待哺有月餘未給餉者有兩三月未給餉者事機愈挫來源愈斷現在金口一軍口糧不繼卽有潰散之患臣等欲再率六七千人前往江西既難於供支湖南更無可籌撥大抵兵勇之積習久住不戰口糧尙可展

緩若有行役之苦有戰陣之危則不可一日而無餉狡者藉詞
鼓譟樸者亦無鬥心患有不可勝言者其難三也兼此三端實
乏良策等調度乖方上負

皇上委任之意下負蒼生企望之情終夜以思不覺泣下刻下
若分兵往鄂則已無可再分矣若等自行回剿則須預籌兩
月之餉國藩上年曾奏請四川勸捐助餉頃已札委前任湖
南常甯縣知縣祥麟兼程赴蜀守催餉銀十二萬兩如此項有
著即可恃以爲回剿之用若其無著則姑駐江省境內與其干
里馳逐卒以餉匱而致意外之虞又不如堅扼中段保全此軍
猶得以供

奏稿卷六

皇上之驅策瞻望北闕翹切待

命臣等微悃萬言莫訴所有近日軍情遵

旨覆奏緣由理合繕摺馳奏伏乞

皇上聖鑒訓示施行謹

奏

陸軍攻剿弋陽克復縣城摺咸豐五年四月初一日

奏爲陸軍攻剿弋陽連獲大勝克復縣城恭摺馳奏仰祈

聖鑒事竊饒州賊匪於三月初四分股由樂平德興竄擾弋陽

先期由撫臣陳啟邁派委署撫州府知府林福祥帶兵防剿暨

與國藩商派赴饒剿匪之羅澤南統帶湘勇三千五百餘人

先至弋陽會剿各情均經臣等及撫臣先後奏

聞在案緣廣信河口地方商賈輻輳財貨充牣且係通浙江要

區爲逆賊所覬覦林福祥等前在石鎮街與賊相持兵力單

總未大挫賊鋒嗣浙江游擊常海在貴溪接仗陣亡賊勢尤張

臣等卽飭羅澤南兼程前進相機速剿茲據羅澤南會同林福

祥稟稱三月十九日該道等由貴溪拔營駐宿水門埠二十日

向弋陽進發羅澤南與安慶府知府李續賓帶湘勇中右兩營

爲前隊候補從九蔣益澧帶湘勇左營候補知縣唐訓方帶訓

字營爲二隊林福祥與趙如勝率捷勝軍爲三隊前安福縣知

縣文明偕藍翎千總戴正才伍連魁率寶勇爲四隊卽選訓導

鍾世楨率志同軍候選通判程迪昌率安全軍爲五隊合以六

成隊迎敵畱四成隊保護輜重前隊至大水橋爲入弋陽城之

要道前多水田無駐營之地羅澤南方相度形勢傳詢土人突

見賊三四千人由五里亭揚旗吹角而下李續賓卽以右營堵

截大水橋羅澤南督帶中營由橋北繞出陳家山上冀抄賊後

且擇安營之處不意該逆見我兵初至營盤未築復以四五百人列於陳家山下瓦夕塘橋之南又以四五百人由弋城北門而出圖抄我營之尾與五里亭之賊共為三股黃旗蔽野呼聲震天羅澤南飛飭蔣益澧唐訓方迅速來援林福祥督諸軍繼之堵北門一路之賊賊之在陳家山瓦夕塘橋者大隊扼住橋上鎗礮排列悍賊疊出搦戰羅澤南率中營湘勇拒之堅與相持如不欲戰俟諸營軍至往堵北門然後以中營進攻直逼橋上鎗礮之後繼以刀矛斃賊二十餘名賊潰遂踰橋而南追殺百餘人竄入村莊者以火焚之死者不可勝計餘賊俱由西門外之西江橋入城先是賊於橋上砌一石門僅容一人出入原

奏稿卷六

三

以防我師之進攻至是我兵從後追之賊眾擁擠不能入橋門墜水死者以數百計生擒長髮賊十二名內有偽總制程禮周稽老呂王富德訊明立予正法斬梟賊之在五里亭者李續賓率右營由大水橋蹙之羅澤南從上截擊殺斃百餘人該逆見陳家山賊擁塞橋頭無路可歸也遂從五里亭之南上竄江邊右營乘之追入湖汊殺斃者百餘人溺死者不可勝計湖水為赤餘賊竄至西江橋李續賓復督諸勇截之生擒長髮賊十八名賊之由北門出者蔣益澧唐訓方先到奮力抵禦林福祥速督捷勝軍踵至分數路圍剿戴正才伍連魁鍾世楨程迪昌諸軍從而薄之共殲斃百餘名賊潰追至北門城外賊於城

內復出大隊眾寡不敵我軍稍卻賊眾來追我軍返戈擊之各營四成隊之護輜重者亦皆執刃以逐賊復大敗追至城根賊多溺死泥中生擒三十四名內有偽將軍王姓一名此二十日三路擊賊第一次大勝之實在情形也羅澤南以軍未午餐飭令收隊急修營壘以自固詎料賊敗之後復挾全力來撲其由北門出者以萬計直抵陳家山東大松林內分三大股排列一股之中復分數股旗幟之多眾目為眩李續賓以右營禦於松林之南唐訓方副之羅澤南以中營禦於松林之北蔣益澧繼之各分數股以待賊屢衝突我軍屹然不動乘其氣竭一呼而進殺斃大黃旗賊數十名賊狂奔不止乘勝追之溺斃港中者

奏稿卷六

十四

以數百計直抵北門之下賊閉城以守其由西門出者約二三千人林福祥督率捷勝軍寶勇志同軍安全軍堵之踰橋奮擊賊屢衝屢截無敢越港者追至西江橋共殺斃賊數十人生獲十五名以日暮收隊此第二次截擊北門大股賊匪及西門堵剿獲勝之實在情形也是日兩次鏖戰分路圍剿諸營無不一以當百殺斃焚斃溺斃之賊不下三千餘名奪獲旗幟軍裝無算查點士卒湘勇候補藍翎把總張以德千總易傳武喻能益均受礮子傷殞命兵勇亦傷亡數十名二十一日五更羅澤南督同李續賓蔣益澧唐訓方等攻西門林福祥督同文明戴正才伍連魁鍾世楨程迪昌等攻東門廣信府知府袁泳錫亦自

上游馳至率同弋陽縣知縣王蘭并力圍攻該逆於二十日大敗之後被擄之民盡皆逃散長髮亦多潰走其在城者猶閉城自固湘勇先登諸軍繼入擒獲長髮賊二百餘名逃竄出城者復截擊三百餘名內有偽指揮劉姓偽總制余姓及師帥八名奪獲偽盤龍冠金龍袍等件黃旗五百餘面大小鎗礮刀矛數百件適署德安縣知縣劉希洛帶平江勇至弋助剿亦沿途搜捕賊多名訊據生擒賊犯供稱弋陽賊目有檢點三人長髮老賊三千餘人浮梁樂平德興裏脅土匪二萬餘人將上攻河口廣信以扼江浙咽喉之路不意遽為大兵所敗逃遁各賊多由北門而出此二十一日克復弋陽縣城之實在情形也伏查

奏稿卷六

五

廣信為江西富饒之區奏報必由之路保全廣信則內可以屏蔽撫建外可以進攻饒州茲幸仰仗天威弋陽股匪就殲大挫兇鋒即當跟蹤追剿肅清江西東路以期漸偏皖境所有此次出力員弁勇容等擇尤奏請獎敘以資激勸藍翎候補把總張以德候補千總易傳武喻能益奮勇捐軀懇恩飭部照陣亡例議卹傷亡兵勇查明照例辦理所有連獲勝仗克復弋陽緣由除江西撫臣陳啟邁另行奏報外恭摺由驛馳奏伏乞皇上聖鑒訓示施行謹奏

湖北兵勇不可復用摺 咸豐五年四月初一日

奏為湖北兵勇不可復用大江北岸宜添勁旅敬陳管見仰祈聖鑒事竊查武漢兩城三次淪陷固由守禦不善而兵勇積習之壞亦實有萬不可用者蓋鄂中兩府一鎮繁華甲於天下督撫兩標之兵習於淫侈偷惰已久不可用矣自咸豐二年粵匪至鄂迄今不滿三載而全兵覆敗大潰者五次其間小潰小敗不可勝數二年臘月初四日粵匪以地道轟破城垣逆旗猶未登城而城內外兵勇已狂奔四竄逃匿各縣是為第一次大潰三年春間署督張亮基等招復潰兵添招練勇擊粵匪於團風剿土匪於通城廣濟稍有起色九月十三日田家鎮失防水

奏稿卷六

其

陸兵勇同時棄甲回奔是為第二次大潰其時臣函致前督吳文鎔謂鄂省之兵視奔潰為故常不宜再行收集必須改弦更張另募額兵另招練勇而後可以成軍而後可以言戰吳文鎔未及更改即被崇綸參劾倉卒出師四年正月十五日堵城之役十三營均被蹋毀將弁兵勇盡數逃散是為第三次大潰崇綸青麇等收復潰兵并廣募湖南四川之勇支持數月餉盡援絕六月初二日奸細竊發賊旗入城青麇率兵勇奔赴湖南沿途逃散大半是為第四次大潰與提塔齊布等奉命東征仰仗天威倭復武漢督楊需復收潰兵又招湖北河南之勇新舊

兵勇數近三萬兵力不為不厚楊需屢次奏報咨文亦自敘其戰功之多士卒之勤意謂可簡練精銳頓改舊規矣不圖廣濟一敗退至蕪水又退至漢口又退至德安棗陽萬餘兵勇或從之以行或星散無歸是為第五次大潰夫古今所以激勵軍士者重賞以鼓好勝之心嚴刑以誅奔潰之卒故可用也今湖北兵勇既不好勝又不畏刑視潰散為常行之道恬然不以為怪若因循不改其可笑必更有甚於今日者臣愚以為宜變易前轍掃除其迹而更張之凡標兵之求歸行伍者一概不收凡練勇之曾經敗潰者亦不復用大抵山僻之民多獷悍水鄉之民多浮滑城市多游惰之習鄉村多樸拙之夫故善用兵者嘗好

奏稿卷六

七

用山鄉之卒而不好用城市近水之人臣愚以為欲另募湖北額兵宜在襄陽鄖陽等屬深山窮谷之中招選寒苦力作之民擇其英鷲者編入兵籍假以時日而訓練之與武漢德安等府遠相隔絕使向來之潰兵潰勇浮游無歸者不得改名而混入其中然後可得一旅之勁兵而免致虛糜數萬之餉古之謀大事者克一二名城不以為喜得一二良將數千精卒則以為大喜失一二名城不以為憂失一二良將損傷數十壯士則以為憂即素稱精勁之師或積勞而疲或餉匱而散或不和而驕蹇則愈引以為憂今日湖北之事省城不遽收復尚不足患惟通省無一勁兵精卒乃為無窮之患雖調他省之兵幸而克復而

本省無強兵守之亦終非可久之道臣愚以為湖北之急務在於另募額兵另招新勇目前之收復鄂垣在此異日之保守楚疆亦在此效雖稍遲而事屬至切前者二月二十七日臣具奏江北宜添兩路勁兵外一路沿江岸而下內一路循潯嶽之麓由蕪廣而出宿太請

旨飭下副都御史袁甲三募壽州光州之勇出漢黃之背不知我

皇上已俞允否如未蒙

允准則江北千里極為空虛無論江面不能清武昌廬州不能復即使微倖而肅清恢復而流賊四散旁出橫逸截我後路已

奏稿卷六

七

清之江面不旋踵而梗塞已復之城垣不旋踵而復失去冬之事即前車之鑒不可不早為之所也伏乞我

皇上廑念南服

神算獨操縱袁甲三不克西上亦懇

飭籌一枝勁旅疾出黃州之背並懇

飭下湖北督撫另立新軍將前此潰兵潰勇一概革除盪滌舊習重整軍威使江之北岸得兩路足恃之兵可合可分內可

外不特有益於大局即臣等南岸之陸兵上下兩處之水師亦皆得所憑藉得所聯絡有恃以不恐矣所有請撤湖北兵勇另立新章江北一岸宜添勁旅緣由恭摺附驛馳奏伏乞

皇上聖鑒訓示施行謹奏

奏稿卷六

十九

曾文正公奏稿 卷六

請部撥浙引用鹽抵餉摺 咸豐五年四月初一日

奏為請撥浙引用鹽抵餉以充軍用以濟民食事竊臣等一軍水陸萬數千人上游運道已斷餉項缺乏久在

聖明洞鑒之中二月間奏請福建浙江兩省協濟軍餉聞浙省因徽州戒嚴難濟急需閩省亦係積疲之區難籌協款惟奏請動撥江西四年漕折銀兩稍紓眉急特為日甚長為數較巨漕折一項亦難久於供支既處孤立之勢又有坐困之虞欲捐則無可再捐欲撥則無可指撥中夜以思良深焦灼伏查國家歲入之款鹽課為一大宗自賊踞金陵長江阻塞淮南鹽務片引不行場產堆積如山而江西湖南無鹽可售民憂淡食

奏稿卷六

二十

淮南之鹽奸民偷送賊營粵匪賤售於各口岸大獲其利江西南路食粵私北路食賊之私鹽湖廣南路食粵私西路食川私東北亦食賊之私鹽以

國家富有之物產不克設法行銷自食之而自利之而反資以爲賊之利誠可惜也伏查近年各路軍情或以鈔抵餉或以米抵餉或以大錢抵餉無非通融辦理以濟銀兩之不足等一軍懇

恩飭下戶部撥給浙鹽三萬引用抵餉銀由臣招徠紳富自備場價自備運腳自行運至江楚兩省而銷售之以浙省之鹽斤行淮南之引地浙省正雜錢糧邀

七〇三

恩豁免准綱正雜錢糧則虛納而虛解在戶部不以爲所撥者
鹽也仍令軍向鹽務衙門虛報納課掣一憑批即與撥銀無
異矣在軍不以爲所領者鹽也仍令鹽務衙門向糧台虛
報解餉掣一憑批即與領銀無異矣伏查上年江西缺鹽經撫
張芾陳啟邁先後奏請借行浙鹽四萬引是浙鹽可行於淮
南引地已有明證本年二月浙江撫何桂清咨明江西巡撫
浙江各場存廢鹽斤尙多商人願源興等情願認辦浙鹽三萬
引運赴江西行銷等語是浙場存鹽之富又有明證合無仰懇
天恩飭下戶部准撥浙鹽三萬引聽設法自運自銷於淮引
口岸以濟軍餉之不足不勝企幸如果運銷暢旺有裨軍食則

奏稿卷六

三

可免鄰省協濟之艱可減民間捐輸之苦當續行奏請添引
售銷如其行銷不暢流弊滋多亦必奏明停止爲請撥餉
銀起見非爲變通鹽法起見倘其稍損於鹽務無益於軍餉
權衡輕重斷不敢有片刻之回護絲豪之遷就也除運鹽條目
縷晰咨商戶部外所有請撥浙引以鹽抵餉緣由恭摺具奏伏
乞

皇上聖鑒飭部迅速議覆施行謹

奏 硃批戶部速議具奏片併發欽此

請大員總理鹽餉派員協理鹽運片
再臣奏請以鹽抵餉如蒙
聖恩俞允則不難於到岸行銷而難於招商領運蓋緣東南數
省現當干戈擾攘之時道路多梗人心驚惶殷實之家率多隱
匿不出孰肯挾貲出爲鹽商西省去浙千有餘里楚省去浙二
千餘里有風鶴之警有虧折之虞又孰肯擊數萬金之成本求
不可必得之利若輕險之徒冒死逐利影射官鹽自作私梟
又斷不敢招徠此輩以滋弊端招商一事殊屬不易之愚見
欲仍以勸捐之法行之勸令地方紳富湊助成本倡首領運庶
票商可期踵至查在籍刑部侍郎黃贊湯上年奉

旨派令在江西勸捐會同撫陳啟邁督勸至四五十萬之多
官紳交孚物望允協若蒙
聖慈諭令在於江西臨江府屬之樟樹鎮設局交該侍郎總理
西楚兩岸鹽餉事務各屬紳富當可響應惟樟樹鎮以督銷爲
主浙江督運事件仍須有大員綜理方昭慎重查前任浙江學
政禮部侍郎萬青藜才優心細辦事穩實丁憂在浙未能回
籍若蒙

奏稿卷六

三

聖恩諭令在於浙江督辦鹽運事務必能與江西總局一氣呵
成當此寇亂未平之際大小臣工或督兵或籌餉苟可自效皆
當力竭血誠以圖涓埃之報况該侍郎等二人位望較崇夙懷

忠州每與臣往返函商當以受

恩深重未能報稱為恥如經理鹽務仿唐臣劉晏成法引用士人招集紳富悉心經畫自可有利無弊至西楚兩省引地寬廣所有配引分運截角緝私等事非一二人所能督辦查江西有現署鹽法道之南昌府知府史致謬明而能斷候補道萬啟琛精細篤慎堪以協理西省鹽運事件湖南有總辦後路糧台之署鹽法道裕麟辦理團練勸捐之候補知府黃廷瓚曾經臣等奏保堪以協理楚省鹽運事件三萬引為數無多而微臣欲請二品大員兩人督理又請派兩省官紳道府四人分理者蓋有治人無治法得其人而董之則軍餉可漸期充裕而淮南數千里引地為賊私粵私川私侵佔者可以反而為官引之地不得其人董之則即此三萬引者亦不免暗滋流弊而仍無益於軍餉是以與兩省官紳反覆熟商莫不謂以鹽抵餉之舉必須多求實心任事者以經理之也倘蒙

奏稿卷六

臣

臣

飭部議准合無仰懇

天恩飭下前任刑部侍郎臣黃贊湯前任禮部侍郎臣萬青黎

總理鹽餉事務并

飭派史致謬等四人協理兩省鹽運事件於嵯政餉項均有裨

補謹附片具奏請

旨

陸兵追剿廣信股匪克復郡城摺 咸豐五年四月十二日

奏為陸兵追剿廣信股匪疊獲大勝克復郡城恭摺仰祈聖鑒事竊饒州賊匪出樂平德興竄擾弋陽謀攻廣信河口臣等派委羅澤南林福祥等先後馳剿克復弋陽情形業經奏報在案嗣據羅澤南等迭次稟報二十一日克復弋陽後餘匪竄踞興安北門外民房街市盡被焚燬當以興安為入廣信要道不可不急為撲滅兼恐餘匪匿藏山谷乘虛回撲因畱林福祥率帶諸勇及德安縣知縣劉希洛所帶之平江勇暫駐弋陽而羅澤南即帶湘勇訓字營勇共三千五百人由貴溪馳赴興安駐營城西十里二十三日辰刻抵興安城外訪知該縣之賊係

奏稿卷六

臣

另股由安徽婺源而來與弋陽之賊共攻廣信並擄船百餘將分股以掠河口二十一日初至興安是日我兵破賊於弋陽該逆尚未之知也既聞弋賊大敗興安股匪不及待弋賊之來會已於二十二日五鼓由北門逃竄被脅者仍徑回德興凶悍者東上廣信徑至府西三十里之坑口大路口一帶羅澤南率師入興安縣城綏輯難民搜擒餘匪即以二十四日五鼓由興安馳赴廣信商林福祥由弋邑移駐興安以為我軍後路聲援別令劉希洛帶平江勇八百倍道前進與湘勇合上廣信此克復弋陽後跟蹤追剿收復興安迅赴廣信之實在情形也二十四夜羅澤南駐大路口探聞廣信郡城已於先一夕淪陷矣

蓋緣此股竄匪不下萬餘人半係長髮老賊星奔騰至迅疾莫測二十三日早抵廣信四面圍攻城內施放鎗礮奮力堵禦賊不敢近黃昏之際大雨淋漓鎗礮莫施賊冒雨緣梯而上攻陷郡城羅澤南聞之憤甚即於二十五日帶湘勇訓勇馳三十里辰刻抵廣信城西之烏石山其地孤峯高聳俯瞰一切賊之出入莫能隱遁羅澤南駐營山下飭安慶府知府李續賓營於山左候選知縣唐訓方從九蔣益澧營於山右防賊數路夾擊賊見我兵突至築壘未就遽統大眾來撲始以數千人由西門出攻我軍之中營繼由北門出數千人為一股攻右營又以一股由南繞出攻左營訓勇營黃旗滿谷呼聲震天勢極梟悍我勇

秦稿卷六

五

惟自整營盤若不知賊之已至相持二時之久賊愈逼愈近各營始整隊以出排列山岡不速與戰俟賊屢衝力竭然後振鼓而前賊之強悍者麤戰良久初無退志諸勇立前斃大黃旗賊十餘名賊稍卻乘勝而進賊大潰追至城西共擊斃八百餘名髮長尺餘內有穿黃馬褂賊鬚長八寸不知是何賊目其餘溺死城西池內及焚死民房者無算奪獲大小黃旗五十餘面偽印六顆大小鎗礮七十餘件是日劉希洛帶平江勇自貴溪倍道前進日暮來營助勦此抵廣信後痛勦獲勝之實在情形也二十六日辰刻我軍方欲整隊攻城賊眾萬餘忽分三路而出又以數千人捲旗息角埋伏於樹林深密之處羅澤南登高瞭

望知賊伏所在即飭蔣益澧帶湘勇左營隱伏右路之高岡下劉希洛帶平江勇踞右路之平岡排陣以待遏賊不得徑過右路湘勇中右兩營及訓字營飭令勿出營盤誘賊近前然後接戰又派精銳之勇約百餘人為一隊分途潛往截其繼伏之路約俟大旗招展四出齊應賊之三路來者於營前一里許放鎗大呼來衝數次見我兵不動又自中止旋又大呼相持已久羅澤南知彼竭而我盈也遂督湘勇中營由中路出唐訓方帶訓字營從中路之右出李續賓帶湘勇右營從左路出逼近賊前賊鎗連施我軍仍銜枚無聲如是者又片時大旗一搖三營齊進殺斃長髮悍賊千餘人劉希洛蔣益澧之勇皆從大路繞出

秦稿卷六

五

賊之藏伏樹林者亦為我伏所襲賊眾大敗乘勝追勦沿途殺斃者又千餘人匿民房者燒之墮池中者刺之所奪黃旗鳥鎗刀子不可勝計諸路之賊四竄其擁擠入城者城上賊開放大礮轟斃者皆入城擁塞之賊我兵反一無所傷賊遂閉城以拒忽大雨如注溝澮皆盈城上礮不能開我軍四面圍攻植立雨中無一退者日暮收隊防賊宵遁暗使敢死之士四路巡邏二十七日夜五鼓飭令各營再行圍勦諸勇奮躍登城刺殺數百人賊潰從東門逃出又於鄉間捕勦四百餘人克復郡城安撫子黎弔恤文武殉難之員被殺百姓填街塞巷目不忍睹捐貲收瘞招民復業此廣信連日攻勦克復府城之實在情形也接據

探稟賊於二十八日由玉山北門而遁駐七都口三十日入浙
江開化縣之華埠其地東近常山北接婺源西鄰德興尚不知
賊意之所向羅澤南林福祥等暫駐信都審明賊蹤觀變而動
伏查該逆自饒州內犯江西兼窺浙江以大股占踞弋陽抗拒
官軍以另股由興安徑撲廣信扼浙之吭隘而固皖賊之藩籬
其計狡毒已極臣等二月具奏三省全局一摺言南岸之東一
路須有一枝勁兵蓋嘗籌慮及此調羅澤南等東趨饒廣漸逼
皖境茲幸仰仗

天威屢獲大勝要郡堅城三日克復按察使銜甯紹台道羅澤
南轉戰千里審機度勢謀深勇沈每於未築營壘之際猝遇賊

奏稿卷六

七

至常能從容鎮定以寡勝眾應請

旨交部從優議敘其餘出力員弁兵勇容臣等擇尤保敘以資

激勸廣信城陷時殉難之文武各官由江西撫臣查明請

卹除陳啟邁另行具奏外所有疊獲勝仗克復廣信郡城緣由

恭摺由驛馳奏伏乞

皇上聖鑒訓示施行謹

奏

水師近日接仗情形摺
奏為水師小挫一次小勝二次五月十三日大戰獲勝恭摺奏

祈

聖鑒事竊臣國藩於三月十三日自江西省城登舟在吳城駐

紮半月飭令前隊進紮南康府城四月十三日臣國藩移駐南

康前隊戰船進泊青山地方南康之為府前有彭蠡後有匡廬

背山面湖去罐子口四十里自罐子口而上由都昌以達於饒

河為東鄱湖由瀟溪以達於吳城為西鄱湖自罐子口而下直

至府城為宮亭湖自府城以下為土目屏峯青山姑塘鞋山等

處凡九十里而至湖口縣南康之與九江中僅隔一廬山山北

奏稿卷六

美

為潯郡山南為康郡下游青山姑塘及湖口對面之灰山皆廬

山之支麓也我水師老營駐泊南康下則攻湖口之賊冀欲力

破此關上則防都昌之賊據船而襲我後路四月十九日青山

前隊水軍蕭捷三鄧翼升孫昌國等方在操演之際該逆已由

姑塘揚帆上犯約礮船百餘號小划數十號雁列而來其船亦

皆快蟹長龍三板之類長短大小盡倣我軍製法槳枝之密礮

位之備旗幟之鮮明一一效法我軍視去年之賊礮船無多水

戰較鈍者迥不相同我軍弁勇見之不覺驚駭與之接戰轟礮

數輪該逆自西岸斜行而上渡至東岸我軍亦斜行東渡排礮

攢擊鏖戰兩時該逆忽出小划數十沿西岸而下將及青山我

戰船皆在東岸力戰青山駐紮之所僅有雇坐民船數號例不出隊致被焚奪該營坐船既失東岸戰舟亦稍忙亂無心戀戰倉卒收隊該逆追逐十餘里我軍船駛回上游至火燄山紮泊此十九日水師三營接仗小挫之實在情形也二十一日臣國藩以都昌尚有陸賊恐其擄船來襲有上下夾攻之患派定湘營何啟長前往搜剿二十二日抵馬家堰該逆匪裝運輜糧船隻一百餘號見官軍忽至揚帆疾走各哨奮往力追圍繞焚燒無一存者嗣至徐家埠復燒賊船五十餘號又至都昌城下燒賊船一百餘號何啟長偕護都司李逢春入城諭令百姓雜髮又上至土塘燒賊船四十餘號合計焚燒大小船三百有餘皆

奏稿卷六

元

該逆擄以運糧接濟湖口者奪獲短刀十九把生擒長髮五名被焚溺水者數十名二十四日收隊仍泊南康五月初八日聞逆匪復在都昌擄船擄糧又派孫昌國前往搜剿燬船二十餘號其新擄者呼百姓而還之此都昌等處搜燒賊擄民船兩次小勝之實在情形也五月十三日我軍派船九十餘號至青山一帶放哨適值賊船自姑塘揚帆上犯我軍停棹小泊觀釁而動該逆復用十九日之故智自西岸斜上渡至東岸隊伍整齊氣勢驍悍我中營賀虎臣定湘營何啟長帶船三十餘號渡至東岸迎敵而雷蕭捷三陳炳元鄧翼升三營各船於西岸將欲抄賊之尾該逆全力撲我東岸兩營千礮對轟力絀不支哨船

間有退者賀虎臣何啟長揮旗苦戰該逆稍卻又見西岸各營來抄其尾賊舟即回注西岸攢礮對擊鏖戰兩時之久羣子雨落傷賊約計三百人西岸之賊敗北東岸之賊亦敗是日已刻臣國藩聞下游接仗鑒於四月十九日之失派都司孫昌國及各營添派船六十號馳往接應風順水溜片刻行三十餘里當東岸賊敗之際我接應之船恰至該逆眩亂失措我軍列礮環攻追奔二十餘里至鞋山以下燒燬賊船三隻始行收隊此十三日眾船大戰獲勝之實在情形也伏查該逆去年專恃民船數千震眩耳目其能戰者不過戰船數十號小划數百號而已十月間始聞其在安徽修造礮船操習水戰曾經臣等奏明在

奏稿卷六

辛

案不謂數月之久遽已操練成熟梟悍異常為我軍所驚駭幸賴內湖水師多經戰陣之士將弁屢受天恩感激思報十三日之戰蕭捷三等慷慨誓眾期與該逆決一死戰仰仗天威倖獲全勝所有出力員弁籲懇天恩容臣等擇尤保獎傷亡兵勇查明照例辦理所有內湖水師近日接仗情形恭摺由驛馳奏伏乞皇上聖鑒訓示施行謹奏

塔齊布羅澤南兩軍攻剿情形片咸豐五年五月二十一

再五月初二日准兵部遞到承准軍機大臣字寄四月十四日奉

上諭塔齊布攻剿九江近日情形未據奏及豈為賊氛阻隔竟不能聲息相通耶并著隨時奏報以紓懸系等因欽此伏查臣國藩前在江省月餘隔日與塔齊布通信一次自至吳城南康每日與塔齊布通信一次九江與南康僅隔一廬山等二人屢次約會匹馬相見因潯城之賊時時窺伺意欲撲我陸營湖口之賊時時窺伺意欲撲我水營故等二人皆不敢遠離營盤雖相距僅數十里而彼此不得會晤兩地寸心同深焦灼潯城之賊每次出隊撲營塔齊布輒出隊邀擊小有斬獲斃賊數人或數十人不等近日賊船由上游駛下者甚多灣泊潯江聲言大舉撲我陸營塔齊布日夜嚴防務保無虞若能趁該逆出巢大戰乘勢破城則尤所甚願也至甯紹台道羅澤南一軍自克復廣信府城後聞賊匪大隊屯聚景德鎮羅澤南馳赴景德追剿該逆又由祁門婺源擾徽州等處浙江巡撫臣檄調羅澤南往徽會剿等以此軍去徽太遠聲勢阻隔餉道難通飛飭羅澤南仍回饒州都昌與水師會攻湖口方擬俟羅澤南軍至湖口東岸不特可與水師會合並可與九江陸營聯為一氣三路合師軍威無難復振矣乃忽於十七日准江西

奏稿卷六

三

撫臣陳啟邁咨稱義甯州失守省城震動飛調羅澤南回省以固根本等情是羅澤南之師仍不能由都昌進剿湖口東岸既無陸兵則水軍之孤懸可慮三路之會合無期事機不順處處牽掣當二月調羅澤南赴饒州之時實不料數月之久尚未能繞出湖口也所有塔齊布陸軍在潯晝夜嚴防及羅澤南一軍不克會剿湖口緣由理合附片具奏仰慰

奏

聖塵謹

水師勝仗奪回座船摺 咸豐五年六月十二日

奏為水師開仗獲勝奪回拖罟大船恭摺奏祈

聖鑒事竊四月十九日水師小挫五月十三日大戰獲勝業經
奏報在案五月三十日賊船上犯至姑塘青山一帶我水師出
隊迎敵該逆從西岸魚貫而上將近我軍逆船斜渡東岸隊伍
甚整其領隊頭船係拖罟大船 國藩去年之座船臘月二十
五夜被賊划襲奪者也其第二號係長龍花船偽右十二承宣
胡鼎文黃文奎李繼遠賊目三人者均在此兩船中揮旗督戰
揚帆直上礮聲如雷意欲由東岸轉抄我軍之尾我軍循西岸
而下一礮不發千槳齊施從逆風中駛至下游將近賊船之末

奏稿卷六

乃渡向西岸包抄賊尾羣礮攢轟子如驟雨鏖戰兩時之久賊
後隊紛紛敗退前隊數十船陣腳亦亂我軍合長圍以包之各
將弁誓死力戰必欲奪回拖罟大船以雪積憤該逆知難出重
圍即用三板數隻將偽承宣胡鼎文等飛槳逃脫而雷偽功勳
張百長於拖罟船上與我苦戰我軍四面環攻船上五十餘賊
或撲水或中礮須臾傷斃四十餘人獨張賊凶悍異常手持刀
叉身懷火彈我軍搶登者多被張賊殺傷各哨官繞舟齊登矛
擡張賊落水然後奪回拖罟大船生擒長髮十六人其第二號
花船亦同時奪獲外又奪得三板三號小划二號奪大礮十八
尊方賊目胡鼎文等駕三板逃脫之時我軍一面圍攻拖罟一

面追逐賊目急礮排轟羣子亂落該逆紛紛斃水計礮斃淹斃
二百餘人因天黑無月即行收隊次早始回老營查點我軍右
營哨官蘇光彩中子陣亡各勇傷亡十餘人伏查水軍自去歲
湖口失利以來陷入內湖各船與外江水營隔絕卒與將離兄
與弟隔小船之素附大船者皆隔絕而不得相見 國藩特至
江西造船添勇另立新軍方慮士氣已傷難期再振幸仗我
皇上威福兩次獲勝奪回拖罟大船積憤為之稍申軍心為之
一振若使此軍果足自立則扼斷長江之腰膂上有金口水軍
以擊其首下有紅單戰船以擊其尾二千餘里之江面分為三
段剿辦或有肅清之期此次將弁勇踴躍用命籲懇

奏稿卷六

請

天恩容臣等擇尤奏保以昭激勸保升外委蘇光彩力戰陣亡
旨交部照例議卹所有水師開仗大勝奪回拖罟座船緣由恭
摺馳奏仰懇
宸廡伏乞
皇上聖鑒謹
奏

潯城水陸兩軍接仗情形摺 咸豐五年七月初六日

奏為潯城陸兵開仗獲勝水軍在徐家埠獲勝一次湖口小挫一次恭摺馳奏仰祈

聖鑒事竊水師前在姑塘獲勝奪回坐船業經奏明在案六月十一日據探潯城逆匪在於新垣添築礮台龍開河泊有賊船四百餘隻臣塔齊布於十二日輕騎前往查看地方新垣之東為甘棠湖西為龍開河中間隄腰約寬箭餘該逆於新垣街口堅砌石卡添修礮台卡外濠溝二道寬約丈餘中引湖水注之十三日飭令升用副將周鳳山等分帶道勇新田勇明攻東門為聲彼擊此之法各營兵勇掩旂息鼓於四更時急赴西路以

奏稿卷六

善

攻新垣飭九江鎮居隆阿等伏兵於三川嶺之左候補守備長春等伏兵於三川嶺之右臣塔齊布率參將彭三元阿達春等攜帶板片搭造浮橋搶過濠溝時已五鼓我軍一面搖折卡外木椿一面拋擲火彈延燒賊船二隻賊眾驚覺紛紛抗拒攻未片時城中之賊隨亦擁出約二千餘人我軍開放連環鎗礮斃賊雖多該逆因恃水陸併拒殊無怯意天已將曉臣塔齊布以我軍在於一線隄腰分攻水陸用力過苦陸賊恃卡死抗賊船更番來迎彼逸我勞勢難取勝因令兵勇佯為退走該逆見我軍無多出卡追襲我軍且戰且走誘過濠溝二道地面稍寬遂令嶺左伏兵起抄賊尾嶺右伏兵同時並起佯退之兵回旗轉

戰鎗礮齊施短兵夾擊賊眾大潰隄腰狹隘賊黨擁擠為濠所阻約計擊斃三百餘名墜濠溺湖者甚多爭舟情急覆船三隻溺水之賊約近百人升用副將玉山都司畢金科等先搗大礮伏於龍開河上之水府廟比見逆船退出連礮環轟亦斃數賊彭三元阿達春等見水陸之賊均已披靡乘勝撲卡卡內賊礮子密如雨彭三元右胸受傷阿達春子傷左臂天氣酷熱均未晨餐隨傳令收隊將生擒之賊十三名就地挖目凌遲查點我軍陣亡四名受傷二十餘人撫標儘先守備黃明魁提標外委李芳祥均因撲卡傷亡其周鳳山等攻東門之賊相持四時亦於午刻收隊此十三日潯城陸兵大獲勝仗之實在情形也

奏稿卷六

美

國藩駐紮南康兩月有餘下游湖口之賊礮船甚多上游都昌之賊雖無礮船而所擄民船小划動逾百數亦常有侵襲老營上下夾攻之患曾於四月二十二五月初八等日派船前往都昌搜洗賊舟均經奏明在案特以東岸無陸兵故陸賊添擄划船終難淨盡都昌之下有徐家埠去湖口六十里為偽監軍姜萬祥盤踞之所催民納貢誅求極酷上游馬家堰有小河直達徐家埠為各處奸民與賊通商之路六月十二日臣國藩派令水師中營賀虎臣酌帶長龍三板二十號千總李逢春帶小划四十號前往徐家埠搜洗賊巢並派試用知縣李錕帶陸勇四百會勦十三日寅刻賀虎臣等由馬家堰駛入小河所過木橋

賊卡拆毀六座已刻到埠該逆以河身淺窄我軍船難於轉旋
即出陸賊三百人前來抗拒李逢春帶水勇登陸迎勦賀虎臣
繼之排鎗轟擊斃賊二人賊眾紛紛奔潰我軍一面追逐一面
燒燬河下賊船逐北數里李錕所帶陸勇亦至乘勝窮追傷斃
賊匪十餘人生擒七人焚燬偽監軍衙署一所守棚望樓數座
偽聖糧館五處焚燒賊船八十餘隻水陸屯聚賊糧數千石盡
數燒燬奪獲旗幟軍械無算次日仍渡湖回南康大營此十三
日搜洗徐家埠賊巢水陸獲勝之實在情形也水師前幫自進
紫青山以後本擬俟陸勇東渡會合進勦六月十五日各營派
二十餘船前往湖口探看賊營形勢弁勇冒險衝出梅家

奏稿卷六

三

洲賊卡外賊船與卡內湖汊賊船齊出我軍二十餘船三面
被圍續到二十餘船亦尙單弱賊眾我寡鏖戰兩時適值南風
大作不能駛回被賊圍去長龍一號三板三號千總洪建勛把
總李文田同時陣亡勇目五十餘人有被擄遇害者有屍水逃
歸者姑塘大隊前往救應該逆始畏怯反奔日暮收隊仍泊青
山此十五日弁勇衝出湖口賊卡開仗小挫之實在情形也伏
查水師自至南康以來與湖口悍賊四次接仗兩勝兩挫論船
礮之精戰陣之法官軍實遠勝於賊特該逆水戰兩岸皆有陸
賊護之我軍兩岸皆無陸兵水營孤立終不宜冒險出卡致涉
疏虞陸軍儘先守備黃明魁屢次打仗奮不顧身去歲岳州之

役偽秋官正丞相曾添養係其手刃此次力戰陣亡應請
飭部從優議卹水營藍翎千總洪建勛把總李文田五月兩次
血戰獲勝均擬開單奏保此次衝鋒陣亡均請
飭部從優議卹其餘傷亡弁勇查明照例辦理所有近日水陸
接仗情形謹繕摺由驛馳奏伏乞
皇上聖鑒訓示施行謹
奏

奏稿卷六

美

擬移潯軍會剿湖口片 咸豐五年七月初六日

再臣國藩塔齊布自正月一別不相見者半年六月二十七日約會於青山言及頓兵江境老帥糜餉上負

主恩下失民望兩人愧憤交集嗚咽難言刻下潯城之賊時多時少臣塔齊布之師若分剿他處則恐大營單薄反為逆賊所乘若合聚一處則五千之眾久無成功日對堅城徒深焦灼而湖口水軍無陸兵以護之彼此俱不能得手羅澤南進攻義甯是否仍折回湖口正未可知不得不思所變計以求有濟於大局擬於七月以內臣塔齊布移至青山渡湖之東會剿湖口如能攻破此關全局固有轉機即不能遽破亦當由彭澤而下

奏稿卷六

直趨建德東流以期與下游池太之師聯為一片是亦大局轉

旋之一策也是否有當伏乞

聖慈指授機宜俾有遵循謹附片具奏請

旨

湖南提督塔齊布因病出缺摺 咸豐五年七月二十四日

奏為湖南提督塔齊布因病出缺 微臣 馳赴九江大營料理喪

事兼統陸軍恭摺奏仰祈

聖鑒事竊臣與提臣塔齊布六月二十七日在青山地方會晤言及潯城未破頓兵已久憤恨同深 微臣 之意謂宜移師東渡會剿湖口掃蕩東流建德一帶長驅直下期與下游蕪湖之師會合塔齊布之意謂自六月以來攻城之具增置完備七月以內即行大舉攻剿誓當力破此城以雪積憤如環攻不破七月底再行移師東渡商酌已定曾於七月初六日附片具奏在案其後塔齊布益廣置攻具備雲梯數百布袋四千紮草人以緣

奏稿卷六

城結竹筏以渡水各營弁勇皆自備攜牌竹盞之屬無一不齊

專俟月黑陰雨之夜大舉攻城 臣 在南康亦派平江勇三千餘

人渡湖之東攻剿湖口訂期十五以後兩城同攻水陸並進不

料七月十八夜潯城陸營專弁飛報南康言塔齊布於辰刻傳

令出隊攻城尙未出營陡患氣脫之症昏迷不醒竟於午刻因

病出缺 臣 聞信之下不勝悲愕伏查提臣塔齊布純誠報

國忠勇絕倫自其為都司時毅然有殺賊立功之志上年蒙

恩超擢提督出師岳州途次於左臂涅刺忠忠報

國四字每戰匹馬當先麾下士卒附從輒麾之使後不令出已

之前或他營被賊圍困輒躍馬馳往救援凡相度戰地及察看

賊營情形嘗以單騎清晨獨往不使將士得知屢被賊眾狙伺
追逼從容禦之臣以不宜冒險迭次勸阻諸將亦日諫止而
塔齊布氣吞凶逆不為怯懼屢瀕危險常有奇緣得免於難湘
潭之戰被賊圍攻縱身越牆得脫崇陽黃梅兩次受傷均以麾
下易馬扶去得脫小池口之戰羣賊曳其馬尾揮刀斫之卒能
縱橫衝突轉敗為功賊中驚以為神而該提督雍容恬退未嘗
一語自伐其能宅心仁厚所得薪水銀兩盡以犒賞士卒或深
夜呼兵勇與之絮語家事親如父子洪山之戰圍逼賊眾溺水
其中幼孩甚多塔齊布大哭立即傳令不殺幼孩救出數百人
資送回籍紀律嚴明不許兵勇騷擾民間有違犯者秋毫無懲

奏稿卷六

臣

身歿之後軍士百姓同聲悲泣不獨臣軍失此名將大損聲威
即東南眾望所推亦均恃為長城之倚遠近官紳並深驚悼臣
於十九日馳赴九江陸營照料該提督喪事二十一日丑刻送
其靈柩出營派副將玉山守備長春提標撫標官兵三百五十
名護送至江西省城臣即暫駐潯城統領陸兵拊循士卒保此
勁旅仰慰

宸廑惟念提臣塔齊布出師二年日夜憂勞費志長逝並無子
嗣家世清貧上有老母其兄弟三人季弟去年陣亡合無仰懇
天恩交部從優議卹湘潭岳州之戰保全湖南為功甚鉅願懇
天恩準於湖南省城建立專祠以慰忠魂而洽民望其湖南提

督遺缺請

旨迅賜簡放以重職守所有提臣塔齊布因病出缺微臣馳赴
九江料理喪事兼統陸軍各緣由恭摺由驛馳奏伏乞
皇上聖鑒訓示施行謹
奏

奏稿卷六

臣

潯軍兩獲勝仗片 咸豐五年七月二十四日

再臣至九江陸營因士氣傷沮恐賊匪探知前來撲營嚴飭各營加意防守二十一日丑刻將塔齊布靈棍送出數里即歸營大加操演會操甫畢該匪自西門出隊搦戰臣派廣東羅定協副將周鳳山統領全軍督率將弁出隊迎敵都司岳炳榮率辰勇由東路前進周鳳山率道勇督戰鎗礮之後繼以刀矛該逆敗退我軍追至新垣傷斃賊匪六七十人逼溺湖水者十餘人攀登賊船各勇追擊沈船二隻未刻收隊查點我軍陣亡一人受傷十餘人幸獲全勝二十四早各將官告請奮勇大舉攻城銳氣百倍已緣登矣該逆擲燒全桶火藥礮子瓦石如雨傷亡

奏稿卷六

仰慰

宸廑謹附片奏

聞

數十人雖未克攻破潯城而將士忠憤有為殊屬難得當統軍新易人心危疑之際得此二仗此支勁旅可無渙散之虞足以

攻勦義甯克復州城摺 咸豐五年八月初七日

奏為攻勦義甯疊獲大勝克復州城恭摺馳奏仰祈聖鑒事竊義甯州城被賊攻陷都司吳錫光陣亡江省震動飛調甯紹台道羅澤南統帶全軍馳往勦辦業經奏明在案嗣據羅澤南疊次稟報該道於六月二十四日自江省起程七月初五日駐營義甯州之梁口地方訪明州城形勢及進兵之路擬由四都高鄉迂道五十里攻州西門初八日辰刻突報州城賊匪由梅嶺來撲該道督同安慶府知府李續賓候選縣丞蔣益澧登山瞭望見賊七八千人屯聚抱子石之下忽分兩支一支循修江南岸而下約四五千人旌旗蔽野漸偏營前分作三路

奏稿卷六

排列岡阜一支循左路山岡而下約三千餘人潛行林間掩旂息鼓以鈔我營之後其旗幟多係所奪州城兵勇之物假冒團練冀混官兵其後路之埋伏者復不一而足該道等辨認清晰飭李續賓帶湘勇右營候選知縣唐訓方率訓字營三哨從營後繞出山阜為奇兵而擊循山之賊又令訓字營二哨埋伏山阿以備策應該道親率湘勇中營蔣益澧率左營排列營前為正兵以擊沿江之賊部署既定按兵不動示之以弱相持一時知賊氣已竭中營左營始揚旗振鼓大呼而進擊斃騎馬悍賊十餘名賊敗右營及訓字營三哨稍從山後繞出橫衝直突此路之賊原冀鈔我之尾不料我兵反抄其後擊斃長髮悍賊八

九名此股亦敗我軍奮力追殺莫不一可當百共計各路斃賊七八百名屍填載道賊之沿江而逃者忽為我軍繞前截住偏賊馮河而渡水深浪急溺斃無數追逐二十里前值一溪羣賊爭渡並拆斷橋板以阻我師因未午餐始令收隊生擒三十餘名奪獲旗械子藥無算時候補知府林懋勳帶勇駐紮對河之三都山上聞賊攻梁口營盤亦率所部及團勇循三都北岸而上賊之浮江而過者悉為林懋勳兵勇阻截殺斃多名此初八日賊來梁口撲營迎勦獲勝之實在情形也十一日由梁口拔營迂道四都十二夜駐高山之棋盤嶺查該處入州有二道一經杭口攻州城之西門擺為正道惟倚崖瀕水勢難並進一經

奏稿卷六

乾坑度小南嶺麓攻州城之西門坑為間道南麓二嶺各高二里許從萬山中盤旋而入羊腸鳥道人皆視為畏途該道探聞小南嶺尚無賊踞親率敢勇百人同該州舉人李炎攜土人為嚮導登小南嶺瞭望形勢麓嶺雖高其上猶可駐營賊據之則杭口一路可以詭道橫截我據之則俯瞰州城居高臨下且我師不度南嶺而自四都以達棋盤嶺已有由杭口直搗州西之勢賊必注意杭口而忽視麓嶺則麓嶺可以乘虛而入因與李續賓等定計由麓嶺進發十三日已刻飭中右兩營前進繼重居中左營訓字營居後時聞賊來杭口者甚眾知必乘我之後密諭管帶左營蔣益澧待輜軍盡行即整隊緊守乾坑隘口

賊來雖多但守此隘必不敢與我敵即小路之通杭口者守此亦足以禦之復飭知州銜候選知縣李杏春候選從九蕭積仰與蔣益澧相為援應該道與李續賓前進掩旂度小南嶺從樹林中登麓嶺守嶺之賊不料我之猝至酣臥亭上驟見旂開紛然四竄我兵奮勇而上斃賊百餘名疾據其嶺該道方籌度營基喜我之得據要地也忽報賊果由杭口來撲追至乾坑以入股偏坑之左精悍搗坑之右又以賊二千人由小路踞乾坑山脊以臨之蔣益澧已先駐乾坑隘口旗幟閒雜林中賊莫測其虛實唐訓方率訓字營登山以禦小路之賊蕭積仰率左營後哨助之蔣益澧率左右兩哨當先奮擊先敗坑右之賊其小路

奏稿卷六

之賊亦為唐訓方蕭積仰衝敗賊之精銳在此兩股故中路賊雖眾而不敢前李杏春乃率左營前哨衝出中路賊亦敗諸勇乘勝跟追賊屢拒屢卻斃賊六百餘人屍遍山谷生擒二十餘人該道在麓嶺聞報馳回救援迨至棋盤嶺見蔣益澧等已獲勝收隊遂率各營同駐麓嶺此十三日移營麓嶺後隊在乾坑接仗大獲勝仗之實在情形也麓嶺距州城僅七里南面高踞四五里左為南嶺大山蜿蜒而至城北之鳳凰山為州城之主峯右為雞鳴峯其下即西門擺城外菁華之所聚也蔣益澧駐嶺左防鳳凰山一路唐訓方駐嶺右防雞鳴峯一路麓嶺中支峯上峻下平可以四應該道率中營駐之其次嶺長而脊瘦僅

足搭一二棚李續賓率右營駐之陣如長蛇又前一峯高而銳與鳳凰山相埒搭望樓其上賊之來蹤莫能隱遁左右有坑坑深莫測由嶺踰坑一升一降約二十餘里鳥道蠶叢險踰蜀道大軍駐此賊來攻我甚難我攻州城之賊財有建瓴之勢十四日辰刻方擬進擣州城詎意城內賊約數萬人五更出隊分五路而來一從鳳凰山直抵南嶺大山欲撲我左營一從西門擺踞雞鳴峯與左路鳳凰山之賊如張兩翼其中路由西門坑來者則分三路一由兩坑之會合處跨嶺而上直抵望樓之前搖旗放鎗以號召兩翼之賊一從坑左大路而上多係精銳直抵中右兩營之左一埋伏坑右樹林中冀攻中右兩營之右布置

奏稿卷六

七

周密該道與李續賓登高審視飭唐訓方攻右路蔣益澧攻左路別分數哨擊右坑之賊登雞鳴峯分路以截右賊之尾又分數哨擊左坑之賊依鳳凰山以截左賊之尾飭右營前中二哨踞銳峯以擊望樓下之賊部署既定嚴飭不可躁進必俟各路賊已偏近然後分路迎勦時中路之賊見我兵伏營不出搖旗吶喊愈偏愈前左坑賊亦拋擲火箭火毬已及營盤諸勇乃整隊大呼而出賊抵敵不住回旗奔走我軍截之斃賊數百望樓下之賊亦為亂石所擊蜂擁而退墜崖死者以數百計乘勝追之兩路之賊卓旗於兩坑會合處計誘我兵前進不料復為我所襲上下夾擊諸賊無路可逃攀緣絕壁登而復墜及藏匿叢

莽閒者皆為我兵搜殺約千餘人屍填溪澗水為之赤該道中路之兵既已獲勝擬循鳳凰山麓徑攻州城因聞雞鳴山諸賊未潰懼乘我後中路兵遂先收隊其左路之賊依鳳凰山而來者見左坑賊敗我兵窮追欲循山而下以橫截之而左坑之賊賊數百先奮躍登山冀與左路會合併力堵禦見左坑跟追之勇亦捫石扳藤牽連而上賊不能走蔣益澧復率諸勇由南山大嶺橫過直偏賊前奮力相殺又得左坑之勇自下而上以截殺之賊遂望鳳凰山返奔我勇追殺斃賊近千許餘悉逃入州城其右路之賊排列於雞鳴山者見各路賊敗諸勇窮追不敢回城惟踞峯巔以待此峯極峭我兵不能仰攻以十數人誘之

奏稿卷六

八

賊乃循崖而下徐度數峯冀撲訓字營唐訓方率勇奮力迎殺賊以火箭亂石傷我兵數人諸勇仍前奮力殺斃悍賊數十人賊敗疾登峯頂諸勇猱升而上思尋開道以分鈔之賊畏包裹反從峯側以走諸勇更出峯上賊氣益餒墜死峭壁者數百人我兵復從雞鳴峯下循脊而上分道鈔之李續賓亦由雞鳴峯左繞道截之賊無一脫者殺斃跌斃者無數未刻收隊殺賊之多未有如此役者數路共計斃賊約五六千人生擒二百七十餘名中多長髮老賊奪大小旗四百餘面馬十餘匹此十四日釐嶺數路分勦大獲勝仗之實在情形也該道等既有此大勝欲熟審形勢進攻州城十五日午後蔣益澧率勇登營左之

鳳凰山一帶觀州城東北之路唐訓方率勇登營右之雞鳴山一帶觀州城西門擺之路該道與李續賓由西門坑審視復分登左右各山以望之正擬歸營不意賊疑搦戰遽出大隊以數千人立鳳凰山巔擲木滾石阻我左路以數千人聚西門擺山坡揚旂放鎗阻我右路其中路之西門坑於兩山交互處設卡三重橫跨溪上各高丈餘外砌木石內灌土砂密排礮眼以萬餘人守之我師突與相遇見日色將晡進退未決各營踴躍請戰遂乘賊隊未整急以擡鎗橫排卡外連環施放輕捷者援兩岸之峭壁以擊之賊不料我速進氣為之奪所設堵卡皆一呼而破死於火器刀矛者以數百計乘勝追至西門城根將江邊

奏稿卷六

覽

賊壘悉數焚燒左路鳳凰山之賊見中路諸卡已破不能自持紛紛下竄諸勇奮臨其巔乘勝追殺賊墮崖死者數百人山上賊營立時焚盡右路雞鳴峯諸勇見兩路並進亦揚旗直下訓守營繼之賊之被截殺者不下三百人西門擺所設望台木城一時灰燼火光四起賊無路可歸淨沈修江中者以千餘計城中之賊閉門死拒先是南嶺鎮總兵劉開泰帶兵分勦修江之南岸十三日由黃沙橋移營湘洲已函商該道約期南北夾攻是日正欲收隊忽聞南岸礮聲震天火箭噴筒交加豬婆灘諸賊營相繼火起知劉開泰之兵已至急遣親兵相與定約於十六日五更出隊劉開泰統帶各弁兵由南岸渡河該道督飭李

續賓帶湘勇右營自雞鳴峯攻西門唐訓方率訓守營將益澧率湘勇左營攻北門該道親率湘勇中營攻東門又知府林懋勳先守南嶺彭姑要隘防賊東竄十五日亦自南嶺赴州隨同攻勦諸兵勇不顧礮石四面圍攻或乘梯而登或肉薄而上登時克復州城殺斃長髮賊千餘名生擒三百餘人訊明正法義甯被虜之民七八千人審明釋放奪獲偽書偽印器械無算敢匪乘夜散入各鄉多為團練格殺或送營正法此十五十六等日進攻獲勝會同南岸官兵克復州城之實在情形也餘匪由杭口一帶潛逃現已督飭兵勇嚴行追捕等情前來臣伏查義甯居萬山之中形勢險阻地連湖北湖南一隅不靖三省戒嚴

奏稿卷六

奉

自逆賊攻陷憑險負固日眾茲幸迅速克捷江西湖南兩省肘腋之禍已紓而湖北崇通賊數亦已聞風膽寒所有此次出力員弁實屬奮勇爭先出奇制勝除劉開泰一軍由江西撫臣另摺奏保外按察使銜甯紹台道羅澤南專善察看山勢迂道數十里力爭鼇嶺要隘殺賊之多與去年半壁山相等前此克復廣信府此次克復州城並關係數省大局為功甚偉可否准加布政司銜出自天恩安慶府知府李續賓樸誠勇敢戰必身先應請交軍機處記名以道員請旨簡放知州銜候選知縣李杏春候選知縣唐訓方均請以同

知直隸州不論雙單月卽選候補縣丞蔣益澧請以知縣補用
並加同知銜其餘出力人員容俟詳查開單請獎陣亡弁勇查
明分別辦理所有攻勦義甯疊獲勝仗克復州城緣由恭摺由
驛馳奏伏乞
皇上聖鑒訓示施行謹
奏

奏稿卷六

聖

曾文正公奏稿

卷之七目錄

水陸進攻湖口獲勝摺 咸豐五年八月初七日

湖口陸營迭勝水師小挫摺 八月二十一日

派羅澤南一軍由崇通回勦武漢摺 全日

派周鳳山接統潯軍片 全日

彙報何桂珍在江北勝仗摺 全日

請令何桂珍辦楚皖團練片

師久無功自請嚴議片 九月初五日

羅澤南軍克復通城縣摺 九月二十三日

羅澤南分勦崇陽彭三元陣亡摺 十月二十日

彭三元童添雲祀塔祠片

謝寬免嚴議 恩摺 十一月二十一日

九江湖口水陸接仗情形摺 全日

新昌萬載逆匪攻陷瑞州臨江摺 全日

九江湖口水陸勝仗摺 十二月十二日

李錕劉希洛請 贈卹片

水陸會克樟樹鎮及新淦縣摺 十二月十九日

水陸進攻湖口獲勝摺 咸豐五年八月初七日
奏為水陸兩軍進攻湖口疊獲勝仗已入縣城湖內賊船焚燒將盡恭摺具奏仰祈

聖鑒事竊鄱湖水師未能攻破湖口一關必須東岸有陸兵夾攻乃能得手疊經奏明在案七月十四日賊船數十號由鞋山分兩路來撲我青山水營蕭捷三等伴為弗知堅泊不動該匪東岸各船直趨沙灣欲截我軍上流其西路一股已抵青山礮子落我船頭我軍排成一字仍堅泊不動直待賊船逼近我船百餘號一齊起旋眾礮同轟併力圍鈔轟沈該逆舢板三隻燔燒二隻賊敗振舵回奔各營擊鼓揮旗追近鞋山賊忽回頭抵

奏稿卷七

敵我軍追擊在前者停漿少待復整全陣轟沈賊船二隻追至卓湖又圍截賊船二隻直追至上鍾山凡四十里因逼賊巢日暮收隊生擒賊十五名奪礮七尊旗幟刀矛多件此十四日水師在鞋山接仗獲勝之實在情形也陸軍欲攻湖口必由徐家埠文橋蘇官渡等處節節攻破賊卡乃可規復湖口七月十四日候選同知李元度江西候補知縣李錕劉希洛等帶平江勇三千餘名由南康渡湖十五日行至段家鋪三道齊進李錕繞出賊前斷賊歸路該匪踰嶺奔逃殲斃五名生擒三名搜擊偽監軍旅帥等十一名訊明正法奪獲黃旗刀矛百餘件十九日李元度進至文橋聞偽總制劉得勝偽指揮張立旺與徐家埠

敗賊皆聚於此李錕彭斯舉胡益南吳齊源等分作四路包鈔該逆開礮轟拒我軍併力衝入斃賊百四十餘人生擒偽總制劉得勝等十一名凌遲梟示奪獲賊械尤眾二十一日進攻蘇官渡中途探知湖口逆首偽承宣胡鼎文親率悍賊千人來撲我軍三路迎勦行至曹均橋見賊馬三十餘匹駐阜瞻望彭斯舉即令開礮先斃一賊又殲大旗賊四名哨官丁峻李慶雲飛馬衝隊手刃二人各勇殲斃三十餘人該逆退奔四五里仍駐山坡卓旗搦戰彭斯舉丁峻等追及鎗礮齊施鏖戰一時陣斬騎馬賊目偽總制蘇秀成偽旅帥杜得勝等五名斃賊百四五十名該逆復退奔五里至蘇官渡過堤復駐山岡卓旗搦戰李

奏稿卷七

錕劉希洛各揮勇衝殺哨官李錕發併力馳擊追至三家市陣斬穿黃馬褂賊一名又斃賊百五六十名尸橫道左是日該逆三次卓旗駐隊三次敗北共追奔二十里斃賊三百餘名奪獲賊旗幟器械無數此陸軍由徐家埠進攻文橋蘇官渡三戰獲勝之實在情形也二十三日李元度等拔營直趨湖口劉希洛攻大嶺段瑩器繼之彭斯舉攻黃土嶺李錕攻小嶺胡益南居後策應三路並進由大嶺入者各哨爭先鼓勇踰越險隘殺斃守卡賊二十餘名遂乘勝入城其由小嶺入者至西門外於陷坑內見賊埋伏大礮遂躍坑而過奪其礮位並將守門悍賊立時斫殺由黃土嶺而入者亦將守險之賊擊斃十餘人餘眾

潰散我軍一擁齊登立破馬房嶺賊營一座拋擲火毬斃賊無算餘賊覓船逃竄我軍追殺直抵湖塢賊舟用礮回擊傷我弁勇數十人我軍抵死不退回擡礮轟斃入船之賊多名其城內賊營溝寬丈餘鎗礮猛烈各勇從礮煙中一躍而進踏毀營牆斃賊及蹂踐死者三百餘人隨將城內火藥局礮局糧局一概焚燒煙焰蔽天我軍既入湖城踏平賊營二座勇氣百倍惟瀕湖下鐘山賊壘尙存牆極堅固地尤險峻中藏悍賊千餘我軍大呼躍近連擲火毬該逆亦以礮石火彈相擊拒戰數時殺賊百餘人我軍傷亡數十人是日水師各營亦抵湖口北風甚勁浪立如山遙見陸兵已臨城下皆奮勇直進兩岸賊船向前迎

奏稿卷七

三

敵我軍開礮轟擊逾時賊堅持不退我船輪番出隊衝過賊艘夾擊圍攻突進者數次後營營官都司蕭捷三見賊兇悍揮旗大呼陷陣諸船隨之並進意欲乘勝直下不料下鐘山及梅家洲兩岸賊牆排礮齊發蕭捷三中礮陣亡我軍雖折一將各營尤奮力向前戰逾數時逆船不敢抵敵退紮賊牆之下憑險負固水陸死守環而攻之不能得手適後營長龍船失火賊意我軍慌亂蜂擁而來各營喜賊舟出巢趁勢衝入千礮齊發羣漿如飛頃刻之間衝出賊卡駛至大江之外賊敗船亂或逃出八里江或竄入扁擔夾或回泊下鐘巖賊牆之下我軍環攻賊舟近前拋擲火彈將下鐘巖賊礮船二十五隻立時燔爲灰燼其

民船裝載火藥者亦皆燬滅煙薄重霄又分軍追八里江之賊逐北二十里薄晚水軍泊梅家洲陸軍遂宿城內之月台山通夕猶數出隊驚擾賊營二十四日陸軍昇銅礮數尊對下鐘山賊牆轟放賊情窘迫突開南門出數百人登山劫礮我軍圍殺六賊各勇預持草把擬填壕破卡賊忽以二股出禦又殺其數人始退我軍追近賊壘亦爲逆礮所傷是日水師見八里江賊船十餘隻上駛復衝出卡外追燒賊船三隻紮泊八里江此水陸兩軍會攻湖口直入縣城踴毀賊營焚燒湖口賊船之實在情形也二十五日李元度等以下鐘山賊卡急難攻克我師接戰兩日一夜精力已疲遂仍紮離縣十二里之蘇官渡水軍復

奏稿卷七

四

出卡外游繹見八里江僅有賊船聞礮即遁莫由追剿因亦折回分泊青山螺絲港等處臣在九江陸營聞湖口開仗蕭捷三陣亡卽親帶陸勇四百名馳抵青山據水陸各營陸續稟報前來伏查該逆久踞湖口恃有下鐘山與梅家洲對峙據險築卡堅如石城水軍經過輒爲叢礮所擊莫敢逼近目下陸軍雖入縣城水軍雖衝出大江而兩岸賊牆未破必須厚添勁旅先奪下鐘山之卡使梅家洲賊卡勢成孤立然後水師紮出外江乃操勝算現復籌添陸兵前往助剿惟此次殺賊千餘名受傷弁勇至二三百名之多實屬勇敢出力籲懇皇上天恩容臣擇尤保敘以示鼓勵水師營官游擊銜湖南都

司蕭捷三去年在外江力戰數十次沈毅擊勇中礮殞命使臣頓失指臂之助深堪憫惻本年在內湖打仗屢勝日夜以攻破湖口肅清江面中段為念忠憤內蘊疊擬超保副將尚未出奏可否

飭部照副將例議卹出自

皇上逾格天恩陣亡弁勇俟查明另行辦理所有水陸兩軍進攻湖口疊獲勝仗已入縣城燒燬湖內賊船緣由恭摺由驛馳奏伏乞

皇上聖鑒訓示施行謹

奏

秦稿卷七

五

湖口陸營迭勝水師小挫摺 咸豐五年八月二十一日 奏為水陸兩軍攻剿湖口陸勇疊戰獲勝水師小挫一次小勝一次恭摺具奏仰祈

聖鑒事竊七月二十三、四等日水陸兩軍會攻湖口連日血戰大勝已入縣城蹋破賊壘兩座湖內逆船焚燒將盡等情業經奏明在案二十七日聞賊由彭澤運來火藥船數隻並戰船十餘隻在流澌橋小河停泊李元度派令胡益南吳齊源帶勇焚剿賊見我軍驟至紛紛開駛我軍連放擡鎗斃賊數名復拋火毬焚其火藥船戰船數號二十八日探得離湖口五里之柘磯與八里江遙對有偽關一座係偽點聖庫黃賊把守征收船稅

秦稿卷七

六

屯匪數百名派從九彭斯舉等馳往勦辦該逆棄關上船逃竄即將偽關署及附近賊巢一併焚洗正欲收隊忽下鐘山賊壘突出二三百人來援我軍整隊迎擊先刃悍賊一名餘匪敗退後路之賊尚分數股鈔截彭斯舉先衝迎頭一股擒斬數名適李銀劉希洛之勇亦分擊鈔後之賊殲斃多名是日蘇官渡亦有賊撲老營別伏數百人於山凹塘坳之間李元度派兵先搜其伏截賊歸路飭胡益南從蘇官渡過坳一擁而前呼聲震天賊敗退至五里橋被我軍橫截殺賊百餘人追至大嶺與彭斯舉之勇相合遂結隊而旋八月初三日探知安慶有賊千餘來援湖口初四日辰刻有騎馬賊二十餘人帶賊數百來蘇官渡

擄戰黃旗蔽野我軍出隊逾時見賊已過垣距營百餘步其埋
伏山後者賊數尤夥密派吳齊源從間道鈔賊之後度其將至
然後以大隊過垣迎擊礮斃二賊餘眾稍卻我軍空壁馳入大
呼而進手刃大旂賊五名黃馬掛賊四名搜出偽印照知係偽
總制秦加訓及偽旅帥功勳等賊正敗走而接應之賊踵至拒
戰一時敗賊齊奔是日共殺賊三百餘人生擒十四名羅澤南
自義甯馳至南康僅帶親兵六十人臣飭其東渡湖口督率平
江勇痛加攻勦初八日約會水師併攻下鐘巖賊壘由黃土嶺
大嶺小嶺分三路並進經馬房嶺及舊城賊營二處前爲我軍
踏毀者已復爲賊所踞我軍分股搶登武生鍾輔朝等首先躍

奏稿卷七

七

入舊城連殺數賊匪眾潰退守下鐘山我軍登嶺焚其望樓遂
升月台山昇礮輪轟賊巢忽三百餘賊拚死衝出登山奪礮我
軍併力截擊手刃十餘賊賊敗退回各勇疾馳跟追已及下鐘
山營門將乘勢衝入賊閉門死拒門外尙有二十餘賊未得入
壁悉爲我勇殲斃此七月二十七八等日陸勇焚燒流澌橋賊
船柘磯偽關及八月初四初八等日接仗獲勝之實在情形也
初八日陸路約會水師併攻湖口後幫五營各船開赴湖口紮
泊上鐘山自二十三日水軍大勝賊船盡竄之後該逆僅賸三
十餘號是日又在九江添來十餘號分泊梅家洲兩岸午刻南
風大作賊船約五十號由兩岸衝上開礮齊轟抵敵逾時因風

急水流船勢直趨下游賊船進則包鈔我軍我船進則流入賊
卡弁勇慌亂遂各振舵回奔而賊船已乘勢上追各哨見賊逼
近或推礮入湖梟水而遁或擲火彈焚船登岸間有殿後被賊
圍困力戰捐軀者共失去長龍舢板二十一號初九日五鼓賊
乘勝來撲我水軍前幫之泊青山者因一湖之隔不及救應後
幫各營新敗之後通夕巡邏嚴陣以待賊至我船排列一字萬
礮對轟一時之久賊揚帆返舵佯爲退卻我軍嚴立不動賊船
果復回駛猛勇衝突我軍各礮飽食羣子愈擊愈奮鏖戰三時
轟沈賊船二隻落水死者以百計始紛紛敗竄追逐四五里收
隊此初八日水師因風順失利棄船及初九早接仗獲勝之實

奏稿卷七

八

在情形也據水陸各營先後稟報前來臣伏查湖口僅賸下鐘
山及梅家洲二卡石牆堅固屢次血戰不能攻破惟有籌派勁
旅再圖力勦至水師因風順失利棄船多隻貽誤事機去年靖
港陳陵磯之敗均因南風太大不能收隊嗣後臣諄諄戒飭不
許順風開仗乃各弁勇不能遵守教令致陷覆轍殊屬輕進該
五營營官保升都司秦國祿已革翰林院編修吳嘉賓均撤去
營官秦國祿失船較多並請
旨卽行革職保升花翎都司孫昌國藍翎把總何啟長藍翎縣
丞賀虎臣於次早賊匪撲營時尙能奮勉堵勦轟沈賊船保全
老營應免其斥革均請

旨革去翎枝暫留營官之任以觀後效其餘失事各哨分別審辦以示懲戒哨官葛惟柱五月十三三十等日屢戰獲勝擬保千總尚未出奏此次力戰捐軀請

旨照千總例

賜卹所有水陸兩軍攻勦湖口陸勇疊戰獲勝水師小挫一次

小勝一次緣由恭摺由驛馳奏伏乞

皇上聖鑒訓示施行謹

奏

奏稿卷七

九

調派羅澤南一軍由崇通回勦武漢摺咸豐五年八月二十一日奏為調派羅澤南一軍由崇通一帶回勦武漢恭摺覆奏仰祈聖鑒事咸豐五年七月二十四日准兵部火票遞到承准軍機大臣字寄七月初一日奉

上諭駱秉章奏湖南鄰省賊氛四逼兵力不敷請飭調回湘勇以資防勦一摺前因羅澤南一軍為賊牽制未能即歸九江諭令會國藩等俟義甯勦辦得手後即將該道調回與該侍郎等併力會勦茲據駱秉章奏稱兩廣之賊竄陷郴州東安等處永州寶慶一帶處處緊急楚北之賊復窺伺平江等處又有黔匪滋擾西路該省兵勇既多調赴在外復須防勦黔粵楚北江西

奏稿卷七

十

五省之匪不敷布必須羅澤南一軍折回湖南防勦自係實在情形惟昨據陳啟邁奏現籌調集兵勇進攻武甯已咨羅澤南等妥速攻勦該道能否即折回湖南助勦之處著會國藩等酌量現在情形妥籌分撥迅速具奏至江西省軍務或先克九江或先將鄱湖賊船掃除仍著遵照前次諭旨迅籌勦辦將此由六百里加緊諭令知之欽此遵

旨寄信前來竊臣前於提塔齊布淪逝後即飛函至義甯令羅澤南來營面商大局羅澤南得信由義甯之杭口直至南康連日熟商勦辦事宜上而武漢下而湖口皆東南所必爭之地湖口破則扼截長江之腰脅使安慶賊舟不能與湖廣相通武

漢破則雄據長江之上游使金陵賊巢百貨皆絕其來源而有日就窮蹙之勢故論古來爭關奪要之道則湖口之與武漢其輕重亦略相等而論目前形格勢禁之道則必力爭武漢而後可以保全鄰省能保全完善之省而後可以規復被陷之區羅澤南於二十九日抵南康臣即飭令渡湖帶親兵數十人督率平江勇於初八日攻勦湖口一次仍以下鐘巖石壘過堅未能遽破恐頓兵日久老我勁旅羅澤南亦具稟數千言規畫詳明慨然以援鄂爲己任遂決定回勦武漢之計已於八月十六自南康起程由義甯進擣崇通一帶西上武昌矣伏查駱秉章原奏所稱鄰氛四逼者西防黔匪東防義甯今義甯克復黔匪亦

奏稿卷七

上

靖則東西兩路均可弛防惟南路有兩粵之土匪竄入永郴北路有鄂賊之分枝上犯岳郡二者相衡北路更爲喫重今羅澤南一軍由崇通橫截而出仍自蒲咸掃蕩而下則鄂賊不敢上犯岳州是即所以紓湘省北路之憂也湖北一省欽差大臣西凌阿總督官文兩軍均在北岸惟巡撫胡林翼一軍向在南岸近聞移師北渡進紮漢陽南岸極爲空虛設武昌之賊逸出由紙坊上犯蒲咸則勾結蔓延爲患方長得羅澤南一軍由崇通截出直搗武昌是又所以救鄂省南岸之疏也臣反覆思維權衡緩急姑舍湖口而不攻令羅澤南回勦武漢取道較便而所全較廣羅澤南所統湘勇訓練勇僅三千六百人臣

又在九江陸營撥參將彭三元都司普承堯寶勇一千五百名足成五千之數其餉項由江西酌撥漕折捐輸銀兩交該道親行資帶臣又咨札編修孟培植主事胡大任王柏心等在荊州勸捐以資接濟暫可無虞缺乏惟羅澤南一軍將領多諳練老成士卒亦久征慣戰回武漢以勦粵匪則可回湖南以勦土匪則不可方今東南大局即不能遽破金陵犂庭而掃穴亦當力爭江面拊背而扼吭湖南爲臣桑梓之邦豈不思所以保全特不力挽大局則一鄉一邑亦終無獨全之理合無仰懇皇上天恩飭下兩湖督撫諸臣羅澤南一軍不得調回湘省其麾下五千人亦不得分支調撥致兵力單薄難以圖功一俟湘

奏稿卷七

上

省北路肅清武漢勦辦得手臣仍飛調羅澤南前來會師以圖進取所有調派羅澤南由崇通回勦武漢緣由恭摺由驛覆奏伏乞

皇上聖鑒訓示施行謹

奏

派周鳳山接統潯軍片咸豐五年八月二十一日

再提臣塔齊布病故後潯軍猝無統屬臣札派廣東羅定協副將周鳳山統領全軍七月二十一日該逆撲營經周鳳山督率各營擊退二十四日督勇攻城極為出力均已奏明在案嗣二十六及八月初十日周鳳山率各勇分路與賊打仗連獲勝仗查潯城一軍除將寶勇千數百名撥歸羅澤南統帶會攻武昌外尙有三千餘人皆經塔齊布訓練已久足稱勁旅理合奏明歸周鳳山統領以一軍心而資堵剿惟塔齊布聲威炳耀士卒親附後來殊難為繼周鳳山新領此軍臣飭令止重防守不圖進取現在江西境內惟九江彭澤兩城湖口梅家洲兩壘被賊

奏稿卷七

三

占踞而我軍西扼潯城東扼湖口水師扼駐青山如果三路防守嚴密賊不能內犯一步江省土地均可不被蹂躪所有派委周鳳山統領九江陸軍緣由謹附片奏

聞 殊批知道了周鳳山既能統屬仍應相機進取欽此

彙報何桂珍在江北勝仗摺咸豐五年八月二十一日

奏為道員何桂珍在江北攻勦英山蕪水羅田股匪疊獲勝仗謹彙前後稟報補行具奏仰祈

聖鑒事竊臣於上年十月奏調安徽道員何桂珍來營助勦欽奉

諭旨飭催該道歸併臣等一軍當即轉飭遵照嗣因賊匪回竄江路復梗該道派委前署貴池縣知縣李沛蒼來營稟商帶兵會合之路李沛蒼中途遇賊繞越漢口金口以上馳赴江西二月間始到臣營何桂珍在江北不能渡江併入臣軍即屯紮英山蕪水等屬皖楚交界之處與賊匪接戰十餘次屢獲勝仗常

奏稿卷七

四

雇長毛探卒渡江來臣營遞送稟報往往中途沈失五月以後續據該道補鈔英蕪各案具稟前來查該道係皖省之官其勦賊在皖楚交界之地又係奉

旨調歸臣軍之員理合將前後各戰摘敘入奏仰慰

聖懷緣何桂珍去秋招集開化合肥等勇勦辦豫省捻匪降其

頭目李兆壽馬超江等即以投誠之豫勇三千名歸李兆壽馬

超江統帶在於蕪英等縣往來堵勦正月初六日該道由英山

督率員弁兵勇行抵羅田縣境適聞逆匪攻破蕪水之信十七

日我軍抵蕪水之蔡家河飭署桐城縣知縣任春和代理太湖

縣知縣婁業仕率帶李兆壽馬超江之豫勇安徽候補知縣劉

兆彭帶開化勇懷甯縣知縣許垣馮元霍帶合肥勇教諭李培帶英霍蕪水諸勇十九日分路進攻殺賊二百餘名乘勝破城而人又殺賊五百餘名出其不意一鼓克復此正月十九日攻克蕪水縣城之一案也二月初二日英山縣稟報有太湖賊數千入境該道率同任春和婁業仕劉兆彭等帶勇往勦時英城賊共五六千人我軍分道齊進奮力夾擊安徽守備阿克敦亦帶兵繼進賊翻山逃竄追殺十餘里斃賊千餘生擒七十九名旋聞蕪州土匪勾結逆賊數千欲由蕪水蔡家河進撲羅田二月初六日飛調阿克敦等與合肥勇進攻賊爲鎗礮所傷敗奔上山我軍仰攻賊全股撲下殺賊四百餘人相守一夜次早賊

奏稿卷七

五

遂奔潰豫勇與開化勇跟踪夾擊追至蕪水縣之松柏坳此二月初二英山城外擊賊獲勝初六蕪水蔡家河擊賊大勝之二案也後蕪賊復欲來撲英邑該道飛調各勇趕回英山二月十七日賊聲言將攻太湖該道知其詭計專力扼守英城嚴陣以待賊果三路來攻馬超江奮力急進刺殺偽總制田金爵一名田金爵爲蕪黃一帶巨魁到處斂錢募丁以助虐餓自上年臘月受僞東王印照勾結匪黨數千常有悍賊百餘隨之以行黃衣黃帽乘坐綠轎自該逆被殺賊即大敗竄自彭家畝屯踞山頭我軍圍攻賊敗分路竄逸追二十餘里直過大畝河轟斃溺斃之賊不下千人滾崖落港者死傷枕藉生擒七十餘名內有

曾文正公奏稿 卷七

偽總制偽司馬二名此十七日彭家畝戰勝殲劇賊田金爵之一案也三月二十一日探聞賊眾復聚蕪水欲攻英山爲田金爵復仇該道於英蕪交界之陳家坂紮營並分兵埋伏聞賊由朱陽河蜂擁而來我軍迎擊殺三百餘人追至數里外忽見數處火起知有匿賊四路兜勦斬首一百四十六級生擒三十四名嗣聞逆賊踞查兒山爲負隅之計該道以賊匪恃險死拒難以力爭即揚言由查兒山進攻而潛師由雞鳴河進襲洗馬畝相踞二里賊始聞知我軍分爲三路直搗巢穴燬營三處斃賊四五百人乘勝追賊過河時大雨如注我軍溺斃數人斬馘及生擒賊匪共一百三十二名五月初一日蕪賊復糾約土匪萬

奏稿卷七

六

餘假冒鄉團併集英城該道親督光州勇暨任春和等諸勇迎擊斃其頭目共十七人殺賊無算追至大畝河擒斬過半餘皆拋棄兵械逃回蕪境此三四五等月在朱陽河雞鳴河大畝河擊賊獲勝之三案也五月初六日蕪賊復窺英境該道親率光州合肥諸勇駐城防守並派任春和劉兆彭帶豫勇開化勇分防彭家畝大畝河等處十一日蕪賊萬餘分路來撲經豫勇開化勇擊退十二日該逆乘五鼓大雨攻豫勇營盤我軍拒戰逾時殺賊多名因李兆壽腿受刃傷被賊圍困豫勇扶掖潰圍而出陣亡百餘人時馬超江之勇亦敗紛紛散回該道聞報帶勇出城接應兼堵南口任春和等亦繞出賊前分路扼截該道猝

七二七

遇多賊來衝馬被矛傷墜地見賊眾我寡勢難取勝次日遂同英山縣知縣蘇秀槐飛調羅田各屬團練會剿時賊已入城我兵為賊所隔不能進攻豫勇絕糧三日散走過半李兆壽已受傷遂飭其督帶豫勇回籍該道一面招聚散卒一面號召諸路團練計隨營聽調者不下萬餘人二十六日分數路由英山西南北三門進攻該逆突圍而出被我軍鎗斃千餘人登時收復縣城賊躍河逃竄復截殺數百人奪獲賊械無算此五月十二日官軍小挫英山被陷二十六日大獲勝仗克復英山之二案也伏查該道自正月以來大小十餘戰屢挫凶鋒克復蕪水英山兩城陣斬渠魁田金爵勞績尤著惟據前後稟稱所帶各

秦稿卷七

七

勇從征半年未給口糧屢次血戰不惟賞卹無貲甚至日鮮一飽每勇日給白麪四兩或兩日領米一升該道與各委員並有斷炊之事迭派許垣婁業仕等分途勸捐米石往往為賊所阻不得入城必俟賊退二千餘人始得一飽三月內曾分別遣散五月間豫勇飢疲過甚竟以小挫致潰等情臣接閱之下不勝感喟何桂珍以二千疲勞之卒當羣盜出沒之區數月無餉轉戰不休在該道受恩深重自當力圖報效其從征員弁兵勇勞苦倍於他軍合無仰懇天恩准臣擇尤保奏以作士氣抑或歸於皖楚各督撫保奏之

處伏候
聖裁所有何桂珍在江北攻勦英山蕪水羅田股匪疊獲勝仗緣由理合彙案補行具奏伏乞
皇上聖鑒訓示施行謹
奏

秦稿卷七

七

請令何桂珍辦楚皖團練片 咸豐五年八月二十一日

再查蕪黃英霍當皖楚之交萬山迴互匪黨最多康熙年間于成龍辦蕪黃之賊驅除數年蕪夷無算始就肅清近年以來南岸之大冶與國北岸之蕪水蕪州黃梅廣濟土匪尤眾一經粵匪勾結羣起響應動滿數千幸羅田麻城黃岡黃安等縣紳民好義團練殺賊歷有成效英山之民亦多深明大義敵愾同仇該道何桂珍往來皖楚之界已近一載各屬紳耆信義相孚每遇匱乏之時鄉里常以簞壺犒軍屢次勦賊獲勝亦賴團練之力後臣愚見擬令何桂珍總辦該處團練以皖省言之太宿則蕪民較多英霍則良民較多以鄂省言之黃廣二蕪則蕪民較多羅田麻城則良民較多此時辦法練數縣之良民殺數縣之蕪民用該處之錢辦該處之事目前能殺一著名之匪將來大軍到日即少數百從賊之人實屬裨益不淺惟匪徒在楚境最多而團練亦惟楚境之羅麻等屬最為可恃合無仰懇天恩飭下湖北安徽各督撫轉飭何桂珍督辦羅田英山麻城等屬團練嚴清皖楚各屬土匪所需費用准在各屬勸捐俾該道有專責之事而於大局亦有無窮之益一俟武漢克復羅澤南一軍勦賊東下該道與之會合仍可歸併臣軍遵照前次諭旨辦理所有擬請何桂珍督辦皖楚交界團練緣由謹附片具奏請

秦稿卷七

九

秦稿卷七

三

旨

師久無功自請嚴議片 咸豐五年九月初五日

再臣自抵江西整飭水軍本擬四五月間水陸會剿攻破湖口一關緣義甯州失陷羅澤南率師回救不能赴湖口會剿繼而與塔齊布面約移師東渡攻剿湖口該提督又遽爾殞謝後飭平江勇往攻湖口二十三日水陸大戰極為得手而下鐘山石壘堅固異常竟不能破自辦理內湖水師已逾半年鄱湖以內雖已一律肅清而未能橫截江面終無裨於大局轉瞬霜降水涸攻剿愈難師久無功餉項虛糜應請旨將臣交部嚴加議處惟臣調度乖方咎無可辭而助臣辦理軍務實有勞績不可泯滅者亦不敢壅於上

秦稿卷七

主

聞侍郎臣黃贊湯自去歲督辦捐輸已逾六十餘萬兩孳孳勸諭毫無抑勒紳民為之感動其致臣書函有云軍務一日不竣辦捐一日不息其致羅澤南書函有云如餉項緊急則傾家破產亦所不恤等語實屬力拯大局公爾忘私南昌府知府史致諤於九江廣信湖口等軍支應諸件晝夜叢尤毫無貽誤水軍所需子藥輒動數萬筋亦能措置裕如綜理繁劇舉重若輕候補直隸州知州李瀚章自去歲辦理糧台每於艱難挫折之際透迤經營不激不隨今年在江西與禮部主事甘晉應付各路軍需亦能權衡緩急毫無浪費至外江金口水營正月初三日李孟羣等赴援武昌僅礮船五十餘號初五日彭玉麟等赴援

武昌亦僅礮船八十餘號尙有被大風損壞舵折楫摧者到武漢後又復三次遭風臣時深慮外江水師不克維持曾於奏牘內言之賴湖南巡撫臣駱秉章一力維持接濟船礮撥給餉項添募水勇俾金口水師危而復安弱而轉強以保湘省即以衛大局該撫署內幕友候選同知左宗棠於外江水師尤為殷勤保護一船一礮一哨一勇皆苦心照料勞怨兼任一面在長沙操練一面發往鄂省力挫水賊兇鋒候補知府彭玉麟於大風壞船之後督率舟師赴援武昌其時賊勢方張我軍氣餒彭玉麟一面修整破船一面鏖戰悍賊與李孟羣同心協力目不交睫八十餘日竟能保守金口水軍復振其堅忍之力殊屬難得

秦稿卷七

主

禮部主事胡大任自賊氛再犯武漢以後在於新堤地方勸捐助餉安定民心接濟軍火歷艱險而不渝現復往荊州勸捐籌濟援鄂之師前任知府黃冕專辦湖南礮局前後造礮至六百餘尊之多不特外江水師借此大振軍威即在鄱湖亦提來礮位一百零二尊其所造皆精練光瑩與洋礮無異所製竹筒炸彈之類亦皆具有精心利於攻剿實屬有用之才不敢不一瀝陳於聖主之前侍郎臣黃贊湯巡撫臣駱秉章受恩深重自應竭誠報國李孟羣職任兩司亦不敢仰邀

獎敘其史致謬等以下各員擬即歸入義甯州案內開單保奏

願懇 恩施所有微臣師久無功請交部嚴議及助益臣軍勞績較多各緣由謹附片具奏請旨

秦稿卷七

三

羅澤南一軍克復通城縣摺咸豐五年九月二十三日
奏為羅澤南一軍由義甯進剿獲勝克復通城縣城恭摺馳奏仰祈

聖鑒事竊甯紹台道羅澤南克復義甯後駐軍杭口輕騎馳抵南康與臣熟商由崇通援勦武漢之策八月十六日復由南康起程回營各情業經奏明在案嗣據羅澤南稟報八月二十七日率湘勇五營訓字營暨參將彭三元游擊普承堯所帶之寶勇次第由杭口拔營九月初一日抵通城界之南樓嶺下阻兩二日初四日由嶺拔營初五日駐通城之東南山上管帶平江勇五品銜即選知縣李源濬何忠駿藍翎即選知縣黃崇策

秦稿卷七

五

藍翎千總方城等亦於是日趕到駐營通城之西南山上賊之在通城者初止四五百人鍾姓賊首自義甯敗後懼我軍進攻崇陽屯聚萬餘人於崇陽之桂口嗣聞我軍進剿通城亦於九月初四五等日陸續來賊六七千人於城之西門外山上築大木城兩座層布礮眼深掘重濠濠外竹籤木椿縱橫密釘冀以抗拒我師該道駐營後自帶勇敢之士數百人沿城審視形勢旋由城之西南登山瞭望該逆見我軍無多忽出大隊追襲諸勇回旂擊之殺斃騎馬賊目三名生擒七名賊敗歸壘負固不出初六日辰刻方集各營會議進攻部署甫定平江勇分三路直撲城外賊壘賊於壘中以大礮轟擊該道急飭各營繼進記

名道李續賓率湘勇右營候選訓導劉蓉率湘勇副右營候補直隸州李杏春率湘勇副中營攻城外賊營與平江勇接應該道率中營繼之攻城西北參將彭三元游擊普承堯率寶勇與唐訓方率訓字營蔣益澧率湘勇左營攻城東南值平江勇進勦喫緊我軍乘之殺斃當先悍賊數十人乘勝奪入賊壘縱火焚燒壘中諸賊悉由西北渡溪而奔諸勇分路截殺積屍溪中水為之赤時城中各門皆閉惟甯北門通桂口之路甯西門通城外賊壘壘中賊為我勇所截拚死逃竄仍由西北二門奔入城中諸勇奮力尾追直偪城根守城之賊以磚石下擊我勇多受重傷皆冒死奪門而入東南路諸勇亦攀援而上將南門賓

奏稿卷七

奏

陽門拆開各營之勇繼之而入殺斃城中賊無算城中之賊挺而走險盡從北門蜂擁而出城門半啟值我軍衝入共相擁擠賊踐死於甕城者甚多我軍亦有為賊踐傷者該道見眾匪猶踞城樓以巨石拒抵因飭各營分伏北門外之樹林中俟賊大隊奔出四路截殺有未出者我軍又退俟其再出而再殺之如是者六七戰城中賊盡追至十餘里外鮮得脫者前後斬馘約三千人內有穿黃褂長髮賊數十人生擒共三百五十餘名奪獲大小旂幟百餘件馬百餘匹軍械穀米無數隨訊生擒諸賊供稱鍾姓賊首因受湖北賊目偽諭令其力守通城遏我師北下俾武漢之賊得以徑窺岳州等語狡諂已極該道入城後招

撫難民搜捕餘匪待稍綏定即行進勦崇陽桂口等情前來臣伏查鍾逆自義甯敗後防我師直取崇陽即屯匪眾萬餘人於桂口極力堵禦嗣見我師先趨通城復移桂口之賊併力救援經羅澤南諸軍痛勦殺賊三千一鼓克復實足以塞賊膽而奪崇陽桂口之氣所有在事出力員弁俟查明彙案請獎以昭鼓勵把總李懋勳首先登城奮不顧身以致陣亡並請敕部從優議卹陣亡各勇查明照例辦理所有克復通城縣城緣由專摺馳奏伏乞

皇上聖鑒訓示施行謹

奏

奏稿卷七

奏

羅澤南分勦崇陽彭三元殉難摺

咸豐

五年十月二十日

奏為羅澤南一軍分勦崇陽援賊在壕頭堡獲勝一次敗挫一次參將彭三元等殉難旋在羊樓崗接仗續獲大勝恭摺具奏仰祈

聖鑒事竊羅澤南一軍克復通城縣城進攻崇陽情形經臣奏明在案當以羅澤南去軍營漸遠附片聲明嗣後湖北軍情准令羅澤南專摺奏報或由湖北撫轉奏即不復具奏矣九月十四日羅澤南督率諸軍克復崇陽縣城一案經該道就近稟明楚省各督撫諒已專摺奏

奏稿卷七

七

樓崗失利退守岳州該道懼賊乘勝上窺岳郡直犯長沙因派記名道李續賓訓導劉蓉知縣蔣益澧直隸州知州唐訓方游擊普承堯等分率各勇於十八日黎明由崇陽拔營十九日駐羊樓崗以防西路上犯之賊羅澤南與參將彭三元知州李杏春等暫駐崇陽以資彈壓擬即兩路合攻蒲圻適崇邑官紳以偽總制楊萬年率敗賊七八百人據梯木山為老巢騷擾壕頭堡地方冀乘我師一去復陷崇陽稟請勦辦羅澤南以壕頭堡離縣四十里賊僅八百可以一鼓殄滅免貽後患二十二日派彭三元李杏春往勦行抵道口突遇賊二百餘人為我師擊退駐營塘泥嶺二十三日李杏春率湘勇前行彭三元率寶勇繼

之捫藤板石至梯木山見賊二百餘人搖旗放鎗我勇分路追殺斃賊數十名縱火悉燒楊逆之宅收隊循原而下忽報偽翼王石達開帶悍賊六七千人將至登山望之黃旗漫野喊聲震天我軍分三路應之左中兩路之勇分途疾進殺斃當先悍賊賊潰諸勇或尾追或腰截戮屍遍地右路松林內黃旗愈集愈多李杏春復馳馬登山督勇整隊以俟該逆為山岡所隔不知中路左路之賊已潰揚旗吹角而至勢甚凶猛諸勇分路雕剿連斃大旗悍賊八九名賊反走彭三元督勇橫截之殺賊尤眾餘向白羊山奔投咸甯而去日暮收隊計三路斃賊八九百人內有偽將軍偽指揮二名奪獲偽印二顆大小旗幟馬匹偽冠

奏稿卷七

七

服無數據生擒之賊供稱偽翼王由金陵水路至武昌縣登岸取道金牛統賊二三萬人昨夜宿咸甯今日交戰係其前隊之賊等語此彭三元等分兵勦壕頭堡初次接仗獲勝之實在情形也二十四日彭三元等擬拔營回崇陽羅澤南亦以書促之歸甯傳令開條聞翼賊大隊遠至約二萬人勢極兇惡鎗礮火箭噴筒連環施放彭三元李杏春見眾寡不敵飭諸勇不得輕進擇隘堵截賊眾麤至與戰二三十合彭三元左耳受礮傷血流滿襟猶率勇力戰如故自卯至未鏖戰五時之久賊黨始退前後斃賊約百餘人二十五日黎明翼賊由咸甯率大股盡數趕至崇陽土匪又從而益之將營盤三面圍繞彭三元李杏春

誓以身殉各跨馬分路堵禦相持二時之久屢卻屢進忽賊從後路繞入營盤拋擲火毬勒馬回救賊眾尾追彭三元大呼衝突手刃黃馬掛賊一名遂為羣賊刺於馬下李杏春見彭三元已死義不獨生遂殉難把總蕭馥山始終隨李杏春不離為賊所殺其胞弟把總李光熾居營守輜重聞其兄遇害亦死之哨長守備銜候補千總彭獻傑把總劉碧山獨當一路與賊力戰及營中火起猶執旗衝入賊中同時死難諸勇知無能為且戰且卻整隊而歸羅澤南在崇陽聞壕頭堡危急之信於先一夕派李續宜率勇往援又調蔣益澧由羊樓往援二十五卯刻復自率五成隊疾馳救援距營十里見諸勇潰歸已無及矣因督

奏稿卷七

完

隊排列山岡賊不敢窮追此壕頭堡突遇大股悍賊參將彭三元等殉難之實在情形也羅澤南回至崇陽因與蔣益澧商議我師分紮崇陽羊樓兩路兵力皆單新挫之後不如仍合為一以固軍心遂於是夜五鼓拔營午刻抵羊樓崗與李續賓劉蓉等併為一營探知偽國宗韋俊自鄂省率賊萬餘由紙坊而上二十四日已至蒲圻矣二十六日羅澤南甫抵羊樓方令傳餐突報蒲圻賊大股來攻羅澤南與李續賓登山瞭望見賊屯聚峯頭為二大支一支薄山而下踰田隴旋分三支直逼我營是為賊之正兵一支捲旂息鼓埋匿七里沖各山內深藏不見是為賊之奇兵冀誘我師禦其正兵即以奇兵從後乘之撲入營

盤羅澤南會各營商定以我師自崇陽至者久戰之後疲於遠行不令應敵飭劉蓉擊田隴賊陣之腰李續賓從左路石山抄田隴賊陣之尾唐訓方以三哨當田隴之賊以二哨搜賊營前山內之伏普承堯之勇令分二路以搜七里沖諸山之伏時壕頭堡新敗收集之勇各欲爭先出隊報仇雪憤羅澤南許之令其策應各路田隴賊見唐訓方人少銳意直前鎗礮火箭齊至我兵不動誘賊漸逼營前以擡鎗擊之繼以短兵鏖戰逾時賊不能支劉蓉率勇從中段截之賊亂反旗而走為諸勇所包不得出賊之在後者回奔峯巔李續賓已先繞至截殺之蔣益澧亦分路策應賊之正兵大敗其伏於山內者不知田隴之賊已

奏稿卷七

完

敗急思出戰普承堯諸勇或繞出山巔或從山口分路殺入賊之奇兵亦敗分途追殺至十里之遙日暮收隊各路共殺斃九百餘名多係長髮老賊內有偽總制黃姓偽指揮李姓身懷偽印生擒七十餘名殺之以祭壕頭堡陣亡將士諸勇猶痛憾切齒爭啖其肉此羊樓崗續獲大勝之實在情形也羅澤南以壕頭堡兩營失利方思休息數日緩圖進剿得此勝仗士氣復揚擬稍加振厲即當相機剋期會攻等情前來臣伏查壕頭堡餘匪無多羅澤南分兵勦洗覆巢殲賊已除後患不料偽翼王石達開大股由金牛開道猝至致遭挫衄良將賢員相繼淪喪誠堪憫惻至羊樓崗為湖南接壤之區日前官軍潰退楚疆岌岌

可危該道分軍扼要堵守或可重振軍威規復鄂垣保升參將
彭三元忠勇明練屢著戰功克復通城案內擬保副將而九月
二十四日臣遵

旨保舉堪勝總兵人員一摺亦以彭三元曉暢營務足勝專閩
之寄茲矢志殉節請

皆飭部照副將例議卹以慰忠魂候補直隸州知州李杏春韜
略熟諳深明大義通城案內擬保知府茲力戰捐軀請照知府
例從優議卹其餘殉難各員守備銜候補千總彭獻傑把總蕭
馥山李光熾劉碧山均請從優議卹陣亡勇目查明照例辦理
其羊樓崗獲勝出力員弁由羅澤南彙案稟請獎敘所有分勦

奏稿卷七

三

崇陽援賊接仗各緣由謹專摺馳奏再此次軍情應由楚省具
報緣殉難彭三元係臣軍屢戰得力之將未便沒其忠績是以
仍行奏報合併聲明伏乞

皇上聖鑒訓示施行謹

奏

彭三元童添雲附祀塔祠片咸豐五年十月二十日

再保升參將彭三元向隸提臣塔齊布軍營戰功疊著為塔齊
布素所賞拔茲以兵單挫衄猶負傷血戰誓以身殉忠勇之槩
偏裨中實為罕儔臣前奏請湖南省城為塔齊布建立專祠欽

奉

諭旨允准應並請以彭三元入祠附祀俾義烈幽靈得所依附
益昭

聖代褒節勸忠之意又參將童添雲隨塔齊布轉戰二千里每
戰隻身陷陣去臘在九江受傷殞命合營皆為痛哭經臣奏明
請照參將例從優議卹亦蒙

奏稿卷七

三

允准在案此次並請附祀塔齊布祠宇以慰忠魂合併陳明謹
附片具奏請

旨

謝寬免嚴議 恩摺 咸豐五年十一月二十一日

奏為恭謝

天恩仰祈

聖鑒事十月十九日准兵部火票遞到咸豐五年九月二十六日內閣奉

上諭曾國藩奏師久無功自請嚴議等語兵部侍郎曾國藩督帶水師屢著戰功自到九江雖未能迅即克復而鄱湖賊匪已就肅清所有自請嚴議之處著加恩寬免欽此竊臣自入內湖整輯水師意在攻破湖口力扼長江中段使上下游之賊不得相通區區微志久在

奏稿卷七

三

聖明洞鑒之中乃五月初調羅澤南會攻湖口旋以義甯赴援不克前來七月底調李元度環攻湖口已復縣城又以石壘未破不克成功前與塔齊布會晤之時議將九江陸軍長驅東下會合向榮蕪湖之師而該提督倏爾淪謝遂乏慷慨同志之人近聞廬州克復之信擬將內湖水軍衝出大江會合和春北岸之師而潯城陸軍撤入腹地南岸又無依傍之處機不遠順謀不克成累月曠時師老餉匱中夜以思慙憤交併自以調度無方應獲嚴譴乃蒙

天恩曲宥寬免嚴議處分祇聆之下感悚難名臣惟有殫竭愚誠激揚士氣不敢偷安片刻不敢浪費一錢俾銳氣之常新冀

逆氛之速靖庶以仰答

高厚鴻慈於萬一所有

天恩伏乞

皇上聖鑒謹

奏

微臣感激下忱謹專摺附驛馳奏叩謝

奏稿卷七

三

九江湖口水陸各軍接仗情形摺咸豐五年十一月二十一日

奏為九江湖口陸軍剿賊先後獲勝青山水師兩次接仗情形恭摺具奏仰祈

聖鑒事竊九江兵勇自派副將周鳳山統領七月八月與賊接仗四次均獲小勝暨湖口水陸各營八月會攻下鐘巖賊卡各情業經分別奏明在案嗣九月二十七日十月二十一日九江逆匪分股來撲屢經我師擊退迨十一月初五日賊眾約二千名由九江東北兩門繞城行至八里坡高嶺地方分為六股排列嶺之東西各三股卓旗吶喊西門亦出賊約三四百名由楓樹灣前來復有賊由南門湖內用船登岸撲我軍西面周鳳山

奏稿卷七

見賊黨四面圍至出八成隊迎敵以嶺東賊較多派參將阿達春帶勇衝擊嶺東左路之賊都司畢金科帶勇衝擊嶺東右路之賊周鳳山親率都司滕國獻滕代清千總張登雲滕加洪彭開科諸勇衝擊嶺東中路之賊另派都司李新華周岐山帶勇共擊嶺西三股而令辰常兩營迎擊西門一股時九江鎮總兵居隆阿亦派隊出擊湖內之賊各路官兵分股迎擊賊在八里坡正欲前行經阿達春之勇由左繞至刀矛並舉首先衝鋒斃賊十數名滕國獻率帶官兵亦至鎗礮齊施呼聲震谷衝殺嶺東中路畢金科之勇亦由嶺東右路衝入各斃賊數十名賊敗嶺東三股齊退入東門樹林內抗拒二時之久我軍見城上鎗

礮如雨不敢近逼周鳳山遂令阿達春等分股往湖邊鈔賊後賊見我兵鈔襲始行奔至北門江邊欲乘船而逸滕國獻乘勢追逼賊上船不及溺斃者計數十人蓋嶺東之賊係由小池口渡江而來故敗後仍竄江邊也時都司李新華周岐山等帶勇在嶺西各敵一股殺賊數十名奪獲旂械多件賊敗退走入東門城上大礮連轟我軍遂不敢進其西門賊一股經守備岳炳榮等辰勇分左右夾擊各有斬獲至南門湖內之賊係大礮船四號小划十餘號已駛進甘棠湖袁家嘴等處上岸焚擄經總兵居隆阿用礮轟沈大船一隻小划二隻擊斃淹斃之賊十餘名賊敗駛出湖外時已申刻各路依次收隊是日共殺賊二百餘名黃馬掛賊四名溺斃尤多此十一月初五日九江陸軍

奏稿卷七

剿賊大勝之實在情形也初七初八該逆復出城來犯均經擊退小有斬馘湖口下鐘山賊黨自屢創後堅匿不出十月底三

次來犯我軍出隊追擊飛奔回巢皆未窮迨十一月初五六日聞下游來援賊千餘人添集鐘山初七日已刻分五股來犯直抵蘇官渡北岸搖旗放鎗同知李元度傳令飽餐不許輕動候賊氣已疲遣守備羊瀛率右營從馬影橋東路包鈔從九彭斯舉率中營前營從勞家渡西路截擊知縣胡蓋南訓導吳齊源率左營從中路直衝三面兜剿殺斃當先賊一名賊退追過五里橋突起伏賊二百餘人我軍眾礮抵敵傷賊十餘名逆首偽

承宣黃文金騎馬衝陣經投誠之蔣文煥等指認遂令各哨圍擊直取賊渠該逆狂竄追至三家市逆眾回匿下鐘山我軍登大小嶺各據山椒麾勇焚其卡房望樓七所直逼下鐘巖石牆之下又殺賊七名逾時見逆船從梅家洲渡賊至東岸皆新到之賊時已日晡各營收隊捲塘而歸詎黃文金復率眾來追勢極兇悍彭斯舉羊瀛等分路衝截往復十餘次輒有斬馘因日暮不敢戀戰徐徐收至三家市忽逆黨十餘人傾巢尾追各營且戰且退至五里橋我接應兵畢至直衝向前李元度催兵返鬪彭斯舉羊瀛等望見逆首黃文金遂率擄礮指擊該逆被轟落馬賊眾拖曳我軍乘勢反攻立斬二十餘賊奪旂三桿逆黨

奏稿卷七

奔潰不復成軍各營仍追至三家市乘月收隊歸營是日殺賊不過四十三名礮傷不過數十名而往返追逐鏖戰竟日該逆凶悍狡詐殊難輕視查點我軍受傷陣亡十一名此十一月初七日湖口陸軍久戰獲勝之實在情形也水師久駐青山九月二十七日賊船五十餘號竄至姑塘我軍列陣禦之與賊相持該逆佯往東路退敗我軍乘勢進攻賊復分船開向西岸鎗礮連施時青山陸營亦已出隊至姑塘見匪船近岸用擡鎗火箭轟射賊不敢近我船一齊駛近猛攻賊始敗竄將抵鞋山我軍追擊賊又回舵迎敵我船分左右包鈔賊復敗北追至盍山日暮收隊是日礮傷賊匪甚多我軍僅受傷三名十月二十七日

賊船數十號來至東岸螺絲山申刻各營會商恐逆船潛匿二十八日我軍前右兩營循西岸新中嚮導兩營循東岸均近鞋山中流灣泊先派哨船巡探該逆瞥見我軍哨船兩岸出隊我哨船且戰且走引至鞋山賊見我船陣勢嚴整鎗礮猝發即行敗走右前兩營由西岸尾追風急水濶頃刻追及湖口賊忽回船拒戰我軍因順風窮追隊伍稍亂勢少退卻營官劉國斌往復苦戰每戰一合輒麾大船捲塘先退小船殿後右營長龍船一隻因灘乾擱淺不能駛回被賊圍奪退至鞋山東岸二營近前接仗擂鼓助威萬礮齊集悍賊始振舵回奔我軍又復尾追數里日暮收隊是日鏖戰四時雖斃賊以百餘計我軍亦傷亡

奏稿卷七

三十餘人此水師九月二十七日及十月二十八日接仗之實在情形也據各營稟報前來伏查周鳳山一軍士卒新附每飭其加意防維相機進取茲該逆以大股數路來犯幸分投抵禦大挫兇鋒我軍士氣為之一振湖口陸營經李元度設計招降離其黨羽陸續投誠之偽官偽書記已七十餘人此次逆首受傷稍摠積憤臣惟有督飭各路堅壁固守伺隙而動以期力破賊壘戰亡兵勇查明照例辦理所有九江湖口水陸各軍接仗各緣由恭摺馳奏伏乞皇上聖鑒訓示施行謹奏

新昌萬載逆匪攻陷瑞州臨江摺咸豐五年十一月二十一日

奏為新昌萬載逆匪分股攻陷瑞州臨江逼近省垣急調副將

周鳳山九江全軍馳往堵剿並抽撥水師嚴防省河情形恭摺

馳奏仰祈

聖鑒事竊臣迭接署江西巡撫陸元烺來咨及官紳函稱義甯

股匪竄入新昌安福股匪初竄分宜繼陷萬載十一月初十

一等日復分股將瑞州臨江兩府城池攻陷江西候補縣李錕

劉希洛所帶之平江勇在瑞州與賊接仗亦多傷亡李錕劉希

洛俱無下落續調新授贛南道耆齡帶饒州防勇二千名回省

防剿並囑臣酌派楚師勁旅赴援等語又據各路探報李錕劉

奏稿卷七

元

希洛俱已陣亡並稱此次賊犯江西實係偽翼王石達開偽豫

王胡以既偽翼丈黃姓偽丞相曾姓張姓率眾二三萬人大舉

內犯九月間從安慶上竄湖北樊口登岸取道金牛西上九月

二十五日濠頭堡之挫參將彭三元等殉難十月初五日通城

之挫知縣李原溶等殉難十五日義甯之挫總兵劉開泰殉難

此次瑞州之挫知縣李錕劉希洛等殉難係與石逆大股相遇

該逆往來於湖北湖南江西三省交界之區蹂躪猖獗逆氛極

惡萬載股匪自湖南茶陵而來者已與粵匪合而為一各等情

臣查石達開為賊中著名驍悍之魁上年在湖口與臣軍水陸

接仗詭計百端卒挫我師今乃大舉內犯又附以茶陵股匪自

非厚集勁旅不足以資堵剿謹就臣愚見調遣布置分條具奏

伏乞

訓示

一臣處陸路兵勇除羅澤南一軍業經奏明調赴鄂省外惟副

將周鳳山九江一軍久征慣戰較為得力臣接瑞臨失陷之信

即於十五日飛調周鳳山統帶全軍前往堵剿已於十八日自

九江拔營由江西省城進攻瑞州矣臣亦知濤防喫重不宜輕

撤柰石逆大股竄踞瑞州恐其肆擾腹地江省難以抵禦臣處

別無重兵不得不先其所急暫解九江之圍移剿瑞臨之賊

一江省水師係河南候補知府劉于濤統帶八九月間隨臣紮

奏稿卷七

早

泊南康後因茶陵股匪竄至安福臣調劉于濤帶水師至吉安

防堵旋因萬載新昌先後竄陷署撫臣陸元烺又調劉于濤至

樟樹鎮防堵今石逆大股攻陷瑞州臣恐江西水軍過於單薄

又在青山楚軍水師內抽調賀虎臣一營帶戰船三十號駛赴

省河與劉于濤協同防守梭巡上游一帶無使該逆東渡直薄

省城

一羅澤南一軍係兩湖巡撫奏調奉

旨飭赴湖北剿賊入楚以後克復通城克復崇陽大捷羊樓崗

克復蒲圻戰功屢著茲石逆大股猝來江西內郡恐周鳳山一

軍尚難迅速撲滅江省官紳皆思調羅澤南回江會剿以壯聲

援臣思湖北通城縣為三省適中之地與湖南之巴平湖北之崇蒲江西之義甯州相去皆在百里內外已飛飭羅澤南在於通城地方駐紮俾石逆大股有所牽掣顧忌不敢深入江西腹地三省有急可以兼顧如周鳳山一軍不敷勦辦再調羅澤南由義甯回江助勦以為後勁之繼如瑞臨之賊迅就撲滅則羅澤南由通城回攻武昌亦不過二百餘里

一臣贛南道耆齡督同游擊遮克敦布帶額勇二千在饒州防堵聯絡紳團屏障東北深得民心署撫臣調耆齡至吉安義甯等處防勦饒州士民來臣營兩次稟請該道留饒以重東路之防情詞至為懇切旋因瑞事愈急署撫臣飛檄飭催耆齡令遮克

奏稿卷七

望

敦布先帶額勇一千馳赴省城今瑞臨并陷九江重兵已撤赴省城局勢大有變更則遮克敦布之兵自應仍回饒州以嚴東北之防查江西省入九十月以後土匪自湖南茶陵而來粵逆自湖北通城而來西邊吉袁瑞臨四府並遭蹂躪此時惟當防守東北力保饒廣撫建四府庶錢糧有可徵之處奏報有可通之路保全半局冀以挽回全局臣屢次函商署撫臣陸元烺留耆齡久駐饒州無庸調往他處近又兩次咨商請飭遮克敦布帶額勇仍回饒州防堵東路以免疏虞以上各條謹就目前情形酌量布置是否有當伏乞皇上聖鑒訓示指授機宜再本年自三月以後奏報均由湖南

馳遞此次臨江失陷道途梗塞奏報仍由浙江馳驛呈遞合併聲明謹奏

奏稿卷七

望

九江湖口水陸勝仗摺 咸豐五年十二月十二日

奏為九江陸軍拔營賊乘間來攻接仗獲勝濶軍既撤賊眾分撲湖口青山陸營我軍兩次大勝恭摺具奏仰祈

聖鑒事竊瑞臨兩府失陷飛調副將周鳳山九江全軍由省城馳往堵剿業經奏明在案 臣料九江撤營之時該逆必出城猛撲既撤之後該逆必合攻附近之青山陸營與湖口陸營均經諄飭嚴防詎該逆探知周鳳山將於十八日拔營十七日濶賊由東門約出八九百人分股擾犯我軍迎擊賊退至城根周鳳山戒勿遠追將次收隊賊又回敵南門湖內亦出賊划多隻各營旋追旋伏每追則賊即退回如是者數次該逆忽前忽卻意在

奏稿卷七

聖

在罷勞我師周鳳山與都司滕國獻畢金科商定分兵要截遂帶勇由中路首先衝鋒並調參將阿達春都司李新華帶勇由左路進剿守備岳炳榮千總黃玉芳呂國恩帶勇由右路進剿分途鈔襲伏兵齊起沿途共殺賊二百餘名呂國恩亦受礮傷殞命賊眾敗退入城其時南門湖內賊划開礮拒戰都司周歧山唐得陞帶勇由湖汊施放連環鎗礮擊沈賊船二隻斃賊十餘名船隨駛出湖外申刻收隊查點兵勇傷亡二十九名此十七日九江陸軍拔營賊乘間來攻接仗獲勝之實在情形也十八日濶師既撤之後濶賊千餘人與湖口梅家洲之賊三處聚大舉而犯湖口李元度之營二十日黎明分七路來撲其由

山家市三股至蘇官壩者為賊之正兵由酒坊嶺斜趨馬影橋者為賊之疑兵由菱角塘勞家渡列三路直趨營前隄岸者為賊之奇兵合眾三千餘人黃旗遍野馬數十匹往來衝突我軍堅持不動賊以正兵直犯蘇官壩逼近營牆燒更棚一座左營開礮轟斃三賊該逆仍悍立不退李元度以賊氣方盈戒勿輕動賊之奇兵千餘人愈逼愈近時我軍於營前築兩隄蓄水環護以為外壕賊近隄首空涌而前我軍隔港鎗礮輪轟該逆不敢過隄忽別股從下游躍馬揭衣而渡搶近山巔勢極凶猛李元度令從九彭斯舉率各哨突從山下包鈔知縣胡蓋南率左營分路圍截前營各哨李大雄等亦怒馬衝鋒短兵相接三路

奏稿卷七

聖

合擊立將過港之賊殺斃二十餘人奪馬三匹逆黨見水奔逃彭斯舉等渡港跟追隄上之賊亦敗李元度遂率諸軍過橋將大股正賊擊退追至五里橋適守備羊瀛率右營遙從馬影橋包鈔而至前後夾擊殺賊二百餘名賊之在洲堤者猶轟礮抵禦我軍奮力死戰呼聲動地陣斬騎馬賊十餘名轟斃殺斃二百餘人賊遂狂奔不復成隊我軍乘勝追殺屍橫十餘里填坑滿谷直至山家市接應之賊踵至各營轟礮抵禦迴合十餘次彭斯舉率勇復繞路圍鈔羊瀛胡蓋南各截一路賊復大敗追至大嶺黃土嶺餘賊退奔入巢其潛匿民房者搜殺二十餘人我軍捲塘收隊仍分三路振旅而還是日殲賊約七百餘名生

擒十一名奪獲號褂旗械四百餘件此二十日潯湖賊眾合攻湖口大戰獲勝之實在情形也青山陸營與湖口李元度之師夾湖而軍本以護衛水師臣派同知林源恩都司黃虎臣兩營同駐該處與水師相依陸勇僅及千人距九江四十里前此專恃潯軍以為聲援自潯師既撤青山陸營單薄無援深以為慮二十日湖口戰勝之後即調軍功胡應元管帶平江勇六百人渡湖合駐青山以資堵禦十二月初三日九江小池口梅家洲三處之賊約二千餘人攻撲青山陸營逆舟四十餘號同時上犯賊之正兵據姑塘蔡家嶺其東一路沿湖岸而上西一路屯集廣信橋黃旗漫山勢甚兇猛黃虎臣林源恩等商定各帶隊向穆家埂分途進剿黃虎臣先敵廣信橋一股潛派二百餘人尖於左側松林內約聞號礮即行截殺林源恩直趨蔡家嶺別遣兩哨循湖岸繞出姑塘之背廣信橋之賊見我軍猛進列陣抵禦號礮一發松林內伏兵衝出呼聲震天包鈔賊尾黃虎臣合師圍剿短兵相接各勇冒死陷陣銳氣百倍殲斃悍賊四百餘名內有偽先鋒謝姓偽將軍鄧姓二名餘賊狂奔自相踐踏我軍追及斃匪多名林源恩方在蔡家嶺與賊相持大呼登山賊旋下嶺抵敵我軍直衝而入賊隊散亂立斬騎馬賊二名賊敗竄又追殺十數名胡應元扼守要口見兩處賊敗乘勢邀擊亦殺數賊計陸軍殺賊將及五百人奪獲旗幟軍械六十餘件

奏稿卷七

奏

是日逆舟上犯辰刻已抵姑塘我水軍戰船駛下鎗礮輪轟相持不決陳炳元令各水營佯為敗退俾賊尾追誘至湖寬水深之處回棹大戰萬礮齊轟約三時之久該逆紛紛敗竄我軍追奔三十餘里至盛山月出始行收隊此初三日青山水陸接仗獲勝之實在情形也據各營先後稟報前來臣伏查九江湖口梅家洲小池口四處逆匪分合靡常善於避堅擊瑕知我軍拔營倥偬不暇迎敵則先一日出偏師以疲我知潯陽大營已撤湖口青山兵勇單薄則合全力以乘我詭計百端不可究詰茲幸三次獲勝潯賊不敢出巢內犯或可保全江省之北路陣亡藍翎千總呂國恩請

奏稿卷七

奏

敕部從優議卹傷亡兵勇查明照例辦理所有九江陸軍拔營賊乘間來攻接仗獲勝及湖口青山兩次大勝緣由恭摺具奏伏乞

皇上聖鑒訓示施行謹

奏

李錕劉希洛等請贈卹片 咸豐五年十二月十二日

再江西前署宜春縣知縣李錕前署德安縣知縣劉希洛經前撫臣陳啟邁飭委管帶平江勇各一營春開賊陷弋陽廣信劉希洛帶勇八百名隨同羅澤南往勦克復兩城李錕之勇則隨駐紮南康五月令往勦洗都昌馬家堰一帶賊巢七月望後同知李元度進攻湖口李錕劉希洛之勇均合同往在段家鋪文橋蘇官渡等處屢戰獲勝七月二十四五等日分路夾勦攻破湖口縣城該令等親冒礮石屢著戰功方冀再加歷練可成勁旅詎九月底茶陵土匪肆擾吉安之永新安福萬載等縣而義甯石達開股匪復竄踞新昌署撫臣陸元烺迭次咨商調李

奏稿卷七

七

銀劉希洛之勇由湖口先後馳赴援勦旋因瑞州緊急調往堵禦紮營離城二里之高岡十一月初十日賊眾數千來犯我軍迎擊殺賊五六百名生擒七十餘名賊退駐十五里外其夜新昌悍賊畢至十一日黎明賊萬餘人來瑞州分五路撲營劉希洛率把總李進發分途出勦斃匪四百餘名賊愈聚愈多四面圍逼劉希洛親執桴鼓督陣各勇鎗礮輪轟繼以刀矛自辰至申血戰數時火藥俱竭劉希洛叱呼親勇衝突賊陣數次身受矛傷血流被體坐馬亦受傷倒地棄馬步戰手刃三賊力竭遇害李錕亦被賊圍數時以鎗礮前後抵禦賊圍逼愈緊拋擲火蛋焚燒營盤李錕手劍突圍而出率親兵數人苦戰逾時賊湧

如潮矛戟叢刺亦力竭陣亡伏查劉希洛李錕均由拔貢舉人署理江西知縣素著循聲臨危慷慨忠勇可嘉其殉難情形業由陸元烺具奏請

旨優卹在案惟該令等屢戰出力均擬彙案保獎尙未出奏據劉希洛之家丁及李錕之子李蔭雯來營具稟理合據稟奏聞可否將劉希洛李錕各加贈知府銜之處出自

天恩又據稟稱劉希洛之胞兄祁陽生員劉希濂於咸豐四年七月在德安力戰陣亡相應請

旨飭部一併議卹以慰一家之忠魂而作全軍之士氣謹附片具奏請

奏稿卷七

七

水陸會克樟樹鎮及新淦縣城摺咸豐五年十二月十九日
奏為周鳳山一軍會合水師大獲勝仗克復樟樹鎮旋收復新淦縣城恭摺具奏仰祈
聖鑒事竊水陸兩軍攻克樟樹鎮焚燒賊營賊船臣甫得捷報
即經附片先行奏

聞在案茲據周鳳山劉于濬等先後稟稱十一月二十七日周鳳山在江西省城探聞賊中藤牌手最為凶悍即預製鈎連槍明定賞格有殺斃藤牌手者予以重賞本月初三日行抵臨江界距樟樹鎮十五里與水師劉于濬賀虎臣等會商次早進剿探知逆匪於該鎮西南岸紮營五座高牆深濠密釘竹簽以拒

奏稿卷七

完

陸師對河東北岸搭浮橋有賊營一座兼築礮台以抗水師須分投夾擊使賊首尾不能兼顧庶可制勝初四日黎明周鳳山派都司滕國獻周岐山唐得升李新華守備黃玉芳等帶勇攻西路賊壘三座參將阿達春都司畢金科岳炳榮等攻南路賊壘兩座劉于濬與經歷賀虎臣各帶師船分攻東北岸一股水陸並進該匪傾巢而出約三四千人周鳳山諸將奮勇當先鎗礮刀矛輪轟叢刺鏖戰數時賊之藤牌手驍勇善戰急難取勝周鳳山調鈎連槍數隊疾進破之殺賊五六百人賊眾奔潰我軍追擊擲放火彈火箭立將賊巢五座燒燬又斃數百人其藏匿民房者未及窮搜當於該鎮兩頭縱火焚賊無數餘匪突圍

奏稿卷七

卒

而出由浮橋逃竄我軍追至匪眾皆鳧水逃命時東北岸一股堅拒逾時我軍僅有水師無陸兵接應劉于濬等與賊鎗礮對轟急難攻破令軍功李廷棟疾駕小划首先登岸用火彈噴筒透賊營後路拋擲登時火發千總蔡康業李逢春率諸勇蜂擁衝入賊棄營逃走李逢春等搶登礮台將守礮賊殺斃奪礮三尊立將賊營燒燬餘賊或逃入村莊或爭渡浮橋當派千總奈化南與賀虎臣等將戰船排成一字連放鎗礮對橋轟擊該逆窮蹙自相踐踏死者不下百餘人我水師立時斫斷浮橋直衝而過焚燒賊船百餘號並奪新改之戰船數號一併燒燬賊之奔匿村莊者陸軍又搜擒二十餘名均即正法是日水陸共殲賊一千餘名屍橫遍野奪獲偽印旗幟軍械無算此十二月初四日克復樟樹鎮踴平兩岸賊壘拆橋燒船之實在情形也初八日周鳳山行抵灌溪聞新淦縣城有賊千餘人盤踞該縣為通撫州府及省城要道若舍此徑鞠臨江恐賊由東岸竄擾蔓延撫建必須先克新淦乃無後路牽制之虞遂於初九日約同水師星夜進攻適臨江府知府史麟善署新淦縣知縣李作士代理清江縣知縣金漢帶勇會剿我軍銜枚疾進詎該逆聞風懼怯即於初十日黎明在縣城四門放火紛紛渡竄臨江我軍跟蹤追擊斃賊十餘名水師拋擲火毬燒燬浮橋亦斃賊多名其登岸之賊狂奔遠遁我軍入城安撫居民此初十日水陸各

營會攻新淦收復縣城之實在情形也臣伏查偽翼王石達開占據臨江府匪黨分布瑞州新昌新淦奉新及袁吉各屬又以精銳屯聚於樟樹鎮扼省城之咽喉意在蠶食腹地窺伺省垣且攻陷樟鎮未久即已仿造戰船謀占上游逆計實為凶狡周鳳山初統此軍驟當大敵臣深恐其難遠得手茲幸先破樟鎮次收新淦仰仗天威軍聲已振刻下進攻臨江臣飭其加意謹慎勿因勝敵而驕力求自固以殲巨寇此次水陸弁勇奮猛出力顯懇皇上天恩容臣擇尤彙保以示鼓勵傷亡各勇查明照例辦理所有水陸兩軍克復樟樹鎮及收復新淦縣城緣由恭摺馳奏

奏稿卷七

至

伏乞

皇上聖鑒訓示施行謹

奏

曾文正公奏稿

卷之八目錄

疊奉諭旨縷陳各路軍情摺 咸豐六年正月初九日

周鳳山陸軍分兵小挫摺 正月二十二日

黃虎臣等攻九江勝仗片

會籌各路堵剿情形摺 二月二十一日

單舟管省途次聞警片

調羅澤南回援江西片

請給營員封典片

周鳳山陸軍回紮省垣摺 三月初一日

奏稿卷八目錄

撫州失陷調回水陸各軍片

平江營克進賢縣城摺 三月二十六日

吳城水師勝仗摺 全日

劉長佑援師克萍鄉縣城摺 全日

近日江省賊情片

官軍克東鄉縣進剿撫州摺 四月二十一日

克復建昌縣城摺 全日

江西士民請建羅澤南專祠摺 全日

江西近日軍情片

疊奉 諭旨縷陳各路軍情摺 咸豐六年正月初九日 奏為疊奉

諭旨縷陳各路軍情恭摺覆奏仰祈

聖鑒事竊 疊次承准軍機大臣字寄咸豐五年十一月二十

四日奉

上諭御史蕭浚蘭奏江西省南北被擾請擇要嚴防一摺據稱

在籍侍郎黃贊湯所帶兵勇及曾國藩營練勇四千名皆駐紮

固江鎮僅顧吉安一面等語著曾國藩陸元煇體察情形分布

要隘勿令竄匪四出滋擾等因欽此 伏查石達開大股賊匪

由湖北竄入瑞臨係在十一月初十以後茶陵另股土匪由湖

南竄入吉袁係在十月以前其時 並未調派兵勇前赴固江

黃贊湯專辦捐務鹽務亦並無帶兵之事假令固江鎮有此項

兵勇 與陸元煇黃贊湯等 斷無不會摺馳奏之理此該御史

蕭浚蘭所奏傳聞失實者也 又准十二月十二日奉

上諭臨江踞城之賊亦應急籌分剿現派兵勇均係前往瑞州

尚未計及臨江本日廉兆綸奏稱臨江竄匪漫無制遏裹脅日

眾尤恐其互相掎角牽綴我軍著曾國藩陸元煇妥籌兼顧等

因欽此竊 前調周鳳山一軍飭令先攻瑞州後剿臨江以瑞

州逼近省垣僅百二十里也 厥後周鳳山至省與陸元煇等熟

商瑞臨在河之西與省城尚有一水之隔樟樹鎮在河之東於

省城尤為肘腋之患遂舍瑞州不攻改為先攻樟樹次勦臨江

之策迫克復樟樹一鎮新淦一縣本可渡河以勦臨江矣因吉

安被圍緊急司道等移文周鳳山囑其赴援以解吉安之圍而

臬司周玉衡知府陳宗元在吉安圍城之中亦飛書請援於周

鳳山迫切待命往返耽延遂逾二旬現 與撫 文倭商省

城為根本之地瑞臨為切近之災決計先勦臨江無得以四處

告警東瞻西顧徒延時日此周鳳山一軍未克遽赴瑞州與

前奏不符之實情也又奉 上諭曾國藩現駐南康存營兵勇共有若干能否嚴扼九江之

衝即著妥籌布置不可專顧一路等因欽此伏查九江為陸路

入省之驛道南康為水路通省之總匯青山距兩府城各四十

餘里 之水軍久駐青山兩岸皆以陸軍護之實與九江呼吸

相通自周鳳山潯軍撤去之後九江小池口湖口梅家洲四處

之賊日夜環伺十一月二十日東岸湖口大戰臘月初三日西

岸青山大戰幸獲全勝均經奏明在案厥後又有土匪二千餘

人自湖北與國州而來竄據德安縣城去來不定聚散無常

處青山老營防禦五處之賊陸路存營之數除江西協防兵勇

及湖口紳士捐勇外不過二千九百人水路存營之數除撥赴

省河及分巡吳城外不過二千三百人兵力至為單薄而地形

又覺散漫此 處勉力支撐之情形也伏念 軍自岳州而下

秦稿卷八

水陸萬餘人合併一支從未分散去歲以來陸軍分爲三支羅澤南率援鄂之師五千人爲一支周鳳山接統塔齊布之舊部四千人爲一支李元度等率平江各勇三千人爲老營之一支水軍分爲兩支武昌十營楊載福所統者爲外江一支鄱湖八營臣新調彭玉麟來此統帶者爲內湖一支既已分而爲五矣而李元度駐湖之東又抽撥平江勇虎勇千餘人駐紮西岸是陸軍三支之外又分一小支外江則李孟羣帶船六十號別入襄河內湖則前撥船三十號外頃臣又飭彭玉麟帶船三十號馳赴臨江是水師兩支之外又分二小支愈分則人數愈寡愈析則氣勢愈弱其在湖北者距臣八百餘里在臨江者距臣五百餘里雖欲急圖合併而勢有所不能至於行軍之道擇將爲先得一將則全軍振興失一將則士氣消阻甲寅年秋冬之間臣軍所以長驅千里勢如破竹者以陸路有塔齊布羅澤南水路有楊載福彭玉麟諸人軍中士卒皆以塔羅楊彭爲法沿江村市亦知有塔羅楊彭之稱故能旌旗生色席捲無前不幸塔齊布中道殂謝而羅澤南楊載福彭玉麟三人者又分往湖北臨江不克遽聚一處而後起之才如周鳳山李續賓李元度數人者又未知果能血戰成名仰邀

恩眷否臣久困一隅兵單將寡寸心焦灼愧悚難名惟當督飭老營水陸嚴防五路之賊一俟湖北臨江兩處勦辦得手再圖

奏稿卷八

三

會合歸併一軍掃蕩羣醜以期仰慰宸廑於萬一所有疊奉寄諭縷陳各路軍情恭摺由驛五百里覆奏伏乞皇上聖鑒訓示施行謹

奏

奏稿卷八

四

周鳳山陸軍分兵小挫摺 咸豐六年正月二十一日

奏為周鳳山陸軍分兵小挫一次旋以全隊與賊接仗大獲全勝樟樹水師戰勝二次恭摺馳奏仰祈

聖鑒事竊周鳳山一軍紮駐新淦因吉安被圍迫切請援遲疑未定撫臣文俊與臣商以瑞臨逼近省垣決計先期臨江業經奏明在案當撫臣與臣往返商酌之際周鳳山未經奉札之前陸軍在新淦縣水師在樟樹鎮中隔七十餘里兩軍不相聯絡周鳳山因撥岳炳榮黃玉芳帶辰勇常勇八百人回駐樟樹護衛水師二十八日到鎮詎臨江之賊偵知官兵分支人數單薄遂於除夕元日由上游偷渡悍賊四五百人初二日寅刻來撲岳炳榮等之營岳炳榮隨塔齊布日久素稱驍健匹馬衝突十餘次柰眾寡懸殊漸退入營該逆層層包圍自卯至午火藥罄盡營盤被陷鍋帳全失士卒傷亡二百餘人岳炳榮衝出重圍奔至豐城收輯餘勇此陸軍分支初二日挫衄之實在情形也該逆乘勝直上新淦翼撲周鳳山之大營周鳳山聞警亦率全軍折回樟樹初三日與賊遇於瓦山地方該處地勢寬敞東有山嶺數處下為平原西邊沿河長隄一道隄內係大樹林樹之左旁民房頗密該逆分為六股隄上二股樹林四股周鳳山傳令各營先據山嶺紮住營盤以高擊下自督都司滕國獻畢金科擊樹林之左兩股都司周岐山唐得陞擊樹林之右兩股

奏稿卷八

五

奏稿卷八

六

參將阿達春都司李新華擊隄上兩股各營迎頭截尾奮勇向前六處逆賊鎗礮火箭火毬紛紛擲放我軍奮不顧身衝入賊隊刀矛對搗鏖戰逾時共殺賊一千餘名賊眾敗竄沿河逃奔各營奮力追勦將二十里一路殲斃又三四百名遁入河中溺斃者無數生擒八十餘名訊明正法奪獲翼拾承宣偽印一顆黃馬褂多件鎗礮刀矛旗幟號衣各數百件騾馬十四匹訊據生擒賊犯供稱此股賊匪四千人內有長髮老賊一千五百餘名皆係能戰好手偽翼王石達開特調令過河打仗歸右拾承宣張賊管帶初三之戰被我兵斬馘殆盡脫逃得歸臨江者實已無幾此初三日陸軍在瓦山大戰獲勝之實在情形也當初二日賊撲樟樹陸營之時水賊亦有戰船順流而下西岸又有陸賊二千人助之統帶江軍水師南河知府劉于濤派千總李逢春蔡康業擊江中之賊舟余化南等擊東岸之陸賊吳步鼇等擊西岸之陸賊旋見陸營火起岳炳榮等陸兵失利劉于濤自上戰船直前接應喊聲雷動分南岸窮追細數賊船大小三十五號我軍四圍包裹賊抵敵不住紛紛斬斷礮索棄船下水溺死者不計其數在船者盡被殲斃奪得長龍賊船四號燒燬三號西岸賊築礮台二座我軍齊礮攻擊賊死守抗拒劉于濤傳令有人奪礮一尊者賞銀二十兩弁勇奮不顧身蜂擁登岸各手刃數賊奪大礮十一尊火藥十餘石偽印一顆刀矛旗幟

號衣無數此初二日劉于潯水軍獲勝之實在情形也臣自初
聞瑞臨二府失守之信即派賀虎臣戰船三十號馳往與劉于
潯水師同防河面之賊旋聞賊在瑞臨峽江等處隨地造船恐
我水軍單薄又飭記名道彭玉麟帶二十餘船繼往先後奏
聞在案彭玉麟初四日抵樟樹鎮初七寅刻賊用破舊大船自
上游放下意圖衝動我營而戰舟與小划繼之彭玉麟督同都
司孫昌國帶舢板十餘號前進賊舟退卻進逼臨江河口賊之
戰船民船數十號岸上賊壘三座以大礮擡鎗護之我軍連環
轟擊賊以小划抵敵而其大者盡退入口內挽緯上行我軍盡
奪小划擊斃多賊乘勝衝過賊壘追入內河搶賊糧船三隻拆
毀浮橋奪杉木千餘株初九日彭玉麟督同孫昌國賀虎臣至
臨江河口攻打賊壘羣子如雨斃賊甚多該逆棄壘逃退入城
各水勇登岸踏毀賊牆三座望樓一座此水師初七初九兩次
戰勝之實在情形也伏查瑞臨袁州三府淪陷吉安被圍西路
業已糜爛省城與撫建各府在贛水大河之東久為該逆所窺
伺幸去臘有樟樹之克今春有瓦山之捷賊匪兩次東渡均被
我軍擊敗水師扼泊樟鎮疊獲勝仗東岸當可保全無虞日內
浮橋造成陸師西渡即當激勵將士迅克臨江以慰
聖主睠懷南服之意所有陸軍分兵小挫周鳳山全隊大勝暨
水師戰勝三次各緣由恭摺由驛馳奏伏乞

奏稿卷八

七

皇上聖鑒訓示施行謹
奏

奏稿卷八

八

黃虎臣等攻九江勝仗片 咸豐六年正月二十一日

再駐紮南康水師前隊紮泊青山陸軍則黃虎臣等紮西岸之青山李元度等紮東岸之湖口防禦九江小池口湖口梅家洲四處之賊兵數較寡勉力支撐情形兩次

奏明在案入春以來黃虎臣等熟商與其株守老營示之以虛弱不如進攻九江示之以不測遂於正月十八日丑刻分兩路進攻九江府城都司黃虎臣同知林源恩率虎勇平勇由東路周家嶺進武生黃之一由西路吳障嶺進九江後營游擊曾昭麒帶官兵二百繼之辰刻行抵東城多方挑戰該逆負隅不出黃虎臣飭哨官李大雄伏於左詹永清伏於右自帶小隊近前

奏稿卷八

九

誘敵飭哨官張唵同各勇佯為敗退該逆始由小南門開壁而出有自大東門縋城而下誘至路逕歧隘之處黃虎臣督各弁回馬大戰兩路伏兵衝出勇氣百倍該逆回奔追至城根柵城上礮石過多僅殲二十餘賊當東城接仗之時西門之賊出隊三百餘由接官亭至鳳凰山意圖鈔東路官軍之尾黃之一自西突出率弁勇衝入賊隊短兵接殺連斃三十餘賊並殺偽十五軍副總制搜獲偽印一顆賊遂潰散乘勢直追該逆復糾悍賊五百餘賊船八號水陸猛撲我軍且戰且誘佯為退走俟與曾昭麒接應兵近亦回旗大戰奮不顧身復入賊營殺賊八十餘名溺水者不計其數奪黃旗十四面小鎗刀矛數十件未刻

收隊此次兵勇僅及千人進攻潯城悍賊以少擊多兩路均以佯敗取勝可否獎拔數人歸於樟樹鎮案內彙保之處出自天恩理合附片奏報謹

奏稿卷八

十

會籌各路堵剿情形摺 咸豐六年二月二十一日

奏為會籌各路堵剿情形摺

旨覆奏並請

敕下廣東迅撥重兵防守贛州恭摺奏祈

聖鑒事二月初五日承准軍機大臣字寄咸豐六年正月十七

日奉

上諭文俊奏江西各屬賊勢蔓延請飭催兵撥餉一摺已諭知葉名琛柏貴何桂清趕緊籌款撥解並諭知駱秉章添調兵勇速飭劉長佑出境應援矣江西逆匪久踞瑞州臨江分擾袁州吉安各屬賊勢披猖人心惶惑兵單餉絀固係實在情形文俊

奏稿卷八

甫經到任於該省地勢軍情一時未能周悉現當萬分棘手之時儻布置稍疏難免貽誤曾國藩自抵江西為時已久賊情亦所深悉此時江西匪蹤幾欲蔓延全省既不能處處調兵又不能顧此失彼自應擇其最要之處先為攻剿現在瑞州臨江袁州吉安四府究竟何處賊情最為凶悍周鳳山一軍既由新淦進兵自應急剿臨江瑞州以殄賊渠周汝筠一軍現阻泰和尤應設法疏通俾得迅抵吉安劉長佑一軍離楚後應由何路進勦方能扼要著曾國藩即與文俊妥速會商務籌全局不可徒事張皇亦不可專顧一處軍情變幻靡常大勢所關應從何處下手則身在行間者必能擊其綱領該侍郎與該撫酌度機宜

即著會同馳奏以慰廛念至德安縣城據文俊奏稱已被潯城賊匪竄踞是否周鳳山全軍遠撤致有疏失抑或居隆阿等堵勦不力致該逆復有竄出此路一有疏懈關係長江大局該侍郎等近日如何布置並著速行奏報將此由六百里各諭令知之欽此仰見

聖主矜懷南服宵旰焦勞

指示機宜燭見萬里等欽佩之下尤切悚惶伏查江西全省以贛水為中路之經上發於贛南二府下達於鄱陽一湖吉袁瑞臨及極北之九南兩郡皆在永與鄱湖之西廣饒撫建及省會甯都州皆在贛水與鄱湖之東一水中分而兩岸州縣之

奏稿卷八

多寡地形之大小蓋略相等其袁州臨江二府之河名曰袁江至樟樹鎮而匯於贛河樟樹鎮者西近瑞臨東接撫建兩岸之關鍵省城之咽喉

諭旨垂詢最要之處臣等以為此時形勢實以樟樹鎮為最要國藩飭周鳳山陸軍彭玉麟水軍紮駐該鎮文俊又調周尊彝林葆等之陸軍劉于濬之水師隨同駐紮用全力扼守樟樹鎮以保東岸以衛省垣前此正月初六日周鳳山由新淦回駐樟樹鎮之時本擬迅速西渡進攻臨江因搭造浮橋甫成為二十一日狂風所壞而東岸無重兵扼守又恐一經渡河頓兵堅城之下反增東顧之憂此水陸嚴扼樟樹鎮未遽西勦之情

形也

諭旨垂詢何處賊情最為凶悍一節查各路探報並搜獲賊中文書據稱金陵逆匪由湖北通城入江境者以偽翼王石達開為首偽檢點賴裕新攻陷瑞州偽翼貴丈夏姓偽豫王胡以毗攻陷袁州偽春官丞相張遂謀夏官副丞相曾姓先攻臨江後攻吉安粵東另股土匪由湖南茶陵等處入江境者以周培春人數為最多又有賊目葛耀明陳守鄧象盧緯等均於瑞州投入石逆大股之中賊目關志江陳植槐等均於臨江投入石逆併為一又據周鳳山等稟稱吉安府城於正月二十五日失守

奏稿卷八

三

石賊於正月前赴吉安二月初十日復回臨江分遣賊黨攻圍贛州又有鄂省新到之賊及興國土匪於二月初八日攻撲武甯縣等細心察看石賊久踞臨江為上下適中之地凶悍之賊必萃於此南則窺伺贛州南安以通兩粵之餘匪北則踞守武甯新昌以通九江之歸路全勢注於江西意圖盡披枝葉困我省會凶謀詭計實可痛恨此賊匪各路分布之情形也諭旨垂詢劉長佑一軍應由何路進剿一節查劉長佑在楚追賊至道州因接札甚遲正月十五始回湖南省城旋帶兵由醴陵前進月餉不敷起程稍遲道途梗塞尚無入江確信等愚見擬令劉長佑先攻袁州俟克復後即由分宜新喻直下與周

鳳山一軍會合以攻臨江不必先往吉安恐孤軍深入腹背受敵東不能抵江省西不能返湖南文報不達餉道不通有進退維谷之患此劉長佑一軍酌籌進剿之路也至德安縣城被賊竄踞一節上年臘月十七日有瑞昌興國州土匪竄入德安縣城賊目係武甯之葉至華興國之劉宗魁劉大中及炎九將軍林姓匪徒約二千人該縣與瑞昌毗連賊蹤來去不常聚散無定春初僅贖數百人正月十三日全數竄出嘯聚於瑞昌武甯之間二月初二日竄入武甯縣內被該縣兵勇追剿四散初八日有湖北新到賊股合之興瑞土匪攻撲縣城據湖北巡撫胡林翼專差咨稱武昌城內分出賊五六千人竄往下游恐入江

奏稿卷八

十四

西等語不知攻撲武甯之賊是否即武昌分出之股此土匪先在德安後竄武甯併入粵匪之情形也至周汝筠一軍設法疏通一節查搜獲偽文書內稱粵東賊目王義潮統賊萬餘阻禦泰和使周汝筠之師不得進援吉安文俊前因其救援不力曾經奏參摘去翎頂另調游擊遮克敦布統率各勇四千由樂安永豐一帶取道援吉詎遮克敦布起程數日即得吉安失陷之信等語即令遮克敦布扼駐樂安屏蔽撫建擬令周汝筠退回贛州防守該府贛郡天然雄鎮為古來必爭之地儻有疏虞則兩廣積年之零股湖南郴桂之餘匪皆將以贛州為巢穴後患不可勝言等一面飭令駐贛文武設法防禦一面飭周汝

鈞折回郡城協同環守惟賊眾兵單不得不急求外援相應請旨飭下兩廣總督廣東巡撫迅派兵勇三四千人直赴贛州會同戰守保此重鎮庶足顧全大局除吉安失陷文武殉難各情另由臣文俊查明具奏外所有遵旨會籌各路堵剿並請撥廣東援兵防守贛州緣由恭摺由驛六百里覆奏伏乞皇上聖鑒訓示施行謹奏

奏稿卷八

十五

單舟進省途次聞警片 咸豐六年二月二十一日
再臣等自奉會籌軍務之旨臣文俊商請國藩晉省面商一切臣國藩以青山湖口水陸兩軍外則關係長江大局內則為本省東北藩籬未敢遽行抽身赴省二月十八日接據省信樂安陸軍挫損賊蹤已近撫州上游十分緊急等語不得已即於是日單舟由南康起程赴省十九日行至吳城鎮地方接周鳳山十四日樟樹勝仗之信二十日行四十里又接周鳳山十七日勝仗十八日大敗之信係由彭玉麟專函飛稟據稱周鳳山陸軍四十七連日血戰俱幸獲勝十八日賊黨數萬層層圍逼我軍疲勞過甚眾寡不敵全軍挫失營盤亦被撲去等語臣伏查我軍水陸全力扼守樟樹鎮雖陸軍僅四千餘人而勁旅已萃於此一旦挫敗所關極大該逆若直犯省城深為可慮臣國藩一面單舟晉省會商城守事宜一面飛調湖口青山水陸各軍同回省城以固根本除勝敗各戰情形另行具奏外所有臣國藩單舟進省會商途次聞警緣由謹附片奏

奏稿卷八

十六

調羅澤南回援江西片 咸豐六年二月二十一日
再石逆初陷瑞州臨江之時 臣等奏請羅澤南帶兵回剿先後

奉 上諭俟武漢克復酌量催調等因欽此現在賊氛日熾為軍興以來各省所未見周鳳山等軍斷難翦滅疊接胡林翼等來函稱武漢之賊堅守不出我軍攻城不與賊兵鬪但與礮子鬪傷亡甚多攻堅良苦等語是羅澤南在鄂一時尙難得手 臣等伏思軍情有緩急利害有輕重兩害相形則從其稍輕者假令武漢功在垂成亦斷不敢顧此失彼墮賊牽綴之計今既勢難遽克與其頓兵堅城攻遙遙無期之湖北又不如移師腹地救岌岌將殆之江西武 奏稿卷八 漢兩岸三萬餘人即無羅澤南一軍亦尙足敷防勦江省西南與湖南廣東接壤若不迅速殄除實為三省無窮之患除 臣國藩商胡林翼等酌調湘勇回剿外謹合詞陳懇請

旨飭下湖北撫 臣速令羅澤南兼程來江援剿實有裨於大局理合附片具奏請 旨 硃批另有旨欽此

請給營員 封典片 咸豐六年二月二十一日

再軍營出缺向例先儘在軍人員拔補 臣軍多係勇目出身營中無缺可補所有保至參游都守千把等官均未補有實缺文職由道府以至佐雜亦未能赴選得缺頃接胡林翼來咨布政司銜羅澤南鹽運司銜李續賓以戰功尤著請給予二品三品封典欽奉 特旨允准在案伏查 臣軍水陸各營打仗奮勇者實不乏人恭逢上年十月二十日 覃恩慶典該員等以未經補缺不得仰被榮施合無籲懇

奏稿卷八 皇上天恩准照羅澤南李續賓之例容 臣擇其尤為出力者照保舉之升階咨部請給 封典其曾經告假回籍者概不准給俾在營之士卒咸知戰陣無勇不得為孝即在家之父兄亦必互相訓誨其立功足以杜絕勇目紛紛告假回籍之陋習於鼓勵戎行之道實屬大有裨益是否有當謹附片具 奏請 旨

旨

周鳳山陸軍回紮省垣摺 咸豐六年三月初一日

奏為周鳳山陸軍在樟樹鎮大勝一次先勝後挫一次大敗一
次現已回紮省垣恭摺具奏仰祈

聖鑒事竊 臣等因樟樹鎮為四達之地全力扼守周鳳山連日
接仗各情業經附片奏

聞在案緣二月初八九日探聞石達開由吉安回臨江帶賊數
千名船二百餘號屯踞永泰地方十一二日又探得臨郡賊匪
由沙湖渡至東岸欲分三路來襲等語周鳳山因永泰沙湖皆
距樟鎮三四十里易進難退該處東近荷湖大橋前途新淦縣
復為賊據又可由小路繞至豐城來襲我後路途徑歧雜每日

奏稿卷八

九

派人輪流巡哨急圖進剿嗣知橫梁荷湖兩處各有賊三四千
名迨十三日賊以數百人至樟鎮隄上河邊兩路游探經彭玉
麟督率水勇擊退河邊一股礮斃長髮數名陸軍繼至亦將隄
上之賊擊退周鳳山以該逆逼近我營必須痛剿十四日卯刻
派四成隊紮大橋以防荷湖之賊兼顧老營後路水師戰船亦
紮臨江河口以遏賊船下竄周鳳山親督五營並約水師進剿
橫梁黎明行過樟鎮數里至狗頸隄地方見賊四股約五千餘
人以一股紮河橋一股紮隄左兩股紮河邊沙洲勢甚嚴整周
鳳山急調大橋兵勇迎擊左路自督諸軍堵擊橋上一股彭玉
麟見無賊船出河又慮河邊之賊包鈔隄上陸軍腹背受敵遂

令水師登岸協剿並以礮轟擊賊亦鎗礮連環施放都司畢
金科李新華各帶兵勇併擊沙洲裏面一股賊合為一我軍奮
勇前進刀矛並舉衝突數次斃賊百餘名賊猶抵死鏖戰橋上
之賊被斬及溺斃者數十名不能抵敵遂亦回奔我軍乘勢猛
進賊眾始敗隄左一股經都司周岐山唐得陞等擊斃及追傷
入水死者約三四百人賊亦同時敗潰我軍會合沿途復追斬
二百餘人並斬騎馬賊目三名直抵橫梁該處賊於民房外已
先紮營三座其內賊黨尙眾敗賊至此有窮奔兔脫者有藏入
民房者經我軍圍住放火焚燒羣屍骸悉成灰燼申刻收隊
荷湖之賊因我軍扼守來路亦未敢深入是日奪獲大銅礮一

奏稿卷八

十

尊擡礮鳥鎗刀矛二百餘件號衣旗幟八十餘件共殺賊七八
百名我軍陣亡四名受傷四十餘名此十四日接仗大勝之實
在情形也十六日石逆率眾數萬過河分據橫梁香溪一帶周
鳳山聞賊以全力來撲預飭各營同心協剿十七日辰刻約水
師分路馳擊行過樟鎮見賊約三千人由狗頸隄斜入香溪西
路各營奮勇衝鋒殺賊百餘奪獲器械旗幟多件此股已經敗
退隄上河邊復有賊兩股經彭玉麟督飭水師擊退亦斃賊多
名我陸軍進逼香溪猝遇賊之大股香溪地勢寬敞東有山坡
賊分四隊佔據都司滕國獻周岐山帶勇由右衝擊賊已敗退
正追殺開山左復出賊一股因守備岳炳榮千總黃玉芳等不

能抵敵滕國獻等遂率右路之勇回隊極力堵截不料大股賊匪由後蜂擁而來我軍鏖戰逾時傷亡不少此十七日先勝後挫之實在情形也十八日早周鳳山與彭玉麟商籌進攻賊匪已四路前來撲營當派七成隊迎擊參將阿達春與畢金科周岐山唐得陞等帶勇抵禦東北李新華與都司林保知縣周尊彝帶勇抵禦西南岳炳榮黃玉芳在後接應時西路隄邊彭玉麟已派礮船幫擊各營搖旗吶喊奮力衝突遙見樟鎮西南及大橋東北四面有賊十餘股畢金科周岐山等所擊東北之賊業已回奔其西南之賊亦經李新華林保等衝擊兩處各斃賊多名維時西南逆賊見東北賊敗遂向我軍之外繞冲東路鈔

秦稿卷八

主

在我軍之後岳炳榮黃玉芳等力難擋拄紛紛潰敗逆賊乘勢緊逼重重圍裹致西南路各營不能兼顧轉爲大敗傷亡兵勇幾近千人營盤全失糧臺委員前任甯鄉縣知縣馬丕慶候選訓導林長春候選府經歷李清華罵賊捐軀此十八日接仗大敗之實在情形也據周鳳山先後稟報前來等伏查該副將自臘月初四克復樟鎮本應乘賊不備速攻臨江乃顧慮東岸之賊未敢急進逮該逆已破吉安各路悍賊畢集樟鎮勢遂不支此次雖因連日血戰疲憊之後眾寡不敵致遭挫衄然該副將失機於前貽誤於後咎無可辭廣東羅定協副將周鳳山應請卽行革職都司銜守備岳炳榮應請革職守備銜千總黃玉

芳應請革去守備銜周鳳山黃玉芳仍畱營效力以觀後效臣國藩奏派周鳳山接統九江陸軍保奏失實請旨將臣國藩交部議處至陣亡前任湖南知縣馬丕慶請開復原官照知縣例從優賜卹雲南候選訓導林長春湖南候選府經歷李清華均請敕部從優議卹傷亡兵勇查明照例辦理所有周鳳山陸軍在樟樹鎮前後開仗緣由謹合詞恭摺具奏伏乞皇上聖鑒訓示施行謹

奏

秦稿卷八

主

撫州失陷調回水陸各軍片 咸豐六年三月初一日

再臣國藩於二月十八日自南康起行赴省二十一日到城與

臣文俊會商防剿事宜頃據探報撫州府城於二十二日夜失

陷撫州與廣信接壤難保不竄擾廣信該府為奏報進京江浙

轉餉之路一有疏虞四面梗塞後患何堪設想現調湖口李元

度一軍由饒州繞回進剿撫州以保廣信調青山水師退紫吳

城鎮青山陸兵調赴省城上年九江湖口水陸萬餘人今全數

撤入內地長江之大局莫顧東北之藩籬遠地前功盡棄回首

心傷然腹地無兵可調舍此亦別無他策目下所望以挽回全

局者在內惟李元度一軍在外惟羅澤南劉長佑二軍袁臨之

路久梗劉長佑迄無入境確耗其羅澤南一軍及廣東防剿贛

州之師請

旨再行飭催迅速來江援剿浙閩兩省與廣信建昌毗連請

旨飭下該省督撫嚴密防堵以免竄越至周鳳山一軍現在省

收集潰散臣國藩暫行統轄能否整理就緒容俟續奏所有近

日各路軍情理合附片奏

聞伏乞

皇上聖鑒指示機宜謹

平江營克復進賢縣城摺 咸豐六年三月二十六日

奏為陸軍平江營兩路在湖口羅溪先後各獲勝仗克復進賢

縣城恭摺馳奏仰祈

聖鑒事竊候選同知李元度一軍自湖口調赴饒州保全東路

曾經會奏在案湖南之平江縣與江西之義甯州接壤風氣強

健多經歷戰陣之士臣國藩上年招募平江勇飭李元度練成

一軍臣文俊到任以後又募平江勇二千餘人飭派候選知府

鄧輔綸候補同知林源恩一同統帶自周鳳山樟鎮失利以後

臣等二人熟商將兩處平江勇併成一軍共得六千餘人李元

度自饒州而來鄧輔綸林源恩自省城而往約會於進賢東鄉

等處冀以保全廣信而規復撫建先清省東之一路方李元度

自湖口拔營赴饒之時逆黨探知消息於二月二十二日出先

鋒馬七騎近營窺探我軍轟礮逐之二十三日卯刻逆黨復出

千餘人黃旗數百面分三路來撲我軍堅壁不動俟其逼近橋

壩左營哨官賴準發轟礮連斃三賊落馬營官彭斯舉胡益南

羊瀛吳齊源等分三路鈔擊殺賊六七十名內黃馬掛騎賊一

名追至黃土嶺逆首黃文金勒馬督隊各勇排礮指擊傷其坐

馬各勇攔刃立斃餘賊奔潰追入湖口沿途鎗礮傷賊約五六

二十九日李元度一軍行抵饒州是時樟鎮新挫撫州淪陷饒屬之餘千萬年皆有賊蹤賴南道耆齡在饒州防堵兵力單薄人心震驚遷徙幾空恰值李元度之師自湖口東來闔郡為之欣慰而餘千萬年之賊雖去饒僅數十里竟不敢直犯府城臣等因飭李元度留駐饒州半月而令鄧輔綸林源恩自進賢一路前往東鄉以圖會合進剿三月初七日鄧輔綸林源恩自省城起行臣等又派周鳳山帶本營勇八百前往助剿十一日行抵羅溪地方該處左右皆湖中惟一路延亘二里並行可二三

奏稿卷八

五

之地該逆排立湖岸旂幟紛紛礮聲四起鄧輔綸林源恩等督飭各營直前迅行馳過湖路該逆分三路來撲突於松林竄出千餘人賊目手執大黃旂招引眾匪都司周岐山等帶領鳳字營迎頭勦殺隨有賊千餘人由隄路鈔擊點放火箭噴筒鄧輔綸等派左營耿光宣李晉發帶領五哨沿隄截勦李晉發赤足爭先連躍數港刺賊多名旋有匪艇數十隻駛至河畔意圖鈔襲我軍右營高夢漢隨帶七哨攔河擊退繞至隄右截殺鄧輔綸等督帶中營寶勇都司畢金科接應後路該逆力不能支紛紛敗退奔回進賢縣我軍追擊十餘里始行收隊計共殺斃賊匪二百餘名取首級六十八顆奪獲旂幟刀矛藤牌擡鎗六十二件此十一日鄧輔綸等羅溪接仗獲勝之實在情形也十二

日黎明林源恩督帶中營勇五隊當先鄧輔綸領五隊繼之左營耿光宣右營高夢漢分二翼以擊其傍都司畢金科緊為接應周鳳山督率鳳字營嚴防河畔恐賊由撫河而來襲我之後布置已定各營進行離進賢縣城三里即有長髮賊數千從林間蜂擁直前勢甚兇猛林源恩帶前隊疾馳迎擊我軍士氣百倍立砍斃長髮賊一百餘名內偽參贊周姓一名典糧一名奪獲龍虎旗偽印等件隨點放劈山大礮及各排鎗轟斃四五十名該逆退奔各哨急追兜擊寶勇隨同接應復共殺斃八九十名共獲旗幟刀矛二百餘件鎗礮子藥無數中營哨勇由西北角梯繩登城殺守城賊十餘人燒燬望樓大呼同進耿光宣李

奏稿卷八

五

晉發由小路飛奔城下繞至東門正值該逆啟門潛逃耿光宣攔入截擊李晉發手刃偽指揮一名該逆抵死奪門爭逃我軍復掩殺八十餘名生擒偽司馬及真長髮三名奪獲刀矛鎗礮旗幟百餘件克復城池右營高夢漢戴鎮亦從西門衝入周鳳山畢金科由後路追入各有斬馘奪獲軍械甚多前後共斃賊五六百名追至二十餘里而還縣令史昌壽帶勇隨同克復即飭料理善後事宜安撫居民諭令薙髮此十二日進剿獲勝克復進賢縣城之實在情形也伏查省東撫建廣饒四府皆以進賢為咽喉必經之路此次兩戰克復東路漸有轉機臣等現飭李元度自饒州起程與鄧輔綸林源恩等會合迅往撫州圖克

郡城所有陸軍平江營兩路獲勝克復進賢各緣由恭摺由驛
馳奏伏乞
皇上聖鑒訓示施行謹
奏

秦稿卷八

七

吳城水師勝仗摺 咸豐六年三月二十六日
奏為吳城水師三獲勝仗並各處水師分布情形恭摺馳奏仰
祈

聖鑒事竊二月間樟樹鎮陸軍失利臣國藩馳赴省城將青山
陸軍調至省垣紮營城外湖口陸軍調至饒州以保東路青山
水師調至吳城以防下游業經奏明在案水師於二十六日行
抵吳城湖口賊船亦即尾追而上分泊於老爺廟渚磯等處而
德安建昌之土匪與湖口梅家洲之老長髮聯為一氣日夜耽
耽冀圖撲我水師我水軍各營哨弁驟與臣國藩相離又與陸
軍相離值風鶴迭驚之時處水陸四面皆賊之地未免中懷怯

秦稿卷八

七

懼臣等因調彭玉麟由樟樹馳赴吳城以資鎮攝三月初二日
彭玉麟尚未到防有陸賊數百人蜂擁而來至吳城後河西岸
搭造浮橋賊船亦至河口之下左營陳炳元右營鄧翼升後營
丁義方以長龍船紮泊前河前營親兵營各船紮泊後河而分
舢板之半由前河直下包鈔賊船以一半赴後河攻剿陸賊該
匪見官軍直下賊船遂退竄渚磯而陸賊排立望湖亭對岸施
放鎗礮我軍以舟中之礮擊岸上之賊未能取勝遂飭各水勇
一躍登岸揮旗直前刺殺長髮十餘名陸賊紛紛敗北我軍窮
追約二十餘里直至德安河口奪獲軍械大轎等件賊船之下
竄者水軍亦追逐十餘里後河上通建昌縣恐有賊划賊匿復

沿河上訴將小划概行焚燒此初二日水師登陸接仗獲勝之
實在情形也初四日彭玉麟抵吳城鎮飭各營嚴密防範十二
日有陸賊約千人由涂家埠搭浮橋而來至吳城上游分股鈔
出彭玉麟派嚮導左右三營舢板至前河上游攻擊陸賊後營
舢板紮駐後河防下游之賊船仍派長龍大船之勇登岸陸戰
賊之至河干者我軍舢板排礮齊發轟斃賊十餘名該逆無所
遮蔽遂退入隄內鈔出直窺街市我水勇初改陸隊已至街尾
與賊相遇火器刃矛兩相攻擊數進數退我軍突起直前傷斃
二十餘名該匪敗北追至小港之前梟水而遁我軍因後河陸
賊尙多未及窮追後河股匪見前岸已敗亦即回窺據生擒賊

奏稿卷八

元

匪供稱是日礮斃偽檢點周姓一名該逆火箭噴筒水老鼠等
件甚利係潮州之匪新投賊營等語此十二日水陸獲勝之實
在情形也彭玉麟以吳城水營之患不患下游湖口之水賊而
特患德安建昌之陸賊陸賊之來係由涂家埠搭浮橋而過必
先清陸賊來路之源我水軍始有安枕之日並探得賊由奉新
等處擄來船隻百餘號聚集涂家埠意將水陸來撲我營彭玉
麟與各營熟商涂家埠去吳城僅六十里與其待賊來而應之
不如我先往而擊之遂派後營嚮導營駐守吳城左右兩營前
往涂家埠攻勦十四日丑刻前進飛槳疾行午刻抵涂家埠見
賊浮橋二道甚為堅固橋內灣泊賊船約百餘號我軍船一齊

駛進該逆用擡鎗抗拒鏖戰逾時我軍點放排礮子如驟雨賊
勢稍卻各勇一鼓衝入砍斷錨本篋纜拆毀浮橋二道賊見我
軍衝過浮橋將所擄船隻急開往建昌河而去每船有賊四五
十人護衛我軍乘勢尾追賊之民船不及我戰船之輕便須臾
追至拋擲火彈一船焚燬眾賊驚慌或披礮擊斃或烈燄焚燒
或投水自盡或登岸竄逃我軍見賊大潰極力窮追約十餘里
建昌縣城之陸賊分兩岸前來援應我軍恐深入有失漸次收
隊援應之賊沿岸追趕河仄岸高不便攻擊我軍船仍回至涂
家埠見河岸平坦復開放排礮攢擊陸賊轟斃數十人賊復敗
退逃匿民房之內時已黃昏遂收隊夜回吳城計燒賊船數號

奏稿卷八

三

奪獲二十餘號生擒長髮二名旗幟器械刀矛衣物甚多此十
四日至涂家埠拆賊浮橋大獲勝仗之實在情形也臣等伏查
內湖水師自去歲駐紮青山姑塘以來東岸有湖口陸兵西岸
有青山陸兵兩相依護聲勢甚壯一旦與陸軍遠隔駐泊吳城
孤懸賊中幾有防不勝防之慮茲幸兩次登岸陸戰一次遠出
迎擊俱獲勝仗從此應可堅駐該處保障下游自吳城而外
等又分派都司金世蓮府經歷賀虎臣水師兩營駐紮饒州南
河知府劉于潯游擊劉國斌水師兩營駐紮市汊把總何啟長
一營駐紮省河相去均在三百里內以防上游之賊擄船衝出
外江之賊駛船內犯布置尙為周密理合一陳明所有吳城

水師三獲勝仗並各處分布水師緣由恭摺馳奏仰慰宸廑伏乞

皇上聖鑒訓示施行謹奏

奏稿卷八

三

劉長佑援師克復萍鄉縣城摺 咸豐六年三月二十六日
奏為道員劉長佑統帶湖南援師疊獲勝仗克復萍鄉縣城恭摺馳奏仰祈

奏稿卷八

三

聖鑒事竊臣等於三月二十五日十四日先後接據統帶湖南援師即選道劉長佑稟稱正月二十三日由湖南省起程馳赴醴陵營次所部各營兵勇分為兩路一由瀏陽進攻萬載一由醴陵進攻萍鄉二月初四日劉長佑親督楚勇二千餘名進紮萍鄉之黃花渡地方因西南小路可鈔我軍之後遂畱守備黃三清之勇暫駐醴陵派都司田興恕守備梁開國之勇暫駐萍鄉之油塘鋪初六日往葡萄嶺相度營盤地勢行抵離萍城十里之青山鋪探報有賊數百悉伏山後劉長佑派守備梁開國千總石有周前往偵邏擊斃二十餘賊忽城內擁出大股約三四人分三路鈔來梁開國石有周等且戰且誘回至青山鋪劉長佑率勇由中路迎擊鎗礮齊施刀矛並舉該逆紛紛退向山坡欲助左右兩路併力來鈔我軍百長許繼衡等與黃三清祁勇由左路迎擊百長李明惠等與田興恕虎威勇由右路迎擊梁開國衝入賊隊手刃紅衣賊目許繼衡等復從松林截出殺賊百餘名左路敗退時右路之賊猶欲傍山來鈔我後勇目沈宏福等不避矢石衝上山頂該逆勢蹙多從懸崖墜斃兩路直逼城根城內賊復悉眾出集計將乘我我軍返旗回擊將

賊隊為兩段復大敗之計斃賊三百餘名割級七十五顆奪獲鎗礮旗幟刀矛無算此初六日在青山鋪與賊接仗獲勝之實在情形也初七日劉長佑飭令田興恕梁開國移營黃花渡楚勇與黃三清祁勇進紫葡萄嶺定於十一日進攻萍城方於卯刻出隊該逆已蜂擁前來撲營劉長佑派百長李明惠等出擊左路許繼衡等並黃三清祁勇出擊右路殷開選等擊中路見黃衣賊目於葡萄嶺峽撲來鄭金華身先陷陣鎗斃持令賊而前隊猶死拒不退劉長佑潛由路旁田隴橫鈔以出該逆後隊敗退首尾不能相應黃衣賊目與匪眾迫欲退走已被我軍前後夾圍時左右兩路之賊業經奔潰因賊首被圍回頭衝突

奏稿卷八

七

欲求救護我軍分投截殺田興恕梁開國等俱至該黃衣賊目被圍愈急與其黨悉匿賀家民房猶於牆壁鑽穴暗施鎗礮並率老長髮百餘名躍立屋上拋擲磚瓦火彈我軍百長李光祝唐三祚等短兵直入該逆放火延燒門壁其冒火衝出者悉被我勇截殺黃衣賊目脫卸衣帽口咒數遍撲火自焚賊黨二百餘人俱成灰燼時各路之賊知賊目被焚心寒膽落拋棄器械鼠竄入城我勇環攻逾時飢乏收隊是日約斃賊千數百名生擒七十餘名割首級三百八十顆奪獲器械旗幟無算劉長佑以該逆經此痛勦自應乘勝進攻迅圖克復傳令次早攻城四更時遙見城外火光四起探報土匪逃散該逆將城外各巢自

行燒燬勢將他遁即乘月督隊前往黃三清李明惠等由城西大路進攻田興恕梁開國等由城北小路截出該逆望風驚潰自相踐踏我軍一面追勦一面入城安撫子黎此十一日大獲全勝十二日克復萍鄉縣城之實在情形也其另一路之由瀏陽進攻萬載者為候選同知蕭啟江把總楊恆陞兩營二月初九日紮駐萬載之株樹潭十一日察看地形分布各隊遙見株潭南岸有賊千餘由樹林直趨平岡又有賊千餘繞出河邊欲鈔我勇歸路復有賊二千由市口渡橋飛奔而來繞出營盤之後把總周崇高率四哨勇與平岡之賊相持蕭啟江急馳平岡助戰忽山下有賊千人蜂擁而至乃麾令軍功彭文德等併力

奏稿卷八

七

抵住而把總朱桂秋等亦馳至鈔擊賊遂潰奔蕭啟江率外委周友勝等由渡橋直趨市口回顧營盤適橋邊之賊已為把總楊恆陞等從後追勦蕭啟江復進逼山下之賊楊恆陞亦張左右翼鈔之賊被圍紛竄我軍節節追逼逃者無幾逾時三路之賊忽合撲營壘守營之蕭啟淮等派三成隊從營中擊出四面進蹙該逆欲逃無路溺水死者不可勝紀是日約斃賊千餘人生擒五十餘名此又瀏陽一路在萬載株潭接仗獲勝之實在情形也劉長佑以萍鄉萬載之賊均經痛勦自應乘勝直取袁郡惟萍萬兩邑路徑紛歧沿途市鎮均有賊據猶恐我軍深入賊或鈔出我後致有顧此失彼之虞仍擬分派各營節節搜勦

一俟兩路會合然後併攻袁州等語先後稟報前來臣等伏查萍萬兩縣與湖南接壤山路歧雜最易藏奸長髮土匪勾聯一氣若非步步廓清即恐深入賊地腹背受敵已批飭劉長佑節節搜剿庶免疏失所有湖南援師克復萍鄉緣由恭摺由驛馳奏伏乞

皇上聖鑒訓示施行再此案因道路梗塞稟到稍遲湖南巡撫或已先行具奏合併聲明謹奏

奏稿卷八

奏

近日江省賊情片 咸豐六年三月二十六日

再二月二十三日賊匪竄撲撫州二十八日竄擾建昌臣等方以廣饒二府為慮適李元度一軍自湖口來饒而大股賊匪於二十六七日自萬年安仁竄至安徽之婺源祁門等縣據各路探報互有同異或云該逆因金陵窮蹙偽翼王石達開帶大股賊二三萬人東下救援或云廬州官軍攻剿桐城甚急石逆回救安慶之集賢關或又云石逆尚堅據臨江府城派廣東新附之賊下救金陵各等語臣等伏查石逆現在何處雖無確耗而萬年安仁等處實有賊二三萬人經過下竄婺源此則人人共見眾口一詞臣國藩已飛函馳告向榮軍營目下江西賊勢

奏稿卷八

奏

稍分勦辦較易措手臣文俊督飭司道講求城守事宜料理差為完備臣國藩收集潰散陸軍裁併訓練擬即派赴西路攻克近省各屬以冀肅清腹地所有近日江省賊情理合附片馳奏仰慰

聖主宵旰塵系之至意謹奏

官軍克東鄉縣城進剿撫州摺 咸豐六年四月二十一日
奏為官兵克復東鄉縣城進剿撫州破賊五營並全軍渡河連
日圍攻撫城各情恭摺奏仰祈

聖鑒事竊三月十二日鄧輔綸林源恩等克復進賢縣城業經
奏報在案嗣據李元度稟稱三月二十日行抵安仁東鄉二縣
交界之白港遇有逆黨窺探即派哨官賴準發等追擊直至東
鄉縣城時偽監軍熊近光偽軍帥錢懷榮在城盤踞並有撫州
新來之賊二百餘名經賴準發等擊殺四名生擒十一名餘黨
竄往撫州適署東鄉縣令吳朗亦帶團勇趕到因令入城安民
此三月二十日李元度克復東鄉縣城之實在情形也二十二

奏稿卷八

奏

日鄧輔綸林源恩周鳳山等齊到東鄉與李元度一軍會合分
紮南關外共八千餘人冀先規復撫州撫郡之賊聞官軍將至
調集醜類希圖抗拒二十三日偽指揮李逆率眾三四千人分
三路來犯我軍出隊迎擊哨官周友勝等奮力衝突立殺悍賊
數十名偽官十餘名該逆紛紛潰退追至八里外之石橋仆水
者數百人兵勇攢矛溪水盡赤逃匪之過橋者營官彭大壽等
窮追三十五里適賊在民房解甲傳餐兵勇圍剿復殺三百餘
名當斬偽指揮李逆梟其獅帽紅袍並殺黃馬褂偽官一名午
刻收隊回營查明鄧輔綸林源恩一軍殺賊六百餘名李元度
一軍斬賊三百餘名共生擒一百七名奪獲旗幟號衣軍裝無

算馬十六匹此三月二十三日撫州之賊來撲東鄉我軍迎剿
大獲勝仗之實在情形也二十五日進紮汀橋距郡城十里探
知城河東岸有賊營數座彭斯舉等察看地勢愚賊來撲斬獲
十餘人日暮歸隊議休息一日大舉夾攻二十七日卯刻大霧
迷漫我軍行近賊壘賊始知覺中路林源恩首攻橫街口賊營
該逆將民房數所併為一營增立磚城木柵左據大溪為濠右
因小港為塹鹿角鐵菱森立環布隘口砌石成臺雷門置礮勢
極堅固守備周友勝呂克生等偕勇直撲鎗礮齊施該逆從礮
孔轟拒我軍且撲且進受礮傷凡數十人各勇愈加憤勵從礮
石雨注之中拔地刺而入適放礮子落賊藥桶城中火起各勇

奏稿卷八

奏

乘勢從礮門緣入連殺百餘賊又擲火彈中賊之藥局烈焰衝
霄焚勦殆盡橫街口一營既破遂分攻正覺寺兩營耿光宣李
晉發等攻迤左一營高夢漢督勇昇礮擊斃望樓之賊數人立
燬其樓各勇躍入縱火該營遂破彭斯舉等攻迤右一營斬關
直入亦縱火焚之賊營只立兩門緊閉千金開火起猝不得出
攀簷上屋紛紛墮烈燄中兩營相繼而破維時左直街尚有一
營餘賊方欲逃入不料已為彭斯舉等所圍先鋒唐廷健等拋
擲噴筒煙燄破空林源恩陳大力高夢漢耿光宣等營及周鳳
山之勇左馳右突圍殲立盡又有河東灣一營為吳齊源彭大
壽等繞道圍攻該逆閉門轟礮死拒哨官賴準發首從礮孔撲

入... 華等各放噴筒賊首... 然從牆隙探望數以千計轉... 以東五營一時盡破轟斃殺斃溺斃燒斃約共五六千人生擒... 百餘人奪獲三四百斤大礮五尊銅礮子母礮各二尊擡鎗刀... 矛旗幟號衣藤牌虎叉等物一千四百餘件查點我軍陣亡十... 六人受傷百餘人此三月二十七日在撫州勦賊連破五營之... 實在情形也賊之在城內者阻水爲固以巨礮橫截文昌橋我... 軍因移營南城外之千金坡擬從上游搭橋過渡四月初二日... 李元度督勇縮搭浮橋城內二三千賊分股來撲一從清風門... 過河埋伏千金坡之樹林中一出文昌橋鈔我後路一從五里

奏稿卷八

完

塘對岸列陣阻截造橋之處鄧輔綸派二營從右隄上鈔截林... 源恩率勇迎擊中路周鳳山從左邊隄上邀擊平江中營右營... 等過港尾追該逆紛紛退走追至文昌橋畔逆黨鼠伏亭中從... 石窗內開鎗抵禦相持至四時之久方慶戰時李元度念造橋... 難成不若乘隙飛渡之爲先著因令左營新中營用小划木筏... 先濟各哨繼之大半解衣晷水不過兩時卽已渡訖其城東各... 營酣戰者聞渡河之師已畢始從文昌橋收隊是日楚師直逼... 城下與江軍夾河而營次日全軍畢渡同紮五里塘此四月初... 二日在千金坡禦賊乘閒潛渡之實在情形也全軍旣已渡河... 卽可乘勢進攻初四日定議鄧輔綸等所部各營攻南門清風

門周鳳山及寶勇等攻西門李元度所部各營攻北門均備長... 梯以便乘墉而上城上城下鎗礮對放斃賊約二百名我軍受... 傷者亦有二百餘人午後鼓勇復進而大雨如注火器盡溼遂... 傳令收隊初七夜分路襲城以該匪準備嚴密無隙可抵初九... 日進紮西南隅距城止半里許該逆出城分撲各營且紮且戰... 殺賊七八十名賊遂閉城拒守是夜李元度等分隊攻城輪班... 更替次早逆匪傾巢而來我軍短兵相接自辰至午酣戰三時... 周鳳山親自衝鋒唐德升尤爲驍健雖殺賊僅四百餘人而迴... 合苦戰誓死不退兇悍實異尋常我軍傷亡亦近百人此四月... 初四初七初九初十等日夜在撫郡攻城士卒奮勵之實在情

奏稿卷八

完

形也伏查李元度自克復東鄉以來步步爲營與鄧輔綸林源... 恩之師會合聲威頗壯進逼郡連破賊營晝夜環攻士卒洵... 屬用命惟城內悍賊堅守如故而建昌瑞臨之匪猶敢伺隙來... 援臣等現派水陸兩營扼紮李家渡地方以絕逆黨應之路仍... 接飭各軍激勵士心以期克復要郡先清東路所有克復東鄉... 縣城進勦撫州連破五營並全師渡河攻城獲勝各情恭摺由... 驛奏

聞伏乞

皇上聖鑒訓示施行謹

奏

元復建昌縣城摺 咸豐六年四月二十一日

奏為官軍水陸克復建昌縣城旋復進攻瑞州奉新未能得手恭摺馳奏仰祈

聖鑒事竊南康青山陸軍調省紮營城外及吳城水師三次獲勝均經奏明在案臣等以水師無陸兵依護恐致挫失二月十五日札調都司黃虎臣督帶三營馳赴吳城護助水師相機攻勦建昌縣陸軍至吳城鎮搜勦涂家埠等處二十二日約會水師後營丁義方嚮導營孫昌國同往進攻建昌縣城該縣西南兩門臨河前營胡應元帶弁勇從下游渡河黃虎臣李大雄帶各弁勇從上游渡河我軍半渡之時賊匪分三路來迎南門出

陳奏稿卷八

聖

賊約二千餘人排列沙洲西門出賊千餘人前抵河岸東門出賊亦二千餘人於隄上包鈔欲截我軍之尾勢均兇悍黃虎臣派李耀南朱邦武等衝擊沙洲胡應元帶勇進擊河岸李大雄帶許志清等直攻隄上水師亦開礮轟擊以壯聲勢朱邦武奮不顧身首先陷陣手刃數賊中鎗陣亡各弁勇不稍怯退發奮爭先是時哨官許志清衝鋒突陣殺一賊目並奪其馬被他賊子搗而墜我軍幾不能支黃虎臣與各營哨商曰今日前有堅城後有河水一退則全軍皆沒不如併力進戰幸而獲全於是人人皆知背水之險爭前血戰適黃載玉馳救許志清得脫於難須臾轉為大勝賊眾紛紛敗北我軍追勦殲斃約四百人

水溺斃者不計其數黃虎臣等勒馬縈迴周城馳驟指揮環攻水師亦出旱隊協攻該逆閉城抗拒城上礮石驟如雨下火包火箭紛落烈燄蔽空我軍負傷雖眾猶復拽樹梯城至日暮始行收隊回至二里半地方駐紮黃虎臣以逆賊受此大創眾已膽寒即與各營官計定乘夜復攻三更時攜帶火器前進五更復抵城下四面圍攻李大雄首先登城拋以火蛋焚燒賊棚各門亦先後齊登賊突北門敗走我軍一面追勦一面窮搜城內餘匪殺斃數十名城上賊棚概行燒燬東門延燒民房立即撲救在城安撫一日仍即收隊回省此二十二三等日在建昌大獲勝仗克復縣城之實在情形也四月初四日復由省城派黃

陳奏稿卷八

聖

虎臣等營進攻瑞州府派水師之駐市汊者前往會勦大雨如注日夜不息初六日陸軍紮營距城十五里之祥符觀黃虎臣帶勇百餘名赴城下探視情形猝遇騎馬賊目亦帶匪百餘出哨我軍向前衝擊殺斃長髮及溺死者十餘名初七日進攻城垣瑞州府分南北兩城中跨一河四面環以深濠該逆負隅堅守黃虎臣傳令佯為退後誘其出城賊果由孚順門突出數百人勢甚兇猛我軍奮力直前殺賊三十餘人斃黃旗賊目一名正在鏖戰之際大雨傾注濠深逾丈因收隊回營初八日知府劉于濤游擊劉國斌自市汊帶領戰船到瑞會合夾攻該逆堅守如故我陸軍無可施力水軍汧流上擊兩城對峙中有石橋

相通賊於兩城及橋上均置大礮我軍深入轟擊並放火箭燒燬賊巢賊礮三面俱發我水師陣亡二人受傷二十餘人劉于潯黃虎臣等正商再攻之策忽聞豐城一帶賊乘虛下竄水師因於初九日拔營回赴市汊陸營亦於是日拔營回剿奉新縣奉新距瑞郡六十里黃虎臣欲乘賊不備輕騎掩襲督率弁勇衝過南門木橋攻破土壘殺賊二十餘人賊遂退入北門我軍環繞城下攻擊三時之久傳令收隊不意城內之賊蜂擁而出黃虎臣揮隊回敵而我軍遠來飢困主客勞逸情勢迥殊士卒小挫退奔都司林保胡應元滕加洪等極力抗拒連斃數賊奪獲黃旗十餘面賊始退回查點我軍傷亡一百餘人仍調回

奏稿卷八

省城駐紮此四月初八九等日攻剿瑞州奉新未能得手之實在情形也臣等伏查近省郡縣為賊佔據自應逐一剿除以清肘腋之患且大軍現攻撫州尤宜勦各處以為牽制之計惟逆賊慣技長於堅守而我兵勇單寡又不能處處圍攻建昌雖經克復旋有賊蹤往來現將各營調歸省垣時加訓練以期相機再剿近省各屬克復名城廓清賊氛所有克復建昌縣城後勦瑞州奉新各緣由理合具摺馳奏伏乞皇上聖鑒訓示遵行謹

奏

江西士民請建羅澤南專祠摺 咸豐六年四月二十一日 奏為布政司銜道員羅澤南在湖北陣亡江西士民籲請建立專祠以伸愛慕恭摺具奏請

旨飭遵事竊羅澤南自去秋克復甯州之後單騎來南康與臣面籌進取之策矢志廓清武漢以圖會合水師夾江而下仍為建瓴之勢遂以八月十六日啟行迤往力破崇通蒲圻之賊直擣武昌臣國藩以其頓兵堅城日久未下恐師老挫衄而江西寇氛孔棘奏調羅澤南來援於時道路梗阻自正月以後五次遣使赴鄂迄無音耗中心惶惑至三月二十九日始得胡林翼細字復書則羅澤南已於月初受傷殉節矣臣以正在用兵

奏稿卷八

之際恐損士氣祕不告人而江右士民潛知消息咸深痛悼旋以公論欲為建立專祠稟請前來臣伏查羅澤南自咸豐三年正月隨臣出辦團練管帶湘勇慨然有志殺賊以拯時艱經今四載大小百數十戰所向克捷與江忠源塔齊布同時並起而戰功則較兩人為尤著自岳州以至九江雖水陸併進與大隊齎驅而獨當一面之處為多岳州之戰羅澤南力扼大橋一路崇通之戰羅澤南力破羊樓崗數壘規復武漢之時塔齊布羅澤南與各員并集臣舟會議羅澤南手出一圖定南岸分為三路而花園堅壘則自任攻之田家鎮之役羅澤南大戰半壁山破南岸之賊營而後可斷江中之鐵鎖此羅澤南與人同功而

究不因人成事者也若其功在江西者咸豐三年六月賊圍攻江西省城羅澤南偕諸軍赴援抵江後獨剿吉安安福之賊以數百勁旅禦五千匪徒旬日戡定吉郡至刊刻詩文數卷歌頌功績五年三月廣信之役賊破府城南及三日羅澤南四戰克復賊退之後嚴禁兵勇入城並禁土匪搶掠百姓之逃難歸來者但見家室依然倉箱無恙相與感激次骨義甯州之戰以三千人破數萬眾居民尤詫為神奇是時腹地安謐閭井晏然無驚逮羅澤南率師赴鄂粵東新匪自茶陵入竄吉安石達開自通城入陷瑞臨曾不數月各屬糜爛故江省士民深悔羅澤南去日未得攀留而此日之願請建祠為出中心之誠輿論之公者也臣又竊念羅澤南以窮苦諸生砥學礪行伏處授徒咸豐元年薦舉孝廉方正亦未請咨赴京其胸懷恬澹不求聞達概可想見乃一旦仗義從軍毅然以身許國冒危險而不顧及蒙聖恩洊升監司加銜藩牧賞賜勇號

賞戴花翎彌覺受寵若驚誓滅賊以報君恩聞其彌留之際殷殷以武漢未復為憾忠誠內蘊久而彌篤其之有功德於民則祀以死勤事則祀之義實屬相符合無仰懇

天恩准於江西地方為羅澤南建立專祠以褒臣節而從民望
是否有當伏乞

皇上聖鑒訓示施行謹

奏

奏稿卷八

四

江西近日軍情片 咸豐六年四月二十一日

再逆首石達開或云下竄徽甯或云回救安慶或云仍據臨江府探報不一傳聞異詞業經臣等於三月二十六日附片奏明在案近來吉袁瑞臨撫建等府之賊深濠密籤閉城堅守近省之豐城奉新安義靖安建昌德安等縣亦皆有兩廣老賊督率新附之匪踞守城池官兵不至之處則擄糧催貢民不堪命官兵一往則援賊四集該逆詭計蓋欲堅守各城使我疆土日狹餉源日竭省會成坐困之勢逆謀兇毒實堪髮指臣等悉心籌商目前勦辦之法惟當力保廣饒以通蘇杭之餉道先勦撫建以固閩浙之藩籬此江西本省之兵勇所能竭力以圖者其南路贛州則不能不藉廣東之援師西路吉袁則不能不藉湖南之援師頃接據探稟萬載已於四月十三日克復又接劉長佑函稟連日獲勝漸逼袁郡胡林翼亦派劉騰鴻普承堯等率勇四千來江援勦仰託

奏稿卷八

聖

皇上威福西路或有轉機南路吉贛一帶文報久梗仰懇天恩飭下兩廣督臣檄催援兵星馳踰嶺保全贛州會勦吉安不勝跂幸至於江西軍務臣等身在局中聞見較確其各處奏報之詞前此或稱省會被圍近日或稱真賊盡去皆因賊蹤飄忽道路阻塞傳聞失實在所難免臣等忝廁軍旅不敢過事張皇亦不敢稍涉大意理合將近日軍情縷晰具奏伏乞

聖慈垂鑒指示機宜謹

奏

硃批知道了廣東已屢有寄諭飭催崑壽帶兵進援矣欽此

奏稿卷八

吳